


叢書集成續編

第一六〇册目錄

文學類



詩文別集——清

心嚮往齋詩文集二十卷·····	清	孔繼鑠著	求恕齋	一
附絅齋隨筆一卷·····	清	孔毓焯撰		二八四
勿二三齋詩集一卷·····	清	孔廣牧撰		二九四
飲冰子詞存一卷·····	清	孔廣牧撰		三〇六
紹仁齋浦游吟一卷·····	清	孔昭寀撰		三一三
林風閣詩鈔一卷·····	清	劉淑曾撰		三三〇
敦良吉齋文鈔四卷詩存二卷詩存補遺一卷·····	清	徐子苓撰	集虛草堂	三三七
靜虛堂吹生草四卷·····	清	王章撰	金陵叢書	五一五
通齋詩集五卷文集三卷外集一卷·····	清	蔣超伯著	懺花庵	五八九
賡縵堂集八卷·····	清	何彤雲撰	雲南	七一一

辛酉三月

心
鄉
社
齋
集

安善吳夫昌碩篆



南	林	劉	氏	求	怒	齋	刊
---	---	---	---	---	---	---	---

心鄉往齋集序

丁亥春子與孔子印川同客彭城一日印川肅衣冠奉書高尺許再拜而請曰此先王父心鄉往齋集也昭宋七歲而孤奉王母與母流離無定居先世遺書零落略盡先王父治詩數十年與海內耆舊相誦唱凡數千篇已刻者只和陶二卷壬癸詩錄四卷于南詩錄二卷江上集二卷板存南清河燬於皖寇其他手稿散佚者十六七昭宋既長沙少掇拾手自編錄成此八巨冊而治詩之孰爲先後與其應存應刪昭宋不學未敢臆測與先子游處者又皆爲陳人無可是正獨先生負江表碩

序

一 求恕齋

望辱與先子交知先王父久且深敢以是編上乞爲定正而排比之匪唯昭宋世子孫感且不朽抑亦先王父先子九原所屬望也予與力堂印川兩世交且服膺宥函丈之詩義不忍辭其年冬予供職筆下藏是編篋衍中會有典圖之役未暇審正也辛卯六月印川以宣防溺於河子重哀之而益不忍負死友之託宦轍所至輒以是編從辛亥而後遞迹海上始少事董理釐爲二十卷凡詩十七卷末三卷則雜文也翰怡京卿有叢書之刻舉以商之翰怡亦知宥函丈者遂壽之木人事牽率三歲而後卒業距印川授予時三閱終星始得藉手

翰怡以踐夙諾爰序其顛末於簡首兼以報印川地下也又丈之祖友梅先生桐齋隨筆暨力堂印川與印川之妃劉恭人遺稿亦附及焉辛酉春分金壇馮煦時年七十有九

序

一 求恕齋

心鄉往齋集序

國初稱詩者南有竹垞北有漁洋並清裁雅尚標舉宙
合其時若施愚山之真摯查初白之和雅吳野人之朴
老吳漢槎之沈雄並賡唱迭和一洗前明王李之叫囂
鍾譚之纖仄鏘然為一代元音自是以降日流浮靡雍
乾而後袁隨園負縱橫之才遭時隆平詩學中衰遂以
率易浮薄之詞簧鼓無識刀筆之倫巾幗之秀偶得一
章一句率為揚詡侈焉以大雅歸之而詩學掃地盡矣
沿及道咸潘四農先生崛起於江淮之間緣本六義力
矯隨園末失而上追乎孔子與觀羣怨事父事君之旨

序

一 求恕齋

詩學中興始軌於正孔宥先生則從四農先生游而
傳其詩者也其說詩以杜為權輿以陶為歸宿為之羽
翼者益陽則湯海秋鵬道州則何子貞紹基漢陽則葉
潤臣名禮山陽則魯通甫一同並奉潘氏為圭臬而於
先生若笙磬之同音椒蘭之共臭海內稱詩者翕然宗
之予耳先生名久其詩僅見於時流所藏歎為奇絕而
惜不窺其全也丁巳之秋馮蒿厂丈出其全集相示則
其孫昭宋所手寫也予授而讀之先生之詩雖出於潘
氏然丁粵寇之亂支離兵間卒以身殉凡夫國是之顛
越軍事之皆廢士氣之摧頽民生之彫劫皆百鬱其中

而不得申乃一於詩乎發之所遇視潘氏彌苦所作亦
視潘氏彌深蓋鬱伊愴愴憂時閔亂之詩皆潘氏所未
曾有則時為之也讀既竟乃授之刪氏以永其傳並述
本朝詩派之流別與先生之得於潘氏以詔後之學詩
者知所歸焉又先生之祖毓焯著綱齋隨筆一卷皆甄
極理道稿有心得之言先生子廣牧孫昭宋與其婦劉
遺集各一卷並附於後以見先生一家之學云庚申夏
六月吳興劉承幹序於補陀息來禪院

序

二 求恕齋

壬癸詩錄序

世謂少陵詩為詩史舉國家政事之善敗用人之得失與夫古今治亂興衰之源流悉載諸詩為天下後世鑒而身世逢遇之際枯苑通塞存乎其中後之人讀其詩知其人有不待考諸傳誌者矣孔宥函先生邃於詩者數十年得詩千百首大抵關於朝野身世之故流連景物之製概略焉壬癸詩錄尤先生之感時傷遇者也東南敞於寇者三四年壬癸兩歲為尤甚摧剝破滅以至今日難猶未已也先生痛其禍之鉅瘡痍之深作排悶野望諸詩以暴其憤不規少陵而神骨自合抑陪危刺

序

一求恕齋

促之境有迫之使肖者士大夫權不已屬蒿焉於時事之謬悠每託空文以自見閱千百年後以意逆志深悲其所遭且以詩考世而曉然於一代之治亂有所由來詩之為功不與史媲美乎今先生厄於時名進而仕不顯垂白向暮兵戈騷然或謂陵厲孤危適成其蹇悲哀愁苦或易為音是猶未知先生之詩之真者矣先生蓋有通乎是非美刺之原擴乎章句比興以外如諷如訴或歌或泣作者讀者心口如一身焉是豈窮達流離興衰枯苑足以二之者乎肇增播越餘生窮栖陵澤抑塞欲吐先生先之矣哀錄見示僭為釐定以付手民來日

輶軒或不以野人為多事也甘泉李肇增

于南詩錄序

夫江而嶠也淮而胎簪桐柏也漢漢而番冢也源也昔宣聖論詩邇事父遠事君晉宋以降阮陸潘謝范陳宋沈之徒愾憤殺逆獲戾名教陳思王之履危疑救忠孝陶靖節之絜身知命李杜之懋日時艱而恒懷軍國騷雅儒宗噦熒億古詩曰密勿從事不敢告勞傳杳背憎職競由人又曰豈不懷歸是用作歌將母來諭讀于南詩錄輒神進者久之寶應成蓉鏡

江上集序

序

二求恕齋

往二十年與宥函稱詩都下中朝士大夫方相與導陽中聲追藉正始文章敦槃之會無虛日後數年宥函改官南河與余里居為近於時海內魁艾英達之士蹉跎彫謝搖落四方獨余兩人時相磨切而宥函之詩一變而清夷沖約今世之所行和陶諸刻是也又數年宥函棄官歸養歲月如流忽忽十餘載天下方苦兵沿江二千里撻伐不休戎旃四出君始以其蕭然物外之身慨然馳驅於當塗當是時諸將連數萬之眾苦戰東南三城之下矢石交於盾睫斬馘纍纍竿旌而左右君猶時時磨盾灑墨橫槊孤吟然則君之詩之不暇求工決

矣顧其高深沈露之旨豈與夫向者逃物外爲詩人之詩同年而並論哉昔君之師潘丈四農嘗辱以其詩見正余拱手曰君詩不患不高不患不深但當緯以實事耳是時海內承平謳吟之士憤排感慨而常苦於事實之不彰言不足以稱吾情也曩令當時諸詩人少延數年之算睹海內之騷然傷官私之耗竭親見殺將覆軍之慘民生流離斬艾割割之狀其詩之煩冤紆鬱必數倍於疇昔然則君詩之每進益工豈君之所願哉豈君之所願哉咸豐八年三月通甫弟魯一同拜敘

和陶詩序

序

三 求 恕 齋

相早忘榮進戢影大河之濱天光水聲外更無聞見而海內奇瑋非常之士日往來胸中非豔其名也百年如風過簫有實用於世斯麗物爲不朽志士不爲世用思託空文以自見山水證性草木寫心詩其一也窮愁偏仄者無力以授手民高曠之儔又不願以章句之末急目炫用是掩抑閤蝕高詞鉅製往往不傳夫風人比物連類言近指遠卽一山一水一草一木言無加損而趣有旁通俾讀者嗟軌流連忽忽有身世靡窮之感是卽言志真詮維風極軌要非胸懷不潔不大者所得躡收而弋攫之也初有函比部讀書阜河南寺余居桃源鄭

曲早耳其名越二十年徙家鍾吾有函來主講席講舍當馬陵之陽黃河西下東帶運渠平俯南天有萬里之勢每造山扉讀其所著心鄉往齋諸集逸情峻筆正如閣上一峰坐收諸天景色而朝嵐夕靄隨風百變乃在山童野叟尋常耳目之前曩所謂奇瑋非常惘惘求之數十年不得今乃得之於有函也勸付剞劂不然所請客臘兒子裝之袖其用陶韻詩遊邗上眞州王句生明經見之謂是岱宗之片雲建章之一戶耳何足於此見有函亦何可於此失有函裝之述余意因與共謀錠字不日而葺工焉句生居塵海中閑戶著書冷若冰雪與

序

四 求 恕 齋

有函交至深余又因有函締交如宥函者信知非常在尋常之中出門求之動不易得空山孤陋之感其有窮乎哉道光歲在屠維作噩孟陬月繡水王相撰

江上集書後

詩至三百篇以降意象聲律亦數數乎變之窮矣然師其意者不必事其事肖其神者不必襲其貌風會其使然哉漢魏六朝三唐諸作者後人類舉之以爲法規規於其體兒而不通其意指之所存雖窮摹極擬不失纖末亦猶捧心效顰適爲西家子所嗚噤也明代何李諸公才大學博蹈其迹夫且營其後況其他乎吾讀宥老

詩千數百首齒暮而學益粹才益宏所更境不一境而其所易體不一體陰陽離合奇正豐削各極其變將以爲漢魏乎六朝乎三唐乎而隨手紛沓莫可程矩抑遂疑其舍程矩以自師乎而揮霍翕合動中肯綮此豈所謂師其意不必事其事肖其神不必襲其兒者乎才力既至故氣象神明洞然而曠然非務爲詭變以駭耳而恍目也雲流行於天爲車爲馬爲美人爲山川草木一切異狀雲不自知惟大塊噫氣有以吹息而鼓鑄之觀此可以論耆老之詩矣咸豐七年閏五月甘泉李肇增書於山陽舟中

序

五求恕齋

孔宥函太僕傳

南清河吳昆田

孔繼鏞字宥函曲阜至聖裔自京師遷清河父傳坤仕南河主簿繼鏞生而穎異四歲知書能讀陶詩十五爲和陶詩有停雲之作爲耆宿所稱賞於書無所不讀科舉之學非所好也制義一覽輒棄置屆試期任取名作仿效之規模意趣無不合見者疑爲宿構道光丙申成進士用刑部主事性至孝無兄弟居京師年餘思親心切急歸以家在河上改官南河同知爲養親計時督河使者以舊契相與極款密人疑有苞苴之行因憤而去官避居於寶應將以養親終老會粵寇入江揚州陷有

傳

一求恕齋

故舊大僚來防河軍於秦州強起佐之以功得知府大僚忤中敗復歸寶應督師德興阿駐軍江浦再起參戎幕寇來犯督師走繼鏞死之旌於朝繼鏞能文章好爲古歌詩師事山陽潘德輿與同郡魯一同宜黃黃節滋歛徐寶善益陽湯鵬建甯張際亮漢陽葉名澧以氣節相尙賦詩酬倡一時京師壇坫稱極盛焉知天下將亂再語人曰吾當死國際亮號爲善相人熟視曰君殆不免聲音高亮嘗於曠野長嘯如鸞鳳鳴天際樵夫牧豎驚而聚觀軀幹短而豐有力取一方食案孟鼎滿列其上以兩手舉之走數十步不變色讀道書能鍊氣雖

盛寒衣單衣走風雪中無所畏負性磊落不事家人生
產中年爲一姻婭毀其貲盡至貨居宅以償負不介於
懷著有心鄉往齋和陶詩王癸詩錄皆錄板其他作甚
多藏於家

傳

二求如素

孔有函先生傳

金壇馮煦

先生名繼鍊字有函曲阜人孔子六十九世孫祖毓焯
孝行醇摯父傳坤寶應縣主簿有惠政祀名宦祠先生
性至孝主簿君故方嚴先生率妻妾子女事之能順於
其志終其身如一日在官祿俸與四方羔雁之贄盡奉
之主簿君不以一錢自私其於族也尤篤凡幼而孤老
而鰥殘無歸者迎致於室幾數百指以教以養如所親
家不中人貲坐是益落或無以給朝夕則質劑以應之
有不察者反以訾先生聲達外戶聞者莫不爲先生憾
甚且塞耳去而先生顧自若也先生少負盛名師友率

傳

一求如素

賢豪長者江陰繆先生明夫崇仁劉先生佛生錢塘潘
先生竹泉海州許先生月南山陽潘先生四農先生既
嘗從之游而友朋之最著者義理則南豐吳太史嘉賓
寶應朱司馬百順高郵胡徵君泉嘉興高文學均儒經
術則海州許大令喬林江都汪郡守喜荀儀徵劉明經
文淇寶應劉大令寶楠經濟則涇包大令世臣邵陽魏
大令源益陽湯戶部鵬山陽魯孝廉一同宿遷臧孝廉
紆青陽湖周刺史騰虎志節則臨桂朱侍御琦晉江陳
給諫慶鏞宜黃黃侍郎蔚滋武進湯貞愍貽汾山陽華
駕部坦詞章則歛徐太史寶善建甯張孝廉際亮郴州

陳考功起詩上元梅戶部曾亮顧文學懷三道州何太
史紹基江都梅孝廉植之甘泉王文學翼鳳李大令肇
增晚居寶應與喬先生靖卿成先生心巢交益密閉有
以百家之學來者無問知與不知罔不開懷延納相得
如平生歡尤善汲引單門後進有一藝之善輒稱道不
去口且折行輩交之時以比李元禮陳仲弓云意氣蓋
一代而表裏洞然如一不設城府或以事中之不校也
爲學不名一家自經史以至三乘九籥之書無不穿穴
貫弗得其奧窾於詩宗漢魏其五言之善者凌越凡近
既丁時艱一取則於子美所造益深時運之夷塞身世

傳

二求恕齋

之榮鬱尤三致意焉又善書有李北海遺意得其寸縑
尺素者寶若圭璧所爲文渾厚奧衍不規規於西漢而
能得其神似顧爲詩名所拚世罕知者先生成道光丙
申進士官刑部主事改南河同知以養歸再起參侍郎
雷以誠將軍德興阿軍軍潰於浦口先生不屈死贈太
僕寺卿先生博學彊識足以排金門登玉堂乃浮沈外
僚不預顧問之選又負經世之略而出沒兵閒百不一
展可慨也已子廣稷廣牧並有雋才廣牧能世其學煦
厚與廣牧交時先生已沒不獲修子弟之禮今廣牧之
沒且十年先生之風幾不可作敢援所知爲之傳庶後

恆有攷焉

論曰學譬則海然海不容納眾流則無以成其大又譬
則風然風不鼓動於無形則無以感萬物而通之既大
且通先生其庶幾乎

傳

三求恕齋

書孔宥函太守列難事

寶應成 孺

咸豐戊午八月二十日江浦大營失陷余聞之詫且悲
曰嗚呼孔君其死矣先是癸丑春粵匪疊犯江揚君告
養僑實應余館心鄉往齋君聞警遽拔劍斫地戟手大
呼曰何物賊奴乃敢爾語未竟淚泫泫欲下者久之蓋
君自軍興以來恆以殺賊報國為念願以吳太恭人嗚
然在堂上春秋逾八十矣故未敢輒以身殉云丁巳二
月吳太恭人即世明年小祥禮成會都統德興阿奏為
記室參軍事遂率健僕五人腰弓刀過余齋作永訣狀
而去秋八月十一日廬鳳賊黨自椒滌突至君雞鳴起

書

一求恕齋

部署軍務日晡未朝食漏四鼓下賊厲至君炳燭草檄
達旦不寐幾忘四面之皆賊也越九晝夜而浦營遂陷
君戎冠佩刀肩火鎗手刃五僕從之挺身迎敵或慙恚
君曰盍棄冠而遁君正色拒之曰
皇恩高厚不此之報而何報乎竟罵賊而死君諱繼鏢
字宥函道光丙申進士刑部主事改南河同知僕之同
死者曰熊源曰徐頁曰丁福曰佟二

題辭

詩法有坦塗誤者非奇表乃由方寸間愛逐纖與夸縱
覽近賢作名盛彌多瑕志不在淡泊吐辭必芳華詎知
外盡飾厥中猶敗瓜百帙鮮當意卻願頻咨嗟詩亦世
元氣何為爭豪奢言語系學術其患殊無涯君年甫及
壯瀕海居幽遐發憤據正始俗音不敢譁我老入京國
持論徒槎枒孤蹤快同志翻覺難褒嘉此道貴聞修壇
坵皆矜誇願君養詩心濟世如桑麻肯與目前客鬥豔
風中花

題辭

一求恕齋

離鄉一載餘日夜鄉思榮聞君語音喜見君詩益驚何
意吾鄉人為詩彰正聲而我了不知枉自多詩評徐思
君所長正以無詩名君如驚其華五字皆榛荆君雖羈
吾鄉歲久如編氓相見即無詩桑梓輪真誠況復振詩
教識遠思專精是即我仗助叩蹙相資行文章公一世
豈結鄉社盟君詩固具在理愜心斯傾馳書報鄉中詩
友增豪英郡志志流寓書君非過情

道光辛卯七月四農潘德與書於京寓慶定軒

京邸喜孔生至即題其辛卯詩冊

朔風送燕馬千里同浩歌東風作楚雨離恨滿大河南
風揚路塵盼君趨京華京華誠多才朝盟夕有佗之子

含清真心定無風波不見苦飢渴見如客至家慰我顏色好不復言蹉跎懷袖出一編再拜求攻瑕君詩宗漢晉獨立驅淫哇俾我爲之師豈異蓬扶麻師友古義一力辭理亦頗藉君爲我輔磨盪光以瑳不問誰玉石但勿相唯阿方今 聖求治迫若農蒔禾 時畿輔大旱爾詔求直言 我非甘霖如此昌時何世事貴植幹詩其葉與花喜君壯可爲願我日已斜西風動庭樹掩卷長咨嗟

道光壬辰夏六月四農再題

大雅篤本性詩教無古今苦心夏孤誼豈貴風露吟
世界有平陂儒生有憂樂喬情寄嶽雲清視藐鳩鷺

題辭

二 求如齋

泔泔死別淚團爲新墨汁古之傷心人風騷共歌泣

道光乙未上巳日奉題有函仁兄大藁羽可弟郭儀香大川東注海萬里無停奔細者溝與澗涓涓無來源百年念我受藐躬有乾坤跬步不之慎其宅何足論彬彬君子什真氣浩彌綸春風回大塊一室清且溫莊誦未及竟油然而忘我神語言特枝葉可以見本根參參四始義千載孰問津修榦在嶰谷何日爲伶倫

書有函仁兄大集後戊戌天中日潤臣葉名禮

不信君英灑出言如許沈文章真可泣正始有遺音棄柏飭羣隊持幾還寸心大衛聞擊缶我欲闕瑤琴

識君已三載今始讀君詩良友若新獲平生媿未知能支雖未務墮法寶茲持一翮天無岸吾安限所之

聖世無文網西曹歲月閒公餘還閉戶身後有名山氣滿華樽抗塵高大蓋還浮浮如電掃姓氏幾人閒有函尊兄大集梅伯弟姚燮拜題

通觀此集五古已造深境五律次之如客中諸作情深語澹潛氣內轉眼前能手到此亦罕矣 凡詩有古而未必真者真則未有不古者此詩極真故到古人佳處四農題鋤餘集後時辛卯七月

題辭

三 求如齋

昨過太白樓題詩云任城城外古通津建安文章今幾人如此冊詩可云建安文章矣骨性懷抱峩峩蕭瑟逼真古人又加以風雅陶鍊故落筆不墮齊梁以後方今抗手者亨父而外其誰乎抑吾邑蘭岑五七言有到人不到處五言古詩尙未似足下峻奧加以工力不患其不至也吾旣拓落不遇不足表揚天下士如足下及亨父蘭岑亦將扼塞以老乎恐非蒼蒼者意也書至此爲之擲筆長歎乙未八月十七日四農書雜詩後

氣蒼味厚沈警獨造可謂能自立者僕霄再讀性情眞胷次大此無聲之詩也其字法則自靖節來宜其悅視一世矣乙未花朝廉峰弟徐寶善拜讀

五古字字從性情中出不必規仿古人而氣味淵永直逼漢魏慕韓劉映丹

尊著氣逸而致遠辭古而筆峻殆無一語不耐人尋諷也何意京師塵鞅閒獲此奇寶昔山谷跋東坡和陶云淵明千載人東坡百世士和陶雖不同氣味固相似遙遙千古復有繼聲僕於足下亦云爾而於詠貧士七章尤嗚咽不已朱琦題用陶韻詩後

大集雜誦一過生峭警鍊流動充滿愈造愈高心鄉往之王翼鳳題于南詩錄後

題辭

四求知齋

哭翁函詩六十韻即題所著江上集詩後並序

咸豐戊午秋八月二十日江浦軍潰於賊吾友孔太守繼鏖死之時君在戎幕總奏記臨難殺賊力竭殉焉上

聞奉

旨以陣亡例從優議卹嗚呼君之死亦榮矣哉然膏血原野非其責而完其貞哀莫哀於君矣余兄事君者痛何如也詩以哭之苦不盡意聊據生死情耳

我哭翁函詩三月不成章一字動想念肝腸如涓湯生人各有死君獨蹈及亡死綏彼何人君願隨國殤文字踐性命君詩臨節標其剛郵書十日前語意含悽惶上

題辭

一求知齋

言時會蹇俛首從戎行下言世險微赤舌箕哆張末以道阻遠寸心恨難將覽書察情志感喟何深長方痛長沙才戾俗無能滅發語復哀斷訝此殊不祥妖星燭西壘八月森有芒虎豹橫食人誅輪走且僵誰者血流屢畢命鋒鏑場先軫未喪元卞壺身乃戕當其冒白刃奮呼驚豺狼勇氣驅風霆視死猶批糠軍中共一義履難無仿惶可憐珥筆人裹革獨慨慷嗟君夙好道養攝逾嵇康動靜慎所從千仞下且翔豹隱有時見魚服遂離綱人生命途舛一蹶不可昂夫豈初圖心剝運丁其陽君才故無匹文筆老益強作詩千萬餘大半陵三唐性

情植本根吐露非浮狂逆河走東海孰與尋天潢落落
 五字詩君乃源河梁江淮廢壇坵百歲未有倡君方執
 耳盟引我爲僨襄旗鼓正彪奮鬼伯遠告殃天不愍一
 老吾道衰誰昌君視我如弟我母如高堂俯仰切厥身
 慰薦必有方嘉惠不任受宛轉爲諄詳蹙蹙數年來十
 口賴以匡枯鱗感喁喁寢乘思刷揚念彼知我恩那不
 摧中腸文章與命重隻字對頡頏攬佩六載中寤歌幾
 連牀時時就商推少長形俱忘世疑仲言交君願敬禮
 良江上近我屬棄取惟裁量再拜有盟詞事如弟所當
 悲哉此帙成不及同君商寂寞身後事達者付虛荒文

題辭

二 水 怨 齋

以節副之流播千春芳 九重鑒孤誠褒卹 綸言光
 烈烈在天靈遂志其無傷虜服未沃雪天意猶履霜鎬
 宴不逮君生者途冥茫老弱寄邊海雁泊差有梁鮑叔
 追無由天末空霑裳春風煥以淒昨歲同椒漿踰載忽
 冥隔離合誠無常平生肉骨意感激難少償我欲召巫
 咸無自排天閭託以大招義魂兮庶來觴
 已未正月八日李肇增再拜具稟於南沙旅次

心鄉往齋集總目

- 卷一 詩 自壬午至庚寅詩六十四首
- 卷二 詩 自辛卯至甲午詩一百三十首
- 卷三 詩 自乙未至丁酉詩九十七首
- 卷四 詩 自戊戌至庚子詩一百九十六首
- 卷五 詩 自辛丑至乙巳詩一百二十七首
- 卷六 詩 自丙午至丁未詩一百七十四首
- 卷七 詩 自戊申至辛亥詩一百七十二首
- 卷八 詩 自壬子至癸丑詩二百十七首
- 卷九 詩 甲寅詩一百三十二首
- 卷十

總目

一 求 如 齋

詩 甲寅詩一百九十七首

卷十一

詩 甲寅詩八十七首

卷十二

詩 乙卯詩五十七首

卷十三

詩 丙辰詩一百三十五首

卷十四

詩 和陶詩一百五十三首

卷十五

詩 集杜詩上二百二十首

卷十六

詩 集杜詩下九十八首

卷十七

詩 補遺詩一百一十二首

卷十八

文一 雜文二十五首

卷十九

文二 雜文十四首

卷二十

總目

三 求恕齋

文三 雜記四種

附

桐齋隨筆

勿二三齋詩集

飲冰子詞存

紹仁齋浦遊吟

林風閣詩鈔

總目

三 求恕齋

心鄉往齋集總目

心鄉往齋集卷一

求恕齋叢書

曲阜孔繼鏞著

吳興劉承幹校

壬午白此至庚寅手稿題為鋤餘集

述別二首

鄰雞叫天白晨星墮蒼茫遊子肅襟帶依依燈燭光高堂起更先為兒治遠裝行李亦無多力短心則長長跪不能語俯仰中自傷父言阿母健願見毋思鄉客遊異苦樂別離同一難人皆有兄弟而我何單寒委妻慎敬養語苦顏色懽出門既已遠清淚方潸潸

詩一

求恕齋

古城驛夜別金孟週

叛首不知樂臨歧愁緒多西風滿天地驅馬渡黃河鄉夢樽前落征鴻枕上過曠懷齊努力年少莫蹉跎

題泰安驛

出門更面目誰復識書生側帽過東郡高吟變北聲遠天低大野落日澹孤城雲樹家千里看山更暮征

雜詩四首

中夜不能寐披衣起前堂滿地亂梧影明月流寒光出人步庭際踟躕以旁皇側聞鄰兒嘵兒嘵素娘我亦遊遊子怒焉心內傷

客懷不自主逐逐如勞薪自我京洛遊所歷非一春旅食幸自飽抱膝潛酸辛寂寞無與適步出城南闔冠帶填衢巷所見無故人朝行避車軸夜行逢吏嗔何當臨長流一浣緇衣塵

釣遊非我事結念在垂髫轆轤井中水千載心搖搖駕言向京師景物當春韶九衢錯屢市比戶各見招宮闕鬱相望百尺雲岩巖萬象煥心目身週君門遙西偏瀕城隅一室余所僑棲遲日改歲誰知中鬱陶兩餘天氣清臨軒伫羅幌微陽明東壁餘滴石莎響閉門日無事芳草依人長感景悲年徂掩卷心怏怏

詩一

求恕齋

月夜

木落驚秋早愁來覺路長故鄉不可見明月滿衣裳

送伯父南歸

平生惡離居況乃骨肉遠語別在須臾涕重車行緩北風披一作林野頽陽下長坂中懷誰與言獨向高城返

甲申

將之京飲臨西草堂

此地求真隱明萬年少隱此二十年湖天岸擁沙空村猶有樹遺老竟無家迢遞二百載荒涼山水涯無言坐磐石野廟夕陽斜

來日

來日異河縣秋聲此夕長諸雛臥顛倒白月上微茫流
水柴門外垂楊大道旁共誰商去住啟戶看晨霜

輓歌為邢丈
立庵作

丹旆侵星發駕言歸荒邱白露幻土色眾卉成涼秋我
來為親故曠立心煩憂年年寒食節東郭君舊遊蒼蒼
墓門木灌植君手留君遊今何之迥野寒雲愁

家山渺何所西北有高樓樓中窈窕婦單寒誰與儔十

五為君妾明鏡藏嬌羞十六明鏡缺雨淚闌星眸人無

金石固誰敢戀衾裯生者不復懼死者應無愁邢妾金
誓以死

詩一

三求怨齋

守

除夜

上國歲云晏窮人看斗躔 禁鐘遲曙色庭樹換春煙

往夢難為憶孤懷只自憐太行千萬里晴翠繞樽前

丙戌

兩行次白沙

向曉發軒軫流潦活前途駉駒健不支起落如驚鳥行

者不得息居者不得趨貧婦屋中歎飢鳥田上呼疆場

為坡澤麥菽叢菰蒲縱磬斗石儲不足償所逋况逢縣

吏來雨中催賦租

書事

黃河天上來河尾掉濁浪清不受濁潮力強青沙紅沙

日摩盪海口吞吐河身高手河柄者心搖搖是誰橫議

啟滅孺借民隴畝容波濤陸地成川川化陸千家萬家

水中哭尾閘直上三百里曬乾老河走車軸 聖朝動

眾獨征徭募集畚鍤如牛毛寸金尺土買人力亡命得

錢翻遊逃大官期約責河吏河吏無聲淚潛墜往食河

之餘今坐河之匱毀家不足悲失官無敢恚但願新河

深復深淪瀾安穩蛟龍睡天風跌盪狂瀾迴海門十日

如奔雷醉中偶見乘槎客聞道蓬瀛又泛杯

詩一

四求怨齋

丁亥

黃河舟中

長江挾雙隄撥棹出雲樹帆側北風橫一折不知處沙

黃接岸雲瀾紫生晴霧中有星精藏下有蛟鼉任人力

自遺患萬古一恐怖有客東入海排浪與之去心戰眼

倍明歷險翻成悟浩浩攬元化靈景自朝暮疏鑿神禹

功慨然動遐慕

鄰園

紫筠小閣赤闌橋橋上煙蘿百尺條此地惜一作無人

結網一塘春水足魚苗

水色澄澄靜不波竹籬茅舍傍鳧鵝海天四月涼如許
纔出新蘆未出荷

徐家亭子東瀛上二十年前空水雲少種叢花多種樹
謝他蜂蝶太紛紛

河北

別母來河北遙遙三月餘朝昏百瞻眺雲樹渺何如夢
記在襁褓醒驚還客居海天春有雁日報一行書

海雲

海雲吹雨去月色一宵仍魚夢悄歸樹蟲絲暗罨燈虛
窗寒葦亂老岸夜沙崩僻遠成鞦韆客空令歲月增

詩一

五求恕齋

與丁雅堂
夜坐

地僻無更漏清宵零露團出牆村月小遠舍麥風寒隔
里求新釀連牀話古懽莫愁來日別生意共魚竿

隄南放舟

天闊荒寒境詩懷誰與羣叢蘆聲作雨野鳥白於雲客
袂延秋色歸橈載夕曛漁樵漸相識村酒不辭醺

海濱

海濱人事少隨意斂柴關春盡鶯花在吟長僮僕閒曠
懷齊出處窮壤寄疏頑一水煩囂隔何勞深入山

頽家河車中作

沙樹隔南塘人語煙波接蒨萼傍馬開香影交眉睫見
葉不見水花更繁於葉安得此移家朝來盪蘭楫

移家羊寨阻風泊費家窰二首

小縣歲年飢時平道路警百里無人聲黃河瀉天影巖
君漣水東垂老佐簿領一家隨風煙生意綴萍梗去住

夫何言日晚川途永

暝色上寒墟浦樹界荒岸河流近海疾萬古此昏旦家
人慰漂泊孤舟絕愁歎隄長村堡稀風緊煙波亂雁鷺

叫高天疏星耿河漢

村居雜詩九首

詩一

六求恕齋

畸人志萬里亦能守一隅青青園中柳瑟瑟屋後蘆有
飯日兩盃有酒傾百壺簷雀噪晴日荒寒能我俱

村居絕人事乃與秋相宜几案靜自好耳目無新奇西
風感萬物羣動從所之吾亦洽幽獨門外其誰知

門外何所見荒隄互大野大野所向遙時亦通車馬百
家聚雞豚榆柳自成社往還絕禮數頑鈍無虛假余亦

漸忘機轉愛交遊寡

宵深萬籟寂百慮凝不紛四壁閒短葦鄰語暗中聞田
歌破曉來低逐牛羊羣念彼晨興者四體無乃勤

逸居無所適晨起向東皋徘徊草露間曉風吹敞袍睡

逸居無所適晨起向東皋徘徊草露間曉風吹敞袍睡

然見野老有畚手自操爲詢今年秋未語首重搔海濱
風雨多地斥況不毛盡歲不憚勞盡室猶嗷嗷
瀕海地淒迴其民貧不佻生事問所產所產多漁樵寒
塘足秋水魚稔市不消荏葦廢港多薪賤難爲條取之
恆無補舍之益無聊太息此鄉人生意何寂寥

全家寄東野地遠絕塵堪海風吹不高茅屋生秋籟出
門隨所矚寂寞未爲最雞鳴村深深市小人藹藹我來
覽其中我心遊其外履蹈無是非荒落是真宰

隄南帶重灘其流平無涯極目了無物低空明斷霞短
短水中樹漠漠岸外沙爭渡有時喧舟小人如鴉獨立

詩一

七求恕齋

大隄上嘅此西日斜

仲秋天氣佳景物無溫涼向夕村月皎挂我園東牆微
風動庭際蓬蒿生晚香我父抱孫坐我母笑其旁房中
呼妻出笑舞升中堂弱女解人事學母拜一觴人生貴
適志此樂況天常俯仰忘身世豈惟忘異鄉

鄰園

誰是園林主荒畦半畝開庭蒿將子落飢犬傍人來門
闔驚寒吹尊疊失舊醕百年感傳舍好月自蒼苔
送雅堂歸九巨村

地近相過易言歸亦盡歡客顏村醞暖驢背曉風寒路

覆汀洲曲秋深木葉乾今宵河畔月南北定同看

夜雨

掩闥成獨臥向夕月猶明雲過暗窗色夢回聞雨聲遙
喧來隔巷急灑亂寒更多少閒愁緒都從枕上生

漁父

朝觀打魚河水澌澌暮觀打魚河水瀾瀾中有漁父載
數其罟得魚貰酒歌且舞歌且舞河之側祇見老漁笑
不聞枯魚泣漁起罟兮魚潑潑罟不多兮漁太息吁嗟
乎數罟吁嗟乎漁父

十月十三日稷兒生

詩一

八求恕齋

抱子慰今夕親庭喜有加窮鄉憐骨肉閱世感年華遽
急真求火辛勤似養花山家欣有託珍重舊煙霞

除夕

青山照柘杓誰爲不朽人古來感慨士曠焉念茲辰來
日不可數去日忽已陳日月互相逾將焉置此身萬古
水雲幻一室恩義真秉燭起林棲輝光生四鄰

戊子

將去羊寨留別雪溪嚴丈

錫

卽題其遇安集後

海風搖荒村樹短天漠漠叢草絕人迹狼狽走相索丈
人攜家來就我同寂寞示我遇安吟一字一林壑飢驅

三十年境苦求心樂樂不在遊賞苦不在藜藿官卑姓
字微身老兒童弱長吟六合中百歲將安託小子去鍾
吾行當走京洛南朔阻顏色路長夢魂卻海天白雲深
迷離望城郭

舟曉

荒岸斷殘更霜華篷背生野天何寂寞旅夢不分明灘
月流帆影林禽引權聲前送莽空闊曉色大河橫

趁漕艘之京晚次夏鎮

漕轉長河急窗銜落照開綠隄看釣去近家識村來飛
輓千夫瘁津梁百吏催旅人媿蕭散篷底晚涼杯

詩一

九求怨齋

曉過魚臺

澄湖百頃平於掌朝晴露氣環山上蒲葦蕭蕭不見人
空波一片鳴榔響

送與人從兄之楚南

出郭攀車酒一卮山城落照正參差異鄉親莫如兄弟
百歲能禁幾別離淮上秋風亂葭葦江頭夜雨足蒹葭
高堂日日衡陽望未許歸來比雁遲

夜發雄縣

移夢上征輪夢迴不知處寒帷霜氣入荒涼見前渡秋
深蘆葉鳴溪淺橋根露在留兩三星搖搖逼清曙回首

望雄關百里莽煙樹

書聊城驛壁

客顏摧馬上生事竟如何寒夜雞聲早荒廳噩夢多近
鄉思骨肉久旅熟關河來往無人識徒爲斫地歌

九日宿大泉山

閒道留荒驛頽垣四望通雁聲孤枕上客夢亂山中行
色雙蓬鬢歸心滿菊叢故園能卻掃誰忍負秋風

宿邊

鍾吾往迹付蒿萊遠道歸人落日催隄勢直隨官柳去
河流曲抱女牆來小舟風緊帆微落高寺雲深門不開

詩一

十求怨齋

直北馬陵山色好攬車吟眺費徘徊

己丑

清明

荒衙門敞大河前河上風吹百井煙野草閒花同寂寂
清明寒食自年年蠶棲家世雲留楚杏靄鄉關日望燕

三載舊遊勞夢想松楸孤負夜唳鷗

先世墓田在易水上

擊蠅

大塊抱生氣人物本無忤青蠅從何來取憎實自古檄
罪等誅蚊惡點甚投鼠殺機自相激揮塵稱千櫓傷或
未及死旋旋作鬼舞得土氣或生振扇無完羽別有壁

上觀屏息神消沮或有蹈危隙踣示玩拒極疲飛
騰拳踞冀憐汝豈知几席閒儒氣本不腐茶澁與墨汁
飽爾復幾許村北藪近市狼籍肉如堵俯仰得所壓氣
味信相乳胡爲久留滯飲啄生悲苦百年誰金石霜風
易庭戶生涯禍網多行矣珍居處

庚寅

訪陳點三不遇

蔓草分人迹隨牛過別村山遙微露脊林暗不藏根涼
野秋疑雨平畦綠到門尋君虛展齒留得破苔痕
題楊赤臣尊甫遺藁

詩一

十二求恕齋

故國滇南遠平生多楚遊微官淹歲月老筆載窮愁旅
墓今豐草佳兒亦白頭萍根棲大澤多事歎沈浮

飲史子珣石望塘莊

負疴遠儔侶靜極厭晨獨出門登隴首秋稼紛已熟雨
餘天氣清萬態斂閒綠野行無近畦歲美有新屋屋上
鳴羣雞主人出林麓芻飼我馬爲黍饜我僕來不爲
盤餐薄飲歡然足斜陽落短檐欲歸少躑躅願借三孔
笛一和牧牛曲

南寺晚歸

雅噪催歸去空隄人少經野風吹敗屋高柳綴疏星極

望夜如海高歌影贈形草堂閒十畝把酒對蒼冥

與楊柳江錄

道義厭離索肝膈視僑偶冠蓋非我遊野興從林藪故
人此卜宅談笑對榆柳過門每攜兒登堂必拜母命屣
一作無閒朝相熟到雞狗噫我古勞人齊魯歲奔走君
忽黯別我盡室徙京口聚散亦人事喜未及分手狂歌
共脫巾得醉且沽酒

結交行

大河日夜驚波吼噴薄中有神靈走阜郊一折當其衝
潑隄水氣高於柳岸馳野馬騰紅埃人煙藹藹平無臺

詩一

十三求恕齋

黃茅白葦亂心目我獨何爲乎來哉飢寒驅人豈自擇

春風浩蕩蓬蒿宅賴有同儕慰索居可憐都是他鄉客

南陽鄧尉家黃州怡亭東吳狂客顧虎頭荷亭大麻三

楊各競爽家在灑水之上流亞雲伯仲別有子雲殊世

族歸路滇南空躑躅赤臣伯仲古魚子孫更素樸居近

揚州脫其俗紫琅營邱章氏謝烏衣春江鼎陳卜世河

曲同羈棲二子往往話故國一自越東一粵西我肯遙

遙自闕里去住此鄉如寄耳共歎何時返釣游浮蹤今

日眞萍水君不見莊叟空谷裏足音蛩然聞卽喜況我

所見皆知己又不見嵇呂交情豪千里命駕求其曹況

我一室相招要人生樂莫樂共處百樂不償一別苦世
事茫茫歧路歧伯勞飛燕渾無主舊遊天或許重經故
交動忽如晨星得立斯須且聚首長歌一曲酒千觥

九日飲南寺

閒情鍾我輩信脚到僧家樹有百年物菊纔盈尺花披
衣當驟雨把酒看餘霞滿腹生秋思勞人歲序加

寄楊三柳橋北河舟次

荒村草木閒落日去人遠別子指石梁春來遍苔蘚君
家好昆季對我笑眉展惠連有好懷洲渚遺詩卷阿仲
藏示我錦什天裁翦昔遊伯仲閒容我恣譚辯君時侍

詩一

三求恕齋

坐隅欲言負深覲今始見匡廬悔曩識君淺壯遊春浪
闊獨處門常鍵風雨盼歸來青編共策勉

心鄉往齋集卷二

曲阜孔繼鏞著

吳興劉承幹校

辛卯

自此至癸卯未編子目惟丙午十月
擬次第舊詩稿為湖海編年見日記

清明日懷

先大父墓

維年蒞辛卯更次辛卯月人事有代謝春氣感生歿舉
祀別昭穆悽涼寄恍惚我逮事王父垂髫見鑷白屏營
俎豆旁心目接顏色我父前拜跪俯仰愴肝膈母氏奉
享事中悲時食闕生味不諳腥薦蔬及薇蕨兒雛莽無
知學拜恣懼劇陳人已泉阿生人自第宅豈知庭前日

詩二

一 求恕齋

遠照荒阡陌五載去淮濱不見松楸碧淮濱非故鄉隴
岡等寄迹我家自上京我祖幼孤立憶我曾祖母苦節
不勝說我祖奉無違終身若朝夕慈孝兩酸辛聞者悽
心魄祖抱蓼我慟時年過半百哀毀動里閭豈惟立剩
骨每當春秋享望隴杖遠策老淚滴墳土土蒿根染赤
今日薦祖筵猶祖奠魚麥回頭二十年日月何飄忽角
城彈丸地兩世寄窀穸風色滿林叢水氣蒸墓脊何處
望佳城雲水迷南北留硯猶在堂名愧范喬赫聚書猶
滿牀學未丁度積孫鏐抱疚多況看年華擲何當銘潛
德高樹墓門碣

繆朗夫師歸蘭陵余將之京感舊述別賦呈二十韻

驪唱驚心骨門關促去裝雙輪泣歧路九載話連一作

牀意氣邀推腹詩書起在盲染絲慙魏照負笈儼蘇章

雞犬南村遠龜鳧東道長冠裳駢上國花木臥禪房杏

靄波淮曲欽崎路晉陽將書津縣隔入夢鬢毛蒼落月

愁烏夜歸雲喜雁行蓊絲味春雨蓬影聚秋霜止駕更

羊寨攜家且鷁航屋搖風浩蕩地近海滄涼下相移高

楊閒衙護短牆柳陰藏市碧河色接天黃軻再金臺發

才虛玉尺量旗亭逢社燕斗室又寒蠶遊每西山共恩

難北面忘良時成過眼此日最迴腸離酒拜荒岸征衣

詩二

二 求恕齋

別草堂行藏託高厚吾道未蒼茫

韓莊大風觀微山湖

長河百折東向趨匯流漳泗縈復紆太倉歲致天下粟

高橋連舵來均輸艱辛道轉嶧山曲嶧山河流僅覆足

天關微山萬頃湖靈源挹注隄防築往歲席帽河上來

滿湖好日晴煙開東南煖翠插屏嶂鷁舟萬點相徘徊

今日維舟大隄北不見微山之顛崔以鬼狂風撲面人

怯走腳底石岸虞崩推黃塵紫霧幻干色迸作水氣排

空來一波竦立萬波疊隨波起落驚奔雷更如陣馬捲

地金鼓裂對面人語羣疑猜飛鳥不敢入雲容為之頽

際天以外更無物其中但有魚龍百怪相喧逐回看河
流細如織夾岸牽船爭晷刻微山無竭源省彼千人萬
人血汗霑胸臆

晚次蘆橋

插行杳程期日日河之曲耳目莽岑寂轉自慙幽獨兼
葭出遠山船傍蒹葭宿山午不逢人炊煙在林木

分流灣

分流灣水潺潺濟水帶兩頭汶水當中閒中流自一門
分流東西奔從流上下各忘返清者自清渾者渾客過
分流灣心與流水同客心一半流向北鄉心一半流向

詩二

三求想齋

東

廢寺

款權得閒野興亡感目前河聲入野廟碑字覆荒田破
碎金銀氣虛涼草木煙等閒銷物力遺構問當年

午日飲謝壽軒舟中

遠遊負令節寂寥中寡懽鄰舟折東來旅恨爲之刪在
手湛湛酒照眼蒼蒼山斜日滿窗中煙霞生客顏君亦
遠遊子萬里羈卑官魂夢戀慈愛去住同艱難浮雲天
南征爾我何時還

韓莊牖眺微山湖

湖勢壓河低安危仗一隄瀾漫覺山小空碧與天齊挂
席勞人北看雲落日西滔滔問身世百感發羈棲
與慧秋谷儀部 成 二首

勞薪畏長路客子多苦辛懷抱失知己誰肯相剖陳自
我京洛遊羈孤非一春物情厭太素那得衣無塵菰葉
締萍梗結交亦有因略分先我過坦白輸眞瀆論道有
消長論交無賤貧

初訪君不值再訪持君觴我醉聞君歌激壁聲琅琅君
歲甫及壯才大不可量義交篤知己贈言無浮將願君
既其實出爲天下望窮達各有歸君子慎行藏沈閱適

詩二

四求想齋

林壑特達珍圭璋

飲鍾仰山先生塵定軒

斜月上深巷暮雀叢枝投空院少人聲砌上繁螢流街
拆速人臥起盞更倡酬酒氣逼高宇星精騰醉眸萬古
此今夕誰識他鄉愁

題周倬雲枕善齋遺集

美人涕掩鏡壯士喟附髀悠悠人閒世逝者已如彼周
子枕善吟酸苦纏心髓中與阿兄作一字百端綺骨肉
無浮辭舉表可見裏掩卷天南望月落澄江水薛荔秋
風多何處弔山鬼

京寓得李春醴上舍維翰書

庭樹有疏陰好鳥不可求風雨飄搖去望遠心悠悠懷
君無閒日書來及暮秋辛苦自池陽盡室遷揚州昨聞
古洪澤隄潰當秦郵郡有損戶口岸不辨馬牛飢驅安
所擇偏側無全籌況君悲陟岵更遭大父憂八口渡江
來應共哀鴻愁仗助有古義我真愧朋儔身世拙衣食
躑躅空涕流

見李榆村司牧培謙得佛生師遺狀感賦

師胄漢劉氏讀書巴山下吐辭絕枝葉真氣逼董賈假
年不五十文冢長楸積消息隔江湖願見所親者李侯

詩一

五求恕齋

入覲來氣誼敦儒雅與師世婚媾雞豚共里社相就審
存歿積愆因披寫知己恩滿腹誰能中割捨衷心寄何
方看天淚如瀉

贈王壽梅明經與沂

三年一相見瘦骨健如何南國雁聲去高城秋色多林
亭近朝市姓字尚巖阿身世空多感聽君拔劍歌

題潘四農師煙雨課耕圖

志士與天遊在境忘通塞歲無無田歎生計良亦得先
生劬穡旋歸思發楮墨我亦頻夢歸長夜為反側比得
家人書秋漲河湖逼積潦連陌阡流民去鄉國客子苦

憶歸歸去轉悽惻有田忍獨耕得耕忍獨食鴻雁叫高
天悲風動胸臆

移寓二首

客子身如葉飄搖無定棲空堂成獨處舊壁試新題遙
夜牀前月鄰家樹上雞得眠消百感鄉夢轉淒迷
鄉夢亂心曲高堂有尺書開緘長跪讀垂問近何如累
病眠餐錯閒居過從疏客顏愁對鏡不似別家初

登黑窰廠作

萬象供一日秋氣何空曠夕陽平遠山人在夕陽上
九月十四夜與四農師小庾酒畔聯句題淮安館壁

詩二

六求恕齋

痛酌無長夜清吟及暮秋世緣成去住旅興雜懽愁大
水鄉關遠回天卿相謀歸人獨蕭散一醉得眠不

與四農師小庾聯句擬張曲江望月懷遠

浮雲千里去皎皎夜何長獨立一搔首清輝在此堂窗
虛鴻雁過露白桂枝涼縹緲瑤琴曲因風落故鄉
留別小庾

秋色滿襟袖浩然歸去來我心與愁結笑口得君開塵
世幾同調天涯此酒杯明朝郭門外回首見金臺

留別吳壽泉上舍錫光

冠蓋喧都會蕭然我獨歸荒雞催月落低雁帶秋飛

道客千里鄉關水四圍

壽泉家淮東時湖流下注

平安只兩字爲茲

報庭闈

留別趙心梅明經

元模

憐爾獨蕭瑟歌爲變徵聲
老親隔邱壠少婦夢江城
身世供離別羈孤歷死生
故人今更遠駐馬淚縱橫

報罷出都門作

日日望鄉國今朝果是歸
重城驅馬去仰首看雲飛
草木積秋氣郊原環翠微
生涯耐行路歷歷壯心違

白溝河

白溝河流曲復曲白溝河上秋
草綠秋草不救征馬飢

詩二

七求怨齋

路黑村荒莽馳逐北風動地人
南歸遼金戰骨存依微
泥沙不死英雄氣夜夜青燐原上飛

雄縣

關峻雲容矗沙深馬力酣大風起
易水吹我過燕南斗
酒聊相樂歸懷轉不堪城隅數株柳
征鬢共參參

夜過趙北口懷心梅二首

昨宵棲夢寐候館當街衢京邑日以遠
我懷繁復紆僮僕慰余獨強顏
權有餘酌我以斗酒佐飲河中魚寒氣
滿川澤網罟城南隅城南古津要燕趙
縱橫區英雄遊血淚化爲蛟鼉居水土
續生氣萬古叢桂蒲往者竟已

矣我獨何長吁

木落秋氣勁客遊殊未央登車見明河
夜色開微茫古道出南郭行行過易陽
沙岸隱漁火野水多橋梁霜重水聲咽
馬足增滄涼我有同門友河縣阻且長
此時爾憶余搖搖夢在牀離居共一歎
行役多苦傷天空足鴻雁安得俱南翔

河間道中

十年驅一馬武垣歲我過厥田失溝漕
往往妨稼禾居者有樂歲行者無勞歌
秦越視行路此論無乃譌我家傍洪澤
秋風揚白波家人將書至鴻雁嗷嗷多
治田先

詩二

八求怨齋

治水治水先治河河治田大得田治民
咸和孟冬畿輔南短麥青於莎停車問
老農令尹賢如何

讀四農師夜過河間之作

河間城上烏嗥霜河間城外沙茫茫誰
知此夜驅車客

袁草平原弔獻王

景州弔周亞夫

大勇骨堅忍小勇貌雄武亞夫留軍屯
草木尙威怒温温漢文帝知人實英主
大事屬將軍彌留託心膂程材古重臣
豈獨了吳楚鞅鞅六字獄此恨鬱千古
英雄有俊魂求食知何所太息復太息
驅車出榛莽細柳吟酸

風斜陽黯無語

車中吟

車行不知夜客行不知寒寒夜適墟墓人鬼同悲歎居人臥城府旅人馬上眠輪蹄盪腰股魂夢無完全夢中捨車去去上高山顛山上星歷歷山下雲緜緜披雲見萬里川阜相鈎連人氣爲塵穢我乃遊其閒倦遊退心意往路方漫漫在物不厭趨在命何所干搔首問蒼昊我不知其然

德州待渡

按劍登車酒未殘馬頭南斗正闌干遙天霜色孤城迴

詩二

九求恕齋

枯樹風聲野渡寒客子光陰渾夢寐書生道路久艱難百年身世知何補多少浮雲直北看

苦水堡

德州城南五十里鄉人鑿井多苦水客來飲此水苦者甘如醴水甘水苦水不語客渴不敢道甘苦苦水甘苦水苦

恩縣夜發二首

客牀不及煖移夢上車軸車隙入霜氣涼如眼敗屋我身豈不勞得眠意便足車前聞呻吟痛矣感童僕露坐損肌骨敲倚懼顛踣此亦人子耳云何困使獨

夜行多戒心籠火遠平陸前車聞兒嗷天涯誰眷屬遙遙千萬里一車團骨肉嬰稚聞道長雙輪嗷不速孤客愁寧惟落月低於屋雞聲非故鄉殘夢那能續和四農師銅城驛車中作

征途又見三秋盡世事誰能一味閒客鬢霜華添遠道馬頭雲氣聚空山夢魂鬱塞悲歌裏心迹分明去住閒莫道旅懷太孤絕有人襪被共君還

題東阿舊縣驛四疊韻

隻身去國已千里翻得吟魂十日閒馬入低雲難辨路

村藏幽樹不知山遙天鴻雁過燈右隔院琵琶到酒閒

詩二

十求恕齋

十月寒梅春信早故園昨夜夢先還

汶上同四農師作五疊韻

城連汶水留孤館辛苦征人此夕閒急雨短衾涼似水荒雞殘夢亂如山鬢毛判向風塵裏情話如依骨肉閒檢點客囊同一笑空勞馬背載詩還

歸車苦雨界河驛夜與四農師聯句六十四韻

秋晚發京邑經句抵汶陽九月晦日葦風撲面緊城雨

落衣涼暝立癡雲聚晨興旭日藏遲回愁縱攣抖擻備

露裳碑版搜尋懶關津應接忙村橋催一飯早飯高市

酒罷連觴澹花煙迷郭是夕宿兗霏微草幕塘浮圖掩

塵霧古殿鬱松樟東國原繁劇南樓竟渺茫交馳巷泥

瀟曲避野淋浪巾墊爭扳駕盆翻促解裝暗篝當樺燭

溼枕就藜牀窗紙吹沙急檐菊滴漏長睡魔歸索莫故

鬼說荒唐久坐吟肩蹙頻搔旅鬢蒼推敲纔百字是夕

得百字令滂沛早干行瑟瑟吳江客王壽梅借飄飄楚國狂

師與余俱感時悲落木問夜盼扶桑遠陌微通屐殘星

略露芒輪牙尚沾滯鐸語復郎當餘溜喧官道沈陰歷

女牆蕭疏遣入耳去住此迴腸樹影籠山店次日行三

山人聲滑石梁望程虞慘黑繫馬未昏黃移席求乾處

堆盤怕品嘗芒屨響廝養花袖黯妖倡絃索猶深院萍

詩二

三求怨齋

蓬各異鄉衝寒和石燕入邑叩商羊又次日由中

邾婁地三遷聖善坊客思芹可薦天更雪其雩已刻雨

珠瀑縱橫濺瓊翼細碎颺前車戒傾側平土失康莊紆

折深溝外冥濛亂豕旁林原渾一色燈火不成光低陷

勤掀淖斜翻猛控韁筋疲驟欲哭骨凍僕全僵騶子拋

輕策征人守服箱距界河驛十里車此閒充次舍何處

乞餼糧顛倒兒童睡謂壽梅孤危盜賊防雞聲埋悄悄

夜氣積荒荒不寐嗟申旦造征羨犯霜帳端窺召爽驂

靳合助勤崖斷通亭驛河連畫界疆明日出中乃艱難

稅行李顛顛對衰楊敲榻開衾穩酸齏入箸香清詩聊

短壁白點又虛堂芻爛槽如壑庭窪地似汪瀟瀟連早

暮兀兀禁帷房界河驛又就屋紛高價聯裾總跽囊淫

霖方未已此月豈無良傳以十月倦類寒鴉縮閨翰候

雁翔澆愁棲酌破寂鑄詞章叢木層幽暗羣峰四岫

強館非上宮舊壤變井田方驛屬試算馳驅路都成沮

洳場滕邳化秦越煙水恣蕪蕪望重湖截途經微山

空傳一葦航打頭仍颯沓沒蹀定踉蹌人欲夢中老家

難夢裏忘蹉跎孤孔壁衰白詫潘郎筆枉題鸚鵡裘將

典鸛鶴牢騷雜談笑羸困激飛揚雄劔天堪倚高歌夜

未央窮途何足泣幹轉看時暘

詩二

三求怨齋

界河驛和壁閒韻二首

客從濟水過滋水雨自青州入兗州車畔麥田車下水

村人歡喜路人愁

天假西風三日便計程今已過徐州荒荒山驛蕭蕭雨

客夢雞聲併一愁

界河驛雨晴早發

久雨繡輪鐵深沈沒馬跪僕夫臥呻吟客子坐拘蹙夜

中有星氣霽旭果長坂衝霧出深村雞犬與人遠在氣

有燥溼大象隨晦顯信天卽勝算拙哉恃人淺

夜宿沙溝

苦雨厄行李閒道妨程草木入昏黑人馬同渴飢煙
火就短垣土銼促夜炊百夢無一可豈不形神疲天地
有羈旅我勞何足辭

官橋旅夜和韻

野館兀無寐牀頭劒欲鳴一村留雨氣萬籟變寒聲家
近途逾遠雞催天不明亂流橫野渡煙柳若爲情

過嶧縣漢二疏故里

身世無百年去就其大綱就非豔鐘鼎去足輝巖廊垂
老歸骸骨君恩深故鄉老馬不量力無乃孤芻糧苦雨
嶧山道改轍遵微行俛彼漢二疏家國皆有光下車讀

詩一

三求如齋

豐碑苔蘚交微茫古義人不見惜此非康莊我願移此
石樹之官道旁

夕眺微山湖

十載嶧山道湖流不厭觀荒寒上初月空闊失層巒天
庾儲糧急雲帆轉海難灌輸助河伯萬古足波瀾

舟夜

夜夜宿車下忽覺墮小舟夢搖波浪闊疑我身爲鷗支
枕見遠岸星黑風颼颼草樹集繁露中有寒螢流村靜
人語絕冷月孤相投披襟不能寐蟲響何時休

十月十四夜作

迢子口望家到門轉慙沮行李似去時但增衣上土我
父歲于役前月向淮許老母呼兒前兒坐我語汝少年
當積學窮達任所處不見頭白儒凍餒挫毛羽兒歸風
雪中衣裳幸溫煦承命心骨悲牽衣不能語回頭見阿
婦抱雛方就乳慰我意蕭瑟懼喜溢眉嫵男兒誓許
國慷慨委心膂詎有四方志眷愛累兒女我其庸悞才
但識離別苦蕭蕭車馬聲門外過行旅

宿遷

雲木遠有氣北來風土強河聲動城郭山勢引芒碭古
渡驅車急征衣落照黃憤王祠廟在風雨歲年荒

詩二

西求如齋

疲驢行

問津先我車跨驢循河湄鞭驅蹉跎劣飼驢僕夫悲問
僕悲何爲未荅先淚垂窮家四五口一驢備眾炊糧缺
無充芻驢瘦人同飢人飢坐愁歎驢瘦仍奔馳奔馳日
益瘦鞭策日益施路長精力索痛毒安所辭官家用大
馬充廩無人騎偶一備控縱肉眼誇神奇歷塊縱蹶失
寵盛不復疑飼以白玉粒絡以黃金絲身肥主恩厚願
影長驕嘶覆載蕃萬物那得無差池驢兮但努力終荷
皇天慈

清江浦與四農師別卽送歸車橋

感激真知己飄零慰此身不堪同逆旅渾似別家人淮
水漲城脚哀鴻到海濤歲寒歸最好吟苦莫傷神

淮陰城下送別壽梅

長安車馬馳晴雷王郎門巷荒蒼苔我獨造闔一投刺
王郎天趣如童稚把臂於今四五年好我不倦如從前
昨出都門共車乘分金分食勞投贈遊子飄零改面顏
與君況不年華盛風雨聯吟得暫驩升沈後會誰能定
淮山蒼蒼淮水清寒雲不動垂高城滿河殘月照船宿
五更打鼓催船行荒雞破夢老鷄叫有客兀兀愁天明
寄懷庚溪

詩二

五求恕齋

身世極低昂天地自高厚吾道信不窮同人達何有北
風逼仲冬東道念我友悠悠驅馬來寂寂歸鴻後征衣
河上涼白露墮高柳側足天南望別恨鬱岡阜惘惘問
浮雲遊子何淹久

清河贈友三章

李二梅江 國賓

深巷急霜拆客來寒扣門別久看顏色中懷莫具論示
客有佳兒命酒無空尊勞勞逐人事不覺日月奔得友
貢肝膈況子如弟昆審事審是非觀水觀清渾

羅三子川 利亨

往境不離夢與爾同巷時年長會有役浮雲隨合離弱
小感知遇誇我才不羈今爾坐牢落如我空驅馳去日
不我留來者其我追松柏多苦心疾風高岡吹

張三笛船 劬

三歲互一別我懷鬱不開思爾如飲食飢渴隨心來昨
從冀北野數上黃金臺延目領八荒古人安在哉燕雀
笑鴻鵠人閒良可哀高歌望吾子整翮休徘徊

冬日懷丁容甫儀部 三首

潛魚無異淵好鳥乃同林閉門念儔侶幽獨誰知心空
庭遞朝暮浮雲幻晴陰馳想望天際躑躅難爲吟我有

詩二

夫求恕齋

停雲曲擬奏焦桐琴彈多手不溫冰雪生衣襟

浮雲有歸岫寸草有本根風攪客庭木送爾江南奔時
余引疾臥強起忘朝昏塵土黯顏面淚下爲之渾朋友
散所處聯氣猶季昆望望車騎遠獨客傷心魂

北風動平楚黃葉高城飛故人渺何所我亦天南歸逆
旅動淹久日夕盼晨輝霜露纏百草我馬何以肥全陰
沔青陽來復心無違

淮上遇繆子傅卽送歸申港

大雪濇平陸河流冰澌澌季冬各行邁相逢當路歧羈
棲半日聚那償十載離子歸毘陵驛路出淮河涓流民

脫魚腹猶望長吏慈烈風砭心骨豈獨身瘡痍我欲問
蒼昊飢渴任者誰子歸但勤學別淚休空垂
奉和四農師見懷之作

出門念骨肉歸來念師友道義不我開懷抱榛蕪久好
音將飛鴻高天下瓊玖勗我慎精力植體岡阜壽摯愛
通性命旁惠聯儕偶沈子鬱歸雲東溷魚鹽藪魯君積
窮愁門掩大河柳

壬辰

蒿堵篇

徐野鬱千里水利今無傳龍師斂雲壑火燎我農田去

詩二

七求恕齋

年洪澤潰廣陵人播遷乞食河北來河北非有年風沙
莽無所依依問里廬一里復一里井竈同傾顛窮途聚
族哭臥地呼高天陰陽有掩薄植物無萬全天心屬人
力誰爲彌其偏有客坐蒿堵身賤心悽然

訂懷庚溪百韻

湖海誰同調棲遲感壯年故人阻鄉縣往境杳雲煙執
手今猶昨追時末朔顛箕裘承泗澤廬墓寄淮壘束髮
之無辨勝衣氣力孱庭隅朝面壁里閉舊通塵過從師
門友勞誇弟子賢我懷猶棗栗君幹已楠楸落莫芝蘭
契虛無縞紵綠禮纓嫻應對分豈望周旋塞逕蕪忘翦

臨渠戶密鍵叫羣空切雁編項直同鰾睛聽時曾接窮
通理莫詮孤標欽卓絕早歲惜述適游子開關遠高堂
涕淚懸可憐鴻鵠志竟廢夢我篇哀毀精潛索支離骨
倍堅人中殊落落我意爲悄悄相屬疏彌合言從進復
竣論交懼唐突證學況愚顛屈曲求繩墨胚胎待剖鑄

樓慙修五鳳堂偶識三鱣鐸語聞深院松陰列廣筵皋

比首壇坫月旦示丹鉛袁浦人文萃巴山道學傳謂崇

佛生先生仁劉升階齊聽鼓操縵效安絃魏照儕童子侯芭

識太玄求端窺溟滓同類人陶甄黜末相崇本利方或

易圓肺肝邀洞灼感泣起沈疴苟陸因投治孫龐有後

詩二

六求恕齋

先齊名翰藉甚空谷繼登然但有驪顏對都教俗慮獨
誼眞比膠漆味本別燥癘逢梗隨風轉萍絲受浪牽世
緣多去住盛會幾流連澤國君留楚金臺我向燕仁樞
中筦握祥鸞四吹扇望 闕森雲表觀光霧日邊闔都
煥金碧衢巷走喧闐守廁原非鼠懷珠可是蠅螳癡思
奮臂鶴小待翻拳久客同張翰窮經念服虔桃源羈歲
月河水逼城暝庚溪時失計謀生拙無聊託地偏荒涼
居鬱鬱孤負腹便便身外餘半落轅端苦踟躕浮沈信
瓜李得失試蹶筌行筭看南發文籀又北聯成樓勤問
驛官陌正鳴蟬柳折攀征袂榴開脫錦鞵客扉忙屣一作

展

倒閉館快帷奉情話銷岑寂盤盂續款延幸隨江令
筆聊競祖生鞭文物推 昭代風聲樹大堤魚龍羣向
化山斗不私權樸械供披擇泥塗起伏踰未曾頭角見
敢炫羽毛全九烈虛彈指洪崖枉拍肩大材駑駿足小
技竭竭延野閣看山約秋燈共被眠重觴消夜五一語
併愁千鬢影徒搔眉衣塵厭滌前余懷頻暗杼首路遂
孤騫帽卓斜陽裏車危亂石嶺驚沙紛撲斂寒草失葱
芊濁酒憑高價頽牆當短筵途長心悄悄村鷓樹仔仔
歸日嗟無恙來期快屢愆送人常作那一第帳登天椽
擬司空辟郎將吏部銓謂龔月同袍自袞袞書記去翻

詩二

尤求忽齋

龔借庚高挂牀頭劍濃看幕府蓮襟懷澄積水姓字
龔出都播桐川皖邑重移硯宣州更叩舩榮迴憑蟻轉辛苦逐
鶯遷浪迹悲王粲狂遊屬阮宣豈無家室在那得夢魂
捐故里鬱桑梓深閨盼粥餽栖栖春賃廉惘惘祭無田
雷雨空號墓功名合表阡居非終白屋道且重青氈札
問餐無減憂端膏自煎歲華驚逝景親宦等閒員僻壤
安家具荒術補屋椽時余侍當門停畫鷁旁舍叱烏犍
几案增離索郊坳斷往還行看園日闌坐耐榻成穿談
誤雞爲鬼鑽疑蠹可仙鬢眉仍故我盜竊尙陳編快事
得有幾人生眞可憐艱難最衣食造化費窮研洪澤窺

鄰壑橫流沒早秋嗷嗷廣陵郡滾滾水衡錢井邑流離
去風霜疾苦駢芸生望舟楫蒿目祇林泉河上來鸚鵡
春歸咽杜鵑遙情結爾汝何日不纏縣温飽能無媿行
藏共勉旃激昂兩胸臆別恨莫空填

六月二日作

曠宇無駐景安得征途閒出門別所親身外皆河山歷
歷下邳野加流鳴潺潺村落隱榆柳日夕人掩關居遊
一以判萬事詎同患艱難視筋力行路何足言

雨發南沙河

土室無完牀宵光接溽暑驅車夜中發戒行趁徒侶星

詩二

尤求忽齋

影幻林麓雲氣盡垣堵急風旋馬足雨來無定所昏黑
不知物插脚但深土山墓怒當車闌闌作人語我心一
險夷委身任行旅煩熱喜蠲除飽睡過村塢

東阿道中

出門異天地萬象在俯仰軫發有常趨目遊無定往高
城流雲氣大木百年長四山曠八影日烈鳴蜩響勞勞
既道路心耐力能強光景熟川涂撫膺悵疇曩

荏山店

崎士抱拘蹇與物殊所好悠悠逆旅閒我意將馬告敗
屋逼近廢蟲蚋悉騰趨暗牀藏古壁窗月時一到輾轉

不能寢短歌自相勞命駕待晨曦天遠林鴉噪

河間道中

武垣歲太燠百穀困下土農夫不獲年如兒矢恃怙雲
竟不可望愚者託田祖社樹悠悠旗墟市逢逢鼓老嫗
迎神歌羣兒貌鬼舞密沙幻飛蟲大風號怒虎田峻重
旁皇路人共悲楚哀神神不聞詛神神無語安得車中
淚化作原頭雨

卽席呈四農師二首

人生無百歲百歲猶旦昏植身視根柢今古紛亡存終
生請長纓靖節辭華軒明抱各千紀伏見無二源古藪

詩二

王求恕齋

狂馳子悠悠何足言

今日嘉宴會滿筵酌無半閒愁雜古躡中觴忽生歎畿
輔錯繡壤彌歲閱天燠秋風吹餓人葵藿何凌亂

答高紫峰大令

士魁題拙集

京國鬱佳氣交衢馳冠裳中有布衣子舉足何茫茫狂
率據肺肝披豁無包藏君子慎吐茹枝葉芟荒唐坐言
懼無實正色矻膏肓所履厥終始珍逾百琳琅還願執
此義永爲來者坊展境異朝野威候同風霜誰爲松柏
姿冬嶺橫青蒼

贈張亨甫明經

際亮

履位有崇卑植性無薄厚貧賤立地上清氣中各有十

載京國遊所得惟儕偶相思速車駕天涯共杯酒君悲

從中來長嘯一回首在家鷗鷺懼出門牛馬走六合結

真氣萬里鬱岡阜浮雲西北征天南有老母白日照

宮闕黑夜看星斗羈孤從飄搖道路知誰某我家楚州

北茆屋隱榆柳舉觴訂同志人事且農畝

東光縣

柳樹陰陰柘樹晴棗花風墜帽檐輕縣門無事號鴉早

落日騎牛人出城

紀事

詩二

王求恕齋

遠水尋舊谿遊子瞻故園歸來鞠華晚老親正倚門我

父把兒語今日兒歸早來日阿母壽骨肉奉觴好上堂

拜阿母百尺紅氍毹門關照初日賓客來於於一騎西

北來云來上國都開緘面賓客兒名綴賢書回頭見阿

父淚落紛連珠長跪阿父前惻惻阿父言我祖抱經坐

蹇困無並比屬纊撫孫背鬱不見今此茫茫六合中誰

不戀所親我父篤本實我豈無根萍今日高堂上悲喜

天所將我兒尙癡小願毋他日忘

北征述懷四首

志士悲短日達人樂當年昔友有同慨誰不謂之然道

路交情邈骨肉恩義全舍我骨肉權驅馬南山顛南山
多白雲朝出復暮還風吹遊子衣飄飄蓬在天高穹不
可仰低首悽心肝

寒霜掩原隰百草從披靡空谷抱孤馨戚戚叢荆枳出
山臨大道一履審終始鬱鬱下土懷浩浩悲風起

室家託林莽出處何茫茫我行在隔宵小女免於牀病
妻起送我語我神摧藏同心當遠邁今日大風霜東家
無完布西家斷梗梁努力此車馬親舊希令光感子闊
達言益我心淒涼既抱貧賤術往路空悲傷

朝駕黃河坂暮宿山田中深林土壁暖十月聞寒蟲開

詩二

三求恕齋

戶對深黑草樹交溟濛高天寂無響象緯垂西東悄意
掩關入千里來霜風孤禽趨南嗥我北亦無雙久旅損
肌骨端坐憂隆隆

題王香巖聽泉圖

放眼千秋幾旦昏人閒細響付潺湲故人老屋鍾吾野
天上河聲日到門

斫地王郎歌抑塞天風佐汝玉瓊聲可能顛倒黃塵裏
掩耳看人過一牛

癸巳

爲李蓮舫孝廉文翰題畫

我何淹在茲塵土爲衣裘束翼向曲沼安得凌滄洲去
日暮黃浦家鄰觀一作臨海樓樓前涌大河我宿樓下舟
老岸蘆白花夜氣高天浮上有明月光下有寒波流霜
中一雁叫萬里開清秋佳一作發墨發蒼潤似我平生遊
何當謝纓絡浩蕩從沙鷗

送徐帶方歸朝鮮

萬里此執手悄然離思孤風亭一枝柳吹向海東隅曉
日迎旌旆春濤轉舳舻知君隔遼水迴首望皇都
帶方弟眉滄索詩卽送歸朝鮮

天宰積水土人氣無薄厚中外若室室開闢復何有之

詩二

三求恕齋

子扶餘來瓌姿出林藪家學闕海國未冠已章綬阿兄
事柔翰金玉脫塵垢徘徊伯仲閒意重言無苟飄風吹
夢覺日月更童叟大地限所生聖經共一守行矣慎前
路惻惻此別久驅車復驅車春愁滿邊柳

客中呈四農師

寒飈薄霽宇喬木喧暮禽下土獨留滯觸景一作生歸

心師亦苦未歸貧病還見侵知己夢中在長白鍾仰山

科布多主時歿於日夕悲盈襟萬山傍城闕西北浮雲陰高天

寫蒼翠巖壑無古今安得掃霧露靜坐青山岑山風松

柏多浩浩胸中吟

贈侍御黃樹齋先生詩二 四首

一鳥出林薄矯然曠無依萬里惜毛羽欲下還獨飛
物戀其生賴彼梁稻肥攫食懼非分不食恆苦飢回翔
睇大化九天高雲垂高雲與飛鳥千載相徘徊

南山當城郭上有嘉樹林培長歷霜雨生意合古今豈

惟厭飛鳥一作悅行人憩其陰直幹當街衝斧斤恐見尋

處世無全策大木有本心物害毋豫患嘉蔭天所任

飲酒當飲醕漑木當漑根自養千年一作金 軀亮非道所

尊大田值儉歲民不如雞豚匍匐就城闕心痛聲爲吞

小子側人海窮達何足論一愧餐飯飽再愧衣裘溫

詩二

孟求恕齋

志士志溝壑心骨甘悽悲青史賢達流誰識身安危在

退止其所當進行其宜仙佛怖老死所見猶嬰兒步趨

望門牆草萊拙文辭文辭何足論肺肝輸所知

題徐廉峰太史看劍圖

幽華愛青陽積雪相迷離輕裘犯奇寒問客將何爲客

自把長劍顧盼一作生光輝拭以鸚鵡膏纏以蒼蛟皮

龍文燭八極百怪掩面嗾鬱鬱盈苔蘚歐冶闔之悲獨

立埃時會萬里寒風來報恩願儻畢提攜當贈誰

感興酬小庾

京洛萃冠帶與馬馳通關窮士坐冷巷結念亦不閒起

登城西樓莽莽城西山天風盪沙石關塞雲盤盤日落
桑乾流東去何時還

遊西山頂還宿寶藏寺作十首

十載臥燕市閉戶如林邱出門塵中趨倦與駝馬儔好

風送襟帶吹我城西遊冷然躡松上迥異人閒秋

萬山拱上國蒼翠羅藩屏王氣鬱岡阜草樹搖菁英客

夢偶西北千年神一清靈源見晁爲拍拍空中行

清磬落天半殿閣山腰縣古井桂華發萬蓋如松圓山

上冠帶遊山下牛羊眠牧豎赤兩足臥看巖中煙

藤蔭石壇晚薄瀉東南積 宮闕夕照生沙氣盪金碧

詩二

孟求恕齋

萬古青門道勞人復何益敗屋城南端長年歌偏側

太古此清夜大壑林樾迴明月在天上坐對萬山影吳

楚急砧石關城客衣冷溼雲潭上收疏星見東井

明河互平岡四山見殘墨野僧數閒屋夜氣萬千里仰

頭起看天獨唱一拊髀人事古浩蕩眼底滄沱水

披榛步南麓不知所歷高天低見人影長風吹敝袍直

北疊羣嶂萬樹如牛毛曠莽古誰關獨立心魂勞

四山羣雲氣卻曲迷東西大木滴高露怪鳥如人嗥亂

石辨成牒治世無鼓鼙行歌答眾響放意還招提

杉窗露澌衣蘿壁雲連巖羣生日動搖高枕山安穩一

身墮一作寄空谷萬念見根本荒鐘昏愁余空闊鄉關遠

雲木有餘氣山窗無定明晨風扇巖翠中有百鳥鳴家世託萍梗賃屋淮東城何當還易水荷鋪山中行

八月十五夜寄內

不有鬻棲感空觴亦足歡十年今夕月幾度故園看山海去人遠星河遠舍寒含愁翻羨汝兒女夜團圓

哭婦詞十七首

庭前連理枝三年一結子秋風一枝折同心剖生死人皆有夫婦我感獨不勝我婦我昆弟我婦我友朋我不知婦死婦不知我歸我不知婦病婦不知我悲

詩二

毛求想齋

我淚沸在心我淚吞在口下堂見兒女上堂見父母定省亦人事真意根無違自爾爲我婦我親纔有兒不學坐悠悠我昧君醒然規我示顏面一涕爲千言五齡同牆居避水就高屋奈何總角嬉今日椎心哭我有百甘苦不可語他人而可語似君如今竟誰陳髣髴君容光山海無由見夜起兒未醒將火求兒面庭前來纂纂君燕坐其陰明月苦不盡樹影搖我心兒女日惘惘笑嗟雜靈蠢人盡哀汝賢我獨哀汝忍唧唧庭際雀黯黯庭隅花鎮日垂房帷但聞兒索耶村落燈庭戶光景仍門闌小女索果笑投我懷中酸

高隴枕淮水蕭蕭白楊樹爲爾買一邱是我長眠處

歸我十歲來是君操作時心血那能竭去長墳頭枝

錦瑟集秋氣轉柱秋風生四坐泣不仰助我清商聲

慈烏將雛死啞啞兒未知他時兒索娘視我斷腸詞

寄懷四農師四首

師弟盛恩義兩心結百端往景棲夢寐星駕燕南關胸

貯萬古淚當別一汎瀾天風東南吹浮雲還故山把酒

望故山朝譙連夕闕形骸自杯酌中情誰共懽燕雁一

飄忽千里成長歎

浮萍綿大澤兔絲蔓平田風波忽蕭瑟零落良可憐房

詩二

毛求想齋

權閣寒色青鏡函空煙好修致短折此豈天使然攬裳

叩閭闔高步無由攀空牀塵壁下短夜悽長年

高堂抱慈愛戚戚憐兒思飲食雜獻無乃非親娛抑

中強駘蕩莽莽出門驅萬物播生氣天地春風俱南望

大河岸濁浪驚雷趨北望重湖腹野色開林墟漕流急

東下危坂參墳廬陳土續生淚百歲叢荆蕪徒倚還入

門引步中踟躕

畸人臥僻壤土銜寒如秋今日誰與語吾道良悠悠閉

戶抱兩膝積念如山邱東南有一鳥林壑靡所投征雲

曠八極願言從之遊

甲午

孤兒行

初日照墟壤草間聞兒嘵問兒年十五身枯如樹皮十
齡父飢死舉家棲茨藜母死甫十日母身委狐狸東家
有伯父貧與兒等夷抱持欲飯我突寒釜無糜西家有
叔父藏米高於隄望門哀一飯逢怒逃鞭笞來日即孤
家今日猶孤兒惻惻兒嘵處風吹冢上枝

大風六月二十九日

積雨漫空晝不開疾風無際駭奔雷雲驅鳥雀翻天去
海挾魚龍捲地來荒堡老兵坐燈火大田寡婦泣蒿萊

詩一

三求如齋

傷心愁折墳頭樹根觸安仁永夜哀

答丁儉卿孝廉 晏二首

隆隆耳令問束髮兒童時相識共羈旅好我無浮辭大
筆感投贈字字心聲為持報結魂夢珍重成淹遲五月
淮水白見君城北隈對酒獨嗚咽骨立增子悲十月淮
水寒船尾寒風吹望望城中居心與高雲垂相思不相
見征雁翩南飛

寒夜懷高人星漢垂其廬重關闕誦讀圖列紛榮枯雖
刀錯人性愚者門外趨一卷式塵海清濁將焉如為山
當極天悠悠不可居窮心事鉛槧豈曰非吾徒文采爛

一世君子猶之虞硯田無惡歲蔓草心難圖願言告同
志共寶千金軀

除夕

檐前歷歷星漢斜房中爛爛燈垂花宵深坐憶少年事
回首白日騰金蛇我父一官淮河許骨肉相憐傍居處
八年河北飽風沙今來臥聽城南鼓

城南河水冰雪融淮陰西在秦耶東大隄燈火驛亭古
人家門巷迴春風壽我高堂一尊酒我天我地我父母
下堂兒女懽聲來惻惻山妻別離久

晴雪滿地光照屋夜闌起坐更秉燭惆悵天涯客未歸

詩二

三求如齋

謂明白頭抱被西堂宿門前河水流漫漫瀕河親舊多
夫師白頭抱被西堂宿門前河水流漫漫瀕河親舊多
飢寒廣廈萬閒在懷抱何夕除我懷中歎

心鄉往齋集卷二

心鄉往齋集卷三

曲阜孔繼鏞著

吳興劉承幹校

乙未

舊城驛夢亡婦作四首

走墻無離獸巢樹多雙鳥並坐命琴瑟而我彈何孤往
歲事遠邁所向無踟躕山妻奉色笑老親忘倚閭拜跪
今出門堂上誰歡娛馬首浮雲吹遊子心何如
我生寡兄弟我婦手足同手足痛摧折此身將焉從兒
女失提抱玉雪更常容傍父如傍母絮語時喁喁見我

詩三

一 求恕齋

復出門嗚咽囑房中道路極悠邈誰識憂忡忡

候館息輪鐵兩耳猶奔雷辛苦倦投牀見我山妻來在

夢遂忘夢心顏為之開輾轉忽千里驚爾埋蒿萊馬鐙

振空廡白月紛庭階此時捫被客有淚如清淮

境往日苦促誼篤好迺偏我覺世上婦無如我婦賢室

家怨離闕生聚猶棄捐今爾即長暮我客仍年年孤冢

寄淮水松小棲寒煙寄語冢中人腸斷心相連

雄縣車中作

驚飄捲地馳晴雷黃沙如山高崔巍天闕翼野萬萬古

中有襍被征人來春寒道遠霜華凍馬蹏潛怪雙輪重

滿眼東西南北人車中各有還鄉夢茫茫大野朝嗚鴉

此身忽墮天之涯衣裘坐損面顏換自求酸苦誰咨嗟

道旁老農歎欲絕北條水利存空說去歲禾麻秋在田

白波滿地渾河決今歲短麥沙中埋青苗不雨成枯折

生事蒼茫足百感行路感不關離別安得燕山萬丈塵

年年化作三冬雪

雜詩四十章 四月出都途中作

鸞鶴萃佳嶼高翥金碧叢巖花照天色初日扶桑紅有

鳥旆歸羽草樹棲冥濛朝食東水津夕度西山風連嶂

阻城闕雲氣城中通青山臥太古行子何匆匆

詩三

二 求恕齋

青陽肅北駕朱火候道陬衣食損肌骨空視四運周浩

蕩古易水今日城南流塵土壓車軸疾風無時休下車

酌流水洗我胸煩憂

大道緬隆軌人世希榮名今惡乃古美古棄今復爭願

抱冥龍瑟彈作空桑聲一彈宮徵定再彈山水清三彈

天人說鳳鳥來翔鳴

將雨澤百族惟雲能蔭人奮雷鼓萬物惟土能生春天

地我何有百年從一身碌碌道路中對物心紛員在地

願為土在天願為雲

初日川上曜綠草天邊生風物信清美勞者難為情賊

塘見遠潦芻穢交縱橫惜彼在山泉潔泐與合井寸流
不自斷萬濁皆自攪海水日東逝弱水還西傾安得攬
元化天路從遐征

武垣帶畿輔赤日高天浮我車不遑息百體如拘囚石
梁跨沙岸野水環邨流下車索瓢飲主人權相留老嫗
抱孫坐無病身痴僕大兒羅盃勺小兒扇鑪頭叢樹覆
衡宇萬象羅清幽骨肉聚鄉里人事忘春秋

城樹風飈倚岸流石磈浮雲莽莽吹漁父年年在青
溪襟帶澗真意滿江海樂不在求魚失魚復何悔

時維四月夏南風首歸路誰叫閭闔開萬竅迸號怒東

詩三

三求怨齋

失魯陽山西拔交河樹征人鬢蕭蕭天地不知處武垣
土太煖賈歎歲云屢有滄不我歌日與飄風遇官吏坐
邨中捉人急完賦原頭有寡妻哀淚如澍

夢寐道里遠氛埃幻陰晴襍被過濟水心骨爲一清蒼
茫望舟楫流水何時平沙頭有獨樹樹下涼風生赤腳
兩小兒坐視螳關爭

宵發廣川城曉出平原陸道逢鷓鴣者青絲閉其目毛
羽垂摧殘鉤爪未云禿路人涉深沙沙中有淺麥走鼠
顧苗臥集蝗失苗綠日中羣雀來多上加殘啄下車拜
獵人尙愛此邦族病隼豈忘擊慎勿森鉗束

億載更變化逝者無重回惟日苦不足古人先我悲山
館候行子往歲此徘徊童柳不覆檐小桑無一圍今我
繞樹吟桑柳陰四垂征顏日夕換短鬢風沙吹人物共
長養我人迺先物衰是非與榮落君子隨所歸

上士有完行中人懋厥修貴賤謬所處寢食皆愆尤道
路夜中起月明山店幽羣馬語空廡齧蹴如有求芻粒
仰高厚筋力何時休

老鶴夜中叫棘木生道旁天寒竹不實世豈無鳳皇小
人眩得失君子寶其常盜泉待渴吻虎食延飢腸利不
償所傷獲不補所亡

詩三

四求怨齋

崛強世上賤媽好人中華寂寞樓上女雨淚一作淚紛橫
斜苦心學窈窕忍恥蒙君誇斜月在牀榻我亦增歎嗟
去去谿谷路綉爛晨天霞

噫氣有舒鬱生存判朝野萬事蓋一棺誰辨木與瓦蕭
條古原上沙石長楸檟新冢相續生往墓幾存者百餘
世夢速萬丈碑石假原上有征人落日來驅馬

去國日以遠問渡漁梁前萬象開夕照獨鳥經長天平
沙極我目山氣高蒼然晚風吹襟帶懷抱何足宣平生
重遊攬此日誰流連

東阿古名郡乃在齊山陽建安文章伯屏藩此土疆重

瞳失霸圖衣冠薙此鄉悼彼八斗才骨肉森劒芒悽涼
拔山力百戰空蒼茫讀書與學劒一一堪悲傷
鬱鬱望岱宗百里見雲岫往年踐山腹天地已襟袖仙
閭鸞鶴唳瀛海魚龍走青松忘歲年但記秦東狩小子
貢微忱青帝昭靈祐萬齡金玉策永永我親壽
聖人端元命萬行無偏頗儒外各有歸人海紛龍蛇哀
彼賢達流時一場其波金碧煥大野祠閣崇我我北來
歲土旱百姓飢無家

翩翩誰家子馳蓋如飛蓬黃金買道路氣意人無雙荒
邨飢婦人乞食城府中日暮空歸嗟家有垂牀翁

詩三

五求怨齋

日夕望驛埃行李多苦艱當寐不成臥對食誰能餐行
行小邾野東北鳧繹山天風吹蒼翠山色知何年邑里
賢主人館我城東偏殷勤出供具童僕爲懼顏龍性古
難馴那受萬物憐眇眇在泥滓感悅生涕漣
叱風日中馭排雲天上階攬裳不知處歷歷金銀臺虎
豹見我揖閭闔爲我開太清萬千境高下從我棲安期
百十輩一一如嬰孩甘彼北斗酌醴醕消我懷人代遞
歌哭蠅響喧蒿萊

丹崖鶴上人袖中有東海顏色幻煙霞臥見青山改世
人好長生綠髮今誰在辟穀藏萬山白肉徒枯萎偉哉

士成仁溝壑有千載

百里復百里一城復一城居人樂鄉縣游子戀所生我
生父母慈我生天地仁病禾負長養毀瓦孤陶甄一膳
不能辦萬事徒營營

古道叢墓木有鳥巢上枝矯矯下求食日暮煙中唳屏
營者誰子張弓乘鳥飢彈羽折其左墮地嗚復飛遮道
語弋者執此將安歸一巢寄風雨中有呱呱兒我兒亦
失母贈君雙涕洟

登山呼我婦杳然天路長眾離空巢中夜夜唳五更孤
雄天外翔一步一作一一作旁皇旁皇不可見雲樹空青蒼

詩三

六求怨齋

自婦與兒別二載墓草荒自我與婦別三載爲千霜永
好不終訣人事眞茫茫

我婦在天上攀雲不可得我婦在地中不與句萌出衣
笥啟塵封大女今能織中女解誦詩小女好弄筆有男
垂九齡頑鈍固無匹偶一笞兒背我淚先霑臆老烏夜
巢聲芳草春庭色萋萋兒女年歷歷酸心日

良友拜天貺好我千萬端安得遠移家與彼同飢寒懼
愛託磐石蕩析愁波瀾斗室坐昏旦滄海何漫漫

華堂錯簪履春樹團一作鶯燕黃金石火光久要在貧
賤君子贈肝膈懼不動顏面泉枯井不移水清石自見

驥病情奇力魚躍無藏鱗吐辭震百代不足庇一身餘
氣發松檟孤兔空縱橫西山一片石薇蕨今千春獨行
策天壤頰首皆浮雲

樹色昏棲鴉露氣喧沙雀人家蒺藜中夕客莽依託來
驛近鄉閭去夢遠京洛臥聞僮僕歎坐見衣帶索夜起
升高陵萬里見煙郭明月天上輝眾星失芒角鬱鬱川
上雲戾戾風中捧下壽企六十一半赴幽壑首路心搖
搖大野聞車鐸

攀蘿陟層巘磐石何崔巍褰裳涉中澤流潦無垠涯天
高羽翼短中道將安歸巢鵲能避歲灼過能知時不見

詩三

七求恕齋

深山中松柏藏春姿

鶴單無再匹柱生無枉枝同根無異葉一軌無旁馳誰
謂雲在天飄飄靡所依觀玉分瑕瑜酌水分澗溜機上
生亂絲抽刀當斷之百川流不西五嶽根不移

洪河應天漢地上誰窮源百代崇隄防萬里如長垣尺
土千黃金結舌誰得言瓠子費淇竹漢武空憂煩呂梁
匯清口淮泗流交奔未見渾者清但見清者渾

南湖望洪澤震蕩同江河綵鷁通邗城隨廣留人疴一
髮見臨淮萬笏山嵯峨歲賦陷湖靈買石宮其波風伯
偶東出人哭魚龍歌東南古澤國下者連鴛鴦司空天

上來獵獵旌旗多

大樹蔭天地斧斤日無休百枝見羣削隻葉難孤留雨
霜日夜零猿鳥日夜愁靈根不可死生氣盤九州蕪穢
法當治升蕙芟其穢溼塞法當浚治水先河流畏寒冰
上嬉惡熱日中游枉直無錯軌吾道其何憂

買書不能讀買田不能治買酒不能飲買馬不能騎三
十學斧斤腰手困不支百萬委貨殖會計我不知歸來
河上眠四壁無一錢

淮水送歸客寂寞良多娛做廬足人事時我庭前蔬殖
物遂天地在手忘勤劬爭長惡非種遇莠用我鋤菱菜

詩三

八求恕齋

失霑既病者使之蘇味豈鄰圃殊自治甘有餘

險地失安步下士多苦心既爲衣上塵那辭杵下碓戩
翼在籠縛空羨高天禽蔽目策途馬安得不駸駸秋風
吹絕壑清夜聞鳴琴一聆於忽操淚下誰能禁

喔喔門上雞索索牀中鼠出戶夜蒼蒼碧月照今古城
頭老鴉叫似歎人離苦胸中雙車輪轉轉那得語

悼小女季芻

大夢小痛汝罔罔心何之父我致汝殤於世媿爲慈出
門汝送我覆面髮如絲我歸汝母嗟小豕河東陂初日
未東上草露風微微

伊漪君澗 秋深憶夢圖

端坐鬱深感拊心冰不温所感日月異人往裳裾存窮
居戀骨肉得婦猶弟昆積好致中損風急蓬離根我友
愴同病情抱難具論遙夜慰幽獨環佩來重門夢斷莽
岑寂角枕餘嘔痕山海限地軸虎豹司天闈所思不可
見靈雨愁芳蓀

題蘊生丈載碑圖

蜀岡互平楚雲水藏低迷枯發厚一作土下有陳人

碑田郎一作起千載爵姓猶生時動在無悖一作德天

忍銷亡之觀人準直枉挹水區澗溜壽不稱金石諛乃

詩三

九求恕齋

重其疵驅馬出北門萬豕荒風吹古人不我見益以松

楸悲薶石竟長夜淑慝知為誰

丙申

題四農師岱峰晴雪圖

崔巍不可極攬轡岱雲來天地高寒積胸懷浩蕩開海

風吹鬢影霖雨濟時才東國方愁早悲歌在草萊

題陳秋舫殿撰沆白石山館遺集

東日掩朝露淒淒白石吟其言澹復淺思比蘭溪深

蘭溪帶黃岡山水無凡音人琴感所親天地誰知心

題莊眉叔伽林續集

生事奇顏而重逢皆老蒼十年判河嶽五字積冰霜宦

味村醪薄歸心北雁翔風沙驅一馬何處問行藏

葉潤臣孝廉名禮江亭晚眺圖

太行鬱生氣蒼翠浮高天神京攬雲日俯揖西山巔

冠帶城中趨麋鹿山中眠木石竝熙皞物性從天年江

叟久蕭瑟結構留山前十載我登覽顏面隨風煙蒼巖

閱太古人事何紛然願君卓高節植體如山堅

江亭展禊四首

四月四日葉筠潭紹本黃樹齋爵茲二鴻臚陳頌南慶

鑄汪孟慈喜孫二農部徐廉峰寶善黃理齋琮二編修

詩三

十求恕齋

招同人飲江亭與者四十四人是日孟慈以所藏定武

本蘭亭送棗花寺中温翰初農部肇江為之圖吳子序

孝廉嘉賓文以記之

勝地發高唱嘉會天所將舟車萃襟帶四海一至今

曷遞孟夏萬物猶青陽在胸無鬱抱在手無空鬱

蒼翠領坪嶽金碧朝殿闕美哉古池館為我同志設

俯仰酌醴一作漿天地采芳潔雲氣從風翔雅泰送嘉

悅

流緬昔觴詠瓊筆伴瓊瑜光氣匪陳迹那得薶榛蕪美

在世爭攫物態何紛如所寶不已有古意今人無

王謝榮晉室往乘播厥真大石壽爵姓在口今幾人君子既其實文行無參辰吟賞惜流光努力崇前閭

題江龍門孝廉閑息心觀化圖次四農師韻

白日動萬有得寐夜一靜百齡逐地上垂老悔馳騁當競忘陂陀少蹶一作倦生憂恚形骸委幻化不死寸光罔

大海有去波高天無駐景飛騰措八極偈仄臥鄉井誰能激窮通一作達還我孩提境霧深豹善藏露重鶴知警

江子審踐履萬里途方永君子重久要贈子以惕省

題翟一綬廬墓圖

廬墓非奇節三年亦可哀兩風臥荆棘魂夢黯泉臺

詩三

士求恕齋

暮驚心在霜華落木催天涯有遊子策馬為歸來

題毛秋伯大令夢橫權圖

萬里拓奇抱窮愁那足歎酒杯消日月塵海涵虬鸞湘

水流殘夢淮陰寄釣竿相逢黯無語春雨大河寒

送蓬萊王煉士

洪鈞世扶濟人道乃不孤戲豫逐寢食冠履猶靈芻丹

井幻生事厥弊同浮屠王子善氣貌奇想騰蓬壺蒼松

蓋紺宇縱腳無定居夜中夢衝麓日出天南趨大笑訣

我去中意無踟躕一別萬萬古今我結不舒忠孝道根

本捨本皆蒙愚子出青齊道室家東海隅衰親望子歸

日夕倚門廬生當省顏色歿當求墳墟人生崇實用悲爾遊空虛三山渺何階海氣青模鋤

仲氏斷環詞

百歲味生死朝暮堯堯蠅君心雲上月妾心井中冰

一墮碧玉碎萬燦堅金銷天風吹女蘿山鬼心飄搖

黃香鐵廣文劍鐵耕樓圖

我友鐵耕子結樓家山陞楮筆幻土木營構心血為白

雲翁戶廡樓上山參差樓下水瑩碧錦石生淪漪小築

稱天意得失無新奇豪家列華屋楯棟連崔嵬峙金拓

遊憩花石紛離披豈無百年欲柱礎留者稀并垣見斷

詩三

士求恕齋

鸞但餘人灌畦茲樓插山脚乃與山不移黃子滯京洛

身困心不疵一官就苜蓿得食歸無資故山足偃仰歸

去當何時

題張韶臺明經詳鑑小聽松廬圖即送歸粵東

萬葉愁搖落蕭蕭覆去鞍人生無滿意韶臺時中副軍歸去有

餘惟小子滯京國高堂憶歲闌故人江北權為我報平安

安

題吳半齋耕儲圖

牛唱發林木空山婦子勤年年江北望日日見歸雲

丁酉

酒賜贈毛秋伯丈

今夕蒼茫酒一杯尊前莫唱古輪臺
退荒不死非關命壯歲能窮亦可哀
逃世餘情寄絲竹閉門老筆走風雷
挂帆有客別君去城外河流天上來

朱雙之明經種梅圖

橫權廣陵路梅花千萬枝春波與春月
照影共參差之子信同調高懷無近期
古香祭天地記取灌園時

寄題阮丈梅叔亭珠湖漁隱圖

晴宇逝高鳥低頭看酒尊
人中千古去海上一竿存
大地幾漁唱高蹤有鹿門
故人官閣夢明月滿江村

詩三

三求恕齋

東楚楨二首

曉放北城權來尋東閣梅春風千萬樹
今日爲誰開勝地湖山在勞人鬢髮催
中年多酒伴難忘廣陵杯

有約不我與殊勞開徑望百年無定著
天地此茫茫菴宦胡爲者故交那可忘
離懷消不得莫更感行藏

別吳稼軒孝廉

大田

百歲獲一友動忽如參辰天許共肝膈
乃不同一身出處審精力隨用完其眞
四運任榮落高宇浮雲征

待渡淄水

明發青川驛深村出薜蘿雲開魯闡邑
月落漢灘河舟

楫前津杳風煙短鬢多十年歧路感意氣
苦銷磨

土河橋

德州城南四十里驅車又過土河橋
村貧不足三家店餽賣聞吹二月簫
樹杪塔低雲有脚馬頭沙淺麥初苗
來宵明月荏山宿魯酒還能破寂寥

次德州有寄

書生馬上未蹉跎席帽黃埃那足多
齊右寒煙有鬲國縣前水驛古長河
談經蔓草蕪遺碣廢壘平原出斷戈
南去哀鴻連暮雨使君攬轡意如何

晚泊直沽

詩三

三求恕齋

旅夢低迷錯臥興詠謠聊復豁煩膺
海天雲物連畿輔水店風光似廣陵
赤柳半川衍落日白魚二月裹春冰
勞人自笑還成歎遊洛歸吳愧季鷹

何子貞同年屬題金陵勝蹟圖

天收王氣歸西北萬古寒江空自白
一作流畫裏有家歸未得年年孤負白門遊

喜亨父至京二首

秉燭適遙巷逢君喜欲狂笑談疑夢寐
顏面對蒼茫草木驚砧杵鄉關同雪霜
坐深懷骨肉此夜漏聲長

人事莽今古窮愁獨爾憐詩名尊上國
盛氣鬱中年高

宇曠如此浮雲何變遷西山闕松柏勉矣歲寒天

短歌八章贈湯海秋農部

物候順星氣人意咸懷新我躬積冰雪百冬無一春出門驅一車日與駝馬鄰入門抱一經坐守家室貧升高攬天地盤盤城南闌西北萬山阜如我胸嶙峋勃然發長喟化作東天雲

浮雲如大鳥四極從風翔飄轉入溟渤海若何洋洋蛟龍宅其下日月升其陽積氣混終始萬古天滄涼有生墮后土沙垢纏我腸願言從大鳥高逝無人鄉酌彼頽洞流痛飲如酒漿

詩三

五求恕齋

積雪曠晴宇庭有白日光白日照形影川嶽何久長木落土不死月缺茲復張大風簸地上誰者非糝糠今日戶牖煖春氣感我旁琴瑟在我御旨酒在我堂酌酒告同志長夜其無荒

君家湘水曲我家黃河湄黃河與湘水各在天一涯攜家就耶署爾我懽同時願爲形與影我動君隨之願爲同根本我葉君其枝生年有離羣言笑方在茲古人悲際末毋爲來者嗤

日月有西逝川瀆無東旋今古此朝夕天下同餐眠志士視筋力生不圖安便惡木笑斤斧缺折良可憐天地

一黃鵠毛羽何翩翩下有窈窕谷上有荒荒煙一飛升

九天一墮沈九淵

家無一石儲胸抱千載憂十日讀君詩我淚如河流四海軫飢溺一身謀不周浩歌百年去爾我皆荒邱我兒不識字蠢蠢如羊牛君兒逸羣器地上看驕驕得男有如此身世其何尤

霜林唳癩鶴露草鳴幽蛩清響澈天地與我悲歌通履蹈異時位情在聲斯同木石發高唱生氣何隆隆持此語同志心迹誰與雙百年愁偈仄君詩如虬龍萬事苦湮塞君詩如長風

詩三

六求恕齋

孳孳遵北道歷彼關與河秋風別所親淮水多驚波遊子感青陽念我淮上家披衣開戶望萬里山嵯峨高天覆夜氣月沒繁星多君詩在我手如我心歎嗟願君寶令節還聽勞人歌

郭羽可中翰 僕霄 畫竹

上國識老可真氣如兒童淮水問行李先我帆流東今日堂上竹積墨如青銅枝葉纏別恨一一盤心胸我願移此竹植之蘭蕙叢蘭蕙雖云好君子觀其終我願移此竹植彼西山峰西山冰雪多君子能飢窮老竹象老可直節天所崇思之不可見江漢來清風

題潤臣敦夙好齋詩集

勞生涉塵海往境驚濤奔與君一歲別新詩清且温
言發至性章句天所存感子庭闈樂我親今倚門海內
口壇沾南面無並尊紅紫照天地春木有木根萬里洪
河流一勺瞻昆崙三復君子什兀坐忘朝昏掩卷臥風
雪夢我江南村

除夕八首

草木怨搖落冰霜無古今慨然天下士同此歲寒心
日照青鬢長風吹短吟端居足百感憶遠况登臨
天地一羈旅憂端迴不同鄉音逢日下米價問南中漕

詩三

七求恕齋

轉咨民力河流幻禹功狂愚託蒼昊人代歲年豐

物態閒如此人情自歲闌頭顱霜雪易骨肉米鹽難百

歲究何補一身那足歎飄零江上雁顛倒為飢寒

雛烏戀巢樹誰能忘所親可憐今日我不及隴頭民天

遠看朝暮官卑等賤貧倚門慈父母無語只酸辛

悽絕山妻別衣裳滿目存一家從遠宦汝骨竟孤村江

上幾風雨人閒有旦昏他鄉小兒女歲暮一招魂

我意諸雛弱人傳新婦賢衾裯忽今古生死一纏絲

近又三載蒼涼自九天冰絃誰側耳哀樂逼中年

懷抱自千載棲遲偶一官雄文謝班馬下學就申韓

園高天歎科條 聖代寬春風有來日還為盪幽寒

容抱幽燕氣胸開浩蕩春光陰真好我精力敢輸人與
世健餐飯看天豈夢塵金臺瞻氣象放筆寫嶙峋

詩三

式求恕齋

心鄉往齋集卷三

心鄉往齋集卷四

曲阜孔繼鑠著

吳興劉承幹校

戊戌

海秋農部人日招飲分韻得九字是夕余值西曹夜中

賦此

出門遠骨肉性命視儕偶萬戶開春風生意動杯酒我
友氣如河酌我以大斗枯腸未及熱鬱鬱驅車走風日
肅郎署出入限辰酉獄牘古塵積瘦骨森摧朽高天唳
鷓鴣粥教惟不苟今夕復何夕白雲當戶漏小吏坐鈴

詩四

一求恕齋

析霜氣逼枷柵命僮展我牀抱被覆我首輾轉不知夢

見我同寮友韓荇蒨同部歎聲楚復悽黝面癯而醜前

席恍揖我屏營衣露肘崇壁耿燈火探衙靜雞狗君形

在我旁我淚在我口披衣起前楹徒倚忽已久空階照

殘月星色冷榆柳太清空復空一身復何有數往坐成

歎蹉跎十八九攬鬢隨秋蓬堆盤及春韭百年齊所懽

長歌答高厚

三月初二夜與魯蘭岑孝廉一同聯句

大道若元氣爾我更共之蘭百年浮雲吹今日同天涯

有天涯聚有期浮雲散有時蘭聚散理固然古人先我

悲有我悲未散時杯酒徒然持蘭同貌不同心對面隔

山陂有嘉樹有好鳥飛鳴兩不疑蘭君為梓與桐我為

漆與絲有宮商應懽樂悲苦同涕洟蘭在物各異形適

用身不知有烏兔有東西寒暑無參差蘭

又與蘭岑稼軒聯句

三人一百有二歲蘭哀樂中年感慨同有短裘黃塵仍

薊北稼高堂白髮共淮東蘭煙鴻滅沒關城月有廢馬

悲鳴朔漠風稼爾我不須愁抑塞蘭長歌潘老氣如虹

有

初三夜與四農師亨甫蘭岑聯句

詩四

二求恕齋

春風今夕寒亨甫殘月猶未出寥寥素心子四農欣歎

同一室江海昔殊方蘭岑闕處曠誰匹天風吹裳衣有

杯酒結膠漆煙鴻高不翔亨甫暗鳥就林密高歌夫

何為四農往者去我疾極苦塵土下蘭岑車馬送白日

野黑星動搖誰能問箕畢有少讀莘渭書野老可元

勸亨甫虛名老不就長鳴愧鷓鴣四農勉矣毋多言干

春志剛述蘭岑

又一首

慷慨荆高幾輩存亨甫蒼山夜氣入琴尊有百年落

落窮愁骨蘭岑寸燭依依契關魂四農寒角高城吹月

色亭甫故園老樹長霜痕有函 驕人夢與溇沱水蘭岑

千里盤迴出薊門四農

十五夜柬李古廉韋竹坪兩同年四首

典禮南宮肅壇垣北斗高人文歸景運 天視寄詞曹

襄職誰能事為郎敢告勞官廚三等賜仰負 聖恩叨

車馬昔顛顛年華客鬢消夢魂春一第血淚燭三條釋

褐衣仍垢瞻天路轉遙中宵銅漏咽官閣憶漁樵

鞭策束筋骨途長馬不肥城南春萬里煙柳待人歸上

國白麟鳳家山戀蕨薇簷端雲變滅野鳥拍天飛

肝膽向誰是披衣起看天一官拋骨肉萬事愧餐眠同

詩四

三求恕齋

調隔遙夜聞歌合慨然闔闔森鼓角碧月正高懸

曲水流觴圖

伍瓊圃同年其尊人燕堂先生年七十五矣生日在三

月三日瓊圃伯仲奉圖為壽

峽江天上流高瀉岷峨煙巖石鬱松柏人與山齊年惟

公茂體素杖履閒遊燕盤盤大椿蔭玉樹心相連用慕

德門居近市如鄉田骨肉門中驩門外皆陌阡我家大

江北碧月高堂懸誰不眷歸路束縛成遷延朝望淮水

涯夜夢淮山顛游子浮雲征芳草何絲絲敬惟我父執

人至天斯全令序重攬揆曠懷齊古賢軒舞堂上壽三

鳳高聯翮天地適觴詠豈必山陰泉

題夜課圖

客久悟家樂年長思兒時讀書昔云苦夜深母寐遲典

欽市梨栗念兒中渴飢依母無寸離望兒無窮期白雲

起天涯南北風吹之昨夜牀上燭照我歸淮湄母手一

卷書呼兒晨夕披從政貴通經舍此奚所師兩孫解句

讀毋任荒於嬉頃得淮北書夢裏書中辭覽君夜課圖

君心我所知我心千萬縷非君當語誰

答潤臣兼柬海秋八首

一車將一僕出門何所為行行造郎署郎署何崔巍百

詩四

四求恕齋

堵長荆棘上有霜風吹下有百囚歎白日門無暉大獄

判生死長吏實為之既從長吏後那得心無悲白肉寄

捶扑庭草殷階墀

驅車自公歸古巷車奔雷路人避車軸我意為遲迴萬

木遂春氣晚榮者後摧金石為世用過耗精先衰豈不

慕津要據之為天階所悲勢倚伏一速千傾頽

七尺事經史發言充四維舉世駭高論君子觀所為大

道直如矢征車何透池前轍不我鑿我轍誰鑿之水淺

不覆足葉盡無藏枝安得農去草如我心去疵

左亦不得山右亦不得渡朝行有炎日夜行有風露行

行四無所莽莽天中住照影日以衰迢迢爲誰故

大造役芻狗轉轉人如九天河瀉地上各自爲波瀾作

息共氣類智者心多患康莊有荆棘履者知其難明月

照庭宇誰識心中歎

兀兀望知己乃在天南端謂四農師斯人隔形影惟子聯肺

肝湯子亦同氣無衣知我寒采采涉遠道的的湘中蘭

宛轉撥其英澗石何磐磐我願爲磐石勿願爲風湍風

湍瞬相失一別沈千歎

赤日地上火百穀沙中然一雨不可收日日雲當天長

衢在泥潦驟寒車傾顛憑軒念君子懷抱何由宣願言

詩四

五求如感

二三友百歲同餐眠奈何相鄰里欲往無由緣况當與

子別遠道思絲絲

人誰無父母我豈無根禾行當理舟楫歸我淮上家胸

懷浩溟渤既往無留波盈盈別子淚得不相滂沱出處

各有歸理在無偏頗匪勉 聖明世萬里毋蹉跎

宿畿南篁村再寄竹坪二首

人生連理枝我生獨繭絲異地得同氣弟實兄倚之賃

屋必連巷飲酒必連卮君僕我所役我友君所知爾我

兩馬熟日日相追隨依依君兩男攀衣恐我離首路莽

風雨相思當告誰

春秋天氣佳相與論新詩我詩萬梯棧險苦其誰知君

目燭如月辨我龍與淄君贊我藥石豈惟文字師傍君

心無尤別君心多疵安得剖我心與爾身相依萍蓬各

有適浩浩天風吹夢寐幻顏色徒爾相思爲

初五夜長歌聯句

城頭白日落未落城門車馬走盤礴黃沙撲衣吾獨行

四 放眼青天極寥廓不知天外太行山何人俯仰蒼茫

聞古人已往今不還身但見懸崖絕壁高孱顏山中流

泉下百道匯爲昆明湖水青一灣關湖光接天山倒影

積雪猶在巉巖頂百年大木待春風有虬枝展曲無人

詩四

六求如感

境蒼涼已伴海上松華采能爲日邊杏四我聞搏桑照

天東下有跋浪千蛟龍上有大鵬百鳥不敢顧身垂天

大翼雲濛濛道逢希有鳥奮翮來相從蘭人生遇合豈

有極悲彼青芝綠萑齊蒿蓬我欲上叩蓬萊宮有闔闔

欲開雷聲隆隆帝旁玉女顧我笑笑我何故兩鬢霜華

濃四霜華何足道咄咄天公有時老誰能煉石補缺陷

亨手攬銀河灌瑤草銀河風濤日西下一杯湛湛願我

借蘭夢騎渴虹一痛飲萬斛瓊漿自天瀉胸中芒角森

繁星有下顧齊州點點煙痕青離婁明目不可以辨析

胡爲洗剔毛髮長清醒四欲入九淵中道悲伶俜欲帆

四海萬里常飄零亭不如結屋西山陲春夏射獵冬譚
經蘭西山非故土骨肉渺何許堂上燭如月窗下蠶如
雨看晨起入市濁酒三百杯安知今之人兮不如古十
步之外卽溝壑四朝唵伐木夕鋤鋸願得蟠天際地皆
吾徒飄飄意氣如霞舉嗚呼人生意氣知何限亢爽能
平千蜀棧世閒長蛇猛虎亦天數白日昭昭常在眼海

宿寶禪寺

僧語暗長廊殿閣何深迴聞鐘不見月風動孤松影
襄事禮闈三月十一夜作

詩四

七求想齋

重闈闕星氣黃月紛離披大風起中夜崇垣吹蒺藜磊
磊天下士誰者甘塗泥鄉里廢選舉越此天何階神鈞
式品彙規矩無定施悲彼大匠斤手運心低徇我昔貢
上國十載其中棲今來奉職事百體仍囚羈卽境迫身
世蠶縛無已時天馬騰高雲萬里其誰知
二十五夜四農師亨父海秋蘭岑同作
霜色鐘聲夜若何空街沙石走明駝一天好月無人看
城上輕風吹女蘿

三月晦夜與四農師梅伯通父聯句

春光爾莫逝我意尚低徊四農相對依孤燭誰能任淺

杯看車塵憐殢柳郊雨盼迎梅梅伯尺五城南地空

羣冀北才通父敢因降明詔試與嚮蓬萊師雲馬霄

舒轡松虬棟選材看袖長誇妙舞花好仗深栽梅直道

諸公在狂瀾一柱迴通獨臨溟渤望若有鳳鸞來師感

默靈斯贊機潛運所開看窮通猶末耳去住信悠哉梅

遠想燕昭館羞登郭隗臺通縱橫前世誤綱紀寸心該

耿耿懸澄月荒荒掃積霾看清歡敦萬古祥曜轉三

台梅道大神樞治聲宏景物恢通丹樓瞻聳出青管喜

追陪師醉興明州賀梅伯甯鄉思楚苑枚看夢猶依水

石氣蚤鬱雲露梅人海闐闐集天風浩浩催通頽齡偕

詩四

八求想齋

奮迅眞息葆嬰孩師騷雅須扶樹靈修幾溯洄看此閒

多健者有願託良媒梅漏轉窗雞動憑闌看斗魁通

送通父

二十知君名三十識君面識面卽成別臥起隔河縣往

歲遇京師君病考功院謂王慈王郎今飄搖就我如歸

燕笑言締性命骨肉相依戀離酒忽堂上在手誰能餞

人事奇形骸日夕疾風電君壯且蕭瑟潘老況衰倦時

農師與通父蒼山城西南花柳自郊甸征輪在我心萬

轉無人見

題李千之蓮花橋圖二首

橋爲千之祖所造道光庚寅江華搖變千之建義旗橋
上搖遞去

安得仁人術寰區徧所遭津梁誰幹濟跋涉古哀勞李
叟今荒草鄉人祀澗毛都溪不可見天外首重搔

柳洞羣猿吹蓮橋萬騎屯笑談卻烽火井里各雞豚多
事功神鬼眞成賢子孫青編問忠孝風義幾人存
文信國琴拓本爲龍門題

宋祚忽趨海悠悠六百秋夜堂風雨黑使我七絃愁

題林岵瞻樞部揚祖所藏赤壁圖次吳文定韻一首

久欲乘風海上舟塵沙今日苦吟謳煙雲到眼無窮碧

詩四

九求想齋

如我胸中萬里流

黃鶴青天上遠空帆檣萬古自西東江風吹醒孫吳夢
多少滄桑一醉中

題林天素雪叢蘆宿雁

金粉南朝冷夕曛沙黃蘆白幾成羣飢寒顛倒誰曾見
天外荒荒有斷雲

寄兄與人長沙十章

黃河近鄉縣曲折歸滄溟天南望鴻雁楚山空復青浮
雲如車蓋萬里何亭亭爾我地上隔曠若分野星滾滾
黃河沙蕭蕭楚水萍

殊方異寒燠體素今誰強昔日門前路今日爲川梁童
年嬉節物相與淩風翔天風送人代鬢短悲歌長

林無獨樹木田有雙穗禾大地得天助雲山相委蛇百
卉苦冬寂春風還復華與子共形影一訣如流波官卑
道里遠我心悲如何

艱難戀所生老親俱白頭伯父愛我父同氣無相尤離
居緬淮水歲時通以舟奈何我北轍君涉天南流

靈護萎繁露君抱北堂憂歸翼五千里邊戶嗷啾啾自
君復出門慈母棲荒邱春日照墓草黯碧如深秋飄風
吹游子大野寒雲愁

詩四

十求想齋

白日西川逝皓月東天升老親閉門歎宛轉隨年增恩
義寄百體百體非岡陵三復陟岵什懷抱如霜冰

春風豔桃李不如麻與桑花葉雖云好不如柯條蒼阿
嫂撫灘苦拙直天所將遠音傳怪鳥凶吉不能詳路長
兒女弱使我心旁皇

古人敦一姓況我弟兄親萬木有根柢大地天同春鴻
荒變陵谷人物遷風積所悲異代後同體爲塗人今日
有爾我離別潛酸辛

夜夜夢楚水三年通一書中言小吏賤大官貴有餘貴
賤不同貌所性中無殊飲酒有清濁薄宦何賢愚風雨

坐郎署與爾同噦吁

人生非堅一金能火爍之念君歸無期君體當保持身

在有來會恨歸年遲藥石不造命那有丹山芝援筆

為君壽困贈長相思

為梅伯題畫蟬

舍此更誰適孤危抱一柯清陰暉不滅赤日近如何風

露得天貺年光戢影過向人休聒耳吾亦厭勞歌

贈姚梅伯孝廉 四首

三載不見君見君骨仍瘦形骸消歲年不獨裳衣舊往

歲眾人中中情兩未究今與結綢繆真味飲醅耐萬物

詩四

士求怨齋

日動搖誰似太行壽開門揖太行蒼翠自天構爾我復

何為顛顛塵中走

顛顛君面顏蒼翠自君心君心萬邱壑我日相攀尋明

河在天上君詩清復深木石寫生致大筆無凡今以我

好君意脈脈誰能禁所懼中燕好過雋流於淫鄰樹有

疏陰好鳥無繁音

君居阻遠市相望城西東我屋亦逆旅誰不為萍蓬良

宵君我過暗戶開東風買酒對明月形影高天中月落

秉燭語外愜無藏衷君耳通我心誰謂聾無聰清夜閱

太古遠寺多霜鐘

盛夏百族茂之子含清秋途窮室家遠得歸其何求言

鴛山無車欲濟河無舟奮飛無兩翼臥夢家山陬黃金

買道路百騎如雲浮之子墮天末心歸身苦留一官蹇

我足八口生煩憂愛君莫能補贈君雙涕流

送梅伯

百歲幾師友風花高下飛眼前惟汝共何事亦東歸雲

物有餘能斯人長苦飢都門萬楊柳垂首為依依

感逝十六章

逝水何漫漫往者為波瀾著書忘身世業盛年已殫阿

兄海上哭日短胸山寒心血長墓草碑石空盤盤 許月

詩四

士求怨齋

南師桂林

巴山好眉宇十夜九夢之既見不知夢隕涕雞鳴時講

堂照白日淮水流澌澌論詩仰天歎甘苦其誰知 劉佛

生師岸塵

萬影日東逝歲年石中火身壯心日頽藥石誰砭我飢

寒坐章句垂死力無惰瓦棺厝西冷風雨靈其安 潘竹

泉師世恂

悽涼死別離懼喜生相見君亡我痛之生不識君面英

少能文章心骨苦熬煉淮陰一權發我有淚如霰 丁壽

卿明經玉康

拙訥口無巧巉巖骨無媚鄉田有秫酒明戶足醒醉何
為京國來荒館臥顛頽吳江楓樹林天遠魂歸未 邱梅
坡秀才濤

肺肝向我熱人說君如秋一官之百粵歸骨淮水流遺
孤在妾腹墮地為浮漚君豕眠羊牛君妾生年愁 萬庚
溪大令應新

一真際百物七十猶兒童術精道不曲乃自嬰其窮在
腹有義皞抵掌無王公燕薊覆坏土不返淮流東 吳鞠
通布衣瘡

天地無棄質大臣收散木訢訢撰杖從頓作寢門哭中

詩四

三求恕齋

天望霖雨歸雲一何速望雲淚在眼感恩淚在腹 吳梅
梁師傑

大官肅篋笏退食衣不完丹旄阻冰雪歸魄仍飢寒崇
儉自天性境困神彌安穆穆坐容臺天下尊裳冠 汪巽
泉師守和

王郎氣披豁不受物調弄典裳佐我急真意世傾動我
歸聞君喪乃知君餓凍藝術失倉扁藥石纏冤痛 王慈
兩考功欽霖

友朋哭於野少婦哭於房老親柑心臥淚眼無天光賢
愚百齡中俟命非云殤瞳瞳如朝陽寂寂悲晨霜 胡介

眉孝廉錫祺

春花隕不實萬豔晨霞空往夢落天半秀骨青芙蓉 丙
峰了不死白骨隨蒿蓬隻影鳩茲月老淚津門風 繆生
潭孝廉鈞

山田足生意耕稼非苦辛通顯乃短折不如長賤貧歸
骸寄舟楫楊柳愁河津弱妾長遺孤寒月桐江濱 葉伯
華編修瑤

丹山有鳳鳥徘徊高天飛飛鳴要路津天下瞻羽儀土
質掩霜葉寒蟲一何悲為郎四十年身歿人不知 韓荇
漪侍御綬

詩四

西求恕齋

戶曹無一錢刑曹能生人秉心天上月厠身人中塵楚
水一鳥咽江雲為之昏去歲君哭兒阿親今哭君 蔡小
沙比部紹江

人世遞相殖生者纏酸思愛子昔出門今日靈輜歸一
第北堂喜喜乃重其悲洪厓不可作使我淚霑衣 黃秋
汀同年孟鴻

疊海秋贈別韻兼酬劉夢象大令黎月喬編修四首
日日青門道垂楊夢裏攀庭幃經歲遠去住一官閒似
我心如結何人鬢不斑眼中得歸路天地豈吾慳

齒齒欲無花秋風何處家朔雲連大漠苦雨阨征車短

燭歌今夕勞薪一涯西山真好我千里送煙霞
百歲有誰聚勞勞亦世情長途自今古我馬一悲鳴境
往動生悔天高豈忌名瞻星肅車駕長夜對參橫
家室忽南北逢人皆異鄉秋聲先道路山氣變丹黃知
已去我遠登高望眼長相思寄杯酒痛醉總難忘
再疊前韻

湖湘古漁父獨我一追攀相望悲歌裏何時涕淚閒余
懷共窈窕舞袖惜爛斑風雨虬龍幻蒼蒼意豈慳

天上碧桃花仙源別有家虛無青鳥使淪落紫雲車

新由庶常
改知縣才氣果誰匹風塵詎有涯君詩我心醉字字

詩四

五求如齋

咽流霞

比鄰通警效離聚最關情送我千山去高歌一劍鳴

喬風霜新別恨湘澧舊知名尺素連牆便遙天雁陣橫

遠水通南國浮雲別帝鄉樹低荒驛暗日落大河黃出

處裴裒久知交感慨長臨歧贈懷抱千古詎能忘

乞身歸江南出都門作寄竹坪二首

積雨當前軌阡陌爲波瀾昨夕臥京洛今日天南端泥

潦沒馬腹僕夫吟且歎我豈好長路弗獲辭此艱險阻

不我勞宴居不我懽行行六台中履我心所安回望遠

城闕馬首猶西山西山自蒼翠雲物何閒閒

往歲君送我城柳秋蕭疏今日君送我復此城南隅城
南古亭埃離別無時無我去君北留歲年忽已徂人生
戀骨肉所樂非妻孥行藏苦縛束遊子悲何如願君勿
南望南望皆歸途悠悠行路人誰識君躊躇
南歸雜詩十八首

薄宦妻孥共相憐笑眼開我親隔淮浦寂寞望燕臺壯
歲多離聚浮雲自去來桑乾嗚咽水何日復東回

荒岸見秋草絲絲通故鄉雨風斷舟楫津埃有河梁天
與孤懷健雲開望眼長何勞歸夢遠夢思轉蒼茫

客懷歸最好我僕歎如何出郭雲隨馬連天雨似河懽

詩四

六求如齋

愁雜羈旅去住一蹉跎村夜荒雞斷勞人任放歌

雲黑失津樹深村坐掩關雨聲浮大野電影見荒山濁

酒起斟酌居人斷往還披衣問晨旭何日馬蹏閒

十里城隅路菰蒲淀水流歸途接殘暑夜氣挹清秋津

遠橋連驛村深樹隱樓廿年愧漁父一笠坐磯頭

天不厭農家園居秋有花陂塘前夕雨桑柘隔山霞半

畝吾何有雙輪殊未涯征衫爾何事萬里墮風沙

客路幾時盡羈懷胡可量暮雲愁去馬密雨暗飛蝗秋

稼半垂熟叢蘆忽已黃榮枯何用卜來日正茫茫

百里凶豐異雨暘那可齊平田長沙石短草臥鋤犁長

吏催租急村人向客嗥凋榮有如此誰復歎駑棲
放眼碧天長悲歌枉斷腸誰真任飢渴歲不少流亡文
字曾何補形骸徒爾忙古人不可作杯酒弔蒼茫
回首燕山隔停車古驛前孤城斜照日一塔遠浮天細
柳攀何處將軍壯可憐斷碑識殘壘餒魄竟千年
馬首北風緊浮雲低復昂夕陽斷中野驟雨得新涼遠
水前汀草幽花古驛牆此鄉村運熟多少舊垂楊
斷岸喧車馬秋聲渡衛河天倉寄舟楫民力耐風波遠
海雲帆阻司空軫念多創聞行水策塘運近如何
天地有行旅離情誰與論輪躑錯眠食寒煥幻朝昏野

詩四

七求怨齋

老棲禾稼窮鄉長子孫升沈絕人事百歲一柴門
太古閱昏旦人閒有寂喧羈孤逐車馬信宿感川原野
氣覆高宇孤煙生短垣滿胸填血淚撫劍忍空言
塵土仍衣上琵琶忽酒邊秋深花漸盡心與涕相連涉
世復何用看天還自憐八埏寄雙翼從此狎風煙
七尺託高厚崎嶇任所遭初心豈江海隨分足蓬蒿村
店月孤照風林夜有濤清涼抱山氣一枕謝憂勞
高天劃長岸片席渡黃河歲月濤聲疾東南海氣多川
防今曲折國賦幾消磨偶費淇園竹徒聞瓠子歌
百年同覆載宜與世相違壯歲莽無適餘生只辦歸浮

名謝天地真樂際庭闈江上園林好高高春日暉
爲姚輞川題畫菊
故人同歎折腰難百口飢寒寄一官如此好花對尊酒
幾人不願故園看

四農師臥病淮安南城賦呈四律

悲喜幻顏色空堂燭影高深杯寒夜雨別淚舊征袍側
耳厭更漏驚心怯鬢毛城南問淮水誰得挽滔滔
落木生寒吹誰能病不呻聯牀聞轉側痛似著余身歸
物方愁晚城闈靜待春凋榮松柏外幾輩與嶙峋

天宇靜暉暉高雲送客歸豈無窮巷樂誰識壯心違車

詩四

六求怨齋

馬憩魂夢江湖閱是非吾師真好我同飽故山薇
隔縣連喬木移舟百里長水田權歲晚澤國禱河防生
計從鷗鷺閒吟感雪霜掩關就鐙火莫更話行藏
稼軒東莊與蘭岑分韻得蘭字兼懷竹坪都下
歸來里中步樹色淒已寒良友入我懷如飢不去餐東
駕爲親故北涉河之瀾故人海上來酌酒與我權同居
累日夕忽忽還長歎言念母氏病在夢生歸翰行當與
我別留子良獨難人生地上走不如山中蘭同味不同
根各各懷其天子居近百里聚散方無端吁嗟京國遙
川嶽雲漫漫

酬蘭岑二首

寥落坐窮巷瓊瑤倦眼開
中驚歲晚海內更誰才
衰草寒雲合長淮落日來
無心數風帆望汝一登臺

壯歲得爾汝垂垂向暮煙
窮通從道力喜懼傍親年
鑽火湖邊縣霜風海上田
蒼茫問離別獨雁沒遙天

贈劉童子年十一能詩同年百泉第二子也

去日雲過眼中風逝艤故人真
有子開口慧無雙舉國看雛鳳
羣兒屬吠牕熙朝重彝鼎望汝筆能扛

題錢時庵所藏花鳥圖

歲暮遠歸就親故城南日與錢郎遇
昨宵視我百卉圖

詩四

九求怨齋

霜天四座靈和俱百花相憐不相妒
珍重顏色齊懽娛隔林小鳥作人語
更呼疊應催提壺草蟲上花助金碧
嚶嚶唧唧為笙竽我昔攜孥家上都
一官三載塵中趨林亭盤曲召魂夢
脫卻簪紱還江湖讀書卜宅城南隅
苔蘚四壁階荒蕪安得向君乞花鳥
春風天地開吾廬歲暮寄懷四農師二首

平楚極登眺湖天襟帶浮凍雲
岡上樹老屋郡南樓歲月積高唱
衣冠生古邱形骸將姓字江海日悠悠
風雪衡門在關河去日多斯人竟衰病
吾道復如何聞海蕭條望謂亭燕山抑塞歌謂海百年幾同調何以慰

送

己亥

為朱航齋題畫扇

碧澗窈復曲無人天寂寥山高足
秋氣木葉夜蕭蕭舟發南城

懷抱了無物空舟浩渺閒卻看斜日下不獨白鷗閒風

草盤秋氣湖天照客顏渡頭雲萬疊已似隔江山

槐樓灣

百里垂楊暗重湖急夜流風煙愁極浦兒女自漁舟澤

國初聞雁蘆花又一秋客心與明月天際共悠悠

詩四

十求怨齋

揚州

北擢山光寺南樓揚子橋蜀岡不可見木葉夜蕭蕭

川霽

川霽蒲蘆雨林開殿閣霞人煙生浦潑佛氣藉金沙岸

竹倚倚遠村帆故故斜清寒成信宿心數暮天鴉

真州城下寄稼軒

津亭萬楊柳日夕江風吹攀條上高岸宛轉懷中悲我

悲渺何所乃在淮河涓淮水冰我腸舍子當告誰片雲

在我前十笏庵中詩師弟共形影日月相追隨大江照

春酒嗚咽今空杯我有萬古淚滴在此城陂古人竟厚

士永盛心相思

江行八首

高天下無岸西北浮雲行大江疾東去氣與蒼山平君
子自浩浩小人河營營哀哉溝與壑蚬蚓爭飛鳴
危坐閩川阜地邈雨隨漿江山喜我來白日一晶朗空
洞遠天外短樹如叢莽澄灘萬網集風色兼葭響
平地凜坎奔當險乃不驚潮頭萬巖伏破艇從風行驚
波盪地軸如我胸中鳴激越有直氣誰謂流不平
晚山無盡雲江天有明晦煙嵐得新月照夜波光碎剪
燭宿斷港靜與蘆花對高鶴如老人寒霜發清欸

詩四

王求恕齋

野天抱被眠胸腹萬邱壑童僕曉猶睡獨起自斟酌塵
海有是非柔懷百牽縛白雲依空洲遠意甘寂寞
寒潮沒短樹苦漲悲荒洲炊煙溼小屋家室如鳥鷗急
瀨齧沙石紺宇頽中流江風墮簷雀石佛荒荒愁
智士適義命澹泊平貪曠心力絀所向過求多苦辛大
江多葦田擔者求東薪江水萬千里釣者求一綸
中流攬太古海色東蒼然昔賢此擊楫震盪為空煙萬
山轟水骨真氣相鉤連客懷浩無語戢影寒江邊
渡江作贈黃樹齋先生
翩然脫籠鳥八字霜風道抱影邁雲水高蹈鍾山秋借

問好羽翼信將焉求鳥亦何所求鳥亦何所謀哀鳴
戀恩義言之中涕流側聞大銀臺擁節凌滄洲 天子
昇聽視精氣光奎婁江海無遺珠珊瑚矧再投重來熟
林麓大木惟披搜執事亮今昔公愛來清愁衰然重舉
首潘老今荒邱雄文委后土萬古誰見收妻子餒無託
夜哭淮河頭細微不敢訴懼益君子憂東眺大江岸雲
黑滄溟幽浩浩蒼波中惟有青山留洲居病潮汐苦雨
無時休在眼雜欣戚人世真悠悠

宿琴隱園留贈湯雨生丈 貽汾 五首

詩四

王求恕齋

天地得真我浮雲掃暮煙百年問風月幾輩主林泉不
負看山約何愁拄杖錢攜家有琴鶴雞犬亦神仙
山意披襟得江聲動郭來遙天供臥起老境健池臺秋
色南朝改雄心 北闕開蕭蕭悲伏櫪奇驥竟蒿萊
我愴山陽笛君懷展笠圖相逢俱涕淚知己半榛蕪閉
戶看長劍能文控壯夫駐顏覓丹竈句漏久虛無
大樹蔭深巷秋聲小閣多夜窗明水石清夢足煙蘿苦
雨滴無歇貧居歎若何白波添幾尺惆悵問江河
磊磊丈人特鬚眉那得忘故交重雞黍令子並鸞鳳執
手低徊久驩蹤感慨長煙雲滿鍾阜來會詎蒼茫
題雨生丈雙笠圖 丈在歲與周止安丈同繪
居又皆乞身繪圖寄意

今日大江水分明照舊歡青山極窈窕一笠影淒寒周
子臥千古將軍感百端浮雲真變滅長劍倚天看
登長干寺塔

信是登臨我蒼涼豈夢魂天風吹雨斷江勢帶山奔雲
木牽遊子關河遠 帝關茫茫問身世六合與誰論
雨花臺謁方正學祠

南郭孤亭迴秋墳十族寒漁樵識袍笏歌哭見心肝骨
並青山聳天難碧血乾景公祠館在愁雨對岡巒

湯雨生都督邀同黃子湘上舍嚴問樵大令黃樹齋銀
臺鈕松泉殿撰遊雞鳴寺覽城北諸山

詩四

重求恕齋

山骨出大荒后土爭奮躍江勢匯陂陀水石互根錯王
氣偶盤鬱誰氏此城郭古寺問南朝變滅幾更作老松
歷年所幽巖潛哀樂攀陟諸天遊空闊得杯勺累月秋
霖繁落日忽高閣莽莽羣山來千里貢闕廓四坐吹長
風檐雲進復卻溼煙江上收巖翠儼新著遠嶂天爲開
相勝各邱壑真意自岩巖豈受五丁鑿培塿有餘氣時
亦見厓嶠古人與我俱大地一棲泊出山任霖雨閉戶
甘葵藿願言齋行藏浩浩尊天爵

眺元武湖

蔣山幾樵蘇煙花盪羣苑澄湖北城北餘氣水深穩五

洲相因依空明合諸巖峻岸拒小舸安得通高懷離離
夕照深漠漠鳧雁晚榛楚亦煙火知有洲人飯營生苦
崎嶇得止用無損余亦澹蕩人魂夢此棲偃氛埃結塵
市飢禽爭去返世豈無桃源問津人自遠

妙相菴

血氣異木石生無大空理初地各殊觀臺沼契同旨澗
竹四山風瀟灑送窗几一一鳥聲善枯坐可以起
留別李方赤太守 璋煜 四首

大地一鴻爪蒼茫感獨知萍蓬各有適心骨重相思淮
水閒中味寒松江上枝識君能久敬何恨十年遲

詩四

重求恕齋

託始交遊慎斯人懷抱開百年幾同調一刺媿相猜山
氣白城郭江鷗倦去來新懽黯將別擁楫苦低徊
東國勞鄉夢南朝對暮秋風流賢太守雲物古昇州舉
世看青白孤心任怨尤詩書真在眼吾道未悠悠
水閣明燈火深談顧細微踟躕今夕雨懽飽故山薇拙
質通真幸行藏豈異歸江湖瞻 北闕空闊嶺雲飛
與方雲壑 其洪 守風江山
一權誰知我歸途遠傍君亂山連榻夢苦雨渡江雲逝
水何當返秋聲此復聞天涯感搖落况對雁離羣
尋永濟寺石壁

桃林界中嶺寺割東西宅江漲寺門深信田蕩阡陌苦心策所向奮步耐蹇屣禪棲斷人蹤愕問所來客懸厓出太古遊者儼創獲留氣佳大雲裂骨走怪栢日月升其陽殿閣倚天色羈泊坐飄搖心力苦騰擲志士恥悠悠神懼爲形役屹立世不轉勉矣茲山石

守風觀音門登燕子磯憶魯通父

壯觀念奇士耳目盤高風滔滔枕几前起坐雲濛濛舫舟兀如堵暗雨連青楓躑躅曉升嶺披豁天爲通西顧不可極薄靄荆襄重東海元氣母金焦如兒童萬山拱建業人氣爲青葱慨然古上國逝者爭豪雄滔滔大江去誰復思其終挺亥託身世猿鶴悲沙蟲容與履有位滌決心無窮知己不我偕彌望將焉從來日問溟渤浩蕩隨征鴻

山葉

山葉不在樹丹黃綴野庵靈根出磊砢真意耐霜嵐峻壁自垂竇飢鷹不敢貪翻憐城北柳搖落暮江潭

漁父

一磯守百世老漁蘆中棲一身託一網旁哺兒與妻十網九空張水上妻兒嗷生涯各有所隨分安寒淒一竿我進退不緣人取攜客舟逝高浪萬點如鳧鷖昏旦逐

詩四

美求恕齋

湖沙東泊難爲西江風役雲氣急雨從低迷荒埃夜吹角獨客心悽悽

食車螯與通父聯句

海物有萬族車螯嗟獨妙靈氣抱開闔蟹母實汝造門關關雙扇鏤鍵釘一鉸勒滑蒙有包潛閱鑿無竅水泗沙蕩漾日曬碧焰燿側拙螺行旋走讓蟹螯躁媚膩膚脂採柔纖舌本掉外闕偶風扇平中潤豈雨膏饒涎任旁垂鮮質堅內奧緣隙苦猛擘張罅忍深剝得雋親抄擗棄甲任顛倒頓愁燃豆泣羹夢含沙笑月下蚌胎死釜底魚魂弔爭沸走如丸祝膜臄成炮一入光愈瑩百轉色恐縹脆縱水母遜鮮可蜺妹傲來其遂空箱豐本爲出窖水國飽漁樵朱門珍貴要苦捶地骨碎終殄天物暴安知有許事傾尊且一酌

校潘師遺集與通父聯句

岡松圻霜皮凍風慄澤腹通父驅車慰所繫言邁大河

陸匪眷盍簪雅難捨師門哭有函鴻章炤淮流丹旄黯

寒谷海內元氣孤萬悲慘在目通長天逝不盡日月斯

文精掣揣見心肝抉擇關膚肉有反思同調人隕葉半

辭木通三湘深復深謂海八閩曲復曲謂亭故山爾與

我深宵更秉燭有

詩四

美求恕齋

浪石莊借通父過稼軒東莊車中聯句

過從凌寒色有招攜入暮煙燈明牛巷靜通風起雁沙

旋情話輪雙轉有沈冥天四懸東村權有客通枯酒莫

淒然有末二語爲元直發

暮至孀子莊復聯句

釀雪豈天意禁寒見汝心一杯消涕淚百歲幾招尋黑

夜征鞍急黃河故道深風沙莫慘憾草澤有謳吟

贈通父二首

踽踽淮東路誰人更我師流光沈別恨寒月照悲思村

市仍燈火冰霜照酒卮看天黯懷抱舍爾復誰知

詩四

毛求恕齋

片席窮吳楚單車盡趙燕我逢天下士皆道魯君賢與

爾爲兄弟相看忘歲年空山幾松柏努力雪霜天

題通父畫梅

魯侯奇氣匹者誰飢腸蝟曲鳴春雷得酒醉倒地臥

突起離立寫老梅羅浮兀兀萬千樹大枝百丈纏霜露

巖壑不敢低摧藏衝寒直向青天去

雪夜

湖天坐寥廓大雪浮層邱轆盧凍金井不知江漢流

題通父畫梅

高天雪一白梅華不可攀我欲策馬去遍看江南山

過左逸民莊居

世外一茅屋巾車何處尋言遵大河渚乃有桃花林逸民

宅旁有桃花萬株慕爾耕桑暇生人孝弟心悠然暮歸去冰雪

與情深

題通父畫梅

大幹迴冬春冰雪不能挫高寒人不知江上閉門臥

黯黯華作冰兀兀幹積鐵幽巖不逢人高天下明月

與通父之稼軒東莊車中聯句七首

江天聚寒鴉獨我買權去有換馬渡黃河東指吳城路

通吳城賢主人有弟悲朝露有赤烏推天去卻回黃泉

詩四

毛求恕齋

不種樽桑樹彭籛大哭老聃嘯十歲小兒來杖藜春香

秋蜜一推折瑤池斫斷蟠桃枝通安得上弦下弦月照

我不圓亦不缺有君不見車中之人頭如雪通

馬蹶蹋冰冰作沙有凍日側墜紅如瓜通小兒臥嘍絮

蓋面寒氣故入窮檐家有御狐白裘坐大屋千金之子

無寒燠通一車兩轍殊平頗東家大笑西家哭有

雙輪碾我腸百結停車下澗吞殘雪通雪中老槐餘作

鐵誰能使鐵爲百折有旋旋我心悲欲語不能詞酸齏

苦藜填滿臆平步走人荆榛枝通手召霹靂散君臆白

日當天照衢術有嗚呼白日何由得通

朝駕驟車暮駕驟車雙驟昂昂且趨一生以路爲性命通有口不得言崎嶇道旁老農冬種麥再拜祝麥麥不出有牛頭無草雞無食通有客有客歌偈側有爾驟一飽猶可得通

燃薪不代衣裳單莖豆不代盤與餐有城門乞兒裏蒲

薦通老羊臥雪忘其寒有鵝鴨貪冰不入欄牀下蟋蟀

夜長歎苦者自苦甘者甘通雁頰誰得知其然有

昨日北來今向東杳若天邊之飛鴻通爾我家室各湖

海近別遠別隨天風風吹老屋日蔽陋兒身苦肥母苦

瘦下車迴首拜湖海如天如地萬千壽有人生有母知

詩四

三求怨齋

飢寒送君歸去我心酸兒肥兒瘦無人看通

磊砢坡陀車聲奈何車中客淚如黃河有我欲登山望

遠悲欽欽我欲入水見寒泉傷心通人生慘怛豈有極

少年慎莫悲冷鴆君不見大椿萬丈天青青有

五絕七首與通父聯句

久客無好懷通歲晚有餘樂江上幾梅華有盼君倚高

閣通

村夜萬瓦霜有山房一爐火碁散小窗明通無風落松

果有

百狐不一裘通萬錢不一飽路上老鴉嗥有不如歸去

好通

寸燭知夜長通滴水知海深杯酒知客情有冷暖無人

共通

木瓜何團團奉以明月盤有香色世所重請君剖心看

通

買書挂屋梁有一生讀幾許蠹魚七尺長通不如太倉

鼠有

明鏡在君側中有青天光有掩鏡不見天君心胡可量

通

晚與通父話別

詩四

三求怨齋

歲晚戀家室出門良獨難遠來爲親故暫得與子權明

日別子去大河多風湍臨行看子面不得終盤餐有田

況無歲家人飢且寒愧以我爲兄弗克肩子患當別兩

無所一室走盤盤仰天浩無語北斗低闌干

寶應劉烈女詩

女幼歸應氏爲童養婦迨吉應子病女刲臂肉以進應

子歿服三年喪聞舅姑欲爲議嫁赴河死踰年得旌

於朝其族兄楚楨孝廉爲之徵詩

古井水貞松枝白田女其誰知童爲婦父命之夫子病

刲肉醫夫子歿身曷依上白日下青溪人二天何生爲

一死難千古悲鏡往乘誰須眉白田女今安歸墳我我
湖之湄荒荒雲天風吹

贈梅蘊生文卽題其菑庵集

離緒寒雲積相思鬱不開高城杳何許孤權爲誰來門
巷閒長晝江湖耐此才一編能慰我如對萬山梅

庚子

雜詩八章送別劉楚楨孝廉寶楠之禮部試卽題其念

樓詩集

東天有麟鳳儀儀復師師稠適志上遂厥美非文辭與
稽大儒業一心無蔽虧世德受門祚不獲辭窮飢大用

詩四

三求恕齋

無小懷茶夢甘如飴勝衣耳君學勸誦躡今茲百歲慎
同好翕羽無差池

結交有大道財託乃豪芒晚近合冰炭同器無久長流

連聚形影君子謂之荒雲龍古意氣一德通馨香友義

譬臣節疾苦生忘良性命既爾汝家室相扶將哀哉廣

絕交在始乖其方

我生友爲命以善不以迹相與虛霽天詎有未能隙高

寒世上松磊鬼澤中石遊目皆我師在腹豈無擇愁雲

臥山陽潘老墳蒿赤謂四農師相思吳與魯謂稼軒通父河縣與

我隔悠悠天下才惟子實我益

讀書當見天日月照我側以性爲歸藏撥擷皆蠱賊萬
卷順一心平坦寶奇特求火於井中深涉勞無得關弓
仰射魚枉用兩石力弱小坐繆誤無友爲我効吁嗟沙
在泥往矣迷白黑

山以陵遲峻河以委蛇通厯苦終無甘哲士多困窮我
生際 堯舜聖治開龐鴻一魁荷簡錄寸職孤 明聰

君子賤小喜高明恥近功七尺立地上當爲天下雄身
世既晦用舞蹈蒿萊中

上堂奉父母下堂橫六經一室闕塵海門外皆浮萍昂
首戴道義山樊猶 朝廷憂樂同一世所異潛其形進

詩四

三求恕齋

則乘雲飛退則爲淵渟冰雪出戶立萬木凋且零瓦盆
藏牖中植物冬蒼青

中歲惡離別兀兀君有行况我識子晚敬以君爲兄津

亭萬楊柳日夕春風生安得秣我馬從子俱遠征因之

寄所憶故人家上京故人問下走道余憂懼并上懼白

日速下憂道無成

言舉束士氣舍之無榮基君念實勅此君力猶可爲努

力此行邁萬物瞻光儀功名太古壽老大何足悲燒燭

坐庭戶夜夜披君詩款款孝弟言於世胡不宜百族貴

風雨被悅當其時

題通父畫梅

落落魯侯天下士蒼茫杯酒對風塵不逢知己但垂首
偶遇梅花一寫真

與李三梅江聯句懷通父

顏色別三月梅君歸在隔宵有河聲流日夜梅離思共

飄搖有野館對天坐梅春光與客消有天涯好楊柳梅

持贈最長條有

贈少謙用通父題梅韻

寒梅高閣夜蒼茫莫更傷春是異鄉君看山陽魯通父

故園短鬢也成霜

詩四

三
求
怨
疏

飄零故故復斜斜不獨殘春嶺上花海國未歸孤燕子

經年漂轉似無家

題程小松明經祥棟聽雨懷人卷子

筠簞歷亂柳飄搖臥起江天對寂寥滿眼離懷消不得

那須風雨更蕭蕭

黯碧嶙峋江上峰秋風顛顛幾芙蓉蒲團一箇茆庵下

誰識淮南程小松

題管忠義公神道碑後

猗嗟大鳥睇彼滄桑燕雀刺天哀哀鳳皇江介一旅天

下之望流離瑣尾國是朝章

猗嗟大木識其本根扶蔭樹幹抗疏天闕溪毛表石流
涕所言自食厥報豈伊思存

猗嗟大雲如山如河四海飄搖暹覆其家虎兕喋血實

愛之加冰雪慘怛傷如之何

猗嗟大石抑何磐磐屹屹太古厲彼風湍覆巢零葉天

寶監焉清芬勿替俾爾世賢

題陳芷庭家幹秋夜讀書圖即送之都下

安得桑田十畝餘買山得似畫中居三間老屋萬竿竹

與爾江頭同讀書

南山我願中年隱上國君趨赤日裝若過岱陰天半望

詩四

三
求
怨
疏

白雲去住兩茫茫

送稼軒之蘭陵

河上籬根野菊開故園煙柳足徘徊丹陽南去波如雪

何事乘潮去復迴

憶通父游金陵

鍾山之靈識通父問君百年能幾來接天江水無窮碧

遲爾悠悠酒一杯

寄稼軒東莊四首

自失山陽叟謂潘淒涼久罷吟閉門看日月小雪又圍

林壯節吾何有無聞果到今激昂語同志堅此歲寒心

出處踟躕久百年何所師虛令乞身早已是讀書遲奇
醜一卷石高寒百尺枝空山多古意未要外人知
人事紛如此生涯胡可量交親得爾汝兒女見悲涼雲
暗吳城遠湖連篋社長尺書將別恨雁影墜蒼茫
近海霜風早黃河急夜流高山傳古邑舊氏服先疇堂
構有真樂恩勤悔壯遊長安看花去歸早莫淹留
歸車謠嶧山道中爲索君作

去年官揚州鹵簿夾持前鳴騶今年走邳州單衫破帽
風中愁面驚手足皴千里無僮僕只爲腰脚懶強言拙
樸大官曰爾歸且速歸且速買驟驟死車折軸霜天荒

詩四

三
姜求恕齋

荒雞喔喔

心鄉往齋集卷四

心鄉往齋集卷五

曲阜孔繼鑠著

吳興劉承幹校

辛丑

仲冬之京雜詩十七首

少小愛閒寂軒冕無聞忽忽嬰塵網秀去不復疑中
 成獲泉石容與之湄自謂百年去從我心所嬉北風
 淘天地浮雲高今日我何事乃與雲西馳
 巖霜斂水澤湖平陸地遠少村聚落日澹寒木牛
 歸其家我亦田野宿燈火勤加餐愛我有童僕

詩五

一求恕齋

怵戚與欣多與寡不知中味腴焉識外榮假天
 木葉盡四野惻惻行路難弗獲止我馬行吟
 行吟我獨何為者

口為席上珍今墮風中塵塵中自寶貴乃不為世珍吁
 空出太璞琢磨磨苦辛際會豈有極庶幾葆吾真
 人雪積我後驚沙起我前涉下戒推陷升高虞傾顛所
 心豈不勞我躬亦云屢詎知心危苦百倍臨冰淵匹夫
 大地中一步一凜然開口侈忠孝忠孝非空言
 別路有近遠當別同酸思驅馬對妻子古人能捨之嗟
 同問岵岵能不中依依亦復強宴笑道里從其宜親

在夢寐途人安得知

阿母執兒手兒跪牽母衣出門復入門再拜無言辭我
 父遠送兒言邁黃河湄送遠豈有極心實與兒馳誰無
 父母慈我親慈倍之慈顏照心目白髮垂如絲兒亦非
 少壯願復猶嬰兒

我有容膝屋啟戶當南天苔蘚照古壁庭草含晴煙南
 鄰有嘉木蔭我牆西偏好鳥日夕來相與鳴關關出門
 別我屋起坐三流連相向語蟪蛄慎毋塵蔓延

我有雕梁几置之窗南楹上列古初器事事難具名白
 日坐其閒神智與光晶出門別我几拂拭難為情在動

詩五

二求恕齋

無復靜安得此平生

生不屢經史萬事等閒度有書不能讀顛倒我何故蒐
 羅二十年萬軸苦心聚出門呼兒前一一手與付癡兒
 智力短讀之不能句阿父頗好學又復出門去
 綜我舟車日往路不勝紀輒喜田園歸終身謝行李何
 期出山遊道路從今始愚夫力所趨智者心所鄙我生
 愚智閒艱難錯生理行矣復何言萬里看雲水
 驅車不知遠野風吹浩蕩僕馬踐冰雪寒色起煙障我
 吟大澤中白雲在天上荒山不知名相對兩惆悵
 窮山有大鳥結念藏其輝倦為天上遊肯作人閒飛境

來趣我走生事各有歸得與所親俱出處奚擇爲

少負飢渴志願言周九維振舌偶一吐坐任旁人嗤願

不遂我獲放浪山水進負郭有薇蕨差足飽以嬉兒女

日以長親戚日以飢不能逐天下忍不贖所私一身徇

世俗中苦勞歡愉出門看天去滿眼雲低迷

我願升丹山手招青鳳凰靈羽應時出天下當泰康蔚

彼至靈鳥其德能深藏求之不可得四海空旁皇

亭障見旌旗浩蕩東阿渡車騎發青齊言往四明成府

兵天下雄威赫先道路路人聞兵來側足不敢步邑人

聞兵來重關塞其戶王師有程期父老莫震怖精銳

詩五

三求恕齋

在約束再拜告都護

是非無定端於古實觀火天道信有常人事動相左僞

曲有時售拙直無一可曠哉攬時艱經濟太輻軻轉轉

我何言大地風揚簸

短歌九章八月十五夜作

白月未上天冥冥雲中有物翻無形似鳴且噤馭空去

有聲不願人間聽江湖滿地波浪黑龍龍憑肆有奇力

萬里縱橫山上風高飛慎勿迷南北

搏雲擊浪東瀛東昌國乃在翁山中虎蹲寒碧蛟門赤

鬚髯破碎遭天風生氣未復井邑在哀哀人語如寒蟲

大鳥覽之不敢下切世上征淚盈把定海先於二十年

去十一月夷往廣東空城收復二十五月爲英吉利占

一年八月十七日又爲夷匪奪去

珠江城南百草春城中百寶高峩岷卷髮督目涎垂口

孰昇之微馳舟輪羊城遮留大司馬虎門槍祀前將軍

悲淚如海不得瀉嗟爾大鳥胡爲者廣州虎門失守逼

盟分金議和復通貿易近省城奕將軍隆

戢戢翼翼西復東渤海二載無春風杳冥日出不知處

墨雲遮斷樽桑紅將軍柔遠仁爲寶按兵坐視鯨吞飽

路頭五十化榛墟嗚呼顛頽厦門島夷以貪壑未厭復

詩五

四求恕齋

翻然遠駕黃河流將以盪滌余牢愁陽侯突出與我直

挽之不駐趨陳留繁臺推頽似天墜杞人今日真煩憂

憂端茫茫不知處百年誰似金隄固今年六月河決開

圃田大陸互長坂牛羊得芻牧者飯高陵松柏何丸丸

萬古行人此山巘乾維高蓋闕不言周流一顧一低惋

霜裳浪浪莫我知心識本兮日苦晚

朝發九閩夕四荒華宮宸路紛低昂微星飄灑不足數

大星灼灼爲紀綱迺知奔走萬牛毛當天嶽嶽哲士勞

萬里輓輅視氣力抱膝坐論徒啾嘈

有苗逆命兩階舞維商水覆遷邑土起事動眾古有之

作礪作舟弼與輔 宵旰胼胝闔闔小臣再拜在草
莽安得手挽天河源不竭如我司農錢

林垌淒厲秋刁騷天馴出地三丈高丈夫生世會挺特
誰能百歲徇憂勞逝世不足爲巢許一命豈遂爲伊臯
盍歸乎來心鬱陶天風浩蕩吹蓬蒿

爲楚楨題江亭感舊冊子三首

春城送遙靄晚葉舞寒柯坐攬四運改君子心如何危
亭閣太古慘澹垂煙蘿日夕望雲嶺變滅何其多

往歲良宴會我亦爲上賓故人易凋謝誰者能松筠淮

山我所師高冢青嶙峋念子失雁序同我潛酸辛

詩五

五求恕齋

贈子以瑤瑟欲別難爲音執手問來會江湖迥且深白

雲在天下出處無二心我去衡門居望子爲甘霖

晚與稼軒聯句懷質庵

那忍別君去風沙入夢魂分明淮上月照我客中樽湖

漲春應闕卿心孰與論况聞閩海徼欲語復聲吞

題勞宜生雨霽看山圖二首

不改太行色幽巖春復秋雲光連 帝苑王氣領神州

三載滄江臥重來上國遊玉泉山下路車馬日悠悠

蹇傲誰知我羈孤不厭山煙霞眞變滅木石耐蕭閒往

日徒看劍餘生合掩關壯遊謝同志絕頂讓躋攀

題家荃溪方伯澄臺觀海圖

東南無盡天以水爲厚地奇士空洞懷溟渤通神契往
夢三山遊心骨已清齋矧乃海上遊大象領超異臺澎
海門戶孤嶼展蒼翠崑身前導引崇爰後睥睨西通烏
潯源北控金門勢襟帶攬風濤人事忽如寄霾障窮所
天日月沐其際欄楯一杯勺中有鴻濛氣側聞百鯨鯢
負遠小跳沸厥性與人殊可制不可遂亂絲當斷之用
緩失經緯蠱毒敢潛長誰者階之厲芻餼煩司農旌旆
走大帥蠹茲那足殲毋乃 聖躬領萬古波濤居 天
澤實漸被會當靖妖氛四極矚祥靄

詩五

六求恕齋

題李古廉同年小影二首

騏驥無空闊虬龍有屈伸百年眞逝水何地著斯人明

月桃花塢空江楊柳春鄉思不可極旅宦耐風塵

春盡花無所風狂絮不勝問誰能獨立如爾信良朋離

聚又今日塵傭自昔曾飄飄江海去身世有漁曾

南歸有日海秋亦有津門之行詩以言別二首

良朋難再得遊子意如何往路幾時盡桑乾空自波浮

雲丹闕迴楊柳暮春多浩蕩南歸客蒼涼獨寤歌

巢穩鳥聲樂途長馬骨銷寸心能慘淡百歲豈蕭條天

地容眞隱詩書負 聖朝高堂齊白髮孺慕戀漁樵

出都留別友人五首

一蜚鍛風翻百羣為摧藏懼心與道力今古何茫茫古

有一是理而無兩相詳矜全自尊養嗟非道所滅今我

坐蒿堵昔與子連牆揖子在雲日精白天下望黎月喬侍御

隆隆地川嶽浩浩天風肅沈厚得剛斷制事何恢恢排

雲望八極眷茲天下才君子在天壤麟鳳與徘徊麟鳳

不見世君子為之哀褚鈞心侍御

瀟湘發孤吟恥與世同調流響入蒼冥願我雲中笑老

漁海上立持竿不肯釣小魚無足取大魚非所好窮黑

駭濤中榮與辱相掉大海語瀟湘一靜納眾妙湯海秋戶部

詩五

七求恕齋

子能蓋我拙亦察我淵存我中之所存君心之所尊與

子雖朋友於愛實弟昆矧我無兄弟孤葛無依援當別

兩飄搖萬象鬱以煩既別口無語贈子心中言思危乃

延泰窮顯無足論薄軀被天陸人福有籬藩葉潤臣侍

碧月墮深海瑤葩叢荒榛羣羽有丹鳳誰復察其真翩

翩際且鳴萬里難重陳我獨惜此鳥因依如一身同天

不同柯當邁復何云諸難遮我前宛轉彌酸辛仰天誓

來世託體同本根同根信有時奈何今飄淪韋竹坪兵

海秋有江南之行過寶應口占四十字送之

牢落三湘客翩然淮海遊廿年京國夢來看大江秋莫

躡鍾山頂翻為杞父愁文章與經濟慷慨問滄洲

晚與通甫聯句

促坐又今夕通高歌異去年霜旌沈海色宥野哭動江

天地僻多虛警通雲開望遠煙北征問鴻雁宥消息轉

茫然通

烽成八千里昇平二百年通驚心值戎馬蒿目有林泉

宥聖主勞推轂邊兵盡控弦通莫令三輔地輕染百

蠻煙宥

為質庵題畫

雲出西曹北望遙南轅改轍太無聊如今輪與襄陽老

詩五

八求恕齋

不是琅玕也折腰

仙禽向日自徘徊隨意行藏莫漫猜獨立寒枝閒顧影

無人知是上林來

壽汪雲壑明經七十

小邑喧冠蓋誰知處士尊清風吹古巷百歲有衡門植

節躋前哲傳經啟後昆崢嶸松柏健真氣積盤根

清河喜見稼生即贈

相憶忽相見能無笑口開海烽仍未靖涕泗轉橫來眾

志潏兵氣天威仗將才四明山色好急為洗氛埃

二載蛟門戍風雲入慘悽前軍悲敗北新帥拜征西國

是尊金帛民心壯鼓鼙焚舟堪一戰慎莫誤招攜

行次東平州追和四農師題壁韻

山陽風笛怨淒冷雨雪重來柳不青一曲黃河千古淚

有人腸斷舊旗亭

東阿舊縣驛夢亡婦作

痛爾不見爾有夢徒爾為夢亦不可見無乃太睽離往

歲在山驛髮鬢爾容儀我昨揖爾墓告爾行有期今出

汶水陽爾復相追隨我願爾少留聽我致爾辭繼爾為

我婦乃在揚子涓新婦造爾園以爾為之師使助蓮室

二不善一遺之其一有所出長育如爾兒叔艾不能讀

詩五

九求想齋

十五仍拙癡伯穎嫁穎川淮兒髮垂眉仲英思母嗟有

淚隨年垂兒女日以長墓木日以滋我有絲絲心纏爾

青松枝枝上北風吹是我思爾時

阜城旅店和姚梅伯庚子七夕題壁韻

燕臺同散酒家樓獨爾悲歌尙飯牛將我愁心問明月

浮雲偏暗海東頭

湖水依然漾碧漪四明家室盡流離傷心君是傾巢鳥

何處飄搖寄一枝

我亦勞人天一涯孤城更鼓出荒街思君何日攜君手

疏影樓前共行花

梅伯家有疏影樓其詞集以樓名

王寅

答朱直學士詩三首

筠澤鄉夢遠關隴征雲長望雲首京縣君子將有行抱

經而秉鉞勿歎乖其方慷慨攬時艱謀國先富強巍巍

武臣功懋為天下望更事見臍胝委蛇非所臧

子在豐鎬邑余涉黃河流駐馬視顏面延仁為千秋卓

卓泰華壽植立蓋有由日月經天去我生一何道世豈

無鳳儀飢與百羽儔青陽發木葉金碧多蟉游

磊磊澤中石河水相激磨暗谷連蜷松冰雪欺其柯幽

桂發天性積香生蠹疴窈窕睇一世獨美當奈何別路

詩五

十求想齋

自茲建雲樹何其多持心贈同志勉矣毋蹉跎

宿固安 時之官東河

故園百口寄江干身世蒼茫行路難我亦苦飢如鳳鳥

人閒何處有瓊玕

午飯減橋和壁閒韻

夢裏鄉山似畫圖驛亭風雨境全殊何年散髮攜竿去

小艇移家賃社湖

題荏縣驛

胸中浩落無千載眼底崎嶇有百端獨抱瑤琴人不見

萬山深處對天彈

為汪孟慈太守喜荀題清明種藕圖二首

慘怛遠遊子賢勞古大夫一坏隔河嶽萬祀感樵蘇湖
岸波如雪風林夜有鳥東西南北淚不是泣窮途

薄宦逢寒食傷心歲序加松楸託良友齒莖夢秋花此
意足千古其旁可萬家海天正戎馬南望莫長嗟

題寶應居氏義粟圖

桑者閒閒識本根白田秔稻長兒孫雲煙聚散渾閒事
隴上風吹何處村

癸卯

行役三首

詩五

士求恕齋

行役豈不遠 王事敢云勞命車遵大路野木風刁刁
莽莽白日落夜色來亭舉小店關禾黍人馬連蓬蒿暗
物嚮明火撲坐蟲啾嘈昨宵淮水閭骨肉權相遭荒館
客不寐起視天為高

東天大星爛西天星離離搔首望南北白雲如垂帷我
欲問浮雲掩蔽將奚為淮甸多急風能令大樹移曷不
吹向天萬里開晨曦

陽侯水德長豈與斯民仇一一城與野乃有蛟鼉遊木
壞基一蠹執咎蓋有由渺渺百千里屋脊眠閉鷗日夕
發南國奉職來中州哀鴻不知所嗚咽川東流

桃源

桃源古邑豔同稱淮甸風光異武陵驛道隄防勞吏鋪
湖天雲柳出漁罾年飢穡事秋初熟水退村氓戶未增
莫更此鄉問繁劇寬嚴守土信誰能

白洋河與羅靄亭綬二丈

逝水看清濁空餘局外悲深譚贈肝膽古意見鬢眉翦

燭雞羣動看天星四

忘水雲湄

古城留別婁午莊晉三丈

豈有天遺患沿沿問大河幾人存直道眞力捍頽波歧
路來杯酒荒衙似湖阿茫茫身世感為爾一高歌

詩五

士求恕齋

婁蓉初詩江古城送酒

百歲飄搖亦足傷停車下相久旁皇風雲意氣祠三聖
鎮有廟祀昭烈帝配涕泗悲歌感憤王六月河流斷徐
以關張顏曰三聖豫遙天山色動芒碭填胸磊砢誰知我馬首逢君拜一

觴

峰山道中口號五首

去我金烏不復還未來塵夢費尋攀黃河往日高於岸
今日黃河岸似山

兩河樹柳遍隄隈柳護隄根水卻回有客攀條一長歎
柳枝眞不負栽培

勞勞何事逐蹶輪四十春秋過此身愧爾隔林雙翠鳥
最高枝上看行人

勞逸行藏各異方任他蘭芷豔升堂空山寂寂人蹤絕
澗草無名也自芳

老鶴高雲任去還故園也有屋三間眼前清濁分如許
知否流泉悔出山

雙溝明烈士王布衣 載鴻墓

匹夫死國萬人看婦更從夫節兩完有客村墟求墓石

弔君悲淚漬心肝高天特許孤忠在異代旁蒐野乘難

小吏表揚亦千古 墓久煙失靈壁主簿馮立燦求得之爲立碑 松栢慎莫再

詩五

三求恕齋

荒寒

登雲龍山放歌

山骨突兀知何年氣結徐土深鈎連銷沈王霸白日速

後千百載來披仙黃鶴冥冥石泉竭眉山骨又蕪蒼煙

天風吹我偶到此披懷萬里何茫然岡巒陂陀西南走

蟠曲起伏龍蜿蜒大石戴土無一木絕頂雲氣高通天

彭城一角抱山脚黃河舊與城盤旋怪哉黃流不到海

驚波變幻爲平田吁嗟汴都愁復愁繁臺倒影敲中流

金陵三歲乃再潰祥符昨決今中牟旁驅支漾侵陳留

狂濤直欲吞陳州蛟鼉餘怒及汝穎大國爲澤民爲鷗

龍聞遼海妖氛高輪飛礮火來金焦洪水猛獸並毒虐

以暴禦暴劔凌騎曷不橫流碎其舶永滅夷縱殺天

朝又聞陽紆之陽星宿開龍門以上澄浮杯滌泗漩狀

隱復見出關入關勞徘徊曷不徑北達瀚海患難無復

中原來胡爲騰沸偏川陸搜括百產供鯨腹萬人氣

泥沙中白骨誰能別邦族泉流已匱水街錢山積況乏

淇園竹司空旁皇司農嗟總集焦勞屢宸幄小臣忽

忽天之涯崎嶇踟躕茲山麓誰令雲物黯余懷歌不能

長聲斷續晚雨忽來山暝幽官有程兮不能留人傳郡

古得靈異彭鏗黃石無煩憂眼前人事不得盡那得物

詩五

西求恕齋

外從天游

張家集逢婁午莊梁實生兩丈

相逢桓山南路長苦百折下馬藉草坐煙林未紅葉世

事雲飄搖客意山重疊執手問前津惆悵那能別

三山頭

秋日滿川谷驅馬不知遠野僧戀白雲結屋青山坂

野飯礪山城北

磊落屠沽草澤閒誰能兀坐此荒山數家城郭自千古

曠代風雲偶一還有客嘯歌空鬱鬱自將車馬去開閒

天開碧樹村南屋痛飲酣眠不我慳

宿雙樓李氏莊

繫馬荒隄下叢花別院幽曲廊遲素月喬木集新秋雞黍遙情在圖書僻壤留主人今夕感明發隔山邱

王平莊

蘿壁垂陰滿瓜棚結蔓牢午風鳴絡緯山館發櫻桃僻地成飄泊能歌轉鬱陶塵沙換顏色不語看征袍

蕭南李工官麻

途長聞盜警落日奈愁何停軫篝燈坐空衙草樹多飢露乘霧露倦馬臥煙蘿旅病兼鄉思看天獨寤歌

歸河六堡官麻作

詩五

五求恕齋

官程小病趁山郵輿馬催人去不休大野已愁風似虎

隔河何事雨嘯鳩林塘餘暑三秋閨襖被荒廳半晌留

道路浪傳陵谷變

時傳聞汝上縣崩山崩

未來生事太悠悠

劉家口與乾齋弟夜坐

游魚思故淵出門重鄉土異地感同氣矧在我與汝爾

我曾祖出長爾十歲強依依爾兄我百歲相扶將以我

庭闈樂念爾惇獨苦呱呱爾墮地爾父已厚土無衣復

無食爾母大苦傷哀竭血淚成爾身昂藏爾少志河

渠畚鍤始可託稍脫兵冊行建樹勉宏綽我奉勸水役

爾適相與借官程得燕聚相視心顏開秋陽閒淫霖

氣蘊乖錯余乃不可風得爾佐寥落人生易衰白旅夕

今連牀執手心相語永願毋相忘

宿孔家集

雲氣搖搖明月光野風老屋星低昂主人致詞禮同姓木樛拙訥意甚長坐久階除滴涼露明發悠悠問前路

人煙一角雍邱城回頭不見甯陵樹

過睢陽慨然有作

誰謂張南陽一死完孤忠危城衛百郡死能成大功許侯亦長者授命同豪雄古今雨絕天相去何夢夢不幸

卽死所苟活辭偏工吁嗟國體大斷送如飛蓬有客瀕

詩五

六求恕齋

海來道路心懺懺側望古宋城有淚無終窮安得置雙

廟徧祀人寰中

蘭儀縣

蘭陽儀封古分邑減官併地今乃一下馬入城問風土

城頭白日下原隰黃沙古寺歿牆腰半截叢碑沙上出

人煙三里二里餘矮屋鱗鱗接衢街太息衢人揖我言

屋下有屋密復密先帝二十四年秋河水遡來大

隄溢邑人颯杳鳥獸奔高屋十尺沒過七至今門巷風

雨夕往往下有陳人泣蓬蒿暮色蒼蒼來敢請畢辭心

骨哀人生遭遇豈有極高天不語雲徘徊君不見陳留

縣前年河水通城頭今日河流域上樓

過大梁作五首

舊是梁園百尺樓滄涼如對夢中遊天連荆楚悲秋早
河挾魚龍入郭流無復寒泉通浚許可堪父老泣陳留
西風萋萋何淩亂萬落千村一望愁

中年生事太悽迷異地登臨萬感齊投筆浪傳班定遠
平羌苦憶郭征西非關絕域求縉幣自是中原厭鼓鼙
烽火幸教清玉壘狂瀾何事壞金隄

新亭一角送斜曛望遠誰能酒更醺松竹久虛雲老寺
煙波遙沒信陵墳鴻飛天闕翩無影野哭風低隔不聞

詩五

七求恕齋

繡壤環城耕鑿少可憐漁唱太紛紛

淪瀾浩沓恣駕鵝零雨飄風取次多萬物無慘隨世轉
高天不語奈人何馬遷特筆河渠志漢武愁懷瓠子歌
征雁北來波浪闊星郵又報決滹沱

南去浮雲萬里陰黃沙白日晝森森風霜枯瘠流民骨
刑賞憂勞 聖主心今日兩河疲轉饑積年九府告亡

金天時人事知何補奔走微臣淚滿襟

汴東雜詩八首

河水復河水萬里來草草生物復殺物厥性誰窮探昔
日飲河水斟酌何醞醞今日飲河水百苦無一甘滔滔

濱岸去恣彼蛟龍貪問水水不語何以斯民堪

堯舜軫宵旰飢溺先民憂豫河乃再決二十三載秋洪
水開苦雨浩瀚而溟幽風師侶河伯旆旆靈其遊吁嗟
東牟野何以當橫流莽莽白日黯滾滾寒雲愁

汨汨不知處權疾乘風飄舟子不敢橫波力無乃驕往
日此平野井里何條條騰空問雞犬何路升煙霄大樹
沒其幹樹頂如萍飄畧亦不得漁斧亦不得樵孳積化
鮭龍遑問禾與苗高天四無物雲族空搖搖

大樹沒土半樵架橫危枝結構就柯葉枕席當風吹寢
所更求食破釜空中炊嗚呼今平世胡乃巢居爲巢者

詩五

六求恕齋

聞人語淚落粉蓮而老妻不知處兩兒去無歸樹下我
家室舍此將安之幽咽樹頭語天遠其誰知

行行古許國纍纍九女岡升高望四野百派何茫茫岡
東接沙坂居者無垣牆短短萬于樹老屋深蘊藏樹腳
水滌狀竹木編爲梁淒涼亦煙火赤日斜無光有女磔
木葉雜選乏飢腸水國幸得食慎毋中苦傷

行行汴野南東西木魚寺寺前昔聚落榆柳合蒼翠舍
舟入深村生氣莽顛顛崇樓載泥沙空堵墮荒穢野龕
亦流離世尊百支棄積困涸中出紅腐滲平地環墜暗
蠅蚋枕藉臥殘觥林窮見白纒我髻向懸墜怪鳥如猿

嗷飢雀不人避
槭槭西風來
白日闕幽異
迷迷不能留
愴愴滋悲淚

沙河險且長
忽忽入淮濱
水氣困眠餐
顛倒病童僕
中宵起看天
萬感浩盈目
星色湛寒波
大風動地軸
百里滔滔中
此土誰鞠育
夜迥曠無人
何處哀哀哭
煙波無垠厓
曲港接平堵
鷗鷺不知愁
照影翔且舞
荒城遠搖搖
沈浮似孤嶼
秋風衣裳寒
寂不聞砧杵
夜氣入蒲葦
瑟瑟聲疑雨
片月出中洲
水樹紛可數
獨客那能寐
黯絕此行旅

題孟慈西湖祠館圖

詩五

九求恕齋

江都汪容甫先生殯於杭之西湖
杭人卽其地爲位祠之
令嗣孟慈太守屬湯雨生都督圖以乞詩
孝子椎牛大苦傷將軍下筆更淒涼
那堪旅館爲祠館
沉復山光與水光
拙宦生涯仍凍餒
傳經家世足津梁
蜀岡葛嶺空迴首
垂老關河涕淚長

甲辰本年手稿題
爲歸魯吟

芳草明月二章送姚梅伯歸四明

芳草復芳草
金飆颯已涼
君生窮谷中
我生大道旁
出處不並軌
結根同冰霜
持贈萬古綠
日夕無摧藏
明月復明月
照子征衣裳
迢迢極河漢
別路煙波長
嗚

鳳在世表低咽如寒
攬往矣告零雁莫謂川無梁

七胡工午飯

河抱新隄曲復斜
驛亭疏柳見桃花
連天煙草初飛燕
三月谿田欲吠蛙
何物霑衣沙似雪
自憐隱几夢還家
青鞵布屨堅來日
莫漫尊前感鬢華

理權贈段張二子

勞人將有行之子
候沙渚君非津亭吏
將意復何許
大河浮雲陰
人事雜風雨
誰識簿尉賢
旅宦有羈苦
離離川上樹
落日滿煙浦
惆悵命篙人
贈子同心語

宿淮陰

詩五

十求恕齋

蕭森水國畫多寒
衰柳西風日欲殘
枚叟銷沈仍里巷
王孫哀怨負漁竿
高城長笛知何夕
望古懷人併一歎
底事征鴻復南去
湖天無際碧雲端

潘岡遙望四農師墓

行行淮山郭
叢樹明餘曛
傍水陵阜晚沙鳥
棲成羣
城邑有懽笑
人事爲氛氲
北風迴大野
市聲時一聞
誰云逝寂寞
愚智乃無分
坡陀榛楚中
卓有斯人墳
厚土得靈異
蔓草爲之薰
蒼蒼生氣多
上接垂天雲

金河柳色

煙色棲寒柳
長條欲換春
低垂當古驛
攀折莫尤人
葉

豈能為蔭風還自惹塵苦心願移植馬首問前津

今夕行

勞逸與出處自古難具論舉酒屬蒼昊今夕復何言往
歲謝郎署歸亦無田園求脫干謁恥寒餒匪所存萬象
在堂几開楹坐朝曦詩書我燕侶風月我籬藩春秋好
時候出郭看遠村閒心順草木散步隨雞豚所向際寥
廓耳目高無煩重來白田驛款糧城南門官程當言邁
夜聽河流奔填膺是何物令我歌聲吞東南有一鳥其
大如鷓鴣鞬繫亦云久馴狎此籠樊放眼忽看漢志豈
忘飛翻

詩五

至求恕齋

寶應城北遺奴視魯兒順兒豕

恩義有離聚愚智同苦傷疑疑二稗子相攜去我堂遙
遙去我日我客河之梁歸來對山妻百結難為腸慟哉
兩無知嬉戲同邱邱今日城上樹汝昔追風涼孤舟樣
城下風露零衣裳

雨泊 秋淮水濱高郵隄十日堵合

莽莽天涯雨勞勞何處舟川梁仍禹甸雲木出秦郵港
曲旁通海隄危遠帶樓老漁深夜笛哀雁去年秋風浪
長淮急薪芻十日求青天還直道白壁莫橫流慷慨思
前事綢繆短自謀重湖葭莢外羨煞穩眠鷗

題金韻山丈湖上草堂 召伯湖時韻山丈為江甘丞

盡觴高瀉碧湖光大地真容吏隱狂雲水一官隨鷺鷥
庭墀雙樹起鸞鳳清貧將俸成新築去任多情似故鄉
半畝即今垂蔭遠謳思何異召公棠

悼江都梅孝廉 植之

文選樓頭明月光山光寺北柳千行揚州今日無梅九
江水江花空斷腸

次韻如此江山圖四首

黃樹齋少司寇邀同人遊焦山陳伯游明經序其事湯
雨生都督為之圖馬竹漁參軍詩以倡之黃子湘司李

詩五

至求恕齋

緝為長卷將歸之山總持以永其傳焉

如此清涼界橫空忽用師青山聊自固江水太無知直
有歌如泣何勞險化夷至今相帛誓白日暗階墀
雲水復雲水焦先不再來幾山能得姓此士合名開仙
鶴還聞唳巖花好自栽天教爛漫客沈醉與徘徊
突兀宜黃老憂讒豈世情夢迴雙關迴心向一江清塵
海看浮鷓諸天喚早驚煙嵐真變滅惆悵此生平
我有冥龍瑟孤絃不可聽放懷終抑塞薄宦等飄零大
地風吹鬢遙空鳥過庭安能從笠屐身世侶山亭
空山肅劍圖為德硯香大令 林題

狹傲憤吃古狂客鵬鵠膏鐵照人碧紛紛狐兔立而哢
飲鉞反走石逕赤吁嗟嘯裂鳴天風乃在絕壑窮崖中
安得削盡天下不平事高懸暗寂如啞鐘

爲硯香題濯足萬里流圖

大造雜塵土志士多嗟吁將焉實此身世少壺公壺升
高睥九野何者非泥塗灑灑閻氏子寸心雄萬夫眞氣
納元海足底無江湖染人致絢素至人能瓊瑜悲風發
汀芷湘水吟何孤人濁我獨清明哲來憂虞請爲磐石
坐兀兀休雙趺

乙巳

詩五

三求恕齋

錯東南行 有序

宋三衢柴望作丙丁龜鑿謂丙午丁未天之厄運也自
周末至宋末歷歷有徵唐荆川裨編亦詳載之今年乙
巳矣履往思危戒心潛至幸比歲來江南告熟中原亦
康坦無事或冀上昊渾眞忘茲辰序庶赤馬紅羊化而
爲青麟丹鳳當與天下同歌擊壤焉形家丙丁象東南
爰賦錯東南行

謂天執成憲穹覆多垂慈謂天仁無慘往履恆踐之至
人理象緯七政崇所司仰觀律脩省厥德通天儀千支
閱萬禩更遞無蔽虧誰者發此覆使我心苦悲方今大

寰宇黽勉無凶飢豫河昔再決歲甫澹其災夷燄靖江
介人乍蘇瘡痍我 后屏百欲大體無恩私我 后軫
百姓蠲貸多 詔辭我 后倚百辟心膂無猜疑九重
強不息翼弼咸在茲高蒼明明鑒 聖躬無差池豈有
天人感迪受而逆施小臣賤執事問天路無階平世厭
奇說愴恨爲此詩

題黃質庵湖上草堂

質庵家洪澤湖馬頭鎮

廿載徜徉伯仲閒尊曩風雨對驩顏遠籬柔櫓煙中去
隔縣浮雲水上閒漫喜深秋花作壁斷無平世浪如山
數椽屋與金隄固萬古漁樵看往還

詩五

三求恕齋

登黃河尾閭望海樓

黃河到此三萬里曲抱高臺赴海壘夜轉驚濤紅見日
雲浮遠嶠白通天金沙莫恃能箝口鐵鎖還應重守邊
今日朝廷多砥柱 聖人垂拱億千年
過六套示安兒

吾父分防日安兒墮地年大河天盡處一室海東偏浩
蕩風吹鬢飄搖鳥過煙移家如昨日汝母已重泉侍膝
長於我童心苦似前人情重堂構往境感桑田藤葛平
橋失蟲絲破壁纏經行舊池館爲爾記孤懸
念龍眠山人左嶽

人閒復見左元放谷口如逢鄭子真萬歲千秋各有用
聖代隱者君其倫讀書種枕寶窮賤憶弟看雲潛苦
辛桃花滿林有春日冰霰那得纏其身

題畫朱藤與仲女

結蔓思齊葛垂絲並楚蘿人閒青陰滿天上紫雲多
雛鶴時偃影慈烏早去窠纏絲紛別緒宛轉爲誰歌

詩五

五求恕齋

心鄉往齋集卷五終

心鄉往齋集卷六

曲阜孔繼鑠著

吳興劉承幹校

丙午

題吳少錢半醉圖

大笑東看海似杯醉醒何事苦相猜詩腸一曲真千里

可許黃河變酒來

贈臧穆庵孝廉紆青三首

地軸際元會中翰氣之宗大河限南北青徐偉哉雄形

勝見精力蜿覆山靡窮草木致竦勁不與柔悞同生事

詩六

一 求恕齋

樸而野百物無巧工乃知儻載意厚積天人通眼中見

之子短鬢吹長風

至性有根著人事多飄蓬體用視所受貴賤均其功海

色在襟帶往景悲唉中行行君井里講塾前民風萬家

置守望雞狗安年豐誰其闕此美扶樹迴飢窮

人中識君久結驩亦有年我輩長斯世負賤豈徒然升

高望四海談笑風中煙變滅見萬里何事雲垂天青陽

部物令孳樹完其偏我勞獨無所奔走如流泉君亦抱

獨行廉峭方無圓何當同負耒種秫黃河邊

白洋河述園為藹庭二丈賦

故山初翦舊蒿萊石氣全滋百歲苔小市林亭侵古驛
大河門巷轉晴雷習池秋爽能延客光祿情多不淺杯
多少平原閒草木白頭海內幾歸來

胡家社

東巖逕大石西巖列羣林十里好崖谷閒閒車馬音嵐

氣潤丹碧春色浮雲陰牛羊自門巷夕照一何深沙雀

聚平隴開春弄微吟客子亦遠適誰察悠悠心

廟山懷遠

一峰領羣嶽驅馬求其顛野童怪冠蓋噦笑遮我前擁

榻石屋冷炊食山生煙大風戶開闔兀兀難為眠繁星

詩六

二 求恕齋

綴四野夜色開平田黃河在山脚波小如鳴泉春淺萬

物靜地幽人事偏白雲那可盡持贈東南天

宿峰山作

何期山館得藤牀庭木無聲暗綴霜客路又隨羣動息

勞人偶覺一宵長巖窗卻月稍儲暖高竹淩風自拂行

莫怨鄰雞催去馬年來顛倒慣衣裳

三宿峰山

晚樹連山雨棲鴉未息爭荒廳收野色高枕失松聲芳

草暗前路浮雲苦上征天邊問鴻雁可是不勞生

五宿峰山二首

四圍深黑隱山樓夜氣霜風入散裘何處斷冰空打岸
大星如月照寒流

清冷山氣凍無煙警柝荒廳屢廢眠移燭遶廊尋舊句
粉垣梅影似前年

題畫十五首

尤水邨青山訪道

寄身蒼翠中一夢憂勞遠秋光寓苔垣菊色作池館把
菊造所思杖履破老癩垂垂薜荔長藹藹蕪蕪短十步
九盤桓不知松逕晚伊人渺何方鐘外白雲滿

文衡山青山紅樹

詩六

三求恕齋

不是鹿門谿當亦緱仙嶺中峰霽雲日金碧四山影霜
楓冠林容霞天澈曙景真極絢爛生誰謂秋嵐冷中有
好樓居高臥鶴無警靈泉下璇潭萬古抱清迥願言從
仙源磯頭坐筇簷

王守節棗林兒戲

大木閱太古誰爲百歲翁日月坐悠忽君子思其終蔚
彼棗纂纂密蔭如青桐其下羣兒嬉趣異天懷同余亦
夢遊釣高詠舞雪風二毛瞬見逼太息心猶童修名不
早立人世眞飄蓬

朱耿光水仙靈石

誰削華峰歸中泚峙蒼蔚磊落未云孤佐爾以嘉卉幽
潔碧苔滋芳潤紅泉漑怪底珮環香夜有春雲氣
珊珊抱冰雪羅襪生芳埃隔江芙蓉碧昨夜凌波來昔
爲萍水因今締金石媒託體泰山固榮落無嫌猜

無名氏牛鬪圖

熙熙太平寓萬物無一爭矧爾性殼棘擾謹其平生茸
茸好芳甸靜謐宜春耕水草足山脚風日闌牢清止或
卜地眠駕或參衡行飲池而降阿鼻聯形影井或有稷
犁倦喘息神屏營相存互掉尾似通勞苦情嗟爾以類
聚馴馴如弟兄努目忽相向抵觸此誰令南山有猛虎

詩六

四求恕齋

北海有吞鯨噫嘻此關關我願劑其平再拜告司牧畜
特當用誠

藍孟公桃谿漁隱

關全有奇筆丹青發遠姿每寫袍笏人置之山水涯此
畫信殊致髣髴荆關爲蟠天一大樹樹杪雲山垂樹外
潭百尺風水生淪漪樹底一釣艇操艇非篙師烏紗而
緋服箕踞如有思青山爾勿笑猿鳥爾勿疑官庖飽鯖
鮓不若漁樵飢華屋照紺碧不若荒山陂爵賞與鈇鉞
變滅浮雲馳信知好簪紱獨於山水宜千古共奇賞寄
語心相知

邊頤公野塘荷影

汙泥豈足染自愛葉與枝矧乃屏浮豔對影無醜姿
日赤復赤不改清涼時曉渡曠無岸野風吹參差

莫秋水山亭坐遠

垂垂百尺藤古木枕沙甸一亭大如笠坐外復何羨荒
谿不用買插棘自成院晨夕狎漁樵身世未云賤風露
滿衣裳煙霞在顏面

邊頤公雪蘆宿雁

鴻雁去人遠離披葭莢枝歲晚臥中渚瑟縮寒風吹絹
色起冰雪曠筆搏幽思時惟六月夏火雲高參差數雨

詩六

五求忍齋

不蠲暑赤日延階墀對此忽森爽如坐荒山陂志士閱
寒燠短鬢垂成絲飄零好羽翼風雪歸何遲

吳環柳村漁隱

不知城市春十畝占江郭溪光結柳陰遠意遂棲託一
鉤任曲直釣者知魚樂日暮澹忘歸家在青山腳

張桂巖春郊桃柳

昨夜東風來青山忽膏沐流水照遠村丹碧出嘉木野
色結清氣真豔洗繁俗交交倉庚鳴野店酒新熟有客
攬鬢華惆悵坐空谷

陳老蓮漢宮秋怨

別殿下斜陽春晚長門道聞階履行迹輦路生芳草

謝幼青青溪早雁

得似畫中居做廬何必廣荒洲日未出屋後聞打漿開
門坐前塢隔水炊煙上昨夜山雨過侵曉溪痕長霽色
明遠波雁聲落叢莽杖策信秋風願言從吾黨

管道昇墨竹

胸拓萬里觀居無十笏地小縣古澤國漂轉一枝奇秋
風江上山蕭蕭海門寺青天竹萬竿日夕搖夢寐偏仄
且高歌階草未顛頰絹素慰幽襟空堂落晴翠

和通父二首

詩六

六求忍齋

蟋蟀

切切復誰訴孤城水氣中天留將曉月壁有漸涼風往
夢玉階露新陰金井桐行藏吾自決多事是兒童

絡緯

託處蔓纏久沈冥奈夜何深藏厭篝火孤唱對明河草
野自能擇豈花安用多詩人今益懶願爾莫高歌

卜宅四首

卜宅城北隅卉木自庭院古壁青苔色坐對未云厭十
日九閉扉相與一凹硯空窗大如甕天外更無見叢筠
吹遠風高鳥時過縣人事復何所超然澹尤怨

一石峙庭表青藤高垂蔓纏出崑崙中復條理之其
下遞羣石延轉如山坡小草緣隙成斑藓隨雨滋此境
了不異靜極生幽姿愜心復誰語朝日生階墀

後圃久寂歷命鋤芟草根墾土別町疇豆瓜爲籬樊有
井便灌溉其水清不渾籬北闢家塾書聲在短垣兒童
日夕長盛衰爲朝昏蒼蒼看庭樹兀兀復何言

浪莽簪纓趨三載苦鈴束偶來田園居還我舊幽獨春
風雖云邁百卉正深綠雲物我投貺珍重此遐矚滔滔
東逝波萬感在心曲有年祀田祖豈爲身家祝

高郵

詩六

七
求
恕
齋

秋夜暑猶熾孤城歲屢經露喧依葦蛤風颭過湖螢野
渡苦無月漁燈欲亂星客情如遠塔徒倚破蒼冥

過露筋祠

微茫三十六重湖風雨靈趨信有無祀事馨香勞長吏
幽蹤同異表羣僑鐘魚夜永河聲小殿閣雲開海色孤
詞客又停門外舫白蓮花盡老菰蒲

題鄭雲柏學圃四首

塵土在襟帶飄然一櫂來驚心看日月信脚戀池臺老
竹隔宵雨高雲別院槐掃牀心已醉接席況尊疊

江色高浮郭河流細遠城遠山終莫及好鳥不知名沼

密潛魚樂廊迴趁蝶行空堂足徒倚疊石小崢嶸

勦北鄉關在淮南歲月深蹉跎自吟賞出處太蕭森坐
憶夢非昨誰無老見侵江湖對風雨慘澹百年心

瓜步潮乘郡黃灣雁叫河秋聲不可聽客思復如何雞
黍交親古林亭感慨多茫茫問吾土何口買煙蘿

學圃四首

朽木古有謂今吾乃安之夫豈情四體勞苦將何爲小
鳥語叢竹朝光通軒帷耳目靜無用萬物心相知

塊然我何物不蛇復不龍營營我何事非商復非農時
鳴亦時蜚愧彼階下螿擁被對幽獨空洞聞晨鐘

詩六

八
求
恕
齋

夫豈必吾廬閉戶寄慵惰出門寄空闕江山頗示我簪
紱宜一擯安往復不可來日川上嬉青峰定幾朵

在靜視首足戴履自天受墮地七尺軀自命有不朽優
游四十年風雨今窗牖偃仰倦披衣嘯鳩在高柳

湖上

漁舍仍官柳僧窗盡女蘿湖光雙槳在往夢十年多身
世稱籬落陰晴問笠葦明朝吾散髮不是醉中歌

蓮性寺

遶寺秋荷盡當門有白蘋桂叢支壞壁塔影合諸鄰市
地藤蘿晚聞鐘燕雀馴山僧疏禮數願與味清貧

王句生明經翼鳳乞題其尊甫城北先生小象四首

浩浩城北叟卓行何嶙峋飢渴在天下慘澹潛其身事
可對天語今日無斯人晚與老莊戲理得儒之真

浩浩城北叟有子不干祿塵壘識其仲遠山潔如沐窮
居深巷中一拙百無欲冰霜蓼莪詩淒涼不能讀

上堂見青草誰無父母慈下堂見青草誰識孤兒悲老
屋守遺象白雲高垂垂白雲不可攬堂庖清風吹

湯湯揚之水駕言匪宴游展圖禮父執益我心煩憂人
生各有歸日月一何適山林與鐘鼎吾道其悠悠

瓜洲

詩六

九求恕齋

江北岸頻圻城南浪半吞津亭迷昔渡衢巷欲荒村密
雨連京口秋聲動海門關心有漁父早晚看潮痕

再寄通甫

憶汝真成癖江城屢廢眠平生幾師友悵望數林泉物
外沈浮事風中離聚緣分明京國夢已是十年前白日
升窮谷黃河下遠天虛名成底用晚景在誰邊野寺妻
孥共湖雲雁鶩懸梅華消息近霜雪問孤妍

書金山寺壁

趁渡蘭舟遠乘秋瓜步來空洲雙槳出寶相一輪開浮
玉題仍在鋤金事可猜諸天悅魚鳥平地湧樓臺湛寂

蛟龍伏高明耳目眩煙蘿垂日月欄楯殿風雷賣畫廊
將圯醜菹僧足哀多情徒慷慨臨去更衰哀山與佛俱
古江隨海不回焦巖明日到還望小蓬萊

焦山雜詩十七首

驚濤日東走大火還西流太古一卷石自成林壑幽蒼
翠抱天影雲族嬉滄洲客亦領清淑寫心成曠遊精白
對江色何地容煩憂

造山不求捷所向祝平路巖谷古嶽崎十逕九翔步異
鳥隔煙囒崩石對江怒衣慳夜垂雲履蹇朝滄露野僧
坡陀中導我寺門樹榛荆有條理頗省從來誤

詩六

十求恕齋

入門好庭宇不知秋在山青霞集大木枝榦非人閒白
鳥海上來坐樹鳴關關世不少亭沼貌靜非真閒客亦
偶至止何事教忘還

湧波出岡阜灌莽叢梧栝綠雲垂髹髹重之以蘿葛東
嶺開微明一髮海天闊元氣胸懷閒浩蕩慰飢渴平生
進退心多制少剖割蔓纏二十年未辦一疏豁

山午不聞鐘殿閣棲餘暑中峰秋日懸千里見平楚野
雲出村谿微茫辨煙渚欄檻北風低隔江動禾黍

歸際有定著在分無強要萬影不離本葉葉尋其條孤
嶼土無征遍山滋藥苗因地自餉給老衲兼漁樵物以

順得養靜豈能爲器水石不相厭坐看山前湖
山靈應識我鼓柁今重來去年別茲麓席帽黃河隈大
河異江色濁浪高崔巍苦坐平肩輿日夕吹黃埃今日
好樓觀夕照高天開

知命重端居古有戒遊豫學中苦無成身外復何慕安
得肘生翼六合任翔翥東揖蓬萊雲西撫崑崙樹塵夢
吹空濛一墮不知處山光與水光爾亦非我助

寄家射陽湖去此三百里乘輿命方舟一生復有幾儕
朋更攜兒信宿水雲裏豁達小子言川物信清美循環
世元氣大江去靡已黽勉崩濤中兀律青山峙

詩六

士求恕齋

晚照接絕壑掩復無藏姿江色早涵月昏黑山家遲蔓
草亂石磴蟲響連荒祠中峰示隱見客心復奚疑大雲
臥前嶺百禽叢竹枝欣欣好雲鳥日有還山時

一川景氣同見者異其理兀兀誰我知看山眾人裏濁
水無玉石平地有荆枳古來高邁人文字不身底煌煌
華陽石晦顯亦偶耳太息坐還歌此山鶴不死

壯有老相尋霜履冰之漸進退視所階高興中年斂嶺
無峻不危逕以捷得險登頓欽奇中奮步託繩檢同輩
沿緣升齊力自知歉藉草坐空巖蒼煙橫萬點

一江無迴波萬木有重潤樹杪離離雲歲晚星星鬢何

年此崖谷舉世閱清峻舊遊念所知往蹟勞重訊煙濤
動我胸何物悔與吝九天空復空一翻看孤迅

履道求其平用言酌其雅百川無同流清濁視取舍盡
美無纖疵萬古此山野江聲嶺外長海色巖端瀉荒山
有天助所得不爲寡來客席磐石感媿發杯斝老梅六
百年不識車與馬

夕照隱石壁慘澹摩崖詞故人不可作謂申甫存者復流
離石兀兀山陽叟老筆彌酸悲四農師松寥亦棲託亭甫
一今安之泉石在我眼荒涼非夢思萬影撫川逝煙波
生涕洟

詩六

士求恕齋

一室抱兩膝寸心周九州偶得洲上嶼聊爲物外遊浩
浩山落風搖搖空中樓雲陰變午日洞壑生冥幽胸中
萬塵土一雨爲之收石欄凭斜照遠楫浮輕鷗肅肅此
襟帶浩浩當清秋

升山山苦嶮求寺寺苦多壯往減初緒百歲當如何惹
龍壁上草窈窕煙中蘿一一守山澤豈復聞悲歌可懼
西墜日那有東迴波望雲羨高鳥愛惜重來過

守風西灣示稷兒
葦密寒吹浪隄危夜繫舟溼雲連召埭白月暗揚州浦
靜漁歌絕天低蟹舍浮此鄉真水國何地更滄洲隔郡

看山約呼兒奉几遊一經粗未解百里漸知愁急雨初
聞雁通江直下鷗上湖盛洪澤諸壩啟秦郵津吏報秋
最溪田泣晚收經權無兩益幹濟望全籌世每多歧路
吾何怨石尤蓬窗重剪燭慷慨述淹留

夜泊京口

潤州城南萬峰矗潤州城下千帆宿山家碧月照金沙
茶市紅燈出叢竹心識京江古戰場荻蘆兵火銷風霜
驛樓津鼓催明發一夜江聲與夢長

河上詠塵

出門彌年歲日與輿馬俱迢迢官陌上誰得塵外趨執

詩六

三求怨齋

熱豈辭灼當涉安避濡一自愛襟素薄辭求江湖重來
當決去攬轡長噓吁

哭亨甫八首

吾道未搖落斯文詎坎壈幾人扶大雅真力起頽波一
別推陰市千秋殘露歌知交天下滿涕淚信誰多
夢斷金臺月魂傷古寺花愁深渾忘病客久似無家志
士有終古高天空歎嗟鹿門妻子在何路泣煙霞
笑罵頻年醉羈孤萬里春能歌焉當哭欲殺豈無人不
少匡時略難爲傲物身驛驢空逝影痛未出風塵
寇入王寅歲烽煙吟復行窮愁過壯日老筆寫江城風

雅留真史心肝報友生安能永攜手與爾看昇平
嚴杜交情古謂姚石相相存並苦辛故人今去蜀旅櫬獨
歸閩山暗冥冥雨江長寂寂春旗亭誰賭壁花鳥總傷
神

四傑論詩社宜黃老淚流謂黃樹齋徐君先挂劍謂廉

修潘老亦荒邱謂四農師之子復何往遺編還自留傷心袁

浦樓不比茂陵求於清江浦

飄泊多情累淮南有斷蓬謂其妾空王哀粉黛鬼妾亦英

雄異地存孤弱人情看始終湖天清梵曉宛轉哭秋風

談藝燕山日精神健酒杯生年有攻剖今日一悲哀洗

詩六

三求怨齋

眼看當代驚心幾異才果知大海水東去不重迴

偶然作二首

驚波與落日誰者去復返百年不善用身以智慧損雲
興月在蒙葉隕木見本君子坐成歎聞道苦已晚南山
有草堂餘畝荒未墾勞勞影贈形努力事鉏耨
宅心大化中歡喜而憂患對物動忘非在獨自司諫幽
窗霽餘霞何惜日云晏小邑去人遠城居似山澗圓列
吹高風昨夜有來雁

述秋十二首

不冬夜如歲披衣坐危岫藏腹氣如雲欲吐轉詰誦舉

世厭一眞顛倒競鬚風雷屯何所萬物待漸被百卉
有本根生意毋鋤掘

詩書爾何物唐虞爾何年下士掩蓬室有淚如流泉既
抱貧賤術欲出還高眼將身託魚鳥大地嬉風煙鳥亦
無厚雲魚亦無深淵

行子既中路豈不求前林崎嶇近益遠重爾更誰任况
值百榛棘率率褫與襟卻曲復卻曲迷者還自尋明明
天上月落落風中琴白雲失故嶺棲託難爲心

故山日以遠可憶不可卽十年歧路中痛惜好筋力天
色在襟袖升高攬四極往雲疚寸心來日衛雙翼

詩六

五求想齋

草木必腐質金石有銷年愚者踵服食勞苦求神仙
仙不勞苦虛明妖所便忠愛順理體羽翼眞翩翩賤齒
逾四十禺中已西遷矧乃心失圖人事爲熬煎松喬自
有我我亦自有天欲生而走死誰實令之然

今日好明月離離出雲中掩蔽際深黑不自知其蒙好
雨自有霽流水自有東三復孺子歌清濁將焉從

誰謂激烈士秋思渺難裁進退一以決人間何足哀故
園掃蕪雜坐我舊莓苔鞠華好顏色呼取籬中杯在遊
不復閑草野無嫌猜開襟對遠天豁達西風來

庭前有奇石磊砢如高人蔓長百藤葛蒙翳非一春環

抱委叢莽了不爲世珍歸來爲翦艾掃翳還天真苔階
照層巘輝光生四鄰咄嗟昔荒穢誰識此嶙峋

誰云聖不作人道浸已微世豈無名山墳曲何巍巍大
路示夷險一歧干是非百家拄我屋塵積生伊威今日
理縹緗暗壁開春輝耕者戀故土漁者求舊磯一卷落
吾手甘之如蔗薇所懼津梁遠日月恆過飛

出門贈意氣眼中萬少年求友利祿路猶射魚指天歸
來坐蒿堵黃鳥鳴春煙貧賤二三子心實知其賢

斷輪欲其方考鐘不厭啞處已貴凡今生子願庸下身
外萬珍錯少取不如舍蹇車亦致遠服牛安用馬至人

詩六

六求想齋

寶賤貧高士守杯皁罄折黃埃中客亦何爲者

菴鬻百川渚一鳥高天飛其下見霧露有淚不能揮水
不少激瑩山豈無崔嵬轉轉風與埃萬古將安歸頽洞
不可禦其來亦云微康濟企龍德下士占從違

黃質庵 湖上草堂坐與通甫聯句三首

不改清秋夜 湖天一倍明虛聯舊襟袖 還對好壺

罌木葉爾何事 川流自不情蒼涼落屋外 況復雁

來聲 有

苔徑十年雨 煙籬九月花酸心得言笑 昔夢太喧

譁塵外琴絲掩 霜邊鬢色加誰能與明月 重到鄭

莊家通

野墅去人遠有白鷗能數來非關食魚美通直作看花

同隔縣青山在有臨流晚笛哀遲明各南北通相送有

池臺有

題通甫畫梅

魯侯寫梅千百本題梅我似春隨枝何日山田買十畝

與君同守歲寒時

淮陰湖心寺二首

居者棲曠莽不識鷗鷺歡一權塵中來林野與盤桓初

地營構日寺影湖之瀾重湖不復見殿閣淮河寒湖外

詩六

七求恕齋

碧山淨百里浮雲端野老書無事拄杖天南看

夢遊能飛騰白日失羽翼空舟與雲浮眞想動胸臆谿

田蘆荻花彌望秋無極風篁響野寺來客坐成默晴旭

暄砌苔寒蟲偃籬棘老衲不知年閉戶看松色寸心際

寥遠百事謝雕飾依依猿鶴羣炯炯誰察識

斌元禮來得龍門感舊詩卽送還京

來權桐溪月歸車蘄嶺煙蹉跎故人子嘹唳斷鴻篇風

日此清絕存亡俱寂然相思兼送遠川樹對離筵

丁未

八月十五夜飲惜庵丈所題壁

明月今宵好前宵風雨多問天真不語來日復如何在
手旨且有興懷嘯也歌他鄉權節物多謝好煙蘿

倦鳥

倦鳥厭漂轉誰能西復東重湖楊柳外小縣藕花中門

巷從雲住城闌偶世通市聲稀到此天外幾征鴻

高郵道中七首

岸高春水小風草壓船低野鳥不避客溪頭聞啄泥

珠湖千萬頃雲水化空煙雙鳥雨中去一船湖上眠

又艤雨中權倦登湖上樓露筋祠畔柳春淺似殘秋

菱浦遲未發天遠夜窗虛篷底一燈在夢迴聞打魚

詩六

六求恕齋

東天雲未曉箬簑蕩深煙湖水年年大河魚頗值錢

憶得去年漲防秋雁急呼老兵三兩臥河堡一燈孤

高名復何用客路易斜曛不見秦淮江城隱暮雲

泊瓜渚

蓬瀛端合住神仙流落滄洲別有天極望雲波吹嶺色

南來竹樹換江煙津亭坐雨愁前路客枕聽潮感壯年

早晚村橋成信宿杖頭何用買山錢

過江

船頭山色南徐住小雨篷窗午睡餘自笑過江無一事

趁人洲市買鱖魚

寄焦山

東南雲去海天遲遙把焦君醉一卮雙鯉贈余風浩渺
萬竿報爾竹參差千秋鶴唳松_{謂亭}五字龍堂石
壁詩_{謂四}更語維摩期結夏別峰深處日高時

潤州

潤州四月見山耕賽鼓遲遲打麥聲作塹江曾爲鎖鑰
登壇古不恃關城將軍虛食南徐廟_{謂都統}子弟還屯
北府兵有客臨流真浩歎此生無復請長纓
八公洞

傳錄今開說梵場僊祠佛宇並迷茫垂檐桐葉和雲委

詩六

九求忍齋

綴石苔衣似草長松逕高懸初霽日藥欄斜界小迴廊

畫圖綠蓋題名在老筆飄零憶大梁_{謂注孟慈}

鶴林寺

蒼翠盤迴黃鶴峰荒涼紺宇暮雲重當樓佛壞危支兩
乞米僧歸倦打鐘畫壁藏經蟲蠹歷苔碑掩字草蒙茸
寺門綠蔭渾無恙二百年前四五松

招隱寺

我來不見戴仲若此地空傳招隱名黃鳥避人林樹密
山僧勸客石泉清坐中芳草無今古嶺外浮雲變雨晴
莽莽難窮滄海色滔滔況復大江聲

獅子窟

石磴盤空闕綠蕪萬峰高處一亭孤濤聲低截橫江嶼
塔影微明隔縣湖往日烽煙愁北固滿川形勢小東吳
旅情萬疊雲山繞日落禪房有鷓鴣

竹林寺

艱難早識浮生理爛漫新從物外遊半醉半醒追宿昔
一花一葉愛林邱樽前白日松巖暗檻外青天滄海流
明日乘潮刺船去煙霞難忘聚公樓

蓮花洞

松梢犬吠得禪關松下泉池坐白鷗峻壁插天無夏日

詩六

三求忍齋

枯僧向客有歡顏巖花垂屋雲連几石氣侵衣雨過山

記取蓮華青照眼江南第一好煙鬟

蓮華洞僧竹隱能詩用壁閒韻贈之

卻曲關橋莽青鞵我漸能江山留野廟木石伴枯僧大

有鷓鴣聽何須鶴遠乘坐明清淨理蓮界此傳燈

南徐小九華題贈山僧几谷

昔遊虛負翠微多紅葉重來奈晚何樓暗中峰吹晝雨

窗開兩湖落寒河夢魂顛倒醒泉石山野清涼賤綺羅

子有聰明不錯用只將老筆寫煙蘿

早發皋橋

黃梅垂熟麥風斜鷗起迴汀鷺聚沙驛市橋頭桑椹酒
山村屋角石榴花紅欄笛外初晴雨白袷朝來欲換紗
指說惠泉峰色好空濛水上有煙霞

湖上

風流千載竟何之長袖荒墳短簿祠水寺樓臺垂柳外
畫船簫鼓上鐘時隔溪板屋縑絲急近郭谿田插稻遲
有客屏營歌扇底撲襟惆悵雨如絲

一舸冥迷趁遠潯湖天煙樹畫多陰也持濁酒消長日
只算飄蓬直到今萬里已隨江海去二毛何事管絃侵
江頭眉嫵知多少回首青峰思不禁

詩六

王求恕齋

世事如今宜伏枕人間何處更逃禪光陰羈旅從魚鳥
煙月東南最管絃鏡裏桃花真灼灼溪邊荷葉正田田
撚髭一任花枝笑多少權場讓少年

登惠山慨然有作

登壇誰見無雙士列席聞誇第二泉籌海駐師曾此地
賦詩橫槊已當年亂峰野寺危依塔赤日山村苦灌田
一點吳淞溟渤外何人倚劔白雲天

芙蓉山寺

山色青濛太古前山樓粉堞是何年牆頭藥草飄驚蝶
殿角槐陰試咽蟬石走藤蘿懸白日水明欄檻見諸天

客心久與枯僧寂茗盃同參味外禪

毘陵走僕暨陽候子傅

故人十口隔江舉別恨蹉跎繫夢牢歸日空囊庭雪積
荒村病骨海風高蘭陵潮逆憑仙鯉申浦雲深叫伯勞
歧路不堪盈手贈一端絺綌媿綈袍

守雨丹陽林口

水風習習毘陵驛向曉沙頭雨未收芳草連天愁畫鷁
急雷送客過奔牛雞聲墟市雲迷岸柳色津亭氣變秋
身世扁舟吾已具一竿不是學披裘

劉珮卿木末吟秋圖

詩六

王求恕齋

多景留題在山樓歲代遙林開瓜步月鐘度廣陵潮大
地容雙展高僧有六朝曠懷屬之子莫漫侶漁樵

登北寺樓

雁行雅陣已東西雲樹參差孰與齊五夜海風吹晝白
一天湖影壓城低傷心汴水流饑饉聽關山又鼓鼙
誰識滄洲高臥客漁樵心事亦淒迷

贈尹杏農四章

浮雲浩大澤好風吹參差人生百川水會合良有時沙
樹隱衡宇居者河之湄勞人河上駕旬旬無停馳意駐
身苦走地邇天遠之信知車笠交山海多睽離

冥鴻脫網來落落求吾友文章性命通離抱況云久鐘
吾古川原將相此淵藪講塾啟枌榆真氣結儕偶俾我
蓬扶麻延蔓益之醜大河坐我前馬陵揖我後白日照
我脚空洞吾何有

葦葭附枝葉往景淮河旁君長纜及案玉雪含天光忽
忽三十載把臂今河梁以我庭闈樂念子多悽傷哽咽
棄烏養飄零分雁行君子坐百苦蒿堵爲

月逝不愁顏貌蒼

達人樹其大哲士謹其小萬事澈根源巨海潔蘋藻賤
子無住著出處並顛倒流浪大化中植身苦不早之子

詩六

三求恕齋

荒年穀霖雨望天表願言訂同心榮名以爲寶

題惜丈越思圖

越中山水天下傳李生放筆留雲煙圖中眉宇識摩詰
恨不相逢廿載前浮生我亦如蓬葆舊遊父執如君少
百年何地不鄉關馬陵山色黃河曉

惜丈屬題通父畫梅

一畫一詩形共影兩人意骨古纏絲塵中半落孔文舉
海上蒼茫魯仲連數朵久參空外色一枝重破夢中禪
飄零不遇牆東叟枯墨生納孰與傳

題惜庵丈蝸殼杯圖

虞衡桂海傳名都王達蠡測非紛拏大蚌小貝何不有
君子博物非拘墟爲贏爲蚌揲離象義經義取中虛無
極言雲水到海蚶戴禮亦復箋精巖異哉靈介貴留骨

文繡宛轉如璠璣體脩呀口蚌不類絲旋裏腹螺還殊
女媧或贖五色石媧與媧義精潛符蚶蛞蝓並華族
非其種者誰爲鋤昂藏頭角大我國蠻氏觸氏盤盤居
厥中含漿頗自滿豈知升壁腴能枯空洞飽媧蚶有肉
芻圖圖比龜無跌插柄或挹七星斗平面妙象三升觚
醉翁摩挲忽大笑制器安用金爲模雉入大水昔爲蜃
以雀爲爵今非誣憶彼沿緣石隙走參差厲角誠區區

詩六

三求恕齋

何來礦殼大於掌逕可周尺隆其軀信知鮎埼作亭子
燥堪結舍蚶專車人生萬事幻復幻有客對此長噓吁
蠶以曝日貢其粉蛤以向月呈其珠金鉤鐵網銳復密
深藏大澤誰能漁胡以文采致玩取追琢那得完當初
一世沈沈醉鄉裏無功醒眼觀江湖酒中愁見卮盡漏
牀頭正苦提無壺長史嬉酣手持贈包山妙肖形爲摹
鵝黃蟻綠助芬列鸚杯鷺杓同珍儲匡廬眞面不可見
示客先陷雲山圖空腸客亦等保蠟口流涎沫求醍醐
長歌健羨已心醉高擎滿引當何如

題甘巖焦山小影四首

真交天萬里中有雲通之二十君寫照我爲題芝眉出
處一歧轍溝水東西馳豈期何朔風習習連際離
子秉趨庭訓仰見長者風老鶴守孤嶼不與雲龍通升
高攬八極其下青濛濛喬枝茂幽獨初日樽桑紅
往歲京江擢長者與我俱子不獲操杖極望空踟躕金
焦在君腹雲水美且都會當縱一葦山澤求吾徒
青桂粲白石秋風香在中明月照綺席相對如家人醉
歸述懷抱爾我難具陳煙蘿有千載珍重漁樵身
贈王童子

美玉出大璞人中幾少年良時真可惜名父後應賢照

詩六

姜求想齋

眼如初日回頭逝晚煙有兒吾不教海上負歸田

鍾吾雜詩十八首

一懶從吾好千秋有棄才顛狂從老去談笑賣文來雲
物仍秋色天涯覓酒杯蓬蒿誰爲翦隨意草堂開

曲院深藏樹高樓靜背山風花吹晝永燕雀看人閒跡
喜漁樵瀟心兼筆墨頑宜令青鏡裏容易鬢毛斑

百歲垂過半他鄉又值秋山盤千里勢城抱二河流野
色寒沙迴人煙古木稠旅懷極蒼莽不用更登樓

不到南郊寺秋風二十年荒廚山犬臥舊榻網蟲懸河
氣雜僧語花畦入墓田醉遊眞夢裏來客幾醒然壽聖寺

青充縣山脈風光落澗阿崇祠禮元嶽高樹出黃河野
色牆陰逼鐘聲枕上多通宵鄰院月清夢滿煙蘿眞武山
搏鼠矜餘技雕蟲冒壯夫逃官粗解事識字媿爲儒歲
晚涉淵海天高數郭郭嶮崎眞萬里倦矣謝知途

莘野久寥落斯人歌轉哀窮愁過少壯門巷久蒿萊南
國幾同調西京重異才青霄垂竹實萬一鳳皇來井三杏農

落落孫莘老人皆以直稱衣冠留上古貧賤得眞朋庭
樹連天兩山樓隔院銜長廊閒聚影心迹兩枯僧

日造牆東叟盤盂不用要危樓涵雁影曲沼足魚苗窗
几秋天淨圖書僻壤饒坐來消百感渾忘故山遙

詩六

姜求想齋

山陰名父子大令最清華好我得同氣斯文本一家高
情將野鶴逸句似秋花來日看山約煙霞願共賒

輞川南垞月閒走北鄰翁俗物一無好天懷孰與同命
兒拭硯几隨意寫霜叢生計將毋拙蒼涼對爨桐

淮上寄桑梓天涯得故人爲兒共遊釣垂老各風塵念
子獨茹苦論心似飲醕莫嫌聞道晚惕厲百年身

廿載交親別相思動拊膺何期逢逆旅偏是病無興古
木藤垂死寒山骨露稜片帆將影去河水黯層層

黯絕蘭陵信悲令壯志降故人眞逝水何日哭寒江枯
樹風吹夜荒城雨暗窗昔遊同秉燭垂白影無雙謂子傳

風物信清美誰能不憶歸宦游鄉夢遠老去壯心違有
客嬉林藪因君乞釣磯馬陵山色好攜手看雲飛屈二丈江

村垂

狂笑問松柏誰真金石半身從衰後健心有靜中勞對
客惟長嘯餘生且濁醪回頭山北望白日逝驚濤
北郭去人遠郊扉長晝闌松陰朱氏塔釜氣卓家山秋
老河聲壯霞晴石骨殷旅懷忘近遠雲往復雲還
去艣捷於鳥驚波高似峰故人荒岸別杯酒昨宵濃天
遠雲無所林深意與重扁舟遙入夜難忘廣陵鐘
淮陰汪氏墓田訪張步凡感賦

詩六

毛求恕齋

升沈萬古付長嗟丞相祠堂處士家楚水虛明環井邑
淮天高下出桑麻廟堂餘烈輝豐碣郊島能詩豔晚花
有客無端齊出處寒林閒對日西斜

哭淮安潘師墓是日同人集南岡龍光閣

坏土驚心萬念休登臨觴詠復何求天邊平楚淮流白
湖上高鴻澤國秋子建昔遊誰並駕伯倫今日果蕪憂
千秋黯碧城南阜多少寒雲老淚流

暨陽繆師沒五年矣因其世兄子傳之喪積哀并至寄
哭以詩

迢迢風雪數師門惻惻難忘海上村小子窮愁能著述

深恩君父與同論故家慘失傳經子老屋誰招久厝魂
望眼蒼茫吾半百馬洲東去大江渾

再哭子傳

我師君父君年小我子師君我鬢髮三世苔岑深意氣
卅年魚鳥共風潭一樽重約嗟何及往夢初醒百不堪
淮水濺濺申浦去酸心何日不江南

年年至日堅冰至小雨今年暖意加南國梅花深綻藥
先春柳意欲抽芽浮生坐見霜催髮令節從茲客在家
翻憶干戈諸將士雪中辛苦事龍沙時官兵征安集延英吉沙爾尚未解圍

詩六

天求恕齋

志士八章

靜極臥早起天宇開東梁庭階似昨日霜氣浩已盈葉
盡木有致凍禽時一鳴南城出湖上雲水湛虛明天寒
耳目潔萬象謝其平天地有終始志士何所成

無成復何說有生亦已勞生事動百體悔不耕東皋嘉
魚惜鱗鬣好鳥珍羽毛自古有矧罟數澤將焉逃智者
得任放智者亦鬱陶空山抱綠綺誰識心所操

喟彼隨陽鳥生理細已微霜風命儔黨改轍東南飛長
養之所託聲氣之所歸中道遠游子惻惻霜中衣行路
歧我心不行寒與飢是非問性命懸絕根從違堅坐亦

權飽當戶南山薇

南山紛在眼重湖不得渡煙開木葉零洲渚見迴互來
鴻求故棲風露不知處昔日溪上波今日草中路行行
臨迴野一步百回顧人情詎有極更事遞成悟

平生萬里心海嶽結蒼莽倫物規步趨身限意空往垂
蘿一徑深老屋數閒廣生機無事中花木日已長索處
車無輔灑掃遲吾黨

少壯夫何爲五十始讀書萬物各有用我生將焉如貴
者非松柏賤者非株樗所懼失本心一世空扶疏夜承
日之乏老亦年所餘悠悠視今日抱影徒踟躕

詩六

元求忽齋

踟躕不得語因之長短歌舉世競竊曲直道將如何夫
我豈天民太璞鑿已多山中有佳日門外無迴波坐憶
山下走歷澗而經阿喬木不自樹搖搖風中蘿

朝隨羣鳥起暮與歸雲眠愁人歎一室曠士娛百年從
古曠士遇亦復多冥連高明淡物慮隨地嬉所天小邑
人事靜白日空庭懸一木復一石心寄無知前歲晚續
生氣萬象回星躔

心鄉往齋集卷六

心鄉往齋集卷七

曲阜孔繼鑠著

吳興劉承幹校

戊申

小松

一枝幾歲碧湖栽
瑟瑟飄風苦薄埃
深谷肯令樵豎有
靈根悔自岱封來
高雲共守連青靄
雞鶴閒尋啄紫苔
更以玉肪期萬古
野人隨地有蒿萊

僻壤

僻壤端居可自由
重湖霜氣滿林邱
防河萬里經秋漲

詩七

一求恕齋

寄食全家傍楚州
北使更傳三輔旱
南天徒抱一身謀

便宜發粟聞 明詔參計司農莫漫愁

過質庵殯舍

君今秋寺眠無曉
我亦江城晝掩門
萬念全銷當日夢
孤懷老去向誰論
朋儕生氣餘詩酒
門祚酸心看子孫
湖水湖雲吹涕淚
西風何地與招魂

洋河東墅訪沈陶山 選 布衣

鹿門今復見龐公
借老如賓首各蓬
荒圃短菘存晚計
頽垣高樹占秋風
僻居無米難爲乞
退筆臨池老益工
安得依君結茆屋
閒看門外路西東

題宿遷松林塔院

聞說頭陀留退院
繚牆老屋隱蓬蒿
荒城路遶山腰細
短塔雲蘿佛骨高
南澗榛蕪欺竹色
兩河風雨助松濤
百年我亦征途客
已酉重題感二毛

寺壁有前己酉留題詩

豫中苦旱頻年近
傳得霑雨澤漫志一律

野人日日西南望
懷抱如焚鬱不開
涸轍驟聞天澤被
雲容疑帶水波來
雨暘 聖代調偏裒
剝復春陽起劫灰
從此豫原宜宿麥
兩河鴻雁不須哀

聞竹坪同年從文大司馬按振河南

告飢不諱 聖明朝振貸旋頒
惠澤饒戎政尙書馳節

詩七

二求恕齋

鉞仙曹佐吏下煙霄
太行不雨雲霓赤
河內先秋草木凋
搜粟兼煩賢武部
呼天哀雁盼星軺

小閣夜起

湖天小閣若乘空
木落孤城夕望通
風急暗雲多破碎
煙深好月且朦朧
百年物外憑浮蟻
十月鏡前尙候蟲
南北舟車三十載
夢迴都付雨聲中

寄春醴比部

紛紛往事成追憶
木葉淮南又晚秋
去日聯牀黃鶴觀
十年迴首白雲樓
使君妙筆題鸚鵡
天上英姿盼鸚鳩
稱物將爲天下雨
故人蓑笠隔滄洲

追悼喬止巢先生卽題裁雲館詩餘遺稿

重來卜宅安宜縣不見南鄰桑苧翁
楚國先賢尋往傳江東遊子泣春風
笙飄鶴背宮商細松老龍鱗歲月空
布韞青鞵吾亦慣陽春白雪和難工

殘菊

小園客散黯金卮花事飄搖鬢亦絲
正色摧藏天不改芳叢冷暖蝶先知
羅含宅裏西風晚陶令籬邊夕照遲
滿眼凋榮均雨露靜中心力看霜枝

湖上晚秋寄通甫

故人高興近如何短鬢微霜莫更皤
幾輩孤懷明似月

詩七

三求恕齋

昨宵飛夢渡黃河秋天北望惟鴻雁
老屋離居憶薜蘿鷗倦閒波還自宿
鷺鳴寒木已無多

寄稼軒

桑麻淮土鬱蒼蒼處士躬耕尙有莊
今日鄉園眞樂園一年草木又新霜
大梁河北移民苦回紇天南轉餉長
爾我一杯滄海上行藏猶得話斜陽

題徐若洲蒼筤室詩集

荒江枳棘幾吟鸞南國儲才洞壑寬
鴻鴻遲飛牛縣尉鷗鷗高唱鄭都官
城隅落日臨流別天上浮雲掩戶看
廉吏可爲縣奕葉清才健筆出飢寒

湖天冬曉

大星正爛戶北角擊柝欲罷城南端
得全夜氣早心醒不用鳥聲迴夢闌
湖煙四塞網罟靜霜風高拂庭枝寒
山人堅臥猶未起海天雲日何漫漫

黃河舟中二首

垂老風花急歡遊念總刪
衰稟天地外零落是非閒
吹帽從黃葉移舟就白鷗
煙嵐千萬狀都付夢中山
白日客邊暗黃河天上來
長風吹不斷短鬢況相催
向夜得殘月臨流剩賦才
孤篷驚雪浪欲側坐深杯

遊白洋河羅氏述園留贈藹亭二丈十首

詩七

四求恕齋

落拓抱奇趣登臨惜薏經
天涯幾耆舊河上此林亭
客鬢愁仍綠秋光晚更青
那關榮落事眞意戀郊坰
喬木新陰好清風門巷幽
池臺連古驛井里自先疇
花氣深杯酒書聲隔院樓
遙遙南北阮吾及竹林游
深巖出林杪遙空秋氣多
平原餘落日小閣做黃河
樹蘊涼颺發雲閒僻壤過
客心無住著維繫有煙蘿
亭影半池聚霜華一水鋪
能教寒潦潔未厭落荷枯
楊柳春何處芙蓉美且都
生涯常對此那恨老菰蒲
果信入林密誰云近市囂
朝霞烘白石仙露滴紅蕉
鶴舞花閒笛鸞吟月底簫
此中塵不到天樂合招邀

岑窻竹西館雲藏地半弓花棚深翠巖苔石小玲瓏丈
室厭摩詰丹房笑葛洪下帷容借榻讀易比山中

千百菑穡種初花少落英自然存傲骨不要錫嘉名尊
酒因相假詩懷若爲生羅含真有宅陶令豈無情

梧落空金井松欹偃石牀穠花俱過眼野卉耐繁霜不
改藤絲碧還餘桂葉香秋容非冷落思與清蒼

早識浮生理主人眞達觀門閑倚耕鑿花石等艱難雁
影風中急天光雨後寬悠然此心目不用更憑欄

落落簪纓外飄飄天地閒百年眞逝水一夢又青山於
世淡相處有田歸更閒殊鄉得同調權喜一追攀

詩七

五求怨齋

界首大風眺高郵湖用少陵劔門韻

陽侯據全淮憑陵氣大壯何物揚其波相與恣所向秦
郵隄破碎風鶴不可狀疊浪高於山舟楫那能傍渚嶼

潛歌哭煙月發悽愴雜沓蛟龍翔冷落鷗鳧放狂流冀
力挽治理詎淪喪金穴雖云湮水德忍長王一槎羨張

鷺三策昇賈讓安得掃氛埃見我隔江嶂蕭蕭蘆荻叢
釣者有惆悵

高郵湖作四首

洪湖抱天影炯爲智者憂萬古波濤居一線隄防留大
官日召令買石窮山邱以石抗蛟怒築堰如長剡下堰

楚州脚上堰淮山陬汨汨水衡錢化爲屨與鮪久客熟
湖水嗚咽胸中流

我乞桐柏君游戲休騎鯨巨浸荆塗來氣城蒼山平湖
腹量所受敲器多則盈減流利開闢設壩如關城盛漲

東壩開地上歸滄瀛用世少全策覆此彼則傾兩害擇
其小豈日非人情所悲下土穀秋氣傷垂成

橫流截漕岸百里無完隄行李避漕河爰涉重湖西初
入謾葭莢黯碧天爲低淺流樹水則指我途人迷行行

見中洲破屋無棧題荒荒臥高柳拍拍寒雅嘯
暝色集寒雨湖氣爲丹黃衝波力兩漿水荇如船長海

詩七

六求怨齋

燕不知遠哀語隨風橋飛止定何許漂轉迴人腸有酒

不能飲抱膝空榜徂東流苦不息上湖末未央苦雨晚
更急起視天滄涼

揚州雜詩

廿載邗江路行吟動值秋客懷看月減往夢與雲浮野
竹山光寺清風文選樓旅遊復何事飄泊問沙鷗

金碧東園月蓬壺別境開禮隆古巡狩天護好池臺鳳
藻千秋鑿龍鱗十丈苔太平方在眼還望翠華來

夢醒瓊花觀人心亦厭奢縱教存異植只合等凡葩老
樹吹黃葉危樓入紫霞低迷山郭外辛苦見桑麻

叔夜抱琴死餘音咽廣陵故人俱健在吾道感衰興吟
嘯復何所窮愁獨爾勝蓬門今易主腸斷未枯藤梅九

將老翻增健能遊亦累情江風吹郭冷山影得秋明往
日三篙水春郊二月鶯赤欄橋外柳曾繫好壺甕
天然好籬落物外舊雞豚十月客尋菊數家城北村晚
香侵菜圃夕照罨柴門野色禁衰謝昏鴉六代存
有憶温岐豔無心杜牧狂煙蘿舊池館絃索小滄桑山
色迷離眼江流惱亂腸一杯閒照影短髮亦微霜
藏用兩無補聰明百不能宦情曉岸月詩境雪山僧零

詩七

七求恕齋

落川光改羈棲夜氣增又停江上權來對驛樓燈

過高旻寺

淮水南合江分流真州郭夾右出琳宮遙野見樓閣禪
房記曩遊修竹引杯勺迴折石廊幽一步一花藥浮圖
被天光垂雲下寥廓一炬彈指中巋然留寂真人代閱
煙水隆替有今昨擁楫聞清鐘惆悵此棲泊

三汊河舟夜與子臯聯句懷通甫

不信睽離恨纏心十倍平屏寒聲滿天地好友隔風濤
深酒更相屬孤絃敢漫操屏眼中共甘苦海內幾英
髦見老鳳祕奇噉驚鴻惜落毛屏升沈齊大化得失小

秋毫見居壘庚桑楚談天支諾皋屏誰非棲水鶴卻願
戴山鼇見買艇同尋釣迎潮上沒篙屏癡雲貪野闊初
月苦天高見聞雁霜侵枕觀魚夢離壕屏輪扶肩大雅
骨換感醅醪見管鮑心無二元龍氣獨豪屏縱橫漢班
史奴僕楚離騷見南國殘紅豆東風冷碧桃屏可憐真
血性空灑向蓬蒿見兒女桑麻長江河日月怕屏蒼茫
無與適離合整相遭見瓜渚來黃葉蕙灣莧紫螯屏尺
書思共檢寸鐵怯重塵見旅泊增歡笑狂歌轉鬱陶故
人不可見短髮那勝搔屏荒戍橫吹角疏燈各擁袍東
流問揚子誰得挽滔滔見

詩七

八求恕齋

京口雨泊與子臯聯句懷杏農用少陵漢陂行韻

裏糧十日同搜奇寒月滿船霜滿陂見大江空洞息萬
籟拍天雙槳鳴玻璃屏路幽神鬼懼深入四山無雲飛
兩集見浪折千聲不肯平岸離一尺那能及屏篙師力
盡卻復開蒲帆一洗風中埃見懸崖怪木作人立衝波
老鸛窺燈來屏東窮渤澥盡莫測西帶岷源鏡如拭見
損洞誰同束手悲憂勞幾輩長頭黑屏美人窈窕淮之
山非仙非佛非人閒見崇岡紫鳳氣嶽嶽空林黃鳥聲
關關屏我欲贈以雙明珠瓊裾玉珮朝中趨見虞陞都
俞樂復樂康衢歌詠無時無屏家丞庶子須存至斷梗

飄蓬豈天意鼻一舸冥迷夜若何樽桑未白繁星多廟

寄題北固菊花

舟中無菊求煙郭聞說花開木末樓野寺冷餘南國豔
荒籬高占大江秋竹連苦霧焦巖暗松覆寒雲鐵甕愁
背指夕陽搖鷁去中流有客感滄洲

江上吟五首

風笛大江口苦唱公無渡雪浪高於山小艇上江去
高高出白月千里見我心江水在人面得知江淺深
歲苦不知冬人苦不知老十月無繁霜紅葉江頭好
萬魚爭一壑水苦魚不肥江天好雲日空闊無鷗飛

詩七

九求想齋

江上沒蘆洲洲上聞打魚今歲潮太惡來歲潮何如

焦山雜詩十六首

雲氣北風緊客子殊夷猶蘆花已深雪未改江之秋側
身眷西顧銀漢胸中流陂陀三萬里嬉戲東壺洲夜黑
失真月世外清光留蛟龍不受餌江漢空垂鉤

日月做洪波江氣先昏且浮玉厭真姿帳絳乞樓觀野
航月沈鐙水郭煙浮岸東天星搖搖海色珠繩貫遺境
示心力斟理算愁歎天風無參差葭茨自零亂

涼露淒百卉在野難為容木葉拒風力十月遲成冬金
沙出浩劫碧浪淘塵際空明十洲月離立三山松寒帆

落京口薄酒如春濃大江臥蒼莽枕上青芙蓉豈有曠
士懷披豁煩霜鐘

焦巖熟向背滄波極奄冉買舟忘石尤飄啟驚風颭人
情走嬉娛平地昧奇險心向鏡所階身悔遲何檢屏幃
插銀海萬木丹黃染擾擾乘東流惘惘看西嶼

江直無旋波人事多迴翔百年行過半閱彼川路長百
橋風中走南北殊其方賈子識煙市漁者求石梁一飯
有至理我何苦傍徨

詩七

十求想齋

南偃臥各自為青蒼圖山接溟渤東望何洋洋

人中苦煩絢江上多清涼矧茲龍正蟄青木將云黃長
蘿不厭冷嫋嫋垂僧房荒荒半日任天影明衣裳大江
在階砌俯拾盈我觴老桂綴冬葉物外吹空香

少年氣激越遊目輕陂陀升山苦無險涉水苦無波危
塔迨日月長嶺攀星河不復識其峻一笑千婆娑鼯勉
茲歲來力在心消磨壯往詎少減衰緒何其多遊且惜
筋骨於世將如何

鄰院噪早雅東有東昇樓在夏觀日出海色如涼秋我
來孟冬半樓下樓方舟樓前婆羅樹山午風颯颯客懷

慘以宵古恨荒難收安得樽桑紅爲我開冥幽

西有夕陽閣百石連一苔欄楯鏡波面了了無風埃金
鼈小菡萏如彼池中裁淡墨辨瓜渚漁笛潛歡哀泝泱
極千里高雁荆襄來人生愛暮景珍逾百瓊瑰落日又
崇坂彌望空裴哀

焦仙厚我賦一簇好林麓不見古鬢眉未改舊草木洞
口清風吹白石皓如沐瀾瀾郭公墳讖緯不自福隱士
懶問天隨意青山卜偉哉漢室詔三錫徒往復紛紛秦
庭書十上客還逐

詩七

士求想齋

侯昔攬轡主客來謳吟兀兀山陽叟謂潘四農師老鶴留清

音辭枯字不蝕上口酸在心古衢泣卞玉絕壑求鍾琴
誰謂佛歡喜與我悲盈襟

松寥枕石岸張子有懸牀謂亭父袞袞舊遊盡寂寂江聲

長女蘿無根著其長百尺強大樹空腹心黦黯纏風霜
金石信難固來事胡可量高歌歇寒野意氣徒慨慷

蕭蕭海門寺萬竹東山想寺門納潮響屋小如窮村老
衲赤兩足開闔延朝曦六嶺隔西照不晚長廊昏霞氣
倦過嶺崖黑寒雲屯一山判明晦人事何足論

短柳繫客屨江涸柳根赤終當解纜去忍別茲山石流

連坐一飯吟恨有千百十載四遊行直似初來客山初

識我來一日穿雙屐江初識我來髮未一莖白
巖風近衣袂吹我心遙通高寒耳目潔愧彼山中樵一
身既閒放信有重來朝冰雪日薦至萬象淒已凋山骨
植太古不與波飄搖

京口南山雜詩十三首

身世夫何爲垂老得遊行青山古朱方放眼未云遠脚
躡焦巖來冬日易成晚江闊多波瀾舟小苦難穩斂楫
趨城隅夜中止渠堰冷遊不多欲動念亦見損林壑待
明發飄風送偃蹇

詩七

士求想齋

大夢早委運私好希迴天詎知一跬步中亦難持權冒
雨向南郭心銳神隕然徒侶走卻曲捷者多傾顛瞠目
誰我留有緩無速遄

魏吳用兵日早有京口山南山善隱伏不與人往還北
固乃多事衝要生憂患一嶺捍烽燧百卉蒙清閒多謝
建安來爲我留煙巒

煙巒復何好靜抱春無窮孟冬閱巖嶂不失青濛濛轉
谷不一里平地生穴隆上負石鬼岢下曳煙沖融兩碧
或分列一白雲中通寸岑鏤十面一步移千重

始躡茅頭山山頂平宜耕上戴土無石其下多榛荆夷

船昔橫江窺我西南城客帥東海來樹柵連行營邀敵
陣於此草木搖心旌曾聞京峴北三月多黃鸞銷沈一
戰後窮谷春無聲濺濺大江水昔濁今澄清北禽時南
嗚乃哭青州兵

其南帶句曲丹砂玉門開建業更西峙鍾阜青崖魏荒
江枕北戶東見雲陽臺十里撮金碧一窪如覆杯邱壑
萬變滅鸞鶴千低徊世有始皇想安用求蓬萊

青陽九子山蓮峰一千丈京江小九華今日落吾掌往
遊不可卽翠微在夢想山僧健游歷倦焉此投杖謂几
谷上
人兩崖跨一樓樓前豁平壤蒼綠遠峰罅聞打寒溪柴

詩七

三求想齋

飄然失塵土衣袂如山青不知山下雨已上鳥外亭羣
峰復何爲獨展芙蓉屏煙塊合難劈霧眼沈無醒造化
虞我窺萬象混一形放脚似傾跌下有江空冥我欲嘯
歌作付爾蛟龍聽

苦雨不可歇遂造竹林寺北下逕百折一寸無平地駭
汗對楓橋十步九驚悸泉脈助泥滑屐齒迸石碎半山
飛鳥聞煙外看嵐翠

西顧招隱寺一山霞四圍紅葉如好花晚樹能芳菲路
隔對面嶺遲客勞山扉憶昔石門坐四月春未歸松翠
溼我屨黃鳥鳴我衣

嵯峨八公洞薜荔藏茅庵神仙不可致草木殊淮南泉
乳沐苔髮石壁垂甍甍淒涼綠蓋樓畫本留禪龕故人
木葉零老淚流江潭請孟
慈

江上千百峰豔說青蓮華同中有專好重一輕其化潤
鳴倚戶竹雲下垂檐花老桂風中煙吹石爲青霞山僧
得山氣談笑空塵沙謂竹
隱處士誓懸崖他日山中家

蕭蕭夾山寺雨外無一聞寺門竹不死老霧青紛紛
陀試筋骨茲遊亦已勤坐久耳根潔苦雨良亦欣登樓
召鴻鵠願與爾爲羣青冥斂健翮高臥南山雲
邗上留別諸友人

詩七

西求想齋

我生性情累歡黯無不有茲來爲湖山夫豈忽良友廣
陵江關隩人物古淵藪蕭蕭際歲寒黃雲蓋隴畝百事
一東流飄泊向杯酒賤子支離松生意半云朽一身不
自樹何以扶倚偶各往同一歸大疑安用割來日發津
頭清霜振高柳

車邏入湖二首

青鸞天半笑黃鸞人生萬事有今昨舟子把酒颿爲開
昨日船頭北風惡海東紅曙疑斜曛飄飄野艇如鷗羣
湖心片玉浸殘月天上絮花吹水雲

霜落灘平洲渚出鴻雁流離問家室十家一二生炊煙

源磯蟹斷天蕭瑟重湖浩淼連淮河忍使平世增洪波
湖西草木未盡死河東生氣今如何
為甘巖題潘蓮巢鶴林煙雨圖 有序

京口南山諸勝悉為僧廬割占鶴林得遠致竹林有深
趣戊申十月儕甘巖訪紅葉雨止竹林他不得往此幘
為蓮叟興到之作中有雨聲甘巖得此黃鶴峰在几上
矣更綴小詩二十字

肝膽寄林壑此身復何許人事不可知對面隔山雨
冬日苦憶稼軒通父

詩七

十五 求如齋

天寒野陰何所為屏卻琴書心更苦縱多權笑老相隨
中原兄弟復有幾悠悠我心當告誰

冬居雜興八首

淮南木落響空林八寶城低水國陰落日斜飛洪澤雁
高齋獨抱歲寒心老梅凍葉遲春色小鳥霜枝託好音
漸喜年來車馬絕不妨愁歎與狂吟

憂勞自愛百年身那有心情學隱淪魏闕江湖空有夢
三川舟楫豈無人寒催木葉供書帙天與煙波下釣綸
獨醉獨醒誰共語夜開斗室看星辰

雲林風色幻重湖汎汎回頭水上鳧垂白未為聞道晚

倉黃真悔入官纒江河淼渺宜高枕天地蕭森稱做廬
掉臂張裘復長嘯碧山果不負今吾

棲遲誰信林中樂遠引翻滋物外疑自昔好遊同許掾
從今長假比王尼空山冬月仍冠鶴來日春風又聽鷓
河上一椽成泛宅任他煙水笑鴟夷

枯樹枝梧怪石蹲城中宅舍似荒村冬天老圃收松子
僻壤空盤藉菜根老去詩篇翻突兀靜中爐火自寒溫
奇文疑義慙孤陋未厭鄰翁夜過門

詩七

十六 求如齋

野人自把孤松問如此連蜷豈世才

霜天烏鵲向南多老鶴閒階守荔蘿浦澹漁村連縣郭
鷓鴣寒日散淮河汎舟遠轉東吳粟飲馬思眠塞上戈
父老普天同擊壤窮鄉亦足慰蹉跎

南山樽酒北堂開五十婆娑學老萊暮景飛騰憐骨肉
征衫狂喜脫塵埃同雲雪意深藏柳至日春光暗轉梅
樵徑漁磯非冷落百年佳氣長莓苔

己酉

題山陰毛建平遺墨 有序

山陰毛君康熙初主白田喬侍讀家右上方館陶園筆

也余居之容安堂西徧爲陶園故址玲瓏石丈人外無
一存者而此頓墨潘如新物理之久躉年運之遷徙有
情者能無慨然系以五十六字

鄭莊文謙留賓地二百年中冷歎歌畸士來尋閒歲月
一家偶占古煙蘿柴門闌寂從題鳳練素飄零感換鷺
滿眼林亭誰是主霜絲攬鏡復如何

題師禹門丈雲閒話舊圖

百年真逝水萬事易斜曛歷歷鏡前雨蒼蒼海上雲甘
棠前刺史細柳故將軍竹馬傳遺愛彤弓有舊勳
我亦辭簪紱江湖具釣舟高情看健鶴小取作閒鷗海

詩七

七求怨齋

內誰青眼尊前兩白頭畫圖同百感鴻雪記千秋

題朱節母遺照

萬古留冰雪綱常賴此扶 天旌垂不朽臣節與同孤
血淚貽堂構輝光照里閭顯揚非異任努力事 皇圖

符南樵文學 葆森 塘北草堂圖二首

仙人手把玉芙蓉遙下青城第幾峰一笛晚風西塞曲
五更殘月廣陵鐘雲中虛有三閨屋劔外爭傳四小松
湖浪拍天雞犬寂涼秋孤權欲何從

曾無半畝插藩柴秋水年年上渚厓滿眼鷺花空老大
將詩爾汝送生涯煙波泛宅歸何暮草木平原願早乖

南國湖亭三十六相逢莫厭酒如淮

答李布衣鎮

人生莫識字識字飢苦并人生莫貧賤貧賤名無成吁

嗟孝侯歿謂周止安丈人不知李生客居共一山好我一何

誠新詩感令序其鳴如倉庚一字一悽咽使我愁無醒

我亦未歸去有烏天南征明年不出戶與爾淮東耕

陪諸公登馬陵

三月恆苦雨東日欣晨開主人遲客久陟彼山之臺海
色逼東望人世潛懽哀鬱抱一疏散真意傾金疊鐘鳴
日卓午天高風無埃山田露石骨薺麥青於苔芒碭隱

詩七

六求怨齋

西北千里雲低回漠漠見鳧雁春遠黃河來智士寶良
會離思忘所裁丹房駐言笑何用求蓬萊

鍾吾驛贈竹坪八首

飄忽百齡內及爾爲友朋春風今何所草色開東臚備
使佐天節賢者副其稱輶車東南指幢蓋如雲騰故人
山野氣對之空嶮嶮

昔也與子俱出處靡不同在沼無二鱗飛遠爲一蓬依
依京朝居形影聯霜鴻瑣屑共肝膽曠喜如兒童今日
溝水頭各自西與東

高空起黃鶴整翮雲中趨行行見野水其下多白鳧

下與鳧語容與而戲吁君子擁華駟心乃在汀湖江湖
風雨多飢渴同踟躕

朝升黃河坂暮上馬陵臺登高夫何爲有客天邊來青
徐極平衍草樹多風埃子來黃埃中精白如瓊瑰眞氣
屏磨涅豈在能與才

官亭枕漕水夜色開堂前阜牧亦勞心地上縱橫眠街
吏守鈴鐸白月懸高天兩心視明燭炯炯無由宣萬古
窮達懷各有愁相煎覓子貌癯瘦使我神憊然

官程有鈐束臣心無是非豈我天下志攬轡延光輝子
家淮水邑此行豈曰歸王事無我私安得顧細微青青

詩七

元求怨齋

鉢池山初見黃鸞飛王孫釣魚臺春雨蒲芽肥

採風無壅聞使者下金闕司籍倚樞曹生氣助塵鉞行
行清口南軒馬易舟筏船尾銜大星芒角比西月去年

重湖漲水氣注林樾今日淮東民猶拾江皋蕨

身世更何說風月今宵長兒女各長成往緒迴空腸衰
白逼爾汝不得相扶將起別在須臾還復坐匡牀荒雞

叫河水門外天蒼涼

答甘巖見懷韻四首

何處城隅草煙光逐歲新旅懷聊當夢衰眼怕看春震

響淵潛鱷虛無閣畫麟野人惟硯几吹滿隔山塵

小縣河流急危樓曙色分天寒春易雨山暗午過雲攬
鏡空催老銜杯正憶君高城見鳧雁風緊不離羣

不受世調弄斯人眞不羈蹉此同一慨淡泊兩相知蘭
芷無緣飾煙霞有主持百年好泉石努力在山時

未蹶爲山力斯飢聞道心向人能慘澹閱世苦清深頗
頓蠶空繭飄搖燕溼襟相攜增百感風笛莫相侵

答陸春堂山居見投之作

劍氣誰能久不磨十年長我鬢先皤雲連秋水驩蹤淺
月去空山別夢多世柳做能留樸野子桑窮不廢吟哦

天涯門巷同深密好把閒心理薜蘿

詩七

元求怨齋

哭孟慈

太行西日冷懷州丹旆東歸九曲流抱負長沙千古淚
文章平子一生愁天涯拙宦歸何晚家世傳經願儻酬

南國妻孥仍凍餒空牀還設做貂裘

留贈心巢

滄海湖雲重舟寒似暮春又將煙水去暫作別離人獨
樹鳥雙語一山天四鄰深心託松柏同看後影身

楊鷲溪高平山水圖

華陽雲控鶴山幽仙宰乘鳧昔此留五馬按行龔渤海
哀鴻圖寫鄭監州湖天雙社權今雨雪浪瀛帆偶石尤

料得校官碑閣上神明潘尉共千秋

冬夜題通甫畫梅

一枝合是愁中作幾度渾疑江上看水國煙姿極惆悵

山人風骨本高寒安宜城北來鴻少戲社湖頭碧月團

安得兩家連沼石攀花攜手共盤桓

庚戌

正月五日作四首

煙旭東天瀉濺濺此歲華驚心看骨肉吹夢過風花枯

木春能活冥鴻路肯差世情宜醉眼何待勸流霞

去住無長策浮家海上萍村墟連水白縣郭倚天青斷

詩七

三求想齋

蝕五河堰低迷八寶亭昏鴉屯野色煙外叫滄溟

年序逼毛髮行藏一肺肝了無理人術虛有臥雲歡雪

啟梅天曙春生水國寒是非與今昨顛倒靜中看

淺慧難爲業勞生亦倦歌空山聞道晚古硯費詞多鳴

止隨羣鳥飄搖寄一柯有年安樂土真意豈蹉跎

蔣春庭索題董蔗鄉同年巨濟圖

蔣侯意氣詩中畫董子文章天下才一別京華深夢寐

十年江國共風埃大川信有迴瀾力散木慙非用世材

何日巾車訪明月嶧山高處照銜杯

時蔗鄉知邳州

再答甘巖用前韻四首

苦竹烏鶯善寒塘樹色新潛將垂雪鬢坐換隔年春門

在從呼鳳經傳愧湖麟苔階憚及蓬芒履略無塵

閒草成今古流泉嘅合分天低城上水愁駐酒邊雲車

馬不容巷漁樵豈獨君誰能豔桃李紅白一羣羣

五字無窮達才難受物羈奇非險處得與許盡人知鶴

管破羣吹魚珠肯濫持寸途萬梯棧爾是過來時

明月去猶好高高燭我心荒難一燈白老屋萬山深往

路期來會開驢數合襟相於延道氣無惜歲年侵

和甘巖見贈原韻

日者側顧安用卜牀前雲物幻看天旂常鐘鼎非吾事

詩七

三求想齋

湖海文章必子傳但得閒來開笑口從茲老去辦歸年

雲閒空有三闌屋頰上曾無半畝田

黃樹齋先生舟中課讀圖

馬陵一卷石西下黃河流漕渠出其左萬里來方舟主

人敬好客詩穆十日山中留山中竹樹多五月風飭飭

欄檻頁雲物嶺氣疑涼秋懷抱夫何有執手來清愁

貴爲鳳與麟賤爲雞與犬顛倒塵囂中清寂此山嶽日

月經我庭旦晚有晦顯草木萬孱顏鐵石一剛嘗能履

失險機眞味回苦葑對君千尺松吾何惜偃蹇

赤烏曬白日變滅崦嵫西雲脚射平地其氣爲虹霓君

子當言邁起視天爲低良夜一樽酒餞之酸在脾窮途
那足泣遠別安用悽兀兀不得語枕上號荒雞

於傳有恆言人情愛少子垂白更何向恩勤見物埋白
晝旣丹鉛青鏡復牀几昔也萬山中今日篷窗底流離

授一經弗獲守鄉里出處古蒼茫掩卷長風起
馬陵送樹齋先生用其題扇韻

風泉同聽在山清十日君留更遠行山外白雲雲外月
天邊歸路好分明

六月十六日雨中作二首
苦添雪浪上湖流暗雨連山密不收雲壓城頭噉鶴雀

詩七

三求恕齋

樹綠樓角上蝸牛江天六月渾無暑海國千邨顛有秋

醉飽已從田父後狂愚還切杞人憂

鷗天浩蕩隔鸞霄山澤閒從負 聖朝近報湖風高不

落況聞江漲怒無消三閒未定東西陸二嶺難攀大小

蕭一枕飄搖身世夢可能安穩到漁樵

十七日夜

荷葉菱花劇可憐急風洲渚碧無煙清涼白月纔離雨

零亂浮雲欲竟天三五珠繩低屋角萬千憂思集牀前

荒雞未叫披衣起何處林篁有夜蟬

十八日曉起

浴鳧飛鷺滿淮東生氣低迷荇藻中十載未通諸壩水
一隄愁指直西風敢將憂樂歸天意且耐陰晴看歲功
曉立蒼涼人不見日搖海色上簾櫳

十九日苦雨

瀟瀟破曉坐虛堂綠暗閒園草木荒壤井騰波權蠅
急風掠影溼鵝鷓高田平入西湖水下戶空噉半日梁

海日隔雲深不見電雷何事復林塘

二十日夜

湖港驚添一尺流四更歌哭起汀洲墨雲塞野知何處
繩雨垂天不可收怒吼有風狂似虎閒眠如我愧爲鷗

詩七

三求恕齋

遯牀急走空三歎爲己先無獨善謀

徐若洲少尉投詩依韻報之

百歲相逢幾舊遊風波如此願遮留庭花照夜繁螢出

山暑蒸雲驟雨收三世盤盂敦意氣一官江海各春秋

重湖况報魚龍警莫爲離蹤爛漫愁

二十一日湖水失西岸東隄告危聞高郵車邏中新諸

壩并啟何勢少殺人情小休壩下秋腔浸爲澤國意兼

慰愴言難爲懷

龜焦卜歲總徒然東雨西晴少百全權有重輕歸利物

功收殘破莫貪天嘉禾盡化溝中斷白日孤懸海上田

試向射陂東北望未秋哀雁太連翩

二十五日聞高郵四壩盡啟湖河水勢未見小弱短夜
悲歌用答風雨

白圭豈忍鄰爲壑賈讓空將策謾談今古河渠同一歎
東南民力究何堪漢涼鷓鴣眠難熟浩蕩魚龍鬪正酣
憶得昔遊風景異滿天星斗靜澄潭

痛醉何須擊唾壺懶將峻論抵潛夫園場果信惟爲尙
赴壑翻嫌海不枯小市漸奇荒歲穀狂瀾誰訪璧湖珠
一竿惘惘求磐石垂涕天南有釣徒

二十七日作

詩七

三五求想齋

南城隄上走老兵水痕遺報河槽平狂夫詩有百首歎
鳩婦喜嗁三日晴積溼暗積草螢氣遙野更遞林蟬聲
今夕飽食且安臥蚊蟻蠶休縱橫

西齋坐雨有懷邗上茗香孟詹熙載季子西御謝筮諸
舊遊

老屋青搖薛荔煙槐花如兩墮尊前空田飢驚急求食
大澤開雲倦上天轉徙浮家非故國蹉跎闕道欲衰年
江關好友俱蕭瑟不用相思重慨然

漫興

霜絲幾縷照清淮消盡淪瀾去日懷醒眼頓開千日醉

定心別建八關齋露多求藥深妨履雲霽看松細數欽
已辨清涼容晚節肯將爛漫付生涯

夏日閒居十首

八寶仍留井三年復此家閒中餘日月湖上熟煙霞歲
事迎秋稻庭陰過夏花端居諸節物乘興忘天涯
前度司津吏當年執戟郎燕鷗今更嫩兒女一何長豈
有齊民術曾無卻老方冥心窺造化消息轉茫茫
久已悲歧路非關避宦途能窮安義命揣分乞江湖容
膝租三逕雄心讓萬夫蕭蕭雲水外寂寞是權娛

詩七

三五求想齋

詡詩無敵惟當酒不豪百年半泥滓今日有蓬蒿
牖北容孤榻堂西拓半弓樓陰遲午日槐院落高風南
郭重湖逼清渠一縣通藕花與菱葉搖曳滿城東
高下嶙峋石無心劇地來信知無棄物能掩是真才瘦
伴新移竹濃還舊產苔可憐小邱壑雲葉太湖開
市雜廣陵語星分牛斗躔生存原有地夢想欲迴天日
隱愁中兩城低水面煙湖波休浩蕩海國太顛連
未定長河險頻驚下壩開流離升穀日困頽典城才雨
際蟬聲死雲調水氣來冥疑過夏月懷抱半寒灰
局外心飢渴翻來笑訕多世途非古昔幽獨慎蹉跎日

暗蛛行網風尖燕斂窠蔓纏有條理無語看垂蘿
岑邃山中月逍遙膝上琴依然霜攬鬢誰不歲驚心眾
綠求深處一禽相對吟無慊自珍賞不獨愛園林

畫川書院追懷喬石林侍讀

趨朝早卜投簪地庇士能貽割宅賢城闢煙波通贊社
堂開草木擬平泉人傳抗議三千字我後清風二百年
鶴散鷗閒同寂寞時來倚權看青天

蒲萄

見爾垂垂熟江城秋又來菽葵同剝取雀鼠莫嫌猜旅
食京華日藤陰別院開十年一搖落小夢換池臺晚葉

詩七

三毛求恕齋

能風露餘甘足酒杯佳哉大宛種勿僅豔龍媒

讀謝山人榛遺集感賦

得似君知己人生幾趙王洛川千載去山色四溟長落
拓能高致狂歌亦可傷交情看晚節風露浩蒼茫

將之宿預留別所親

老去聰明在閒深歲月寬能求無事樂祇益出門難海

日初離夜湖風小定瀾放舟復何好郊野耐人看

地迴秋生鬢霜遲綠在林楚雲高不落淮水到如今風

雨離家夢川原閱歲心數行南去雁相對一沈吟

桃源驛坐雨

馬首一杯酒高雲送我行蕭閒得鬪旅勞逸耐陰晴電
影湖邊樹雞聲水上城飄搖語梁燕不獨爾浮生
既卻鍾吾講席因寄信庵三丈

川鯉依蒲樂林鴉得曙歡致身偏我拙垂老別君難往
日勞開運高雲共倚欄如何馬陵月惆悵白田看
十一月十二日作

披拂瀛洲草當門結蔓牢敷榮孤雨露茸翳自蓬蒿非
種鋤當急留根恩轉叨野人天末望朝日上東臯

高齋

膏騰如未醒此夢偶然長雲物變今古生涯例顯藏性

詩七

三毛求恕齋

情空柱石游釣抵旂常蟾子叢枝網鷺兒別墅簷煙蘿
侵古巷風葉攬書牀檢點起還笑高齋未夕陽

辛亥

寓目

大風起嶺末魚鳥漸離披湖上波如此舟中人未知看
雲生遠喟岸幘獨歸遲無恙牀頭酒呼兒斟酌之

廣陵懷古次心巢韻

揚子津亭舊客郵艾陵瓜渚畫淮流并煙海市通鹽莢
野水湖天混馬牛置郡昔開行省第籌邊莫上望江樓
圖山一片昏黃月曾照滄溟鼓角秋

坊頭今坊頭鎮古

沙樹冷蒼蒼亂石荒墳夕照黃逝水繁

華歌吹在故人涕淚嶺雲長淩迷煙月酬閒放興替湖

山孰主章蔓草綠牆人不到春風深鎖四并堂

出處憂勞歲序驚壯心垂老向江城來侯功冠唐諸鎮

童相名高漢九卿風咽紅簫空有夢春歸黃鳥復何聲

賦才明遠同蕭瑟莫說三都與二京

澤國年年鴻雁哀谿田高下沒蕪萊干村風雨浮家去

雙節雲霄按郡來海角雲陰連水樹春城觴詠自池臺

詞人別有揚州感萬斛閒愁注酒杯

題藤花二首

詩七

元末忽齋

龍蛇那能狀天矯不可擬誰知蔓纏中春風有條理

靜來綠陰坐一架垂檐花清露綴書帙無人山月斜

題蓮池庵壁

郭外鐘聲遠世情清齋鳥雀下階迎我來翻喜枯荷盡

十畝寒塘徹底清

寄答甘巖

不有多情思誰知小別難夢迴河上曉書到雪中看霜

黃花爭豔江城歲又闌飄飄雙白鳥同是倦煙瀾

心鄉往齋集卷七

心鄉往齋集卷八

曲阜孔繼鍊著

吳興劉承幹校

壬子

是年至癸丑詩爲壬癸詩錄已刻板燬於兵

漫興四首用廣楫家姪韻

湖上愁霖五夜前披衣起坐獨看天鷓鴣活蕩浮家夢

雞犬昇平過眼煙誰使趙佗連百粵空悲賈讓上三篇

野夫出處將何補載酒從人學草玄

宵旰廟謨資重寄西南禁旅幾時回將軍坐視洮陽失

驕虜還過灌口來一夕九嶷生鼓角三年五嶺半蒿萊

詩八

一 求恕齋

堯天遐邇春風遍苦盼中原驛使梅

鄰壑號寒甚候蟲黃埃苦霧濁流中新豐故里家何在

孝武淇園竹已空通賦蠲除仍議賑任賢寬大但論功

聖恩自足隆千禩羣力何由奠八鴻

萬感登臨江上臺汀洲漁笛雜權哀摧藏越石縱橫氣

零落虞卿箸述才雲出雲歸空度日街南街北且銜杯

深山窮谷孤松在閒撫龍鱗百尺苔

歸舟二首

江外空明山外青汀花零落打浮萍閒吹一笛船頭坐

多少魚龍帖耳聽

破艇饑黎泛夕曛渡江雁鷺不成羣歸人也傍蘆花宿
舵尾炊煙接遠雲

狂歌

痛飲狂歌變楚騷軍聲江漢已旌旄綠楊城郭紅闌夢

一夜西風萬里濤

題平山堂

蒼蒼杯酒照煙螺凭弔何心歎也歌江上歸來燕市早

閒中離聚廣陵多文章血淚秋風雨臺榭雲波古薜蘿

昨夜荆襄有來雁牀頭一劍起摩挲

與曹子剛

詩八

二 求恕齋

嶽嶽文章骨誰能屈建安長年貧亦飽短榻夜勝寒文

選教兒熟醇醪足古歡江城來日別門外苦風濤

贈梅童子

忽忽朋儔樂霜風年鬢侵故人眞有子今日復何心敗

屋悲留硯空牀久覆琴朝鳴盼雛鳳東日在丹林

微湖夕泛圖爲刑子膺題

多少哀鴻不可聽晚風孤櫂下蒼冥舊時雲物都如夢

香靄微山數點青

與蕉隱論劍

荒荒破月照江城江外空山落木聲老屋三閒天萬里

白頭相對兩書生

灣頭小泊

臨灣坊頭古戰場江陽水郭樹蒼蒼征人各有天涯感
誰與停橈看夕陽

揚州九口集古東隱庵題金雪舫畫卷

金谷蘭亭感逝煙等閒落帽繼前賢輸君白雪三千首

老我黃花五十年愁對汀洲幾鴻雁夢迴鼙鼓到林泉

壺觴今日仍佳節未許披圖各愴然

題梅花嶺

漁洋談獻閣部死事與史異同書之以彰其心焉

半壁東南一夕傾空城猶自閃危旌盡拋血淚投諸鎮

詩八

三求怨齋

生致頭顱示敵營正史千秋悲約略孤忠一死極分明

從來稗野資風紀開塞悲涼述老兵

揚州留別周張甫

世局潛悲涕生機苦困橫魚鹽安足隱草木久疑兵山

骨寒無色江流怒有聲不堪盈手贈明月古蕪城

白露

零露團團欲白時歸帆重泊露筋祠嶙峋海嶽千秋筆

凄苦漁洋七字詩水退湖田登穀早夜深漁火下昏遲

普天樂土非今日愁買村醪醉一卮

餘生

輾轉征塵底餘生甘息機病知衰有漸貧覺累翻稀野
水寒生鬢空林月在衣一竿求樂土何處夢漁磯

追悼鄭甥

惻惻冰絃隔歲聽高山流水付空冥鄭虔未老稱三絕
崔曙無兒腹一星柳憶官隄春漠漠草留甥館日青青
單栖小鳥仍依我不用投懷老淚零

桃源

桃源小邑分淮郡桑竹良田異武陵千里河流浮馬足
半川霜氣下漁簪秋深古驛寒無雁水退人家夜有燈
搔首對天商出處臣今老矣復何能

詩八

四求怨齋

河上晚秋

蹇驢破帽客何之河上炊煙起尙遲月沒澹於初白地
柳寒疏似始青時久拋安石圍棋局飽讀淵明乞食詩
極目南天烽火在蒲萄一醉淚千絲

哀陶山

陶山沈先生遺淮之桃源人潛居獨學知恥能
諱夕過其廬頽然長髮矣楔齒綴足百無一具此不
足為陶山悲余生五十年恐不復再見有陶山者能
乎勿悲

大河日東逝之子云西遊西遊不可極言返崑崙邱昨
夜我夢子眉宇含清秋告我但化去歡喜無煩憂我來
為親故不得為子留幻境變眞諦有淚如川流

葫蘆中有天在夢子授我授我將何爲百用無一可西
南笳鼓急將帥動相左中原決黃河蠢蠢人其羸披衣
起看天太白當空大引領還入房三歎對燈火

三歎夫何爲棲託隘屠釣黑白走殘杆誰者覩其妙在
昔子規我在進虞我躁一退子眉展三載隔言笑萬古
證同心不必在同調告子以無聲大野荒雞叫

題句生蘆廬夜話圖

歲晚霜林澹遠青故人黃葉與凋零南湖也有三間屋
曉立閒階數大星

排悶四首

詩八

五求恕齋

叢梅異縣又寒花候雁飄零歲序加老矣小人猶有母
茫然大地似無家十年河上看流水百口天邊倚暮霞
淮北荆南數千里長江一夕起悲笳

烽火驚心草木寒殊方醜虜雜相干嚴霜聲死中軍鼓
落日旗空大將壇黔首流離棄邱壠 至尊哀痛託心
肝中天明月黃鸞掩狐鼠縱橫夜未闌

紫宸馳告錫虜功在野傳聞頗異同城郭自墟甘委敵
蠻夷不長亦稱雄湘颿潛渡魚龍泣漢水悲流日夜東
儲餉虛無兵索莫填胸野老恨何窮

高歌欲放轉吞聲蒼狗浮雲百變更駿骨久虛燕國士

儒冠眞媿魯諸生斧柯寂寞青山老鏡影低迷素髮橫
太白幾時芒角小未應四海厭昇平

續排悶

巴陵鶴唳下空煙旌旆愁懸鄂渚前移節側聞新代將
徵兵久罷古屯田窮陬山驛誰籌筆遠戍江天盡控弦
楚雨冥冥連嶺嶠荒雞破夢已三年

莫更驚濤走鸕鷀供輸軍國苦撻羅河渠移徙工誰代
鹽鐵紛更論枉多漢室農功陳賁賤周官財路理平頗
安危民命基 宸斷損益均平補太和

南天鼙鼓夜悲涼短劍深杯枉自傷安在賢豪困資格

詩八

六求恕齋

從來戎馬失倉皇書沈霜雁懷衡麓夢穩江魚祝武昌
風笛數聲愁入耳可能天外有滄浪

城南南斗暗前津湖岸冰漸捲斷續早分管甯長阜帽
那容朱雋緩黃巾深林歲晚虛垂淚小縣秋成未療貧
犬馬催年過五十回頭眞是太平民

寄懷牧庵馬陵

八寶亭邊雲不開射陽湖上雨初來誰家深院有風笛
隔歲黃河同酒杯冷眼悲着天下事危時幾見古人才
專壇側席今逾急未許狂歌戀草萊

寄樹齋侍郎都下

全楚氛埃逼長安雨雪霏山城方轉戰江路尙能歸一
疏完丹悃餘生有翠微千秋明出處何恨寸心違
餘事論風雅名還冠列卿衰顏豪命酒老淚苦談兵戰
伐看天意窮愁戀 帝京太行秋色好搔首暮雲平
寒夜示阿楫四首
歲暮吾何有窮居悔吝多飄風吹白日凍雨落寒河水
國宵聞雁江天人荷戈艱難老母共來日奈愁何
望遠兄歸晚湖城夕照寒烽煙洞庭樹冰雪武陵灘客
久饑貧在官卑去住難阿咸勞陟岵淚眼日漫漫
兀兀醒還醉憂端不可裁草萊空有淚帷幄豈無才突

詩八

七求想齋

虜三湘破移師百粵來 九重方減膳圖像待雲臺
離聚雜懽感生涯總不禁一燈閒共影百歲若爲心情
話且長夜家書果萬金霜颺滿天地莫更鬢毛侵
再示阿楫四首

鞞鐸津頭路柴荆湖上家有親依歲晚汝父尙天涯樹
老鷗空宿雲陰雪欲花愁懷齊少長同是感年華
強懷寬汝輩言笑亦徒然文字非今日兵戈送暮年寒
深風落木城小月橫天惆悵西園笛羈孤客未眠
小捷傳俘馘雄師控上流 天威方震赫戰士莫淹留
已是墟江夏翻虞徑蔡州將軍洞形勢旌旆勿深愁

世路嗟余拙兒曹覺汝才遙天看翼軫何地有蓬萊黃
追春將轉青年歌莫哀毋爲學構朽沐壑負栽培
壬子歲暮謁 先大夫墓述哀八首

春月奉靈輅幽隧封千秋瞻掃孤兒來一歲倏已周人
生有大墓金石同荒邱杖履不天假百歲先茲遊四覽
復何有雲族空夷猶嚴霜變厚土野水流寒溝日夕北
風動林樾何翛翛

墓祭禮非古哀至亦人情坡塹閒體魄嗚不愴所生在
昔買兆域半畝無餘耕舊塋故鄉遠偏處難移更大河
枕北陸洪澤南天橫水氣逼楸檟荒隰多榛荆野烏爾

詩八

八求想齋

何恨白晝嗥悲聲

天地閱萬古人世爭旦昏駸駸百齡內哀樂難具論自
兒失蔭庇生事叢憂煩始省昔暇豫歷歷劬勞思餘生
傍老母黽勉充盤殮歲宴高堂上燈火團兒孫奈何一
坏土風雪留窮村

吾祖始流寓葬母此河隈繫我曾祖母苦節天所哀歲
時祖奠饋草木躬艾培憶兒年六七拜跪隨尊尊祖歿
不離母藏亦依蒿萊我父申展謁時復攜兒來忽忽有
今日今日徒悲摧

百里湖上居封樹隔淮浦日夕傍母眠屏營守庭戶老

母動含悽執手呼兒語汝父已荒阡今日吾與汝兒壽
母一卮歡笑偶眉宇詎知堂前日照此原頭土仲冬走
樵蘇春月積陰雨在遠缺守視傷心委農圃

早聞兒墮地母病經年時家貧無乳保父兮兼母慈在
孩不去膝一步一追隨既長動行邁親心與兒馳往歲
江上櫂風雨兒歸遲買舟遠求覓相遇湖之湄兒今不
復出問爺今安之長跼敬申恨哀哀陳苦辭

兒亦復何恨兒亦復何辭蹉跎忝所生百體叢千疵結
念有溝壑徒死亦奚爲黃河流未塞河北人流離南天
遍野哭江上多旌旗有母無安居重益重泉悲

詩八

九求如齋

斜照下平楚積雪昏難開向夕無人聲欲去干低徊新
壘已茂草改火驚空槐竈壙遷萬古來日兒當來升高
攬八極變滅愁風霾誓心百川水湍直無重迴生存託
高厚誰識孤兒哀

河上留別

涇縣包慎伯大令世臣

河上冬殘夕照微柳隄傍晚更依依浮生淮海兵戈迫
回首風塵故舊稀諸葛大名空鶴髮子陵長物有漁磯
時危母病吾安往愁絕江東老布衣

嘉興高伯平文學均儒

連江戍鼓動津亭萬里寒雲覆野垌慷慨空囊還結客
窮愁有地且譚經深杯肝膽傾眞赤大雪湖天失遠青
在眼鄉關歸未得饑烏哀雁正飄零

山陽魯通父孝廉一同

歡場跌蕩幾經秋意氣如今兩白頭譚笑久爲溝壑地
歲年聊復室家愁半牀落月僧居晚萬古浮名雪浪流
酒畔不須斟出處天涯雲物共悠悠

南豐譚鞠農通守祖勳

抽簪依舊二毛侵歲晚懷人傍苦吟河上歡愁十年夢
君家兄弟雙南金鄉關戎馬通雲水歌管樓臺換昔今

詩八

十求如齋

何處高寒宜吏隱梅花吹雪滿空林

除夕懷稼軒都門

京朝風味近如何薇蕨春盤似澗阿往事分明醒鹿夢
故人零落幾漁簑九衢風雪愁中對三楚旌旗水上多
裘馬未歸歸亦得莫令遊子鬢先皤

菜色

菜色滿行路冰霜何處來此間卽溝壑我輩有尊鼻草
木已春及雲天方汝哀高談拯饑溺定有濟川才

壬子除夕四首

窮湖久雨逼冬殘短鬢微霜滿鏡看回首林亭西日在

傷心松栝北原寒浮家異地煙波闊傍母孤兒血淚乾
尙有傲裘堪一醉如今誰更酒腸寬

少年意氣等英雄暮景飛騰付斷蓬竟夕悲歌徒慷慨
一時親舊共饑窮忍寒庭草留深碧犯雪山梅見早紅
杳杳征鴻千萬里霜天也自解西東

朝天珮馬夜如何一夢衡門冷釣簑迢遞年光歸慘澹
孤寒風骨幾消磨但蒙海宇澄氛祲何恨山居老薜蘿
破艇兒來兵燹裏燈前還與話滄波

鰲鱗楚水盛豨貅仗鉞誰分 黼座憂列郡那堪類命
將書生原不爲封侯蒼涼天地遲黃鶴顛倒江湖醒白

詩八

二求忽齋

鷗物候催人勞望眼煙塵瀕洞一登樓

癸丑

元日憶子序江上

江城何事阻歸橈岸柳侵春雪未消不信滄波生鼓角
可容逐客有漁樵臥龍躍馬空懷抱對酒當歌轉寂寥
春到人閒玄髮短夢迴天上 紫宸朝

示湯生品三二首

神貌兩無隔知余愛汝眞文章誰有用譚笑漸能貧老
屋垂垂雨寒梅寂寂春一樽醒復醉同是苦吟身
碧月黯將夕重湖凍不流愁深還自遣親在復何求

寇方堅壘元戎有勝籌吾徒盛意氣不用看吳鉤

墨雲

墨雲歷洲渚小縣疾風吹堅坐默成歎餘年何所爲

關山方用武江漢莫深悲父老還相問重來大將誰

東坡甫

抱膝閒荆蠶東榮春復來逃名容我輩舍子更誰才醉

裏還成笑江頭信可哀崆峒天北極倚劍莫裴裴

正月四日束心集

性命聯儕偶誰人更我師又逢冰泮月莊誦鶴鳴詩楚

水寇方警寒梅春故遲此鄉容聽講高密繫安危

詩八

三求忽齋

東坡卿

楚些迷蘭芷斯人醉復醒愁兼到鹽米歎不少林亭願

以子爲弟相於影贈形千戈方滿眼堅坐且譚經

慈雲寺贈通甫

與子動成別相逢亦偶然悲歡隔河縣天地况烽煙瑟

瑟苦寒月蒼蒼垂暮年雄文誰並駕蕭寺有高眠操作

山妻樂追隨驥子賢時危存骨肉歲晚竟林泉鶴唳江

城警鴻唳學國偏聞愁齊浩蕩眞意與纏絲四顧曠無

慕千秋行自憐荆榛滿身世何路託青瓊

答施雲亭

山寺隔風雨生涯共一歎誰能卻霜鬢相重有漁竿萬
事信來日空觴亦足歡煙塵暗南國門外路漫漫

寄吳平齋司馬雲揚州二首

風光花柳自湖城鼙鼓驚心百感生孔壁嵯峨空識字
吳郎廉節善譚兵楚雲南望春何處漢水東來恨未平
秉鉞專壇紛列郡書生那用請長纓

羽書一月無消息忽報妖星墮武昌諸將蒼黃眞錄
小姑寒翠轉茫茫廟謨軍實勞宸極野哭雲陰遍戰
場遲日亭皋謀痛飲未應慷慨獨霑裳

題蕉隱墨梅

詩八

三求怨齋

誰家亭子隔江寒雲影天光水國寬零落一枝冰雪裏
憑人來作霧中看

送蔡生歸天平莊

頻年楚粵失春耕花柳淮東歲又更愁裏新烽侵海色
酒邊哀角亂江聲室家飄泊悲塵土肝膽淒涼向友生
今日桃源杳何處一棹相送遠湖城

有客贈張甫

逢春閉戶幽憂日不有良朋更少歡將母光陰同客裏
多君風雪此胡干花枝插鬢鏡前舞草具堆牀野外餐
聞道軍聲過赤壁松窗蘿壁一庭寒

通父將之京復輟其行

悲笳極浦愁南望阜帽衝寒止北轅世事冥迷誰復料
生涯顛倒劇難言三春野色還新柳萬里殘陽下古原
天末故人無一事窮湖抱獲有邱園

與伯平夜坐

癸丑月正二十日湖陰積雪風其涼晚煙不動野悄悄
白日欲下天茫茫夜半老鴉忽大叫城頭破月黃無光
與子相對復何語不須涕淚霑衣裳

二十二日再與伯平

今日何日天雨霾高高白晝昏難開江城有客酒邊睡

詩八

古求怨齋

竟夕孤鴻雲外哀短衣匹馬久無用寡妻羣盜憂方來
石頭退師一何速大帥旌旆胡爲哉

書憤二首

區區邊虜誰滋蔓鼓角中原萬里聲楚將誓心收夏口
東師束手棄盪城連江歌哭餘殘壘半壁安危仗主兵
公等崢嶸肝膽在九重垂淚盼昇平

身世悠悠早信天萬方多難獨醒然姓名久軼軒裳外
溝壑時來枕席前異地萍蓬隨播越慈親衰病況烽煙
草萊不盡孤臣淚痛哭柴門落日邊

貴陽劉雲牧傳青餘二孝廉過訪即送之京兼懷句生

浙江

孤城春色暗湖隄遠客相尋手重攜萬里有家未歸去
單車向國轉低迷奮丁溪子皆兵戍野店山橋入鼓聲
爾我不須深下涕故人還隔武林西

平橋舟中

江頭烽燧莫重論近浦歸舟欲斷魂荒驛羽書宵換馬
官隄水店晝關門城春柳外誰家燕野哭天邊何處村
愁極低徊還自遣亂離老母傍晨昏

窮湖二月十五日
聞江寧失守

窮湖笳吹破斜曛江表嚴城付斷雲萬古信無天助逆

詩八

五求怨齋

一時翻說賊能軍詞臣老去愁空賦狂客悲來酒不醺
顛倒那容鷗穩睡風零已是雁離羣

沈變堂參戎兼挽詞

一旅拋孤注全城屬斷絲笑譚得死所哀痛好男兒苦
霧四更月黃河萬柳枝荒廳勞駐馬難忘別君時

湯雨生都督貽芬挽詞

江水幾時白斯人不可尋承家無辱節授命有高吟戎
馬來何迫山林趣正深將軍齋出處多少未抽簪

憶梅伯言戶部曾亮陳伯游明經方海

聞道金陵破懷人涕不禁長江空自鎖羣盜尙如林無

路通魚素傳疑半鵬音可憐推賦手只是益傷心

卽事四首二月二十
六日作

一夜軍書急勞人鬢有霜鯨鯢通漢水雲日慘江陽捷
速虜如鬼凶殘虎得俚深心窺治亂不敢問蒼蒼

平楚燎誰撲嘉禾蔓失圖連江來鼓角四境起桂苻小

縣棲深柳高天黯碧湖憂心人共醉莫更叫提壺

旁郡徵兵數權師趁漕來長城先自壞謀國況多猜戰

伐輕儒術憂疑失將才茫茫問家室魚鳥共悽哀

曾未膏原野漂零奈若何樂郊今更少生計古無多患

難均家國悲涼獨歎歌草萊孤雨露垂涕滿巖阿

詩八

六求怨齋

紀事八首揚州既陷謫言賊至費應責無城守義當奉
母且洵洵者不容暑刻留適蔡生操舟至遂

避居城東六十里之天平莊以心述遇殆非空
註後有來者不履斯境或不知余言之悲也

一夜四五起有吏來叩門云傳府主命靜聽其無喧再

拜所告誠側耳聲爲吞凡百有一死在天無二尊多謝

賢府主慰撫一何溫吁嗟愛百姓曾不如雞豚掉頭奉

母去嗚咽求窮村

夜行城門閉朝行溪無舟好友命權來感涕從心流大

兒規所遇惻惻身家謀小兒盛意氣腰帶橫吳鉤人生

際離亂自古無全籌愚者苦弗足知者若能履所向得

無苦身外其何求

萬物夫何常逆無不有奈何會我生顛越及老母墮
地被天貺日月森蔭覆春秋坐杯勺嬉暉到雞狗前年
聞粵亂消息隔川阜寇盛去年冬大帥障江右今日復
何言有淚吞在口

賃輿出東郭寸步論千錢小舟塞溪港百篙不一前土
賊貌紅巾攫物如猱狼守土似無吏衢術悲聲闐行行
既已遠野色開林煙骨肉數無闕驚定還相憐始省腹
中餓竟日愁空煎

夕照落沙尾昏暮虞前溪極浦見燈火知有漁人棲是
月月嚮晦夜黑天爲低地僻昧近遠樹雜無東西野雲

詩八

七求恕齋

翳四宇那得明星齊在險示性命既悔甘塗泥樂土渺
何許我行毋乃迷

旅思百淒轉浦激來人聲鼙鼓在昨夢觸響生空驚高
岸犬無吠野廟鐘初鳴燃薪出林麓主人歎相迎少年
用意氣孤尙寡所并中年遇多迂慘澹知人情被悅在
坎壤涕泗紛霑纓

水鄉盛楊柳小屋無藩籬眞意結鄰宇牧豎權相隨老
農賞我趣過門前致詞澤國動飢饉盜賊之所遺君子
請息駕窮壤無憂疑我懷本林野偃息無不宜童僕色
有喜益我中腸悲

萍蓬豈無根葑菲亦有體家室久江淮流浪失鄉里陰
陽互倚伏治亂視條理寂寂斧柯聲空谷委荆枳兀兀
五十年餘生復有幾飢渴盼承明耕稼長孫子去日我
何言搖落從此始

湖東清明

幾家門巷漾溪流寒食驚心似感秋槐火三年空往夢
桃花萬點落春愁旅懷老母添霜鬢遠祭孤兒哭水頭
出處蹉跎悲節序枉將心力託吳鉤

湖東雜述四首

詩八

大求恕齋

無米何曾我不愁僻壤物情餘樸野閒居天性與淹留
放歌拔劍渾無用低首從人學飯牛

浮世誰眞得燕閒苦從避地有深山千林落日重回首
萬事殘年幾破顏命世鸞鳳徒想象數家鳧鷖好追攀
村墟灌莽無人到野水操舟自往還

丹梯從昔睇煙霄短夢江湖覺暮潮物外白頭經患難
愁中青史在漁樵山林鐘鼎吾何有猿鶴蟲沙各見招
五十二年無一事半閒老屋坐深宵

倦向田家索瓦盆看天如醉到黃昏山邱細數皆臣罪
禽鳥何由叫帝閭陶令懷歸棄升斗向平無術長兒孫

曠多老筆能頽放盡把溪山入淚痕

陶林視三女仲英

相憶愁連夕相過水一濱胡爲逢世亂聊復得情親
夏苦多雨餘寒似莫春老懷當此日小別亦霑巾
訪喬靖卿陶林西墅

吾獨胡爲至於此先生亦復笑相迎雲陰四野雨無夏
日氣半川天有晴座外簷花還自落橋頭村酒不知名
那須往事述兒女安得此生休甲兵

湖東竹枝 錄八首

四鄉苦說東湖水水大年年上稻田今日湖東緣底事

詩八

元求恕齋

船來船往稻花前

一帆東出軍師嘴七里還過脫脫溝風擺荷花高十尺
朝朝暮暮打船頭

菰葉菱絲西復東鷓鴣鷓鴣驚叫空濛雨邊村女不歸去

赤腳插禾溪水中

煙墩深處老漁家四月蘆根欲吠蛙高下不知誰氏家

荒陂開遍野棠花

移家何處覓煙蘿十里鷗鄉水上波南寺以南無一物
相看祇有白雲多

二百年前紀勝遊鄉人猶話海天秋射陽水北龍竿寺

多少題詩在上頭

鴨欄雞柵夕陽邊楊柳深村自歲年壩水不來秋便熟
只祈長吏不祈天

稻熟歡騰連社酒水來寒剩一溪煙空村亦有催租吏
莫道蘆花不值錢

南寺

蕭條南寺東湖上日日柴門傍水開祇恐地隨雲影盡
更無人共雨聲來野僧向客眉能展小院寒花手白栽
偶覓松杉成獨往百年行坐幾莓苔

將赴揚州軍營述遇二首

詩八

元求恕齋

壯也選奕無所任尺寸之效惟山林連兵置校既滿眼
閉戶抱甕其何心蠹蠹荆榛世路梗皜皜雲日 君門
深謬徵清舉忽草莽出處涕淚紛霑襟

故山眷戀心盤迴上堂攬涕顏爲開素髮傍母感淹暮
彤庭有命無遲徊窮居旣不能經術整軍彌媿非雄才
重來執戟復何恨安得少息生民哀

留別東溪

不意窮愁得暫歡溪光助我以加餐壘雲瀉雨三篙綠
岸柳搖煙四月寒已許移家攜雀舫便應投老住漁竿
南鄰鷗鷺空相識脈脈誰知此別難

留別南寺

漁父心情慣水涯不因兵火識煙霞
既拋肝膽從人役何處林亭是我家
四面溪光團竹色一杆棋子亂松花
商量殿角三弓地海宇清平此種瓜

五月二十七日潤河舟中

一權淮東郭深邨出薜蘿倦雲藏雨慣
高柳奈風何回首青山在前途赤日多
十年又行役那得不勞歌
車橋留別潘元直

子病吾欲去出門還少留草堂方溽暑
藥裏似殘秋成鼓溪山暗津橋里巷幽
澹煙隔喬木馬上幾回頭

詩八

三求恕齋

宿鮑氏西園示又山小山

一迳入平楚諸溪合市闌高談得小友
短榻儼深山世路成余拙天心未許閒
明朝刺船去臨水照衰顏

六月一日過射陽湖

赤日山陽道風吹射水渾船頭魚趁市
煙外柳搖墩僻壤增新戍悲笳動遠村
汀洲叢盜賊前路莫黃昏

興化道中

一權昭陽鎮三閭水上祠叢蘆通市語
馴鴨識城陂白埃雨中驛青旗煙外枝
軍笳暗前渡日暮欲何之
泰州

依約譙樓在煙波展菱菱海鄉唐重鎮
雲物漢吳陵草樹出耕墾陂池感廢興
南天暮吹角老淚一沾凝
壩口水宿

澤國一千里旅懷三四更風颿愁轉側
水驛夜分明出鷺家何處豺狼路未平
自傷烽燧裏來逐眾人行

老閣野望

村塢經行久重來百感并溪流無重返
天曠有餘清竹石園塲豕林亭驃騎營
太平方在眼回首一沾纒

軍城七夕

三年二月揚州破七月今宵未解兵
鼓角星河空有夢

詩八

三求恕齋

關山兒女不無情織烏未穩風旌颯
扇月低懸海岸晴舞閣歌堂杳何許
可堪明遠對蕪城

寄劉孟瞻甘泉北湖

湖天吹角畫茫茫出處如今并可傷
白首重遊嚴尹幕黃巾竟失鄭公鄉
摧燒文字烽煙底流落妻孥道路旁

戰士授衣秋更苦莫教天塹早繁霜

李冰署 肇者 過訪

山翠有餘映江雲無定姿人事不可說
天風吹參差沈陰悶白日至明亦無窺
相與盼晴昊涕淚以爲期湖城蔽戎馬
君子來何遲積雨壞羅壁好鳥鳴庭枝
握手踏

無語贈以長相思

癸丑八月十三日秦郵道中與冰暑聯句五十韻呈雷

鶴皋司寇

聊復蹋船去有秋湖白浪高風蘆鳴撼撼冰沙雁沒噉

噉汀色仍依柳有霜痕漸偏蒿午煙吹市近冰曾塔切

雲牢物外有漁唱有蕭辰厭蟀嘈煩移越人楫冰况况

廣陵濤餘暑留蒙葛有寒芳斂澗芼依微孤鷺立冰淒

斷病蟬號耳目渾如昨心肝亦已勞有滄波流浩蕩鼓

角動煩鷺野暮看馳傳冰河長罷引漕分明天在眼不

信盜如毛有白埃何充斥蒼生幾遁逃頗聞詠江漢冰

詩八

重求恕齋

苦與盼蕭曹禹甸遙通嶺有吳城更建旄飛騰諸葛驛

似儼太公韜羣帥噫投漆三軍要飲膠冰已同魚在釜

翻恐驚離條歌吹聲何往有龍蛇劫屢遭銅山恣大索

玉饌飽狂饜冰眉嫵憐珠碎腸纏臍血膏有環闔共灰

墟邊術盡腥臊巢覆羅羅網冰泉堙泣枯棹琅環走仙

犬有殿閣毀盡齧虐斂愁方熾凶鋒孰為撓重煩廊

廟慮冰久待畫圖褒曠士行藏感憂心日夜切由來甘

首藉不用醉蒲萄風鶴思前警有山猿急暮嗥辭家競

流竄奉母失游遨馬磨居同蹙冰龍泉拭復囊深恩懷

北闕小別又東皋淮水信成許家山時憶嶠遲徊延

月檻招恨過湖篙林壑任騰笑有風雲宜反騷相如雖

善病文舉尙堪豪老驥嗟長路冰浮鷗并小舸煙菰從

蛤吠星火看蝦撈身在齊飄泊有時危忘鬱陶歡顏無

夏屋冰洞世間秋毫只益烽塵慟有難為羽翼翔生涯

付鉛槧供億惜錢刀才薄膺空拊情同首重搔冰暗颺

推短鬢野渡拂征袍地軸中原拓天河一雨淘令嚴軍

臥敵士飽馬騰槽有會遣黃巾滅羣贍絳節操鯨誅知

靜海魚樂共觀濠日月重華舜兵刑邁種咎冰東南

此砥柱隻手障滔滔有

重過露筋祠作

詩八

重求恕齋

廿載靈祠百往過落牆塌塌舊垂蘿滿川霜色風衰冷

萬木秋聲水殿多隔縣煙波聞野哭窮胡門巷自漁歌

勞人短鬢今逾白兵氣南天近若何

召埭聞鄰舟琵琶

衰楊無復咽寒蟬煙市蒼茫泊酒邊太白高懸剛向夕

小紅低唱是何年軍城江介深笳鼓羈客天涯自管絃

記得竹西亭上望畫船歸趁晚鐘前

題稚楓詩集用冰暑韻

玉案瓊瑤寫四愁宦情寥落上灘舟盡均蘭芷原工怨

司馬琵琶況感秋佳日都從杯底過新霜未許鬢邊稠

江空天遠寒潮急萬里誰馴浩蕩鷗

夜起

窮虜重圍困不支安危反掌此何時書生腸斷無人見
夜起霜天看戟枝

八月十五日夜

獵獵旌旗百道開揚州明月此徘徊空洲樓榜連雲暗
永夜霜笳動郭來夢裏池臺驚節序江頭兒女莫悲哀
漢庭誅虜渾閒事早晚嫖姚振凱回

軍夜二首

戍鼓連山暗營門落照紅
裴哀鷓冠子懊惱鹿皮翁官

詩八

姜球怨齋

饑搜牢疾軍謀築室同蒙戎從古歎一國有三公

野哭近軍壘征人涕莫收
紫宸天北極青月海東頭

短鬢愁中白長江空際流
驃姚人不識持重易貔貅

萬福橋野望十首

少年騎馬客
皇州一著羊裘二十秋短夢更醒河上

月閒心多繫廣陵舟
高雲遠水山光寺良譙清詞文選

樓今日天南莽迴首
空將老淚滴荒洲

楚氛阻絕三千里
聖世休明二百年誰使軍聲潰溢

浦坐看妖祲下吳天
兵笳虛咽三江戍郡關空留萬井

煙咄咄悲聞多結舌
惟將心血付啼鵑

津頭樹羽颯斜曠陌上經春草不薰短髮濃添千丈雪
大江愁盪六朝雲西師繚繞金陵渡北府裴哀鐵養軍
揚子橋通三岔水紅巾赤腳動成羣

雲波霜鬢亂江潭容易船鈴局外譚禁旅折從洪水右
虜營分綴戰城南阱中困獸飢能鬪海上懸軍久不堪
孤憤登陣先授命傷心南八是奇男謂總兵雙來

突豕潛圖水國東稻畦鹽筴在空濛劍花寒照蘆花白
漁火宵連盜火紅
貔貅扼衝開重鎮鸚鵡司寇佐元戎
哀哀鍛羽今安堵多少銜恩下澤鴻

炎月彎弓暑候驕長圍合謀又金甌非關將帥權難一

詩八

姜球怨齋

自是龍蛇劫未銷
累石子城藏穴鼠如雲甲士侍中貂

羽書久遲甘泉捷
鶴立黃門盼早朝

壞雲如墨壓城闔
歷亂江風碎白蘋
淮海諸儒依四庫

池臺一炬比三秦
中閩金粉橫薤豔上戶泉刀在算縉

兵氣稠繆次牛斗
不能天問只霑巾

城中慘澹復如何
萬種悲懷費揣摩
白晝定閩狐鬼嘯

黃墟此別友朋多
存亡身世同榛莽
兒女村垣泣薜蘿

萬族沈冤問江水
招魂不用楚人歌

津旗戍鼓連天遠
熒惑機槍出地高
海內安危看柱石

吾曹枯苑等霜毛
汎舟旁郡供兵精
嚮夜前軍劄賊壕

幾日孤墟收殺氣江頭黃鶴莫哀號

分飛鐵羽半焚巢拜命趨塵忽遠郊老母衰顏戀蒲

柳小臣充位謹芻蕘養生叔夜焉知命識字揚雄未解

嘲羣盜廓清江海闔家船漁具未全拋

萬福橋送冰署歸黃珏

江郊盛戎馬我乃掩在茲子家城西陌言涉胡于斯原

隰發笳吹洲渚連旌旗流離復何說將軍方用師二月

寇初警播越東湖陞四月被召命違敢辭艱危天驥

策高步靈鷲空今姿萬里限所邁相與徒酸嘶竝榻坐

煙葦燈火今宵遲翻飛不我俱羽翼無差池

詩八

毛求恕齋

二道河留別吳棟生

慙作無家別流離總不禁勉為名父後莫繫故園心諸

將不違息長圍直到今秋風暮江上何處擣衣砧

橋北雙鷗

野水連烽火雙鷗尙有家情孤深傍戀閒極恣盤斜踞

踴避人驚曉曉占樹鴉津頭急笳鼓同是送年華

答李馨門孝廉北郊

踏蹬雲鯁失故淵水光山色換江天鶯花歸夢憐昭諫

烽火聯吟有惠連謂冰署無復清溪問雙樹每從平楚望

孤煙摧藏莫灑窮鄉淚夜雨圍城哭杜鵑

再送冰署歸黃珏

驚聞盜賊侵畿輔夜起看天南斗垂吳縣林亭搖短夢

荒江鼓角正深悲高歌長劍復何用感逝傷亡徒爾為

我苦連牀不得臥君來三日又將離

水上聞角

波涼露下夜雲開嗚咽聲聲到酒杯擁鼻苦唸潛慘澹

看天拔劍起徘徊那堪江表霜笳亂忍更燈前塞雁來

計日嫖姚深合戰臨戎小隊莫淒哀

軍橋舟夜

煙戍斜連廿四橋苦從畫角憶瓊簫少年香市曾騎鶴

詩八

毛求恕齋

晚日營門看射雕南國烽煙搖赤羽北山松桂阻青霄

荒愁古恨何時了一枕寒江萬里潮

消息

消息煙鴻阻夕烽鮫綃將淚織還封深杯苦對危城月

短夢愁迴野戍鐘湖上穠桃原薄命竹西絲柳又寒冬

新聲莫更題眉黛黯絕江頭遠郭峰

舟過邵伯埭召集孟瞻雨村熙載冰署小飲有作

故山樓閣好煙霞眼底危城入暮笳萬里關河重設險

百年耆舊各無家餘生顛倒從飛絮戍卒淹遲已及瓜

水上一聲南去雁齊拋杯酒眺平沙

露筋祠小泊

野水荒祠漾荻花鐘魚隔岸有人家門前高柳年年大
斜日寒河看暮鴉

既發邵棣卻寄雨村范文

日落窮湖楓樹林非夷非惠幾知音三江風雪仍深戰

異地妻孥傍苦吟垂暮藜牀空度日隔年茗盃若爲心

因君更寄城闈淚謂枕老石泉碧血青燐何處尋

與熙載

淮海高名鬢早皤能書嗜酒復如何身存鵬鳥窺還去

兒病鱖魚泣更多近市叢祠留短榻入冬苦雨坐荒蘿

詩八

三求恕齋

重逢強笑孤篷底莫話天南未罷戈

揚州郭外萬家無一存者歸舟愴述

尙未重圍解霜天角苦吹礪樓斜有路城樹曠無枝戢

影周廬下傷心野望時莫將新戰壘圖繪 九重知

軍城對菊

依舊黃花三兩枝等閒譚笑泛金卮眼遭苦霧難開日

淚與嚴霜并下時秋老連營仍轉戰寇深五斗不能辭

何當軒舞乘鏡吹亂插繁英壓鬢絲

寄句生浙江四首

清平海寓半煙塵離抱區區忍重陳滿眼都非初別地

傷心獨念遠游人六師淹久連江漢二氣迷茫失鬼神

渾欲寄書書未得梅花嶺上又陽春

龍蛇小劫偶塵霾浩蕩開鷗識禍胎火滅不堪原易燎

醫多誰拯病方來人歌人哭知何處江北江南併可哀

高寺插萸誰健在一場秋夢好池臺

秋花細雨爛塔除飯後閒翻柱屋書恨不予俱難自遣

便留君住復何如一城夜月啼鵲血繞郭江風逼隼旗

葛嶺樟亭問羈旅悲號已是此生餘

湖雲萬疊起君愁要眇余懷共百憂老去馮唐重執戟

天邊王粲莫登樓溪山到枕難爲夢兵火催年況感秋

詩八

三求恕齋

爾我不殊真骨肉齊拋痛淚一江流

喜甘巖至

垂老攢眉不可開天邊歡笑足音來素衣臨水鼻魚在

白埃連雲塞雁哀歲暮江城仍鼓角時危歌嘯偶池臺

行藏顛倒渾無賴輸爾生涯尙酒杯

邵埭贈儉卿

湖樓煙市枕風湍今日憂危豈一端杯底雲山留別館

寇邊風雪滿南冠百年垂老文章賤眾口餘生天地寬

安得洗兵歸負耒長飢何恨腐儒餐

題吳半齋耕餘圖

相逢歲晚安宜縣執手無殊少小時城外野航朝趁市
庭前巢鳥凍銜枝煙波拙宦浮萍梗擊鼓催年禿鬢絲
往景不須重展眺春風桑柘滿東甌

江都行營遇默深卽送之徐州

幹濟根經術一官升復沈看君河上去重拜 主恩深
軍府得無困民生胡可任勞人亦顛倒相與涕盈襟
露筋小泊

水閣官軍渡靈旗貞女祠關山仍寇警雲日苦冬遲高
柳結寒翠歸漁曬網絲湖天開醉眼不是昔年時
一劍

詩八

圭求恕齋

萬種流離狀今朝見始全餘生依將帥不死健烽煙兒
女笑譚外心肝盜賊邊十年江海上一劍久孤懸
重來興化贈張雲衢邑宰二首

壩水東來日湖城水竟天雲留漢祠樹紅上海西田雜
以魚龍氣因之戎馬煙治兵責算賦到此重悽然
割蜜本無樹求珠況少淵重紆軍府困端賴使君賢笳
吹何時絕絃歌亦可憐一杯官閣酒百感對南天

真武廟南莊留贈海雲馨山

支遊昔棲尙山居多草花橫空生壁壘何路覓煙霞愁
至失禪寂天寒但水涯江南與江北誰不泣無家

海雲南莊再別熙載

枯樹病垂死荒墟野廟中將兒兼母愛乞食與僧同大
雪滿南國空林響北風壯夫誰汝識相賞任雕蟲
答南樵

飢寒由患難盜賊底煩冤 王事今如此吾徒安足言
龍蛇深大澤將帥滿中原那免流人哭江城是故園

水國八首

十一月二十九日興化道中

水國重回首寒雲接暮陰憂心無暇日隨地有孤吟歲
月此舟楫煙波生古今時危不遑息忍更戀山林

詩八

圭求恕齋

安得兵戈盡餘年向此家夜窗眠白曉海岸蹋青霞竹
霧不成雨溪冰薄有花居人罷鋤耒笊笮亦生涯

小泊溪上壩溪人向我云此間二百載不省鶴鵝軍處
處增新戍朝朝望斷雲水鄉小兒女亦有哭斜曛

漸失前驅影滄流杳去蹤夕煙深沒鷺荒廟遠浮松老
有官程速天遲野趣濃軍笳逼孤枕短夢夜雲重

港曲天迴櫂月沈星滿衣霜風低雁陣戍火出漁磯聞
戰阻消息傷魂有是非炊煙聊舵尾飽食寸心違

聞說圍城破江皋羽檄來安危一俄頃疑信百裴衷古
樂存鏡吹今朝識酒杯缸頭翔水鶴相與醉摧頽

更報河中鯉真傳幕上烏六師能震讐餘孽敢枝梧小

縣雲深聚高田水不枯臨流見形影心跡肯模糊

晚計此身外狂歌大澤前一言千涕淚十郡九烽煙將

母已西日從軍逐少年小臣無所惜努力託 皇天

夜發黑高岡

多寇多兵地能貧能賤身未知毛髮古肯逐亂離人振

舵萬重險瞻天四有鄰飄零孤劔在夜夜看星辰

重到天平莊

到處傷離亂人如病後逢山家雞犬在兵氣雪霜濃北

斗北風動南雲南國重耦耕亦吾事何日爾相從

舟發寒河用甘巖見寄韻四首

詩八

孟求恕齋

巢父何心擲釣竿湖山無復笑吟寬餘生剩有三軍在

行路焉辭九折難雜沓妖氛競中夏憂勞 廟算倚長

安枕戈日望青陽轉江水湯湯戰馬寒

邦上旌旂黯夕燕重圍賊騎一宵無初聞儘許愁眉放

此捷真令望眼枯鐵甕水軍新粵艇石頭煙戍古南都

二城尙待誅鋤力一權悲懷萬頃湖

安得浪遊天地外偏驚衰緒亂離中監門忍繪流人狀

名將誰兼國士風分寸可憐爭得失迷離終竟有雌雄

大江不揜青萍氣夜夜窮漁識白虹

江村叢樹日將夕海岸孤城門早關雪裏經年蒼兕吼

酒邊何日白鷗閒風波泊枕渾無岸薇蕨成畦別有山
出處悠悠天萬里故人應盼嶺雲還

送伯平南歸

天邊一雁叫江上幾人行全楚已深寇三吳方用兵何
曾歸最好元不酒爲名嗚咽譚經地還應老淚傾

陳柳平 宗元 出守吉安相見邵伯驛留贈有作

烽火何時了看天但撫膺故人逢召埭大守繼廬陵落

木千山戍寒河一夜冰知君心魏闕有夢遶觚稜

十二月十日作

牛李差池自古同淮西碑版各英雄尙容在野言無罪

詩八

孟求恕齋

誰道貪天動有功萌孽誅鋤煩將力憂勞刑賞費 宸

聰江皋彌望春何處小草枯榮信雨風

贈魏剛已

寇在身何往相逢未暇狂大江極嗚咽諸將各蒼茫老

鳳倦天半飢鴻垂路旁奮飛託之子家國鎮相望

邵埭再贈孟詹

天遠腳少力出門何所爲衰遲真在眼狂狷那無悲雪

野烽千里水村雲四垂飢寒長孫子離亂有門楣

歲暮寄通父

池閣斜陽好優游老亦來況逢多難日苦憶出羣才偃

臥淮山月飄零海國杯天寒書附汝雁陣有餘哀

寄石琴武林

之子西冷去非樵非釣徒能教同夢在何恨一書無

聖世容高論憂端屬腐儒看天萬行淚不是哭窮途

石洋溝舟夜二首

桑麻兒女自生涯營壘東邊三兩家燈火夜深圍竹石

不知門外冷吹笳

船頭落木影橫波鐵騎連天未罷戈西去雁行過枕上

大江何處月明多

江上口號

詩八

美求恕齋

江水空明江草芳崩崖倒樹石尤狂一波未落一波起

愁煞潮頭振柁郎

野樹

野樹何年大高空遂所生地偏無屋近巢壞失鴉爭近

岸溪生影尋村路識程蕭條隔軍壘留得作寒聲

聞嚴問樵歿於河上

失宦得琴鶴能狂亦可哀餘生消濁酒同調哭清才旅

殞無淹久歸魂好去來寇深戎馬在鄉國幾池臺

高郵留別王寬夫丈

門外騎如雨南榮冬有花老添新樂府貧是古生涯苦

語維清酒霜風裂凍笳寇深無倚著那得不忘家

寄眉生河北

彭城天下險書記一軍豪歲又看冬盡余真憶爾勞文

章非小技讒信只秋毫兵氣填胸臆愁瞻太白高

羽檄生畿輔妖躓逼海門驅除憑將略同異負君恩

木落苦寒月雲愁傍寇村昇平今昔感何日與深論

寄龍門陝中

廿年游俠窟刺子是斜陽虜騎中原滿關雲萬里長未

應無忌死可復次公狂一寄剛腸淚江皋盡戰場

揚州哭友八首

咸豐癸丑二月二十三日賊襲揚州據二百七十日委之去官陷城中可屈指

美求恕齋

數士庶死者探訪局簿錄姓名三千三百餘人其不可別識掩葬局查報凡十萬餘人以隸夙昔道義有

緣於心者得八人各傳以四十字其不及知或知無能述觸緒酸嘶夫何所擇焉

磊落守貧賤八十無兒孫章句師童子閉戶如窮村餘

力一棋局俗物非所論寇至不食死直道斯人存衣布衣鈞

奔走慕皇路小吏無真除一身百工具千里便牛聲舟

車得句不求解有酒歡有餘我昔賞其趣風義今何如

稀吏目榮培

絕港幾何學君能疏其流奇慧寄塵壤爛漫誰與儔歲

歲飲我酒風日城南樓敗榭不知所狐狄嗥寒溝羅後士士

琳

留君不可任飛墮圍城中一家五十口巢破隨飄風夜
閣桂叢碧一笛留寒空塵榻不可掃落葉吹西東鄭知事非

勳闕照里開文藻無凡今有死不從賊克繩祖武心丹

青雜圖籍平生君所欽一身不自保少婦啼空林楊上舍亮

有弟阻吳越令子游上都百年積高唱一夕空烏鳥寒

花向臥閣野寺奚憂虞窮潔復何爲高厚填悲吁王文學僧

保

大義子隨父泉路多棘荆君有五歲男亦復從命行中

闔蹈白刃嘉耦同豪英匹夫報天子萬古哀其名僧保

詩八

毛求恕齋

子文學
建蘇

我不識君面世不知君賢李子述向我有淚如迸泉文

字踐血性妻子安足憐招魂莽無所盜賊仍江天張明經

心鄉往齋集卷八

心鄉往齋集卷九

曲阜孔繼鑠著

吳興劉承幹校

甲寅于南詩錄上
已刻燬於兵

以事南征留別白田同學

通俗懶是與昧性寡所營一身衛靡術乃與戎馬并藉
藉賢幕府伊古多豪英縱橫出書記高步躋公卿賤子
遜草澤大帥上其名書生復何用以心敷拙誠日夕寇
壘近天地黃塵生荒洲久殘破野哭連笳聲改命適吳
越鼓檝趨王程緬茲東南役詎慕山水清行登京口山

詩九

一求恕齋

迴首望軍城江煙集行帳海色搖戎旌沙樹百蒙翳去
去霞天晴眷言川上水忍擢頭上纓陂塘亂鳧鴨疇識
征途情

過高郵湖寄大兄常德

白失吾小阮牢愁寄汝邊江長空有淚書到定何年葦
岸涼鷗夢湖城曉市煙武陵渺何許萬里落樽前

晚雨過湖泊揚州

急雨湖天闊陰晴殊未涯溼雲平作岸老樹禿宜鴉虹
氣忽遙野城隅祗數家廿年騎鶴客揮淚弔煙花
阻風施家橋繫舟滌弄中西望江城愴然有作四首

更從何處覓蓬萊仙觀瓊葩又劫灰滿目煙雲千變滅
三年風雨一悲哀幽燕部曲滄江曉牛斗川原畫角開
憶得茱萸灣上權每乘春水看山來

廢苑荒隄聚散鴉竹西歌吹變霜笳駸駸病骨隨雲物
歷歷雄心閣歲華四野流亡同命鳥一城親舊斷腸花
愁看十里旌旂影苦戀江洲五色霞

村巷無人荻港幽寺門一繫過江舟征夫往路何時盡
野水孤雲向晚愁火後樓臺京口渡天邊歌哭秣陵秋
急風沙岸難開眼煙樹冥濛叫禿鷺

詩九

二求恕齋

田無負郭宅無桑百口飢寒枉自傷鴻雁稻梁啼末路
鱸魚蓴菜夢他鄉安仁憫亂雪雙鬢平子懷愁天四方
極望淮東千萬里中原金鼓正茫茫

蓼莊七夕

江皋雲木去年秋水上旌旂黯未收村女無愁聞笑語
豆籬花又吐牽牛

發萬福橋

一櫂發平楚旌旂入暮煙征人笳吹裏老母夕陽邊
策軍城急憂勞海國偏忍辭奔走役照水任華顛
蓼莊留別蔡生

揮手出雲樹無端感去留宦情堅汝拙物態益余愁成

角烏烏曉風旌獵獵秋相憐翻一竿杯底大江流

寄馨門

亂世依衰母能窮亦可哀君家好兄弟賦手抗鄒枚改
歲仍烽火緣江遍草萊豪情應憶我雙樹舊池臺

寄冰叔

雲樹千重黑南天隱怒雷圍城猶有寇軍府正多才江
雨潮聲亂山村電影開五更蹋船去何處望君來

三江營南望

鎖鑰圖山鎮西夷孰此途如今輸愴款未許助征誅果
信中原大兼能外患圖東南來繫楫煙月暗三吳

詩九

三求恕齋

江上述秋八首

阜雕風急海雲低於役江皋望眼迷離亂難爲林下逸
悲歌來共草間嗷窮鄉婦子仍阡陌 治世河山暫鼓
聲起舞看天還伏枕夜中何事更荒雞

清秋葭莢未蒼蒼鷗鷺紛紛占野塘白日西藏雲嶺幻
怒濤東去海天長阮孚屐齒虛佳日王粲樓頭有故鄉
戍火連宵通萬里關山直北隱微茫

河橋風水咽蕭蕭軍帳連雲檠戟遙漢室功名期耿鄧
江天圖畫改金焦茗壺棋墅垂楊郭蘭漿珠樓碧玉簾
昔我狂遊人不識早從綺夢醒寒潮

元戎帷幄杳難知兩載軍儲等漏卮羈帳貔貅皆北語

野田烏鵲少南枝爭傳灞上渾如戲枉詔陰符倍用師

高枕兜鍪看山色一時閒煞羽林兒

皇輿列郡古昇州阻絕荆襄在上頭頓使地中生鼓角

可堪江左哭風流樓幽紅粉黃金贖巷冷烏衣白燕愁

聞說廉頗猶健飯未應李廣倦封侯

朱方笳吹劫餘灰旁郡曾驅義旅來募卒苦多無賴子

整軍當用有餘才珠江戰艇黃雲合京峴嗚烏白日哀

招隱南郊山寺好如今避地幾蓬萊

江城樹羽颯西風楚尾吳頭落照中海內孤斟從醉醒

詩九

四求恕齋

天邊一劍有雌雄雲翻雨覆看流水歌短吟長對遠空
道路谿田秋向淺旅人漂泊祝年豐

蹉跎烈士暮相尋萬里干戈一寸心許邁何須工導引

葛疆原不爲登臨孤篷遊子天涯遠苦雨荒江海國陰

金革氣蘇民命活小臣舞蹈有山林

守風南黎港憶蕉隱錫山待余久以此先之

成約不可渝人事不可期江南芙蓉湖日日生淪漪赤

雲不畏日徙倚青山陂我舟橫山北葭莢高參差思君

如清風遠莫能致之盛夏物森聳九暑秋彌滋旅人自

締綵鐵騎方颯馳

三洲憶遠

三洲面大港吾友家於斯誤作京洛遊素衣真為緇翻
然上巴峽乃更留邊陲天遠凋骨肉寇至家流離聰明
做造物亦復堪憐悲我友不同趣好我義無虧行行見
墟里訪舊成悽而明日權船去東流無已時

贈隔江諸山

寓公愛江水萬笏儼家山魚鳥失棲止煙雲斷往還幾
時清颯扇一笑對螺螄京口重沽酒窮漁共醉顏

詠壁偶題

渡江依詠壁水上火雲多林葉歇黃鳥風炯鬚絲莎此

詩九

五求恕齋

間好谿壑十里隔兵戈漸喜無人識驅愁一放歌

丹陽舟夜

難得斜陽斂炎蒸夕復仍赤雲深作帳黃月熾於燈市
語不可息湖波空爾微昔游翻此羨船尾夜敲冰

龍城夜泊賦贈蕉隱

故里儼新客長貧不暫憂先生眞落落吾道未悠悠舊
雨揚州郭新秋陽羨舟存亡空復感慷慨及茲遊盜賊
三城在旌旂列帥愁官程何恨迫軍實若爲籌準擬馮
唐老休言李廣侯力酬知己分志合故人求驛夢同願
倒鷗天此去留側身瞻武帳雲日隱滄洲

長江感逝圖烈土陳方海也烈土貧窮金陵咸豐三

楊振藩將渡揚子招而哭之
振藩爲之圖繼錄系以詩

湛湛長江水槭槭楓樹林青楓守斷岸江水傷我心閱
世白蘋花氣潔榮根深涼露瀉高宇涕零胡可任雲族
橫變滅乃見遙山岑冷懷冠一世孤曜開羣陰嶽嶽身
在賤苟免非所欽執手良宴會割舍焉再尋屏營康衢
左塞口潛悲吟

白雲渡夜泊

一雨將秋至深宵喝少齋疏燈遲水閣高柳集城煙短
笛隨雲度雜鳥藉草眠翻嗟坐清曉賊耗隔江天

詩九

六求恕齋

小憩法雲堂雨後有作

野雲恣翱翔天雞叫昏旦旅夢猶江皋展席忽樓觀歲
履示已屢朱陽復驕悍誰謂初地偏果信萬物炭數候
秋方來鬱燠夏疑半起步瞻後園松檜照爛漫驟雨從
漂風堅坐益之汗我生造物遊寒暑任推換奈何際衰
白出處閱離亂用師久淮海流血徧江漢行矣復何言
律已有嚴憚

酬湯冠卿

攜手白雲渡多情老畫師相看渾舊識好我況新詩臨
水驚蓬鬢維舟戀柳絲菴谿明日路月上憶君時

留別周稚威方幼靜管敬伯才叔伯仲

白木逝襟帶青天照草萊相逢多難日并是可憐才望
遠醒還醉狂歌樂轉哀更無言出處蓑笠滿風埃

了橋野望

鉤簾隱几市煙波村帶蘭陵菴薜蘿野渡片雲同客懶
荒籬一瓠結秋多程迴古驛慚籌筆天遠圍城亦枕戈
不有良朋聯臥起孤篷斜日奈愁何

鍾谿

乘秋入陽羨問渡下鍾谿縣遠橋成市日斜人灌畦餘
生宜釣艇得句報山妻何日田能買看天意轉迷

詩九

七求恕齋

和橋訪齋玉谿

老去干戈在憂誰與樂兼浮蹤共江海末路寄魚鹽近
屋樹生水閉門山落簷譚詩風雨外祇合口深箝
將次宜興夜中有作

鼓柁辭楊子臨河問義興不逢荆令尹來對漢平陵薄
醉谿魚足狂呼山鳥膺夜深瞻北斗有夢遶瓠稜

謁周孝侯祠

孝侯祠樹冷斜暉勁草荒堦萬古薰俠窟題名成善士
戰場授命了奇勳夜堂劍氣騰谿水畫壁弓衣結陣雲
太息此鄉茂忠義李唐還有魏將軍

一權

一權客南去荒溪水北流衣裳廣陵雨禾黍義興秋黃
鳥竹中院白雲山外樓清遊翻足歎杯酒看吳鉤

雨宿東塘漁橋

近峰遠峰引浮鷁三里五里連村雞同遊來日指松巷
先生今夜眠桃谿雨聲泉流絕塵土嵐光鏡影無東西
浮生到此忘身世四海誰命多鼓鼙

用前韻

少年意氣無不可游戲屠龍猛闕雞衰緒潛驚風落木
餘生迅似水投谿三年河上春嵐幻一夢雲司白日西

詩九

八求恕齋

回首中原空涕淚山橋野店入霜鞦

桃谿雨泊酬玉谿山人見投韻

渡江風色莽橫秋江表雄師老石頭好友聯牀陽羨雨
荒鐘殘夢廣陵舟爭將心力投千載如此谿山定幾游
昨夜斬蛟橋下宿縣門鼓角警更籌

西谿望銅棺山

閱患厄所守彌載辭自然命弗遂其義我何為道全縣
絲義興權譚靄荆谿山中烏有今日風物知何年緬坳
蓮沙渚披楚關嵐煙萬象恍兵燹寸步無流連降志林
壑底委折銷狂顛靈異自丹谷奚暇求神仙

橫舟離墨山曉望白雲

在野還是非至理無旦暮千里遠看山跋涉我何故退
哉鍾離叟靈谷遂幽住岩巖西南峰高臥攬川霧一水
闕市闌低徊不肯渡端端巖端雲歛采讓羣樹窮抱虞
卿愁才拙左思賦前津杳何堦行矣亮忠素

將次張清書寄所知

蒼翠千家合林隈更水隈古懷成創獲初客儼重來兵
稅三失重軍符百道催勞人復何用愁得看山回

松巷

言邁龍池山取逕關荒枳勇涉始衰年暑緜秋空裏青

詩九

九求恕齋

山善韜藏赤日迺尺咫至暘求泉涸猛汗滴石髓蔽芾
如涼雲十里松陰美山入感噉言事物遞通否伊昔九
丸姿列障翠交蕤十載推為薪今也大類靡征夫入世
晚始趣頗森起秉心擢輪困視力翦叢委長養齊所願
扶樹邁隆軌愀然閱歲來所見有淪毀苞落當循生漂
流冀坎止木末蘊餘輝青霞盼流綺

竹徑

松南既踰嶺標碧無東西竹木貢一色萬類欣所齊取
逕順泉軌嘉蔭成幽蹊蹊中臥大石渴飲蟠青蛻秋序
茂著續遠道驕陽齋火雲薄叢翠百禽無一啼眇躬重

伴嶽旋折求端倪奈何走炎海曾嶮輕攀躋萬里各有
歸百齡靡定棲林壑錯攸往退者惺無迷勞人夫何病
中實懷冰漸

振施

振施入幽杳軍容猿鳥疑相攜吳父老來問漢旌旗德
論中朝大兵銷四海危匡扶勉忠義陵谷莫深悲

題感逝圖二十一首

奔走塵壒不知其謬悠也山水
緣境述情屬蕉隱為之圖各綴小
序寄示兒輩俾知所被服稱述焉

海上園居

江陰繆師明夫文學少不學不遇江陰
師直雙鰓耳南北追隨久甲申居羊寨極
粒講從游之樂坐
憶海天益之悲緒

詩九

十求恕齋

夢不去遼海雲水環我廬聰明無物累臥起惟詩書攜

持閱歲紀恩義縣舟車一源念所自萬古悲何如

東岡夕照

山陽潘師四農大令總角為詩受法山
陽遂有見地理道是非與政治得失通其
故於聲律非徒文字益也丙
午謁臺淮東又將十載矣

斯文世元氣授受非私恩往哲不可作雲水聲為吞至
是無黨同萬禩公心存嵯巖一抔土風雨淮東村

高山講院

崇仁劉師佛生大令師主講清河以紫
陽為學鶴相賞獨人中苦心相勸勉垂暮
無成負師
門多矣

四海一腐儒開口世厭賤零落歸山邱傷心歎鷓莫性
命佩藥石毀敗自營繕講肆碧湖陰古月發深眷

角城撰杖錢塘潘師竹泉明經師設教河上不廢科目之學要以檢身為立言之本來學各有歸焉

因淺深益

久殞示我夢營兆藏江皋夢幻胡可憑依依心所勞上

第復何用山澤宜青袍笠屐葛嶺西短碣求蓬蒿

淮水聽經海州許師月南大令余以童子謁師於劉氏水亭謂及門曰此後生真可異也迫

今無聞瞻言東海梅將何及

歲序一何長我自成其短一成衣再垢皎皎不勝斲毀

瓦負陶甄悲淚肝腸滿空牀坐微明斜陽在山館

阜河風雪清河陳松挺布衣瑞林松挺丈館余所二十年歿無孛其墓田近我先壟憶鍾吾

雪夜以樵蘇是託其能忘諸

詩九

士末恕齋

先生拙文辭植身在取與龐眉天日中潔白照儔侶萬

物一歸藏知者慎居處日落淮河流水氣滿平楚

御溝槐夏山陽萬庚溪大令應新庚溪冷若冰雪對我如春癸巳君釋褐余下第借寓禁城

東及之官粵中槐陌攀衣遂成千古

古有為貧仕君仕貧依然旅殯歸萬里無兒哭墓田聰

明役百體一水悲空煙舊遊重策馬夕照宮槐前

竹西曉別寶應劉百泉廣文源燦百泉與人無畦町家既落就官廣文余送之揚州竟卒於

清江是

浮家來白田義氣識君早命酒無淺懽臨風贈懷抱儒

官世其家沙樹黯江島杖舄不我俱言念以終老

淮堡雲帆益陽湯海秋侍御鵬辛丑海秋乞假南游留山齋三日余送至劉家堡是日風利

几席作波濤聲

翻然遠行游天海恣陶寫雲翮折風沙哀鳴和者寡別

路在我前子骨葬山野妻孥寄異縣鄉國正戎馬

江亭憶夢歙徐蓮峰太史寶善蓮峰峻雅好士游京師者多歸之丙申展禱江亭君長身玉

立如神仙中人回望新安悽然拱木

杯酒落天半雲物山樓明代謝坐成歎漫漫江海情故

人宰樹碧黃鳥鳴嚶嚶圭璧有餘姿箕裘垂令名

任城古廡甘泉汪孟慈郡守喜荀王寅道出任城孟慈由戶部留官東河宅城東南隅荒廳

老樹搖搖余懷

詩九

士末恕齋

白眼看世上血淚流胸中儒門有令子不墮前賢風既

歿不得葬棠梨垂殯宮真州纏盜賊西月塵濛濛

仙觀聯牀山陽韋竹坪駕部坦竹坪直諒友也與之居游使人生悔過心丙申寓京師元通

觀日夕無雜言道義通於心者不能忘焉

夢迴子呼我斜月庭之陰死別垂十年君心在我心曰

女各成長新木為高林淮水有來雁涕下誰能禁

山寺松風江都梅蘊生孝廉植之揚州建隆寺間上人琴以琴名一時蘊生能嗣其聲所為詩

亦無凡響冠至寺毀人琴之痛存亡云乎

昔日金沙地戍卒縱橫眠七絃動山海萬戶嘯霜煙變

滅古有之我見胡為然故人有令子門巷窮呼天

斜街坐月彬州陳雲心考功起詩雲心觀書卓犖

能窮聲詩正變望議南歸遂阻於里上國

疏直不受諫兀傲難為憐一死叢百詬有才成棄捐義

分不我薄大醉同牀眠高文世不見零落隨雲煙

湖上草堂宿遷黃質庵通判賦質庵病目退廢抵

掌天下事能燭真是非小亭在洪澤湖上

平生數交遊君識我飢餒對面心二三冠蓋滿山海老

屋抱膝坐靜者已千載湖水東南流門巷雞豚改

幽巷煙蘿漢軍秋士駕部桐秋士能以窮死

充閭有詩書抱膝有歡喜出門巷無車入門牀無米君

詩九

三求恕齋

坐昇平年兀兀復如此後死閱離亂老淚滴溝水

西嶺霜鐘蕪湖繆星潭孝廉鈴星潭英思慧質贈

人以所磨官浦被逮竟以愁死西山之遊

奇秀耀朝日海上珊瑚株少年以憂死一世哀其愚潘

老重小友悲誅留江湖石壇一尊酒日夕嘯山鳥

南海孤鴻嘉應黃香鐵廣文釗香鐵自號鐵耕子

走長安塵土中其心皎然晚得一官非其

哀我賣文錢築樓橫石岑又復舍之去上國浮雲陰得

官歸白首精悍能高吟孤鴻海上來淒絕瑤華音

柴門獨樹上元顧秋碧文學懷三秋碧垂老羈樓

我不識子面老筆橫清秋歲晚一相見照影黃河流臥

病不得食敗屋鳴春鳩一權角城北獨樹風颼颼

江館秋花武進湯雨生都督貽汾雨生丈授命金陵一時交游交相引重不知其生平樹立

然也憶已亥信宿琴隱園

命各有其所無復為君悲悠悠人閒世戚戚何所為盜

賊未去境我懷當告誰青山閱太古江上高雲垂

東華餞歲建甯張亨父孝廉際亮丁酉除夕余居

歿於松筠庵未刻稿歸姚丈

嗜酒長愁思苦吟損道心致身北邙早春鳥悲空林大

道貴有用漸滅浮雲陰踽踽我何為太古同駸駸

詩九

西求恕齋

上龍池

高懸方丈室亭午陰未斜山門泐北斗大字騰金蛇頗

聞上龍池靈幻傳幽遐應虬潛翼角風雨能盤拏我造

南山顛烈日藏磨磨披草得泉窮照面如蹇窪驂碧了

無物苻藻揚空華三歲苦血戰所向聞哀笳時危陽在

下神霧蕪泥沙出見會有候表海開丹霞至物豈受蒙

世俗徒矜傍

白雲巖寄牧庵

斗墟啟晉陵山澤莫良兌吐象關崢泓巨靈肆狡獪岩

粵標登崇詰曲遞軒藹迸石臥抵積結翠儼幢旒東締

銅棺嵐西襲金剛
竊穴岫潛虎蹤劈溜落蛟瀨秩秩古
荆蠻蔚矣此簪帶我後鴻荒來神與太古會連岡表林
篁踰脊錯樅檜是日溥雲赤亭午作酷害攀遊視精力
同侶或不奈道以銳用開心既竭乃泰駁賦邁南岡一
嶺諸天外疊白江海沐皴瘦荆關繪百卉綴靈罅異羽
萃晴曠曠已齊寥虛了不礙榛蒼他山并奔波羣澗俯
列澹鳥際明具區一縷如蛇蛻三載苦戰鬪八表寄昏
盭長江血未乾太白燄猶大颺風動草木軍聲結竿籟
故人隔蒼茫何處飛塵蓋浮生五十年浩蕩斯遊最于
役自軍城川谷此沾句物有填膺憂境偶豁襟隘萬古

詩九

五求想齋

有議譏誰能信自鄒莽莽百無成吞聲在蕭艾

和玉谿龍池午題

野衲焉知我憂勞此暫遊同人俱鶴髮一壑小龍湫老

竹翠搖夢蒼巖乳滴秋無聊醒復醉山葉煮霜甌

題龍池寺壁次蕉隱韻

十里松杉影半天鸞鶴聲雨餘諸澗合杖底萬山橫身

老兵戈迫時危鐘鼎輕昇平重到此一壑了浮生

張渚贈徐朗山

白首依丹壑堅心墾石田端求無事樂愁值避兵年松

閣耐瓜戰雲堂做夕筵主人深愛客魚鳥共陶然

將去桃谿留贈徐少峰登禮少尹
異地看風化危時重友生此鄉真樂土半尉抵長城白
酒酬憂患青山閱送迎桃谿來日別煙水亦多情
發桃谿

不有三軍懼扁舟足勝遊疏林張渚月大石善權秋隔
縣客兵亂流民野渡愁遙天問都護鼓角擁滄洲

循西谿訪張公洞不果題寄東谿

庚桑治盤谷乃在陽羨東辟穀道陵子瓌怪開層蒙土

人告湮塞絕壑移孤筵疾足涉津要退者無能通十事

坐廢七趣與人異同山谷大荒落於世無私公後時孤

詩九

六求想齋

所嚮念亦乖初終碧澗匯東九晚水垂晴虹研理議定
趨無言還素空

步柳頭橋過竹里遂至善權寺

國山隱東南善權表崇秀邁志堅所求災閭續秋候空

舟阻沙激杖策喜相就淺涉已瑰奇新覲傲蒙陋扳竹

手緣雲櫛蘇肩摩岫元鷗閱幽沈老蟬發森茂萬綠出

村墟平遠展丹構谿風灑薰埃山午寂梵呪殿閣一松

吟萬古此清晝往昔簪組拋迫此戎馬遘前路紆我心

進退負巖竇

緣善權洞深造水巖

青蘿蔽谷口白晝秉燭入上品警神化妙象石非一
穴許延緣幻邃人所及昔賢此登覽圖寫先我述淙淙
瀉谿訝其下有虛室尋源溜截礮遞坂草垂隔求之以
跬步萬尋虞寸失墮魂神襟搖駭汗雨中集險盡得琳
宮逍遙出戰慄盤礴五丁開廣袤萬人立苔髮紫茸長
石浮紺珠滴高下綴秋葩滿抱春芬襲采壁尺泉挂噴
沫懸鏡溼磔礧瀨浮玉丹碧圓可拾一絲琴筑聲空濛
昧從出汗漫景純遊劣削靈運筆頽齡值危期再踐焉
能必去去塵在衣真境謝仙逸

坐國山碑下

詩九

七求恕齋

封禪侈符瑞焉獨吳後主恥與諛臣俱書名缺周處落
落義興山從從荆蠻雨代謝有固然一石偶千古氛祲
歲屢告戎馬闐塵土極望滄江流雲木隱金鼓庶務失
經緯厥咎差可睹 聖哲正垂衣階舞跂干羽

國山後斥

百體與塵趨萬事讓野處黽勉乘嶮遊平慮犯隆暑山
家順作息生理寓榛楚大木元蟬號高春歇石杵厓複
懸磴深瀨曲斜梁阻臨水振絺綌炎雲落禾黍

歸金橋沿谿訪南嶽寺

縱權義興水所向有花藥隨歷盡殊妙風逆未云虐炊

寄嶼橋陰夢憬月林柝披衣起宿雲侵旭覓遙壑村籊
露粉泣園柵野英落金沙碾樵逕松翠散齋閣物理植
乾綱智士甘塵縛一與煙蘿俱紛紛澹悲樂揖雅示越
防荀訓戒儼作息心陵澤間同旅慎棲泊

卓錫泉

桐廬錫頭陀築室此遊釣駭俗傳滌腸幻蹟寄雲嶠征
人早鐫白臨水不敢照植身大化中榮悴頗自料戲語
石上流爲我換年少

碧蘚庵

一簇青山傍水南莊生蝴蝶本空談人間兒女真癡絕

詩九

六求恕齋

垂老來過碧蘚庵

留衣庵

午過南嶽寺東北出斜谷牛羊不在山松坂散樵牧西
庵熾餘景一逕蔽蕪竹雜花亞斷垣鐘聲在石屋擴茲
懷土心眷彼傷秋目爨突冷山椒初地憫榮獨有生際
時艱無田冀歲熟戢影眈壑遊空羨松喬福冥心求闕
疏雲木斂煩蹙

留別玉谿

白田訪我傷春暮陽羨同舟聽雨眠涕淚等瑟新樂府
蓬萊家世小遊仙多方偃武知何日野老憂貧亦枉然

芝醴松肪珍體素不須顛頓在霜前

曉發鍾谿晚次錫山與蕉老有作四首

十日勇登陟聊求笠屐歡洞荒遺石佛山遠記銅官草

草心焉託悠悠路益難 聖朝容棄物天地媿儒冠

野戍逢樓櫓搖搖水上旌分兵來建業鼠寇又宣城徵

發軍容因憂疑旅夢驚蒼蒼葭外有客淚霑纓

獨山蘿石氣蕭蕩冰雲姿鷗鳥看遊子蘆花改鬢絲故

侯亡細柳仙客有丹芝天末重攜手傷懷野望時

好雨還秋色餘霞慰客情山城浮淺翠水驛遞微明南

去家逾遠宵深暑稍平塵襟那可澣此地石泉清

詩九

元求恕齋

酌惠山泉亭

木識散人心壁乃匹夫罪邈矣浮雲翔天空澹無悔生

年變嘉辰世路苦懸餒利巧為乘蜮射百相待潛身

榛薄游容與繕真宰藉藉薇有秋湛湛井不改三日坐

青山端襟滌煩海

遊秦氏寄暢園

戍火龍山北幽深得地偏水將雲赴壑木與石爭年別

洞祠留主當門人索錢薛碑薶逕草蘿壁嘅荒煙

梁溪贈顧琢夫

湖上芙蓉伴釣綸九龍山外幾征塵天涯風雪頻迴首

垂老東南有故人

與余蓮村

隱德張文誦高名稱仲連拯時悲有淚負郭祭無田野

成花聞笛秋城水上煙歡愁雜塵土零落布衣賢

雲水

日夕坐雲水冥迷天四垂物情有如此自晒復奚為遠

道雪雙鬢深林月半規空心江上樹任爾急風吹

舟夜

舟夜年年客如今動廢眼聽鐘仍楚岸坐雨下吳天秋

水縣前驛青山拖尾煙蘆花休更白萬事看華顛

詩九

元求恕齋

胥門晚泊

滿帆風雨落胥臺津鼓城笳傍酒杯梅福變名門卒隱

梁鴻避仕廡春來中原寇賊幾時盡今日男兒百可哀

偃府開元遺蹟在更何心力問蓬萊

雨過劔池

往歲坐大石頗聯歌吹歡重來問厓谷零雨生秋寒羸

秦枉求劔穿石生崩湍愚罔不足笑智者為三歎神物

自隱見非關求者難所遇非所知昏蝕甘泥蟠

贈黃秋士 卽題其湘華館圖

吳王宮殿舊煙霞打漿重來兩鬢華湖畔笠蓑求橘社

城南池館過荷花荒煙贊善愁
洗盡甲兵江海廓便應爛醉共生涯

琵琶引贈吳門顧竹安

南遊百事無一成高秋艤櫂句吳城
喧騰滿眼不足語
船頭晚日羈愁生秦箏燕筑久沈悶
陶寫無地開精誠
顧老琵琶發闌下古調獨播絃
絃清阮咸頽放崑崙死
大小忽雷留其名鷓鴣進嘯鬼擊節
撚攏一世無與爭
古人臨樂動作賦刻飾掩抑陰陽并
嗟我口呐但屬耳
風雨颯沓搖心旌
盛世簫韶在天上二百十年無甲
兵
天子聖哲吏失職平地使我雞狗驚
征夫草草坐
絃索奈何復作刀槍鳴
繫爾野王之孫子
霜雪兩鬢垂
枯莖餘藝頗涉活人術
飢窮不自充
瓶罌長衢白月照
老屋空江落木催
嚴程一技成名復何用
有客爲爾潛
吞聲

詩九

王求恕齋

發蘇州寶帶橋

十日苦煩絢城隅
蘆已花安危非夢裏
心力此天涯
浩歎論兵事
餘生攬物華
滔滔問江海
何地與浮家

平波臺留別白退庵二首

神仙綠髮元貞子
司馬青衫白樂天
海燕江鷗同寂寂
渚雲祠樹自年年
夢回笠澤蘆中雨
秋遠包山檻外煙

隨地風流渾不減
滿川荷葉唱田田

千秋變下幾鳴琴
涕淚師門感不禁
逃世無心鴻離網
出山何日鶴歸林
汀洲橘柚人南去
天地干戈寇北侵
痛醉不知江路永
吳天殘月倚高吟

平望驛訪沈香雪師故居

久懷赤松子思與鸞鶴翔
神仙不可爲
恩義多感傷
我師吳中彥
廁身比部郎
爲郎二十載
出牧遼山陽
高陶失離鳴雛乃厄於鳳
孤露遠扶輿
歸葬松陵鄉
我游松陵水
悲淚垂河梁
寸腸斷消息
鴻雁秋天長
碧月爛溪上
懷抱流悲光
荻塘匯爛谿
纍纍冢其旁
野王宅何所

詩九

王求恕齋

嚴子墓迷花井邑有變易
才位焉久長
明發百輾轉
初日征衣裳

南望太湖追懷淵甫

簪纓橫四海
偈仄儒者流
矧茲三歲來
道路森戈矛
君先卽大夢
地下翻無愁
太湖靈奧區
氣與咸池侔
秉精毓美士
君家湖上頭
不幸山水縣
講肆開茅州
湖波君之潔
一白懸高秋
眞意結林壑
湖腹山幽幽
遺書脫兵燹
茂陵猶可求
古權不我俱
天末傷孤遊

吳江西郭訪王瘦梅

萬族日中趨
似子我方熱
一世走嘉榮
似我子能拙
京

縣秋霖歸淮水與君別一權具區南今日奉嘉悅斷垣
出井發老屋拱圍列處牀子在病執手轉煩悒纓笏淪
是非蓬戶有芳潔契闊二十年顛倒我何說來日秀州
城征鳥逝一瞥努力翼來會衰白事前哲
夜宿垂虹亭懷南樵甘泉北墅

賢哲履治平抱璞有荆野矧茲生理窄兀傲孰容假貌
虎屬元戎龍蛇厄區夏身世幾樂郊桑柘連軍社君子
在契闊別袂闕盈把言念荒寒中江月照杯斝勞人松
陵東水驛憩瀟灑長梁落縣門塔影生蘭若歸楫秋風
深夕樹元蟬啞西北孤雲飛不見所懽者愁思駢張衡

詩九

三求恕齋

文譽重袁嘏愛惜此飢寒吾道嗣風雅

石門水宿

時危不容臥志士多道涂母老弗違養遊子懷門閭古
之由拳縣石門嘯夕鳥去去日以遠暝色愁江湖人家
川上柘燈火洲中蘆旅思各羸軼林月垂平蕪

桐鄉道中

杯酒接蒲荷征人歎笠蓑土音操北少煙樹向南多桑
畝明谿影車棚踏夜歌水仙杳何處野廟迴垂蘿

曉出語谿

一客水上坐人家煙際眠微明展東岸破月尙遙天野

廟官橋成秋桑河縣田羈孤清夢曉此地是何年
與伯平二首

信脚滄浪客鷗天即故鄉能憂復能樂非狷亦非狂濁
世幾芳躅微星任暗芒飛騰慰老子令子是鸞凰
萬古煙霞縹山中儉可風高名齊有道痛飲過無功重
見錢江上相看布被同夕霏沈臥閣搖落氣如虹

贈南屏六舟

禪中好友兼三益江上高僧有六朝釣水遊山新畫稿
斷金殘石古詩瓢無情兵火侵禪悅未厭飢寒稱寂寥
賤子一官無任著白頭相對影蕭蕭

詩九

三求恕齋

六舟上人召飲法相寺

百丈寺門松遙尋雨後鐘竹聲深巷靜湖氣一山濃秋
老寒江戍愁留石壁蹤癯禪能識我四海結雙筇
劉子凝避居武林賦贈二首

秋色滿吳越揚州舊識君有才非恨事多難易離羣宛
轉垂天翼嗟峨大地雲可能高閣臥物外覽斜曛
傍母足安命同傷陟岵心一身迷樂土去日有懽吟白
埃連檣李青霜老橘林莫嗟泉府困好自重南金
錢秋峴龔孝拱召飲蘇公祠湖樓看雨

奇才際磨礫不獨蘇長公來禩祠所愛氣類將毋同逋

仙臥不仕孤山林之東出處兩寂寞雲水天空濛
龔子命世器圭璧塵埃中錢叟任幹濟垂老光熊熊位各不
伴學執事規其終坐我水上閣好雨開林叢波明集浮
鷺秋閨無來鴻池沼靜遲客八月蓮枝紅賤子抱孤
煙景一何崇願得長讌笑努力齊窮通

曉登北高峰題寄徐公可城居

不爲湖山來行李偶至止八月秋天長飛鳥下千里昨
夜宿禪林杉月豁窗几西北見曾巖萬竹暗青紫曉與
白雲興升墜亦偶爾峻極復何爲一夢嘅煙水故人所
領郡我來後月紀五馬統六師西發邁江汜公子昔我

詩九

垂求想齋

過淮水逝彈指我乘之江流既見胡不喜福祿有嘉蔭
高翔茂葛藟矧伊玉樹姿英英出標杞顯晦跋神物早
晏有精理寶茲萬丈芒韜戢夫何恥賤子是非中久矣
淡譽毀戎馬接歲來祇役弗遑已退無爲棲遲進不勝
填委恍惚林泉遭蘿石對拊髀緬子城中居住氣結塵
市咸中屏他歧憑遐慎自適散木毋余師努力樹宏軌
虎跑寺山門古藤
風林幾搖落不改在山藤抱石堅如此多愁斷未能春
岩散花雨霜徑掃雲僧更有泉相守枯禪挂一燈
西谿獨酌

霜鬢不知晚豪情戀野塘一鷗山翠遠萬木水雲涼於
世潛歌哭浮生雜狷狂孤篷天在眼舉酒屬蒼蒼
獨坐閨地庵

拔身無初天攝念已暮齒人生憂患多誰見空王喜
葛附洪柯勞苦自條理戎戎石上松亦復歲生子高閣
百年心夕照此煙水

朱莊見梅伯畫壁題寄四明

萬山落日江盤紆園林滿眼城之隅故人十載不相見
梅花一樹留西湖風枝露朵不勝數真意不使孤山孤
騰空花氣作春霧天南海色青模糊四明狂客瘦莫比

詩九

垂求想齋

鐵幹髣髴山容臞愛君聰明懼君死筆墨能使人悲吁
往歲與君遊上都相歡相逐歌烏烏晚無一事慰衰白
金革四海來憂虞廣陵明月天下白萬樹瑤華無一株
有日訪君大梅里攜錢花下從君酌

題孫瀛帆衝江餞別圖

歸安溫稼生同年生死契闊垂
二十年咸豐甲寅道出武林瀛
帆屬題此冊既悲稼生抑見
瀛帆終始之際爲弗可及已

天低煙草蠻嘯露昔日同車今異路變滅雲嵐又一時
中原萬里連烽戍吳山落水江聲長孫郎感逝頭如霜
薄谿日暮知何處同向秋風各斷腸

小集彌勒院與同人作

愛客愛山水能窮能歎歌湖天斜景入石佛古愁多一
夢忽霜鬢千秋仍釣蓑寇深歸未得慘澹向煙蘿
韜光庵聽桐君彈琴

高有萬松籟下有空江湖冷冷七絃發諸天頓寂寥我
從海上來三載顏髮凋兵氣結不解客路愁無驕君子
自和平勞人自鬱陶樂津變我耳萬壑風刁刁九垓足
駘蕩幽抑胡能消竹外見歸路午靄開曾霄流泉復不
靜灑灑鳴山椒

眉生新除觀察武昌遇於浙水詩以調之

鷗天相約泛斜暉千古多才與願違遠宦莫隨黃鶴去

詩九

毛求恕齋

此行不算季鷹歸凱歌海上無消息貝錦人閒有是非
一笠一蓑成獨往三潭水上碧雲飛

酬管才叔二首

依依楊柳張祠部朗朗玉山裴侍中道路憂危非昔日
文章搖落況秋風百年馬齒征塵暮萬里鷗波戍火通
老圃老農非爾事那容閉戶理寒菘

歸燒黃葉遍山村懷抱何曾盡綠尊似我無金慚鮑叔
與君按劍有劉琨飄零家室同江海和樂填篋羨季昆
輟權東坡勞寄語天涯笠屐望相存

悲秋四首

一枕愁迴江上鐘更端萬感涕何從山郵飛檄罷官騎
水縣徵糧急夜春郡國兒童多尙武耨鉏歲月失歸農
遙遙戰伐煩諸將惴惴機鈞出 九重

崩湍旣往復何云晨起看天到夕曛河鼓作芒爭日月
鬼車如訴隱寒雲大田螟螣紛遺孽黃閣麒麟待策勳
莫怪一竿泣漁父分明四境屬將軍

肝膽淒涼髮鬢霜餘生耳目轉茫茫金隄雪浪黃河徙
玉粒雲帆碧海長緩急一時通國用吁嗟萬姓忍私藏
海鄉差慰天人意縣邑秋成有稻粱

朝廷用賞寬於罰節鉞憂危亦可憐王會來同仍萬國

詩九

毛求恕齋

鬼方垂克已三年銀罌翠管頻霄漢楓葉蘆花自羽絃
草野狂思迷出處九迴腸斷越江邊

冷雲巖懷柘唐山陽

高樓邗上酒今日天之涯白雲不可盡念子淮上家萬
古有顛倒一一風中花危世託豪傑勇敢生歎嗟野庵
亂山中江路多青霞歸鴉滿長嶺何事啼啞啞

心鄉往齋集卷九

心鄉往齋集卷十

曲阜孔繼鏞著

吳興劉承幹校

甲寅于南詩錄下
已刻燬於兵

宿靈隱書藏憶心巢

網常託扶樹黃鳥求友聲著書鑿門戶
必稟虛其生炯炯心巢子學不為古
盲治經準日用一秉儒者誠善足我師
保義實我弟兄山川道里曠松竹齋堂
清思之不可見夜起步前楹太息名山
藏立言先其行不為吾道輔白首夫何
成

詩十

一求忽齋

理安寺夢竹坪

徐生憂患多往者不勝弔交遊水中華
深淺心能照楚國章駕節節比孟貞曜
自失石上松孤我不成薦十日宿山中
累夕夢言笑君去豈有歸萬事一深襟
搖落與秋徂飛舞看年少風日遞相更
傷懷述雲嶠

理安寺山門連理松

初地雙松古遙天一蓋青莫分枝與葉
直是影隨形歎我無兄弟因君乞袂苓
孤桐江海上垂老慎飄零松顛閣夜起
題觀上人齋壁

萬事看松顛天涯月幾圓故人半黃壤
高唱滿空煙百

歲林泉晚雙峰雲漢懸寸心明夜色聊復問枯禪

贈周瀛士二首

七世同門闊箕裘有替人天倫羣季樂家政一鄉春杞梓秀谿遠煙波笠澤鄰少微雲漢隱吳越有垂綸然諾交遊重心傾季布賢年華看物換友義得君全塵海青瑣在空山布被眠勞人相識晚出處恨茫然題通父畫梅一樹寒如此春光幾日還坐憐河上月分照浙西山煙壘兵新成江城門早關眷言林處士風雪莫衰顏與殘甫

詩十

二求忽齋

攬轡紛紛命世賢悠悠王霸雜空元更誰與語狂搜古無可銷憂仰笑天山水移家秋又晚風花過眼醉成眠我來攜手滄江上母老時危各泫然

杭郡見陳子然悼其尊甫梅谿

暮年祗役東南天鳳山城郭錢塘前衣冠萃止盛儒術故人之子今可憐滿湖秋水助窮餓三間破屋虞傾顛昔時老鳳叫河上文采藉哉神惺然高閣官梅照杯酒榮落懽愁今幾年關山吹角道路梗有家我亦歸無田交期垂絕荒墳遠將我吟哀哭暮煙

東萬藕船侍郎朱莊

水亭上斜日一見素衣哀涕淚復誰贈林花空自開戰
聲連海濼歸計失山蘿翹望卿雲霽珠星耀上台
遲蕉隱不至臨安西墅懷之有作

十日懷君望北風荻花楓葉阻煙鴻頗孤明月清秋夜
獨向蒼厓白露中曳杖每嫌林壑淺看囊一笑水雲空
得逢村酒狂成醉離聚懽愁任轉蓬

餘杭北郭至洞霄宮二首

南墅肩輿北出城朝嵐猶未霽山程短長亭子行人少
十里松杉水碓聲

詩十

三求恕齋

洞天謫宦是蓬萊野興何曾損吏才九曲螺峰深翠鎖

隔林樓觀早飛來
夜過茗谿
野客不勝酒歎然倒玉瓶水亭入曠黑煙路隱空青仙
觀月雙嶺漁潭火一星谿聲熟魂夢宛轉似曾經

小憩三橋嶺

懶束雞鳴帶來看馬上花不綠牽物役頗復愛天涯穿
嶺東西樹橫谿四五家鐘聲偏隔水野寺暮天霞

餘杭山中過逍遙子墓

參軍爵里吳潘閭片石荒墳倚洞霄海外雲波分浙水
山閒魂夢偶南朝當歌對酒皆遊戲成佛昇仙等寂寥

悲切白頭金鼓在鄂王祠樹莽蕭蕭

雨中獨遊大滌山題歸雲洞石壁

高步乘九清樂飢事內景訢訢落莫中抱蕨復焉請萬
松大石上搖搖天之影將心與空翔日薄風襟冷靈雨
從東來一嶺鳳延頸紅泉潑我胸眞想粲警穎翩翩許
華陽先我遺丹井洞天祕曠黑野衲燭苦秉窮自得明
瑩遐不戚荒梗戾心竿向齊多事歌于郢腳下深篁煙
百羽嘯幽哽

天柱山苦竹鳴

詩十

四求恕齋

籃輿洞霄歸仙塢在指願來徑曾不逢失之碧煙霧谿
達相見懽了不恨遲暮深篁百靈羽幽嘯隔谿樹落日
與征人又向山城去

鳳凰山頂寫望寄子序江右龍門陝中

言陟八蟠嶺奇覽排衙石當日宋苑園今日城南陌吳
越此屏藩遊行錯金烏洞溯金星題泉粲郭公迹攀蘿
出澗陰奮袂踐岡脊來鳥接鬢鬢去雲不尋尺靄飛城
翠重練淨江流窄我來非夢魂展對儼夙昔最勝無久
留寸睽萬愛惜藉藉延陵子高步蹇風翮江充古奇士
猛氣復何益廿載看明遊在賤交有擇榮落天地間肯
受物變易蹉跎鐘鼎期或有林泉適出處兩蕭森矧此

戎馬隔豫章密煙成闕隴暗遠披落日不下地四山暝
將夕吾生將安歸歌歎此陵澤萬里暮天青一寄寒巖
白

琵琶陽小松

臨安路轉琵琶陽疑入蘭陵罨畫谿絕壁小松多似竹
高泉曲澗淨無泥荒鐘隔水空林滿嬌鳥如雲夾岸嘯
直欲就山安石屋不知身在武林西

道出雙林山遂竟其勝

西上浮玉山言假若奔上谿上兩翠螺高我百千丈有
見總多情離者自疑謗騶子成我懽遂乃窮幽曠寸步

詩十

五求恕齋

千嵐中此獲虞彼喪貢茲萬妙心靡得助林嶂嶸嶸近
暉亭夕崦敞東向起伏吳山雲天海續宏放載愁百年
中疇能久沈浪江城多故人慷慨濟忠亮開閣酒如漚
遲我洗塵瘴

宿湧蓮庵不寐有作四首

天地無與適汗漫事幽討四顧皆青山白髮一何早悠
悠百年中作息半顛倒道力視所受窮賤爲吾寶古有
召平瓜世少安期棗蕭散兼憂虞臨風送懷抱

昔我覽太行東更陟泰岱物情尙矜侈各自雄其概志
士坐蓬蒿一室守明晦離離簷際松亦復有千載遠遊

更何益山野羨鋤耒兵氣不可銷川谷助悲懷

放論心靡所患者身百舒聰明有實用誰願爲樵漁是
非久相錯安足存毀譽白雲長薇蕨乞我山中居一世
不相識抱膝歡有餘世路昧曲折曲折將焉如

天目下峰路十里松穆穆初地憫勞止松下留精藍殿
角斂珠斗嶺月開西南暗木蒼雲白天半浮曾嵐石閣
夢清醒夜氣迴空潭寄語城中人在野窮能堪

霽泉橋石壁

西邁霽泉橋回首見石壁沐浴古煙霜羅羅出潔哲摺
疊雲爲之巧弗假搜剔負緣綴山礪丹翠不勝摘靈室

詩十

六求恕齋

迴浮空無路寄緇錫中有羽衣人馳想得眞寂攜我明
月中臥雲吹鐵笛恂悅不可階契之以良覲

夜發雙谿有懷小山廬州

谿聲西瀉餘杭月海色東飛越渚禽愁外夢迴迷舊業
山中老去幾同心苦思小友眞吾友還向淮陰問汝陰
年少從軍玄鬢改料應越石有哀吟

石屋山懷靖卿

煙波愁故國雲木尚天涯一雨發泉脈滿山開葛花壺
觴憶獨醉兒女動長嗟寂寂吾園隱虬松落日斜
門嶺乞由人飲

寰宇結人氣一世求盤殮野人不相識歡喜能相存竹
樹展煙眺一嶺山之門雞犬歸其家亂石天邊村
半山亭見白鷗

高風不受物萬象倦乘空一羽諸天外孤飛夕靄通坐
憐霜鬢短相對翠微中擇木求棲止蒼涼落照同

獅窟弔開山禪子

山與鴻荒古山僧來已遲我窮山上路見爾墳頭枝早
達歸藏理難爲締造時白雲復何事日夕向南馳

朝陽洞

陰厓日上時萬綠影參差樹有漢唐氣雲能虎豹姿願

七求恕齋

求窮壑隱忍割故園思百口霜笳外秋深去雁遲

眺活壠庵

萬木天無曉幽棲未死魂客來隔重澗鐘動更黃昏至
聞藏墓有無生盪六根卽論清淨理還勝五侯門

斷公塔院看山果

山僧不死氣化作虬螭枝枝上子纍纍夕照明荒祠高
風石壇靜晚木青霜遲零落有固然順葆無生時

普同塔院贈了一

一逕造松頂石屋雲泉幽山僧氣充悅一世如無求山
僧豈無求求乃不可得終日坐懸厓不盡南山色

牛眠石

日夕見歸牧磬磬出薜蘿荒山此蟠屈風骨太差我四
野羣狐嘯中原戰馬多無田歸計晚日夕奈愁何

藏雲塔院小坐復登飛雲閣懷平齋

求茗煮石泉倦極一震慨松響出襟底雲彩流楹內行
子百事迂陵澤惠隆貨上征靡延緣內景了通閔鐘聲
款天光一白洗蒙蔽努力得晴閣契闊召芳暖之子煙
霞人奇秀失佳對薛逢厄塗抹王鏐限賓倅一世豔金
紫夫豈君耽愛何當共心賞相與豁眉黛言歎風蘿中
手銚飽山菜

詩十

八求恕齋

剔鐙庵

端合幽森死無鄰向此家交遊拋鳥道歲月數松花石
語盤谿水窗留過嶺霞一鐙窮谷裏青燄照塵沙

題中峰幻住庵

不到不知幻雲根挾石飛一泉高不落萬古忽如歸日
冷猿長嘯松彫鼠更肥孤僧貪午睡防虎插荆扉

過六松巖

腳下萬煙整天邊幾石梁晴松藏雨氣百藥助泉香境
每求深誤心難過險忘山林非夢幻何事覓丹房

西方庵卽玉立亭故址在玉峰頂緣危磴造之坐懷通

父

命車求舊轍酌酒思故杯愛人以眞賞魯侯天下才少
小兩徵逐一意無嫌猜十載蹤跡遠霜鬢同塵纒吳越
靈輿區髮髯翔蓬萊升高覽眾妙舍子皆凡胎碧雲覆
大壑秋風吹孤臺上有飛曜白下有鳴玉哀九苞金鸞
鷲苦竹何時開西北方用兵道路連黃埃我輩俟時會
奚暇爲身媒淮水在天上徒倚雲鴻來

老人巖石徑追悼包丈慎伯因寄熙載揚州

奇慧重所生道藝事窮叢剖判百家言期與古不隔江

東老布衣言當求行適濟民養先教治術彌精擇拙宦

詩十

九求忽齋

不拙學沒世人愛惜扶風吾道東北海有心獲八體衍
書契餘事傳波磔流離缺負土往往淚承席淮海賊滿
山流血坡塘碧戈鋌薄光氣文字冷巖澤不死坐蓬
餘景戀衰白人生趨一飯各有素餐責屹立風霾中再
拜空山石

仙橋西南求龍池酌之

百體厭周旋與山結形影翩翩城闕來煙岫就淒冷
石爲橋梁乃在萬峰頂一沼相因依潔瑩出萍梗此境
誰爲之峻極得幻警風定散空聲雲開冠世景寸物無
我私萬象絕祈請愚已近自然慧不假猛省莽莽縱所

如一白海天永

天目絕頂北望燕山寄懷潤臣杏農述齋古廉諸舊遊
都下十首

去國僑楚州廿載閱煙水川路今彌長形影萬山裏山
中非我家雲木隨臥起猿鳥看炊煙一飯飽清美
八埏寄杖履佳哉此嶮巖天風壓山氣大木無翹枝萬
象出其下崑崙高無危動靜兩相倚石與雲參差
一笠戴青天腳下更無上萬山如墳邱人氣代相葬昔
升燕西山家室東南望燕山渺何方心目接僊仗
宸極端垂衣節鉞半鹵莽羣盜縱復橫吾生將安放耳

詩十

十求忽齋

目多異同軍聲一惚恍萬事復何爲所歷有飄蕩
靈羽翔上國夫豈不懷歸歸亦無所向還傍 君門飛
誰謂九重深豁達開黃扉湛恩飽麟鳳天下瞻光輝
漢陽葉仲子能使風雅尊十載不相見視我猶弟昆驅
車覽太行每出延秋門升高望所親日落珠江昏
容臺式九有文武道相宣吉甫能作頌寂寂江漢篇昔
日與子俱馬陵山之顛黃河今北流道路多戈鋌
瑟瑟吳江客玉署翩雲翰李侯爲世重清約人所難浩
浩一江遠耿耿同門歡相思如循環誰復知其端
川阜閒南朔日月徒相看一身各自愛不救飢與寒石

梁在山頂雲霧爲波瀾赤松不我逢兀坐空三歎

大澗裂山骨琴筑作高樹其流明且清是我下山路歸

塗秋已深風水凜寒返行藏不二心勵節保貞素

與天目老殿僧藝蔬

野衲不識字無心卽道心客來求竹石爾尙有山林雲

臥荒鐘外泉酣大壑陰遙天過一鶴來對我孤唳

雲山謠九首禪源寺中作

青山橫復斜流水動成故生晚無百齡能禁幾疑誤

百體重山嶽寢食非云微一鶴出雲外四海將安歸

大化無二三君子有同樂馳驅厚所私自待一胡薄

詩十

三求恕齋

卅年在顛倒多少暮天霞偶得山中路來看谿上花

踰嶺不逢人天外有雞犬肝膽贈松杉搖落吾其免

巖棲發明妙樵牧在上頭我身墮雲壑乃多山外愁

高空雨露多野寺發花藥雲不在鳥外泉不向山腳

精藍致遊鳥日落轉悵惘荒山不知名披雲成獨往

木葉雜紅紫空山秋有春今日來何暮白雲能笑人

天目古杉歌

峻極五十里十里青杉多多於山中煙大者搖天河萬

蘿帶泉流小者千百尺是誰劇雲根離離出大石萬石

一莓苔見石不見土木石誰後先茫茫問太古旁枝橫

過嶺其上無鳥巢雲藏不見頂風靜聞笙匏山民斧其

利對面爲盜賊山僧不敢言其故亦可得山脈來新安

飛舞向錢塘大木表形勢枝葉天扶將官家不設守童

童日垂禿我來已後時猶見半山綠人生自爲壽摧折

胡可量墮身亂離中心短悲歌長

龍頭谿

晚歲嚮道耳根潔鼙鼓震撼纏悲思寇至頗聞隳城邑

隳者不聞一拔之松風坐我面絕壑一條碧玉吹參差

吁嗟天樂爲誰作半日山中无悶時

霞坑

詩十

三求恕齋

霞坑東下路盤紆洪谷河陽此畫圖石枕泉澗留翡翠

風連松蓋走颼颼晚花鬢竹憐丹碧高寺藏雲定有無

鼙鼓催人天北去再來煙景莫榛蕪

於潛山中聞猿

千里看山落日低五年哀角與酸鼙江頭行客眠難穩

更聽猿聲浙水西

甲寅中秋宿天目上院與六公同作

清宵襍被山中寺攜手看雲惠上人海國風濤生鼓角

天涯杯酒入煙塵亂來萬事誰能料身擬長飢念可眞

五十三年秋又半石樓對月轉傷神

紫駝嶺紅葉

年年看紅葉十月潤州山
兵火無冬夏林巒改面顏
孤遊求木石老筆代荆關
天意憐顛顛煙霞不我慳

青障山田家

松蘿結屋煙嵐隈
婦子雞犬同莓苔
坐客門關叩邦族
疏質有禮無疑猜
客亦有家隔雲麓
林壑滿眼愁滿腹
萬里關城人晏眠
樵汲山中死亦足

初與甘巖有浙西之約念之餘杭山中

蒼翠坐山閣時見孤雲飛
孤雲天西北念我何時歸
生平愛閒寂忍說簪纓非
戎馬迫驅走陵谷相因依
遊覽

詩十

三求恕齋

在平世肯使同心違
誓將一片石他日連漁磯
青山入君夢江路煙霏霏

高村曉霧

已是出村晚

苦霧滿人間
隔手不相見
何獨於潛山
白雲彌浩浩黃鳥徒關關
躑躅盼晴旭何時一破顏

中嶺社至下峰

竹澗奔流曲杉橋細路分
蒼崖遲上日深谷苦霾雲
身世桑麻遠東南婦子勤
潛悲江海上秋晚尚懸軍

逕潘村嚮巡山失路緣後嶺始造聖興寺

鹿町雜樵蹤石道莽叢夥
求高不知捷此行一何左
壤

璋利嶮艱卑庸就帖安
我生秉自然在遇順升墮
歷餘杭州萬嶺儼蓬顛
拔地湧諸天芙蓉冠七采
穹虛八千尋殿閣款靈瑣
真姿雲爲衣秀骨石不裸
風葉不見日十里貧簪裏
卻曲攀巖來後先各羸跛
輿御舍而徒十步九慵坐
平生尚雄強騰邁無不可
既竭惜腰腳不復輕磊砢
屏息松門陰看人拾山果

宿逕山藏經樓夜起書示六舟

旌旄蔽西日浮梁連歙州
小醜困滬上北望攢戈矛
一山天東南雲鳥如無愁
身從賊窟來登此山上樓
山門轟碑石姓氏前民留
趙宋建隆開帝子逍遙遊
眉山蘇長公書名兼子由
時平物暇豫地謚人宴休
我來不得臥強息仍開眸
竹木搖萬壑天高風颼颼
白月江海寂永夜關河悠
一犬吠山巷使我心煩憂
兀兀支遯叟身家非所謀
攬涕共枯坐鳴泉岳下流

松源庵懷鞠農河上因寄桐舫江西

聰明復何用造物豈自主
念子此前遊宴笑生悲苦
死生有固然過眼事如雨
後先相翱翔不獨吾與汝
一嶺杉四圍涼翠向窗戶
几席天人通山閣落雲渚
黃河改故趨四海方用武
金帛吏之仙萬感冷玉塵
豫章渺何方大江蔽旌羽
遙遙煙中鴻淒斷竹邊塢

詩十

西求恕齋

長公書名兼子由時平物暇豫地謚人宴休我來不得臥強息仍開眸竹木搖萬壑天高風颼颼白月江海寂永夜關河悠一犬吠山巷使我心煩憂兀兀支遯叟身家非所謀攬涕共枯坐鳴泉岳下流

松源庵懷鞠農河上因寄桐舫江西

聰明復何用造物豈自主念子此前遊宴笑生悲苦死生有固然過眼事如雨後先相翱翔不獨吾與汝一嶺杉四圍涼翠向窗戶几席天人通山閣落雲渚黃河改故趨四海方用武金帛吏之仙萬感冷玉塵豫章渺何方大江蔽旌羽遙遙煙中鴻淒斷竹邊塢

松源庵懷鞠農河上因寄桐舫江西

聰明復何用造物豈自主念子此前遊宴笑生悲苦死生有固然過眼事如雨後先相翱翔不獨吾與汝一嶺杉四圍涼翠向窗戶几席天人通山閣落雲渚黃河改故趨四海方用武金帛吏之仙萬感冷玉塵豫章渺何方大江蔽旌羽遙遙煙中鴻淒斷竹邊塢

松源庵懷鞠農河上因寄桐舫江西

聰明復何用造物豈自主念子此前遊宴笑生悲苦死生有固然過眼事如雨後先相翱翔不獨吾與汝一嶺杉四圍涼翠向窗戶几席天人通山閣落雲渚黃河改故趨四海方用武金帛吏之仙萬感冷玉塵豫章渺何方大江蔽旌羽遙遙煙中鴻淒斷竹邊塢

松源庵懷鞠農河上因寄桐舫江西

聰明復何用造物豈自主念子此前遊宴笑生悲苦死生有固然過眼事如雨後先相翱翔不獨吾與汝一嶺杉四圍涼翠向窗戶几席天人通山閣落雲渚黃河改故趨四海方用武金帛吏之仙萬感冷玉塵豫章渺何方大江蔽旌羽遙遙煙中鴻淒斷竹邊塢

逕山雜詩十首

梅谷

竹塢冷無煙殿閣蕭索石院不逢僧松風墮檐雀

一燈庵

岩堯際空曠無復四山影小鳥唳叢篁斷碑出蔓井

寂照寺

蹉跎求樂土垂暮過山家日上鐘無響一僧鋤藥花

天掌峰

兩峰側相撫五色煙參差高高不我援絕壑煙深時

瀉玉巖

詩十

五求如齋

不空亦不住無滅復無生我來石上坐誰謂雲無聲

浣雲池

溶溶萬山顛挹注愁如酒空明不敢窺愁亦余心垢

雲筆峰

筆星耀天上世儒真可憐我已苦識字莫更揮雲煙

彈巖

苦心求真聲絕壁有風雅琴曲世人賤矧乃君似者

靈雞豕

萬彙具一靈人禽其有那生年多智慧碧豕高差我

喝石巖

仙人一棒喝翠嶽羣靈來我歌人不聞苦霧何時開

餘杭東墅與吳琴伯別

世路多搖落交情識始終荒城流水住孤笠萬山通望

古徒高詠臨歧贈固窮蕭條江海上戰馬正秋風

署家書尾示稷牧兩兒

遠念汝兄弟晨昏傍祖慈湖天望征權煙樹隔南枝重

以軍符急翻成客路遲看山當此日直是可憐時

題錢塘驛

茫茫江海會吳陵生事相循未可憑天恐勞人眠不得

東驅湖水向西興

詩十

六求如齋

題蕉隱畫菊

水驛煙橋厭鼓鼙寒蟬明月草根唳故園亦有荒籬在

千里看山浙水西

題棟生畫蔬

滿天兵氣未摧殘老圃荒畦一味寒熬過三冬冰雪盡

家家歡喜薦春盤

歸懷二首

錢王祠樹繞菰蒲鴻雁秋通范蠡湖地有林亭江縣好

身無兄弟海雲孤關山滿眼仍兵戍煙水初心豈釣徒

一權悲涼迴短夢莫教風雨故園蕪

滔滔江漢逐流蘋垂老關河空問津明月晚山還伴客
秋風遠道悔離親少年薊野曾驅馬今日雲臺看畫麟
掉臂歸來任枯槁功名原不羨蘇秦
與汪鐵樵

動閤孤忠胃葉開撫時自遣仲宣哀一生信有老衰白
半畝未荒歸去來殘蠶叢編銷日月怒猊健筆起風雷
相看欲別誰能別斜日山亭濁酒杯

伯平招集法藏院書示諾上人兼柬伯平

鳩摩事翻譯三乘初中土誦誦一切經榛榛匹策府魯
壁出秦餘淵海不勝數 熙朝闢四庫展屏邁隆古分

詩十

七求恕齋

頽天東南孤陋便攻取粵寇毀金山揚州入干櫓延閣
舊鈔藏蕩失委荆芥吁嗟老頭陀勾茸類酸腐苦心掙
一藏悲哉用力努九州半被兵一世競用武大帥擁貔
貅長江走狡獪載籍官司之厄且罹醜鹵矧茲貝葉文
熒獨守蓬堵聖賢糟粕存嗜者各門戶顛危不中用儒
術慚公輔二氏復何爲智慧將焉補夕陽斂山齋高木
見棲羽有客醉還醒無言揮玉塵

偕伯平吳山坐眺示其仲子明恂

大江日欲墜攜手升吳峰君子有好懷幽曠能我從瑞
石遞明滅青霞無始終宅中俯遙嶽百峻猶附庸鹽官

海一髮霜氣明魚龍西眷六橋水木葉紛溶溶迴塘讓
江汜蘿石周長埔青蒼百萬家人語如寒蜚度量各相
越卑者難爲崇嶽嶽高仲子負劍陪仙筇懋德勉艱鉅
圯事基疏慵方今急求治江上多嚴烽無爲學父執野
老嗙龍鍾

題三潭

余與伯平眉生夙有三潭之約出處巽孤芬其
如兩甲寅之秋不期咸集時浙西亦有寇警歌
以志之亦弗
勝其慨已

散不成歡聚亦愁風荷水檻夕登樓暗山寒雨來何處
爭向杭州望歙州

湖上送吳棣生

詩十

六求恕齋

吳郎癡絕走風塵設色雕蟲亦有神憐子未曾經遠客
愛余宛爾傍家人深秋越嶺來紅葉歸權吳江已白蘋
遊子解裝看顏色煙霞分獻白頭親

送李子喬

嶽生

候潮門外水如天顧影臨流非少年我輩無聊亦常事
君才如許定誰憐半城葛嶺林端月一夢蘭陵溪上煙
此別不須重招悵亂離何在不悽然

和裴甫金陵感逝二首

湯雨生都督爲發甫作驢雪看
山圖并系以詩都督既難發
甫依韻
哭之

受命有終始堅心識去來不貪垂暮活信了一生才嬌

女隨泉壤良朋哭酒杯人閒繡素在雲漢與昭回
冷眼看時局昏昏合獲頭轉移仍節鉞嗚咽自林邱
尙環區滿名先太室留西州誰忍過腹痛紀前遊
留別子凝

高樓南斗正闌干煙外愁懷海國寬世事未能韜我拙
歸心祇覺別君難滄波畫角連天遠桂樹金風一夜寒
北去毘陵誰故里爲傳羈旅尙平安

答張甫見投贈

鬢邊霜雪半縱橫杯底煙雲百變更吳嶺荒鐘城郭夢
錢塘殘月鼓鼙聲榛蕪未翦千愁集溝壑相商萬念平

詩十

元求恕齋

離聚如今非昔比莫從憂患悔多情

望湖樓留贈桐君十首

拄腹吳山美棲棲向暮煙半生遊每誤一笑悔成顛行
旅過秋閩兵戎換昔年主人遲客久懸榻萬峰前

欄楯落天半披襟健倚風市聲多在水山翠迴浮空意
與雲千疊狂銷酒一中昇平託高厚厭湖霸圖雄

百粵屏荒服三吳絡具區望回天北極愁絕海東隅世
運看旌節生初負矢弧湖天聊臥起不信有窮途

紅葉復紅葉霜華知幾重官程乘野興老境盼春穠北
苑吟邊畫南屏雨外鐘崎嶇筋力在何有最高峰

蟬戀迎寒柳鷗尋未盡荷湖光隨物換山氣過江多哀
樂纏蘿葛心情各澗阿臨風渾欲臥起歎復如何
別浦垂虹雨危樓大石苔夢攀蕉葉舞禪趁木樨來善
解翻多恨能空亦費才岸巾與步履安得此林隈

何日山能買逢人借草堂一隅泉壑邃連鎮羽旗長盡
室鄰凶鹵雜揚半戰場江城舊池館一例薜蘿荒

世路龍蛇混遊蹤嵇阮豪石牀調軫逸山巷閉門高爾
我非飄梗功名忍濁醪萬干不平事來聽廣陵濤

中夏紛鉏寇高穹未棄民拯危憑任道寡術乃憂貧望
古幾同調傷懷自隱淪空慚余執戟誰伴爾垂綸

詩十

元求恕齋

苗格陳干舞山寒甘蕨薇故人能用拙吾道未全非相
約還成涕堅留豈當歸大風吹別夢遙傍虎林飛

飲陸定圃同年 以滌 衙齋醉中留別

東山游釣暮雲邊經典傳家媿汝賢莫歎無衣聊卒歲
共憐有母傍餘年荒衙鮭菜新醞醪上國鸞花舊管絃

廿載夢迴江岸曉鷗波浩蕩接烽煙

別姚仲芳 若

夕客理煙艇聞子病在牀不能走相別相思胡能忘子
有萬卷書而不城居藏輦之萬山中時事增慨慷贈我
柴桑編此意一何長我無五斗儲乃不求稻梁亦頗惜

朕脚垂老走川梁人生不相識多情徒自傷去去載君
意山路迴悽涼

錢塘別句生三首

昔別廣陵郡飄零君未歸江天愁不展城郭事全非百
道輸金盡長圍戰馬肥東南幾烏鵲巢壞傍入飛
于役來吳越江頭喜見君翻然俱下涕感不爲離羣斷
雁沙邊雨繁笳水上雲故鄉多野哭江表未移軍
此別難拋我君歸殊未然三年潮破夢兩浙石浮天病
氣幾時減看山亦可憐來宵石門月眞隔武林煙
留別六舟

詩十

王求恕齋

海國秋風約山窗十日眠問形忘物我當別悔因緣草
本延生致煙波戀畫禪東南魚鳥靜好伴爾長年

將歸江北留別沈朗亭學使

秋晚遠行邁海國逢故人天涯久搖落回首東華春鸞
鳳在天上焉識萬古塵塵中氣孤岸磐石高垂輪寇至
忍家食一劍眇九垓手枋無尺寸徒爾走踈踐行當脫
簪組還我長淮濱進止際患難離聚齋酸辛君子圭璋
器早充清秘臣藉藉六曹長衡軸參機鈞掄才崇四術
秉節馳朱輪盜賊之所敷教澤之所埤民氣根士氣世
運誰陶甄休文本善疾野王偶乞身不歸辜所守夫豈

尋菰萼古巷滿車轍臥開叢筠不廢琴書御偶接鄉
里賓太息飲我酒惻惻其言溷人生寄一世窮達同浮
蘋流離在身內孰非賦歎民大道善救物下者爲隱淪
斧柯不世出當路愁荒榛

錢塘舟中寄遠五首

道州何子貞學使四川

久遲黃門捷頻增大將壇世途今若此蜀道豈云難江
漢愁雲滿岷峨碧月寒輶車京邑遠忍復故園看
寶應劉楚楨令三河

詩十

王求恕齋

日春風遠餘生夕照西養親求一飽何處買霜畦

桐城左逸民隱居清河浪石莊

遙遙白屋晚寂寂黃河濱放眼天地窄看君懷抱眞一
卷野雲暮千里平田春未應旦夕死好待南山鄰

上元梅伯言戶部

往歲金陵破傳君惡耗多良朋徒爾哭不死奈生何京
國此身遠文章與運譎白門仍苦戰嗚咽大江波

桂林朱廉甫給諫

殿上朱雲直天邊賈誼哀干戈何日戢歸去望君來不
見離山月難忘燕市杯孤舟幾同調鷗鷺與徘徊

煙雨樓

水國已涼秋征人在秀州菊花開野店樹葉滿山樓是
處容沙鳥何年此釣舟歸懷勞日夕風笛起清愁
宿西水驛

黃蘆哀雁徧征途羽騎連江客自孤夢裏是非憑列子
人閒得失有潛夫幾時羣盜清三楚準買扁舟下五湖
塵土簪纓猶未脫隔江鷗鳥任相呼

嘉興郡博周未庵 賦 留飲衙齋即席賦贈

重九遙期客到家紫螿黃鞠尙天涯詩書吏隱能遲暮
談笑壺觴有歎嗟往夢忍拋三輔月斷雲愁憶八閩花

詩十

垂求恕齋

廿年余亦同顛倒來日離懷況成笳

與曹山彥

歲月宋人虛刻楮高明揚子亦雕蟲同文法物前民制
千載名流一技工餽口君平謀旦夕傷心伯道任窮通
秋風落木寒江遠我亦天涯逐斷蓬

夜泊嘉定郁港月下述感四首

昨宵山影認夫椒歸訪吳淞路轉遙北斗一杓猶吐燄
具區五派此乘潮偏鄉舊是詩書窟小醜今煩撻伐朝
夜色南天瞻滬瀆紅旂白舵海雲饒

隔壠人煙簇市樓石梁沙岸晚橫秋天中積氣二更白

海上輸金一水愁客枕自醒無過雁兵船相狎不驚鷗
漁樵歸計知何日戎馬書生早白頭

咄嗟萬事託高閭近寇依微有堠防日上暮更津卒臥
夜通魚鑰水關長東南權酷開淵藪華夏綱維孰主張
賈舶縱橫煙市暗戟門鼓角轉蒼茫

古人一一去山邱大地茫茫安所求自笑人中負贅物
每從天外覽神州窮愁詩史悲工部功業神仙讓鄴侯
遠樹空濛寒月落任從野鳥看扁舟

上海竹枝十六首

西北吳淞一綫長縣門黃浦對斜陽邨置水利從頭考
市舶叢居古上洋

詩十

垂求恕齋

六鄉舊割古華亭天遠斜連島嶼青往歲魚鮫連海氣
東南風起一城腥

樓閣如今列畫屏鼉更鐘鼓碎東丁紅旂高揭海西岸
新起英夷領事廳

夷居畚築日紛紛四野悲嘯吏不聞老館旁邊添別館
舊墳平盡掘新墳

莫云識字便爲儒名教綱常道義扶仙佛二宗攻不盡
更添一箇是耶蘇

先聲不數佛郎機吉利英雄力漸疲海上一隅羅部島

富彊今欲首花旂

修軀廣額細鬚眉譯教東來茂厥詞拍手逢人通姓字

慕維廉與麥都思

醫院懸鐘與屋齊鳴鐘人集午雞號局方以外傳叢刻

全體新書出泰西

海鄉月報鑿空談十二重天說蔚藍一卷通書尊正朔

上編中土下西南

怒足奇毛猛控鞭短衿窄袖錦襜褕懸金賂勝門題胸

九月重開鬪馬場

湖州絲價賤於麻湖口今年頗出茶換得火輪船上土

詩十

五求恕齋

不須更種米囊花

聖祚龍飛木虎年羣狐嘯聚一城煙為全玉石稽屠戮

釜底游魂井可憐

列營南北騎如雲日日相持到夕曛不是官軍甘縱寇

何曾寇不怕官軍

赤幟城頭賊箠驕月明城下客吹簫一邊商賈一邊寇

祗隔洋涇一座橋

波斯巧飾列奇觀百貨交通市語歡街道寬平城十面

人無土著土無官

三百年前唱竹枝前朝願或播新詞我來歌哭無人見

付與沙船屬粟吹

吳門遇王容甫 至權二首

憂時我亦同王粲無意人中得葛洪便擬同心求退壑

不堪萬事苦飄蓬飛鷹早讓青雲客搖落誰知綠髮翁

試上靈巖高頂望半川斜日戍旗風

精研道力敵憂患翻苦虛明解脫難晚歲無家役戎馬

嘉難折翼泣鴛鴦何年碧落妖氛洗十月金閭野渡寒

願見昇平留櫟朽與君聊乞大還丹

楓橋見菊花

渡江一百五十日浙水西南空看山歸路金閭波瑟瑟

詩十

吳求恕齋

晚風玉露菊斑斑半籬秋色湖邊好千里家園夢裏學

萬事蕭條浮艇去傷懷重慕野人閒

題黃石船天都蹋翠圖二首

我昨登天目西雲不可從夕烽橫斷嶺勝概讓仙筇去

日空嗷鳥君才偶蠶龍故鄉林壑美野興不須濃

旅櫬悲山叟忠魂泣故侯包丈世臣湯丈賡寒煙留臘

墨落日滿荒邱忍負看山約何時免客愁芙蓉青在眼

腸斷暮江頭

吳門別伯平二首

看山聽水耐煙塵旅恨區區孰與陳不是苦心誰識我

可憐無地著斯人
澆愁信手千觴蟻
抱道隨身百結鴉
照影臨流無別語
雲天空洞寫吾真

送我杭州復秀州
金閶門外更扁舟
半川星月留今夜
四野霜風入暮秋
莫歎浮生空識字
幾人抵死覓封侯
飢窮我輩尋常事
戰伐中原不肯休

已發芙蓉湖寄題惠山

津鼓催船趁北風
高樓留客憶疏桐
豪雄一世歲華晚
雲水滿谿山葉紅
卷幔關河霜氣入
壓牀杯酒雁聲空
誰知絃管重來客
依舊滄浪一釣翁

蕉隱同舟江南五閱月
既還江上作柳雪來思圖詩以

詩十

毛求想齋

志別

野籬寒菊漸無花
昔日馳驅正及瓜
遠道不辭霜滿鬢
傍君渾忘客離家
夢迴水驛笳吹月
路繞江村海漲沙
莫更逢人商出處
燈前小別一長嗟

沈浮身世等扁舟
半載相尋海上鷗
雁影蘆花逢小雪
狐鳴篝火向中洲
隨身宇宙貧交晚
動魄文章老淚流
遲爾城南三岔水
旌旂影裏再登樓

守風孟瀆四首

野雲不可盡
明月上江波
那惜年華晚
空將歎惋多
平生誰與贈
輾轉若爲歌
戎馬求生活
傷心劍暗磨

諸將愁深壘衰親
倚暮年窮通期有用
溝壑忍空墳亂
石泉爭澗高雲鶴
去煙出山聞道晚
風軌愧前賢

霜結孤鴻響風生
萬馬塵鷄冠空論
道麟閣不無人
擊鼓仍中夏梅花
又小春肝腸堪底
用元是腐儒身
風阻年年慣羈人
戀野橋山平紅葉
路船聚夕陽潮
戍改江村舊愁聞
米稅饒官程催白
髮霜色滿漁樵

守風三江營

扁舟如拙宦行少
住常多萬境能心
遣長風奈我何
幾人看落日幽谷
有春蘿相對忘身
世浮雲與逝波

江上憶稼軒

詩十

毛求想齋

子味如中酒年年
不去懷中原兵未
息好友願多乖
歲月一官晚冰霜
兩地皆尺書愁未
報鴻雁滿江淮
舟中述懷寄冰叔
四首

歸櫂不知遠天寒
苦憶君開顏應有
日執手復何云山
好麋吾友秋空雁
與羣不堪逢雨雪
郊壘未旋軍

紅葉寄孤賞青霜
亦自求眾人固不
識於世本無尤
急雨寒蘿晚窮漁
竭澤愁鮫人江海
去空有淚潛流

大木古頽放喧鴉
何是非智從更事
益老喜受恩微潮
滿羣流合煙深一
羽歸寒江有靜理
白月冷輝輝

卑處豈無擇削驅
還自嗟小人皆有
母之子况無家
成

船寒吹笛江冰曉作花昇平娛昨夢迴首看年華

歸舟至揚州石琴自軍田來既見有贈二首

睢陽風烈邁麟臺至性鶴原集百哀避地一家愁裏活

招魂千里賊中來雲屯虎旅平沙暗水落漁梁夕照開

遲爾征帆留北郭蕪城猶未翦蒿萊

巢父低徊復釣竿亂離進退苦漫漫山林信有同心樂

兄弟何曾異姓看破鹵幾時聞鼓吹餘年有地願飢寒

平生持贈無人見一劍牀頭血淚乾

揚州哭孟詹

天涯感離索迴權喜揚州為覓壺觴舊翻成涕泗流別

詩十

辛未想齋

君當溽暑與我話槍州分手雨雲絕傷心門巷幽河南

服子慎東漢賈長頭吾道誰為輔窮經祇益愁關山仍

粵寇身世屬吳鉤未解江頭甲還餘地下憂一編自堂

構萬念冷松楸回首看千古殘陽下楚邱

紅橋聞野哭

嫋嫋復絲絲哀鳴動遠颺似穿空外水不隔野田枝江

上幾家在天寒轉戰遲勞人不能寐愁泊月明時

江上哭海阜十首

海阜余從兄子名廣楫有異才咸豐癸丑病於軍歸歿應年二十有一

甲寅邗江歸舟出紅橋戰場之北寇猶在境海阜去吾已匝歲矣追哭以心章句云予哉

濺濺野溝水栗栗山巷風春霜折苦竹疇復知所終子

如朝林日奄忽淪西空白雲東國來零落悲吾宗

吾宗徙淮海滔滔垂百年父行六七人一一雲辭天落

落我舅弟散處東西煙振衰視爾輩諸子惟汝賢

汝賢不在才亦寡同調叔父頗自命真畏爾年少弦

月未滿毅誰見此奇曜沐浴寶持之在膝有歡笑

歡笑詎久長悽苦乃無暫詩書缺汝侍花木一牀暗搖

搖彌歲年何物予心攢待汝寬於兒歷歷留悲憾

我兒在我前叔父隔汝面一別汝安之煙樹滿川甸汝

父楚雲西身老一官賤我悲將奈何獨影況山縣

山縣首以曲憶汝將母來長不及余肩眉宇雲霞開雲

詩十

辛未想齋

霞在我眼珠玉蕤蒿萊落日縣門前家室窮湖隈

汝祖吾伯父沒葬山陽西汝豕近水北松小萋蕪低汝

婦髮覆額幽咽藏紅閨汝母益衰疾日夕牀中嘯

汝母望汝父兵火何年歸武陵亦殘破天遠軍聲徵人

生際離亂骨肉風花飛念汝訣我日回望天南暉

世危乘嶮巖知命審用舍禍機枉自投豪傑胡為者憐

子弄柔翰頗亦好鞍馬今日復何為孤墳對原野

野鴉滿船頭葭葦風凌亂永夜聞軍笳起視明星爛國

殤新戰魂燐火漬江岸哭汝不能聲萬事併三歎

歸舟雜感十二首

萬方垂耀紫宸霞山海軍書自一家絕徼風沙生鬼蜮
中天歲月有龍蛇羽旂樹隴氓編甲玉帳連圻帥建牙
草木變衰歸計晚江頭老淚滴清笳

誰使弦高速寇來廣陵城邑又蕪萊萸灣月色重湖冷
瓜渚濤聲萬木哀代馬乘秋軍帳合吳山銜日估船開
一隅捍蔽能耕鑿辛苦貼危節鉞才

巖疆作鎮南徐重治世屯兵北府閒水柳烏篷京口驛
春風黃鳥戴公山三年組甲煩熊騎一角煙蘿擁觸蠻
夷難江城猶未復幾時山黛展愁鬢

王氣燕山甸服遙軍聲暫駐白門潮金甌化日開三楚
鐵鎖愁雲斂六朝宿衛老成憑向寵偏裨獨出有張遼
一聲戍笛鑿江上淒斷秦淮月底簫

詩十

三求恕齋

中原滋蔓走豺狼萬里天威自朔方白騎黃巾通渤海
烽煙亭障起漁陽控弦虎旅三河士仗鉞烏桓異姓王
那許潢池兵久弄捷書勞盼漢明光

高唐市歲尙橫戈專闔聲威近若何鄧艾人傳驕兩蜀
莫敖自用小諸羅蒼涼古月魚邱嶺歷亂青燐馬頰河
爲問縣駒今在否風煙號泣不聞歌

州開南豫風侵古寇致尋陽禍有階八郡連營新壁壘
六師行省舊江淮荏苒剪伐街懸首舒蓼流離斃析骸

聞說元戎近乘勝昌黎碑版待磨崖

荆襄千里幕嗷烏道路初平草木蘇山市人煙漢陽渡
戈船鏡吹洞庭湖潰師李聽癡良史代將隨何不腐儒
皖水東偏方告警援軍早晚下洪都

滬瀆勞師臥虎貔踟躕斧鉞待鯨鯢笙歌并邑環兵戍
樓閣煙波雜島夷四海沙蟲天煦育三吳風鶴歲憂疑
稅人黃浦江頭宿照水蚩尤未偃旗

天時人事未蕭條征伐誅求偶 聖朝血淚輸供歡士
馬津梁酷樵到漁樵生逢 帝德眞堯舜言秉周官望
賈鼂草莽孤臣同鍛羽東南烏鵲正飄搖

詩十

三求恕齋

山癯不類鳳麟姿下士羞蒙國士知賸有莊周蒿目歎
虛過江總黑頭時寒蟄煙草迷晴坂沙鴉風蘆失晚枝
悲極狂思生羽翼干戈滿地客安之

官柳空條委陌塵煙皋淒冷似殘春有家等是無歸處
將母難爲未死身苦霧待天開日月康衢隨地翦荆榛
傷懷漫作蘆中歎鐘鼎旂常自有人

遙夜二首

沙卷金風木葉乾旄頭星落早秋殘射雕未改西涼部
刑馬重盟大將壇壘上旌旗新氣色江邊歌哭半飢寒
六師足挾三冬積冰雪何愁轉戰難

臨風歌歎復聲吞歸路悲笳隴上村大雪一衾能自煖
孤斟雙劍與誰論雲橫日月分明揜潮犯清江澈底渾
遙夜未知棲泊處天邊萬里望 君門

甲寅秋家大人歸自浙手一編曰五月中愁思旅裏
都於此矣敬受讀之詩凡二卷總三百二十七章請
付手民不可單興以來載籍燔毀寇仍江皋懼藁放
佚父執索觀尤殷殷爰梨棗用代傳鈔云爾男廣
稷廣牧謹記

詩十

求如齋

心鄉往齋集卷十

心鄉往齋集卷十一

曲阜孔繼鏞著

吳興劉承幹校

甲寅

江上集一已
刻燬於兵

古意五首

知命葆厥常履順去其太飄飄風吹衣塵弗在躬外緯
蕭晨雞鳴破屋省明晦是非豈徒然物不假著蔡往路
心盤盤勞人憂旆旆將身青銅中一稿無復艾動靜自
希微橫空結竿籟落莫是榮名歡飽等麤糲

登山莫乘險問水莫臨深深險豈云擇以力視所任淳

詩十一

求恕齋

淵有潛躍靜樾多驚禽中才涉濁世能不懷苦心息夫
冒忠謙寔修生悲吟鷺白而鷺黑踟躕還至今靡蕪山
上路下有嘉樹林蔽芾在窮壑幽獨良所欽

上士受天職豈不貴辛勤蜚鳴逐棲食枯苑空芸芸大
隱為一身逸死徒訢訢舉措植世命歌蹈福其羣人生
豪一世雷霆天下聞勳績壽鐘處孫子蒙芳薰下有飢
渴民上有堯舜君七尺墮窮賤吞聲復何云

言涉淮東山瀾浩不可卽一髮天橫閱其去萬千億羽
族家水邦蒹葭連地極城邑如浮萍中著野人笠寒菴
入門樞十月語唧唧脫我征衣裳面顏世已識空洞雲

深重了無不可測無田與兒耕無桑教婦織

無田亦云樂其樂當奈何白日墮西崦高雲落嵯峨餘
年託地覆蹈舞邊知他百羽號空枝得復青婆娑黃石
不可餌飛瓊不可羅少小事神仙兩鬢垂寒華出門復
入門南朔驅羆多遙夜一長歎濱滸同江河

廢畦

幾年別畦水亂漫趁人行曲折豈無所荒寒亦有情春
風蘆蒼短斜日桔槔鳴坐憶浮生理湖天晚照明

漣水南莊飲酒四章示從弟鐸

金石有摧剝百體胡為哉殘陽下禾黍驅馬東郊來今

詩十一

二求恕齋

日我與爾同好無嫌猜種種頭上髮不及沙中萊青蒼
陂隴色萬古寒雲開浩浩一杯酒鬱鬱多風霾天地霽
以澄疇識胷中哀

秩序肇性命由動不由言笙竽結萬籟喉舌何其繁井
蔓離離葉原菽絲絲根根葉豈自為條理難深論瞻彼
大田月融融照籬門煙火歟族姓一一河上村河流不
可駐且復盈我樽

一酌物情遠再酌寰閭寬門中有蒺藜莫莫余心酸我
家東山東天府中盤盤漂流大江北風雨歸雲難披雲
望諸父高墳同嶺岼汝兄隔楚水弗獲聯飢寒今日民

爲長感者非一端

逝年不可追孫子重佑啟爾我有母慈加餐益心喜言
笑幾微中萬感潛悲涕短垣長寒花老圃鬢荒薺在門
維我車命庖貢嘉鯉此夕膺以心舉酒各前洗一息貫
明幽神途鑒人禮

王烈士畫水石

烈士名建輔字瑟雲儀徵人咸豐癸丑
粵賊襲揚州盡室陷城中父僧保不食

死婦見殺長子爲虜抱次
子懷中以土囊自壓死

江淮多隱淪早識王牆東令子奉几杖真意猶兒童偉
哉鳳之雛光氣長天虹丸丸徂徠柏片石齊崆峒藝事
以人壽焉校拙與工矧茲空堂上寒翠蟠蒼穹往者西

詩十一

三求恕齋

庵秋百升羅丹紅一松照石榻杯酒誰我同廣陵萬戶
哭日夜淮流東歎蹤零落盡老我孤飛蓬俯仰一長歎
四壁來悲風

哀哉行九首

揚州少年輕且揚城危旦晚如平常揚言賊至不我賊
勿先獵虎先牛羊百官遁逃空城府曲爲嚮導授蘊藏
蘭有荆棘苗有莠遂令玉石炎崑岡桂花莊北蓬蒿長
揚子橋東多戰場青燐黑雨宵迷茫哀哉少年填委碧
血堪瘞傷

揚州少婦桃李時翠幃錦幄嫵娟姿兩騎索縛渡江去

芳華苦悔摧殘遲賊中論賞強歡合好花折賜桂荷兒
才人厮養古所痛況乃黃鵠悲孤雌千金贖身重繭出
關門咫尺歸途危官軍攫肉如梟鴟哀哉少婦一死之
難誰其知

揚州童子眉目殊家人温養如明珠奪截縛置馬頭去
陽爲假子陰爲奴朝佩鱗蝶翔鄉閭莫隨戎纛當前驅
不教識字教弄戟剝面勢腦爲歡娛饌炊金玉衣珠襦
賊之憐愛逾割屠我欲盡語悲模糊哀哉童子父母哭
兒兩眼枯

揚州女兒何盈盈鉛華未了刀鎗鳴前軍不聞破陣子

詩十一

四求恕齋

大隄爭唱董逃行宛轉嬌鳥墜羅網芳魂一夕千疑驚
一死二十五人坐鈿車活獻金陵城後庭毳帳花縱橫
弓檠羽珮牙幢旌虜筵樂奏潛吞聲哀哉女兒不哭夫
婿哭父兄

揚州儒生何桂嶽臨難視死無徘徊布衾正作北窗臥
紅巾一到南門開豈無經術紹賈鄭頗有文筆凌柳枚
空城鶴鷄叫枯木酸寒齒脣無人理 天家四庫頌江
隈文宗文匯同塵灰白頭著述胡爲哉哀哉儒生古來
識字多悲哀

揚州百賈雲駢羅淮泗湖海江漢河積之錙銖拋泥沙

嘗算苦少今苦多先期卷握能幾許探囊發匱隨林阿
日中貨殖國上計亂離生事徒乖譎陶朱之智復何用
翁伯善販同蹉跎市門白骨高嵯峨哀哉百買更聞新
稅愁如何

揚州嵯業雄高貲近二十載非其時變通益半政多術
舊商捐瘠新商疑道路蹇阻罷運轉中原浩蕩多旌旗
盜賊不至飢寒隨剝地大索無立錐城中一一佳園池
十尺草長搖兔葵風廊月樹眠狐狸哀哉嵯業全盛之
年豈能追

揚州方外生復空金沙碧落來悲風蕭蕭香林紫芝館

詩十一

五求恕齋

殘陽敗榭寒蒿中初地清遠集詞客石壇簡寂宜山翁
元棧高坐無片瓦打包乞食同飄蓬素王俎豆侔齋宮
推毀堂廡迷西東二氏枉泣天夢夢哀哉方外浮生適
際窮民窮

揚州老人生不辰齡頽齒宿罹艱辛攻劫標掠不中用
無多筋力備其身鼓鞞鈴鐸坐風雨春扇確磴連宵晨
老人星暗南斗野積屍與鬼而相鄰家有孫子骨肉親
授衣授食皇之民宛轉一息留荆榛哀哉老人忍死
重視唐虞春

甲寅除夕

塵境三軍在看山一歲空長爲異鄉客眞作白頭翁小
縣少歌吹無田祝雨風北堂聞笑語吾道未飢窮

乙卯

得武陵書

開歲暄風日淮涘雲洞洞平生友朋愛且復連根荻患
難誰禦悔念之中悲摧驚波浩地軸日登江上臺雪集
野無草春遲園有梅哀樂何其多征人殊未來三歲一
消息弗鬱胡能開失宦不足歎老矣孤徘徊
送甘巖之浙江

詩十一

六求恕齋

人生一世閒忽忽風落木登高瞻四方羣生半危感顛
倒豔浮名握齷數田牧坐令肌骨銷空徇歲年速既甘
原憲貧安用季主卜子亦龍中羽稍稍謝縛束告我之
江遊魂夢已川麓先隴缺展謁往省松楸綠軍聲淮水
頭高岸夾歌哭沙石蒺藜中門戶多單獨東南道路清
舊遊在心目何年買一畝與子種松菊
贈周還之

盜賊中原滿綱常大義扶江城諸將在草野赤心孤成
敗皆天意流離且道途凶門授命者髓血已寒蕪謂張烈士

憶浙西

我躬集百好善舍無留因姓氏滿鐘虞雜沓空中塵川
麓去我遠逝景棲心神少壯閉門居嚮晚爲征人赤紱
照青山林巒生笑鬢百歲復有幾黃落悲上春自維所
有力磐石堪垂綸

城北杏花

上苑萬千樹榮枯見已多好花能寂寞芳序遺蹉跎雨
外明村舍風前落澗阿世情宜淺醉驢背客顏酡
寶應成氏三孝子詩

白田心巢子兀兀事編輯娛親戀庭幃傾身向蓬華柱
史謝述載祖德忍韜戢示我先賢傳授讀有鳴吧賓筵

詩十一

七求恕齋

思溪公名憲孤露家壁立父沒廬墳邱赤淚漬原隰哀哀
交三公名康父成年餘十一步一號訴萬里乞養給思
溪有來孫名原正字時夏在幼凜出入不娶願永解不仕願長
蟄張密載魏書封肉代藥汁半載凡五割潛忍出剛急
億古哀其愚愚乃不可及嗚呼三孝子天地誰階級履
之自尋常一門世相襲誰無父母慈使我百憂集至行
冠淮海直筆告都邑

連鎮之捷

初撤津門戍新封部曲候春雲開上國化日滿滄州急
趁潢池捷全紆 黼座憂小臣復何事舞蹈海東頭

送秋谷

國事方多難 君恩忽放歸風塵千里暗草莽一身微
戍鼓迎官舫江城戀夕暉別離感同調余亦拂征衣
蓮池庵述感

南城臨水寺落木聽經堂大夢重開眼浮生幾斷腸悲
來憶先子愛此坐斜陽初地蓮枝白諸天貝葉涼塵根
奚待覺仕止動相忘遊子岫空陟枯僧塔亦荒山齋足
清曠江縣半流亡傍母庭闈晚從軍道路長詩書眞錄
錄金鼓正茫茫登覽餘悽愴何因叩梵王
乙卯上巳謁先大夫墓

詩十一

八求恕齋

存歿一以判終古成乖睽矧茲遠荷戈弗獲守故畦出
門動經歲甫歸神瞶迷拜母燈燭光鼓櫂及鳴雞昨宵
射陽北今日洪湖西林木羽族聚野色雲容齊高墳寂
無聲春草煙萋萋往日兒遠歸親手爲提攜衣裳惜兒
做面目憐兒黧今日兒來前徒作嘸鳥嘸門中有歡笑
啞啞子與妻彼非我一身疇識心酸悽盛世闕離亂道
路多鼓輦有母不違養安得留荒谿再拜別荒谿悲苦
語蒺藜坡壠結曾臆風雨毋淒淒

題清河小南寺壁

寺有隰西草堂明萬
年少先生橋寓所也

禾黍泣遺黎零落絕生理青天蓋一椽陂陀託臥起少

小踐斯境披徑拾芳芷重來角城南白髮照煙水高勳
賤隱逸知命視通否萬古蓬蒿中荒寒有倫紀
移藤

深院藤枝蔓金井綠蘿小鳥嘯春影手鋤乘春亦偶然
物色生態憐光景卑山多曩風雨荒十年冑樹陵高蒼
滿引金爵忽大笑頭顱種種何時長

湖城春夕

痛醉宜千日深愁豈二毛清宵當戎笛歸路有征袍湖
海春陰台雲沙戰壘高飄零江上雁聞見一悲號

燕

詩十一

九求想齋

風雨失歌舞江邊幾戰場斜陽開水國生意戀茆堂眼
底難能翳秋來壘漸荒主人求樂土天地轉茫茫

蓮花社坐雨

濁漭損游鱗棘木戾飛翰古屋城南端堅坐忽忘晏昔
也溺所私動味近與遠江鄉二十年負歎此蕭散槿門
向灌莽茨垣謝塗墁我來日滿川亭午一僧爨野水有
新煙淺草未歸雁襟帶迴風涼几榻濕雲亂方塘晚春
花一雨洗爛漫古賢不可作遺構動嗟歎食息非偶然
努力事昏旦

過心巢味真腴齋

衣冠墳典概興壞一人識字取人怪漢阡宋陌水同涂
曲士顛門苦分界干戈淮海如蓬麻春深愛過南鄰家
湖城白日照老屋一燈坐對垂檐花

題夾竹桃

竹外桃花三兩枝紅紅白白兩相宜如今離亂從何說
萬緒千頭併一時

廣稷之浙江書示此篇

于少不學父無矩矱我疏慵汝椎魯播遷異地少田園
生怕餓死貪簪組但道一官能救窮唧唧百口寒號蟲
短氣苦心學罄折低飛一任人雌雄金張衛霍聲隆隆

詩十一

十求想齋

珠履劔珮明光宮行臺節度控萬里牙璋金鉞樓蘭聽
乘權自足躡雲日有命直可齊窮通倅車監郡古未級
我已厭爲使女習人生可貴亦可賤偃蹇離纒勉獨立
大好山水餘杭州此行兼爲勞人謀江湖舟楫有來日
老夫散髮東南遊

東靖卿

牢落淮南隱高歌白雪哀廣文無學舍小邑有澹臺春
向寒林發愁將笑口開滔滔身世感莫到酒邊來
短歌行

形容與兮世云跛遵大路兮眾笑左鳴蜩有柳鳩有桑

誰謂先生際坎壈鷄犬盡身不裸負郭無田腹能果
不死高歌死便蕤翩翩緝其能那粲粲之子善婀娜
心翼翼者憂思夥獲鶴變化徒爾猜雞蟲得失一何瑣
機槍動搖杆軸空瀕江十郡九兵火采山權水司農愁
俾馱富人無一可駕言東海波滄瀾陟彼南山石磊礫
刈薪釣魴豈徒然智塞形單營一我我車匪豎馬匪瘡
白首青天淚交墮

過清河仁和里

半生天下游延覽疊新故事非心所棲囑復規其處當
門有奇石西巷有嘉樹俯仰五十年總角忽垂素門闕

詩十一

二 求想齋

委箕裘旅宦遷農圃既往不可說一錯焉重鑄金城子
孫業豈獨贏秦誤五里一徘徊一步一瞻顧雞犬里社
歸鳧雁陂塘聚夕照滿長河艱難視行路

張精一輓章

精一以字行北平介石老人子老人善奕
文喜笑宗師精一終身不娶冷曠肖之客

死秦郵榆次張君鵬展紙之杉
原庵余將訪其先原謀歸瘞焉

高沙城中多北風山寺黃葉吹殞宮異地家世味所自
故人風義存其終憶昔童年共游釣老我薄宦隨兵戎
出城攬涕對湖水飢鴉拍拍嗷遙空

召埭九松道院憶熙載

止舸水雲曲升墟千萬家似擾餘木石仙觀剪丹葩念

子昔棲偃疴疾愁無加東南罷殺客復此停軒車浩歎
與長風春去其何遲夕矜散松色石路披若華彼美在
心曲引爵孤流霞

送廣牧之京兆

風沙灼地炎雲禱六月不雨無行舟陽侯北徙濁漳台
太行山脚黃河流騰蛇折鱗龍解角朱陽長坂征人愁
九天九地動兵法金箱金櫃期全籌正月俘敵靜海縣
四月再捷高唐州厓谷漸清戍未已控弦負弩冠兜鍪
陔陀上谷道經此荆榛齒豁荒無收一僕一鉞車一轡
嗟爾穉子登遠遊彰儀門外石道北濺濺野水通蘆溝

詩十一

三 求想齋

東山播越二百載高曾封植留墳邱豆觴千里關展謁
旌旗滿眼心松楸吾兒願幾丹渥面汝父衰颯霜盈頭
努力修名樹先德羽儀不在關弓裘方今 天子聖且
哲春秋鼎盛端垂旒甘泉尙遲黃門捷丹陛未解蒼生
憂不廢干戈事禮樂真才大比賢書求當代珪璋重科
目互缶賤鞅明堂羞少年潛躍視根柢集枯集苑非所
謀菡萏花發河之洲蠅蟻茂樹鳴山郵險微時事川涂
修那得閉戶同拘囚長安故人多索莫傷心盜賊言吞
喉但道勞人勸執戟無田願飯南山牛

揚州別殷時

多病無家客長飢未死魂冠邊歸令子人世有儒門分
手雨中權傷心江上村北堂親健在同是乞盤殮

高唐之捷

黠虜清河據雄師勃海來 天威近雲日聞帥有風雷

淇石征徭滅畿南道路開築壇望吳楚國士莫徘徊

雨宿棲雲山館留贈黃子鴻四首

輾轉升沈路過從二十年旌旗飄涕淚蘿石幻風煙那

有旃檀地難求句漏仙眼前活人術哀乞濟時賢

置我不知處窮湖絕島閒笑譚無負郭才力賸看山醉

夢眉能展昇平鬢亦斑茲遊復何事三日坐蕭閒

詩十一

三求恕齋

古巷槐長夏幽窗雨暫秋同人忘離聚之子獨清愁江

水幾時際山雲不可收燒燈惜良夜默默看吳鉤

努力先疇遠孤危晚節存花仍開曲沼道各有衡門高

閣一鶯語南天萬騎屯勞人亦顛倒出處莫深論

薛蘿

生死纏綿意興衰寄託心愁邊入風雨江上幾園林海

國柳州歎薤城杜老吟漂搖無屋補俯仰淚霑襟

贈汪小汀

天半曾聞老鳳聲竹西歌吹又蕪城黃墟已盡孤兒淚

赤羽猶懸漢將營按劍功名劉越石傷心詞賦庾蘭成

江關一夕連牀臥風雨虛堂白髮生

重過東隱庵示馨上人 王重九招同人集揚州東隱庵逾年城陷在城死難者羅徵

君士琳王文學僧保楊上舍亮城外後先死者吳上舍樸生汪明經秦劉明經文淇是日咸集於此俯仰

三年注然有作

亂餘殿閣委空煙祇樹重開舊講筵生死後先同大夢

人天歡喜定何年緣江筭粟三城戍插帽茱萸九日篇

物外何能拋百感廣陵寒月晚鐘前

夕發仙女廟

嫋嫋門前野水波離離殿角晚春蘿靈風叢木巢青鳥

寶霧雙鬟湧綠螺沙市夜燈關吏語石梁明月買船多

詩十一

古求恕齋

露筋祠年年客衰白塵勞復此過

沙頭水宿

風水夜刁騷飢鳥叫賊壕星河軍帳合沙石鬼燐高何

處吹羌笛三年敵袍窮黎語征士不獨爾哀勞

夜半

臥起渾無定孤舟夜色分江風杯瀉月山雨夢連雲枕

上斷漁唱笳邊來雁羣百年筋骨在元不悔從軍

野興

南徐雲木吾所愛野興盍觴秋更賒竹林四壁石紅葉

招隱一庭霜菊花城上幾年賊吹角江頭今日僧無家

斗牛妖祲漸衰落將士長征休歎嗟

追憶

歷歷潤州城北路丹樓粉堞暮雲開
蘿窗隔嶺通黃鳥
松巷尋花破綠苔
命酒僧廚春甕滿
買魚山市網船來
重遊回首燈前夢
萬事傷心江上臺

遠望金陵懷黃子湘江北

建業城頭眺夕蕪
舊遊意氣滿江湖
翩翩濁世佳公子
渺渺余懷楚大夫
東海浮家多戰壘
西河痛哭況窮途
鬢毛我亦垂垂禿
晚樹江潭落日孤

題焦山石壁

詩十一

五求想齋

羽帳牙旂夾岸秋
樓船笳鼓截中流
長江殘破留孤嶼
曠士登臨亦百憂
滾滾風濤天設險
茫茫雲物我何求
北堂衰疾君門遠
坐對蘆花空白頭

焦山贈月上人

鹵騎橫江來東不踰潤州夫豈寇
知止厥績良有由
焦山東海門崩浪
無停舟山僧不失守
水軍能上流豺虎
始入境一一空城
秋茲山盛竹木不改
平常遊樓宇好
雲日彝器完商周
大美既克建小勤
因並收旂常待有
功苾芻其何求
採風埃來會庶用
勛同仇

寒江贈几谷

結廬萬峰頂野僧兼畫師
拄腹足蔬筍兀兀無俗姿
胡爲開覺塗乃多愀愴辭
大風臥失徑苦竹荒無籬
四嶽日增壘那有還山時
早願結南鄰無地尋西枝
清角遠天曉寒風江上吹

荷花池守風

言涉江上山往路屬津筏
三日阻無渡緣境見顛越
煽炎曦秋袷呀蒸石骨野
芳掩無姿水禽出復沒
四天仰寸雲何處求
林樾蘆洲海岸長荆楚
見一髮江水不知愁
湯湯送日月

八港口

詩十一

六求想齋

轉樞不知處蘆花欲竟天
荒灣風聚舶小吏晝攤錢
隔水青山在看人白鷺
眠健兒堪久戍吹角暮江邊
大港月下憶冰叔

孔融尊酒復何事
李白文章空爾神
生際艱難貧賤好
我無兄弟友朋眞
三閩老屋兩頭住
一葉扁舟萬里春
未了干戈孤夙願
紛紛江月暗黃塵

氣病二首

氣病胡爲爾吾衰亦自嗟
往年空度日秋葉強爲花
霜益北堂鬢雲深南楚
笳低徊江上臥萬里望京華
願事尊生術曾無辟穀方
艱屯視心力流浪悔文章早

失驂駟步晚隨鵝鶴行
桑榆瞻氣色吾道未蒼茫
棲雲山館看木芙蓉贈范老兼柬子鴻

城晚角聲亂鳥散江天黃林亭近賊
藪竹石迴悽涼水南芙蓉花麗質含秋光
榮不失佳序相賞聯清觴忽忽邈世客白髮臨風長攀花一拊心四坐均其傷
蹇至冀來悅春謝悲殘芳主人玉樹姿顧影同頽陽淮東急擊鼓海上需餼糧征夫不知老垂纛尙戎行

野泊憶大兄武陵

雁書不至望南煙草樹雲沙泥遠天少壯形骸疑隔世
湖湘舟楫渺如年空村寒色秋垂盡野水孤花靜自憐

詩十一

七求恕齋

滿眼流亡思骨肉干戈休阻暮江邊

仙女廟夜發

水樓燈火在街柝四更餘溪艇冰聲聚霜林野氣虛戰

場消歲月宦興等樵漁榮落是非外江鷗有定居

孩谿

舟楫不知止園居有夕陽江風翻凍鶴山氣發枯楊近
成得耕鑿經冬盼雨暘昨宵望孤矢芒角指天狼

譙山禪堂月夜寄贈周子堅

貽樸

十一首

萬族盛意氣我乃羅商秋瞻彼寥廓士亦復叢幽憂締
知既永久雍鳴如有求落落湖海風瑟瑟瀟湘流就食

天一方嘉會歎有由奈何籠中羽不及河中鳩合離益
之疾日月何其道

鵬鷁黯碧血寶劍寒千年持贈世不愛壞壁還自憐勿
以詰曲坂怨彼珊瑚鞭孫陽骨已朽野駿同荒阡一朝
復一夕花石羅堂前一花復一石光景銷孤妍散髮自
前洗破鏡生遙天

早年謝華軒中歲杜蓬華衰白不知兵突兀參戎律我
官有琴瑟我園有梅栗深沼魚所潛大野龍之逸天與
晏平年日益懶放術百口謫向我我樂乃非一我勞夫
何如豈爲飢寒出

詩十一

六求恕齋

蒼迷走榮勢流浪多姓名石屋菰蒲中抱膝豈無成戎
戎五嶺戍遙遙鬼方征誰令稂莠種旁側中原生百道
計泉府築室謀軍城汲多水枯涸樵急山童頽攬目有
餘愴放論無能聲隱几不得寐八表雲縱橫

民間萬帛粟官家片言詞道在無同樂安敢儲所私餘
者輔不足安者存其危洩我乃生我悉索其能辭狐鼠
嬉以遊鳳麟不得知羽書急傳戰天上搖旌旗殺賊如
流水軍輸無已時

秉心一清約引領多蒼黃虜騎西南飛零亂江聲長羣
鳥畏飢死不敢凌風翔擊拳飽來鶴鶴去低摧藏蠶茲

不足歎荆棘天茫茫冰霜苟存活疇弗貪顏光人生寄
一飯生理多悲傷

衣食逐顛沛上智難環周形骸草木中毛髮先清秋我
有好羽翼願破樊籠遊矯矯人中龍混混泥中鯢動變
自相迂造化良悠悠升高攬雲物其下林壑幽谷與以
長年何事叢煩憂霜氣苦竹逕夜景臨江樓隔山隱笳
鼓百里無眠鷗鴻雁高天嗚迢遞荆襄愁

翱翔不死天金闕而玉房兩鬢不我綠萬木相與霜珠
玉變礫石焉知毀謗傷深苦夜光氣無地子攷藏疚心
事磬折愛者謂之臧君子孤且直舉世憎其狂

詩十一

九求想齋

大業植世命士不貴家食蹇蹇時哉翔肯與天爭職委
身叢薄游持心日月側白日不照地晝作太陰黑願左
無通涂洞曉有英識離亂閱我躬更事忱苟得討叛冀
霍衛治本仰夔稷

海上釣鼈客攜手楚狂人翱游 聖明世弗獲巢許身
五年江表戍十丈旄頭塵隨分百僚底憂患全其眞湯
湯揚之水鷺鷥胸山春安在相視笑然後通情親

於役涉江汜言登江上臺相思不可見令子天邊來是
非零落中歡我愁中杯暗榛蔽曾嶽大石橫古苔霧露
杉上雨潮汐山根雷蒼葭動地軸萬里寒雲開可憐海

門月流光孤徘徊路晚復何嚮世濁難爲才會當良風
發贈我胷中哀

寄懷繡山四首

萬族欣有託君子義斯敦鳳麟羣一世奚暇求雞豚太
行擁京邑嶽嶽金馬門飄搖二十載望我心所尊平地
盛鹵騎遠道風塵昏風塵不可開吾衰誰與論

二氏久中國異教更西夷守土錯經緯盜賊之所基城
邑競尙武儒冠益云微東山弁羣嶽雲氣隆崔巍宮牆
萬世藪文物高天垂變理得所宗足以扶蔽虧

之子孝友裔玉質而金相入爲綸閣重出爲天下望華

詩十一

千求想齋

落念時驚涕泗紛霑裳顛倒狂瀾中力挽非文章餘力
見肝膽詠諷多悽傷屏營埃時會上有天蒼溟
稚子走京兆傍君如家人異縣念所自本根同一身播
越浩無歸俯仰傷心神衰白再執戟患難忘垂綸降志
溝壑前願賂斯民消褻褻何階袞袞東華春

心鄉往齋集卷十一

心鄉往齋集卷十二

曲阜孔繼鏞著

吳興劉承幹校

乙卯

將之上海寄別心巢

百齡瞬息耳旦夕何紛紜一身墮遙野萬里當天雲納
納雲陽郭無事安耕耘冬月雨雪稀桑柘開晴氛居人
掩門巷行子趁斜暝鳳鸞天上侶麋鹿山中羣食息一
長歎自私非所欣大道期實用虛名賤高勳百職一無
補那足言憂勤愁乃弗可輟野水盤沄沄靜者樂蒿堵

詩十二

一 求恕齋

不蘭而自薰勞人坐愧恨申章復何云

渡江四首

六合翱翔一尉羅馴禽介鳥不同柯豈無服馬叔適野
如此風波公渡河痛飲不辭桑落酒行吟何處葛天歌
寒雲苜蓿秋山晚回首中原鐵騎多
年少西京執戟郎衰遲慷慨復戎行敢云舉世人皆濁
廣有孤懷老更狂流涕染絲徒墨翟遊心齊物小蒙莊
駕言四牡憂如結羈旅東南道路長
戰地孤游感不勝悲涼豪氣滅陳登草深人抬頰垣燼
月黑燐吹斷塔燈霜墮鹿盧蒿沒井風塘笳笳浪侵燼

羽書江上無消息白髮扁舟一夜增

圖山南去更天涯風急寒潮響岸沙一枕大江仍漢水
六朝今日此蘆花海鄉久戍留邊馬月隴驚輦起夜鴉
轉地星河隨客遠陣雲開處望京華

亂後

亂後坡陀多棘荆短短燕麥山無鄰幾株赤柳不藏鶻
一路黃沙深見人西日欲墜野田哭幽草可憐江水春
高岸昏鴉傍船宿勞人繫纜空霑巾

江上四首

江上假言歸掉頭忽長道緬彼路悠長祇益親衰老將

詩十二

二 求恕齋

事心乖違斟理境顛倒荒哉委塵波往矣踐霜草遙遙
水上星沈霧不可掃紫微正天中雲氣如羽葆
過江車騎少刁斗聲亦微奇險不在面歡各忘所歸吁
嗟一世中誰與勘其非行行見白埃墟里相因依雞犬
戀煙火曉日開林霏志士貧與緣言之中腸悲
今日天雨霜昨日草猶綠物候有常稽人事安足錄禍
患因以利潛笑看人哭天豈不厭亂陽莫拯陰伏開窗
飲我酒沙鳥嗥叢竹遠客兀無言萬轉胸中軸
才位有分限時會無定端平地邁奇劫賢哲當其難五
載賊心目魂夢連憂患老漁江上磯亦復多驚濤出處

兩無所此行誰使然浦激有風笛助我長宵歎

無錫贈黃生瀛伯兼柬余子蓮村

貨殖龍門傳神仙鶴上秋能為塵市隱深識老夫愁滿

目無家歎孤懷負笈游仲弓潛姓字德化感同流

金閩寄伯平

此地昔分手重來落葉深市聲吳會曉寒色太湖陰離

恨不可輟高蹤何處尋預儲千斛酒愁歎與深斟

聞楚楫三河之計哭之吳淞江上

交遊卅載揚州郭難忘梅花嶺上春薊北淮東真隔世

儒林循吏有兼人酌君荒岸停官舫老我歸年獨釣綸

詩十二

三 求恕齋

仲子抱經何處哭故園門巷正煙塵

乙卯滬城除夜二首

五十四年冬又盡重來水國閱青陽地經兵火城煙集

人雜華夷海岸長島市冠裳驚異俗雲波樓閣儼仙鄉

懷柔八表咸賓服不假 天威小夜郎

瓜代江頭未有期冰霜遠道夜遲遲小人將母羈離日

大地逢春慘澹時周禮澤梁曾不禁中原貨殖本無私

峙糧吳楚軍城急駱馬征夫鬢欲絲

丙辰

古椒塗環歌寄平齋

湖州博物今第一遠道遺我明月環珍瓊名釧舊戛裂

眼明手握如珠還截肪膏流蒼文水嬰垣玉出瑜次山

大象初取冰鑑滿中空巧作桑鉤彎刻鏤雷回博山篆

發越鼃采湘筠斑不成圭璧近服翫物命亦有天心慳

肉好相連製相襲組綬章弦用不一齊后妙解瑯琊圍

柳卿拜賜湯沐邑夢裏華胥宛轉歌刀頭古成娉婷泣

人生無乃太區區鶻不攻心肝愚西京魚燈照龍匣

咸陽玉雁隨金鳧吁嗟此環閱太古淺恨深愁種碧土

佩援薰籠宰相家條垂寶馬將軍府妝樓閣道知幾年

松門蒿蕪鳴幽泉紺血芳魂散銀海緇囊纓珞空秋煙

詩十二

四 求恕齋

化爲條脫吐寒馥氛氳不藉凝脂沐溫岐吟賞李同歌

人間信有古香玉尋常待買連城高握齷之夫齋一毛

南嶽隱居仙瓊玖西都平子金錯刀美人之貽古有之

脫贈不抵先生豪附以尺書長太息殘破流離凋物力

高嘗大賈揚州城江甯之東鎮江北弦高賤者不足罪

誰把三城送盜賊壞雲一縷過江來拉雜摧燒只頃刻

賊退還家掘所遺取貸升斗飢腸逼入市莫識楚白珩

一文不值晉垂棘我聞此語增煩憂浮生養累同懸疣

壓臂無金正須此質錢買酒從君游

贈牧友山 倚

五字託千古漂零信汝才
歲年衰見逼兒女累方來
聽雨空江夢開尊異縣梅
何當洗兵馬歸翦故園萊
滬城元夜

浩蕩年光雪鬢催天時人事
百低徊凍雲一枕鄉愁合
好雨半江春色來翠羽番竿
叢市舶紅燈夷語下樓臺
殊鄉風景渾如畫懷抱膏騰
得暫開

奇寒

奇寒到衾枕清醒自無眠
庭雪照山海窗風生管弦臨
戎思挾纊久戍似屯田
獨夜江樓上吾還擁一瓊

移居示友山

詩十二

五求恕齋

春過寒梅未見花移居隨地
總天涯軍城歲益三吳稅
海國雲通萬里槎賸有肝腸
堪命酒忍從戎馬更思家
百年勳業同看鏡晚日蕭蕭
兩鬢華

聞楊至堂河督梅伯言戶部之喪寄輓有作

戶部窮投老司空敬禮賢
讌歌江海上生死甲兵年
歸旄一何速能文信可憐
千秋共黃壤雪涕向吳天

上海遇吳幼蓮歌以贈之

黃歇浦前雙白鷗壽夢亭北
寒雲愁吳子短髮作海色
東風搖艫單衣秋水國城陰
日影昃五年乖隔面黧黑
燈火箏琶動市闌孤衾暗壁
無人識憶昔招君東隱庵

掉頭願我神墮酣堅託門闌
回俗駕日從方外遊精藍
嬌鶯滿樹花滿潭權籬葵徑
虹橋南四海晏謚好川阜
波騰畫鶴隄飛驂乃大爵我
以歡伯隰有彫胡原有麥
野堂清晝和風颺放失羈愁
遠天碧猊猶食肉空中來
江城魚鑰黃昏開碧簫未罷
竹西館紅巾高譙瓊花臺
鷓冠高歌鐵衣舞頓令文字
賤如土天上旌旗驃騎營
眼前溝壑流亡戶鷓雞叫夢
天蒼涼當年最汝神揚揚
手寫梅花萬千本飄零今日
風中霜智慧苦短憂患長
我亦衰遲懷故鄉登高不見
滬濱壘飢鳥哀雁紛紛翔
矧乃篇九章

詩十二

六求恕齋

震雷不畏雷豐隆告密不怕
三尸蟲不盜而盜私爲公
中區雲黑天夢夢剝剝元氣
成飢窮愚蒙且百憂矧乃
非愚蒙

山川歷落多隆窳東鄰蔓草
西舜華昔之蘿桂今桂葭
陽春不到人槎枒盜跖歡吠
仁賢嗟平世有飢渴矧乃
嬰刀戈

捐之上書與權酷卜式鹽鐵
通川渠壽昌雜稅開州閭
因革損益民恒懷攬古方策
空曠獻治世政多術矧乃
軍無儲

司農大府無一錢愕眙嘗吃
心茫然高高覆以唐虞天

甘心茹苦取不言豈曰在位無其賢當軸因檢括矧乃
卑無權

生兒不願尙書郎亦不願兒羅酒漿願兒日在爺孃旁
我垂六十頭如霜上有母兮天夕陽在家失子職矧乃
道路長

萬木黃落石赤露方舟磊砢車沮汝森雲颯雨變朝暮
得失重輕見愛怒肺肝安得巧相附門內有差池矧乃
門外路

堂上留賓飛玉斝燒燭高歌聲震瓦努力中廚出菜把
昨日街頭躍大馬外疆中乾信者寡我乃至於斯矧乃

詩十二

七求恕齋

無家者

鷓鴣攫肉烏吞霜野鷺不偶鷺鷥行毀觚破斗圖無方
膠兮毗兮柔調錫履道君子踽且涼委曲不相入矧乃
單而狂

盜賊門闖家無憂土團軍舍連戈矛三尺童子腰純鉤
老儒岸憤行復休文章厭賤如勃規抱筆不生活矧乃
歛且詭

上海龍祠神絃曲

芒芒極神之皋日銜燭神嬉翩躡溟渤走百賈祀由功
神實輔裔裔雨陰陰雲島人希愁竿塔三十載盛芬德

順入川天口敷調颯路協龜言星船所壇瑤天花極極
東門姬風五色火精聚麗哉神中是宅海砥平水爲石
神康哉中是馨億千萬程來庭潤施普波孔厚應聖圖
翔毋鬪儻而歸還安留顧四貉媚 皇州九歌薦迪嘗
喜條信義備嘉旨踐行遂驩聲洋靈永位乾象昌
上海英吉利書堂

江天軍聲微弦誦出花藥古瀆昔剛鹵沙上長蕭藿荒
墟三十年誰者構芸閣其東濱洋涇樓宇互鉤錯十色
珊瑚市萬里崑崙舶曠曠二夷士執簡此棲託不息牙
郎錢但手老生鐸圖經啟山海頗亦事迹作衍緒始福

詩十二

八求恕齋

音申教著新約文字限一區儒氣通六幕惜哉班坐歡
華裔土風各御寓今 堯舜宅中大京洛男女五常綱
恭儉萬物彙專文贊伊周用武偶衛霍下者比藝事貴
者尙天爵小子聖人後詩禮景編削自昔有遵循夫何
歎習漠之子來東垂抱式志西略受塵豈爲氓賓王可
觀樂中原開晴曦山雲謫春郭海色酒杯底檣煙石城
脚一曲相逢行何如估客樂

火輪船引

島國崑利倚算術離合舟車兩而一以金翼木木翼水
火翁關之發其疾暗輪軋泐明輪聲怒翮渴蹶不能匹

煽爛羽葆竿揭雲包羅鐵網板塗漆銘銅中立柱心空
穴壁方圍礙眼密鑰者修哲火者野繩躡飛盧絕複室
盤軒大小濼園容規矩引列秉周率釘以旋螺遞句貫
楔楔齒齒條乙乙備聞海叟言荒唐重蹋崧門觀日出
遠檣隻影如不動儻爾雷轟岸翻溢白煙一縷破空來
靈龜讓路老蛟慄首師下碇招我游面梯一覽百巧悉
用蓄用激神奮飛惟繳惟擊力超軼鬼斧徑欲愁般輸
壞材不惜竭斤鎡省事紆餘多事窮智人紛愒愚人逸
游心久息漢陰機記工不直冬官筆春日遲遲江上歸
小舟浩蕩坐容膝衝波便有石尤風來宵準宿雲閒驛

詩十二

九求恕齋

夷人鬪馬行

大宛天馬產渥洼虎文兩脊驕桃花沙苑驕驕亦神駿
權奇駁駁龍衙衙西陲吉利挺精白異骨雄材亞喇伯
平沙海市開煙衢絕景追風騁奔迫先期暑榜銀百番
建標除道爲闌門春雲流煥花紛繁景光惚恍華林園
夷酋意氣何飛翻上馬趨捷輕猿短襟窄袖膂膊禪
連錢覆幪相續繡晴明鬪馬珠塵道結勒齊鑣動清昊
初盤玉韉不遽發迴身疾箭森穿縞矯然猶狄踰蒼山
歛爾飛鷹掠青草雙馳腰脚拚一蹶肯使駑駘上駟裏
圍場懸賞千黃金勝者騰歡負者惱 中朝大閱七校

陳緹衣韎駘馳廳輪玉纓萬騎奮長鬣追批瘕狗拉狡
魏彼鬼者夷猛育獲鞭策芝駕萬夫辟僥輕遠過曳落
河悍銳那數僧騰客方今三楚困兵革徵師外府軍符
急烏思阿里方佐功蘇格倫墩好宣力 皇威御番如
御馬進驅退繫隨所役窮河絕海歸牢籠坐見機槍清
八極

浮雲行必里樓月下作

朝把浮雲髮覆額暮把浮雲頭盡白南北東西無所之
蓬蓬送汝百年客紫衫軟烏軍前來赭岑鵠岸開蓬萊
幽懷佛鬱倦昇涉纖阿馭我空中臺天闕柏梁杳河漢

詩十二

十求恕齋

侯家金谷多塵灰人間萬豔一冷齒游心拓境聊徘徊
一柱螺梯檻縵曲穿廊出牖烏旋復啟闔風絃八綺窗
簾簾衣五采玉溟南石畫鋪文塼甌西鈿漆鏤赤木
曲檀短薄紛編璘釘頭瓦縫皆芬郁隈除瑤瑤通曲房
玻璃瑩碧如房長綠沈火齊屏幃飾馱羊蹲雁華燈光
卷舒機軸支胡牀革茵風筦宜溫涼鑿金面器燭光怪
水晶脚踢隨員方人禽山海列圖畫陰陽界劃窮毫芒
雲螭窟具大小鏤蚌貝羅几縱橫張表測鐘漏刻心腎
鈎吾辟灌銅精良西域鬼作胡能詳犀象之屬千百強
別追雲母象人裸丹鑪龍虎架鴛鴦門鈴壁帶忽消息

平頭奴出連衫側茶湍加非冽以醲酒傾達利温而克
山雞割取佛蘭西雪麪羅將花旗國奉席薦俎不知名
鸞刀四射琉璃色不速客來十日歡無下著處百金直
主人衣絳病在韓鳩目蝸鼻身身鸞鉤斬通意託重譯
規附時事聞歡歎歐羅始大八百載昔何強盛今何衰
龍蛇構鮮噪金鼓披猖重困俄羅斯犀渠鶴膝不給用
蜚芻輓粟勞且疲百貨抽頭戶出口鮫人淚落如縷縻
放鑄臧纏在鈎簿滄溟一戰盈哉虧江國東風動毛髮
夜堂春氣浮林樾東山先生心中悲扱衽欄楹看白日
華亭一角明秋毫九峰出沒吳淞濤海船聚碇北牖口

詩十二

士求怨齋

沙船連榜南城濠賈胡萬金買尺土平地臺榭初蓬蒿
聖朝貴德賤異物嗟爾金穴徒煎熬銀燭樓陰路方直
石塘人語盡啾嘈此時萬象寂不動舉頭但有蒼天高
北堂迢遞阻吳會北斗更在吳山外安得浮雲盡太空
神皋赤縣迴塵靄

登斗樓聽夷婦鼓瑟

飛甍百尋雲幄光椒塗鈿砌青廬障五花攬屬七寶牀
衣桁脂盃都梁香中坐厄利雲擘娘姿首奇哲曰淺黃
蛾鬟鬢髮瑋瑋天鷲絨服金縷裳步搖矮墮雜佩鏘
珠垂繡錯下襦襜賈胡導我登玉房置身翠羽金支場

美人酌客紅霞觴雀釵撓酒蒲萄芳榼梨橄欖馬金囊
奇甘異果羅千行侏僂蠻猓烏引嚶類情通意心相將
杯闌攘腕愁仿徨起撫瑤瑟臨東廂絙絃五十悲且長
皇娥絕曲曠能詳安歌夷樂神相羊金徽玉柱機九張
小絃大絃抑若揚左句右撥首瓊琅含宮嚼羽筮箏簧
角清徵激環無方天吳叫嘯冰夷鵝黑風黃海吹秋商
我聞圭黎宅西土薄賤生男貴生女雌龍作君野雞主
牀頭夫婿皆臣虜銅山銀穴供茹吐驅光逐景窮歌舞
有時走馬長楸下千金萬金戲賭武吁嗟夷醜外編部
抽剝中夏等刀俎鴉媒食人民氣苦朱提赤仄竭九府
豈知割肉瘡不補鬢妻在室螫如蠱百寶雜貨賤土苴
爾膏爾血殉眉嫵輕袿長袖曲罷鼓迴身送客手相撫
延娟延媿美復睹解瑤遺襟吾其與樓頭極望頗黎字
萬里滄溟走風雨

詩十二

士求怨齋

夕次楓橋寄王瘦梅吳江

伊昔踐煙蘿君疾臥高閣帷幕垂新秋無心對花藥歸
失過門歡重負攜手約塵空集中原人事動參錯意結
重成悲境疑百用度太湖深復深春兩吳山郭款權不
逢人南飛問烏鵲
尖門與雞子揚別

芳草長洲苑微風笠澤波春光空復爾宦味竟如何兄
弟關河老征徭日月多翦燈照杯酒相對起婆娑

別玉谿

清明吳會競絲管有客悲歌同禁煙冷落不知名父後
顛狂時露舊交前空堂白髮真吾與拳石孤花並可憐
何日龍池重看竹聯牀風雨佛龕眠

發無錫

十里芙蓉水上煙年年繫纜縣門前一灣人語市方曉
數點溪山春可憐竹澗林花紅冪冪石壇蘿月夜娟娟
浮蹤醒醉渾閒事惆悵風懷看少年

詩十二

古求恕齋

留別西卿

朝發奔牛口暮宿野洲不雨隘曲港終日留方舟十
畝水村北君子門關幽爰造竹中徑遂坐沙上樓窗几
自明月圖史供披搜取攜江市酒旨有寒家脩展拜出
細弱燈燭連清秋昔汝侍庭誥丈人歡我遊稚子今汝
侍對客能獻酬俯仰三世閒那不霜盈頭旁郡防盜賊
健壤修戈矛飢凍日相逼道涂人未休忽忽笑言散蕭
蕭汗渚愁

丹陽留東銘東屏

擁權雲陽驛河梁壓縣門道途狂客左節鉞武臣尊練

水城隅寺平陵塔外村故人渺何處明月滿孤樽

雲陽驛留贈黃石船

黃憲知名早朱方託迹偏通塗征繕地卑宦亂離年秋
寺花深發江城月屢圓家書開夢裏歸路失兵前遊子
鬢絲禿高堂淚點懸評書兼讀畫孤坐復愁眠浮世曾
難逆清才獨爾憐霜天感明發此別重悽然

江月

江月不知曉頽雲溼未收麥風吹野店樵響落山樓逐
處增新戍何年罷旅遊春光仍遠道客緒比涼秋楚幕
烏重集空城雀再愁廣陵煩重鎮太守軼同仇連巷移

詩十二

古求恕齋

時戰登陣一哭休早儲藉紹血竟徇杲卿頭不少草閒

活焉藏柱下羞干戈天浩浩雲海路悠悠銷損延津劍

飄零大澤裘傷懷迷出處涕淚滿東流

傷春七首

丙辰三月歸自上海聞揚州再陷作於丹陽舟中

江上金鷺動地哀雲開白埃獨登臺澹煙喬木吳山遠
野水孤舟海燕來細柳營開仍漢將瓊花土黑又秦灰
旅懷黯絕春將盡寂寂南天斗柄回

晚日低垂兩鬢霜雲陽小縣柳條長荒城戍笛過寒食

流水桃花入戰場山野苦遲歸馬日煙波忍學捕魚郎

飄零劍佩家何處潦倒旗亭酒數行

回首長空鳥逝煙扁舟散髮冥平年川原京口開丹碧
花月揚州足管絃山郭松庵方外友溪橋草店杖頭錢
舊遊如夢橫吹角赤日谿衍萬嶺前

兵氣蒼涼臥夕虹烏烏蘆管急流東入江盡改金焦路
吹帽偏驚草木風荀勗宦非求晚達步兵哭可爲塗窮
餘生三逕瞻天遠一任蓬蒿亂菊叢

揚柳依依憶雪霏虛教牧馬一冬肥因糧下縣防深寇
伏枕寒江夢解圍南國林墟愁戴勝東山家室感伊威
沙邊夜起天中望如蓋芝雲翊紫微

詩十一

五求恕齋

麒麟圖像漢家勳長昏苦霧金山月不動高風鐵甕雲
心數南征迴氣象沙蟲猿鶴換新軍
老去尊生敵坎珂仰天狂笑復悲歌青牛函谷歸何晚
黃犬東門見已多百事退思甘草莽一家遠旅對淮河
故人相憶春遲暮雲水空堂掩薜蘿

寒江春晚

日銜沙尾寒潮長赤脚老漁飢蹋網山頭吹角戍旗閒
遠岸依微斷孤榜西南晚色潤州城春深那有黃鸝聲
一行白鷺過江去石柳松根人獨行

揚州太守行

孤城賊之遺賊來城復去賊去城復來太守今何處一
古之二千石今益大其守太守能職之誦說徧萬口揚
之人曰惟我太守賊不來能父能母惟我太守賊來能
不走二太守歿太守存字顯侯名世焜東山長白高其
門昔日太守南來擁五馬馳騰輪所歷郡風雷霆意氣
一何飛翻今日薶無骨招無魂但有一女一妾日夕號
孤村三繫何年城送賊城再墟賊誰馘城失太守太守
不失職四嗚呼睢陽平原世罕睹今我太守其繼武我
哀祠廟江之滸我魚我鮓我稷黍揚州寒食悲千古五
荒墳

詩十一

六求恕齋

五載龍川戍荒墳此日過友朋潛涕淚天地尙干戈
氣徒杯酒他生願釣蓑草深碑沒字白月隱寒河

題露筋祠壁

三吳花柳暗天東海國飢烏叫遠空揚子江頭多戰鬪
女郎祠下有孤篷漁燈淺水四更月草舍南鄰百歲翁
願學長生無暇日此身猶在亂離中

贈洪老人

人間萬路歧憂患失仙嶠淮流窮海峽石室踐煙篠湖
容剪雁眉雲氣委丹雘年齡倍我餘健碩讓翁少兵區
竭金笳官路叢嫖姚滿目多癯瘵無疾乞君療沖抱天

何如暮色損娛笑
回西陶唐人培壤
撰期毫六十厭木
瘦韻約錯雛菴
留爽有東榮宴謚
就游釣

詩十二

七
求
恕
齋

小
辨
往
齋
集
卷
十二

心鄉往齋集卷十三

曲阜孔繼鑠著

吳興劉承幹校

丙辰

避地三首

丙辰二月二十九日粵寇再陷揚州江北諸邑戒嚴盡室遷避射陽歸自江上村居有作

朝陽上坡曉夕露霑庭扉白晝何遙遙古人同一歸采
蘭不盈把慘澹春芳非回憶少年日腰帶懸光暉素髮
忽垂頸煙鳥西天微

但當飲美酒披衣升曾邱坐看楚天碧俯聽滄江流亭
皋藹藹木沙渚冥冥鳩春雲盪寒色萬里開芳洲奈何

詩十三

一求恕齋

抱幽獨日月懸絲愁

東不盡溟渤西不盡崑崙我歌氣出唱宛轉還復吞隻
身海上來城舍如荒村避地荆棘中婦子連雞豚一室
不自謀六合休空論

寄稼軒

天涯游子宦情微出處傷心萬事非滿地白雲堂北草
三年黃月省中微金風遠道還吹鬢鐵騎長江未解圍
離亂正愁萍易散歸來莫後雁南飛

五月七日楊用

巡撫吉爾杭阿江寧府劉存厚戰歿高資鎮

郡縣未復賊未衰徒聞將士能死殺避地愁歎雜臥起

原野晚風殘日時水田窮碧煙明滅海上人家暗林樾
太白芒長心骨寒溪聲如哭南天月

餘霞

墜日不知處餘霞欲竟天流離當暮景零落得閒年牧
笛一邨遠漁梁萬象前莫嗟雙鬢短歸計有雲煙
白髮歎

既不典劇求上考散木扶蘇任榮槁紫豔紅芳夢已闌
簪花短鬢隨蓬葆丹樓畫閣春明前長安走馬珊瑚鞭
友朋意氣盛杯酒高歌擊筑聲通天立談卿相不可取
野興林壑深相緣不謀妻子訣郎署垂釣東南猶少年

詩十三

二求恕齋

中年有事坎離術玉京金闕探堂室形骸斷無地上仙
日月虛過林下逸養生叔夜將如何子真吏隱同坎壈
垂垂白髮一千丈翻然涕下如江河齊高擲鏡對孫子
冲卿嘲客公然婆人生有知愧草木安得黃落回陽和
行年五十又過五北堂倍我霜鬢鬢將母避地淮之阿
強為歡笑愁嗟峩獨立南天一搔首紛紛吳楚旌旗多
龍竿寺送甘巖
明發一帆遠煙波獨我留南朝僧舍在今日海天遊智
慧無能滅疏狂并是愁寺門看不厭浩蕩兩三鷗
寶應再送甘巖

今夕一尊酒堂堂兩鬢絲強能歡笑日不算別離時小
縣搥津鼓繁星照晚池那堪流痛淚江上羽書遲

喜黃生至二首

城東一港曲通海原上四村深合煙短櫂衝蘆南寺去
幽禽噉竹北窗眠浮蹤不言家逾遠垂老能堪地太偏
向夜燈花頻照眼溶溶浴月水門前

痛醉高歌醒復休可能一醉百無憂出門千里動愁歎
今日幾人成獨遊爲負隣翁成雨後同翻書帙亂牀頭
因君略省殊鄉樂更遣諸兒與唱酬

寄孫心仿

詩十三

三求恕齋

鹽車吾久病誰更識孫陽御老知無術能文亦可傷鼓
鼙動江漢雲木隱芒碭把臂定何日相看涕淚長

晚泊老閣

淺麥初迎夏輕寒似早秋野清煙集樹風側岸膠舟羅
旅隨天遠汀洲向晚愁窺人雙白鳥飛去屢回頭

龍川別冰叔

莫賦江潭枯樹篇漢南司馬倍淒然迷離蒼狗浮雲外
顛倒青鞋布韉年長夏溪風搖赤日窮村沙鳥泣孤煙
披裘歸去君休笑尚有漁竿大澤前

咒雞院仙壇歌

江都秦氏以祠咒雞翁也初翁撫路旁
兒兒成立翁脫去夢示兒以姓并名曰

遺南朝迄今爲望族壇在仙女廟東
十五里壇主余直生亦苦行士也

楚州城郭多旌旗湯湯江水流離玉京虛無寄遙野
靈風獵獵吹荒祠短垣叢樹竹中院芳草不沒樊川碑
祝雞之翁家偃師五季遜世荒江湄周周粥粥過一世
別收棄卵同恩慈既遂長養羽化去夢纏風木來悲思
武陵桃源在眼底命名奇慨秦之遺人間倫紀胡可薄
神仙苦愛螟蛉兒馨香報本此壇宇江陽東里龍川涯
石田茆屋人不到變滅陵谷無崩移凌霄花發牆東籬
牆外千里紅炎曦土田龜坼井泉竭禾頭枯斷沙離披
有年不足稅軍府盜賊壓境今何時男兒胸有萬古淚

詩十三

四求恕齋

點滴不爲身家垂哀乞綠章告天關暫回甘澍甦瘡痍
聽蕉隱彈琴

赤日不雨多黃蘗龍池劍客攜琴來長清短側止復作
我有百結緣君開玉簫明月橋廿四綠楊城郭千樓臺
嵇康遺曲廣陵散人天同聽齊悲摧蠻行蛇蛻我不識
獨憐君是焦餘材腹多藝能不救餒將求升斗趨塵埃
古之單父善操縵君有其德無其才吁嗟子豈無其才
獨彈古調羣疑猜牀頭無米或有酒願君堅抱林閒盃
天生我輩非蒿萊褻裳且坐蒼山苔阜財解慍急今日
南風爲起生民哀

楊田對月

萬里豁雲水風螢升復沈何年清漢月此地碧湖陰盡
室流離日高天戰伐心不須嗟溽暑吾意極蕭森
射陽行贈楊榮

安宜城東七十里海風浩浩吹谿田林薄受水病耕稼
人家動與鷗鳧眠大隄鉤車夢不到芳洲錦纜曾誰牽
賤子遊荒擊老弱問津刺艇窮寒煙主人有弟如惠連
開徑館我籬西偏長君孝友鄉里彥嶢嶢代業能青甍
顧我有母虞偏側更展堂背歡慈護宮室之具取攜便
春高井冽園蔬妍黃口哺雞牆有桀白小買魚門繫船

詩十三

五求恕齋

聞歌擊憤案几北開欄射鴨陂堂前稚子無憂婦無歎
蒼頭赤腳忘顛連蘿陰竹色媚明月一一如我園中天
不知身外叢盜賊嗚呼此惠誰使然我昨訪君饒芙蓉
圭竇都窺圖則聯豕牢芻膾日載枕破爛壞窗風鳴弦
始省崇客自貶損割宅奄有前民賢彼汾沮洳不中禮
王戎温嶠多金錢段貨還直犯骨肉有馬借人今無傳
楊子偃蹇氣凌邁人之度量胡天淵矯龍猛鷲無不有
男兒那受人閒憐相逢相識及坎壈感悅涕泗紛流泉
萬間不異風雨庇餘生信有昇平年少陵流離過手我
申章聊抵彭衙篇

苦熱

湖上茅亭近射陽年年夏木有新涼一犁好雨藏何處
萬里炎曦到此鄉絕壑極思浮舫艇幽窗虛擬對滄浪
幾時戎馬同休息江月江風冷戰場

秋暑

秋夕暑爾盛江皋兵未休老夫雙涕下大火一天流不
定翻烏鵲無眠徒白鷗涼風終應節肯為掃羈愁
月夜

三年粵寇留江左吏報丹陽萬井空廣有東湖好明月
一家圍坐客愁中

詩十三

六求恕齋

楊田偶成十五首

此地宜高臥從今罷遠遊北窗無一事一日兩梳頭
門前溪水長溪風吹白衿村巷開斜陽亂漫數鳧鴨
地遠得天多言笑發林莽隣里無嫌猜雞犬自來往
淮東爭戰地鑿土出遺戈千古斜陽在荒墳水上多
螢火亂坡壠孤村水氣高南風吹權磬北斗插蓬蒿
水田多赤日生理動成嗟一雨綠未滿四更人踟車
往日追風涼攜友臨高臺此鄉酒價賤終日無人來
貧賤有至理憂樂隨天機浦澗捕魚郎一船八九兒
一窗侵日曉萬木暗村西但覺霧連屋不知雲出溪

時日孤村白晴雲四野藍山僧不相識愛過水南庵
火風扇墟里大江沉征戍紅日滿蘆花鳴蟬不在樹
窮鄉隔江皋愁聞賊如雨故人城中來不敢問軍旅
雲赤禾失水沙飛蝗蔽天無田我不農一釜愁同煎
人生各努力大化無停流亦復東到海莫笑溝水頭
此身何處村百事與誰論落日煙中樹看人歸郭門
清夜

塵囂不到處清夜亦堪憐沙樹月沈野水村風滿天荒
雞疑海曙北斗向牀懸身世傷搖落窮鄉傍母眠
與程南卿

詩十三

七求想齋

湖天無舊業就食野人家數里逢高路一庭蒼荀花看
雲消永日何事更長嗟余亦東村隱空將兩鬢華
射陽湖食菱

菱蔓又垂實軍徭年復年愁連秋水舍飽結野人緣芒
角何時盡浮沈還自憐可能當被蕨腸斷暮江天
檢海阜姪遺稿

悼殷文學煥
廣陵有善士君家之嚴親仲弓既云歿謂其弟南元方古農元生
為令人寇至巢盡覆漂搖惟一身老母海陵曲佳兒粵
虜塵扶病犯隆暑就我湖城闈君昔墮賊藪頻死潛酸
辛心肝脫虎口而乃刲于貧慙無活人術空將兒女仁
貲勉營一殯旅葬淮河濱儒門廢孝享悽斷頭上巾北
原泣秋雨異地多荆榛
絕句為王古多作
幽谷誰憐黯澹姿荒涼一夢費相思西風斜日攀條泣
落盡好花人不知

詩十三

八求想齋

月夜憶別冰叔
露筋祠北金牛灣青蘆赤腳屣潺湲官舫野航雜鳧鶴
煙波出沒江南山南徐樓觀照林樾山光顛顛人離別
相逢時亦有鴛鴦園鳥溪花半鳴咽清秋相望水邊臺
無可悅怡多可哀蜚蟲藪藪賊苗稼蔽天響作無雲雷
五月六月晝流火禾頭不雨枯成灰淮海年年困兵革
大幸江北農無災中戶突愁米豐貴寒家號泣空瓶罍
魯國諸生復何有堂前圖史山中友一時親舊盛饑窮
矧爾寒氈傍衰母鳳凰戢影嘯鴝林蘭菊杜摧薪樵
振振大慈未息燄汲汲萬命同浮漚懷鉛枕籍幸未死

投筆曳裾何所謀
燐火搏沙泥
髑髏熊羆略
陣金兜鍪
鳴騶擁纛已遷客
短衣窄袖新封侯
寒蚓底事空林怨
芳樽不用流鸞勸
西涼執戟甘馮唐
東陽詠雪孤何遜
江關九月黃花遲
高城雁影吹參差
起行明月不能寐
苦憶河梁殘照時

村居懷人三十五首

精理策高步
吾道有端趨
旋折世不入
豈曰非腐儒
窮山勉成長
子能繩我耆
聲氣動遠關
戚戚霜盈鬢
兒女送日月
詩書求唐虞
少壯磊落懷
苦憶前歡娛
魯通父一同
灼灼八寶城
釋釋四明山
東西好雲日
離苦生其閒

詩十三

九求想齋

權春申浦散髮君
先還江花與江草
安得長朱顏
歡遊不可再
愁聚仍子慳
大梅十丈長
春羽啼關關
姚梅伯變
升墟望夕鳥
白日淮西城
洪河天北流
沙氣浩縱橫
益以兵凶年
冠蓋饑寒并
獨芳眾不棄
淹留亦人情
昔日庭前樹
華實歲已盈
煙波展祠館
使我心魂清
高伯平均儒
省郎直西垣
遊子夢南國
及歸失慈蔭
井閭翳無色
嬪宮闕禾黍
松下蠹啣啣
餘景妻孥閒
桑柘日已戾
出門看山川
生氣滿盜賊
進止夫何如
襟帶愁惻惻
吳稼軒昆田
餘杭山水窟
昔遊子能同
未識豈云疏
載離愁已豐
紅泉天目頂
碧月茗溪東
新色動陳事
不獨禪棲空
瓶錫

小梵唄高趣
儒門通再踐
石門約攜手
巖下風南屏六舟

瑤軫式天序
理氣為聲節
慘澹向時人
手攜太始雪
木

無垢塵趨而有肺
肝熱披豁見交際
在悔歡能竭
蒙鳩

向急風一一營巢拙
鯁鯁武林居
瑟瑟金閨別鳳桐君鳳譜

天末望夫君
白雲積海岱
其貌山中農
墳典為鉏耒一

世既交期風雨潛
明晦與子殊
淺歡惕惕心
乎愛絃誦

厄戎馬西日不相貸
石室在人閒
慕悅有津逮許印林瀚

在野志饑溺
窮儒氣不腐
蒙棘有和鳴
人不識丹羽闕

闕動歸雲心亂
江涯鼓吳越
好溪山幽憂曠
無觀騎兒

窟荒墟喬野闕
師輔羈愁風
雨多毋令損芳杜王句生翼鳳

詩十三

十求想齋

端居忽如失
起步湖東潯
楚天萬里開
秋風吹桂林
泊泊耳同聽
不貴空桑琴
鄉井且疑謗
才地多憂心
寥野合商氣
坐我寒壘吟
夢想不可攀
榕葉離山陰朱伯韓琦
佳人理絃瑟
乃在楚雲端
風裳吹參差
玉佩瑤之壇
金笳動地來
去日追酣歡
八公草木死
神仙饑且寒
河上坐磐石
聊復收綸竿
白髮對芳野
松柏何丸丸譚桐舫祖同
祠部秩稽墜
際會翔真除
藉藉儀曹長
更躡蘭臺居
中夏康平年
君子彙征初
五兵一震蕩
山海愁禽魚
願君勿南顧
三楚多榛墟
征繕待幢檠
攬轡無踟躕尹杏農耕雲
隱逸學之窮
作人為道本
章句滿空山
白首恨淹晚之

子出幕府立談無闊遠十載領鹽鐵崎嶇步詳穩淮水
奇釣遊聲氣託嵇阮門外青雲長吾其守驚蹇金眉生

服田兼服賈拙者一無成家鄉既蕩盡何地求無生神

仙更寂寥翻然事遠征伯氏昔授命白日臨清城因依

肥子國生死隨交情各有百年事同趨難合并張石琴

著書苦日短廿載京國遊是非不古讓安得無今尤放

論彌六合不寫心煩憂多男各異縣生聚從浮漚歸臥

烏傷縣孤花講肆秋馬陵舊明月清夢懸山樓凌厚

一身遠魏闕百口寄江表返羽有舊林歸雲戀故島祖

庭不可階悽愴無根草君子青瑣彥退食剝屨抱饑人

詩十三

三求怨齋

半東南忍較侏儒飽同心不同居沈憂令人老家緒山

火雲斂溽暑秋空開明河淮南桂華發一老能婆娑而

我抱幽獨空林生寤歌城中故人盡江上黃蒿多時危

事編述生理無乃譌杼軸戶出緡川原人荷戈丁柳

小邑歲年饑煙火錯雲水古巷無車聲一門色有喜讀

書不獵名亦不膽口體橫覽一世中君家母有子窮達

我何爲秉心疚倫紀顛倒視今日今日夫如此成心巢

耳目動深慨餘景還自憐破殘密繕補聊事人中天奇

慧貌拙訥運蹇神惺然山樊理日月曠克知君賢君齒

與我同老死誰後先小人猶有母乞食寒江邊楊蕉隱

少不事科目筆無側媚姿獨學道力猛不足傷小疵駉

馬大隄別十載不相知稊田多儉歲躑躅懷茅茨門前

有獨樹樹下長風吹不見我所歡壠上寒雲垂左逸

盛衰理固然及茲筋骨健流離日負母猶能具一飯念

子北湖北道力足勝困高堂坐長饑安得守無悶窮鳥

不足賦齋物忍深論江上雲萬重寄子以歎恨李水叔

蕩失營陽家遠罷益州職秦中汗漫游身偃動彌直飄

飄吳會行改轍又河北不識我棲遲安知同偈仄日色

空城微兵氣大江黑白首復安之遙夜望京國何子貞

水國淮之東落日西寺門萬里阻無歸跌坐青松根以

詩十三

三求怨齋

彼勁傑氣卑官能自尊秦郵湖上月廣陵花下樽舉世

畏其筆編削陽秋有木葉晚風吹升墜奚復論魏默

國殤多少年浩劫萬族病矧茲老無力相隨一坎奔跽

籍崇孫吳贈答厭韓孟廣陵榛蕪中一老留騷詠桐枯

竹不實磨滅鳳凰性爐里餘酸齏仰天哀淚迸范雨村

宜黃晚踏燈仲子臨風翔一官向江河五字聲河梁翹

翹驥受繼檢慨鴻無梁聞笛出淮口獨爾悲山陽憶昔

玉階樹英畏凌賓行盛明百歡譙何處宣南坊黃子幹

義軒留大寰日月動蒿里身無百齡外名在眾人裏夫

豈榮今聲還以考才理昔游春復秋漬淚雲與水緇子

趨庭悲益我歧路恥潛翳證狂懷砥平慎素履潘元欽
淳亮舞亮熙元

以我好君懷一世無並比東西溝水頭瀾瀾天萬里昔

以君為弟異姓託同體縣縣二十年今更子吾子眷眷

麟鳳委汲汲牛馬齒吾其老山中披榛望彼美葉潤臣

昔恨不子知之亦云淺聞見別有櫻墮身在絃冕浪

葬山水娛良會得高眇用兵武衛榮履道師儒蹇綠草

苔階合披蘿雲屋卷夫豈不窮饑疎賦吾其免陸定圃

初月秦塞黑落木關雲黃男兒不得志造物柔其剛宜

黃琴微絕山陽墳蒿長獨宦百僚底知己真蒼茫荒淫

詩十三

三求怨齋

不得死意氣良足傷終南渺何許楚水空寥裳江龍

轉蘊草堂泉戴勝後園柳白首坐荒村不見李生久一

世厭淡交真味爾元酒渺渺通余懷契闊夫何有應憐

鹵莽姿叢委萬夫後子身青雲端是我山中友李古廉

載筆石渠彥錄錄罕與儔天上有流落江海悽然秋東

南重執手明月清淮流腥風吹豫章君歸一何道畸人

世無著動止難愆尤我歌君子行一寄南塘鷗吳子序

野廟艾陵北播越幽人蹤寄書動不達哀怨南飛鴻草

木際肅殺捐瘠天所同山園開戶望獨爾無春風孟酒

闕我歎坐使孤芳叢金臺客未歸岱色橫遙空符南樵

蕪沒南山田復萎北堂花黃鵠好羽翼邱邱今無家漁

歌九峯晚海岸吳淞霞島夷日生聚孤影天之涯抱璞

向歧路古人先我嗟行吟人不聞攬鏡凋朱華周致甫

山城盛花藥公子門庭幽老鳳摧高岡眾雛嗷啾啾榮

落夫何常物情良有由翟公賦羅雀人閒非一秋故業

百粵成旅食東南州智慧復奚益家室餘清愁徐公可

高城秋色微饑禽去不返園居松菊深仙省歲華晚曙

鐘景陽樓春雨華林苑舊好非我疏道里自相遠符竹

下廣州亭微通高嶺淒厲川原長翹首囑雲嶽殷述齋

蒲塘晚離色風川兼遠煙故人渺無方江城春可憐明

詩十三

西求怨齋

月洲塔出孤雲鷗鷺眠漁梁在人境何事□□□白髮

不救餒愁與多能緣素居感同聲聽我飛蓬篇吳讓之

校大竹遺詩於湖東田舍作

汪子如老梅癯醜貌冰鐵厥心三婦豔其氣太史潔策

馬春明門曹郎及同列依倚日月長冥笑輕離別榮路

渺無階憂思遠徒結虛無思南麾哭兀雷塘碣生近桑

田巫戲涉東方謫章句出變風蒼涼留絳雪玉籟紛煽

爛昌谷古驂屑不惜鼠鏤肝何事鵲啼血人生不稱意

金石任磨滅日月開我躬且復遺悲悅當門籬葉秋旁

舍溝水咽避地無驪蹤手此益愁絕孤懷通余幽往愀

踐子拙傾身百無營皓首對寥泚

將還城居留別楊榮

崎嶇患難識交遊古義高情第一流
喬木村墟烽燧遠
稻花門巷水雲幽憐余負母同江革
願汝生兒比仲謀
從此兩家具雞黍在還莫笑雪盈頭

送廣稷

水國傷秋目柴門鞠汝心感時親送我此別昔猶今白
埃黃塵遠青天紫極深艱危勉行役莫更念孤斟

感秋八首

涼風應節秋氣感人深矣我贈四方
還願一室繫諸心者不能已於言焉

煌煌斗極拱神京山海梯航道路平一息仁威周赤縣

詩十二

去求想齋

九重欣戚貫蒼生阪泉涿鹿師前事驚貫魚麗賦遠征
獨使 至尊憂社稷杜陵野老暗吞聲

中原諸將各蒼茫山縣江郊戰壘荒十乘元戎駢翼翼
八鷲方叔旆中央飽聞貔虎前軍捷潛怪龍蛇小劫長
插羽露章期百道短簫和籥待明光

閉門煙草脫征駢海燕荒涼帶子飛歸路蒼黃同逆旅
孤兒衰白累慈闈天留西日仍荆枳田彼南山且蕨薇
峻坂滿前迴馭日 君親恩重涕交揮

趨庭少小泊無聞道德清門媿遠芬亂裡攜家珍主器
天涯陟岵戀高墳歡場不語悲孤露故龍遲歸比斷雲

經歲霜林虛展謁西風木葉又紛紛

黃蘗苦霧遍林垌僻壤寒花忍獨馨自分腐儒隨草木

虛過壯歲負 朝廷長江賊穴通三楚老屋兒曹守一

經曾為饑窮無擇仕貴郎遠道正飄零

謂大兒
廣稷

愁吹蓬鬢滿江湖安穩煙波有釣徒竟夕長歌風雨共

四方多難友朋孤茂陵一卷寒灰死睢水雙祠戰骨枯

海月昏黃關塞黑空將魂夢續歡娛

悲來身世付空濛瓊尾流離在眼中萬落千村生夕照

一家百口向秋風桑樞室毀漂搖羽葛屨霜繁大小東

宸極焦勞渾未減監門圖畫可能工

詩十三

去求想齋

太常凱作慶俘囚羣種山豪取次收車下跣徒歸白梃
人閒腰帶賤吳鉤不辭趙壹終窮鳥從此王翁竟偷牛
率土臣心何日慰卿雲祥日滿滄洲

蓼花

蒲葦離披照野堂數枝風蓼共斜陽荒寒隨分秋偏早
搖落相看意故長鳴鳥無心成伴侶蜻蜒偷眼怪紅芳
頻年花事闌珊盡萬里樓遲水一方

既還城居示廣牧

窮湖落日縣門黃戎馬憂疑鼓角長秋薦禮堂新脫粟
歸裝慈母舊縫裳嫉時高論空無補厭世奇懷老更妨

尚有極書留浩劫一堂風雨誦義皇

偶然作

已是虛過日何曾錯認身干場觀物變一笑豁吾真患
難詩書暇騎孤山水濱晚風搔短髮天地此烏巾

鄭烈婦

車行不折軸焉知心不移太陽不曠黑焉知葵向西委
身君家婦敢云蕩子妻不及同林鳥甘爲井底泥別君
雨絕雲依兄饑舖糜迢迢倉浪天抱被空中啼妖氛腥
草木春城生鼓鼙女子死賊手安用妾身爲幽腸分寸
斷剛魂宛轉離自有妾剖決不煩君嗟疑荒溝千鳥喙

詩十三

七末怨齋

委巷萬馬蹄玉石既粉碎何恨風揚灰風吹入君懷聊
答生乖睽人生一死難矧爾才麗奇堂上絕筆畫房中
絕命詞臨危百可惜苟活多鬢眉才節不兩耀古人恆
痛之生結君家禍死埋君家惟妾身如犬馬惟君之所
治離合豈自尚貞義要無虧深維始終際君子敬且悲
丙辰九日

風葉滿南樓高雲落楚州烏啼秋盡月家在海西頭獨
酒荒城賤寒花古驛愁一身無倚著野水發天流
與金子謙

城上旌旗拂雁行飄零琴劍滿江鄉一燈樓角妻孥夢

十月湖陰草木霜解字早年知許慎避居今日有韓康
從君願學壺中隱憂患空令歲月長

同冰叔送馬竹漁

留賓正未去念子孤徘徊不道苦寒月來同濁酒盃重
湖曉岸別片席北風開脫劍起相贈王郎歌莫哀

答還之

海內均生聚他鄉卽故鄉琴書一飄泊江漢並悽涼寒
色風連巷高歌月滿堂子來能一醉涕淚不須長

贈冰叔

員景下西陸曬魄藏天東開門望江海雨雪愁夢夢平

詩十三

六末怨齋

陵張仲蔚七尺隨蒿蓬呂安棲山陽鑿井鋤寒菘道路
無裹糧徐穉磨青銅霸上韓伯休采藥名山中以彼晏
安世慷慨當饑窮乞食柴桑叟拾橡杜陵翁一身委喪
亂出處潛孤忠日月載章句吟播和笙鏞心聲浩已繁
徒爾搖悲風冰雪起川陸寒色垂房櫳傷哉建安來啾
啾牀下蟲升高擯嵩華八表青濛濛凶墟未剪滌人氣
多疲癯宵旰急求治薰沐明光宮築壇禮大將茅土
一何崇爾我萬夫後手無分寸功徒有石林趨不爲風
雅蒙五年疲升陟禍患高龍從嚴城戒旦暮鄰迫獲與
狨釜庚不惜置什宦難爲工出門叩所往水涸而山童

昇平有來日俯仰憐衰躬悠悠身後名一坏皆曠曠荒
湖清濁酒畸人苦樂胸從吾簡寂好與子顛狂同笑言
未溝壑毛羽珍樊籠哀鳴勿向人霜聲聲滿空

丁巳

吁嗟二首

月正七日乘春載和宜民宜人我涕滂沱芒芒荆楚陳
師峩峩緯錯厥次人離厥家兵農損益以盪以摩吁嗟
人之日其日維何

月正八日其日宜穀昔飽以嬉我繁我育凶墟之遠豈
無歲熟徭役以謳食之者哭誰曰瘠肥而二溝瀆吁嗟

詩十三

九求如齋

穀之日以祈於稷

仙女廟雜詩十七首

廣野占牛斗維揚東北流鎮開唐萬壽河導宋伊婁芒
稻穿中牖茱萸發上溝一隅耕稼地何事客淹留

聚落知何日滄溟向楚州江陽分肘腋海國此咽喉地
遠墟成市天空晚更秋長年對沙水蘆荻不關愁

楚水珮珊珊風寒野廟寒穠花開古殿涼月下春壇祈
社雞豚聚迎巫士女歡十年前度客款權石闌干

雨霽村藏柳風多岸滿潮水雲通野店煙火簇溪橋密
港滄江筏危樓買客簫昇平無事樂景物愛蕭條

鐵鎖橫江斷揚州一夕空兵防虛海甸野哭遍淮東持
節先盧植參軍仗石洪沸騰驚逝水漸滅感冥鴻

霜戟秦家巷霓旌萬福橋新兵招子弟分闈序票姚潮

響荒雞亂雲間牧馬騎簡師初政肅父老望襜輅

鼓鼙思將帥注耳異同多痛惜頻淹歲相攜一枕戈鞠

躬悲葛亮餽餉讓蕭何神武何由見蒼涼救勒歌

代將加諸鎮中郎昔上方左軍身百戰戍卒起敦煌同

作貔貅寄相將鵝鵝行審機成鄭重山岳與低昂

師久儲胥急元戎節制通干戈思載戢杼軸不辭空山

詩十二

三求如齋

市蹲苛虎霜天叫病鴻譙臺煙雨外獵獵大旗風

控弦多暇日虎旅恃兵符軍壘郊園近陽春草木枯重

門增暴客陌上泣羅敷狼下星猶朗何時直矢弧

衢巷闐與馬師徒耀綺羅市廳關吏冗水店米船多江

遠停官鷓鴣背嚴響戍螺遙天連埃火無地著漁蓑

花鳥一街迷香塵葦竹西四時歌子夜片月舞前溪世

路愁如織官錢賤似泥傷心問泉府徵納出悲號

廟算無遺闕攻圍誤老成特透麾下將重領朔方兵前

日困猶關臨風劍未平獨憐陳武老裏革蜀中行

雷煥延津劍龍文斷關時風雲移陣色魚鳥換煙姿自

濯滄浪水虛吟雪柳詩一場山海琴散廣陵絲

何日烏頭白長途君馬黃兵笳催祖帳朋酒共斜陽吳
楚軍城在東南海岸長林鴉昏萬點金鼓正茫茫
戎幕英賢敷新勳氣象多浪傳張坐飲同盼廣成歌芳
草宜陵道秋聲白塔河空波吹木葉閒與倦雲過
百口能朝夕高天厚腐儒朝簪雙鬢短野史一亭孤煙
郭愁重到春城痛再蕪安危望公等老淚滴江湖
贈鄧荊甫
仙省青雲貴江湖赤地貧天心維長吏國計在編氓清
約能將母艱危實致身滔滔君攬轡吾意足垂綸
答鄭生

詩十三

王求恕齋

憶我少年日大鳥輕蜚鳴放眼小管樂將以躋治平樹
木實其本為山觀厥成大塊不改吹白髮浩已盈之子
荆襄來高步循修程森然見萬物初日開山城蘭茝起
舊業善氣為萑榮順地自長養何有棘與荆從我淮水
遊且事南山耕中泚出砥石嘉卉鳴倉庚願懋始終詣
窮達垂令名

短歌贈劉憲憲字常心佛生師仲子也下第還撫州山
齋荒落無能以飲其行憫其川涂悽然有
作

石無為泰山羽無為鳳凰為儒亦有宗純白多苦傷苦
傷勿復道枯苑叢偽好上壽不百年種種岡陵草昔升

君子堂今日寒君裳道里出鎮戍荆棘天邊長問夜大
江口童童赤脚柳州堵不逢人離離見南斗臨汝未解
兵歸者難為情且飲京口酒莫聽猛虎行

擬樂府十五章逆南拒捍豈憑揆險深稽天誅六七
粹後命於下亦郵郵乎恭且勞也時至運泰夷難告
功天人之交剝極斯復皇威丕揚休烈遐敷則
在方帥重臣克壯其猶且夫平非常之亂成非常之
功必有良法美政以善其後湛恩靡鴻以勞綏其民
當其海寓又安偃伯興敬奉宣德意舞蹈盛美史實
其職何俟未臣然際亂思治冀清大慈復置域游安
平之天煥觀輯柔正直之化此草莽狂愚私心翹仰
夙勤不日者也爰附子厚夷雅白石鏡歌之義前被
哉凡擬樂府十五章各系以題章十六句

詩十三

王求恕齋

帝清負二百載中區偃兵應願嶺微乃產不庭梗芥中
土誰實之令於穆我
后冲眇峻明
王師載慈一怒削平空迴噫氣象復完形赫赫隆隆以
遂以生
至化糺姦以還無征賦蕩寇
優繇桂府連卷衡山豢虎於嶠縱鯉於洲九江失問三
吳奚言抵冒腥毒赤縣橫延愀然
天顧齊彼缺殘燎景踰滅芬德森完我賈新聞我農舊
阡乃繕乃浚斯城斯川

不二王土全我版章賦復墨

大獻合樂我裝

廟堂百僚戎服

天子飭香嘉至永安虔稽告章曰余小子履天之祥

列聖降祚祐錫無疆粵侔楚侔眾如大羊勝殘以真亦

辟奉揚遐哉

帝力實宣耿光

振旅報功有事宗祏賦告廟

小征大匡

聖緒淵湛軍門麾鉞日月我臨龍驤虎奮亦既克任金

詩十三

垂求恕齋

聖籌綬雲罕羽林圖貌賜氏太室之陰大榮門爵小資

朝簪豈伊膺力百爾一心烈克綽矣翊矣高深

大凱燕喜懋賞于庭賦賚功

姬氏東山伊嗟斯斧年載迥邁林離荼苦業業星廬厭

厭樓榜豈不懷爾以陰以雨百卉重英戎衣再補

帝曰其旋爾間爾伍爾蒐爾吹朕其食汝汝康汝休念

哉禦侮

戎器載除勞我還卒賦撤兵

山棚曠騎白徒雲屯旆旆于野嗟嗟義軍口用手錢加

爾氣神庶幾前驅扶我兵身歸爾逸爾載受載响歸爾

逸爾遷改武人無卽爾暴其還爾醇令甲終始稟哉

皇仁

盡散召募仍其地業賦遣勇

上治宜人經始之庶征人日歸翔翔焚圃瑕慰寸蠶安

樂潛蠹洪潰之餘浸淫沮洳周彼險隅條其饑附兵寓

厥家防因于駐蓬蓬周原植邪無路康哉教養嬉我婦

孺

法嚴經坐姦無匿區賦民保

閱彼凶城取子毀室大溝流斷司徒勤術芬哉聚民荒

政任恤十二之經忍哉闕一抱穀段種泣租賒日蹙地

詩十三

垂求恕齋

其蘇羽出羅畢在槁斯莢在單全匹高其知之

聖仁洋溢

疲癯待甦急謀保聚賦振瘠

司門養老外養孺孤功成推惠敢死之孳挺挺勇膽峙

鳴義驅黃壤願赤碧草甘朱斯城斯野斯場斯廬聲

嘶景均捐體膚生存拜舞金牒玉符哀哀九地和春返

枯

搜遺責隱矜賞死綬賦郵殤

虎臣振旅大吏餉兵小吏狂走噉泣路聲下縣一區樞

府百名民無私藏上無橫征風動蒺藜人胡以生有羽

其瘞有麟其賴

后其長汝無雜狗驚一切罷去天開日晶

因時損益舍權用經賦罷權

駕駢離哉

聖人司命四時馭和官人大柄在急罔擇斯利斯病榮
途羣趨演演才行廣進資寬準評道峻疏壅條流何傷
善政部注堂除後先裁慎權變調停廉平中正

察選材流澄清階序賦典銓

黃雀高飛鷲鼓蔽地藉于征誅儒非虛器千萬歲春森
風一吹家修禮容倣擾奚自動靜互根武文代替振鐸

詩十三

垂球想齋

讀法搏扶人氣我

君我師宜民長世郡邑絃歌河山帶礪

扇滌餘染首善厲賢賦崇儒

攸攸穆穆倫外無歸左道焚滅濁亂胚胎水火乍脫人
理河開好怪克闢好善予迷匪善之迷名存實乖在途
狂鶩荒妄翔來祥貸儔侶峻斷渠魁多方大誥令行風
雷

端明政原嚴鋤譌異賦告教

雄邊失馭函夏控弦駢山貫江楚其豎然是總是孽厥
厲厥愆武成履功豈日無賢憤弱僕遊夫何任焉斧鉞

在存鼎鐘自天曝仁移惠周馥翼宣卿無冒位尹無贊
員

不疑舉錯委託腹心賦簡賢

於煉我

皇訶翦不恭畿南秉克桂陽嶺通鞭撻荆楚淮右挂弓
貝醜河內帖夷粵東池酒演甲嶠劇閩戎縛縛

廟算手折遐衝決天闔澤盡地來同九功象舞萬禱清
風

神武廓平祚隆海嶽賦慶成

詩十三

天球想齋

心鄉往齋集卷十三

心饗往齋集卷十四

曲阜孔繼鍊著

吳興劉承幹校

和陶

灌園四章用歸鳥韻

翔遊八表不如在林戢影惡木不如松岑借問君子好
遯何心亦不自審坐我庭陰

逸翮風舉萬里能飛波深雲阻中道何依百齡悠悠實
獲一歸投清領素古之所遺

詩十四

一 求恕齋

與春諧願言企而葛天無懷

孤花窮谷誰賞寒條未見嵩華誰信高標嘉卉離離黃
鳥交交食荼匪苦灌園匪勞

衡門四章用時運韻

往啟衡門賞我良朝夢與天遠冉冉青郊誓將微抱託
彼清霄上為好雨下被嘉苗

塵衣在河豈不可濯更事云多投之駭囑際香難量坐
窮易足有古之驩有今之樂

驅馬燕趙揚舫淮沂川嶽何獲抱雲來歸取五十弦希
聲微揮空桑雲和彷彿可追

雲水荒邑中有我廬竹木蒼翳偃仰曠如早秋無為剝
棗斷壺好吾所好余不棄余
勵學四章示兒輩用榮木韻

壯往在旦夕還亭茲悠悠術誰汝畫之百年柯葉韶
好幾時我已不植汝其儼而

苦為志本貧乃道根騰葩流豔澹泊者存見天有奧不
學無門為岡為陵不積奚敦

聖賢在堂奚云孤陋理貴賞新得無忘舊厚爵匪寵多
金豈富名與身蘊傷心飲疚

詩十四

二 求恕齋

期名曩汝健吾衰憑其所至

東山四章贈同宗孝廉憲彝用贈長沙公族祖韻有序
眷願大宗播遷淹久汝派以上豈云路人世次長孝
廉而學實下之嚮往寫心短言志愛

一途分軌自近侵疏日月離湯恩義有初東山嵯嶢白

雲其徂瞻彼東山怡傑峙躋
東山首路心儀廟堂宮牆闕謁不識圭璋俎豆萬禩苾

芬露霜伊嗟未肖景附耿光
上國攬轡懽心載同笑言風雨之子徂東高懷躋雲有

才如江投稿在庭報玖遲通

踵聖人後果行先言思不越位義重兼山懋哉君子秉
志確然質宗之彥聞道之先

有贈用停雲韻四章

有序

稷兒師寶應成先生 卷鏡 積學篤行士也年壯進銳

吾道有歸自慎始衰言兼敬畏

今夕我廬古之風雨天將君子不我修阻堂有素琴驪

無獨撫君子不來使我遲佇

升高攬曠湖海青濛狂流注雨注愁成江與我君子坐

影閒窗白雲零替東西馬從

木有重潤華有再榮誰能太上蛻世遺情小鳥翰飛日

詩十四

三求恕齋

邁月征通天人學嶽嶽蓋生

鳴風天半丹山之柯啞啞野鳥不足相和願瞻君子心

儀孔多褻裳相從道里如何

與喬廣文 守敬 用酬丁柴桑韻

樹之好陰小鳥爰止海內希風視聲井里君子之交久

要在始

二情能一不知其山重以媼姪載同難憂以心相語在

醉無休我賞子趣子樂我遊

示鄭甥 戴恩 未甥 士堯 用荅龐參軍韻六章 有序

鄭託小仕趣在退逸朱有志學行期大用感兩生之

出處增予懷之縉縉焉

去淮之揚攜家載書去淮奚佛之揚何娛深木遷石天

與閑居誰非逆旅且惕遽廬

陸媼醜酒情語足珍兒女成長日益所親藐茲弱息爰

得良人非惟車輔乃德之隣

榮陽清冑策已孜孜十載形影爾汝共之餘事繪素亦

賦嘉詩奔走升斗良匪所思

沛國令子攻書夜分念茲在茲是賞是欣扶搖在邇家

有青雲師資忝竊尊爾所聞

文豹善隱良馬善鳴道有總要不問奇零潛見隨遇積

詩十四

四求恕齋

學如京山際其高水適其平

習習陰雨相薄雷風論才委命樛流我中天道無極君

子有終貴豈云位善積乃躬

憫農用勸農韻戊申七月作

抱影求食予亦猶人勿云夢幻飢渴者眞陽侯肆力坎

德何因濺濺野水哀哀農人

安得神禹匡我后稷水胡云利適害藝殖往歲偷瀾敗

諸稼穡今流離兮田祖旅食

欣欣桑柘藹藹川陸在豐不知滄眠勿穆家室漂流雞

狗奔逐幼子星征少婦露宿

載道瞻天忍使淹久提左抱石相率隣耦聚族野哭不見壟畝曰雨曰風予足予手

涼風聿興身瘡腹匱載瞻載言百無一冀水豈我尤命也蹇至我之百憂人胡云愧

森森津涯迢迢都鄙東歸何日南晦是履瑣尾無極政

有令軌我思哲人鴻雁式美

述往十章用命子有序

少壯侵衰曾不日月靜言思之迥如天地之久命稷

兒牧兒志之鏡來心焉

老旨繆悠莊說荒唐唐束身周道秉心天光我之瑤琴調

詩十四

五求恕齋

多側商願爲丹鳥其鳴歸昌

銜羽而飲誰識周周被天之雲如荷山邱儕農家子希

隱者流體重羣嶽心輕五侯

小小頭角不蛇不龍食家之食言懋國功三十所居蝸

角蟻封空山無侶麋鹿奚蹤

竈集陶冶林歸匠柯賢人肅羽皇路張羅余亦寒裳山

隆川窟涉茲萬里墮彼風沙

刑屬三千齊以令德釋褐 彤庭典獄佐國出家從政

惴惴愆忒遠我二人我心胡得

如夢如墜念我初始浮家淮海歸我戚里身有鞠育爰

得所止在旅癩憂侍寢燕喜

用潛任道剛有不及負影再仕川防危立日月不居河

流孔急聞見云多鴻號雁泣

智窮見本天開嘉時父召母命今也來思兒年五十提

抱今茲嶽長海潤親年齊而

於世履冰於理觀火再千百祀焉必有我人生萬岐天

鑒一可以抵非中心無假

余年云艾乃心尙孩保茲佳日匪勉將來得飽實難知

恥爲才守爾百體其敬之哉

述詩用述酒韻

詩十四

六求恕齋

孩抱不知我嗷笑爲見聞四齡識日月幽顯心能分祖

陶事章句十五擬停雲二十熟漢魏高欲窮皇墳下學

雜科目蹉跎非一展殫精念在茲雲物漸我馴性情拓

閱歷天復勞其身經史益我助漸清深劬勤一息筦八

極百體從天君靈均抱蘭茝窮谷徒自薰垢藏且藜悔

矧敢矜能文鄭枚半同學鼓吹翔橫汾榮落一以判木

葉徒紛紛擗毫識歲月閒亦投所親蕭蕭苦竹叢不足

求伶倫

矧嚴少平文錄用荅龐參軍韻

海天鬱草樹掩關誰與言冷境慰心眼水石開隣園日

涉復何趣還坐理陳編有道其閒寂就我能欣然蓬葆
地無所雲水天之緣胸懷萬千意相對無能宣召問東
溟渤可有三壺山神仙不可致努力樂當年

羊寨遷阜河阻風安東用阻風規林韻二首

修程森無際客行靡定居虛舟納遠響長風來于于脚
厨不得進款棹城南隅彼岸雖云阻幸已遵半途大河
流日夜波浪猶江湖在險乃忘險勢迫情轉疏君子貴
自守萬物歎有餘安在極其欲無羈縱所如

飛鳥沒雲外飄飄獨何之客行忽已西東風不我期戲
柁面高柳駭流無停時及晨論千里向夕仍留茲余豈

詩十四

七求怨齋

獨耐此不耐將焉辭去住事偶然皇皇徒自疑

始至阜河用移居韻二首

嚴君隱卑官就官非卜宅艱難向升斗骨肉任晨夕茲

土信荒隘嗟免遠行役及辰宴所親庭月照前席展席

洽權素望月感今昔來月有圓虧家室無離析

閉門寡傳侶高誦柴桑詩短樹環四鄰鳥來時和之敏

嗣發新聲啾啾如有思所思豈余異感此方春時少年

不可再忽忽淹在茲無聞古所懼往訓誰我欺

南寺閒居用雜詩十二首韻

棲息大河旬几席虛生塵庭木半枯死慨然念此身歲

華日以積人專日以新三十未為老見惡與我鄰一臥
復一起一朝復一晨河聲近東海送爾悠悠人

早歲事征鐸信宿馳冕頂逸賞副激懷往路續來景朝

被川霞絢夕飲山氣冷在進忘力勿少息知途永回首

鏡流波坐歎鬢眉影從來蹶足駒結念在馳騁踏鐵未

全銷踴躍誰能靜

閒愁無定端起伏不可量日晏羣動息明月燭我房百
年方及壯取譬夜未央晚樹豈無榮惜已非青陽飄風
動梧竹歷亂鳴空腸

人苦不知樂樂莫依二老性天結不解富貴焉常保藹

詩十四

八求怨齋

足求崔嵬一退平羣燥遊子適榛蕪悔不歸來早依依

濡慕懷已恨非襁抱遵軌慎來茲既往復何道

兒女速人愁對之轉怡孫叔艾三索得如鳥初習翥更

有三弱女牽懷不能去伯穎詳舉止蹉跌已無慮仲英

惜非男偏愛珠不如季芻甫墮地呱呱日未住眼前兒

女歡是我親樂處南山父母年喜極安用懼

平生抗奇抱放言輒自喜寄身大塊中滿目悲生事親

舊盛飢寒疴癢通心意周急良所欽斗祿何由值太息

復太息日月去何駛愁顏不自懼廣廈何時置

從宦馬陵西傳扉苦逼迫南庵數我過殿閣鄰郊陌魚

鳥集光氣花石爨青白山窗洞平野坐攬河流窄苾芻
好禮數將我爲上客一枝想形影天地此安宅

佛氣不蕭瑟香火資田桑多羨維摩供值不須批糠棟
字底頭陀坐食孤糝梁焚噴不可曉吐氣何陽陽貧者
徧河曲生計信可傷力竭腹不果誰能均其方雕榮有
如此且復傾我觴

獨酌寡所適離緒紛無端好友阻川梁年序空推遷道
里各相望猶處未與顛今日載飢渴昔日同盤飧況我
交落落性命敦因緣會當良風發一寄停雲篇

少小耽吟諷於古靡不稽源流有升降一一求津涯冥

詩十四

九求恕齋

想足耶壑鏤險歸平懷甘苦信有得精力苦未彌所貴
既其實非云詞陸離細苦陶彭澤不爲事物羈天地寫
心聲性情乃不虧

仲夏苦恆霖微風迴夜涼披衣滅燭坐暗蝠撲塵梁浮
家類萍梗何日還故鄉坐惜顏面改不因蒙露霜攬步
起踣躄欲歌不能長

東天浴日烏西天橫月子萬古此昏旦人事相徙倚愚
者忘其天智者求其理

奇與人兄長沙用與從弟敬遠韻

平野帶邨市風景畫清絕官舍似貧居日高門尚閉

前長淮水瑩徹比深雪曲折淮江流在遠同一潔挫抑
嶽崎陪天爲智者設孤芳生廉隅末俗尙容悅岸高拒
激湍木勁失風烈莫以所處卑少替嶢嶢節升斗效馳
驅謀生未爲拙勉矣四方志毋感經時別

乙酉重九獨登黑窯廠用己酉歲九月九日韻

情拂鬱沈智執在無深交獨上凌虛臺萬象淒已雕生
平際坎壈據卑神識高秋城見鳥雁聊復翔雲霄干戈
古擾攘進退爲逸勞仁者卜無敵何用求龜焦忻戚齊
我懷在賤心陶陶還當驅馬來奮袂嬉良朝

壬辰出都用還舊居韻

詩十四

十求恕齋

挾瑟升高堂終闕便引歸賞音任所遭中情曠無悲不
悲亦偶爾心是境苦非盤盤郭門路過我忽如遺古人
重去國誰能不依依形影支晴昊年命況相推涼風振
高柳葉好條卽衰天南求耦耕有酒可共揮
發雄縣用經錢溪韻

首途始三宿衣上萬塵積北風送征人川原渺如昔天
曠沙氣肅朝林尙棲翮人語出河梁時有坡隴隔輪鞅
非好勞筋力焉辭役看山尙在燕問水已離易念歸數
亭墩悵往感離析人生有歲寒何處盟松柏

東昌舟行用經曲阿韻

歸懷消百感臥讀車中書莽莽曉無端舍家將焉如秋
霖接齊魯泥潦交通衢行路昔云難况復人事疏舟子
招我去心與川送紆雲物領天賦城郭攬古餘昨眠車
轂塵今接風濤居我勞未遑已我樂猶禽魚耳目適襟
抱誰能事蹇拘高秋縱歸權稚子遲蓬廬
用擬古九首韻寄山陽潘四農師

荒雞號斷垣昏鴉聚高柳門前萬古月形影誰當久野
風吹夢覺山川隔良友悲來對天語口渴不能酒意氣
在盛年一錯百孤負曠戶枕陰雨動植順高厚我生轉
蓬科飄泊成何有

詩十四

士求恕齋

日月替大野靈運無始終天地有真氣呼吸周華戎流
爲川海潔時爲山嶽雄眇躬浮后土人事多飄風空堂
夢霖雨萬壑迴飢窮墮地三十年迺在塵埃中
北風厲征鳥羈客淹城隅層雲鬱南望我懷何以舒冰
霜瘁車馬言歸河上廬老親執兒手兒跪問安居去
堂前路淺草今荒蕪大河日東逝遊子情何如
澤因累年饑大官無歲荒小吏朝暮謁上堂復下堂鼓
門列風旆鼓角吹蒼茫絃酒客在關涕泗農在場一堤
障地龍城郭參邱邱度支竭租賦水與金低昂老兵抱
歛臥腹飽防河方久客傍淮甸閉戶空嗟傷

淮東一貧士寒煖服不完出門見與馬盛世駢衣冠入
門抱古鏡坐換常鬢顏生世速白日寂寂眠江關高岡
跨大野雲物垂天端其下幽人居松竹鳴清彈老松偃
蒼虬枯竹吟飢鸞冰雪歲云莫白屋蕭蕭寒

川原去往昔井邑來今茲冉冉別離日忽忽歡娛時山
妻縫我裳及歸盡爲緇弛衰委空房牀旄生悲疑一悲
生年隔萬悲無訣辭同穴有來日未死纏酸思巢鳥號
失哺風雪虞凌欺兒女失光澤我親彌痛之且較北邙
作莊詠南山詩

詩十四

士求恕齋

翠卉抱春澤百族翔靈和古人積高唱一一生前歌歌
聲歇芳草靡上牛羊多顏短詎顛顛彭久焉光華狂馳
百年去漚滅將如何
秋風盪庭戶端坐懷舊遊舊遊渺何許室家今楚州抱
道澤中吟嘅運川上流誰能事虛誕洪厓與浮邱宵肝
軫堯舜潤色誰伊周雞犬樂平世我意將焉求
大木聳雲日山深絕樵采太古闕幽異零落柯條改掘
井當及泉尋河當見海在已助本實在人欲誰待獨立
乃不拔頑懦聚憂悔
送萬大應新之官粵中用和郭主簿韻二首
客廬 御溝上槐夏門關陰欲別不能別坐樹攀衣襟

欲語不得語贈子以瑤琴借問琴中意是古而非今聰
明德之衛詩察非所欽人言極涇渭清濁還自斟勿以
好耳目炫彼色與音勿以好體素牽制纓與簪忠實見
底蘊江海迥且深

子如冬嶺松兀兀露奇節子如寒泉水湛湛太瑩澈利
物劑天和聞望信清絕自穢蕭艾姿敷榮遜園列養拙
守庸下用世委英傑明日溝水頭與子黯相訣悠悠萬
里行日斷雲閉月

送郭舍人俄霄歸南豐用與殷晉安別韻

人生垂老別誰能不殷勒結驩未云淺況復心相親行

詩十四

去求恕齋

當山嶽隔慙作天涯隣念子遲明發忽忽宵侵晨道旁
觀別者且爲傷乖分子歸南山墅言謝東華春千碧斤
竹湖一白龍池雲望月墮空夢相見良無因真意載道
力衰白能飢貧清風吹北牖誰是義皇人

東清河李三國賓用示周績之祖企謝景夷三郎韻

小縣抱河水雲木叢欣欣我產實茲土長大爲勞人一
二同門友風雨期無因晦顯隨所嚮大道誰克臻委心
任凍餒惟子如前聞一編能宅心況復搜研勤老屋書
漏淫竇隘與爾隣我歸歲云暮相歎長淮濱

戊戌重九舟次靜海寄懷善比部年用九日閒居韻

長揖返蓬華逸思孤雲生擁節數亭埃郡國忘其名月
沒草樹黑海氣侵宵明參橫動寒色高岸霜無聲舊遊
感逝水遠路思衰齡人物厭老醜肝膽誰同傾芳序遞
往復勁本無枯榮杯中瀕洞酒世上蒼茫情飢寒竟辜
抱萬事看垂成

花家圍視亡婦墓用怨詩楚調韻

遇不少權笑觸汝成悽然百體更事多潛歎隨遙年自
汝不我俱我行多缺偏家人處重闕汝獨棲中田人事
隔汝遠勞勞市與屢告慰有來日相與蒿中眠老烏眷
舊雜枯楊巢再遷飄搖護毛羽啼血霜風前百族盛意

詩十四

去求恕齋

氣一墮爲空煙悠悠身後名實視生前賢

戊戌九月歸白田用歸園田居韻五首

勺水性滄海礎石根崇山萬物靜念本人動忘歸年危
坐集夜氣空洞心淵淵上覽見沖漠誰壑洪荒田作息
遂長養骨肉爲人閒今日天上日不異羲軒前奈何遞
幻化歌哭風中煙蟲介自卑溽白雲華嵩頭出處順寂
感無逸居誰閒一墮無全瓦神骨長森然

借彼壘上鉏斷我塵中鞅漸與野人洽心在無夸想斗
室掩蓬巷雲日相還往陰陽數物候靜驗莓苔長孤花
階下榮舉首見天廣太虛足生氣萬象非幽莽

終日步窮壑不恨知者稀我心懼爲石轉轉歧所歸是
稼足無餒是布足寒衣物生貴有用藏顯無相違
少壯事行役羈苦誰與娛長日逐旅食煙火投林墟困
悴發歎豔眷眷野人居茆屋三五間榆柳百十株老翁
抱孫笑安坐神愉如往暮苦不足此樂今則餘息駕問
田舍耳目來清虛藹藹戶庭樂實有非空無
小縣枕長淮高臥北城曲青谿城外田魚稻城中足神
州在魂夢著著斟全局痛癢豈無心碧月高天燭不語
對參橫蒼茫坐天旭

讀晉皇甫謐高士傳用讀山海經韻十三首

詩十四

孟求恕齋

端坐覽清畫生意密復疏禾黍長田阜花藥發我慮何
以順物候靜讀前民書空園無人聲安有馬與車佐讀
有疑兒佐食有庭蔬寬閒誓危苦期與古人俱古人不
可及黽勉當力圖悔心涕往日來者心何如

白日照荒葭野無戚顏老萊與妻遜世莫窮其年託
身拙無巧播種先墾山官祿有斧鉞聖智危其言

榮叟負一琴館宇隨山邱鹿裘風天下泊泊誰與傷貧
士昧生死柔靡從下流抱常以竣終吾友天爲游

漢陰抱甕叟養氣藏微陽用勞物見損無機壽命長崇
簡亦天則止水心生光惜哉遺世懷向口多雌黃

高談賤金璧不受天子憐始皇入所廷求彼蓬萊山受
學河上叟心師李耳言人傳千歲公賣藥徒長年
偉哉杜田生后土一良木暴秦不識字義畫囉陵谷聖
業耐賢身日月此沐浴青齊閉門居萬古精心燭
大君能生殺高天能晴陰物外無法網風日嬉泉林使
郎就受政空山無闕首成公洞出處藏用無二心
我悲宋勝之孝慕一何長五齡失怙恃百歲尊天常代
叟路擔負有親分肉糧有親當如何春日豈遽央
賣卜不下牀臥見世奔走生不受人恩垂死無慚負君
平百錢外違計無與有著書完我神固窮見身後

詩十四

孟求恕齋

向子畢嫁娶出門事山海當其閉門居潛隱飢寒在受
饋反其餘人已淡尤悔生死夫何如損益更相待

陳留申子龍力學徹天旨十五明恩誓能活緜女死步
負我友喪險苦信能履市義小人爲直節乃足恃

高尙亦奇懷絕類詎通士古之聖人徒遇困或用止雁
公審巢穴栖山亦偶爾危方在天下安且遺孫子

治經見物本姜氏篤其才兄弟有時盡日月不再來天
淵蘊真樂魚鳥徒相猜寶遂以虛獲古人其懼哉

用形影神三首韻寄葉一名禮

往遊棲夢寐了了別君時一步卽成別况復天南之日

日看天色白雲恆在茲爾我不如雲邈此交并期顏面
既恍惚空有心相思在別重道義兒女徒漣而願子崇
令節萬里毋憂疑龜勉勸本實舍本皆浮辭

滔汨競妍巧一夫用誠拙巧者動忘歸梯棧與天絕蹇
裳涉南山古木發嘉悅離立闕雲日魁偉凡柯別世有

自韜養無用卽空滅孤懷巢許寒未若臯夔熱血氣扶
洪鈞飛動肯衰竭升高見方員人也胡自劣

大化何融融理以形骸著有客脫組歸夫豈逃名故形
分勢散殊恩義相依附身不與心諧何地能容與全家

湖上城是我忘憂處老屋向天開春日門中住芳樹蔭
詩十四

詩十四

七求怨齋

連牆鳴鳥紛無數階草與檐花生意爲供具閒中斟是
非世外淡毀譽惟有坐離索良友畫來去子懷我所欽
子學我所懼出處各因時高步毋多慮

戊戌除夕用飲酒二十首韻

有序

心在歧路歸猶未歸知老親憐兒意惜亦不以虛榮
爲實樂也龜勉廿年獲有今夕揣心爲聲不覺言之

長爾

眞樂際萬物惟人實知之人生致愁苦恆在別離時庭
中有嘉樹好鳥巢於茲維飛不離柯兒歸復奚疑恩義
始倫紀性命相扶持

求金市冠蓋不如歸買山側耳市上語不如山中言窮
谷長薇蕨得天以爲年閉門閱萬古赫赫當誰傳

覆載闢賢路代耕亦世情小子審進退神笏非我名願
我父母慈鞠育我一生好爵動雷電不足兒震驚所懼

學不立百歲垂無成

城府聚煙靄獨鶴高高飛飲啄昧所性人閒良可悲斷
蓬不附本何地相因依舍此更無適今日兒眞歸舉酒

向晴昊蒼蒼色無衰白日照襟素示我以從違

絲竹入良夜何處林鴉喧星氣隱隱雪燈火淮東偏更
從得平地家室安如山蕭寒一夕盡來日春風還春風

詩十四

六求怨齋

錫四坐孺子歌一言

檢身叢干非悔心研一是銳意出塵網安問譽與毀聚
散風中花骨肉豈偶爾傍親娛百年何用從黃綺

春前木槩乘階上雲英英衣裳暖暖日家室愉愉情稱
心奉旨酒滿竿無敬傾甄瑜堂上舞取瑟相和鳴一彈

元鶴翔再彈瓊芝生

我父壽天地何嶽無孱姿我母壽天地松柏無頽枝天
地我父壽冲抱無新奇天地我母壽幼勞永所爲健順

我父母氣數安能屬

我父起胼胝荆棘身爲開任眞隨所之與人無曲懷往

往愴飢溺念與時相乖曠心隱闕析不失爲高栖放步
措八極何往非塗泥小人自齷齪君子自和諧所悲世
悠忽智者甘於迷請爲仰天歎上有雲昭回

我家自上京託處淮西隅中更歷徐海日緬風波途一
官我父勞母實同馳驅意苦遇常泰身儉心有餘高厚
鑒戶庭儉苦爲安居

我父呼兒語兒歸自遠道兒遠爲誰歸我衰爲誰老而
母抱夙疴兩鬢亦云稿不願被狐貉不願饜美好願兒
千金軀忠信以爲寶長跼承父言雷霆在天表

詩十四

元稹題

母豈無慈酸痛慈在茲通籍實祖德天道信無疑縣上
有借隱爾母豈余欺兒歸吾飯汝門外將何之

母言兒生時奇餒爲常境母病父將兒兒凍喉長醒無
衾覆以衣衣亦無完領計兒彭與殤邊計鈍與穎兒今
田園歸力學還初秉

母言兒去鄰萬感更端至盡室思就汝我病憊如醉兒
歸何歲年耶署羈階次不有冠蓋愁焉識林亭貴往日
豈無酒今日有真味

維我父母慈宇宙得歸宅廿載浪莽遊瞥眼驚陳迹寸
懷抱區區驢歎有千百黽勉闔室中厲精爲潔白心意

慎年光坐馳良足惜

維我父母慈勤閔備所經疾風吹闔闔嘉耦中無成高
堂愴兒意宵歎彌深更荒砌發宿草春氣迴我庭斷續
房中詩不失爲和鳴衾裯閱今昔願復難爲情

大宗炳萬古高挹東山風飄搖有今我依依天地中秉
心樹堂構在境忘窮通眼前四小男悠悠冶與弓

惠迪致溫飽清門無苟得遐福天所將祠禱世狂惑氣
運心樞紐敬肆爲通塞上囑三千年茲理賅家國維我
父母慈天道何嘗默

詩十四

元稹題

芒屨躡上國初心豈忘仕擾擾塵羣中歷歷審人已得
失久寓目耀不償所恥一權發秋風煙火認井里回首
駭驚濤離苦不勝紀猛志策高足從此儻然止門內無
嶮嶮眠食足怙恃

雖云世若夢戴履眞復眞四夷屏所餌表海民再淳無
事坐熙皞僻壤東風新笑彼桃源人畏心猶在秦今日
視天宇八表無纖塵願求湖上田學稼躬忘勤耕餘課
兒讀日夕侍我親暇或飲鄉叟農事言津津春脫得滄
飯巖谷爲裳巾渾渾彼蒼意厚我蓬蒿人

己亥正月五日用遊斜川韻

修塗導前步夷險無蹇休倦彼簪笏趨易以隴晦遊辛

苦歎川逝用暇爲停流往年軌上馬來境波閒鷗閉戶
攬閒曠釋重如山邱載籍輔余獨豈曰無賓壽長日命
文酒以逸爲勞酬撫襟問故吾有樂如今不春氣發林
澤誰見漁樵愁家室在豐歲得飽其何求

造山陽師東莊用始春懷古田舍韻二首

縣居重湖陰北郭歲始踐地上雲飄搖離聚那能免造
廬歷湖曲情以春光細草樹性猶人萌發含天善萬物
有初終百歲苦非遠汎彼谿上日忽忽何當返世外無
滄浪行矣求清淺

家無十日儲豈曰非長貧在餒且忘病講貫此劬勤劬

詩十四

主求恕齋

勤夫何爲感歎在爲人服御與肌骨一陳不再新坐閱
萬萬古窮谷誰欣欣悲彼狂瀾趨何者爲厓津解地去
人遠乃與天相隣蒼蒼照庭宇安用希前民

已亥洪湖盛漲壩水下趨近海州邑秋不獲登舟過高
郵書所聞見用八月中於下瀨田舍穫韻

高沙恃石岸小艇依城隈平生飢溺心耳目負所懷重
湖浩澗水不與民氣諧穿隄斷馳驛漫港失鳴雞十邨
一煙火白日空盤迴青鳥衝波來舳舻鳴且哀鳥亦不
得食苦霧蒙難開吁嗟誰致此人力非摧頽河伯天上
歎亦云時數乖人世困時數願從天上棲

城下獨步用遊周家墓柏下韻

春風吹湖岸竹木爲鳴彈行吟對天笑人不知余歡并
邑有熟歲邨氓多醉顏長淮見帆檝往路何時殫

江城雪霽用蜡日韻

戶庭變淒厲懷抱有常和老梅不默雪皎皎寒中花
風霽將曉落木何其多南湖隔煙郭日出聞漁歌

觀南鄉秋穫用九月西田穫早稻韻

靜居無浮心感物求造端歲事民共由用以勞相安閉
門境履一出郭天改觀善氣秋風至妍景谿日暄穠穉

出菱芡黃熟無荒寒君子重本務堂陞知艱難居遠理

詩十四

主求恕齋

不隔況我家江干飽者視筋力醉者求姿顏國體基農
心息息天相關使由不使知蠶蠶何足歎

辛丑冬改官南河將之都下次曲呵作用王撫軍座送

客韻

郊居局寒翠庭草黯已腓孟冬復出門無乃負初歸力
不勝儉苦懦在中靡依一步一悵恨兩腳與心違煙木
雜霖旭百禽歧歡悲遊子旣中路高日空暉暉終當理
歸翼但苦還山遲眼中好崖谷舍我忽如遺

癸卯七月經陽武博浪亭懷張留侯用詠荆卿韻

六國痛蠶食壯士甘咸羸伊昔醉燕市慷慨悲荆卿長

夏苦行役驅馬來東京路出白溝南沙水送我行臨流
一瀟灑下土塵霑纓古亭出荒埠披豁念豪英直北太
行色東逝黃河聲野風動胸臆萬古寒雲生留侯昔年
少一出天子驚功成志黃石不事人間名赫赫帝者師
竹帛垂漢庭艱難識其始博浪仍名城川塗朝氣靜客
子何營營植身既鹵莽百事將安成何當赤松遊輸我
煙霞情

贈通許蕭大令 秀棠 用贈羊長史韻 有序

癸卯黃河決中牟通許當下流于役險阻與牧民苦
傷并見乎詞

詩十四

三求恕齋

滔滔人間世生事雜憂虞流離際耳目愴歎不勝書衝
命自南國勘水來東都故人所領邑風濤不可踰道我
南濠路迤以平肩輿相揖但惘惘旋別何能俱沙水噓
城郭欲去還躊躇行邁且流涕使君當何如天色漾晴
藻練影迷平蕪洲傲偶人語有歎無權娛翹首問禹蹟
治術良不疏舟楫倚當路興懷均慘舒

用止酒韻懷張孝廉 際亮

游雲靡定方好風佐行止白月吹青天萬影深杯裏詠
懷託阮公言愁最平子傲極無古今狂半雜嘖喜君激
我懷抱我軫君臥起長蘿纏病葉秋風善條理獨善道

之偏愁來且爲已晚節珍高松暫好謝稷李騰沸大海
水以定爲津溪堅貞還自卜安用問來禩
寄與人兄瀏陽用酬劉柴桑韻

天胡速人別一噫歲九周瑟瑟沙中葦滿抱瀟湘秋辛
苦宦天末不及畊西疇勞農有樂歲仕果無飢不爾我
垂垂老何日同居遊

乙巳除夕用歲暮和張常侍韻

棟雪融朝日檐溜飛珠泉歸來坐空曠默默心相言形
影積歲月更事亦已繁我躬從人役一悔滋百愆前賢
策高卓植體嵩華山在天各有適不隨雲迴旋庭階綴

詩十四

三求恕齋

百草霜露苦相纏不有檢往躅何以履來年攬鏡見元
髮盛衰古相遷秉禮順時會造物同熙然

用有會而作韻 有序

春晚晝午獨坐南榮悟往路之多歧惜庭陰之易昃

援告來日用志今懷

在賤良有用君子鈔長飢亮哉節士苦獨造遜者肥嗟
彼當路子深涉褰裳衣嗟來走惶汗不飽而徒悲得飽
亦偶耳腹果心苦非古人在我前棄我如擲遺行行見
斷港中道將安歸臨流挹孤潔澹泊是吾師

道光辛丑夷犯浙江舟山失守王 錫朋 鄭 國鴻 葛雲飛

三總兵同日戰歿詩以哀之用詠三良韻

戰撫兩失馭外患誰實遺吁嗟大難端其來亦云微舟
山孤無援若為地所私得失委三鎮遙策拱旌惟四山
合死力士氣無所虧碧血濺海水三忠同一歸舉世競
高論臨難覘從遠武人耀 國乘聞見今所希一一食
人祿念之中心悲寄語大將壇毋輕短後衣

懷左布衣 嶽 用和劉柴桑韻

大樹蔭歧路駐馬昔躊躇茅茨隱禾黍不識幽人居大
河逝日月久乃求君廬碧雲戀田野清氣生郊墟君子
務拙實委身事耕畝有弟大和協佐之以勤劬世不少

詩十四

圭 求恕齋

耕者君耕世所無高懷近物理不與常人疏栖栖我何
用徒為世所須願從熙皞天窮居歌晏如

贈沈布衣 邁 用乞食韻

少壯厭奔走老去復何之天弗餒善士餒至亦無辭半
晦河之南空林無往來向夕得一鷺瓦盆如金厄展牀
書大字勁質如其詩君無致身術而有能窮才潔已順
蓬壁此境天相貽

乙巳李比部 維 奉其母夫人喪歸廣陵用和胡西曹

示願賦曹韻

極望南湖渡愁中增涼颼布帆開煙行臨流見素衣相

看不得語中心酸微微子昔北山去負米而力葵今日
江上權萬柳何槁衰嗚咽傍淮水清淚難為揮漠漠散
鳧鷖夕照前邨避行路有權笑誰識浮雲悲

與魯孝廉 一 用聯句韻

潛修異所趨志士求其極以我竭蹶行知爾不遑息衰
亦任顏貌勇肯退精力規矩入聰明盤礴而嚴飭君子
渺何方白雲在我側海氣侵中原誰是垂天翼苦竹早
秋聲小草空庭色閑居審進退踐履無歧惑

登焦山夕陽樓還宿北固山房用赴假還江陵塗口作
韻

詩十四

圭 求恕齋

搜景喜沈曠研性惡空冥偶求巖壑異微參支許情風
亭冠巘石松檻開蒙荆天水盪金碧日落晴潮生竹鳴
百禽寂歸櫂遵波明鐘聲召所止雲與蒼厓平北斗挂
蘿屋高雁天南征靜極發平念願學山僧耕一絲不割
割萬象空牽縈哀彼狂馳子墮實求浮名

遊京口南山用桃花源詩韻 附記

招隱石門出松陰巖溜閒為入山之導越聽鷓鴣館後
峯覓蓮花洞石壁干仞冷翠逼毛髮南入八公洞升
綠蓋樓回眺蓮洞認山僧餉客處茶煙尚在竹鳴中
直東一嶺出雲半山人指為獅窟造其嶺練湖塔影

浮遠煙百里外尋石級北下走平峴十數曲得鶴林
寺寺門古柏相傳皆五七百年物廊多石刻夕陽速
客不竟讀急造竹林上方暝鐘落遙野矣寄語小九
華留作再來遊勿謂翠微不可及也

蒼翠山中山竒苑世外世青天出松頂白鳥東南逝一
拳戴家山不與物興廢披草坐大石壺就流泉憩越嶺
稽苦竹平隴見樹藝僧爲買山貧私墾塞公稅山犬怪
吟蹤隔葉穿雲吹曠放茲歲來屐壞更新製冥心脫塵
網信腳恣遊詣涉深耐波寒升險當風厲耳目嬉煙蘿
筋力娛星歲傾身漁樵中用拙藏明慧今日乘高空太

詩十四

毛求恕齋

息俯江界夕照榛莽開來徑審蒙蔽洗心澹蕩天寄賞
語言外萬象不我遺千載託遐契

湖居雨夕用連雨獨飲韻

久攬拘縛失漸復闕自然中國止鳴禽喧不厭我聞塊
處百年內斷信人無仙自屢以竟夕百念惟一天何事
颯而一雨集風之先草木苦飄灑何日雲歸還秉燭坐
清夜炯炯閉中年願影自相贈勉矣毋多言

祭乾齋弟繼元用悲從弟仲德韻

好樹悅初夏一葉先秋零含哀造古巷白日爲幽冥孤
比嶧山桐枝榦無同生雨露不自養斧柯還自傾蕃植

有天札豈有生皆成汝母鞠汝苦在孤汝一齡珠玉三
十載碎地空無聲前月汝娶婦猶采猶在庭牀闌襍懼
慟魂夢難爲情沈敏惜汝才恍惚悲汝形呼子起斟酌
徒使芳樽盈

用詠貧士七首韻有序

顯晦何常孤士抱山野之趣走利祿之路其相左非
天也舊雨黃壚不可憎數其海內契闊小仕輒困與
大進終退者少其人哉概以不遇感慨係之

東海利藪澤墟市相因依崎士守窮巷坐覽南山暉遊
騎走鹽筴雜沓縱橫飛非已毫莫取君子端所歸岱下

詩十四

毛求恕齋

懸車來久願寒與飢雁行早零落歲歲秋風悲海州許
大令喬

性不厭閒寂擇仕辭華軒抱拙就學舍餘力仍灌園於

古有實獲瞰世爲空煙萬彙體一潔老筆深陶研崇學

黜浮藻贈我有道言座右緬良友勉矣希前賢吳江張
廣文履

請息世上語轍我房中琴鳳皇鳴天上四海聞其音李

康論運命窮達更相尋江湖夢魏闕落日餘孤斟萬古

有真是薄俗多浮欽沈冥下九天誰識煙霞心宜黃黃
侍郎

滋

斗室掩日下眞氣光奎叟渺躬積厚慮百願不一酬十

載承明趨服御乃不周蘭臺坐寂莫舌卷心煩憂言進
引身退歸訪雲鶴倚灘山復灘水游釣將焉求臨桂朱侍御詩
冰霜坐列柏凜然不可干有言不有躬追復量一官錫
帶重補袞仰祿憂素洽森風折勁翮雲路爲荒寒思君
不可見令我凋朱顏三復求友篇黃鳥鳴關關晉江陳給諫慶鏞

江淮昔漂轉泛宅如萍蓬五十始釋褐作吏無能工君
豈真拙哉時不珍黃龔佐民貸府庫慈惠寡所同欲歸
阻官欠鄉思心魂通願言遲琴鶴雲海驩相從寶應劉大令寶楠

詩十四

辛求恕齋

冬官有春氣高步翔皇州溫潤和氏璧價重無與儔都
水試所策之官黃河流恪慎得叢脞舍職無煩憂投我
瓊瑰什久缺薪芻酬風波一相失磨麻求清修六安徐水部啟

戊申六月苦雨用六月遇火韻

東野拾微子抗志希虞軒頗有濟人理援溺而救燔致
身既無地濯足滄浪前明月共我身隨分爲虧員咄哉
熙暉影一逝無由旋陰陽有掩薄真意難爲天瀟瀟不
可絕鳴枕宵如年恆雨在我心草木滋深閉淫氣盛於
物柔極能消堅老農坐愁歎窮不如無田飽食我何事

無用慵多眠浙瀝亂聰耳老鶴鳴西園

感逝三章用擬挽歌詞三首韻

氣直運盤紆才大世局促精鷲見飛黃羣駒並錄錄遇
子風雲中燕山一槁木爲文不示人向我偶歌哭古調
久沈迷歎我獨醒覺一別山與川性命挫憂辱用寄萬
古淚哭子衡山足陳考功起詩

悵悵呼子魂飲我手中觴一諾生百憂物情實淺嘗桃
李化荆棘刺掣來四旁一心訴區區哽咽雲無光人誰
金石固相踵冥冥鄉我亦有妻子坐對天茫茫是非君
有靈天道豈渠央張孝廉際齊

詩十四

辛求恕齋

官道出清口河柳何蕭蕭丹旆水上來哭子西南郊遺
著在我手高詞鎮岩嶢真氣自蕩激天海風蕭條獨拙
尊生術速暮無能朝去者長已矣存者將如何弱息寄
京國未返天南家才力復何用百歲徒悲歌素心託冥
契養拙淮山阿湯戶部鵬

示稷兒用責子韻

萬物有始終華者望其實我生拙百用擇業但抱筆力
以慵用藏趣實冷無匹稍達余生理信無不死術草草
知非年四十行過七大幸免凍餓持盈有戰栗毋象我
無成勉矣志利物

贈徐少尉

鴻謨

用五月三日作和戴主簿韻

微官有奇趣之子未云窮稅駕城南寺願我萊蕪中十
語九慘怛恆慮年無豐其日苦歛暑相對如清風三世
敦雅素與子誓始終興替感門祚益我心沖沖眞身貴
夷坦積學當穹隆勿歎所際卑心力爭華嵩

題晉隱逸傳後用詠二疏韻

世運規龍德利用無苟去荒谷復何樂智者領其趣司
馬競中原功名士鸞舉王家武岡侯謝氏東山傅鉄鉞
視華簪冰雪當皇路一一躡崔嵬覆車幾前顧吁嗟永
嘉來清談竊高譽門閥擁勳階矯擅爲時務亦有蓋代

詩十四

三求恕齋

姿廉恥喪平素淪替逮安恭忠義誰通悟炯炯隱者流
守道隆孤慮行藏一風軌臣節迺森著

心鄉往齋集卷十五

曲阜孔繼鏞著

吳興劉承幹校

集杜上

贈蓬萊王煉師 丙申

山中儒生舊相識
儒術於我何有哉
龐眉皓首無住著
赤霄玄圃須往來
復道諸山得銀甕
願吹野水添金杯
自是君身有仙骨
古人白骨生青苔

山中同谷 儒術 醉時 龐眉 韋偃 雙 赤霄 行 亦霄 復道 兵

馬願吹 簡薛華 自是 歸江東 古人 蘇端薛復

詩十五

一 求恕齋

乞身歸江南 潞河舟夜寄都門四首 戊戌

南北東西拱 至尊曳裾何處覓 王門酒酣耳熱忘頭

白地徧天寒 困石根碧瓦朱甍照 城郭歸雲擁樹失山

村君家白盃勝霜雪 莫笑田家老瓦盆

南北 喜聞盜 賊總退 曳裾 追酬高蜀酒 酣 醉歌行 贈 地徧 雞

行 碧瓦 樓越王 歸雲 返照君家 邑資 盤 大 莫笑 少年

已忍伶俜十年事 凌雲健筆意縱橫 中夜起坐萬感集

新月猶懸雙杵鳴 此別還須各努力 諸君何以答昇平

酒闌插劍肝膽露 船尾跳魚撥刺鳴

已忍 宿 凌雲 戲為 六中夜 寓同谷 新月 夜 此別 送 韓

江東諸君將酒闌 魏將船尾漫

頃色無人獨歸客 孤舟一繫故園心 繁窗素月垂文練

隔葉黃鸝空好音 恨望聊歌紫芝曲 喜多行作白頭吟

不須聞此意 慘愴估客胡商淚滿襟

暝色 光祿 孤舟 秋繁窗 湖城過 隔葉 蜀相 恨望 懸李尊

老夫不知其所往 杜曲幸有桑麻田 書籤藥裹封蛛網

湖色春光浮客船 清夜沈沈動春酌 醉中往往愛逃禪

自然棄擲與時異 頭白昏昏只醉眠

老夫 觀舞 劍 杜曲 三章 書籤 將赴 成都 湖色 清 清夜

詩十五

二 求恕齋

醉時歌贈 醉中 飲中 八 自然 投簡 咸華 頭白 因許 八

送黃樹齋銀臺 辭 典試江南 己亥

承恩數上南薰殿 江漢風流萬古情 宮草微微承委珮

秋風嫋嫋動高旌 致君堯舜付公等 學語小兒知姓名

人事經年記君面 繫舟何惜片時程

承恩 引 丹 青 江漢 陽城 郡王 宮草 晚出 秋風 和 嚴公 里

致君 枉 裴道 齋 戲作 花 人事 短歌 行 送 繫舟 酬 郭

密陽道中題野庵壁 庚子

官判

密陽道中題野庵壁 庚子

花邊立馬簇金鞍片片輕鷗下急湍小邑猶藏萬家室
玉山高並兩峰寒莫思身外無窮事信有人閒行路難
形勝有餘風土惡中天月色好誰看

花邊嚴公枉駕草堂片片小寒食舟中作小邑憶昔玉山崔氏莊莫
思絕句信有寄嚴公形勝峽中中天宿府

東阿舊縣書壁

終日戚戚忍羈旅巫峽冷冷非世情孔雀未知牛有角
北書不至雁無情街頭酒價常苦貴門外小灘渾欲平
悲見生涯百憂集花枝照眼句還成

終日嚴氏溪巫峽愁孔雀赤霄北書秋夜街頭偏仄

詩十五

三求怨齋

門外春水生悲見百憂花枝酬郭十

至日宿西山作

愛汝玉山草堂靜洞門對雪常陰陰竊攀屈宋宜方駕
頗學陰何苦用心海內風塵諸弟隔北來肌骨苦寒侵
年年至日常為客玉露凋傷楓樹林

愛汝崔氏東洞門題省中竊攀戲為六頗學解海內

偕湯海秋農部遊城南尺五山莊

走覓南鄰愛酒伴近身藥裏酒長攜傾銀注耳驚人眼
野店山橋送馬蹏細柳新蒲為誰綠白沙青石洗無泥

春來準擬開懷久明日看雲還杖藜

走覓江畔近身從簡傾銀少年野店將赴成都
柳頭哀江白沙嚴公雨中春來十二月明日歸

書空八首 辛丑

犬戎鏖甲聞丹極漂泊西南天地閒已喜 皇威清海
岱幾回青瑣點朝班一雙白魚不受釣萬丈丹梯尚可
攀異獸如飛星宿落將軍且莫破愁顏

犬戎虎牙漂泊詠懷已喜洗兵幾回秋一雙事萬丈

亭子異獸將軍不至將軍將

稷不堪人事日蕭條青絲白馬誰家子翠管銀鬢下九

詩十五

四求怨齋

霄帝怪偏裨終日待將軍只數漢嫖姚

冥冥諸將第上帝玉壘獨使諸將第不堪野青絲青

翠管日帝怪奉待將軍贈田九

繁沙惹草細於毛安得并州快剪刀先生有才過屈宋
指揮若定失蕭曹不知明月為誰好盡使鴟鴞相怒號
從此將身更何許幸分蒼翠拂波濤

繁沙風雨看舟安得先生醉時指揮詠懷
知風盡使從此嚴氏幸分從章明府府

共迎中使望鄉臺黃蒿古城門不開杖鉞裹帷瞻具美

千戈衰謝兩相催南飛覺有安巢鳥重鎮還須濟世材
忍待明年莫倉卒茫然庶事遣人猜

共迎諸將第五首黃蒿同谷杖鉞陽城郡王干戈九南飛

洗兵重鎮大夫忍待悲青茫然河北節

擁兵相學干戈銳玉帳分弓射虜營三顧頻煩天下計

翻然遠救朔方兵國之社稷今若是月傍關山幾處明

安得務農息戰鬪殘樽下馬復同傾

擁兵河北節玉帳軍城三顧蜀相翻然諸國之徒步歸

特度入朝進月傍吹安得夢殘樽書堂

東飛駕鸞後鷓鴣中有松柏參天長出師未捷身先死

詩十五 五求恕齋

日暮不收烏啄瘡休語艱難尙酣戰初聞涕淚滿衣裳

捨舟策馬論兵地魂招不來歸故鄉

東飛同谷中有夔州出師蜀相日暮瘦馬休語湖城遇

初聞官軍收捨舟送弟從叔入朝魂招同谷

機槍榮感不敢動聖哲爲心小一身痛飲狂歌空度日

修文偃武不無人指揮能事迴天地簫鼓哀吟感鬼神

滄海未全歸禹貢數通和好止煙塵

機槍魏將聖哲節度人朝痛飲贈李修文節度人朝

指揮奉寄章第六首滄海諸數通賊總退

飛揚跋扈爲誰雄正直原因造化功錦席淹留還出浦

弱雲狼藉不禁風至今斑竹臨江活未掣鯨魚碧海中
楚老長嗟憶炎瘴悠悠伏枕左書空

飛揚贈李正直古柏錦席重泛鄭弱雲有懷鄭至今

劉少府山未掣絕句六楚老行悠悠清

舟中無日不沙塵花底山蜂遠趁人萬里相逢貪握手

一官羈絆實藏身自知白髮非春事羞見黃花無數新

久客多憂今愈疾正思戎馬淚盈巾

舟中發劉花底題鄭縣萬里惠義寺送一官寄常自

知曲江陪羞見九久客相從正思吳呈

詩十五 六求恕齋

書事四首 總戎皆插侍中貂河北將軍盡入朝香葉曾經宿鸞鳳

夷歌數處起漁樵已經百日竄荆棘漏洩春光有柳條

河廣傳聞一葦過哭聲直上千雲霄

總戎諸將河北節度人朝香葉古柏夷歌閩已經哀王

漏洩日河廣馬哭聲兵車

清霜殺氣得憂虞春日兼蒙暄暖扶落落盤踞雖得地

時時戰鬪欲何須口脂面藥隨恩澤金支翠旗光有無

在野只教心力破曳裾終日盛文儒

清霜寒雨朝春日岳麓山落落古柏時時河北

春日林二寺行

入口脂臘金支行漢陂在野見王監說曳裾又作此

紫極出入黃金印况今攝行大將權傳語風光共流轉

中開消息兩茫然子雲識字終投閣葛亮貴和書有篇

寂寂繫舟雙下淚兵戈阻絕老江邊

紫極惜別行送向况今冬狩傳語曲江中開送路六

朝子雲醉時歌贈葛亮赤霄寂寂清明兵戈恨

近聞下詔道都邑更復春從沙際歸政用疏通合典則

始覺屏障生光輝九州道路無豺虎故園池臺今是非

三尺角弓兩斛力五陵衣馬自輕肥

近聞驛馬更復閩水政用入奏始覺韋諷宅九州憶

詩十五七求想齋

二故園秋風三尺虎牙五陵秋興

海秋聞其母夫人喪歸益陽詩以悲之

此老無聲淚垂血楚天萬里無光輝欲知趨走傷心地

未得安流逆浪歸我生胡為在窮谷君今何處訪庭闈

秋風嫋嫋吹江漢天上浮雲如白衣

此老投簡咸華楚天前苦欲知至日寄兩未得絕

我生同谷君今送韓十四秋風戲作寄上天上可

守風中牟官渡城效同谷七歌有序癸卯

道光二十三年黃河決中牟當官渡城之北即水經注

曹公壘北有高臺是也臺臨汴水黃流合趨汜濫流離

千狀櫻心勞人適肩勸水之命愴然有作

雲石熒熒高葉曙潛龍無聲老蛟怒啾啾為何人

到今不知白骨處波濤萬頃堆琉璃舟楫眇然自此去

嗚呼一歌兮歌始哀山根鱸鮓隨雲雷

雲石簡吳郎潛龍觀打啾啾狂歌到今去秋波濤

漢陂舟楫公安山根魚歌又觀打

悲臺蕭瑟石龍從赤岸水與銀河通江村野堂爭入眼

萬斛之舟行若風鄰雞野哭如昨日天寒歲暮波濤中

嗚呼二歌兮歌始放不須聞此意慘愴

悲臺王兵馬使赤岸題王江村醉為萬斛夔州十

詩十五八求想齋

鄰雞曉發天寒白鳥不須醉時

蒼水使者捫赤條菱荷枯折隨風濤迴若寒空動煙雪

黃雀最小猶難逃敲岸側島秋毫末哀鴻獨叫求其曹

嗚呼三歌兮歌三發安得春泥補地裂

蒼水大食菱荷曲江迴若柏中允子黃雀朱鳳敲岸

劉少府哀鴻三章安得後若姪除官黃雀行朱鳳

百年未見歡娛畢咫尺波濤永相失泥污厚土何時乾

農夫田父無消息動影裏宛沖融聞可憐處處巢居室

嗚呼四歌兮歌四奏傷心不忍問春舊

百年相從咫尺觀打泥污秋雨農夫秋雨動影

魚歌二首農夫二首動影

漢陵可憐燕子來傷心薛少保

疾風颯颯昏亭午溪行盡日無村塢半陂以南純浸山

一重一掩吾肺腑口雖吟詠心中哀況聞處處驚男女

嗚呼五歌兮歌正長鄰舟一聽多感傷

疾風發劉溪行發間半陂漢陂一重岳麓口雖晚晴况

間歲晏鄰舟夜聞

生理只憑黃閣老短牆若在從殘草男嘯女哭莫我知

幽棲地僻經過少漢二千石真分憂此行入奏計未小

嗚呼六歌兮歌思遲一物自荷皇天慈

生理將赴成都短牆弟觀妻子男嘯狂歌行幽棲有

詩十五九求想齋

漢寄裴此行贈賣一物樂遊

東流之水西日微水雞銜魚來去飛令我夜坐費燈燭

歎息人閒萬事非洪濤滔天風拔木秋山冷眼魂未歸

嗚呼七歌兮悄終曲新鬼煩冤舊鬼哭

東流秋風水雞歌水令我枉裴道歎息送韓洪濤天邊

秋山憶昔新鬼兵車

朱仙鎮謁岳忠武廟

天高無消息碧海吹衣裳賢人識定分俗物都茫茫晚

憩必村墟夜深經戰場寒塘流磊落捨舟越西岡古鎮

峰巒集峽形藏堂隍不知何王殿落月在屋梁蟲蛇穿

畫壁鳴梟鳴黃桑悲風為我起灑面若微霜正氣有肅

殺拔劍擊大荒貫穿百萬眾擒賊先擒王塵沙傍蜂螿

炎蒸毒我腸轉使飛蛾密高煙焦上蒼邦危壞法則故

老淚萬行狐狸何足道威鳳高其翔

天高幽人碧海又上後賢人古俗物遊晚憩溪夜深蘆

子寒塘發秦捨舟林古鎮龍門峽形鐵堂不知玉華

落月夢李蟲蛇諸葛廟烏梟北悲風金華灑面四正氣

鏞斫拔劍後出貫穿入哀禮擒賊塞前出塵沙題炎蒸

數夏夜轉使寫高煙州入衡邦危二首故老圍山脚狐狸

久威鳳尋崔載客詩十五十求想齋

東木魚寺

月挂客愁村四鄰何所有行子傍水餐十步一回首何

山似平昔村村自花柳兒童報急流老翁踰牆走菡萏

川氣黃摧殘沒藜莠迴風吹獨樹熊挂元蚰吼宮殿居

上頭高者十八九漂沙岸去斷絕人煙久飽腸皆已

穿地冷骨未朽日瘦氣慘悽客淚遊林藪

月挂解開十四鄰別無家行子寒十步相從何由崔少

齋村村贊公房兒童江老翁石塚菡萏三川推殘樓

迴風詠懷熊挂道懷宮殿東壺高者櫻漂沙觀水斷

絕憶飽腸義鶻地冷懷日瘦無家客淚九成

弟憶飽腸義鶻地冷懷日瘦無家客淚九成

老鷄林

眾水為長蛇汨汨松上駛飄蕩隨長風客愁那聽此農
力廢耕桑戚戚去故里庶往共飢渴未能割妻子青山
猶哭聲昏昏阻雲水天雞為愁思竟日蛟龍喜況兼水
賊繁山縣早休市揚舫洪濤間一飯四五起未敢辭路
難以茲悟生理

眾水門汨汨雨飄蕩遺興客愁子農力上後園戚戚前

塞庶往自京往未能詣真青山新安昏昏送十七天

雞柘竟日雨况兼送題山縣倚揚舫別蔡一飯苦雨

西未敢寒以茲赴奉先詩十五

詩十五

三求恕齋

發通許留別蕭子珊大令秀棠

身危適他州區區甘累跡不復見平陸各逐萍流轉野

人尋煙語垢衣生碧薜蘿颯颯林響交凋喪盡餘喘主人

不世才北部初高選激烈思時康每食腹必泣吁嗟公

私病沈飲聊自遣列筵慰別魂物微意不淺仗爾布嘉

惠弼諧方一展

身危法鏡區區贈王侍不復三川各逐別常野人寒

垢衣入哀蘇颯颯積草凋喪哀蘇主人送高司直

北部哭王彭激烈夏夜每食故司馬吁嗟雷沈飲京

先赴奉列筵東樓物微馬仗爾侍御弼諧張卿

繁舟渦河懷郭梅卿明府世亨卻寄蒙城

琉璃汗漫泛舟人洞口經春長薜蘿雲物不殊鄉國異

飛騰無那故人何蒼苔濁酒林中靜南國浮雲水上多

宓子彈琴邑宰日幾時回首一高歌

琉璃漢陂洞口物雲物至飛騰奉奇高蒼苔絕句南

國寄別馬宓子題終明幾時峽

湖心寺贈洞然僧乙巳

致身福地何蕭爽高視乾坤又有愁竹葉於人既無分

微軀此外更何求布衾多年冷似鐵鬢髮還應雪滿頭

千崖無人萬壑靜對君疑是泛虛舟

詩十五

三求恕齋

致身玄都高視相從歌贈竹葉九日微軀村布衾茅

為秋風鬢髮寄杜千崖昔億對君題張氏隱

揚州客夜酬李和香都轉篇通

孤燈急管復風湍五月江深草閣寒枉沐旌麾出城府

漫勞車馬駐江干相逢苦覺人情好直道無憂行路難

詩酒尚堪驅使在興來今日盡君歡

孤燈夜間五月嚴公仲夏枉沐奉酬漫勞有相逢贈

短歌直道兩篇詩酒尋花興來崔氏莊

揚州哭梅九孝廉桓之

怪底江山起煙霧分明怨恨曲中論孤城此日腸堪斷

碧水春風野外昏長笛誰能亂愁思南方實有未招魂

罷琴惆悵月照席慟哭秋原何處村

怪底奉先劉少府分明詠懷孤城碧水絕句長

笛酬高南方照罷琴送孔巢父慟哭帝

題畫十二首

星宮之君醉瓊漿妙舞此曲神揚揚眼前所寄選何物

南極老人應壽昌長春花

星宮寄韓妙舞舞劍眼前南極寄韓

三步回頭五步坐清江一曲抱村流水光風力俱相怯

送客逢春可自由垂楊

詩十五

三求忽齋

三步憶昔清江江村水光風雨看舟送客和裴迪

顛狂柳絮隨風舞何得愁中卻盡生剪取吳淞半江水

門外小灘渾欲平浮萍

顛狂絕句何得吹笛剪取戲題畫山門外春水生

卻憶年年人醉時不爭好惡莫相疑江邊一樹垂垂發

紅顛酸甜只自知櫻桃

卻憶樂遊園不爭莫相疑江邊和裴迪紅顛解

繁枝容易紛紛落花底山蜂遠趁人小院迴廊春寂寂

故園猶得見殘春餘醪

繁枝江畔獨花底題鄭縣小院涪城縣香故園將赴

寄嚴

可愛深紅愛淺紅秋來相顧尚飄蓬自知白髮非春事

未就丹砂愧葛洪老少年

可愛江畔獨花秋來贈李自知曲江陪未就贈李

吾獨胡為在泥滓幾時迴首一高歌斯須改變如蒼狗

南國浮雲水上多荷花

吾獨新畫山幾時峽中斯須可南國奉寄別

山鳥山花吾友于柴門雜樹向千株紛紛輕薄何須數

媿似相如為大夫松

山鳥嶽麓柴門寒雨朝行紛紛貧交媿似又作此

詩十五

古求忽齋

柯如青銅根如石豈聞一絹直萬錢更覺良工心獨苦

五月髣髴聞寒蟬梧桐

柯如古柏豈聞憶更覺題松樹五月柳樹

開花無數黃金錢百壺那送酒如泉江如冰水僊惜不得

醉中往往愛逃禪僧鞋菊

開花秋雨百壺城西江如桃竹醉中飲中

為覓霜根數寸栽願吹野水添金杯天涯春色催遲暮

白屋寒多暖始開盆梅

為覓憑草班負願吹薛華天涯奉寄高白屋王侍御

看君宜著王喬履使人不疑見本根鳳皇池上應回首

莫笑山家老瓦盆水仙

看君七月使人石筍鳳皇得房公莫笑少年行

奉寄姚石甫三丈蜀中二首

風塵荏冉音書絕燕子銜泥兩度新郭杜秋天失雕鸞
苑邊高冢臥麒麟幾人卓絕秉周禮河內猶宜借寇恂

翻手作雲覆手雨未須料理白頭人

風塵宿燕子舟中郭杜追酬高蜀苑邊曲江幾人

使君高義驅今古戶牖憑高發興新但使閭閻還揖讓

豈知書劍與風塵即從巴峽穿巫峽不薄今人愛古人

詩十五

五求恕齋

身老時危思會面故園猶得見殘春

使君將赴成都戶牖題鄭縣但使將赴成都豈知

人即從閩官軍收不薄戲為六身老奉待嚴故園赴

成都寄嚴公第二首

寄周筱村銘恩蜀州

故園楊柳今搖落抱病江天白首郎三峽樓臺掩日月

百花潭水即滄浪可憐懷抱向人盡此日飢寒趨路旁

子規夜唳山竹裂青春作伴好還鄉

故園吹笛抱病河北節三峽古百花狂可憐思此

日莫相子規立都青春開官軍收

疑行壇歌子規河南河北

寄贈王惜庵丈四首丙午

鄭莊賓客地籍甚眾多推吾道正編束聲名豈浪垂晚
看作者意樂任主人為同調嗟誰惜江湖興頗隨

鄭莊陪李尚書籍甚江陵送馬吾道三川觀聲名

題晚看贈蜀樂任夏戎州同調贈畢江湖陪鄭廣文

林山

大雅何寥闊交親氣概中劇談憐野逸相識自兒童棲

託難高臥衣冠與世同卷簾惟白水愁坐正書空

大雅秦州見交親投贈哥劇談寄李十相識王手札

棲託舟出江衣冠吾卷簾愁坐對

詩十五

六求恕齋

小子思疏闊於今出處妨沈飲聊自遣養拙更何鄉無

使蛟龍得空慚驚驚行近身見損益迴立向蒼蒼

小子贈蜀僧於今寄高適沈飲自京赴養拙謁元

帝無使白空慚居近身惟宗文迴立秦州

幸近幽人屋高齋見一川藏書聞禹穴恣意向江天物

役水虛照山青花欲然別離已昨日悵望好林泉

幸近苦高齋自讓西藏書秦州恣意春日物役自

州赴山青絕句別離遠悵望重過

水程述興十首

浩蕩風塵外交親氣概中應論十年事忍對百花叢同

調嗟誰惜清尊幸不空氣衝看劍世將欲倚崆峒

浩蕩寄邛州交親投贈哥應論觀忍對山亭于同

調贈畢清尊應氣衝悶將欲舒

辜負滄洲願淒涼為打廢不才名位晚無補 聖明朝

識者一惆悵天涯正寂寥重船依淺瀨回首向風颺

辜負奉贈盧淒涼官定後不才夔府無補野識者楊

又出畫鷹天涯重船送嚴侍郎回首官定後

禹功翊造化河漢近人流棲託難高臥行藏獨倚樓層

軒俯江壁落日在簾鉤對此欲何適河間雙白鷗

禹功柴河漢十六夜棲託舟出江行藏上層軒西閣

詩十五

七求怨齋

落日對此木皮河間立

共誰論昔事丹極上鷗鵬急急能鳴雁冥冥欲避矰獨

醒時所嫉世故莽相仍自古江湖客嚴棲在百層

共誰秋日夔丹極寄劉峽急急白帝冥冥寄劉峽獨

醒贈裴世故寄劉自古秋日嚴棲贈特進

野日荒荒白津流脈脈斜逕微抱寒石日斷更雲沙幽

意忽不愜吾生亦有涯馳驅那可說何處是京華

野日漫成津流遺興徑微前出目斷夕望幽意陪鄭

遊何將吾生歸馳驅寄司馬何處陪三侍細宴

三月桃花浪防川領簿曹落霞澄綠綺汀草亂青袍事

主非無祿此生何太勞孤舟似昨日滿眼送波濤

三月春防川弟書至落霞大歷三年春汀草渡事主

暮春題渡此生惜別之作孤舟行滿眼有秋節

天畔登樓眼誰憐醉後歌世情只益睡吾道竟如何兩

瀉暮簷竹風含廣岸波平生飛動意亦恐歲蹉跎

天畔春登樓誰憐陪鄭文遊村吾道征雨瀉

大雲寺風含暮平生式顏亦恐兼

春郭水冷冷踟躕此驛亭形骸今若是吁駭始初經晚

泊登汀樹長吟望濁涇江湖多白鳥為我下青冥

春郭行次鹽亭踟躕巴西驛亭形骸客吁駭不離

詩十五

六求怨齋

二晚泊湘夫長吟秦州見江湖寄劉為我奉酬薛

縣郭南穀好川原欲夜時星垂平野闊天遠暮江遲鸚

鷗含愁思鸚鷗在一枝敢違漁父問舍此復何之

縣郭大歷三年春川原秦州星垂旅夜天遠遺鸚鷗

鸚鷗雜詩敢違陪裴使君舍此後

野鴉無意緒澤國遠迴旋賤子何人記南湖日扣舷漁

人榮小楫兩輩可忘年歸羨遠東鶴迢迢獨上天

野鴉孤雁澤國秋日夔賤子遊南湖漁人張爾輩

過孟氏歸羨居迢迢覆

慰茗香八首

自古求忠孝深期列大賢吾徒自漂泊為爾獨相憐

竹春陰覆蟠根積水邊僊遊終一閱飛旒泛堂前

自古暮春送馬大卿公深期寄賈嚴吾徒宴王使為

爾題郭明慈竹堂下土山蟠根白鹽僊遊關飛旒哭

大夫府茅屋之晉植慈竹

落日留王母蓮峰望或開已知嗟不起何事有餘哀骨

肉恩豈斷親朋日暮迴皇天照嗟歎心死著寒灰

落日宿蓮峰喜遠行已知戲何事雲骨肉前出親朋

雲山皇天苦舟中心死喜遠行

昔在童子日聰明達所為義方兼有訓歷代各清規毫

詩十五

九求怨齋

髮無遺憾聲名豈浪垂向來披述作檮散荷恩慈

昔在入哀聰明同豆盧義方奉賀陽城郡歷代偶

毫髮敬贈聲名偶向來送薛明府檮散書

佳氣向金闕慈顏望遠遊時情非造次心折此淹留不

謂矜餘力何時免客愁計疏疑翰墨永夜攬貂裘

佳氣北慈顏晚秋時清奉贈心折秦州不謂

贈章征何時歸計疏鮮于永夜上

負米夕葵外天風吹汝寒浩歌彌激烈每日報平安天

際傷愁別雲邊落點殘及歸盡華髮留得一錢看

負米孟天風廢浩歌自京每日夕天際鄰城雲邊

夕及歸北留得空

朝夕高堂念無心恥賤貧未為珠履客更覺綵衣春稻

米炊能白秋葵煮復新艱難隨老母老去一霑巾

朝夕送無心王未為舒翰更覺奉賀陽城郡

稻米茅堂秋葵同艱難寄老去月

河漢不改色能添白髮明不堪垂老鬢歛使寸心傾納

納乾坤大悠悠滄海情暗塵生古鏡虛閣自松聲

河漢初能添月不堪送歛使敬贈納納野悠悠

與李白詩暗塵贈虛閣亭

迴首白雲多林鷲遂不歌滿堂慘不樂寂寞向山河烈

詩十五

三求怨齋

士痛稠疊古人誰復過守祿嚴具禮且得慰蹉跎

迴首陪鄭廣文遊何林鷲暮滿堂楊寂寞過宋

莊烈士光八李哀古人泉守祿明且得元

書至舍弟

初至衙齋西園感賦二首

客散層城暮冥冥細雨來水鄉羸白屋昨夜有奔雷霧

樹行相引林花落又開共誰論昔事身世白駒催

客散府冥冥小水鄉風昨夜疾霧

喜達行林帝城共誰身世南遠懷

旁舍連高竹空留一院陰別離已昨日出處遂何心易

識浮生理何須白髮侵匣琴虛夜夜感動一沈吟

旁舍陪鄭廣文遊何空留送賈閣老別離遠出處初

易識野何須南都匣琴西閣期嚴病

萬事二章

萬事已黃髮今晨清鏡中此生任春草故里亦高桐忍

為塵埃沒超然懽笑同相看過半百直作烏窺籠

萬事去今晨蘇大訪此生贈翰林故里陪鄭公北忍

為自京赴超然兩相看寄高直作問

是日慰飢渴川雲自去留彈琴視天壤吾道付滄洲無

使長迴首真成浪出遊王侯與螻蟻惟共水東流

詩十五

王求恕齋

是日鹿頭川雲遊脩彈琴入哀吾道張無使吳楚真

成頭上牛王侯上方惟共弟

高郵孔鞠農大令繼黃采芝圖

中原杳茫茫幽人獨高步淮海生清風庭前有白露渺

渺獨開襟鬱鬱流年度雜樹晚相迷野圃泉自注采采

黃金花欣然淡情素攜錢過野橋已覺槽牀注霜空萬

嶺含鳳藏丹霄暮寂寞壯心驚豪雋初未遇零落依草

木猶含棟梁具濟時信良哉田園須暫住無令軒車遲

盛論巖中趣

中原成都幽人雨淮海送高庭前月渺渺過津鬱鬱

兩雜樹摩訶池野圃石成采采九日寄欣然高司直

攜錢茅屋賞已覺村霜空朝二鳳藏贈蜀僧聞寂

冥暮豪雋公故宅零落人猶含柘濟時病田園買別

老二閣無令校書盛論西枝村

河上遇江二龍門開

青眼高歌望吾子勿云江漢有垂綸飄零已是滄浪客

裘馬誰為感激人道路難行澀如棘英雄見事若通神

即今飄泊干戈際莫厭傷多酒入脣

青眼短歌勿云奉寄章惜別裘馬重贈道路偏

行英雄節度人即今引丹青莫厭曲江

詩十五

王求恕齋

題元無名氏山扉畫掩圖

出門無與適雅欲逃自然幽尋豈一路有生固蔓延動

靜隨所激卜居必林泉古來無人境喬木上參天懸厓

置屋牢不崩亦不驚蓬蒿翳環堵大江動我前風牀展

書卷感遇有遺編開關人事休慘愴凌風煙

出門吳侍御雅欲外草堂幽尋土室有生刈稻動

靜白水縣卜居外草堂古來許事喬木懸厓山不

崩觀薛少蓬蒿隱居大江水會風牀水閣感遇陳拾

宅閉關熱慘愴外草堂

揚州贈友五章

不復見顏鮑秋風已颯然揄揚非造次文律早周旋山

晚浮雲合江鳴夜雨懸故人還寂寞老困撥書眠旬生

不復遺懷秋風宿贊公房揄揚送文學文律夫之晉大山晚佐還

寄江鳴夔州下文人贈高老困九月一日過

甚媿丈人厚招邀屢有期浩歌彌激烈鳥几件棲遲看

畫曾飢渴清襟照等夷草堂尊酒在江上憶君時季子

甚媿贈章招邀江上觀浩歌自京赴烏几移居看畫

奉答左丞清襟移居草堂兩朝江上寄杜

識字用心苦此生何太勞渙然立新意直欲數秋毫朝

野歡娛後魚龍偃臥高看君用幽意步履到蓬蒿名香

詩十五 三求恕齋

識字貽阮居此生奉酬十一身渙然題文宣王直欲入

十五朝野寄賀龍江看君重過步履北

慷慨嗣眞作褚公書絕倫定知深意苦相見幾回新筆

力破餘地儒冠多誤身 聖朝無棄物白髮好禁春載

慷慨贈李邕褚公發潭定知寄兩閣老相見日太歲筆力

送願儒冠左丞聖朝客白髮奉陪鄭駉

爛漫通經術諸儒引伏虔高懷見物理青簡爲誰編守

道不封已克家何妙年詞林有根柢名器重雙全孟詹

爛漫同豆盧峰諸儒秋日夔高懷贈鄭十青簡秋日

懷守道種高克家送蘇州詞林贈李名器哭韋大

登焦山第一花樓奉懷黃侍郎爵茲四首

諸葛大名垂宇宙佐佑卿相乾坤平是何意態雄且傑

不露文章世已驚綵筆昔曾干氣象獨樹花發自分明

青鞵布鞵從此始湖月林風相與清

諸葛詠懷佐佑惜別行送向是何天育驥不露古柏

綵筆秋獨樹愁青鞵劉少府湖月書堂

青山萬里靜散地拖玉腰金報主身北極朝廷終不改

天涯風俗自相親滄波老樹性所愛白水青山空復春

花徑不曾緣客掃風飄萬點正愁人

青山柏學士拖玉送卿北極登天涯冬滄波柳樹爲

詩十五 三求恕齋

跋白水寄常花徑至客風飄江

謝安不倦登臨費畢曜仍傳舊小詩自古聖賢皆薄命

百年世事不勝悲未將梅藥驚愁眼強擬晴天理釣絲

正是江南好風景白頭吟望苦低垂

謝安酬嚴公寄畢曜存發自古錦樹百年秋未將十

日一強擬嚴公垂正是逢李白頭興

悶到房公池水頭一雙鷓鴣對沈浮城南思婦愁多夢

寺下春江深不流白日放歌須縱酒老夫乘興欲東遊

世人那得知其故余亦沙邊具小舟

悶到答揚一雙居城南洗兵寺下香積寺白日闍官

河南老夫解問第世人巢父余亦短歌行贈

寄朱廉甫侍御琦

甲第紛紛厭梁肉朝回日日典春衣致君堯舜焉何朽
回首風塵甘息機始是乾坤王室正重嗟筋力故山違

黔陽信使應稀少早晚孤帆他夜歸

甲第醉時朝回與致君可同首將赴成都始是節度

入重嗟十二月黔陽送王十五早晚秋風

奉憶何子貞編修紹基

湖城城南一開眼幾歲寄我空中書每語見許文章伯
懶性從來水竹居庾信生平最蕭瑟馮唐已老聽吹噓

詩十五

五求恕齋

遲暮有意來同賁溪友得錢留白魚

湖城遇孟幾歲送孔巢父每語贈秦少懶性奉酬庾

信詠懷馮唐寄岑遲暮嚴氏溪友解問十

哭質庵十首

執友驚淪沒秋風已颯然人生相感動失侶自述遺柔

樽輕鷗外空林暮景懸猶疑照顏色昨夜月清圓

執友吳王彭秋風病贊人生奉酬薛失侶寄賈嚴

榜船下空林室猶疑白夢李昨夜舟

力疾坐清曉當年亦壯哉入門高興發問我數能來萬
事隨轉燭相迎自撥醅飲酣視八極迴首一悲哀

力疾奉酬李當年上白帝入門與李白同尋問我日

江萬事人相迎魚飲酣壯遊迴首愁

精理通談笑浮雲世事空豈無濟時策未敢息微躬骨

肉恩義重 朝廷醉眼中蹉跎暮容色愁坐正書空

精理贈特進浮雲侍御長孫豈無遺未敢問骨肉弟消

息朝廷九日登蹉跎何氏愁坐對

友于皆挺拔謀拙竟何人出涕同斜日衰年強此身諸

生舊短褐小睡凭藤輪風雨嗟何及山歸萬古春

友于奉贈太謀拙日太歲出涕與嚴二衰年從驛次草

屯諸生橋陵小睡贈王二十風雨向書山歸帝城

詩十五

五求恕齋

眼暗髮垂素雞棲奈汝何藩籬帶松菊寂寞向山河日

晚煙花亂湖邊意緒多哀箏傷老大不忘舜謳歌

眼暗有懷台州雞棲惡藩籬赤谷西寂寞過宋員外

日晚陪王使湖邊陪李向書李哀箏懷府不忘懷錦

止二

野亭逼湖水碧色動柴門相閱征途上吾知養拙尊灌

園曾取適移柳更能存可惜歡娛地難招病客魂

野亭暫如臨邑至碧色春水相閱門吾知晚灌園棹移

柳春日梓州登樓可惜難招適寄高

紫燕時翻翼河魚不取錢落帆追宿昔悵望好林泉曠

野懷咫尺鏡花半委眠竹涼侵臥內重覺在天邊

紫燕邊柳河魚陪鄭廣文遊落帆秋日曠

野高齋少府 燈花首二竹涼倦夜重覺首二

賓客滿堂上情親獨有君何時一尊酒相失萬重雲垂

老淚霑臆摩霄鶴數羣翻然紫塞翩行斷不堪聞

賓客 寄贈王情親舊何時春日憶相失雁垂老

摩霄 晴翻然入哀行斷雁

汝書猶在壁虛費短長吟使我潛動魄况經長別心蕭

條益堪媿飄泊到如今只益丹心苦微才謝所欽

汝書 得舍弟虛費滄洲候嚴六使我送李况經衣蕭

詩十五

毛求恕齋

條 遺飄泊江村只益月微才伏枕書懷

莫怪嗷痕數原疇類鶴鶴百年嗟已半同是一浮萍竟

夜伏石閣江猿吟翠屏暫酬知己分哀怨不堪聽

莫怪 過南岳入原情秦州見百年贈虞同是觀江竟

夜昔 遊江猿題懷西暫酬到哀怨獨生

壽楊鸞溪大令四首丁未

鳳紀編生日晷看令宰倦 聖圖天廣大小郡海西偏

遠水兼天淨清渠一邑傳分符先令望遙憶舊青瓊

鳳紀 千秋日晷看書夜李向聖圖重經小郡留別遠

水野 清渠秦州分符潭州送遙憶與許主簿

城中賢府主儒術大名齊巖巖瑚連器陰陰桃李蹊詞

華傾後輩語默可端倪宴引春壺酒朋來有醉泥

城中 謀伐儒術奉贈太疑疑水病陰全詞華贈比

郎 語默水宿宴引峽州朋來孟倉曹步趾

隱几看帆席孤城隱霧深使君雙皂蓋時序百年心醉

酒揚雄宅升堂子賤琴榮華貴少壯莫受二毛侵

隱几 北風孤城望野使君泛房公時序春日醉酒崔侍御

常正 升堂全榮華奉酬薛莫受送賈閣老

屈跡縣邑小潘輿送喜頻老親猶宿昔薄宦走風塵欵

得文翁肆芬芳孟母鄰仙人張內樂更覺綵衣春

詩十五

毛求恕齋

屈跡 泊方潘輿奉賀陽城郡老親哭嚴僕薄宦贈別

欵得 題文宣王芬芳奉賀陽城郡仙人千秋節更覺

奉賀 陽城郡王太夫人

贈符南樵文學 葆森

淮海維揚一俊人世上未有如公貧可憐賓客盡傾蓋

恐與齊梁作後塵自古稻粱多不足晚來幽獨恐傷神

喧呼且覆杯中綠江縣紅梅已放春

淮海 奉寄章世上丹青引贈可憐題終明戲為

句自 古春雁晚來亭子喧呼醉為江縣留別公安

題王句生明經翼鳳舍是集

為人性癖耽佳句一片飛花減卻春卜築應同蔣詡徑

謂熙名家莫出杜陵人引為賓客做頗久况復荊州賞

更新謂阮詞翰升堂為君掃長開篋笥擬心神

為人江上值水一片曲江卜築弟觀妻子名家送田

將軍赴引為寫懷將赴成都奇詞翰醉歌行贈

府長開留別公安詩詞翰公安顏少

壽羅藹亭二丈十首

鍊骨調情性丹砂訪葛洪仙人張內樂華館開秋風賓

客滿堂上何人高義同賦詩分氣象獨贈白頭翁

鍊骨寄劉丹砂奉寄河南仙人千秋節華館陪鄭公

詩十五无求恕齋

池臨賓客十將軍何人十將軍賦詩題鄭監奉

鳳紀編生日由來積德門世家遺舊史井邑聚雲根俊

傑思自致心肝奉 至尊文章憎命達世事與誰論

鳳紀千秋日由來贈比部世家冬日洛井邑題龍興

俊傑送顧心肝觀安西文章天末懷寄高

經濟漸長策防川領簿曹忘情任榮辱滿眼送波濤老

去才難盡孤飛卒未高夢歸歸未得留滯莫辭勞

經濟題防川弟書至忘情寫滿眼千秋節老去寄高

參孤飛鴻夢歸滯留滯鴻

清渭無情極故園今若何自傷遲暮眼猶足見時和生

還偶然遂古人誰復過郊扉存晚計迴首白雲多

清渭秦州故園復自傷猶足春生還三首古人明

喜雨郊扉江村迴首陪鄭廣文遊

更想幽期處山林引興長水煙通逕草花嶼讀書牀高

枕虛眠書新梢纔出牆不知滄海上養拙更何鄉

更想與李白同尋山林五首水煙移居花嶼寄高適

高枕書懷新梢同詠竹不知張司馬養拙皇帝廟

翠柏深留景幽偏得自怡老夫怕趨走驥子好男兒脫

略小時輩聲名豈浪垂尊榮俱不忝鳧鳥共差池

詩十五无求恕齋

翠柏冬日幽偏老夫官定後驥子與脫略壯聲

名題尊榮夫之首鳧鳥會崔明府

此生遭 聖代亦足慰榛蕪班秩兼通貴時晉神功

協禹謨蓬萊足雲氣浩蕩報恩珠紫誥鸞迴紙棲枝把

翠梧

此生大歷三年春亦足贈章班秩奉寄李神功昭陵

蓬萊春傷浩蕩舟出江紫誥奉賀陽城郡棲枝別蘇

鄭驛正留賓絲繁蕪細蕪門闌多喜色爽氣必殊倫鳳

穴雛皆好天河此夜新時娶惟南將獻壽雙美畫麒麟

鄭驛贈王絲繁全門闌李監爽氣奉贈鮮鳳穴上天

河月三惟南堂下累土為雙美奉賀陽城郡

主稱壽尊客照席綺逾依爽合風襟靜高懸列宿稀琴

書散明燭者舊把天衣自笑鏡前舞吾儕醉不歸

主稱登歷下古城照席月爽合首三高懸月琴書向

者舊傷春自笑陪鄭廣文遊吾儕宴胡侍御

仙李蟠根大潛通小有天秋風吹几杖華屋豔神僊白

古求忠孝何曾藉偃佺不知幾百歲應用酒為年

仙李冬日洛潛通秦州秋風秋華屋夔府自古暮春

大卿公恩何曾夔府不知枯應用寄賈巖

詩十五

三求恕齋

心鄉往齋集卷十六

曲阜孔繼鏞著

吳興劉承幹校

集杜下

贈臧牧庵三首 戊申

京中舊見無顏色 裘馬誰為感激人 白日放歌須縱酒

晚來幽獨恐傷神 滄波老樹性所愛 白水青山空復春

富貴何如草頭露 早聞黃閣畫麒麟

京中解裘馬 重贈鄭白 日 間官軍收 晚來 題鄭縣 滄

波 樹 白水 寄常 富貴 送孔巢父 早聞 送曹二 判官

詩十六

一求恕齋

況復荊州賞更新 徵君晚節傍風塵 壬寅牧庵 佐師海上 職當憂

戚伏衾枕訓練強 兵動鬼神返照入 江翻石壁柴門空

閉鎖松筠古來才 大難為用何異飄飄託此身

況復 將赴成都 草堂 徵君 寄常 職當 醉為 訓練 奉寄

御返照 柴門 崔氏 東 古來 行 古 何異 燕 子 來 舟 中 作

裘職曾無一字補 許身媿比雙南金 鄙人 感君意氣無

所惜我有新詩何處吟 人世悲歡暫相遣 西山寇盜莫

相侵 時 宿 鄰 邑 百年地僻柴門迴 與致溪邊十畝陰

與牧庵有河 上耦耕之約

袁職 院 壁 中 許 身 上 感 君 醉 歌 我 有 歎 梅 樹 人 世 清 西

山登百年 嚴公仲夏 與致 愚何十一 橫 枉駕草堂 覓橙木栽

奉寄白洋河沈陶山布衣 邁

故畦遺穗已蕩盡 大麥乾枯小麥黃 稚子無憂走風雨

先生有道出羲皇 衰年病肺惟高枕 照室紅鑪促曙光

谷口子真正憶汝 秋風此日灑衣裳

故畦 白 鼻 大 麥 行 稚 子 秋 雨 先 生 醉 時 衰 年 照 照

室 湖 城 遇 谷 口 江 雨 有 懷 秋 風 遣 孟 雲 卿 鄭 典 設 興

奉懷姚石甫三丈 瑩 卻寄金陵四首

獨宿江城蠟炬殘 匣琴流水白須彈 龍文虎脊皆君馭

孝子忠臣後代看 弟子誰依白石室 衰顏欲赴紫金丹

詩十六

二求恕齋

酒闌卻憶十年事 不見江湖行路難

獨宿 府 匣 琴 兩 篇 龍 文 戲 為 六 孝 子 度 聞 河 北 節 弟 子

憶昔 衰顏 將赴成都 酒闌 九 不 見 夜 聞 簞 行 寄 嚴 公

安危須仗出羣才 不道諸公無表來 萬里傷心嚴譴日

百年多病獨登臺 殊方日落玄猿哭 城闕秋生畫角哀

人世悲歡暫相遣 謫居尊俎定常開

安危 諸 不 道 聞 河 北 節 萬 里 送 鄭 十 八 百 年 登 殊 方

九日 城闕 野 人 世 情 謫 居 所 思

江山路遠羈離日 肯使麒麟地上行 鐘鼎山林各天性

淡雲疏雨過高城 劔南春色還無賴 庾信文章老更成

獨把漁竿終遠去武陵一曲想南征

江山重贈肯使馳馬鐘鼎清明澹雲懷郭西劍南路送

侍御庾信絕句六獨把別馬武陵吹

想見歸懷尚百憂似君須向古人求獨當省署開文苑

更有澄江銷客愁歎彼幽棲載典籍戲將秃筆掃驂驩

一聲何處送書雁朝夕催人自白頭

想見寄杜似君相從獨當解更有卜歎彼寄柏學戲

將題畫馬一聲十二月朝夕和裴迪

題沈香泉別駕樹基白門感舊圖有序

三韓白文敏公開府兩江香泉與錫山願竹崎江夏陳

詩十六

三求想齋

芝楣同參幕府不二十年芝楣撫江左兼領兩江節鉞

車笠重盟斯圖有作江夏云亡香泉亦垂垂老矣馬陵

展此不能無詞

霖雨思賢佐文章落上台 朝廷偏注意幕府憶羣材

未契有所及當年亦壯哉使君騎紫馬隨意坐莓苔玉

袖凌風並金魚換酒來尊巖臨極浦披寫忽登臺磊落

衣冠地艱危袞職陪別離同雨散身世白駒催落日心

猶壯秋山響易哀永懷江左逸握節漢臣回往與惠荀

輩皆登屈宋才平原獨顛顛謂竹傳說已鹽梅只益丹

心苦誰憂客鬢催高才日凌替壯觀已塵埃舊物森猶

在林花落又開大哉霜雪餘倚杖更徘徊

霖雨上文章送張司馬朝廷送鮮幕府春日未契

程錄率當年上帝使君寺隨意遊何將玉袖陪李梓

金魚遊何將尊巖贈汝披寫鄭駙馬磊落奉贈蕭艱

危荆南別離送王信身世南秋日荆落日漢秋山果鉏斫

永懷偶握節鄭駙馬往與幽人皆登述懷平原又上後

傳說遊只益月誰憂早高才入哀江壯觀干秋節

舊物詠懷林花上白帝城大哉遺倚杖課小

馬陵秋夜鍾吾講院作四首

日短江湖白髮前閭繚繞接山巔諸天合在藤蘿外

詩十六

四求想齋

講舍坐馬 美睡不聞鐘鼓傳生理只憑黃閣老晴窗檢

點白雲篇幽棲地僻經過少沙上鳧雛傍母眠

日短公安送章閩閩十絕句諸天香積寺美睡偏側

畢生理將赴成都留晴窗贈起居幽棲客沙上漫興

惜哉俗態好蒙蔽惡竹應須斬萬竿四山多風溪水急

百年羸癯腐儒餐步檐倚杖看牛斗隱几蕭條帶鶻冠

江上小堂巢翡翠強移棲息一枝安

惜哉石筍惡竹將赴成都奇四山同谷百年有步檐

夜隱几舟中作江上三首強移府

二三豪俊為時出轉見千秋萬古情始知神龍別有種
吾聞良驥老始成即今耆舊無新語謂惜不覺前賢畏
後生謂杏廣文先生官獨冷風鐙照夜欲三更

二三馬洗兵轉見樓越王始知李郭縣丈人胡馬行吾聞驄馬即今
解悶十不覺戲為六廣文醉時歌贈風鐙漫成一首

吾人甘作心似灰且盡生前有限杯萬事終傷不自保
一生襟抱向誰開無邊落木蕭蕭下但見羣鷗日日來
佩劍衝星聊暫拔五雲多處是三台

吾人三章江且盡絕句漫蘇端薛復一生奉待嚴
無邊高但見至客佩劍人日五雲送李秘書赴

詩十六 五求恕齋

題繡水王氏馬陵倦圃

主人為卜林塘幽借汝遷居停宴游客子入門月皎皎
浴鳥飛鷺晚悠悠久拚野鶴如雙鬢故著浮槎替入舟
圃中有語盡還成開口笑春風回首仲宣樓

主人卜居借汝司法客子題終明府香積寺久
拚書堂下故著如海勢水語盡醉為春風別李劍州

盜詩圖為王子棣明經世堯題
可念此翁懷直道清詞麗句必為鄰忍能對面為盜賊
但覺高歌有鬼神終藉隄防出眾力祇緣恐懼轉須親
空山無以慰幽獨故獨寫真傳世人

可念題鄭十八清詞戲為六忍能茅屋為秋但覺時
歌終藉石岸吳郎空山將軍不至故獨騎歌
揚州曲二首

秋風淅淅吹巫山齊紈魯縞車班班木葉黃落龍正蟄
關塞蕭條行路難花逕不曾緣客掃不知明月為誰好
千家今有百家存亂插繁南向晴吳竹裏行廚洗玉盤
勝裏金花巧耐寒卻繞井闌添箇箇時聞玉佩聲珊珊
俱飛蛺蝶原相逐紅顏白面花映肉城上擊柝復烏噉
初筵哀絲動豪竹酒酣並轡金鞭垂雄豪復遣五陵知
更調鞍馬狂歡賞卻憶年年人醉時夜如何其初促膝

詩十六 六求恕齋

只今年纔十六七問之不肯道姓名且將款曲終今夕
秋風齊紈憶木葉同谷關塞府花徑客不知風干
家帝亂插薛華竹裏嚴公仲夏勝裏人日卻繞火時
聞鄭駙馬宅俱飛進紅顏暮秋和裴城上歸初筵
馬酒酣度入朝節雄豪上更調園歌卻憶上夜如嚴別
逢只今醉時問之袁王且將胡城東遇
憶昨歡娛常見招天涯霜雪霽寒宵少年努力縱談笑
公子華筵勢最高牙檣振花青樓遠縈窗素月垂文練
妙舞透迤夜未休可惜刻漏隨更箭別時孤雲今不飛
誰家別淚溼羅衣悲見生涯百憂集歎息人閒萬事非

春酒杯濃琥珀薄繁枝容易紛紛落桃花氣暖眼自醉
梅花欲開不自覺問柳尋花到野亭泊乎吾生多飄零
秋風蕭蕭露泥泥樹攪離思花冥冥浮雲不負青春色
女樂餘姿映寒日還如何遜在揚州殘花爛漫開何益

憶昨春日戲題惱天涯闕少年蘇端薛復筵公子樂
牙橋清紫窗湖城東妙舞晚酒可惜湖城東

別時苦戰誰家黃悲見百歎息送春酒鄭
繁枝江畔獨步尋花桃花畫梅花至問柳嚴中丞枉泊

手晚晴秋風狄明樹攪醉歌浮雲崔評事弟許女樂劍
行還如和裴廷殘花歎庭前

寒江舟中贈王子鳧八首
五十年閒似反掌富貴於我如浮雲形神寂寞甘辛苦
氣味濃香幸見分信宿漁人還汎汎錦城絲管日紛紛

歌辭自作風格老汝更小年能綴文
五十觀公孫大娘富貴丹青引贈形神寄柏學信宿
興錦城贈花蘇端薛復汝更醉歌行別

寂寞嚴中丞枉樹枝光祿坂行細推曲江百罰樂遊竟日
疏燈自照孤帆宿僊侶同舟晚更移
百罰深杯亦不辭竟日淹留佳客坐數篇今見古人詩

詩十六
七求恕齋

有數篇解闕十疏燈夜仙侶秋

江動將崩未崩石柴門密掩斷人行寒輕市上山煙碧
露下天高秋氣清願我老非題柱客誰家巧作斷腸聲
燈前往往大魚出遮莫鄰雞下五更

江動蜀山柴門三絕寒輕十二月一露下秋夜願我

蛟龍欲蟄寒沙水觸忤愁人到酒邊未覺千金滿高價
卻嗟眞骨遂虛傳諸公袞袞登台省歎我悽悽求友篇

更有紅顏生羽翰一行白鷺上青天
蛟龍暮秋枉裴送路六侍未覺驄馬卻嗟姜楚

角鷹諸公醉時歌贈歎我追酬高蜀更有玉臺一行

乘興杳然迷出處高秋爽氣相鮮新青溪先有蛟龍窟
落日更見漁樵人羞將短髮還吹帽何用浮名絆此身

把臂開尊飲我酒病從深酌道吾眞
乘興題張氏高秋崔氏青溪絕句落日草羞將九日

陶治性靈存底物天時人事日相催苦遭白髮不相放
且脫佩劔休徘徊況我飄轉無定所亦知窮愁安在哉

江風蕭蕭雲拂地生前相遇且銜杯

江風蕭蕭雲拂地生前相遇且銜杯

江風蕭蕭雲拂地生前相遇且銜杯

江風蕭蕭雲拂地生前相遇且銜杯

江風蕭蕭雲拂地生前相遇且銜杯

江風蕭蕭雲拂地生前相遇且銜杯

江風蕭蕭雲拂地生前相遇且銜杯

江風蕭蕭雲拂地生前相遇且銜杯

陶冶夔州書懷天時小苦遭九且脫短歌行贈王郎司直況我嚴放

歌亦知蘇端薛復江風發閩中生前醉時歌贈鄭廣文

請看石上藤蘿月昏黑應須到上頭吾獨胡為在泥滓

人閒不解重驂騶山行落日下絕壁禹鑿寒江正穩流

仙賞心違淚交墮若為看去亂鄉愁

請看秋興昏黑涪城縣香積寺官閣吾獨奉先劉少府人閒存歿

山行光祿禹鑿弟觀妻子仙賞憶昔若為和裴迪登

童稚情親四十年紅顏騎竹我無緣籬邊老卻陶潛菊

鰕菜忘歸范蠡船縱酒欲謀良夜醉將詩不必萬人傳

岸容待臘將舒柳要取椒花媚遠天

童稚送路六侍御入朝紅顏清明籬邊秋盡鰕菜贈韋七縱酒

臘將詩公安送韋岸容小至要取十二月一日

題王西御僧保秋蓮子詞四首

江草日日喚愁生湖月林風相與清為人性癖耽佳句

學語小兒知姓名

江草愁胡月絕句為人江上值水學語戲作花

門泊東吳萬里船春渚落日夢相牽幾回細寫愁仍破

橫笛短簫悲遠天

門泊絕句春渚畫幾回野人送橫笛城西

雀啄江頭楊柳花應須美酒送生涯孰知二謝將能事

弟勸兄酬何怨嗟謂令弟

雀啄曲江陪鄭八應須江畔孰知解弟勸弟觀弟觀妻

錦城絲管日紛紛中間作者寂不聞在野只教心力破

傳聲一注溼青雲

錦城贈花中間李翱八分在野見王監兵馬使說傳

贈福因院野航二首

歲暮陰陽催短景溪壑為我迴春姿蒼茫不曉神靈意

酒後嘗稱老畫師元氣淋漓障猶溼舟人指點到今疑

尤工遠勢古莫比風妒紅花卻倒吹

歲暮閩溪壑七蒼茫侯酒後送鄭處元氣新畫山

舟人詠懷古尤工題王風妒風雨看舟

更有澄江銷客愁對君疑是泛虛舟此心炯炯君應識

伐木丁丁山更幽織女機絲虛夜月石門斜日到林邱

古堂本買藉疏豁堂上書生空白頭時孟瞻熙載句生

北史同

更有卜對君題張氏此心偏伐木題張氏織女秋

石門題張氏古堂簡吳堂上秋雨

李筵樓鎮過訪山齋詩以送之得長句十韻

李筵樓鎮過訪山齋詩以送之得長句十韻

不見李生久長瞻碣石鴻文章憎命達疏放憶途窮慘
澹家俠窟交親氣概中世情只益睡愁坐正書空搖落
關山思來看道路通窮愁但有骨老病已成翁歛意吟
梁甫逢人問孔融荒村建子月落木更天風獨步詩名
在何人高義同飄零仍百里霜雪滿飛蓬

不見

長瞻送舍弟頻文章李末懷疏放奉寄河南

慘澹

鹿頭交親投贈哥世情雨愁坐對搖落此也

眺來

看送舍弟頻窮愁王間州廷奉酬十老病亭歛

意

諸葛逢人奉寄河南荒村草堂落木客獨步聞高

十何人

寄贈王章尹丈人荒村草堂落木客獨步聞高

詩十六

十一求恕齋

題吳熙載松風憶遠圖

有序 己酉

熙載受法安吳以書名一世歲集安吳書為一卷手此
坐松石間其用心拙誠為弗可及已流連光景非所云
也

古屋畫龍蛇聖哲垂篆繫真宜法斗魁草敵虛嵐翠珠
明得暗藏八分蓋憔悴吳生遺擅場筆力破餘地灑翰
銀鉤連碑版照四裔哲匠不比肩將老身反累褚公書
絕倫謂包丈鴻寶非全秘含悽覺汝賢妙取蹶筌棄聰
明達所為花葉隨天意崢嶸羣山雲慘澹苦士志誓將
與夫子遲暮敢失墜鄙人奉末眷念子善師事虛閣自

松聲願閣第一義

古屋

禹廟聖哲石浦真宜

八分

送願吳生

書監

江哲匠相從將老

悽別

王妙取使君聰明

弟誓

將彭衙遲暮

亭願

聞上方

寄別大兄湖南

春去春來洞庭關封書寄與淚潺湲更為後會知何地
自斷此生休問天絕壁過雲開錦繡斷腸分手各風煙

詩十六

十一求恕齋

知君此計成長往憶弟看雲白晝眠

春去

清明二首封書因許八寄更為侍御自斷

題終明

府水樓斷腸送章二知君

姓字關

孝廉天然乞題孝子詩人長卷

孝廉父鴻消字廬山至性能詩嘉慶戊辰窮冬水災冰

毀親墓孝子負冰築之手足凍損里人繪圖哀之當事

旌其廬曰孝子詩人

死別已吞聲回首肺肝熱况當仲冬交東陵跡蕪絕凍

雨落流膠疾風高岡裂清晨望高浪水路疑霜雪羣冰

從西下但見暮光滅望絕撫墳呼呻吟更流血荷鋤先

童稚指直不得結指落曾冰閒徒旅慘不悅低空有斷
雲一邱藏曲折四郊多白楊悲泉共幽咽 聖朝新孝
理有美生人傑嶽嶽幽曠心好學尙貞烈不敢廢詩篇
激揚音韻徹正始徵勸勉壯夫思感決衰老強高歌非
爾更苦節薄俗安可論時議歸前列見此忠孝門骨驚
畏曩哲

死別夢李回首錄堂况當寒東陵送人凍雨枯疾風
自京赴奉清晨水漲水路八月十羣冰奉先但見
先詠懷蘇少監戶呻吟北荷鋤除指直奉先但見
五首望絕蘇少監呻吟北荷鋤除指直奉先但見
塞前出徒旅錄堂低空尉墓一邱起四郊昔悲泉北

詩十六

三求想齋

聖朝送許拾有美贈比部瞰詠懷好學八哀汝
不敢歸激揚送馬大正始八哀蘇壯夫武衛將衰
老送唐十非兩赴成九薄俗示從議贈韋十見此
賈柏中允子骨驚八哀張

卽事有寄

江海日淒涼水深雲光明蓬生非無根天地身何往濟
世數嚮時衣冠何穰穰聽履上星辰卿月升金掌絳氣
橫扶蘇寂無斤斧響南紀改波瀾秋色餘迴颺人寰可
超越君今在羅網回首載酒地禮同諸父長側身望川
梁何時倚虛幌霜中登故畦菊蕊淒疏以一請甘飢寒

絲情慰漂蕩

江海遺興水深雨蓬生遺天地寄杜濟世晚登漢
衣冠建都十聽履上韋卿月卿赴馬大絳氣調文公寂
無屋南紀題文宣秋色八哀蘇人寰畫鵲君今李
日同首遺禮同除膳部側身府成都何時夜月霜中溪菊
蕊西關一請贈蘇緣情偶題

鍾吾講院夜與牧庵述往四首

笑倩旁人爲正冠衰顏欲付紫金丹弊裘何啻聯百結
惡竹應須斬萬竿虎豹哀號又堪記蠻胡雜種錯相干
嗚呼壯士多慷慨社稷蒼生計必安

詩十六

西求想齋

笑倩九日藍田衰顏將赴成都弊裘後簡成華惡竹
將赴成都奇嚴鄭公弊裘後簡成華惡竹
嚴公五首虎豹前苦蠻胡度入朝嗚呼見奇社稷
度入朝

將軍只數漢嫖姚翠管銀鬚下九霄澗道餘寒歷冰雪
夷歌數處起漁樵嶮關險路今虛遠南海明珠久寂寥
報答春光知有處總戎皆插侍中貂

將軍贈田九翠管臘澗道題張氏夷歌關嶮關舍弟
江南海將報答江畔獨總戎將

豈傍青門學種瓜應須美酒送生涯岸容待臘將舒柳
喬木如存可假花獨使 至尊憂社稷每依北斗望京

華莫思身外無窮事天下車書正一家

豈傍曲江陪鄭八丈南史飲應須江畔獨岸容至喬木舍弟觀

取妻獨使五首每依與莫思漫與天下題桃

焉能終日心拳拳日短江湖白髮前生理只憑黃閣老

晴窗檢點白雲篇玄猿口噤不能嘯野水春來更接連

君有長才不貧賤濁醪粗飯任吾年

馬能偏仄日短公安送章生理將赴成都寄晴窗起

居田玄猿後苦野水重鄭君有短歌濁醪清

懷程小松明經祥棟卻寄蜀中

西得諸侯權錦水南遊花柳塞雲煙朱簾繡柱圍黃鶴

詩十六

去求如齋

橫笛短簫悲遠天自矜胡騶奇絕代看射猛虎終殘年

此身飲罷無歸處恨不移封向酒泉

西得贈王南遊贈章朱簾秋橫笛城西自矜胡

行看射曲江此身樂遊恨不飲中入仙歌

有憶屠薊州大令春林旅病劍州

我獨覺子神充實肺病幾時朝日邊長路關心悲劍閣

舉觴白眼望青天此時對雪遙相憶老去新詩誰與傳

離別不堪無限意倚江柵樹草堂前

我獨別李肺病十二月長路野舉飲中八此時

和裴迪蜀老去因許八奇離別送王十五倚江柵樹

兩所

拔款

歲暮懷符南樵文學葆森即寄彭城十二首

吾道竟如何丈夫貴知己禽鳥亦有行天寒落萬里歲

暮百草零高懷見物理山籬帶薄雲寂寞書齋裏客從

何鄉來門鵲晨光喜荒林寒可迴風物悲遊子

吾道征丈夫贈李禽鳥遣天寒遣歲暮自京赴高

懷贈鄭十山籬題鄭寂寞冬日有客從柏門鵲夜

西荒林山風物和裴迪閣荒林寺風物新津寺

王翰願卜鄰范雲堪晚友有情且賦詩平生滿尊酒登

陸草露滋鬱結回我首日月不相饒自覺成老醜涼氣

詩十六

去求如齋

晚蕭蕭天風隨斷柳舉目惟蒿萊聖者骨亦朽雁鷺空

相呼使我沈歎久

王翰贈章范雲崔少府有情四平生八哀詩明登陸

送楊監鬱結大雲寺日月立秋自覺將適吳涼氣朝

天風巖舉目歎聖者上雁鷺遺使我枯

石林氣高浮江斂洲渚出陰房鬼火青明月照我膝鐘

殘仍殷牀別離已昨日高枕笑浮生地幽忘鹽樞何須

白髮侵本無丹竈術虛費短長吟流年疲蟋蟀

石林鳳凰江斂獨陰房玉華明月寫懷鐘殘大雲寺

別離送高枕戲作排地幽過客何須贈裴本無陪張

宴南虛費侯殿侍流年奉贈盧

心弱恨知愁老大意轉拙自多窮岫兩幽事亦可悅竹

枝霜不繁風磴吹陰雪歲久為枯林未能易其節尼夫

甘旅人顏子竟短折以茲悟生理生理焉得說

心弱不老大奉先自多三川觀幽事征竹枝示從

風磴遊何將歲久道未能奉先尼父兩當縣吳顏子

贈僕射以茲奉先生理北

霽霧舉高牖清旦步北林微運不復取隱見清湖陰歲

蕤秋葉少參差谷鳥吟荒山甚無趣用舍在所尋賈誼

昔流慟孔明有知音出處同世網側塞煩胸襟

詩十六

七求恕齋

霽霧大雲寺清旦上後園微運法鏡隱見登歷下葳

蕤佐還山後參差彭衙荒山送高用舍道與賈誼同

使君春孔明典出處八哀詩側塞阻雨不得

黃鶴去不息鳳聲亦悠悠鷓鴣窺深井豈料沈與浮丈

夫四方志焉能守舊邱始喜原野闊蜂聲亦暖遊顧步

獨紆鬱終媿巢與由皇天不無意上有行雲愁

黃鶴登慈恩風聲鳳凰鷓鴣蔡州豈料送章丈夫前

塞馬能始喜鹿頭蜂聲尋崔顧步畫終媿

自京赴皇天南上有三道與

黃鶴翅垂雨翻身入長煙彈琴視天壤宿昔浩茫然拂

拭烏皮几正直朱絲絃古人日以遠感遇有遺篇悲風

為我起黃葉墜我前甚味至精主豈識悔吝先

黃鶴秦州翻身義彈琴八哀詩宿昔湘江拂拭

阻雨不得正直贈李十古人贈鄭十感遇陳拾遺悲

風華山觀黃葉三首甚味火豈識外草堂

浮生卽有涯鑿井不盡土驅驅爭奪繁汗滋衣裳腐饑

烏下食貪有時騎猛虎霜露在草根衰謝身何補江檻

已朝晴戶牖榮可敷寂寞壯心驚鷓鴣雞號枉渚

浮生題漢西鑿井太平寺驅驅贈閻汗滋雷饑烏

朝二有時山人霜露東樓衰謝馬江檻跡戶牖

詩十六

大求恕齋

鹽寂寞歲鷓鴣兩當縣吳

郊扉冷未開凍泉依細石舍影漾江流鳴榔各有適黃

河十月冰艱危作遠客孤城山谷閒如覺天地窄窮愁

醉未醒詞賦工無益念子何當歸令人不得擲

郊扉朝二凍泉詠詩舍影屏鳴榔雨二黃河武衛將

艱危早孤城秦州如覺送李窮愁橋詞賦遊何將

念子送高三十令人催宗文

用才文章境慘淡鬪龍蛇詞林有根柢目眩隕雜花不

復見顏鮑此道誰疵瑕宗匠集精選高人鍊丹砂精微

穿溟滓歸海成一家詩家一標準理愜夫何誇

用才八哀詩 慘淡送程 詞林八哀詩 目眩龍門 不

復道送程 宗匠八哀詩 高人呈元 精微聽 十

詩歸海門詩家 八賁理 恆門

欲語羞雷同十載考墳典山深苦多風賢良不必展煙

花一萬重沈飲聊自遣旅食歲崢嶸誦詩渾游衍突兀

猶趁人出門日以遠老氣橫九州徒步客徐竟

欲語秦 十載八哀詩 山深赤賢良 哭蘇少 戶煙

花傷沈飲 自京赴 旅食贈 誦詩聽許 突兀青陽

出門前出 老氣送 徒步源 蘇公

天高難重陳水鄉羸白屋始覺心和平未知所馳逐薇

詩十六 九求怨齋

歲餓首陽未必不為福吁嗟後邳誥千載得鮑叔雲端

各異方歲莫風破肉磬折辭主人問子能來宿

天高贈鮮于 水鄉舟中 始覺張舍人 未知與 薇蕨

早未必 戲贈吁嗟 千載送程 雲端寄高使君

歲莫山磬折 遇問子 嚴明府

谷寶應劉珮卿文學四首

之子時相見柴扉掃徑開世情祗益睡吾意獨憐才客

禮容疏放孤雲自往來浮生看物變豔豔待春梅

之子題張氏 柴扉吳郎 見世情雨 吾意不 客禮奉 八

老孤雲上白帝 浮生又示 豔豔花

老孤雲城二首 浮生兩兒 豔豔花

半落吾安放明公獨妙年艱難賤生理陶治賴詩篇何

事拘形役頻遊任履穿諸生舊和褐端雅獨儵然

牢落八哀詩 明公奉 艱難春日 陶治夔府

韻何事後題 頻遊春日 諸生橋陵 端雅韋大夫

更想幽期處孤城水氣昏芰荷入吳縣歲月在衡門洗

杓開新醞連筒灌小園鬱陶抱長策世事與誰論

更想尋 孤城愁 芰荷南 歲月東屯 洗杓歸 連筒春

鬱陶柳少府 世事寄 高

不在相逢早濠梁同見招自傷遲暮眼無補 聖明朝

天地空搔首淒涼為折腰洗然遇知己雙影漫飄飄

詩十六 辛求怨齋

不在贈射洪 濠梁遊 何將自傷 無補野 天地樓 淒

涼官定 後洗別 雙影西 明府期 嚴

野人庚戌

有才無命百僚底鐵鎖高垂不可攀小心恐懼閉其口

野人曠蕩無覩顏萬事盡付形骸外詩卷長留天地間

反鎖衙門守環堵風雨不動安如山

有才寄 鐵鎖都 小心野人 萬事相 從

卷送 反鎖秋 風雨茅屋 所被秋

園居雜詩二十一首

曾為掾吏趨三輔兼泛滄浪學釣翁但看古來盛名下

曾為掾吏趨三輔兼泛滄浪學釣翁但看古來盛名下

凡今誰是出羣雄階前短草泥不亂城邊野池蓮欲紅
江水江花豈終極秋來相顧尙飄蓬

曾為峽中兼泛解但看丹青凡今戲為六階前絕雨不
城邊暮江秋來贈李

權拂荷珠碎卻圓點溪荷葉疊青錢江邊老病雖無力
鄉里衣冠不乏賢茗飲蔗漿攜所有濁醪蠶飯任吾年
新添水檻供垂釣漫擬槎頭縮項鱸

權拂重乞鄭點溪絕句江邊奉答鄉里贊善茗飲
進濁醪情新添值水漫擬

詩十六

王球怨齋

素知賤子甘貧賤草堂西無竹林詞源倒流三峽水

許身媿比雙南金楚妃堂上色殊眾仲宣樓頭春已深

子規夜嘯山竹裂新詩改罷自長吟

素知病後過草堂愚何少府詞源醉歌行別許身題
中院楚妃寄常仲宣短歌行子規壇歌新詩問

茅齋寄在少城隈萬竹青青照客杯藍水遠從千湖落
鄰雞還過短牆來魍魎魍魎徒爲耳鳳皇麒麟安在哉

昨日晚晴今日黑沙頭忽見眼相猜

茅齋秋盡萬竹又送辛藍水九日崔鄰雞王侍御魍魎
大食鳳皇打魚昨日復沙頭三絕

應接茅齋看青碧午時起坐自天晴沙村白雪寒仍凍

階面青苔先自生復有樓臺銜暮景高飛燕雀賀新成
百壺且試開懷抱轉見千秋萬古情

應接山午時崔許事許沙村留別大階面院中復
有懷郭西高飛陽城郡王百壺蘇端薛復轉見越王

野亭春還雜花遠揚鞭忽是過湖城人生交契無老少
客至從噴不出迎江上今朝寒雨歇空山獨夜旅魂驚
簷前甘菊移時晚何得愁中卻盡生

野亭劉少府山揚鞭釋悶人生徒步客至三絕江上寒
朝行空山夜簷前甘菊花何得

詩十六

王球怨齋

今日南湖采薇蕨杖藜徐步立芳洲臨風三嗅馨香泣

遠害朝看麋鹿遊舊入故園常議主竟非吾土倦登樓

晚將末契託年少輕薄桃花逐水流

今日解杖藜絕句臨風歎遠害題張氏舊入來舟
中竟非長沙送晚將疑行輕薄

盈把那須滄海珠籬中秀色畫屏紆舍南舍北皆春水
山鳥山花吾友于忍使驕驕氣凋喪敢論松竹久荒蕪

人生反覆看亦醜愧似相如爲大夫

盈把暮秋枉裴籬中寒雨朝行舍南客山鳥嶽麓忍
使丹青敢論將赴成都人生可愧似奉衛王

東遊西還力實倦石門斜日到林邱欲填溝壑惟疏放

一尋泥塗遂晚收江上形容吾獨老春來花鳥莫深愁
豈知異物同精氣不廢江河萬古流

東遊嚴氏溪石門題張氏欲填夫一尋長沙送江上
至春來值水上豈知行沙苑不廢戲為六

釣竿欲拂珊瑚樹稚子敲鍼作釣鉤月出寒通雪山白
江清日抱龍鱗遊乘舟取醉非難事送客逢春可自由
旅雁上雲歸紫塞干人事網羅求

釣竿送孔巢父稚子村月出古柏江清白帝城乘舟
送客和裴迪登旅雁清明千人見王兵馬

詩十六

重求恕齋

肯信吾兼吏隱名休怪兒童延俗客不勞鐘鼓報新晴
青山落日江湖白吾與汝曹俱眼明

辛夷偏側行異域愁後來施州肯信院中休怪柳起
寄巖不勞懷西郭青山行惜別吾與春水生

旁人錯比楊雄宅小徑升堂舊不斜東屯稻畦一百頃
江深竹靜兩三家已知出郭少塵事且盡芳尊戀物華
南山豆苗早荒穢為園須似邵平瓜

且盡南史飲南山投簡成華為園弟觀妻子
看我形容已枯槁懶朝真與世相違會將白髮倚庭樹

豈有黃鵬歷翠微晴浴狎鷗分處處清秋燕子故飛飛
此年病酒開涓滴每日江頭盡醉歸

看我蘇端薛復懶朝曲江會將秋風豈有十二月一
晴浴蘇州歌秋興比年弟觀妻子每日曲江

柴門擁樹向千株卻看妻子愁何在傍此煙霞茅可詠
更欲題詩滿青竹香爐峰色隱晴湖

閩風夔州富貴嶽麓山行江月漫柴門寒雨朝行卻看官
軍收河傍此道林更欲題鄭縣香爐大覺高

詩十六

重求恕齋

江庭晚色靜年芳徵君已去獨松菊野客頻留懼雪霜
不有小舟能盪盪無錢即買繫籬傍

即今百憂自笑夫永夜府衙江庭對雨徵君隱居
客雨所拔歎不有城西破無錢春水生

愁極本憑詩道興新詩改罷自長吟吏情更覺滄洲遠
故國移居見客心飛閣卷簾圖畫裏鳴鳩乳燕青春深
高山之外皆培塿與致溪邊十畝陰

愁極後新詩問吏情對酒故國弟觀妻子飛閣即鳴
鳩題省高山可與致見燈木裁
窮巷悄然車馬絕一辭故國十經秋名垂萬古知何用

語不驚人死不休酒債尋常行處有春山無伴獨相求
多才依舊能潦倒堂上書生空白頭

窮巷題鄭十八一辭解悶十首名垂醉詩語不江上值

酒債曲江春山隱居張氏多才贈秦少章堂上秋雨歎

百年地僻柴門迥野老牆低還是家落日初霞閃餘映

鳩鵲鷓鴣滿晴沙岸容待臘將舒柳喬木如存可假花

富貴何如草頭露應須美酒送生涯

百年嚴公仲夏野老絕句漫落日憶昔鳩鵲曲江陪

飲岸容喬木弟觀子富貴送孔巢父應須江畔

花尋至江陵獨步

詩十六

孟求恕齋

巡簷索共梅花笑嫩藥商量細細開一飯未曾留俗客

片雲何事傍琴臺梁間燕雀休驚怕門外鷓鴣去不來

即遣花開深造次須成一醉習池迴

巡簷弟觀子嫩藥步江畔獨一飯解片雲野梁間楚

公畫角門外三絕即遣漫與須成酒至草堂

清江白日落欲盡乘興還來看藥欄不但習池歸酌

也從江檻落風湍舊來好事今能否老去悲秋強自寬

明月無瑕豈容易一談一笑俗相看

清江陪王侍御乘興賓不但重泛湖也從將起成都

舊來因許八寄老去九日藍田明月可一笑二人日

煙絲碧草萋萋長臘日常年暖向遙雲近蓬萊常五色
天涯霜雪霽寒宵馬知餓死填溝壑未有涓埃答 聖

朝同學少年多不賤便應黃髮老漁樵

煙絲樂遊園歌臘日日雲近宣政殿天涯閣馬知醉時未

有野同學秋興便應王臺

送故人湯海秋令子做昭歸益陽

三年笛裏關山月已映洲前蘆荻花鼓瑟至今悲帝子

兒童莫信打慈鴉淚痕血點垂胸臆弟勸兄酬何怨嗟

足爾荒山轉愁疾此身那得更無家

三年洗兵已映秋興鼓瑟州人日詩兒童題桃淚痕樹

詩十六

孟求恕齋

為風雨弟勸弟觀妻子足爾舞劍器行此身陪鄭

飲南史

題黃晴初廣文時溥居庸策蹇圖

知君苦思緣詩瘦不惜奇毛恣遠遊暝色無人獨歸客

朔雲寒菊倍離憂西山白雪三城戍背日丹楓萬木稠

縱飲久判人共棄馬知李廣未封侯

知君登四安不惜王監說暝色光祿朔雲長沙送西

山野背日官積寺縱飲對酒馬知別李

黃廣文屬題令叔恂甫所藏朱悅田畫梅冊子四絕句

志士幽人莫怨嗟夜來吹折數枝花畫師不是無心學

且盡芳樽戀物華

志士古柏夜來絕句畫師姜楚公且盡曲江陪鄭

尊酒家貧只舊醅茅齋寄在少城隈天涯春色催遲暮

白屋寒多暖始開

尊酒客茅齋秋天涯奉詔白屋王侍御

丹青不知老將至借問苦心愛者誰尤工遠勢古莫比

屈鐵交錯迥高枝

丹青引借問韋諷宅尤工王宰山屈鐵韋儂雙

陶治性靈存底物非子誰復見幽心滄江白髮愁看汝

冷藥疏枝半不禁

詩十六

毛求恕齋

陶治解非子愚何少府滄江見螢冷藥弟觀妻子

題羨塘垂釣圖有序

寶應喬廣文守敬自命漁隱天將不果隱之也白田湖

煙數十百里羨塘僅半畝耳寫趣能廉寄賞余心

直筆在史臣自古求忠孝賢豪贊經綸山林跡如掃秋

山首嶺多柴門鳥雀噪痛飲信行藏賢多隱屠釣空谷

滯斯人用拙存吾道嗜酒見天真精理通談笑花溪得

釣綸落落展清眺文采珊瑚鉤鷓鴣西日照村煙對浦

沙佳處領其要鄙人奉末眷潘陸應同講空聞紫芝歌

敢為蘇門嘯勞生共幾何靜者心多妙魚龍偃臥高折

尾能一擢丹極上鷓鴣圖南未可料

直筆八哀詩自古送馬大賢豪送魏六丈山林李

白秋山萬柴門羌痛飲壯賢多春空谷過東溪用拙

屏嗜酒寄李精理贈王花溪贈王侍落空次空文采

同郭給事鷓鴣田村煙陪王侍御佳處次空鄙人江

靈淋作送馬卿空聞入哀詩敢為上後園勞生陪

端公潘陸赴馬卿空聞入哀詩敢為上後園勞生陪

留後饒靜者寄張魚龍江折尾義丹極寄劉峽

題寶應施三雲亭景嵩洗硯圖

詩十六

毛求恕齋

君不見十日北風風未迴鯨魚跋浪滄溟開屈強泥沙

有時立支離委絕同死灰君不聞富豪有錢駕大舸倏

忽東西無不可翻風轉日木怒號至今夢想仍猶左為

君酌酒滿眼酷強梳白髮提胡盧愁極本憑詩遣興富

貴功名焉足圖回首蛟龍池長嘯得石硯丹心一寸灰

艱難人不見好惡不合長相蒙鑿冰恐侵河伯宮翦取

吳淞半江水一洗萬古凡馬空嗚呼炯如一段清冰出

萬壑不意清詩久零落劉向傳經心事違子雲識字終

投閣苦薛蝕盡波濤痕使我歎恨傷精魂黛色參天二

千尺松高擬對阮生論

君不行交十日發劉鯨魚短歌行屈強又觀打支離

晚君不行兵車富豪最能倏忽憶昔翻風刀歌至今昔

行爲君入奏強梳劉判官愁極後富貴道林回首

懷長嘯硯丹心遇鄭馬池臺艱難猿好惡行歲晏鑿冰

設險少府剪取題王辛一洗丹青嗚呼冬狩炯如入奏

不意蜀州劉向與秋子雲醉時苔蘚石筍使我行苦戰

黛色古柏松高絕句河決于豐寄慨四首辛亥

漢主山河錦繡中昆明池水漢時功炙背可以獻天子

驅石何時到海東歲暮陰陽催短景春光懶困倚微風

二儀清濁還高下才力應難跨數公

詩十六

元求恕齋

漢主清明昆明秋興炙背赤甲驅石陪李司馬歲暮關夜春光

江畔獨步尋花二儀又作此才力絕句戲爲六

水光風力俱相怯石勢參差烏鵲橋往往陂陁縱超越

喧喧道路多歌謠且須伐竹開荒徑只在忠臣翊聖

朝愛日恩光蒙借貸元聽舜日舊簫韶

水光風雨看舟石勢玉臺往往沙苑喧喧河北節且

須嚴公垂寄奉答只在將愛日寒雨朝元聽夔州歌

白蘋愁煞白頭翁白晝攤錢高浪中根斷泉源豈天意

時危慘澹來悲風缺訛只與長川逝正直元因造化功

道路即今多壘隔汝休枉殺南飛鴻

白蘋清白晝夔州歌根斷雨所拔歎時危題王宰缺

訛石犀正直古柏道路光祿汝休歲宴

詞人解撰河清頌抱病起登江上臺雲雪埋山蒼兕吼

鯨魚跋浪滄溟開感時鬱鬱匡君略莫怪頻頻勸酒杯

自免洪濤恣彫療清沙白鳥飛迴

詞人洗兵抱病九月雲雪復陰鯨魚短歌行感時高蜀

州莫怪送王十五自免石犀渚清登

長歌四首

長歌激越梢林莽關塞蕭條行路難瑤墀侍臣已冥冥

蠻胡雜種錯相干車箱入谷無歸路竹石如山不敢安

詩十六

元求恕齋

野哭幾家聞戰伐老農何有罄交歡

長歌江曲關塞府瑤墀蠻胡河北節車箱嶽竹

石四首野哭夜老農任駕草堂

未聞細柳散金甲使者徒勞萬里迴凌煙功臣少顏色

石田茅屋荒蒼苔朝廷衮職誰爭補懷抱何時好一

開戎馬不如歸馬逸安危須仗出羣材

未聞事使者度河北節凌煙丹青石田醉時朝廷將懷

抱盡戎馬帝安危將

個儻權奇難具論蕃人聞道漸星奔炎風朔雪天王地

翠木蒼藤日月昏聖朝已知賤士醜白頭惟有赤心

存誰能載酒開金盞共醉終同臥竹根

獨儻沙苑蕃人喜聞盜賊總退炎風將翠木帝聖朝樂遊白

頭度入朝誰能步尋花共醉少年行

寒刮肌膚北風利夜來吹折數枝花農夫田父無消息

志士幽人莫怨嗟各使蒼生有環堵每依北斗望京華

光芒六合無泥滓天下車書正一家

寒刮前苦夜來絕句農夫秋雨志士古柏各使寄柏

林每依與秋光芒荆南趙公天下題桃

寄輓高郵茆雩水明經泮林即題心巢文學璧湖感舊

圖十六韻

詩十六

三求想齋

儒術誠難起諸生老伏虔不成尋別業遙憶舊青瓊隱

者柴門內春城海水邊艱難昧生理磊落映時賢蕭瑟

唐虞遠榮枯雨露偏白頭搔更短青簡為誰編宿雨南

江漲空林暮景懸故人何寂寞謂心失侶自述迴磨滅

餘篇翰淒涼憶去年肯來尋一老自覺坐能堅鳴榔各

有適寒花亦可憐所思礙行潦此別閒黃泉書籍終相

與文章并我先斯人不重見把臂共潛然牢落乾坤大

菁華歲月遷望雲悲軻軻道卜終焉

儒術贈崔于諸生奇岳州巴不成遺問呈遙憶遊南

隱者阮隱居春城得楊五艱難春日磊落哭韋蕭瑟

題榮枯寄賈司馬白頭春青簡夔府宿雨使君空林

一故人寄高使君失侶寄賈司馬磨滅題鄭亭淒涼

倚肯來王十五遺自覺夔府鳴榔百寒花寄鄭監

所思苦雨寄此別哭李向書籍贈虞文章夔府斯人

即輝把臂留別牢落寄河南菁華詠望雲寄司馬

吾道寄賈司馬

題黃右原授硯圖有序 王子

儀徵阮相國以所藏水月硯授右原右原學有師承不

忘所自圖以志之

淮海生清風斯人不重見聽履上星辰聞道蓬萊殿頭

詩十六

三求想齋

白好歸來 北關心常戀在山泉水清步壑風吹面神

翰顧不一長嘯得石硯寒水各依痕月生初學扇三千

弟子行徐榻不知倦達者得升堂秀發吾所羨贈此遺

愁寂流霞分片片百年見存沒星霜元鳥變甚媿丈人

厚風牀展書卷穎脫撫錐囊天黑閉春院揮灑動八垠

其光或雷電寂寞壯心驚朝旭射芳甸悽惻近長沙烽

舉新酣戰時議歸前烈嗚呼淚如霞仗子濟物身為郎

未為賤一洗蒼生憂獻納紆 皇眷

淮海送高斯人哭李常聽履上韋聞道夕頭白見北

關九在山人步壑東屯神翰故祕書長嘯石寒水深

月生	愁復	三千	遺	徐	楊	北	達	者	遣	秀	發	石	贈	此	崔	少	府
流霞	生	宗	武	百年	故	蘇	星	霜	荆	南	甚	媿	左	丞	風	林	水
穎脫	問	天	黑	贊	公	房	揮	灑	奇	薛	三	其	光	石	硯	寂	寞
旭	水	關	悽	惻	入	喬	烽	舉	得	弟	息	時	議	贈	韋	鳴	呼
別	朝	霧	為	郎	蘇	一	洗	鳳	凰	獻	納	贈	鮮	于	京	北	
十四	為	郎	蘇	一	洗	鳳	凰	獻	納	贈	鮮	于	京	北			

詩十六

重求恕齋

心鄉往齋集卷十六

心鄉往齋集卷十七

曲阜孔繼鏞著

吳興劉承幹校

補遺

倦圃主人餞通甫馬陵山亭酒半有作與通甫和之

三月恆苦雨今日欣晨開主人遲客久陟彼山之臺海
色逼東望人世潛離哀鬱抱一疏散真意傾金罍鐘鳴
日卓午天高風無埃山田露石骨齋麥青於苔芒碭隱
西北千里雲低回漠漠見鳧鴈春遠黃河來智士寶良
會離思忘所裁丹房駐言笑何用求蓬萊

詩十七

一 求想齋

題魯通甫為潘四農師畫梅

通甫年少氣如虎一識我師即爾汝開口有氣不肯下
放筆直欲摩天舞千里鴛花吹上京聯驂結袂心相并
張子潘子並意氣坐我一室長歌行子規叫自淮山渚
碧草纏霜黯黃土雲散風流不可收眼中今夕真千古
通甫早鬢蕭蕭秋我亦師門感舊遊西風木果軒中宿
剪燭中宵雙淚流

求心巢五章心巢子以友道自任能我益我
不自益載違寒暑爰綴斯章

上有滄浪天下有后地履戴其中兮而乃賤自棄我心
憂勞求我心巢

山英英水泠泠過都越國遐哉征山之清非我清水之
明非我明載昏載濁直不如無生我心憂勞求我心巢
兩脚遲重不若嶮無走結舌木強不若勿哆厥口靈蛇
之珠神明藪彼萬短兮我能剖一手障面乃不見自醜
我心憂勞求我心巢

讀書五十年邈哉聖賢曰佛曰仙狂遊其天白頭聞道
憂患滿前批辟人理誰為憐我心憂勞求我心巢
金石相盪摩性命莫能助金石相盪摩性命莫能助一
息桑榆閒墜日不得駐誰見白骨肉赫赫新者故千秋
萬歲同朝露我心憂勞求我心巢

詩十七

二 求想齋

落葉

西風盪庭戶榮落古相尋百歲復何事空林動我心寒
開孤照色雲滅碧湖陰天地干戈在白頭安足吟
夕次顏家河
平楚殘陽鳥去煙寒沙淺麥被荒阡夜臺悽斷冰霜晚
野店重來三十年拙宦江湖歸最好餘生兒女累依然
村墟惆悵無人見草榻篝燈背月眠

題白門女史畫

莫愁愁慘舊煙村多少春潮抵淚痕桃葉辭根渡江日
憶來還不算銷魂

江花江草夢中愁
江上孤衾失舊遊
何處東風紗帽巷
嬌紅一簇短籬頭

江南兒女咽清哀
點筆斜闌費剪裁
棖觸一年春又去
野滕花向戰場開

舟泊露筋祠題蕉隱所作射湖秋月圖

連天鼓角幾時休
一水依然萬古流
莫上湖樓望明月
黃灣南去是瓜洲

留別南莊

漣水孤城在黃河
落木乾相看兩惆悵
不爲別離難

朱銓甫索題菊花三絕句

詩十七

三求想齋

五年九日在天涯
刺眼黃花苦憶家
羨爾南鄰閒勝我
破愁忙種遠籬花

江天笳鼓陣雲昏
舊雨前遊莫更論
腸斷揚州城北路
西風斜日傍花村

心數園林幾日開
花時爲我酌千杯
當年我亦鋤三徑
絕少王郎送酒來

贈程秋丞用甘巖均

李郭相攜鼓柁東
千秋情話一宵通
湖波落木雲連驛
杯酒燒燈雪滿空
甥館嘯歌前度夢
師門風義幾人同
莫愁來日城隅別
夜夜江皋戍火紅

甘巖過訪

三年三度白田來
短髮多情落木催
南國寇氛猶未息
西河老淚況餘哀
荒籬又見寒花發
濁酒愁將笑口開
風雨一巢江海上海
與君何地覓蓬萊

題阮母鍾銘

官軍棄城如豪毛
漢之水兮聯江皋
嗟爾子孫抱器徒
哀號

夜發高郵晨起已過露筋寄題有作

聖母祠雲隔楚西
小姑山翠遠悽迷
窮鄉離亂占雞骨

詞客飄零學馬蹏
門外春陰垂柳暗
樓頭湖水接天低

詩十七

四求想齋

漁樵無賴成村聚
淮海何年息鼓鼙

水宿露筋

催人鼙鼓又辭家
短鬢驚心日易斜
浦溆蒹葭如昨夢
樓臺楊柳是天涯
雲陰南鎖甘棠驛
霜氣寒搖晚稻花

江上小姑愁不見
廟門腸斷飼神鴉

贈汪研山

荒城坐雨似山椒
命酒聯歡抵寂寥
臥閣游蹤開北苑
過江樂府續南朝
無魚同歎愁中缺
乞食今多市上簫
江海未銷金鼓氣
淮東家室正飄搖
寄任熊局閒水營

東海移軍北固陰，荆襄寇盜阻南侵。
廣陵重鎮開蓮幕，江左談兵此竹林。
綵筆彥昇聊寄跡，戎機公瑾獨沈吟。
鷗冠別有行藏感，一寄雲鷗萬里心。

酬金雪舫二首

江上閒雲又去來，蕪城門巷舊蒼苔。
亂離兒女向平果，零落文章庾信哀。
已是三年愁命酒，更誰九日笑登臺。
青青東隱庵中樹，水霧山蘿鬱未開。

好我心情託遠鴻，相思沈悶歎歌通。
室家等是飄搖羽，杼柚難爲大小東。
巾屨餘年雙鬢白，旌旗斜日半江紅。
與君更憶西泠客，謂眉生出處天涯總斷蓬。

詩十七

五求忽齋

九日野泊

去年九日錢塘縣，石閣松窗臥看潮。
沙嶼雲波紅葉寺，水欄風日紫瓊簫。
竹西又度重陽節，菊徑全荒念四橋。
星火瓜州深不見，一江兵氣夜蕭蕭。

京口秋夜賦贈周帥

水國魚龍萬象東，紅羅愁霧駐空濛。
海天樓櫓三山月，江路金笳七澤風。
運會兵戎消劫幻，川原形勝試英雄。
書生馬上工鏡吹，早晚軍門看挂弓。

題周蓮亭獨立蒼茫長卷

突兀疑無地，滄溟更有東。
功名紛柱石，譽毀盪天風。
高

調吾所與飢驅道，未窮一官且山海。
萬里正兵戎，渠安總戎屬題仕女便面二首

花綴春林晚日紅，雲心霞思正無窮。
美人遲暮英雄老，都在扶欄不語中。

紅袖遲徊綠綺琴，香塵十界幾知音。
鯨鯢掣盡藏元豹，一曲蒼茫碧海心。

江上哭梅伯

久遲不來當就汝，喜聞談笑下吳松。
笠車半作重泉別，琴筑思聯上國蹤。
一夕大江悲短笛，百年斜日賸孤筇。
斯人真是聰明死，悔不枯僧學打鐘。

詩十七

六求忽齋

再哭梅伯

生事差巽代謝中，孤桐死後泣西風。
美人芳草三春盡，檀板金樽一代空。
故里大梅山翠冷，高堂老淚海雲紅。
從今形影誰相弔，明月依然照甬東。

既哭梅伯喜聞健在率成卻寄

太白世人皆欲殺，東坡已死動傳譎。
尙存海內二三子，未了生前長短歌。
鐘鼎山林東逝水，佳城宰木古垂蘿。
老當益壯從吾好，酒不忘憂奈汝何。

譙山贈月輝

夢幻交游聚散煙，亂離把臂水雲邊。
潮音殿閣雙峰寂

天色東南一海懸有病形骸銜月影餘生文字口頭禪
長江寇盜何時了愁向山窗借榻眠

寒江贈几谷又一首

不能禪寂愛僧家昔日南徐小九華松楊午煙開石畫
風欄紅葉打秋花鐘魚樓閣雲波改羽騎旌旗草樹斜
寇退有山皆樂國荒江且倚暮天霞

桂花莊野泊二首

百曲隋隄片月斜橋通揚子路三义淮東天曉竹搖夢
江北潮生浪有花靈瑣宮牆青薜荔浮圖鈴鐸紫煙霞
如今萬事成追憶四面軍城水上笳

詩十七

七求如齋

連天海國愁漁唱吹角營門散馬羣空巷有烏皆戰壘
平原無樹祇荒墟野田黃雀冥濛雨西北高樓破碎雲
盛世歡場託絲竹十年腸斷杜司勳

東子鴻

春花悽斷暮江頭金井梧桐況感秋螢火颭風迷舊苑
雁行曉雨過南樓無雙青玉愁平子第一紅牙換氏州
獨我寤歌人不見蕪城寒月照淮流

至日

冬至陽生陰未減四郊多壘夜茫茫還家短夢驚遊子
行役三年在戰場思難生機垂白髮東南海色滿青霜

起行殘月歸無計木落遙天雁數行

得武陵書

驛門煙樹臨長渠軍聲杳眇愁孤虛十年兄弟隔衡麓
頗有鴻雁無來書阿弟從戎兼奉母家室揚州近賊藪
百口漂颺江上萍苦念孤棹傍南斗東野半尉終隱淪
子真仙吏仍奔走人間那有桃花源妖氛橫塞荆襄口
巢烏幕燕紛無家一官斷送風中花秦嘉琴瑟寄異縣
延陵珠玉薶泥沙人生失意面黧黑便爾能歸不能識
旌旗如織川途長萬金一紙真難得連根不比孤飛蓬
患難貧賤心肝同釣竿本是吾家物白首相期東海東

詩十七

八求如齋

龍竿去牡丹

昭代情平全盛日海天亦種姚黃花錦堆繡砌儼貴第
蜂趨蝶走如朝衙香覆銅檐大盈把窮鄉春暮羅遊者
蘭橈桂檝齋鐘前銀尊玉尊珠幢下燎原焚萊忽見收
變滅精舍爲荒邱灼灼朱霞舊芳沼濺濺野水空寒溝
危樓石佛蘆之洲遺蹤小築禪房幽瑤圃半隨蔓井沒
仙葩復作雲芽抽有客避地正愁絕四月已過花時節
金粉笙歌獨我慳摧燒零落休重說廟門禾黍吹斜陽
長廊衲子頭如霜萬竿煙雨無一箇苦盼新篁高出牆
楊田野望用韻示湘甫

何事巾車下澗田半川風柳射陽煙亂離將母疑無地
出處餘生信有天泥飲窮村閒父老楊懸敗屋古賢賢
來朝又是孤舟夢游子浮雲落日邊

七夕立秋先太父忌日

禮堂驚見五流螢避地蒹葭野外亭一夕涼颺生水國
孤兒悲涕攬秋星南雲江表軍城暗西月淮陰宰樹青
生計艱難慈母共夜深溫語慰飄零

小松

手插纖條傍石扉蒼髯相對自知非可能竊得長生藥
看爾凌雲大百圍

詩十七

九求恕齋

題芮生鴻飛析薪負荷圖

清門勵忠孝出處近如何明月空山響秋風落木多人
情戀堂構天意重巖阿道路荆榛滿傷懷問斧柯

答江漱芳

碧雲吹斷白門秋之子無家泣遠遊季布交期心鄭重
建安文字骨清道軍城赤日三江戍水國西風七夕樓
極目南湖天萬里蕭蕭蘆荻泊雙鷗

十月二十七日作

扶蘇老木雜風蘿飄雨空堂夢緒多曉起開門紅日出
平湖萬頃靜無波

題畫四首

日午煙谿變夕昏大雲截嶺失山門竹根翠滴猿嘯處
松腹年深鳥象痕去日驚心垂老筆塵蹤如夢隱山村
扁舟我正歸來晚風雨橫斜亂酒尊

誰把芙蓉鑿遠空高高白練挂青濛行歌互答參差玉
密雨斜飛斷續風可許勞人蘿壑底爲開亭子石林中
三年軍壘繁吹角落日河橋悵轉蓬

歸來半畝吾何有金碧一峰春最濃複道長梁丹壑起
瑤題璇戶紫雲重憶觀溟渤三更日曾倚徂徠百丈松
子晉王喬誰識得人閒歌哭似寒葦

詩十七

十求恕齋

澄清攬轡挽橫流虎嘯龍驤足勝遊自致功名躋衛霍
忍從木石侶羊求旆旌獵獵三江戍天地蕭蕭兩鬢秋
顛顛行吟對芳杜瀟湘漁父有方舟

寶應西壇

鸞鶴玉京朝諸天絳節遙清愁餘成笛荒夢醒寒潮家
國方多難神仙漫解嘲石壇枕湖水松竹畫蕭蕭

荷花池守風二首

山林鍾鼎等浮名萬感嬰心未解兵孤艇向江終日繫
怒潮蓄岸幾時平無多樵汲仍村聚何事耕桑有戰爭
莫怪腐儒頭白盡周官根本與蒼生

汎舟蕪棗接冬春迢遞雲沙戰伐塵只是歲年淹士馬
未應商旅戚關津高歌樂府來鏡吹長揖軍門便釣綸
日暮倚廬江上夢荷戈多少未歸人

十二月二十六日作

倉扁無從覓松喬更渺茫願留垂暮疾聊抵衛生方清
醒一炊夢侵凌兩鬢霜海天雲萬疊直北是江鄉

南寺

海風千里吹菰蒲我何爲者趨東湖兵戈滿眼求康衢
有廡我賃非窮途如飛艇子隨鷓鴣浪花拍拍人蹤無
舊遊展我心所圖水中野廟青模糊深煙一點雲同孤

詩十七

七求恕齋

予智予慧難爲愚弧矢墮地逢唐虞意興壯盛顏勇腴
風花一瞥青春徂今夕何夕田園蕪出門朋友家妻孥
相攜患難霜盈鬢古人先我多噉吁崦嵫白日棲蒿墟
狂夫高唱聲烏烏有琴有瑟有笙竽標而弗御胡爲乎
野僧清瘦如高鬼苔痕竹色連牆樞磴者脫粟炊者芻
一身窮約無多需相看石佛無歡娛水田十畝新加租
七夕述哀五首

日既夕矣明星在河羣盜滿山如彼蓬昧言適于荆載
憂載訛今夕何夕我勞如何

今夕何夕忌日窮辰育我何爲不鳳不麟長我何爲彼

樗彼樗孤生易悴我哀誰陳

明星熠熠零露團團我家於野母老形單門外何有有
風有湍來日何有有飢有寒

恍惚進退聖智顛狂人翔於社而集於荒弗益我親何
有我皇卑薄之特不如無生

廣川大陸蜚鳴何多人豈我坎自爲之羅駕言暮矣易
葉改柯今夕何夕傷如之何

題蹋雪尋梅圖

晚山風雪太漫漫便有梅花不耐看莫怪先生今更懶
空庭納手亦知寒

詩十七

七求恕齋

鷗波不似舊蕭閒那忍初心斷掩關伊列何東天萬里
有人策馬 冰山

鴈

五更呼伴起繁霜淮海而今幾稻粱日暮更知何處宿
蘆花吹雪水茫茫

題四農師所校唐賢三昧集後

不妄丹鉛稱所施心聲手澤對吾師三更風雪桃源驛
誰見披吟隕涕時

題蕉隱登煙雨樓題壁

煙雨何曾負此樓南湖不識甲兵愁游人自繪鴛鴦影

並老題詩也並頭兼嘲

為甘巖題錢拾葉畫梅

就石移梅前度事髯翁悲慨至今存海門鼓角通雲夢

江水江花總斷魂

冬至前一日寄冰署黃珏與稚楓聯句

故鄉還作客稚楓明月又冬深寇壘幾時盡看園居

空夢尋賣文供夕膳楓感世有哀吟瘡發爾何恨有長

風正北林楓

題焦山月上人閒雲護鼎圖

潤州兀兀江無春蛟龍窟宅愁煙塵金山殘破鐵甕壞

詩十七

三求想齋

琳宮一一薤荆榛兩晉水軍開北府石羊銅鑊闕樓櫓

長江百折峨岷來怒劈三山走風雨謝安蔡謨昔作鎮

甘露寺前搗大鼓滄溟東望無停輪焦山一柱維天根

吳楚用兵仗此嶮倉皇形勢誰深論粵氛慘黑濤崩奔

江南江北空千村頭陀舍身入虎口四無礙辯精藍存

古有子推不言祿能仁實義蒼生福三足兩耳何足云

寶持况未覆公餽花垂蔭荀風廊幽祇園小劫回春秋

懶殘大石徒當路達摩一葦安中流官程打漿造林麓

摩挲款識傷心目隔嶺猶屯點虜營狂瀾賴有元戎轟

山門江水何湯湯乘潮捲霧雲飛揚一劍鯨鯢掣碧海

諸天樓觀開扶桑獲嘉聞喜銘旆常披雲委宛陳天間

鏡石無忘漢驃騎策勳當及休屠王

江上偶然作書示水軍戎幕六首

零星虜騎綴山椒水上軍門檠戟遙秋色秋聲來惚恍

江南江北一蕭條飄搖家室淮天雨委折心期海岸潮

重負聖明迫衰朽敢膠出處戀漁樵

北固妖氛紫翠重層巒飛觀舊游蹤恨聞鐵甕城頭鼓

夢斷金山寺裏鐘霜隴秋空紅穉稷江花寒泣碧芙蓉

十年前事真如醉京口沾春琥珀濃

冥濛煙樹夢空背洲大如瓜暮氣驕背陣掘濠疑礙馬

詩十七

古求想齋

欄江編筏想成橋黃旗閃野朝窺若紅燄侵雲夜煮硝

已是三年稽斧鉞樓船早晚怒乘潮

陣雲盡處出林坳寥落炊煙自遠汀鶴唳隔山聽不得

龍祠罷社乞無靈斜陽酒店收帘早曲港漁家曬網腥

江路依然風景異短衣長劍感重經

旂常鐘鼎待殊勳百粵徵師亦已勤點虜滿山堅不出

客兵無主動成羣曉殘遠浦孤舟月翦盡深村大木雲

父老一隅哀大府願遲鋤寇早移軍

圖山關北有人家八十三洲浪擁沙百戰何年煩鐵鎖

六朝今日此蘆花海天久戍嘶邊馬墟里繁笳起夕鴉

江上元戎正愁絕忍將聞見奏銅琶

楊氏知非亭與甘巖晚坐

習習風中鳥迴翔水一方爲農無半畝謀醉有歡場溪
町新禾淺煙墟落日長飄搖雙短鬢行住各蒼茫

登寶應城西樓看湖雲有作

忽忽塵夢中一世幻心目我有獨醒時湖城看雲族風
定蛟鼉眠煙暖鳧浴晴舫夏空舳波鏡展新匱日華
方麗霄溼靄漫垂幄遠霖侶微瀾蕩作平蕪綠頑陰豁
須臾頽照晃漩狀黯黯開青林靉靄發丹麓形緣出沒
殊氣用吹噓觸毛髮引相牽絲縷斷能續危示瓊樓梯

詩十七

五末想齋

巧挂石梁瀑葆羽僊靈翔幢蓋浮屠矗相括天人姿畫
飽荆關腹猿鶴心所羣召之不我復兵容不可盡甚或
狀刀鏃生平抵嶮巖晚景際煩燮高勳有鐘虞野興自
樵牧萬變窮斯通一致寒易煥浮雲無定端疇得數更
僕君子不墟拘小人尙反覆蘊眞順所歸無言契於穆
子夜曲十二首

披榛得微路憶昔初見時塞蹊使之隔君意人莫知
豈無雙釣舟非唯一川瀆小園背高岡豆子已兩熟
使君騎紫馬巫岫鬱嵯峩牆隅亦深邃婦女終在家
迫此懼將恐陷此膠與漆沙暖睡死央防身動如律

人情逐鮮美萬里不以力况乃迴風吹南鴈意在北

雖多亦奚爲病身虛俊味燈花半委眠坐接春杯氣

畏人嫌我真糞餘不盡酒颺颺林響交擺落嫌疑久

復爲萬里別自古有羈旅鬱鬱迴剛腸夜闌接軟語

瑣屑不足名盡醉攄懷抱致君君未聽來書語絕妙

眾星尙爭光篙師暗理楫百川日東流對酒不能喫

昨夜月同行可惜歡娛地莫自使眼枯出郊載酸鼻

吁嗟爲之久清霜九月天他時見汝心黃葉墜我前

過天津佟氏園

高岸逼河水猶傳艷雪亭牆空留月白林缺補天青怪

詩十七

六末想齋

石僧能識嘯烏客怕聽長途遊子淚飄泊負傳經

題王鄉穀西冷詩社圖

煙雲過眼此誰筆江草江花送寥闌舊雨晨星黯古歡

延陵寶劍山陽笛我願王郎歌莫哀蘭亭金谷同塵埃

人生行樂家山好莫放春秋酒一杯

界首舟中

船頭衰柳向荒灘歸路虞卿鬢已殘野廟無人雅萬點

西風斜日一枝難

題畫

有瀑劃天青偶雨作溪綠誰道柴門靜野水喧山足願

語林閒人抱書同爾讀

一懶

一懶謝羣物深悲物力勤夜耕車轔月遠牧笛吹雲髮
短從花落愁多失酒醺百年自矜伐寂莫是奇勳

題蕉隱畫

出處蒼茫兩鬢斑亂離誰更有蕭閒扁舟落手渾無用

日倚營門看遠山

與姜文初

偶過揚雄宅相逢姜伯淮兵戈支暮景泉石有奇懷赤

日亭溪柳炎風扇渚厓時危輕別緒雨澤洗氛霾

詩十七

七求怨齋

題曹海仙大令戲海圖

師老鯨鯢在橫波海國寒誰為民命續敢告宦遊難感

子追隨意增余長短歎稻梁休悵望行矣慎霜翰

將有下河之役留別王古少

出處如今并可傷湖天吹角夜茫茫掉頭巢父終遼海

垂老無功竟醉鄉已是烽煙雜魚鳥聊將涕淚付文章

故人肝膽深相與迴首村墟暮靄長

九松道院看杜鵑花寄熙載兼示唵松道人

江皋草木纏風沙江頭樓觀僧無家揚州城北四十里

瑤壇躑躅猶能花我來中春已過半舊日酒徒半零散

水驛東風燕壘荒可憐紅紫經離亂筠簾棐几開軒廊

松林偃蓋如雲長一庭綠蔭蔽白日護持顏色愁人腸

西齋高榻對花石謫居曾臥朱轡客吳子饑驅賃廩來

不同出處同飄泊山林鐘鼎休深論賢豪患難傷心死

人生一飯那易得況復花下羅千尊頗羨主人管師復

滿地白雲慰幽獨早聞南朝鶴林寺十丈仙葩變枯木

烽煙今失潤州山城南日夕嘯鵲哭

題畫松二首

大厦真懸一木扶後調心跡肯糶糊盤迴王氣連長白

不數秦封五大夫

詩十七

六求怨齋

莫問東園舊消息邗城今又大荒蕪轉移默藉經綸手

天地心看此畫圖

不見

十年不見吳江客圖畫流連示樂哀異地偶遭多難日

同心并是可憐才蘭亭金谷高風在楚水淮山夕照開

寄語羣賢休悵望功臣顏色待麟臺

健在

殘鳩誰橫笛中原半荷戈青年能健在老淚復如何一

夢川光改高情畫史多太平渾在眼佳日滿巖阿

寄樹齋侍郎四首

忘軫楚北阴山亭五見湖橋柳色青
遠宦誰能乘北闕使君真不負西泠
雙峰竟日迴賓御一水浮天綴客星
那用西風吹夢破汀州早有白鷗醒

攬轡賢豪意緒傷
催年憂患鼓鼙長
眼能青白非關傲
宵有陽秋不掩狂
餘事漫拈鸚鵡筆
愴懷忍換薜蘿裳
臨流櫛沐乘清暇
山水虛涼一詠觴

席前樓觀小蓬萊
睥睨秋闈夕照開
今昔難忘行樂地
窮通并是可憐才
四山風葉吹華髮
萬里烽煙到酒杯
往事幾回看逝水
坐中風笛隔年哀

詩十七

九求恕齋

珮珂聲上紫雲霄
卽看閭盡龍蛇劫
相重春回草木凋
送遠披圖增百感
山林隨分有漁樵

京口野望二首

遙天鷗鷺共徘徊
鬢影年光日夕催
楚水不將孤嶼去
鍾山時有片雲來
放歌弔古渾閒事
垂老臨流感不才
煙外戍樓歸去路
不聞鼓角自生哀

舟師橫海瘴煙清
重鎮圖關未解兵
壯志都隨征鳥沒
憂端難與暮潮平
夜深祖述聞雞起
天險王尊叱馭行
魯國諸生齊物我
不須顛倒爲浮名

廣陵懷古

闕佛人回瘴海天如何
三策老前賢須知相業真經術
千古江都屬廣川

送竹漁之浙江

執手牽衣客遠行
湖天霜月照人明
萬間廣廈悲工部
滿眼窮途哭步兵
水上金笳揚子渡
山顛鐘吹武林城
憐君已是無家別
忍聽寒江落木聲

詩十七

十求恕齋

心鄉往齋

二十七

曲阜孔繼錄著

吳興劉承幹校

齊宣王論

嘗讀孟子載與齊宣王問答甚詳而孟子卒未嘗一用於齊史獨稱其好士何也齊宣王席威王之聲概亦頗以好士自多當日天下士亦往往歸之誠不得謂之喪士慢士者也昔王廡述易傳對齊宣王曰居上位未得其負而喜其名者驕無其實而喜其名者削齊宣王殆有好士之名而無其實者也史獨稱其好士何也三代

文一

一求恕齋

以前君臣一體都俞吁咈如貢肝鬲自直諫之道阻而曲學之士進隱言與聖言絕鮒魚蟹堞之祝疾犬豕兔之警齊威王固已開其先矣稷下學士且數百千人路不聞擁篲堂不聞降階何鼓瑟而來吹竽不去者之多也今乃知齊宣王非能知王斗也尺穀為冠之說進而任斗以官非能悅鄒忌也一子五子之說進而晏首黜而忌大用非能信閭邱生於立談頃也狸鼯釜竈之說進而載與俱歸非真能納滄于髡之薦賢也鳥翼獸足柴胡桔梗之說進而所見七人顯即慎到田駢接子環淵之徒初亦未嘗闢館開第高門大屋而尊崇之也讀

其一家言感於陰陽名法雕龍天口諸雜說而始捐文

馬備安車奉黃金白璧為先生上壽他如春居太室百

畝之諷匡恃博戈鼓瑟之解田巴觀水知醜之博辯尹

文子黃公二女之謙辭類皆領絕在初十投九拒微言

潛啟石水乃洽甚矣齊宣王好勇好貨好色要不如其

好隱之深也宣王固嘗對鍾離女子曰隱實寡人所深

願也夫隱與怪亂等聖門所不道孟子闢邪說尊聖言

不惜數顧青齊之郊而踐臨淄之庭齊王而果好士也

吾知舉表海而聽之恐後矣奈何以吾憎一語置匡國

之謀塞生民之機而斬自新之路而史獨稱其好士何

文一

二求恕齋

也抑又考之趙威后責齊宣王以國有二士一女如鍾

離子華陽子北宮嬰兒子弗能用亦未嘗一語及齊之

客卿道大莫容又何足僅為齊宣責乎或曰與新折枝

挾山超海非隱言邪嗚呼縱橫之世非投所好則不入

孟子之隱言聖人之微言也此邪正之分也

步算釋例序

天非空譚有理有器言理言器又有中西二法中法義

和常儀占日月起黃帝時西法默冬推定日躔起周考

王時迄今數千百年各家成說立書不可紀極昔人謂

讀推衍策步之書有二患一曰淺而不專一曰執而難

通班氏之言曰星事刑悍非湛密者弗能由也貴專也
易曰知變化者其知神之所爲故貴通也繼錄竊謂不
難於專而難於通古者數列六藝上有教下有習聖門
諸賢有兼通其事者矣世有專而罔通者其習之過與
靡所要領譬之地不能舉其驛之水不能號其津也
白田成君芙卿讀書淹貫於幾何之學尤一一精實典
要曉白無疑慮疑者無從入也爲之分解擘析提綱標
目書僅一卷其於數千百年不可紀極之說俾習之者
如老馬走暗中衢述曲達如長年手柁萬里波濤中遠
見點煙卽識爲某某島嶼所謂稱名小取類大推而行

文一

三求恕齋

之謂之通也士君子大者修身事天小者格物窮理物
理之一端又別有象數精粗共貫要皆實用經世無絲
忽麗於空洞虛寂之野歲差之於麻也測量之於漕也
水法之於西北地利也圖經占極之於海運海防也芙
卿年茂才雄行將大用於世世僅以三角四元之學擬
芙卿淺之乎視芙卿矣世之嚴持用中黜西之說者讀
芙卿之書亦可以精通其義矣道光丁未秋九月
漢書校證序

溧陽史先生既歿其遺箬不畀之子而歸於女夫金壇
馮氏馮出所藏以質實應成君心巢心巢館余西齋因

得略覽卷帙而爲之三歎焉孺生生古人後不過數十
寒暑養親畜妻子存問交遊黨族生事雜眠食其得一
窗一几一硯相周旋蓋亦斲矣蒿堵冷瓊又復枝梧薪
米搓掇縲絮甚或依寄煩溷日月因人天末漂轉雲暮
無所其爲几硯之樂視閒適者抑又難矣輒謂著述之
厄如際亂山好爲隱僻無根走人叢莽者無論已扶樹
經史道出康莊播越流傳迺更難於行路水火劫之蟬
鼠殘之兵燹流離之相輕相嫉者悠悠不學而顛倒之
悲乎未也夫繼葉荒零罔珍先緒莫之能學且無能抱
持而護秘之也悲何如也吾是以愴愴於史先生也心

文一

四求恕齋

巢嗜古深造不根據畔道不穿襲市博不受古誕不阿
今好獨於此冊百低徊焉而先生之學之弗迷而登岸
可知也馮君春艘余故人也將攜是冊客河北余適有
馬陵之遊當再取十讀爲蘭臺之導手民責在春艘而
春艘樂筆不自飽是又益余悲夫

繡水王氏摹刻高南阜硯史序

硯有史創自米海嶽陳振孫直齋書目收僅一卷明連
江陳第世善堂藏海嶽本爲二卷者誤也元金閭陸友
自號硯北先生著硯史近傳其墨史三卷硯史無傳
國初四庫書目載硯史一卷卽米氏本尊其體例史名

而實譜也譜莫詳於內府西清之刻銘事完彙譜名而實史也南阜老人才高位下右臂以疾廢諸器奇鬱精書妙繪不足以吐輸而一腐於硯史集陶石金澄泥凡若干硯正背二圖間及側面故圖之數倍於硯剛柔燥溼既詳性用龍尾鳳味斧形風字極古品之奇瓌不

文一

五求恕齋

野丹鉛爲無用之用而強以史名其家者爲可悲也繡水王文惜庵亦南阜落莫之倫也不靳心力鑲傳是冊眞有心人哉西清譜刻民間既不多見米本世亦罕傳此冊如丹木遊珠照耀陵谷吾知李之彥蘇易簡所傳古硯譜亦不得專美於前矣嗟乎得一知己死可不恨如南阜得惜庵尙何言尙何言

吏治集古序

余耳籥雲明經名久矣或以其體方而意拙殆迂闊人耳丙午春于役河上始識籥雲於鍾吾講院丁未夏謬來主講得與其朝夕其立身行己如深山窮谷百餘歲

避世老農誠拙而方矣及觀其應機處世有不迂闊人萬萬所不能及者又何智也吾固知其於古必有獲也久乃稍稍出其著五七言古近體詩慧出學外迥殊常製及讀其手輯吏治集古一書乃歎籥雲之不方不拙而仍不失爲方爲拙之妙其化裁於古也深矣書僅二卷爲類僅十有二而於上下千百年吏治人心斬然而一劃於正凡古名賢處危履險通權達變決幾於俄頃者亦各各附見直使閱之者眉軒色翥心解意怡讀之恐盡如歡喜夢如佳山水遊而不願其遽然覺索然止也何其智也昔文中子贊繁師元書曰無苟作范蔚

文一

六求恕齋

宗撰後漢書成自謂殆無一字虛設吾謂籥雲此作可謂不苟其評論註語亦可謂字無虛設又嘗讀宋史孫甫傳甫著唐史記七十五卷每言唐君臣行事推見當時治亂使聞者忘倦世爲之言曰終日讀史不如一日聽孫論也今吾亦日終日讀史不如一日聽孫論也籥雲嘗精五診之學茲所採集亦多藥石之言世有方且拙者吾且將以籥雲之圓而方巧而拙者醫之矣鶴田給諫春醴比部亟勸付梓余亦樂觀斯集之成故不辭而爲之序以質世之迂闊籥雲者

石倉十二代詩選補序

有明詩選不下數十百家卷軸最富無過曹能始石倉
十二代詩選雖朱竹垞明詩綜自帝后迄雜流幾三千
三百人之多莫是過也明季鼎革能始殉難後石倉圍
廢爲榛莽是刻漚失久矣 國朝四庫載有初集二集
二種其三集四集五集六集僅見千頃堂書目海鹽朱
笠亭作能始小傳亦詳載是選然亦僅有一集至六集
卷數至七集八集續集社集等編不獨海內鮮見其書
其書目亦無傳焉或謂詩至明季公安竟陵後日益蕪
雜雖不傳無憾嗚呼人生不幸僅藉詩以傳其名其所
傳者殘編斷簡復旋轉於數百年後而隱見於存亡恍

文一

七求恕齋

惚之鄉是可悲矣猶欲繩其疵而厭其傳焉是亦不仁
之論也道光己亥泊舟召伯埭於小肆敝篋檢得是冊
恨已殘缺殆盡輒喜八集社集等編二百年來尙存兵
火鼠蠹之餘未始非詩人之厚幸也丙午長夏爰取是
冊就其殘逸略爲裝補次第冠以卷目存諸家塾以示
來茲淮海廓道人孔繼錄述

瘦春仙館遺詩序

告於天下曰有女子焉長於洪河之野大荒之東其地
平衍沙田廣鹵無高山澄川亭林花藥禽魚之美海氣
不霽恆苦窪潦原草深茂時見狼狽而此女子以生以

長以嫁以病以死以葬在其中夫生死何足異而此女
子穎異誠慧神授天與偃藏一屋心周萬紀嶽宗海若
往來襟抱夫室有殤子鄰閭隕涕善人不祿衢巷嗟傷
而此女子淪沒窮壤悒悒早衰頓舉其胸中不可一世
之奇與其斷環零瑱高蘊后土天下聞之有不盡然悽
斷者乎天下之大萬里之外感其人之賢之才而素獻
憑弔焉其竝世而產同氣成長手足之敬如在一身乃
坐見其人之啾唧蕭械瘠疾愁苦以死有不剗肝剌心
泣盡以血者乎友人魯通父將次其女兒靈香遺詩以
授梓工嗚咽滂沱豈偶然哉余獨怪一門之中既生通

文一

八求恕齋

父又生才美如通父通父年盛遇蹇鬢毛半白靈香之
遇乃更蹇於通父嗟呼魚鹽之濱古有賢哲白雪之歌
出於下里人苟自樹立生死寂寞之感何足道哉何足
道哉

黃鏡盦詞藁序

同年黃子鏡盦輯其所爲詞仿宋吳文英夢窗詞藁例
以甲乙第其編屬廓道人爲之序道人不知詞能知鏡
盦之深於詞也且鏡盦之詞之深有不僅於其詞知之
也鏡盦能文不示人道人曾充禮部外簾官於糊名所
見其四子文又能詩有感於道人騎省歎逝之作因出

其悼亡百篇其文其詩是能結撰性靈用古自娛悅者
又善畫金碧函曜矚睇幽杳高法六朝下者亦在清湘
新羅之間以道人留心六法盡出其自爲者相印證焉
又於書無不研撫小奚奴日供磨墨役苦不給規古之
長悉極其致凡道人相知者莫不知錢盦精於書或以
爲錢盦所能者爲迂遠不適用抑又不然壬寅秋夷餓
犯江介窺揚州郡人洶洶然人心半星散錢盦獨留爲
城守計嗣大吏營善後事檄錢盦督鑄神火子母諸軍
器工竣而錢盦之礮說成編是豈無心人所能爲者夫
一技之精根原天宰心有造化一本貫萬況措見實事

文一

九求恕齋

又卓卓如是於以知其詞之必能工也然僅以詞知錢
盦是仍不知錢盦之所以工於詞也淮南不下百萬戶
富饒網鼎盛時霞題照棟瑤圃粲階夜燭燒天蒸爲香
霧堂几彝設坐致商周役從雲興從風供豔道人曾造
其先尊公所築个園心目炫爛如五都市而錢盦於其
中日手一編起坐吟諷如幽谷中人不十年再訪錢盦
於小玲瓏山館館舊爲馬氏宅竹石深邃禽花閒寂向
之綺縟瑰麗化而爲清蒼寒碧之天又況責家山集如
更速租泰否之交非情所可錢盦乃卻掃一室書城百
堵如居个園時是其立腳放眼真在淮南雲水外矣或

謂屢棄產植行將出守前志云一行作吏此事便廢此
其不知錢盦又出僅能以詞知錢盦者之下矣在憂能
樂是聖人徒居貧不移是大丈夫錢盦勉乎哉堯堯晚
節吾又烏知錢盦之淺深哉

歸魯吟自序

甲辰歲將除有江介之役舟小如屋萬象瑩列動歲以
來塵事填委求如小舟一日之樂胡云易得得句雜沓
亦具澄緒乃知清濁之源心聲不可掩也知我者有東
海魯仲連將彙冊以歸之爰以名篇

寒江詩錄序

文一

十求恕齋

子臯志金焦久矣廓道人復動以京口南山諸勝戊申
十月始克偕遊中更有事邗上留江介纔五日耳小慰
子臯飢渴猶未厭道人屢遊耳目也畸人多奇抱天下
名川嶽一一在枕几上眷焉茲遊匪云遐異人事侵凌
重來偕來都不可期失今弗紀委之空幻有心人皆不
爾也爰各擬江上所得都爲一卷舟行諸作附焉同心
之言其在斯乎

湯海秋詩集跋

詩之道通於冶金錫鉛鐵等是物也而一經良冶之手
則錢體爲圓鈎形爲曲箸則爲直屏則爲方雖使千奇

百變而因心參化以爲之無不精肖茲讀大集本之風人騷人以正其旨而參之漢魏六朝唐宋元明大家以廣其才真能牢籠百代自成一家無美不具無妙不臻鼓鑄之神一至此乎視彼委瑣齷齪者奚啻什伯過之耶

蕉窗新樂府跋

代有鉅製面目各不相襲其於風人美刺有裨政俗所謂言之者無罪聞者足以戒也蕉窗七古橫絕一世此冊樂府新成烏鳥高唱香山不能專美於前矣咸豐四年七月借蕉隱有事挑溪奉訪和橋快讀以誌傾倒

文一

三求恕齋

自怡集跋

籀雲老兄真摯樸實屬屬若無所能者所爲詩乃呼吸性靈潛氣內轉其沈著警動有到人不到處信無能二此乃風雅根源此籀雲之詩所以精也昔陶柴桑除飲酒種秫蒔菊外吾知其一無所能矣詩以道性情其中之薄而言之浮實見之性情薄者不能強其言之不浮不浮之言雖一花一葉其中亦有天地在籀雲此冊可謂不浮之言矣繼錄爲詩垂三十年輒以此自策亦持此衡人籀雲真我同志流連斯編不覺三復忘勅道光丁未秋

是政堂支譜跋

闕里胄衍天下表繫載於大宗不詳所自出枝葉專曼迷芒本根有俚乎莫之歸矣矧播遷流徙侵尋患難者哉從父春田公手此冊於水火斷爛之餘以授繼錄自嘉慶庚午後記傳闕如於茲矣其間宅廬兆域南北分睽親疏生聚存亡絕續旁錯勢然更如曾王母徐太孺人苦節存孤王父孝子公居貧奉母暨父名宦公剛廉悃愾無負一官藐然小子其能諱不文之慙而弗之纂敘也舊譜一二存疑略從釐正其不及知及知之弗審謹俟吾宗之賢加繩檢焉

文一

三求恕齋

和陶詩跋

右詩起口口訖戊申取舊作中用陶韻者得百五首別爲一冊昔東坡居惠州和陶詩胡荅溪且以爲多事謝四溟和古人作戰未必勝敗則取笑凡近如僕胡不自揆輒謂慧智所之無間今古淺深異致同造一誠相似者不必不相近相近者不必果相一也遙遙柴桑在我心曲事境有會爰采其音單拾韻珠別據意緒二十年

射訣集益書後

右射訣一冊宿遷陳謹庭都閩著其孫懿瑣出示繼錄

懿璜字樸齋戊子貢士抗爽篤實早歲仕進納交後聞其述都閩以巖直去官狀爲起敬固索其家集乃得是編夫國家選才不出文武兩途近日科場鄉會墨程梨棗金碧而射藝元燈則寥寥僅見何也豈世有真傳而寫刻甚夥與僕請傳此本爲河北集臬當不獨徐郡武藝之士樂得而私淑已也

答張周父先生書

周父先生足下六月十三日得復書憶癸巳都城邑館送先生登車今披手札誠懇往復如昔日依依執手時也讀容山教事錄儒者實用隨地具見救今日世道人

文一

三求恕齋

心痼疾關中之教爲要藥然必先動其恥心方有入處此又不獨容山一邑當急講也貴治四賢祠附設長生祿位有不合者先生黜之我輩既辨是非此等處沒分曉與鄉愿何異讀講經會敘中以義理爲主而本於躬行心得以攷證爲輔而治其典禮之大洞澈漢宋兩派直接孔孟一源先生本末於此益見張楊園先生云治道本於人才人才本於經術經術本於師儒是以學校爲得人之本今天下鬻序誠得如先生十數輩立於頽波汜濫之中苦心委折以轉移之廉恥興喪祭肅民德稍稍歸厚視今日以苟安爲上理者得失爲何如也承

示近日著述數種尙未成書要皆經世實用同異表尤前人剖晰未到者俟精力挨日做去不患無脫藁時也拙詩承加殊寄還并承助以遠大君子愛人以德何令人感之深也錄少年不學浮沈科目幾二十年乞身歸來檢點生平所爲出入人禽者不少今始發憤讀書以希寡過而已名世鉅儒非所敢望亦不敢不勉讀書少尙不足蓄疑後此問難求益於先生者無窮今爲學伊始使我常惺不幼惟先生鞭策是賴焉往年在悠悠之中好爲聲詩自謂鼓舞性情差異俗學竟墮於浮淺泛雜而不自知卻掃以來已自厭悔茲荷規勉益當決去

文一

西求恕齋

矣天暑蒸鬱惟道體加衛敬祈亮管不宣

與周子堅書

野人浪迹東華知交如雨人氣抗爽英邁無過湖湘每樂與之遊蓋二十餘年以前足下藉藉之名在人口者久在懷抱矣人事年光東流莫挽石葉相依於此極道被拂之雅又復晨星一燦江上舊見連亭清才照世良可愛羨因得略審動定嗣蒙大教疊頒曾一裁答例行寒燠委之替人而垂愛之深溢於楮墨更得大稿見質如經李唐初盛之世其茹潔挈幽風騷去人不遠一二商榷若攻已取愛之深不覺動之躁矣弟才質懶放不

堪利祿迫於時境故土無歸奉母讀書幾無安枕之地
軍門執戟一夢五年不足故人一太息也去秋艇工之
役熟遊焦山有贈懷十二章至今甫能寄贈久闕報問
脫略千百疾與俱深亦恃雅懷在八表塵濁之外世路
斧繩或不加之散木耳

與李冰署書

戎幕風高燕城月冷涼燠偶乖殊勞望想別後湖天常
載寤寐白雲下地蒼波暖空零雨西園萸囊迓節繡糕
無恙圓齋自饒蕩蕩菊期浮沈白醉孤颿早掣以慰道
迴憶筆龍鍾言不盡意

文一

圭求恕齋

示廣牧

詩發源三百漢魏五古三百之初脈也學詩由此胎息
而出庶可上紹風雅其於比興賦之消息油油疊疊可
悠然會於心口間矣五古根柢既深其餘諸體推而行
之氣骨洞達斷不作人間凡響聲韻色澤所不能廢非
其所先也余爲詩以天授爲師授茫茫衣鉢爾小子其
嚮往之

利劍圖說

古說劍者莫詳於越王與秦客薛燭楚王與風胡子殆
爲用劍說非說劍用也陸斷牛馬水擊鴻鵠韓卒說其

用用於物之利也利於人者莫快於朱雲之意在張禹

武賁之於董忠一人之利非利也後漢韓稜之楚龍泉
卽壽之蜀漢文陳寵之濟南椎成以及陳遵之駭犀馮
石之鯨犀以利屬之一人未盡其利以利天下也噫天
下之利復何說乎復何說乎若州以長才隸末佐海壖
有事奇抱不一展斯圖之作真有心人哉莊子說劍篇
曰此劍直之無前舉之無上按之無下運之無旁此劍
一用匡諸侯天下服拾遺記顓頊高陽氏有劍二畫景
一騰空一四方有兵此劍則飛赴指其方則剋若洲之
劍殆亦南華所太息高陽氏之匣中作龍虎吟者乎古

文一

圭求恕齋

有云鄭之刀宋之斤魯之削吳越之劍若洲產於越奔
走三吳韜衣鐔鏗固君家物也可萬古不用不可一日
不備若洲其善藏之哉

凌厚堂注經圖贊

偉哉凌二二其氣不二其心專靜翕闢曰柔氣提抱將
墜之道而以母自任奴使萬物曰剛氣於天下坦而於
人世多崎嶇人之中山之深天之中書之滄鱸魚七尺
長如琴訂詰瞽講學暗不門戶無古今

韋壽母贊

淮水淵浥淮山峙蒼葵野耀景盡德永章惟我齊年母

氏康強得齡天永勞心與長叔自涼躡母知其寒叔遺
諸姑母全其天夫子垂牀求艾三年摧彼連理心與俱
然尊師啟塾索匳授餐門榮五枝堵無一錢臥冰峭嶸
坐餒怡愉廉在凍餒母眞丈夫運環泰否居貞不渝團
桑熟蠶澣布如初有田治佃儉年貸租導和娣姒佐米
族姑烏雛春花親疴於房苒弱勝男養志能詳逮孳榛
栗椎髻鵲居翁日婦謹姑日婦幼甫保抱撫叔以慈
叔長析戶如夫子悲茂茲淑惠實長戶庭中男穎豎樞
府騰聲升彼岡阜游子屏營鞅掌王室驩在親心金風
楚甸碧月初筵朋酒軒舞百鳥管絃玉華調攝珠笈霞

文一

七求恕齋

鮮懿我壽母川嶽斯年

海上人梅花小影贊

本無饑渴不知其酸滿抱冰雪不知其寒不酸不寒春
長天寒卽樹卽身作如是觀

四十有九小像自贊

知非之年曾不知非傷父母膝飽食而嬉厥年七月失
怙靡依而今而後但有涕洟用世心懶嚮道力微夕陽
無限只戀慈暉

心鄉往齋集卷十八終

心鄉往齋集卷十九

曲阜孔繼鏞著

吳興劉承幹校

記

孔氏宛平白塔村先塋記

我孔氏白汶上再遷大興去曲阜幾三百年矣乾隆十五年曾王父歿於天津歸葬京師某原嘉慶六年曾王母歿於江蘇清河殯于縣南玉帶河北花家園是為孔氏清河新塋王父母從祖父母後先葬於是自王父奉母就食江南曾王母歿不得歸先塋即殯為葬流離羈

文二

一 求恕齋

苦至於沒世繼鏞逮事王父不省當時無合葬力又不能問京師兆域所在歲時伏臘憶王父號泣曾王母墓前亦愴愴知其悲不知其悲之所以深也繼鏞五應京兆試求先世廬墓不得後問大興高二升得見再從祖毓輝導之墓所始識所謂白塔村者蓋南北不通耗問者垂七十年道光十六年繼鏞官刑部旋乞身又不得久留京師至是闕展墓又十五年輒歎家世播越守塋墓之難也久且迷其處矣如我曾王父母至不得舉合窆禮知其處矣勉而力能舉矣當年葬之薄又大懼體魄之動益非所以妥其藏失今弗紀人代變更昧所本

始甚或新塋子姓至不知有分葬之祖先塋不知有未

耐之祖母是萬死之罪在不肖而並貽吾父吾王父地

下無涯之痛也謹按塋域南北袤五十四步廣十九步

三尺南界一隴又袤二丈廣一丈東鄰楊西鄰雅南北

官道墓離坐向坎五世祖諱尙裕字容山娶余氏葬最

南居中為始遷祖餘昭穆後先以世次世以少長次高

祖諱衍泰字坦如娶王氏白氏張氏葬次容山公面右

二墓在隴南踰隴西左巽然有新槐出封土上吾曾王

父墓也次左興桂字南華右興樾字茂林又左興樾皆

曾王父同產生南華公生毓焜毓烜毓輝毓熾吾從祖

文二

二 求恕齋

毓焜他嗣歸葬本塋墓咸在焉毓烜生傳圮西北隅位

是也最次東北傳喜毓焜出墓凡十三猶不失族葬法

佃崔連升子福兒一名二格地西為店廠西北馬館營

東五顯廟一名柳巷本地名五間房總名白塔村云

題楊季子古今名畫記

深八法者六法直餘技耳點畫胎原河洛書畫同發一

根不明其虛實大小輕重險易之故必不能曲盡錯綜

向背正側之妙不知披皴點染即其隸篆楷畫變易而

出之者也蓋不善書者必不善其畫不善書者且不能

讀其畫也我友季子既沈悶於深山大澤之中其一切

虛矯迂塞遠于經世之學屏掃不爲頗搜海外人聞不見之書爲中域山川形勝證其條脈而窮其出沒暇或攜杖頭數百錢潛行市上遇一字一畫一金一石於灰暗蟲蝕中又能戲窮其術而以廉值得之季子蓋窮愁好古託之事物之末衣食之謀所不能廢非其所先也故所藏不能富而藏之者無不精凡耳目所及又如老饕豔精饌食不必果腹充頤其滋味津津亦垂涎而樂道之也歲月浸久記注盈帙江村退谷所不能先六法爲八法之餘八法又季子之餘也吾又烏從窺季子哉

傳

文二

三求如齋

劉隱君台垣傳

劉公詒安寶應人壽七十有八終于鄉其從子寶楠旣表其墓矣繼錄與其仲子源嶽爲同年生乞余爲之傳曰公名台垣字宿臨詒安其自號也少能文以疾忘仕進顏所居曰無求家庭里社終身履蹈如常人宅心乃大刻苦懼弗克負荷先人業爲天下羞蓋家學從來遠矣公爲明職方練江先生六世孫靖江公之第四子端臨先生之季弟也一門六世三祀鄉賢族望爲南中冠冕公從諸兄侍父讀隅坐壁立歷年所無情氣初容會諸兄出謀祿養公屏影戶樞不違几杖含菽縕絮惟心

是視古謂愛親善養思敬奉教公真有焉中年既往父兄相繼隕謝公遂兀兀無懼至於老死或謂公以幼子殤疾與年進豈知公哉公生平言動無塗飾不厭賤敝衣服立宗祠獨集其勞善墓田約使勿替舊典語子弟必述祖德教二子先後舉於鄉以仲子嗣兄不私其生產又孰非孝友所漸暨哉

文二

四求如齋

論曰草莽有華實樹木有根心孝友之說也公雖重光累微哉彼繼世名顯不免簡放遨逸至於瑣尾不振者抑又何也公殆天性然也公嘗篤於師門師沒無嗣歲禮其墓遇師之子如其子遇子之師如其師繼錄嘗謂師道不立善人不多公其深有慨於今之世乎抑孝友之人無往而不得其是乎

家傳五篇

節孝徐太孺人

太孺人姓徐氏父諱大用字望之戶部郎中太孺人事父孝父卒哭之哀遂得咯血疾于歸後奉姑盡歡臥榻晨夕依馬命之坐乃坐寢有不安夜數起小怒輒婉詞以解茂林公尙幼飲食寒溫之先姑意也育勤公貢成均官教習太孺人代匱六年篋笥替珥質劑殆罄恬如也育勤公卒天津訃至太孺人一痛暈絕漏四下將自

經時孝子公甫十齡哭見之驚起長號太孺人執其手
哭不止既而慟然歎曰我死兒死孔氏長支如血食何
會南華公輿櫬歸喪畢迎太孺人同居身其勞南華公
官太常祿不贍太孺人以鍼術佐之遺疾幾困先是戚
屬某來弔遽言撫孤難守節更難太孺人聞之輒以剪
刀自割其面族郇欽焉孝子公讀書太孺人口授指畫
出儒先語錄垂涕示之曰讀書不救貧惟讀書乃能貧
耳及汝身心無過好爲之有過悔之晚矣孝子公卒成
純儒道光戊戌 旌表節孝

孝子公

文二

五 求恕齋

公諱毓焯字如憲號友梅晚號綱齋生乾隆六年十月
十二日卒嘉慶十七年十月二十日公在襁褓不輕嘔
笑甫能行立端重不好嬉戲七歲育勒公授以孝經解
怡穎慧聞叩所疑率驚座上客服食推讓兩弟母扑弟
公長跪以請母輒頤解育勒公之沒於丁字沽也公方
十歲徐太孺人欲以身殉轉念存孤公純孝性成至是
依母之心彌苦且篤矣太孺人以鍼術蓄家人出育勒
公所藏先儒語錄示公日就傅夜篝燈侍讀遂心嚮道
以虧體辱親爲大懼大興趙先生庭槐曰少年不事末
學此誠異才第屏棄科目升斗無資如菽水何公師之

次年補弟子員乾隆辛卯中順天副榜就州判職再與
挑皆落選外遂絕意仕進配于恭人卒恐繼不得賢遂
不復娶乾隆二十五年隨叔南華公游江南朝夕侍母
左右南華公奉諱北歸公以貧故流寓南清河育勒公
兆域在燕南每就試京兆必廬於墓側然以太孺人寓
清河畢試卽南歸授徒奉母館饌豐輒輟食主人默會
公恆恆治精肴爲太孺人壽焉迨亡耦家居卻聘於遠
子以代婦自敦牟厄區下至廁廁之屬靡不躬奉之依
依深愛睟于顏面太孺人顧而樂之不自知其遇之艱
也太孺人春秋高左頤故有自割傷腰拳脇委行止皆

文二

六 求恕齋

公扶掖攀牽抑搔恆如稚子仰面承歡背面飲泣痛癢
心髓深矣太孺人棄養公年六十有一白髮衰顏縷麻
擗踊戚卹以禮經不毀相勸慰彊公食飲少進輒嘔聖
室中爲憶母病源記凡五六百字瀝指血書之朝夕嚴
持梵咒嘗曰人世相依最久而侍奉無微不至者惟婦
之與姑耳今生母子來生姑婦願果有輪迴一說也旣
葬日號於墓不絕聲家人昇歸繭繭勵一息耳久臥甫
興卽走詣墓所月凡三五詣一果一脯手致之躬雉燕
雜年泊衰脚軟無力家人婉止之公自臥榻至冢頭早
默誌步數時時杖策履庭中忽拜忽泣歷寒暑無間晚

年子祿稍贖凡母未嘗食未嘗衣悉屏不御久且冬不重裘味辟葷血常熟吳卓信餘杭談祖綬漢軍釐圖各賦孝子行以嗟歎之蓋實錄也公悼念太孺人五十二年苦節異地播遷未獲申請 旌表齋志以歿越二十五年得請於 朝公已不及見矣公長身修眉秀氣成采學無門戶以躬行實踐爲宗從遊甚眾清河許掄原凌大森皆篤行士也初館山陰徐紹基教其子爾後令銅山無令名公緘夏楚寄之蓋當年司馬屬公物也鼎泣受之卒爲良吏公無力施予見凍餒必謀所以存之公之勸善也不擇地不擇人每春秋出遊松陰塹坐從

文二

七求恕齋

者恆百數十人言孝言弟以俚語發至性聽者莫不鼓舞以去公衣冠儉傲整肅婦孺咸目爲孔善人云公彌留時謨楹帖以自輓云一世枉爲人德功言影響全非幸遺體無虧兀兀殘書付孫子二親虛育我事喪祭絲毫未盡便重泉有路哀哀何地覓爺娘卒之日旃檀發於寢室四達里巷門弟子爲天香記以表其異公天姿沈毅行在言前晚益肆力於六經性理諸書隨手劄記多所發明明儒劉忠介公人譜類記爲小學羽翼公依類續之如其卷數又著有律呂攷略三卷博攷歷代史志及京鄭朱蔡諸家之說而折其衷綱齋隨筆二卷心

體力行時或筆之於簡大指於洛閩爲近之綱齋文集六卷綱齋詩集四卷率皆根柢道要不尙浮藻烏嘯集四卷則嘉慶辛酉後作大抵思親之詩爲多血淚盈紙令人不忍卒讀云 敕授徵仕郎 誥贈朝議大夫配于太恭人漢軍廂白旗人系出奉天生乾隆八年四月初五日卒五十一年六月初二日父文潛字石薌南河江防同知伯兄鰲圖江南河庫道初石薌先生與南華公同官京口見孝子公異之以太恭人妻馬石薌先生能文好客長洲沈歸愚尙書引重之尤工聲詩太恭人得庭誥指授兼明書史敦嫺禮節歸一年石薌先生以

文二

八求恕齋

工帑被逮挈眷還京師思親之淚無日無之方是時節孝徐太孺人皤然在堂上太恭人左右扶持封悲歛涕愉色承歡人以爲難孝子公學行粹白敦重師儒聞者爭延恐後徐太孺人菽水之資惟脯雉是賴太恭人來歸乃得就遠聘太恭人之代子職也問衣佐饗無微不至周朝夕取攜有弗繼或揭經營溫養不一缺祭祀賓客周卹餽遺在數有加蓋十數年如一日也太恭人歿孝子公宛轉瞻依不復少離親膝矣太恭人生長華隴怡然蒸藿似姊有不相能柔以承之卒協和無開楓杵公女于歸匳物無一具太恭人典質未盡者悉佐之太恭

人來爲冢婦際積窮之天井曰春汲躬操維謹補縫灌
澣以完以絮乳媪孺婢殆一身兼之乾隆丙午江南疫
作太恭人病利一夕卒年饑事驟幾不能舉其喪當日
太孺人之痛婦與孝子公之悼亡慈孝酸辛交相存慰
不能搆抑其悲而太恭人之順備仁賢爲不可及已

名宦公

公諱傳坤字靜遠號五雲生乾隆四十二年二月十三
日卒道光三十年七月初七日爲孝子公仲子孝子公
授徒數百里外公隨侍時節孝太孺人在堂客中每有
獻遺公致之往還無代步至足滿血流伯兄隸營伍恆

文二

九求恕齋

操弓矢隨之早年服苦有如此久之以例得官不蓄童
僕手版自隨動以勁直見達於上需次二十年河督山
陰張公文浩舉其賢始補阜甯羊寨巡檢初山陰爲河
丞公弗爲所擇至是擢補人並賢山陰云羊寨官廨舊
燬于火公新之尋調任去或愆公撤去公委弗校也及
移宿遷劉馬巡檢有兄死強鬻其嫂嫂逸歸首訟公因
得舟人販買狀率健丁追至舊邸販者棄舟逃公歸婦
女十數名各遣其家別識鬻嫂者劉馬治阜河俗故悍
武弁子某結里中兒橫一市公掩執之別繫諸無賴致
獄于縣盡法按之任八年所治一清以上考授寶應管

河主簿諸無賴之亡命也聞公他徙復稍稍聚謀劫公
或曰盍潛行公卒明白從容而去河簿分管四牖四洞
灌溪田百數十里牖夫洞役動以緩急病農而官爲所
賈卽有能覺其弊者啟聞少不當時民已實受其害矣
公蓄洩先之一無假手任十年無儉歲田值加豐以老
乞休卒於寶應年七十有四卒之日衢路嗟泣越十年
崇祀寶應名宦祠蓋善政非一端而保衛農功尤入人
之深者也公整飭身行應接事物無往不遂其直人亦
卒無忤之者性慈厚樂善不倦蓋不勝書云 教授登
仕郎 晉封朝議大夫配吳太恭人生乾隆三十八年

文二

十求恕齋

九月二十三日卒咸豐七年二月初六日 封孺人
晉封太恭人少隨母依外家舅氏凌繩祖方介士也孝
子公初與同門居節孝太孺人稔知太恭人賢躬求委
聘焉太恭人深居端凝言笑不妄蓋天性然也孝子公
早喪偶家無媪婢子代婦職侍太孺人疾惟謹自太恭
人歸以新婦任廁廁濯澣之役五閱月無少劬太孺人
病羸篤臨訣謂家人曰孫得賢婦吾無門戶憂矣孝子
公以哀毀失聽兼痰嗽軟脚之疾公時出門謀饋鬻太
恭人事舅如姑曲謹備至道光六年公疏濬黃河賠金
幾二千兩是役也河員失官喪身者不知凡幾公歲有

所入悉委之太恭人漫不復省而太恭人簿之一無妄出至是悉以佐公得早歲事公性好施凡謀之太恭人無不滿公初願時有不足太恭人勉力承之蓋恐少沮之也至任郵宗人往往不待公命而周之恐後太恭人外家之子雖一錢必白而後與之太恭人凡兩產臥疾久又無力以賃乳媪繼鏢其廩存耳繼鏢哺饑以生故孱弱而多疾太恭人辭色無假在孩提責以成人未嘗以疾弱而稍寬之也繼鏢之改官而南也河工多故人事繁縟知其不相能也遂命之歸太恭人幼知書工布算從未一親筆札嘗曰有夫有子婦人識字何為終身

文二

三求恕齋

憂樂不形於色坐立無惰容年八十有五

丁恭人

元配丁氏滕縣人生嘉慶九年八月初一日卒道光十三年八月二十日封恭人父凱字蔚南任俠好客嘉慶中僑寓阜甯戊辰余家避水丁氏南樓見諸女中有總角端好者吾母吳太恭人奇愛之後十餘年求得總角者為繼鏢婦焉年十七來歸意度沈閑居無妄與繼鏢約門內有過各相規尤惓惓以少拂親心為大懼堂上衽席器用整拂潔滌精鑿穀食宿羅湯飲媪婢之役率身為之先大人憐而屢止之不可得也名宦公性

嚴直於物無少假太恭人寬和而有繩檢恭人無忽無遂一一曲得舅姑歡繼鏢倚恃嬌嬖自是亦翼翼加詳密焉又少好方術遊戲拳擊馳逐他及博奕繪事篆刻之屬靡不漁畋之恭人婉止弗從往往繼以泣諫余轉以盛氣凌之恭人泣不能仰少聞蹠而陳日以夫子氣清才美大人冀望以顯揚者安在而雜沓如是而今而後不敢復有陳矣言已伏地嗚咽不能聲悲哉良友諍友蓋兼之矣恭人凡五產一男四女以次成長不假乳保房中傭一老嫗兼內寢糞除竈下糞汲之任兒女提挈嚮哺髭櫛挑類新故裳衣紉綻薄污皆恭人一手終

文二

三求恕齋

始晨隔夜藥殆無虛景又復撫頰憐號調疹防疾膝前禮教尤孜孜感感嚴於未孩恭人之初來也頌儀光輝不十年而顛顛因之再在之質不勝劬勞而努力欣然之死靡悔以為婦人之職當如是也道光癸巳客京師夢恭人來相訣別及歸果夢前一夕殂矣恭人寡言笑愉和之色發於剛毅事介是非能允而斷繼鏢隱受其左右之者可勝道哉自恭人沒浪莽之夫乃多缺行遲久甫能文以傳之嘉言懿範殆不勝紀紀其不媿婦孔氏者且以志余憾云

從姪廣楫

廣楫小名海阜因以爲字生道光十二年十月初八日卒咸豐三年九月二十二日武陵兄勵有此子爲伯父德淵公嫡長孫三歲隨母之父任去湖湘時余客京師聞其雪玉朗映而未之見也嫂送女于歸清河楫九歲記誦略異常兒嬉戲有節時露機敏十二歲復南去迨聞伯父之喪而來也年十八矣清河爲南北衝要河上子弟率衣珮濟楚詞令周旋不失都美楫蓋翮乎其有儀也兄隻身再去湖湘迎嫂氏同居寶應楫之我依也如水向壑如雲從風心體相投真姿粲發以科目權在人自重所爲請學詩因授以漢魏迨 國朝諸家選本

文二

古求恕齋

俾知升降源流上求通於三百篇以導因物比興之原色味聲情頗能博其旨趣故其所爲開闢近遠秩然粲然慮其旦夕未充者乃一蹴而幾焉又好研究六書討論點畫篆分隸真之所遞出心手之間粗能規拊自作行楷結勢離合用情絲眇分書茂密有奇槩尤精石刻初仿漢人官私小篆甚工久乃單行以鍊代筆以碑爲印目力腕力寬轉相赴嘗曰安得漢唐二李氏爲之墨橫彼局局於方寸之間者雅澗文彭道麗程邃猶之匠心也大抵詩以明前七子爲梯航筆法私淑安吳包氏印章近師儀徵吳君熙載往往亂其真癸丑江上兵起

遂投筆江北闔帥嘉其少年果敢擢用之祿額袴鞞短襟窄袖襲錦跗注曳縑色裘衣據鞍倚劍清揚英異一軍詫爲獨出而不知其遊畋翰墨之場隱几操觚有絕羣之詣也以功晉六品銜未幾疾作歸已不起卒年二十有二楫天性肫至湖縣悲吟率多望遠思親之作篆刻噪一時不受迫促而長者屬之靡不應命余曾心疾爲顛楫百方調衛其霍然也楫之力居多平時好精思攻文弄戟能曲探機理而洞其捷簡之涂故半力而功倍當其剖緒掉神瞳目若昧津氣汨汨沈噤有聲余固喜其深造而病其精之潛索也吾宗流寓江南子姪羣

文二

古求恕齋

從不過數人始悔不能真知楫知而教之爲已晚天或稍假以年漸摩其馳逐英銳之氣一能一藝亦各有至極之天馴而致之其或窺於道無難也悲哉兄之蹇亦宗之裔也尙何言哉著有海阜詩存四卷寄齋印存二卷吉金文字篆韻未成

墓誌銘

鄭甥梓雲墓誌銘

咸豐元年七月黃河決于豐冬十月使者疏請塞之徵取能事大小官分董其役踰年三月功垂成復壞是役也丁死數千計郡縣佩官後先死者十數而得聞於

朝者蓋九人吾甥嘉興鄭載恩與焉甥家揚州館於余
十有二年去年冬甥在取中將行余阻之力甥曰國事
體大敢惜一軀夫捐百職事之手足頂踵而屠王事於
泰山之安死復何恨洪流旁出如尋故蹊青徐冀兗諸
郊邑老弱凍餒道路死者相枕藉當軸枋事裂然高斷
徒驅奔走給使輩相率淪殞於大陵癘氣之中是可傷
已烏忍不序而銘之甥字梓雲祖基善父兆升世有賢
芬甥一蹶於童子試入貴爲河上尉權邳州直河司巡
檢有令名餘事能詩冲澹地韋孟正行書體完有筆繪
素合作雅兼青藤白陽年少清愁託之巖桐時有和平

文二

左求恕齋

之響蓋其性也生於道光二年壬午四月歿於壬子豐
工再潰之後一月年三十有一配吾女也生女子一荃
奏郵得 旨部議闕未下遂待贈以葬原在甘泉縣西
鄉蓮花趾銘曰

既不大官揆皇儀委填瘞茶分之宜瘞松杯土其無悲
冢婦喬氏墳銘

婦歸長男廣稷凡七年生男子二昭象昭鴻不成殤而
隕咸豐元年七月四日以疾卒余家世標轉旅棲淮水
上爲兒求名門以昌我祚焉悲夫前年七月先大夫棄
不孝奄權在堂吾母日飲泣婦左右慰侍未嘗一日離

也余故多女子子視阿嫂好惡如一身豈惟吾女皆賢
哉家人數十輩婦温訥如無其人及其歿也不啻人人
割所痛焉寶應喬氏代有聞人婦爲止巢先生孫羨塘
廣文子廣文之慟爲彌至云距生於道光六年七月十
八日得年二十有六以夫秩封孀人卒之明年三月二
日葬先大夫於南清河縣花家園之原是日埶葬塋側
銘曰

猗嗟河水淮流匯焉清口夾右矍矍者田先域於斯而
能舍旃二潰永安宅汝之賢

第四女墓誌銘

文二

夫求恕齋

第四女小字淮筠生於道光十二年十一月一日許字
沐陽呂廷燭道光二十九年七月十四日卒於室年十
八歲其年十月十五日旅葬於南清河縣玉帶河北花
家園東其母丁恭人墓側其父曲阜孔繼鏐哭而銘之
銘曰

述汝之賢人未知爲空言父不壽汝而哀汝者天告萬
古之淮流其無壞汝阡

祭文

告寶應城隍神文

維咸豐三年歲次癸丑六月戊子既望越十二日己亥

寶應縣守土官知縣唐守道教諭黃時溥訓導施莊臨
城守千總常際春協防徐德在城委員同知孔繼鏞會
同邑董某某等敢昭告於本縣城隍之神恭惟尊神撰
合陰陽權兼賞罰隱扶 國祚明鑒人心當存亡危急
之秋剖誠僞公私之辨雷行威令足發天良電是日光
誰逃洞見惟是粵酋播毒江介爲墟陷我郡城毀我壇
廟財貨充其抗拒子女恣其虜淫罪通九天仇深萬姓
比者三軍用命垂破城闔一息游魂尙餘釜底窟虞免
脫誰云窮者勿追志切鷹揚信有備者無患守道等憂
心悄悄職有攸司天地茫茫吾將安往正名有千秋之

文二

七求恕齋

國史率土無二天之王臣凡閱我躬敢爲已有一乃眾
志無作神羞有不戮力同心守城殺賊者明神殛之其
各無悔謹告

生祭杭石泉先生文

惟道光十有九年歲在屠維大淵獻如月八日以墨爲
酒以楮爲羞致祭於石泉先生生靈之前日嗚呼積眠
食以成歲兮導隆古以如馳撫西日之騰邁兮侵扶桑
而復來悲人生之塵夢兮我一去其奚追攀蕙帷以拳
跼兮雖明察其安窺呼氏字以聲竭兮但消寂其軒墀
羅所惟愛以攀挽兮留不稍駐其靈輻石泉先生鑒斯

連之通室兮虞朝露之先衰知椒馨之徒設兮屬捋髭
把臂以觴之託萃戚之悃密兮能滅鬱其無詞嗚呼維
公松柏爲性兮無蜚葉與螺枝盤搏於后土之上兮與
天爲嬉歷長途之卻曲兮疇不爲之嗟唏伊少懷之壯
往兮視喬嶽其如卑世有蹶失之騏驥兮問伯樂其爲
誰忽短髮之彫蕭兮受霜雪之凌欺老屋黯碧于城隅
兮愁風雨之不支闕深巷於白晝兮坐堵草其萋萋日
對六七童艸兮耐號嘔與唔伊倚山妻以操作兮曾不
足其鹽齏曠繼嗣以伶俦兮增愴怛於牛衣傷弱女之
隻影兮挂夜月於機絲伊古賢豪兮彼蒼動坐以窮飢

文二

六求恕齋

如公之寔抱兮豈恆清之愴悲我欲上叩閭闔兮鞭雷
御以乘雲蜺當關奈有虎豹兮氣填胸以莫哈旁視爲
公旁皇兮公容與以頽巖際惻慄而冲恬兮惟靈府之
是依眷邗流之東疾兮假蠶簡以遐稽攬門外之鶯花
兮留庭卉以遲遲或扁舸於煙波兮與湖山以逶迤或
鉏圃於窗隙兮掃竹葉之離離或呼草聖以頡頏兮旣
命酒以臨池或措几以染翰兮狀叢蘆宿雁之荒奇或
高吟以對天兮繼三代之風詩或訪橘叟翔遊於一杯
之上兮是非黑白審世路之嶮巖惟公之樂無窮兮豈
愁苦之能羈信夸節之挺特兮長孤芳於廉隅繫余爲

親故以擁楫兮機筵率於城陂移帷帳於舊隍兮乃鄰
公之牆基公抱質爲輪困兮信百齡以爲期余將采龍
醕以介壽兮佐以丹山之青芝奈何強余效鵬音兮爲
舉世所駭疑余甫承命兮憐公之狂癡既奉管以惻悵
兮變詠誕爲涕洟人孰無死兮公獨履之而坦夷出北
門以遐矚兮鬱高冢其纍纍互萬古爲長夜兮辨孰賢
而孰愚今與公兮執手乎河之湄河水粼粼兮寫公之
形影而畢燭其鬚眉愧余詞非貞珉兮不足著公之令
輝折柬爲大招兮公其來茲飲公一夕爲千秋兮願驩
呼痛醉其無辭

文二

九求烈齋

祭劉丹溪國博文代

惟道光二十年歲次庚子八月乙酉既望越五日己丑
宗人某某謹以清酒庶羞之奠敬祭於 公之靈嗚呼
淮嶠之山其際天而嶽峙兮公何以頓化爲雲霓珠湖
之水其運迴盤宕兮公何以星沈風逝而莫追大宗如
公之嶽寄挺特兮託植幹以扶枝鄉飲禮以齒上賓兮
推黃髮而龐眉憶公往歲覽揆之辰兮堂上壽而賓躋
眾樂作於清夜兮公醉客以委蛇賓既醉而頽側兮公
猶岸坐而頎疑古有赤松兮任鈞天以邀嬉世豈無王
喬兮瑤笙鶴馭以徘徊如公百體之圖陵兮自馳達如

嬰提僅一星之將終兮筮百齡而何疑偶瀝瘳以偃仰
兮苦倉扁之參差樹人望於山斗兮忽上御而乘箕動
嗟傷於衢路兮矧共氣而同支合族姓之清淚兮用拜
爵於一卮維公之累徽積素兮能鬱其無辭曷以況公
兮舍古人其奚歸嗚呼哀哉扶與清淑之磅礴兮恆錯
比以不齊惟公弱小攻苦兮則有如仲舒之下帷假管
城以運藻兮視巧拙爲速遲惟清言之不竭兮則有如
郭象懸河而倒垂世緝擯於科目兮幸榮塗之有基惟
公翰迹晦光兮則有如法高卿之名可聞而身不可窺
重品題於薛卡兮世走炎熱以忘疲惟公滅刺於相國

文二

九求烈齋

之門兮則有如李舜工之不冀其挽推伊古出處之芬
轉兮公既恬淡邁卓而如斯抑更譜公之軼行兮信吾
黨可法而可師惟隆古之消實兮不拾衢街之所遺彼
趙柔之歸棄金兮而公之還珠質庫也如之惟君子之
躬行兮賤享帶爲浮詞彼陳遵之燔所爲文兮而公之
不留著作也如之繫直道之陵替兮曾然諾之多欺彼
朱家之任俠兮而公之緩士人罪俾全其母子也如之
惟巨室之能庇一邑兮恆上下其是非彼魯子敬之臨
事不苟兮而公之因勢畫策公而不私也如之不由道
而屈窮蹇兮動搖乞而騰譏不由禮而處愉裕兮恆蕩

檢而亡規彼漆園叟之心遺外物兮而公之處困能亨
處豐以約也如之況我公性多逕直兮如長公之不合
時宜公言多勁切兮如長孺之面折而人莫汝訾際周
振之按緩急兮如疑之之分餉以存飢卽終身小德以
審出入兮如蔡季通之獨行不媿影獨寢不媿衾而人
莫之知覩述公之節慨兮要更僕以難稽夫惟式古賢
以葆靈修兮故五福其來綏撫玉樹之連理兮叶堂下
之墳簾伯子能服勞作家兮棄官歸養於庭闈季子力
學克象賢兮掇一科之巍巍副德門之後昆兮要義方
其先施蘭蓀茁其競秀兮羨老子之含飴假數年以容

文二

三求恕齋

與兮坐見五葉於堂陲奈何迴靈旆於僊鄉兮而上侶
乎軒義緬公遨樂婆娑於人閒世兮足破涕而解頤迺
九旬大夢倏豁於一旦兮中情怊悵而不酸惻者其誰
某等感先祚之方長兮痛白日之西馳書幌闕其誰展
兮黃塵暗集而爲緇徂草旅此前楹兮杖履杳寂於堦
墀矧伯子垂白首以長號兮嘸血盡而聲嘶仲子臥衰
經以捶牀兮病纏骨而侵肌公杳杳其舍骨肉而卽長
夜兮如之何勿思更千秋萬歲其永不寤兮如之何勿
悲哀哉尙饗

心鄉往齋集卷十九

心鄉往齋集卷二十

曲阜孔繼錄著

吳興劉承幹校

自訟錄

小引


愚生三十七年歷事已多顛倒謬妄境過生悔屢悔屢
犯作輟相仍厥罪安在總由性分中欠一剛字徇人情
不量己力徇己欲遂喪我真一念之善旋長旋消不善
在念觸境即發日月悠忽浮沈於理欲之間終必流於
無忌憚之小人成就箇被冠裳之禽獸而已求為鄉人

文三

一求恕齋

求為草木恐亦不可得矣昔字衷公諒嘗手一冊書有
所為夜則書之其不可書則不敢為愚置此冊其有不
可書而為之與書而不改更復為之悲夫是自絕也矣
此冊始於道光十九年八月二十二日清夜自訟無寬
無隱念慮純雜言語得失得附書之繼錄識

座右六域圖



六域圖說

履聖人途 必由人事 因循習亂

何所不至 隨覺隨昧 天人賤棄

道光己亥繼錄自署

總是不能時時刻刻將父母二字記在中心所以言動
一切皆錯

在家日除睡覺讀書及奉命酬應世故外畢竟與妻子
聚語之時多侍父母之側之時少是即心苗偏向處種
種荒唐皆從此發

文三

二求恕齋

意者不知是何心肝

簡使行有餘而言不足此是鏃對證要藥

半生在昏沈散亂之中此四字不知此生擺脫得淨否

黃陶庵先生曰凡事口說便不妙日當三復斯言

自己做工夫不令人知最有味

不耐煩三字是有頭無尾病根

終日言算過不從非禮勿視上著力終是載沈載浮耳

一生用目時最多故四勿首重視

目為心之門戶最便出入制心者必先制目

昏沈由於氣濁氣濁由於失心急呼主人翁精神為之

一豁

做一件只理會一件此事做完再幹別箇精神不紛首尾自然了徹余手中一事未竟胸中又有一事摻入往往筆墨眩誤其病總由欲速

古人惜寸陰惜分陰非欲速也只耐煩循序做去便是不負光陰

對不如己者好爲影響約略之言自欺欺人莫此爲甚言好盡是繼錄一大病

強不知以爲知最可恥最可鄙繼錄常坐此病後宜痛戒

文三

三 求恕齋

呂叔簡先生曰評品古人必須胸中有段道理如權平衡直然後能稱物輕重愚謂評品今人文字亦必須胸中有段道理我之學實長於彼方可開口替指星聲議樂徒爲識者笑耳

錄待小人好用逆億不知用逆用億正是小人情狀先以小人自待何也

繼錄性偏苛刻近三五年遇事必以渾厚然渾厚到八九分其一二分苛刻根子往往一露此一點病根消不盡終無近道之日

昔賢云世間好的分數休占多了繼錄年不四十乞身

歸養父母蔭庇之下溫飽有餘質不下愚身無疾病圖書左右兒女滿前天之厚我者至矣自揣不德不足消受敢不悚懼敢不悚懼

天的樣子不過精神常充筋骨不倦而已人要合天必須時時刻刻提醒精神役使筋骨將一健字看在眼前自有進步

魯通父謂錄言動多委曲細思言動不直之由終是見理不的見理不的言皆妄言動皆妄動良友鍼砭永當痛戒

文三

四 求恕齋

妄言妄動多發於高興之時高興生於氣浮氣浮由於失心一言以挾其病曰不敬

非禮勿視四字甚難

凡有所溺必有所誤大溺則大誤小溺則小誤當其可則不溺矣

待小人斷斷不可假以辭色意中寬以待之外無急言遽色足矣稍狎即玩其來極細害事甚大

下水順風船刻刻可怕生於憂患死於安樂旨哉斯言破除俗見時時從理上見是非此心自然爽淨

求人是小人情狀沾著求字真氣便盡 理有當求雖曲亦直則不爲失己分際當細推之

人生最好氣象是進退綽綽最好懷抱是真氣浩然
靜坐時閒雜思慮最難掃除做事真切專壹則閒時念
慮自然不紛

四五箇月來未嘗廢書正坐內外煩雜之病故學無一
得

人不尋箇究竟悠悠的過一生直草木不如耳草木究
竟得爲世用便非棄材人奈何爲天地閒損衣耗食一
能言之蠹魚哉

不專一是萬古不學人病根萬事無成只因不一耳
守身事親非兩事有身乃有親也

文三

五 求恕齋

守身事親必時時事事分求其實以誠以敬將之不從
瑣細節目做起必有所忽而怠氣乘之

日夜傍著老母老母得眠食之安一身以外四海以內
更無可驚可愕之事矣

內重外輕四字異端亦以此教人虛實公私之辨不嚴
鮮不流入於異端者

做一事因其大小難易徹首徹尾以了之便是主敬
天包地載心實兼之

受人一介無以報之是隱微大不快事
無以報之不如斬然不受爲快

一念之戲妄不必發於言動也亦累心德
以義制事義者宜也是非不明不得其宜心不公無真
是非

自朝至夕執事以敬無寸陰虛度便是自彊

觀他人怒不可制其氣象殊不耐觀

天下可怒之事斷非一怒可了

隨怒隨悔然已多此一怒矣

廣大寬平撥一點怒氣不得

心不妄思一心皆天理身不妄動一身皆天理事不妄

爲事事皆天理先儒此言日當三復

文三

六 求恕齋

日臨兩餐必媿

不怕窮一念便可充塞宇宙覺貧亦有味便可逍遙朝
夕

不扯謊是人生第一受用事

事用周旋仍是心不懇到果以至誠相與何用周旋

覺得當爲便爲少游移懈心乘之則變幻百出廢時失

事多基於此

父母愛子之心是一箇整的無一息閒斷無一點零碎

子待親何如問安視膳末之末者也心巢拈出深愛二

字急當從此求之

凡事俱有主腦接物應事讀書求理中有所主則是非立見萬變不離其宗身心方有着落

靜時無工夫動時全不得力動時無工夫靜時空有後悔

處大庭當有如獨居時對屋漏須要能質同人

四時行百物生亦神之至著者矣子不語神即天何言哉之意

與常人處憐其短取其長一無所長哀其愚則敬心自生此無傲慢之一端也

求人之益不出於誠則心不浹洽先無受益之地

文三

七求恕齋

道理中庸都在眼前人視爲無奇每每忽略繼鏗兢兢抱守閱數十年尚未知涯岸之何若也歲不我與者將至矣悲夫

孩提嬉愛人之眞性也大舜五十而慕是五十而孩提也夫少不知存其性而離其性壯不知保其性而喪其性強艾不知復其性而湮其性老不思完其性而迷其性嗚呼已矣泣涕隨之

識見高學力不到不足患也恃有識見憚於力學並不如此勉然下學之終有一得也斯並下學之弗如矣鏗坐是無成既衰知悔痛惜此生有傷心而已

良心上過不去處便不可爲

非時時有虛生浪死之懼必不知光陰之可惜

縱學聖人之口而心不眞便是僞學但有同乎流俗之心便是俗學

節錄黃子臆說 君子不肯聽命以其有回天之力也小人不肯聽命以其有逆天之惡也別一等人終身言命諉之於天身外小利卻爭之以人此眞醉生夢死草木同歸良可哀痛 吾身分內當爲之事便須一意爲之若預存一無濟之心便是下流之漸武侯鞠躬盡瘁死而後已至於成敗利鈍非所逆睹此眞儒者之言

文三

八求恕齋

人之一心刻刻在禽獸關頭打混靜言思之通身汗下是故讀聖賢書以心地光明爲第一義 物得氣而化故朽麥爲蝴蝶人得理而化故小人爲君子 心有主則不動赤子之心以無主而不動何也常嘯忘乎笑當寢忘乎覺也故主一無適可以觀天德 或曰市井小人其蠢可賤余謂理始於質天地之理鑿於君子而留於小人是生人之本也烏乎賤 凡發言勿求己之可快當思人之可受如此行之久久非徒養性亦以遠怨芻豢之精華澤及肌膚義理之灌溉潤在神明解得此旨方不是釋老虛寂之學 德莫美於讓而忠孝廉

潔之事決不可讓習莫漓於爭而綱常名教之大決不可不爭 天生五材皆以煅煉斲削成用學者奈何恃自然之說欲以成能 辭章者必蔽之物唯理無蔽故君子以積理爲要若多取新奇積而無用則爲心術之蠹貨蠹傷財學蠹損性可不慎與

黃子名昶字仲允年五十始登戊午鄉榜迺年卽下世爲諸生時憂其子之不及身教也乃取生平所得力著爲一編曰臆說非以示人專以訓子也嚴甫柳氏喜其說錄其十之二三藏之篋中未幾失去復向其子索之則亦盡亡之矣此柳氏齋中錄置壁閒

文三

九求恕齋

寥寥條深堪珍惜

宋史朴夫著朴語十卷今闕三卷其粹語如問性篇曰盡性者不以物易我知命者不以人勝天大衍篇曰五福不言貴六極不言賤何也貴賤者人之位也福極者天之道也二者不相謀苟得其道貴者福賤者亦福苟失其道貴者極賤者亦極 苟精於一物皆可以見道理一故也韓愈因文見道者也邵堯夫因數見道者也陽數奇陰數耦奇一爲寡耦二爲眾是故人之行善少而惡多人之命福少而禍多人之才賢智少而愚不多人之位富貴少而貧賤多其於世也治少而亂多

其於物也人少而禽獸多中國易弱夷狄易橫皆理之當然者也是故聖人之作易也所以抑小人而扶君子也其作春秋也所以卻夷狄而尊中國也其刪詩書定禮樂也所以崇善而黜惡興治而去亂也嗚呼微聖人天地之道其誰與財成輔相哉制行篇云人之於財也貪而華不若廉而陋貪而施不若廉而嗇爲國篇云太平之世不可無傲臣傲臣何狂直之士也夫太平之世民物蕃阜君臣康樂積安稔榮彼知憂患爲何事禍亂爲何物哉疵德秕政實產於此故必得狂直之士時發一言以傲之俾知謹懼罔敢怠忽則國勢安於磐石書

文三

十求恕齋

曰傲戒無虞願使言之而無不可使不言而有警之滿堂謹飲苟無糾察鮮不迷亂是故太平之世不可不容狂直之言曰直而已矣何以謂之狂也曰世盛而政不善則禍伏而未發言直而事不驗則俗指以爲狂盛世而不容直言是夜行而自滅其燭也悲夫

劉原父云怒出於不怒何遷之有又云制度不定雖彈天下之富其求不給

杜恕家戒曰張子臺視之似鄙朴人然其心中不知天地間何者爲美何者爲惡敦然與陰陽台德作人如此

金劉祁京叔歸潛志十四卷其十三卷第一則云吾在南方時從父母仕宦家資頗溫而吾則專心於學生事不一問食未嘗不肉也寢未嘗不帷也出游未嘗不車馬也役使未嘗不僮僕也然不知溫飽安逸之味也今遭喪亂歸故山四壁蕭然日惟生事之見迫食或旬日無醯醢及一得之則覺其甘寢或終夜無衾裯及一得之則覺其暖出或徒行無驢及一得之則覺其便或汲爨無人及一得之則覺其泰乃知溫飽安逸者世之人亦未易得然向之所得猶不足也惑矣因思一時富貴權勢之人生長絢綺中或不遭患難摧折至老者非惟

文三

士求恕齋

不知稼穡之艱難流於奢淫以蠹國病民抑又不知世間溫飽安逸之正味可勝歎哉

明馮時可元成選集其新齋偶述小序云能忘世未能忘道能忘人未能忘我能使胸中無一塵未能使胸中無一字以此爲媿若夫斤斤勉勉務在標名噉目以累太虛則豈我事數語最佳

宋王鞏定國隨手錄云范文正語先懿敏曰每夜就寢卽竊計其一日飲食參養之費及其日所爲何事苟所爲稱所費則摩腹安寢苟不稱則一夕不安眠矣翌日求其所以稱之者按懿敏爲定國父名素

金泰和甲子晦明軒刻政和本草三十卷寇宗奭衍義總序及劉京叔後跋別爲一卷移在卷首其總序有云未聞道者放逸其心逆於生樂以精神徇智術以憂畏徇得失以勞苦徇禮節以身世徇財利四徇不置心爲之疾矣又云善養生者養內不善養生者養外賢者造形而悟愚者臨病不知造形而悟四字煞有精義

國朝魏敏果公年譜三十七歲爲都給事中垣中有新任問職掌何在曰條陳參劾二者而已條陳當計後日之利害如目前有利後日有害不宜言也參劾當論平日之賢否如素稱賢者偶有微愆不必苛也斯言也可

文三

士求恕齋

爲諫垣法

張橫渠先生云困辱非憂取困辱爲憂榮利非樂忘榮利爲樂

漢書載許貢相周亞夫從理入口此餓死法也竟以五日不食死南史褚蘿面尖危從理入口竟保衣食而終相法不足憑也

曾子固謂王安石勇於有爲吝於改過八字深中其病要亦千古扁側很復人之通病也

金樓子曰水澄之半日必見眉目動之半刻已失方圓靜之勝動誠非一事

天生人而使其耳可聞不學其聞則不若聾使其目可見不學其見則不若盲使其口可以言不學其言則不若啞使其心可以智不學其智則不若狂故凡學非能益之也達天性也能全天之所生而勿敗之可謂善學者矣此東萊論學之說也洪容齋亟稱之余書以自戒

河東薛子云學者舍粗求精厭末求本語理而遺物語上而遺下鮮不流爲異端

文三

三求恕齋

魏庸齋庸言有云子瞻視世間無一不好人何獨視伊川爲不好人陽明與弟子言滿街都是聖人何獨見朱子非街中人庸齋斯語可云莊而謹矣

官祿有缺鉞至哉斯言危哉斯言

但覺適意便是欲
辛丑入都嚴論此次出門第一以露才揚己爲切戒
盛庶齋叢談載方蛟峰八字格言富莫大於蓄道德貴莫大於爲聖賢貧莫大於不聞道賤莫大於不知恥仕能行道之謂達貧不安分之謂窮流芳百世之謂壽得志一時之謂天

馮鈍吟雜錄云隱士不避賤業能自貴也有才能而自晦謂之隱無能之人無所謂顯何所謂隱又云熟看廿一史便知自古之天下不治皆由家之不齊然後可以

看大學不然便以爲笨子說話又云道家有雷門忠孝一派其說曰精炁者身之本也不愛精炁者爲不孝心者身之君也不敬其心者爲不忠此說與儒門有補而無礙

孝昌涂迂叟學言云目不容一塵胸中卻容得許多泥滓是愛心不如愛目也齒不容一芥胸中卻容得無限槎桲是愛心不如愛齒也

月來讀王文成集讀時似有省悟而臨時自省良知毫無見地今日又有不當作氣而氣不自按幾生意外之侮甚矣寸衷錮蔽之深未知何日得一線生機爲進修

文三

西求恕齋

地也言之痛恨痛恨

近日午飯前臨同州聖教序四百字飯後工夫多作輟此心卻未敢放偶放即收靜時漸窺見此心空洞無物旋又悶塞悶塞非他物乃雜念游思憧擾之怒之一字漸有銷融處時念鄒南阜先生云遇事從氣上起念皆私也必從理上推敲一過然後出之或少悞舛

筆記

偶得崑崙山馬真人琴曲石刻字式錄左

崑崙山丹陽馬真人琴曲歸山操

能無爲兮無不爲能無知兮無不知知此道兮誰不爲

爲此道兮誰復知風蕭蕭兮木葉飛聲嗷嗷兮雁南歸
嗟人世兮日月催老欲死兮猶貪癡嗟人世兮魂欲飛
傷人世兮心欲摧難可了兮人間非指青山兮當早歸
青山夜兮明月飛青山曉兮明月歸飢餐霞兮渴飲溪
與世隔兮人不知無乎知兮無乎爲此心滅兮那復疑
天庭忽有雙華飛登三宮兮游紫微

樓霞邱處機書

大定戊申東平吳似之跋

駙馬都尉唐括立石

周公誥君奭言文武輔佐之功歷敘閔天散宜生太顛

文三

五求忽齋

南宮而不及太公蓋其時太公尙在聖賢之意錄死勉
生相期於無窮其不生頌太公之功意蓋如此

范氏曰神龍或潛或飛能大能小其變化不測然人得
而蓄之有欲故也唯其可以蓄之是以亦得醢而食之
凡有欲之類莫不可制焉唯聖人無欲故天地萬物不
能易也此論奇而確

宗器於祭陳之示能守也於顧命陳之示能傳也

作書指法當四指并到使筆如鐵必從此入手方有進
地不然皆描頭畫腳也

揉筆導篆逆筆通隸行楷以揉筆開之而以逆筆承之

遂成其致 不得字勢不發筆情 不通筆情終鮮進
步 筆情生於落墨之先

東平州見四農師題壁石梁流水漱冷冷小任征驄爲
柳青酒半閒愁忽恨觸半窗山色似江亭末署四農二
字無年月日墨痕亦將剝蝕盡矣

一夢見有五古四章紀其事今復見夢於歧路之中想
孤寂黃壚仍以勞人爲念也感從中來悲如昨日

阜城旅店見姚梅伯庚子七夕題壁三絕句花擁青天
鳩鵲樓明珠絡角嫁牽牛漫誇十萬金錢賜有女空山

文三

夫求忽齋

怨白頭記倚冰簾拂翠漪醉橫玉笛唱將離可憐一樣
斜街月今夜荒城照柳枝十年囊劔走天涯塵眼誰知
古押衙且返蓬萊騎虎去任渠春雨泣桃花梅伯去年
聞定海警報出都今四明爲墟不知梅伯避居何所悵
然久之

雄縣旅店壁有食鯽魚一絕彈鋏風塵已十年殘盆冷
汁慣周旋莫言名士眞如鯽我似枯魚不值錢令人讀
之慨然

還吳師母碧芙軒詩集賦呈七絕四首用其巢燕韻有
句如秋風門巷斜陽冷愁見孤雛傍母飛可云黯然

卓河題壁有云孫鍾元徵君嘗言人生最繫戀者過去
最希冀者未來最悠忽者現在此三語如霜杵山鍾令
人猛省

又壁間一絕云平生心事半消磨無限煙雲眼底過昨
夜月明今夜雨來宵風景更如何

明郁木山人朱孟震所著浣水續談中有劉繼武金人
捧露盤詞甚可誦八句詩吟窮了賈島一枰棋看老了
王樵也不管劉郎觀裏桃也不管周子窗前草我把那
小小柴門閉得牢常恐怕白雲占了穿一領蠶羅布袍
紫一條爛爛絲條釣竿上風月多酒囊裏功名小斜枕

文三

七求想齋

著箕山半箇瓢不惹事的道人醉了

丙午三月於邵塚小肆得女士詩草二本抄色甚舊女
士宿遷人姓倪名瑞字璿生識字喜讀書過目成誦所
作如夙構讀史詠古諸五七古壯烈有丈夫氣年五歲
喪父依外家雖甯樊氏年廿五嫁徐魯璠三十而歿集
中五言古三十四首七言古三十一首五言律六十七
首七言律一百二首五排二首五絕十六首七絕六十
八首自序年譜半葉後缺傑作甚多於故紙堆中得此
不啻揀金矣暇當釐訂或付諸梓考其自序年譜生於
康熙壬午迄今百六十七年而遺光照灼於一旦天殆

假我輩以傳其人邪為之幸為之太息

克孟達利在速戰平遠東計在緩攻蓋以糧多寡決遲
速也

厭賢配為老物以舊齒拜太常如出兩人肺肝見矣

周保緒晉略西晉帝紀總論有云功名之路盛開廉恥
之防盡潰十二字可勝流鴻

偶得無名氏批毛詩不宗訓詁專理性情字字抉摘為
後來樂府五古開山諦當得心如獲拱璧

庚戌十月二十九日 殊論罪一首揆草野側聞如沈

陰開旭大地向榮

文三

六求想齋

宋李漢老參政云居鄉則以困畏不若人為哲

劉後村白雲庵詩太行以北海豐南我與梁公各有慙
兒五十餘親八十可堪來宿白雲庵侯鯖錄載舒州下
寨驛題壁云北堂無老信來稀十載秋風雁自飛今日
滿頭生白髮千山鄉路為誰歸二詩境異語同讀之酸
塞

藏海詩話云唐末人詩格不高而有衰陋之氣然造語
成就今人詩多造語不成

金樓子載晉甯縣境內出大鼠狀如牛人謂之鼯鼠天
時將災則從山出游吠散落其毛悉成小鼠盡耗五

稼噫鼯鼠多矣獨晉甯乎哉

堂邑張鳳翔尚書順治三年有移風易俗一疏邇來輩下官員非有吉慶典禮每一酒席費至二兩戲一班費至七兩宴會頻仍耗糜物力疏下所司議行今都中尋常包席得京錢肆拾弔堂會戲一班百數十弔二百年中侈靡至於此極論治者委諸風會將伊於胡底乎

宋李季可松窗百說載白樂天詩云退之服硫黃一病身不痊世遂以退之戒服金石言最勤切而晚年躬蹈其害余竊疑之按退之集長慶三年作太學博士李千墓誌略不及他事唯說受方士柳賁藥服之下血死乃

文三

元求恕齋

引當時目見親與游者歸登李虛中孟簡之徒七人俱以服食斃臨終痛楚之狀明年退之卒是豈有咫尺之間而肯身試其禍哉古人沒遭誣毀以白爲黑可勝慨哉

事爭君國之大雖父子不嫌異議明獻皇享專廟之祭尊已至矣必欲耐入孝廟以蹈躋祀之愆身實北面武宗而位反居武宗上雖至愚亦知其不可矣聞臣楊廷和與子慎同議而豐坊與乃父熙竟異議以父子之間而議朝廟父子追尊之典必以子之非矯父之是噫亦真異矣哉

論語南宮适章朱注寒泥殺羿本史記而孟子言逢蒙殺羿豈一羿而兩人殺之乎王逸注楚詞云寒泥使逢蒙殺羿又不知何所本也

天道好生故伐暴救民者享國最久湯放桀亳祚六百餘年武王誅紂洛祚八百餘年漢高帝鋤秦炎祚四百餘年

人必境相及而後相知故子皮能薦子產史魚能薦伯玉而子產伯玉必不能薦孔子

隋蕭吉撰五行大義隋書本傳載其著述之目而獨不及此魏鄭公偶未之見耳其文章醇古援引多逸亡之

文三

元求恕齋

書略第其目於此孔子元辰經春秋佐助期黃帝八神圖孝經鉤命決戴勝禮含文嘉春秋文耀鉤威精符本生經京氏別對

良藥苦口利於病出孔氏家語汲古閣祕本書目所藏家語北宋本作藥酒苦口利於病及讀鹽鐵論亦作藥酒苦口利於病益信古本爲可寶韓非子外儲說左篇夫藥酒用言明在聖主之以獨知也亦作藥酒此二字本朝韻府亦未採及

元史博爾忽傳凡一千四百餘字皆敘其孫月赤察兒始末其載博爾忽門閥官爵事蹟三句而已忠孝之門

歸美父祖不嫌創例

題跋

題虞書廟堂碑精搨本

停蓄轉捩處圓中有方體二百年來揚手無此精到

題眉廟字完全者已不可見此本子字尚存其半固希

世寶也

陳麋公字卷跋

明史隱逸傳麋公弱冠知名年登大臺終其身不廢友

朋山水之樂或謂其屢避徵詔能逃榮名乃集林泉之

福觀此幀老筆堅實信內養有餘所書語錄亦大得箇

文三

三求恕齋

神安命之方是又不僅外卻名韉而徒以逍遙放情為

歸也士無窮達必有自立於麋公見之矣咸豐乙卯三

月廿巖得此卷於安宜屬繼鏢題

硯史跋

往觀元人寫唐骨利幹十驥圖有名擬露驄者大類此

古寫生法此為祖本廓 建安瓦硯

安得淪巴東真茶蕪南海真香寫真經數則方不負此

端君真面目也有函 真硯

古無諸人同一銘者漢泰山都尉孔宙碑碑陰列諸故

吏故民 者景君碑碑陰列弟子諸生未始無前例也

南阜老人以意出新動與古合多類此惜老屬有函跋
孫臯臺介壽硯

官邪僧邪其果冷邪官如南阜其或如僧邪吾不信其
他有戲筆 冷雲硯

按古硯譜端州水巖石有黃龍猶玉之瑕也皂老棄其
瑕且錫以嘉名矣安得此手用天下才 黃龍爐精硯

漢孝武中發卒數萬人作渠田數年河移徙渠不利田
不償種久之廢渠田蓋古制難復亦不必盡復也硯史

得此為河渠生色井田外更多一攷證云有函 渠田硯
南村仿東坡往往亂真置之晚香堂中眉公當不復辨

文三

三求恕齋

廓道人 霞髓硯

南阜筆法善外拓得之大令居多尚左後任天用拙有
逼近右軍處如此幅過之諸字是也宜惜老寶重之廓

青鸞殼硯

題方于魯墨譜

墨出青松煙 蒼蔚盤鬱真虬真龍更誰道是畫工斧
工並體東岱是日秦封有函

千歲苓 奇蔭芘靈植九九復九九安得樹左側老我
與盤桓道光庚子有函題

水木湛清華 澄迥到此萬古塵霾頓時掃盡有函

胸中時時有此境便是聖賢有函再題

湯玉聲先生書同人唱和詩跋

湯竹銘副轉以其曾大父玉聲先生手書同人詩壽諸石楷法道整純乎晉人其倡和諸什蓋襄劉補齋閣學校士閩中時作嵐翠瘴雲猶縈迴楮墨閒也古無不朽物爲人子孫坐聽其先世手澤於若存若亡之間以比不才枝葉毀擲割售固稍稍佳矣然以視竹銘賢不肖爲何如也

阮母鍾銘跋

此阮太夫人鍾兵餘出於民間甘巖搗而傳之人欲久

文三

重求恕齋

不朽恃其家世恩澤文章勳業銘勒金石以傳於無窮豈可得乎三復流覽不禁慨然甲寅十一月望前二日繼鏐識

爲惜庵丈書恬靜之操久而不渝額跋

此宋元嘉詔戴仲若語也惜翁抗懷不仕以文酒自娛素節高風有足多者且仲若所棲澗壑甚美惜翁歲遷其居有林亭自隨信有道者得天多矣丙午九秋曲阜孔繼鏐

惜丈越思圖跋

按此圖作於丁亥七月垂今剛二十年蓋池東老八四

十小影也嶽嶽芝宇不減於前彼勞人顛頓不足言矣即養生家辟穀修形之說當亦遜此杜門養性之方也右丞有句云閉戶著書多歲月種松皆作老龍鱗堪以持贈鏐贅筆

魯通父寒江詩錄序吳讓之春盤圖合幅跋

道光戊申十月余偕甘巖訪熙載於邗上因遍覽南徐江山諸勝都兩人所爲詩曰寒江集此上方通甫爲製序也因熙載有詩因有敘而熙載所繪春盤圖因附下方焉余明年計不復渡河熙載著書南中通甫西遊雲龍余於甘巖亦天各一方矣離緒何如己酉四月省函

文三

重求恕齋

識於鍾吾講院

爲甘巖題錢拾葉畫梅

甘巖親家不遠數百里訪余白田郡城猶未罷戈相對但有於邑歸裝得此亦窮愁中一快事也咸豐癸丑十月繼鏐題記

容園遺石一高樹顛三丈餘旁鐫阮文達伊墨卿名今露立眞州西郭外石東十里野寺有梅名返魂相傳宋南渡後既枯復花殆六朝物嘉禾髯道人見之以不兩相就爲恨事雨生湯將軍爲髯補恨一石一花補之仲圭不是過也金陵既陷將軍授命圖付浩劫數年前梅

亦危於陽侯今戎馬往來揚州西北歸然石丈人其無
恙否耶泣然并記髯作畫後六日繼鏢既題句復更贊
之

跋自臨東陽本蘭亭

久不御几硯甫從桂花莊軍城歸風暑未解率意臨東
陽本一過以當一服清涼散也咸豐乙卯五月廿九日
宥函并識

書靜濤楹聯跋

靜上人爲海公高法嗣工小篆隸分初從朱先生震伯
遊繼學於吳讓老之門攻力堅猛故所造獨至年逾冠

文三

孟求恕齋

來主平山兵燹之餘中興而兼開山山靈之福亦清才
邃學有以成之也企予老眼與海公同望之矣咸豐八
年元日晚聞生孔繼鏢并識

味真腴齋跋

心巢先生早邃經學旁及象緯輿地聲韻字詁靡不母
曉蓋見性有地汲汲以格致爲先久之寢饋儒先諸書
心益有所澈取紫陽日用自警詩不向用時勤猛省卻
於何處味真腴擢三字頗其居竊以性學昌明炎未至
有明異同乃極其辨持循異門會歸同域而持循之中
黜欲存理亦異而不異焉然程其分致無毫毛滲漏不

致少從空虛牽補之弊舍紫陽其誰與歸心巢由表入
裏極博反約其飲食知味者乎繼鏢志與年頽流浪不
殖境往悔來或有領省所謂味無味味外味者生熟寒
煖直隔日炊耳紫陽梅花詩有云一杯勸汝吾不淺願
乞蕭齋隅坐半席一杯澤我何如

爲池東老人題陸敏亭摹倪高士象

梁溪尤伯聲紀雲林先生小象兩頤瘦削秀骨如青崖
古衣冠坐胡牀憑梧几握筆伸紙搜吟於景象之外几
上設酒尊研山香鼎左一童子捧朱拂右侍姬提盃類
之器此幅藏濂溪周氏所又前明何柘湖云王叔明畫

文三

孟求恕齋

雲林象上作層巒疏木木下科頭跌坐神意殊遠真妙
品也上有顧謹中書贊作鐘鼎篆按此幀與伯聲所紀
略同右無侍者把卷與握筆亦異別是一家藏本池東
老人屬陸君敏亭重摹上紙勁質栗容清彊凜凜信先
生至今有生氣也溯雲林先生歿而志窵窳者三人長
樂王賓利城張端拙逸周遜學也有累其質行而傳之
者柯敬仲顧仲瑛高季迪也其他碑牋瑣記有侈大先
生節概而重其蔚藻以摹述後世者如楊廉夫張惟中
王達善張伯雨虞伯生陳惟允王孟端呂志學盛冰壑
李西涯吳原博沈啟南蹇朝陽張夢晉徐元玉曹士冕

都元敬祝希哲不一其人氣類咸通千齡一致所謂此
中語不足為外人道也池東老人沈冥棲遯塵外自娛
清蹤與懶瑣近宜其景仰芳規手摹斯圖不置老人自
識語尤落落得雲林真致蔡邕之品桓彬謝舉之銘楮
向當不是過矣余亦澹宕人晨起睹此神骨一潔走筆
記之懽喜無量道光丁未六月

題通父畫梅

初視如枯石棘枝生香勁氣久久視之迺拂拂從毫端
畢現夫以通父之畫難測且如此無怪知己之難也

楹聯

文三

毛求恕齋

題錢武肅王祠 吳越之間至今樂土漢唐以後無此

賢王

題華真君祠 藥石真回天地力仁慈同抱聖賢心

贈王惜庵丈 綱常經籍在天地布衣尊 泉石展經

綸名心早淨雲封岫鸞花隨杖履笑口常開鶴在陰

守己必詩書禮樂之中賢如郭泰遊心乃山海雲天以

外仙有孫登

集李北海雲
鹿將軍碑字

贈王甘巖 進退有禮苟曼清言詞緣情孟雲卿丁未

秋甘巖弟屬書以筆頽墨減擬償以別紙戊申冬甘巖

屬為署款好而忘醜信有之矣然取譬斯人十四字信

不誣也爰識而歸之 於世無求惟嗜酒向人開口只

譚詩 元亮心情豈杯酒少陵黃髮減烽煙 閉戶著

書多歲月一家終日住樓臺

集右丞
樂天句

深關好月白如

許情話高風妙所聞

集雲庵
碑字

贈王彝敘 茂若穎年函金玉氣無米鹽責有父兄賢

贈許弋舉丈 叔重五經世其家學東野半尉老我吟

懷

贈徐朗山 萬古青山偶償夙慕多情東道喜不空遊

甲寅七月朗山邀游龍池以十六字贈之

贈顧琢夫 千載真交難忘新雨一鄉善士克篤前徽

文三

毛求恕齋

為劉珮卿題韻漪閣 荷風上衣松雲納燥煙帆隱几

沙鳥銜杯

為惜庵丈題池東書庫 探三唐墨苑妙二晉詞宗本

慧業以照珠林兼多圖書篋祕花木庭開舉世仰風儀

斯真為王謝高門足稱古處無一毫濁塵是十分清福

憑幽棲而超凡鏡更攬太嶺西來大河東注遠天瞻道

岸復何有煙霞石隱能及先生

集聖教
序字

朱錫籤齋以十一月二日加冠撰句贈之 禮啟三加

長至日德貞百度老成風

壽某節孝五十 代寸草以報慈暉三十載侍寢承顏

顛顛過青年最堪嗟篝火雞
耳機絲蟾影惟純孝益成
苦節二千里躋堂介壽掄揚
口彤管眞不愧門楣鳳詒
國乘鸞書

壽湯竹銘四十 五馬高旌健看強仕雙魚尺素遙祝
蕃釐

輓吳少鶴丈 積善啟傳經際昌時三世恩榮一鶚高
鷲光上國遺悲思挂劍大今日兩家族姓千秋古誼締
延陵

輓徐季良 中年無復元龍氣來日誰傳扁鵲方

文三

手求恕齋

借依然鴻案忍心殘玉樹念此後飄搖風雨問一巢安
託還望鴿原

輓魏太守 亭遠 太夫人 八座燦金護太夫人恭儉常

存補袞調羹思往日三春悲寸草古孝子顯揚不朽承
家蔚國答慈暉

輓湯壽民 玉軫罷鴻飛十載舊遊河縣建錦堂傷鯉
對雙垂老淚石城寒

輓梁友桐 迴首粵山長他日歸雲梓里釣遊眞夢裏
酸心睢水上忘年舊雨草堂絃誦儼鏡前

輓黃質庵 憂勞感慨復何爲廿載結深知最難忘促

磨一鏡論心萬古出處是非
吾亦決重來求舊侶誰忍
見碧湖千頃老屋三開

輓李芝齡先生 英髦高第最嗟峨裙屐風流擅詩書
寶三長才分本居名位上晚景春官非冷落冠裳雲至
總天地人諸禮豐碑永照古淮陰

輓顧尊山 起草玉樓寒往日苦吟悲李賀策名金殿
道秋風歸路泣劉黃

輓劉百泉同年 湖天回首看晨星往夢數分明苦難
忘燕市深杯虹橋柔櫓遠道傷心問江水旅魂歸慘寂
那忍見空齋落木古巷斜陽

文三

手求恕齋

輓惜庵丈 浮雲世上究何如百花萬卷堂中著述壽
千秋更爲先賢搜逸亡友傳遺信當時物望攸歸一代
布衣尊宇宙來日風前忍復攬倦圃浮槎亭上煙蘿開
十面依然黃水東流泰山北指問此地主人安在半林
涼葉黯池臺

輓包慎伯丈 衰白際時難正孤憤荒愁踏東海而死
文章憎命達有片言隻字與北斗長存

輓劉孟詹 絕業紹西京但以苦心成著述軍聲尙揚
子不將老眼看昇平

爲友人輓吳封翁 三代荷恩榮世挺偉人兼繼述百

年營祿養天教游子積悲涼

為友人輓其姊丈 帶水隔葦憶當年 鶴權虹隄荷

解推於歧路之中義比雲天兒女關河榮別緒悲風度

楊柳痛此日烏頭馬角竟委化在玉門以外夢醒恩怨

冰霜肝膽報歸魂

自題座右 不作無益事飽讀有用書 學仁人四勿

懷君子九思 署門 祖道同天久君恩共日長 得

志當為天下雨閒情偶寄水邊雲 詩禮是吾家物嘯

歌同天下春 暮年隨老母來事聽高天 此當次學
仁人聯後

稷兒之官浙江書十四字以勗之 一毫莫做違心事

文三

三 求想齋

千里常如傍膝時

道光戊戌窺京師偶得幽窗明月澹如水之句榮木對

以遠浦輕帆去似雲四農師為書之

以夜寒風入幕命兒輩對三女對以春暖日薰衣殊可

喜又一日以一鉤新月小命兒輩對三女應聲日九曲

古河長

心鄉往齋集卷二十

細齋隨筆

陳重慶題



南林劉氏
求恕齋刊

細齋隨筆

曲阜孔毓焯著

吳興劉承幹校

士患無志有志不實力為之固志之不堅亦氣之不振
也有志竟成多是有氣骨人始終撐持做來

成蓉鏡案志生於識有定識則不患無志氣生於力

有定力則不患無氣先生云有志不實力為之即朱

子所謂氣不從志時乃是天理人欲交戰處也

人不沈潛作事只乘一時高興期在速成纔一著力覺

功效甚遠便興致索然心志俱懈孟子所云進銳者退

道筆

一求恕齋

速也然亦有不見其退併不見精進有心要好不肯勤

苦向前是即因循自誤

蓉鏡案竊嘗謂為學之道不可急不可緩急則難入

緩則漸疏先生此論可謂先得我心矣

因循病根多是有恃心有緩心有容易心有勉強心雖

聰明足用歲月方長不任勞苦悠悠忽忽那得深造如

猛省早求進步須常存如不及猶恐失之念乃無此弊

蓉鏡案恃心容易心其氣浮也惟沈靜足以藥之緩

心勉強心其氣餒也惟果毅足以勝之善養氣者無

浮亦無餒

眼界不闊固無博識眼界太闊或無定見初見一物愛之再見一物又以為彼不勝此所見愈多所愛屢移必致情不專篤功不耐久此見異思遷即業不精學無成之病根也

蓉鏡案若所愛所移日臻於上達不獨無見異思遷之弊抑且業愈精而學愈成矣

古人用功即所見所聞隨處體認到自己身上刻加勉戒故多成端士偉人後世耳目非不聰明而於見聞之可益己者每不留意不曰陳言即以為無涉於我安得身心有切實工夫耶

隨筆

二求懇齋

蓉鏡案身心之益莫切於四子書習焉不察故終身由之而不知其道也

學者之懲忿窒欲即使八戰八克終懼冷灰之復燃倘其七縱七擒必至狂瀾之橫決直是一刀兩斷方是澈底澄清

蓉鏡案孔門七十二弟子獨許顏子好學而條其目曰不貳過非至健無以致其決也是在善學者

禮記開章毋不敬一句足統全書敬字是聖賢要領一時離不得一事少不得試思祭神祀先其時心思容體果是何如即素習不端當叩拜亦必加一番整肅若能

擴充此心便可成一世正人

蓉鏡案朱子答李守約云敬齋箴須臾有闕豪釐有差須臾以時言豪釐以事言此云敬字一時離不得一事少不得正與之合竊謂祭則整肅過此則否者暫易而久難也故學貴貞之以恆

讀書人修身立品言行不苟絕無殊特一毫用不著雕飾而卻比奇功異能更不容易

蓉鏡案聖賢可望不可即正在此人心著不得高亢以之為學必不純正處事必失和平待人必多傲慢總是聰明自恃之過

隨筆

三求懇齋

蓉鏡案易道尚謙雖在乾之上九亢且有悔況其他乎故曰天道虧盈而益謙人道惡盈而好謙

聰明遠勝愚拙一任意自為其患較愚拙更甚遂使天賦之美竟成作惡之才故聰明不可誤用

蓉鏡案聰明者天之所畀而親之所生也誤用則負天負親矣可不戒與

巢父洗耳以鳴高子以為耳其實也其言已入於心矣當剖心而濯之陳仲子出哇以示潔子以為食其渣滓也其味已入於腸矣當剖腸而滌之

蓉鏡案卑污可鄙則高潔可貴然有鳴高示潔之心

則亦爲人之學耳君子無取焉

節慾以驅二豎修身以屈三彭安貧以聽五鬼息機以弭六賊一心爲主百病皆除

成人之道從幼學起卽須自己用力一世完全豈是容易人要做得好纔是人不得隨意亂做

詩大雅云不識不知順帝之則斯語最妙天地間道理隨在自然聖賢亦祇是循途守正不逞知識人但以無知識爲患卻不解不善之患半皆由於知識之誤彼才知好用事者宜理會此童子粗曉事者更須慎此

蓉鏡案循途守正不逞知識擴充之以至乎其極卽

隨筆

四求恕齋

毋意毋必毋固毋我之境也

多一分世情少一分眞性添幾許偽貌減幾許天機

蓉鏡案周子通書四十篇一言以蔽之曰誠而已矣

父母育我小我養父母老心抱春暉猶寸草前程有時到日月捷於鳥莫道喬松垂蔭好拈此數語後生猛省

蓉鏡案讀此而不悚惕於心者非人也然使悚惕於一時猶之不悚惕耳

常人愛親每不如切於愛子及子復生子其愛亦復如是

是何不以保赤之心轉用於養老耶
蓉鏡案親之愛子甚於自愛其身難言之隱每不忍

令子知然心誠求之雖不中亦不遠矣惟善養志者乃能視於無形而聽於無聲

能知孝親諸事承歡切不可稍存腹誹有心敬長隨處循禮更不容偶以志驕

蓉鏡案不腹誹而乃克承歡不志驕而乃能循禮然志乎承歡者唯恐不當於親心而忍腹誹乎心乎循禮者唯恐獲戾於長者而敢志驕乎

謹言自寡言始慎行自細行始存理自檢心始遏欲自學念始

人之是非於我無涉人之毀譽於我何加

隨筆

五求恕齋

蓉鏡案古人爲己之學當不過是

與亢直者語妙一讓字與陰柔者語須一慎字與富者交守氣骨二字與貧者交戒勢利二字

極非理事卽是禍機且忍受方能安常弭變極快心事最易湯志不誇張乃善保泰持盈

常恐己錯乃眞小心能受人嘲乃眞大度

蓉鏡案小心大度交相爲用旣不失之拘亦不失之蕩矣

造車合轍處眾合羣而合羣最難有可合有不可合二者惟交接以禮和平處之可耳

錢之爲用流通其體外圓內方處世悟得此義萬方於圓不露圭角隨在可無滯礙余歉未能也

蓉鏡案此卽古人內介外和之義

偏好偏惡家庭生玩心過賞過罰僕隸有私議惟明與公乃馭下之要道

蓉鏡案治民治兵皆當如此不獨家庭僕隸也

泥一人字於眼底便多周旋多隔膜處泥一我字於胸中卽有私心有執意處

如衡如鏡如水如冰古人妙比心體然總是道理透明不著一點私意卽此見心體最爲難治

隨筆

六求恕齋

蓉鏡案程子云心有指體而言者寂然不動是也有

指用而言者感而遂通天下之故是也竊謂用根乎

體猶影隨乎形圓其形而欲方其影也蓋難矣

涵養驗厥淺深在犯而不校寤寐質諸天地只行之以

忠

謂已智足以欺世而終輸愚者夢寐之安謂我巧可以勝人而陰予拙者身心之逸可見逞才使氣疲力勞神

不留餘地以處人皆智而愚巧而拙者也

名心太盛多爲所累惟善於退藏者能完其璞

蓉鏡案程子曰學者須是務實不要近名有爲名與

爲利清濁雖不同然其利心則一也喻於義斯能完璞矣

人第當盡人道而已古來達者看徹始終辨明輕重不立異亦不妄求

蓉鏡案鄙意嘗謂處世之道毋縈情於華靡毋矯俗以干名讀先生此語於予心有戚戚焉

宋太宗謂呂端小事糊塗大事不糊塗此善識人俗士居常瑣碎苛察營心細務固緣氣體不大度量不寬實

則小事不肯糊塗耳

蓉鏡案此尤爲居家御下之要訣釋名引里語曰不

隨筆

七求恕齋

瘖不聾不成姑公今江淮間諺亦與此略同瑣碎苛

察乖而渙矣

天子我以精神保養猶恐易耗親付我以肢體鑿喪卽

是辜恩

至道何奇平常中一生行之不盡良心易昧本分內隨意失之甚多

色貨兩關欲求打破須先治心情理二字稍不分明終是昧己

十五國風半紀男女善惡不一其類有令人生敬生憤可憫可鄙者門內所爲千古不能掩飾誰謂隱微中不

勿亂爲也

蓉鏡案大學中庸併言慎獨慎獨之功在思無邪孔門授受心傳莫切於是

火之旺氣以水制之烈燄不起心之欲勃發猶火也性之理澄澈猶水也亦有明理之人欲動時將遏復縱實緣心之情勝故性之體蒙猶水弱莫能剋火也惟本性自恬初心自定凡事在俗情看得火熱我以冷眼覷得水清有何濃致可貪可戀妄想妄爲通書云淡則欲心平正持身涉世把穩立腳處識此不但除胸中許多葛藤且不沾身邊一點塵垢古來偉人達士大事業真人隨筆

八求恕齋

品其始有不從淡字得力者耶

天朗氣清惠風和暢萬物春榮正由於此若烈風疾雨豈常度乎人之性情舉動須善體此義

蓉鏡案天朗氣清惠風和暢濂溪明道康節三先生皆有此氣象

大易惟謙卦六爻皆吉可識處世之道謙字从言古人造字原有精義吾輩言易失檢特爲拈出

過爲嚴急人得以順欺之不喜直方人將以詭毒之意自滿者其局量必不大樂人諛者其交際必不真行不顧惜人之廉恥在己之廉恥先虧事不檢制己之

性情取人之性情難協

以理往不以理來曲自在人可情恕不必與較以理來未以理往直不在我須心慚切勿飾非

聖賢嚴辨人品吾輩正以檢身在世途交接御不可貌言閒過分涇渭立崖岸

蓉鏡案不徇俗不絕俗庶幾得之

甯與君子爭不與小人較偶值小人羣淡若君子交陰知其否陽以正人禮之彼亦自顧體面向我飾爲正人不遽試其伎倆觀郭令公與魚朝恩事可類推矣

蓉鏡案寬以養之或且化枉而爲直矣

隨筆

九求恕齋

遇人愚拙更勿使奸弄巧有時韜晦正可學啞妝聾啞聾台一時權宜奸巧成小人心術我自有才何妨讓一步

逞奸巧之才不肯作啞聾之態其惡屬陽不必盡是小人假啞聾之似適應濟奸巧之謀其惡屬陰此等多非君子人類不可不知我心不可不慎

蓉鏡案上條聾啞爲韜晦計與飾詐者有別讀者當參觀之

諸葛武侯生平許大事業其自信惟謹慎二字深得聖人臨事而懼兩言之義足見事功越大才情愈恃不得

即放膽處莫非出自小心後世才人多以謹慎爲畏葸無能故因大意疏失者不少

不自居才善納羣才是謂全才不欲使才從容見才是謂大才不輕露才能讓凡才是謂高才動輒用才傲視無才是謂小有才凡小有才者多流爲悍才而忌才者亦屬庸才

攘人之有以益己蔽人之能以顯己稍端方者不屑爲祕己之有以吝人挾己之能以傲人具才技者須知戒兩晉士行少實際疏略放達者多是以眞讀書人自有名教可樂不浮慕名士之名

隨筆

十求恕齋

學不宜作畸士行徑染流俗情態落禪門氣習

大學言知止是緊要關頭然知一誤必終止於歧途卽如釋氏不肯勞心僅以定靜安了事儒道卻實有得止處人人能到只要眼明心細腳穩

蓉鏡案止於至善則不至誤入歧途矣

劈空從中間下手祇誠意正心兩事儒學不蹈虛空起從格致由漸而進何等切實正大士無聖賢學問心胸徒以漲墨虛鋒賣弄闢異端之名於己何益不如準著聖道自己盡力爲之但得一二開示後學此卽不關之

關

蓉鏡案此謂釋氏舍格致而言誠正韓子原道則譏釋氏外天下國家而治心二說義互相備

釋輕人事將身看得小儒重人道將身看得大釋空虛把持尙有苦行之人儒切實有爲卻少眞修之士人爲俗移富貴聲華機心外用何道學之難作也願有志者且認著大路步步蹋實行去

良心放失既不急於雞犬之求天理幾希復自縱其牛羊之牧而人也遂物之矣

天下事無取乎兩全也欲兩全必至兩傷惟裁之以大義勿參之以小慧斷然而必行之可矣

隨筆

十一求恕齋

剛柔相濟爲用從來剛不勝柔柔之害亦剛之太過使然歷觀漢唐君子每受小人之累剛不能容柔偏撓之剛不相下柔輒困之勿以柔可力制使剛不留餘地也石性剛水性柔石不順水勢水與相角無風尙少波瀾及水大招動風浪莫衍擊排水將有以制石若石堅固屹立鎮靜處之水受制於石矣可見剛能勝柔必須持守得定隨勢禦變乃無壯往之患

剛爲正氣過當則成戾氣故剛不盡屬君子柔近陰謀用正亦合善道故柔不盡屬小人剛柔得宜君子有常剛柔互用小人可制

容鏡案周易六十四卦凡二五爻剛柔皆無凶象以中故也

頑石之中良玉隱焉寒灰之中星火寓焉是以君子不輕量人不輕棄人

己有能人亦還有能處人有錯已未必無錯處處見己能其行事可知處處見人錯其居心可知

持身莫善於謙涉世亦莫善於謙君子之謙非老子守雌守黑之術也

方正是一定方位目為拘板此就俗情相形第欠圓通耳然以圓通討便宜諧取容捷徑爭先其得意亦是

隨筆

三求恕齋

時命若盡屬人巧彼強勞心力枉失身分反生事端者又是謂何人只要守定時命二字安我本分不失己亦不失人何嫌拘板

處世固不可孤立切勿濫交

凡事只顧外面好看內裏實際差些不妨遮蓋此情所以假心所以偽也樸實到底老到

漢昭烈帝云勿以惡小而為之勿以善小而不為誠治身要言易繫辭云以小善為無益而不為以小惡為無損而弗去已深抉出小人情態明白顯示而人不悟一謂為之無益此從善所以如登也一謂為之無損此從

惡所以如崩也輕小失大舍善作惡總是心昏只圖眼前隨意

為善為惡起於片念分於頃刻但圖一時不顧終身快意無多喪心實甚品節即虧偶不知謹悔何及矣慎之戒之

容鏡案一念之動人禽之分也可畏哉

內外肅清要從無私做起家庭和藹應自交讓生來男子不可偏聽婦言尤不可任婢僕多言若縱其言即難免無心偏聽處因而喜怒賞罰人皆議我又甯必骨肉親友間無猜疑嫌怨藉端於此者

隨筆

三求恕齋

士庶家易治仕宦家難治人眾勢渙一人耳目多有疏忽最易受欺事雖不必苛察切不可輕聽輕信一味顛預全在平時留意眼要明心要細耳要硬氣要平豈非難事

家生賢子有賴母而成偉人者古來甚多家出敗子亦因母而致不肖者近更不少總由其母過慈始而溺愛繼而隱忍終又代為掩飾恐其父知則子之罔上行私左支右吾幾似幼時母教之矣婦人識大體愛子以正者斷不姑息余故曰家有嚴父不若有嚴母

有兩露卽有雷霆以振作之有禮樂必有刑罰以整齊

之仁寬義嚴體應如是人固不可過寬致優柔玩忽之弊然亦不可過嚴成寡恩刻酷之行

人生歲月極言不過百年幼小無知遲暮衰老惟中間數十年是努力學問事業之日而有用光陰又易因循過去勤心奮志尙恐不及若不念父母生我養教劬勞身家係我責任重大以易耗之精神供無窮之嗜欲壯年難恃壯年可惜樂極苦生衰將老至蒼蒼在上能復假之年以遂其私耶讀書少年萬勿自棄

天道惡盈聲名過盛者末路易衰人不相忌已必自滿也俗情望奢門第太高者後嗣難繼已稍有差人多生

隨筆

西求恕齋

議也聞譽不可恃盛宜慮危祖宗慎無忘高須防墜

少小瞻依父母雖受斥責依然親愛此卽天性真純處能終身不改此心便是孝子

稍明道理誰不知重父母有誰能孝父母尊奉之外事殊少肫切習爲故套亦天性之薄也履危涉險背義忘恥因利致禍因忿生事此又輕視一身不顧父母之人也知體父母愛子之心不敢稍致錯失有虧有辱乃可與言孝故聖賢以守身爲要道

弟兄不睦使親心不安甚非子道不獨失手足友愛之義詩云雖有兄弟不如友生此傷心語非憤激語

蓉鏡案此與父母其順矣乎義正相發其論詩語尤足補先儒所未及

氣質性情心術人各不同何能使兄弟與我一樣若以此不投遂生嫌隙致傷和氣真是至愚須知手足一體各盡其道強者傲者我心容讓拙者懦者我力扶持居常言語切勿徑直自然和好

蓉鏡案兄弟義主怡怡與朋友切切悃悃有別彼兄弟弗協者其始由於一言一物此爭彼競各不相能因而互以爲非遂漸成鬩牆之讐詩云式相好矣無相尤矣容讓焉扶持焉此善言相好者也

隨筆

五求恕齋

手足親愛人生樂事試看人家單傳欲求手足相倚竟不可得倍形孤子猶交結異姓之人以爲伴侶乃有兄弟而不知親愛耶杖杜之詩所云獨行踽踽是何情狀願有兄弟者一靜思之

事無大小一到心頭猝難遏抑此是中無裁制若懲忿窒欲當下又須直截胸中不得一毫黏滯要在能忍

蓉鏡案涵養於平日省察於臨時斯能忍而有制矣忍能守義不忍又可行仁忍時虐物不忍又多債事忍與不忍要在人已間酌其情理庶幾忍不流於殘酷不忍亦非姑息

何謂至行曰庸行何謂大人曰小心何以上達曰下學何以達到曰近思

收吾本心在腔子裏是聖賢第一等學問盡吾本分在素位中是聖賢第一等工夫

親友囑託之事無論輕重大小我能爲者任之可行者允之必卽著意要始終有照應否則不必勉強順人與其隨口應承空令人終日注盼何如婉言明說使其絕望猶可他圖不誤人事若祇恐當前拂意不便決絕姑爲緩頰則他日令人失望不更甚於今日耶

隨筆

六求恕齋

吉一而凶悔吝有三動誠不可不慎

學者讀書非徒爲功名計也卽欲顯揚二親要在深明道義端正品行其他聽之時命身居貧賤時如僅希圖富貴便非偉器

君臣分嚴義重不得視爲常談但想均是人也何爲頂帶榮身廉俸養家一命之榮已異尋常顯宦則加厚貴重如此優待惟望人臣誠實盡心辦事耳仰戴高厚恩同父母卽竭力奉公祇是盡職循分未足言報

任才逞事貪功多事刻酷生事姑息緩事皆宜深戒事無益民不必拘於具文事不便民亟請汰於上官興

一利不如除一弊外宜嚴尤知內宜寬命盜勿武斷爭訟勿瞻徇家人胥吏勿縱容至親骨肉勿重用

殃眾人以庇一人何如去一人以安眾人牽他事以制此事何如嚴此事以杜他事

耳軟輕聽人言讒口易張氣傲不許人言眾情難達二者皆於事有害

若鏡案有主則不信讒言虛衷則能納嘉言功在去私

仕宦較常人易爲善亦易作惡一言一動無意中施爲卽有行仁全義之機當時漸被其澤無意中作踐卽有

隨筆

七求恕齋

傷天害理之處使人隱受其累幾微所著關係非輕善惡分明自己不覺況有心任意者乎

人性褊急則其氣盛氣盛則其心粗心粗則其神昏其處事也不能再思其與人也不能三反其治家也不能百忍乖舛謬戾可勝言哉謝子曰克己須從性偏處克將去倘不能變化氣質則苦累一生矣

若鏡案讀書變化氣質東萊呂氏一生得力於此富貴不淫必貧賤不移者始能之

若鏡案飯糗茹草若將終身被袵鼓琴若固有之周子通書云見其大則心泰心泰則富貴貧賤處之一

也蓋本無富貴貧賤於其心又何有淫與移之云哉
上古純任天機後世多用心機聖賢不恃心機存心祇
在正大處庸俗過逞心機用心每在低小處

親恩罔極母恩尤重懷胎數月動履困苦將產性命相
關產則乳哺裸抱爲子食己不安食爲子寢己不安寢
疴癢疾痛撫育焦勞飽煖飢寒斟酌照應長則時望成
人切計其名利代慎其交游至家常細事又以愛憐不
忍責備而一身調護之擗搯之此何等周到何等真切
一生心力盡爲子憔悴矣子而知禮亦只問寢侍膳循
些具文卽或有以娛目己昏花有以適心心時疲倦

隨筆

六球恕齋

曾亦思昏花疲倦母快意否耶况母勤勞門內謹守坤
道諸受拘束愁思煩瑣不勝言傳晚年所望子能體貼
苦心百凡順意稍慰劬勞非徒具服食玩好常禮奉之
爲克孝也若朝夕情懷意念不與相關而曰吾能養母
則以較母之待子其心之厚薄爲何如有負母恩良心
安在

蓉鏡案言言肺腑字字淚血夙聞先生篤孝行於此
益信誰非人子誰無父母讀之而不激發其天良者
先生之罪人也噫

桐齋隨筆

辛酉季春

力二三齋詩集

道州何維樸書



南	林	劉	氏	求	恕	齋	刊
---	---	---	---	---	---	---	---

擬上 國史館儒林傳稿 寶應成 孺

孔廣牧字力堂承其父贈太僕繼傑家學於青靡不窺少時著漢石經考異禮記天算釋禮記鄭讀考先聖生卒年月日考諸書詩學建安黃初兼工倚聲有石帚遺意亦時為駢儷文二十以後乃一切屏棄從事於務本之學近裏著己以真知允蹈為歸作實踐箴以自助性孝友太僕工詩古文善學稟書襟懷灑落不問家人生產廣牧年十七即襄理家政五服內之族人多貧者父由清河一一招致之飲食衣服各遂所欲皆廣牧質劑中來而絕未嘗令父知也太僕死軍中廣牧思復仇而

史傳

求恕齋

不可得應陳總兵聘於宿遷道出山陽異母姊以貧困告篋行一無長物遂解裘以贈時初春寒冽甫入戎幕賊騎腐至衣薄絮登陣七晝夜感寒疾卒未三十嘗與同志纂

大清學業未卒業所存者目錄而已

孔廣牧傳 附姚江毛鳳虎

寶應潘詠

孔廣牧字力堂曲阜聖裔也家於寶應父繼鏞丙申進士遊德將軍幕師潰死於賊祀昭忠祠廣牧以難蔭入太學年二十有六年初廣牧生而能言母以穢物食之遂哢笑與常兒等年十五六與詠及姚江游于心巢成先生之門以齒詠差長然江以沈潛勝廣牧以明決勝詠適時孩稚無所長也廣牧受先生學著禮記鄭讀攷漢石經攷異大清儒學案目次甫成未卒業又攷先聖生卒年月日博綜羣說彙爲一書大約廣牧之學不立門戶能事實求是而亦不廢言理于詩喜建安黃初兼

合傳

一 求 恕齋

工倚聲有石帚遺意亦時爲駢儷文皆散佚不多見內行極厚五服內之族人多貧者父由清河一一招致之飲食衣服各遂所欲皆廣牧質劑中來而絕未嘗令父知也卒之歲應陳將軍聘于宿遷道經山陽其異母姊以貧故語廣牧廣牧篋行無長物時初春寒冽遂脫裘以贈甫入戎幕賊騎大至廣牧衣薄裝登陴七晝夜感寒疾卒先是廣牧夢其尊人來告曰我死于軍爾亦死于軍至是果驗人以爲忠孝所感云江聞廣牧卒招詠哭于野撫其孤如平生江故宗陽明之學尤好濟人利物若天性者然操履篤實不空言名理年三十一以療卒

江字子立寶應諸生廣牧之友又有甘泉毛鳳虎者字炳華少孤家極貧其母售鍼帶以資其讀長有俊才願好學彌厲甲子舉于鄉爲里塾童子師以館穀養母不以貧故干人其詞旨溫雅無所譏彈而自不諧于俗蓋其落落之致有非世所企及者以故人益疏之值歲歉鳳虎嚴冬無襦袴得食則供其母已日糜一盂益閉戶讀書與金壇馮煦以名節相砥礪自其先人卽寓室于寶應丙寅春自甘泉至寶應餓數日不能興宿疾聞作遂卒于舟中卒之時衣短褐手漢書置枕畔聞者哀之

合傳

二 求 恕齋

之生人惟庸眾與達人之別爲最重世之食梁肉享期頤者不可億計而于三君者獨畀以文學足以自表見又與之以至性足以取重于後世天之待之不可謂不厚矣必與世人較絮區區修短哉

題辭

題力堂遺集次夢華韻

成孺

一編留得故人題
迴首琴樽倍慘悽
十載青藍千里笈
百年金石五更雞
方期詩膽驚神鬼
何意春風入鼓鼙
落月寒榮未終卷
慈烏惻惻盡情啼

檢力堂遺稿追憶壬癸舊游賦此示顯弼

馮煦

一從塵篋得封題
回首前游重惻悽
破屋秋聲哦病鶴
廢祠霜色壓荒雞
相逢苦語親燈火
不分勞生厭鼓鼙
今日傳經真有子
遺編在眼不須啼

題辭

求恕齋

勿二三齋詩集目錄

蟠陸謠 辛亥

題劉珮卿丈海門觀月圖

喻志三章 甲寅

有所思六首

擬行行重行行送劉叔俛之三河

贈潘伯琴 乙卯

贈姚子立

入都寄伯兄十首

春野五首用杜陵秋野韻

詩目

求恕齋

雪

物理

述學用靖節述酒韻 丁巳

進學用靖節止酒韻

伯兄于役天津京裝之夕賦此言懷

寄懷伯兄京師

贈鄭贊侯四首

贊侯生朝賦贈

十月二日集飲且巢壽周還之出城觀湖分得隨
字兼簡陸幼銓江漱芳鄭贊侯

寄懷漱芳用靖節和張常侍韻 戊午

寄懷贊侯九首用靖節擬古韻

春日寄成心巢師七首 己未

懷心巢師用靖節示周續之祖企謝景夷三郎韻

奉和心巢師賜章遵用原韻

再疊前韻

用靖節還舊居韻送王甘巖外舅返宿遷

甘巖外舅用和陶奉餞韻留別再疊前韻答謝

三疊前韻呈甘巖外舅

聞杭城失陷 庚申

詩目

二求如齋

零丁苦三章 辛酉

阻雨不得歸柘塘用少陵阻雨不得歸灑西柑林

韻兼酬吳稼軒丈

題楊硯雲司馬課耕圖

海陵晤李冰叔丈夜話率成三章

冬日集劉子固齋中得老樹半空腹五字戚戚若

觸我痛處寫心為此

歸鴉 壬戌

還之僑寓吾廬招同人集飲送余北征分得紀字

勿二三齋詩集目錄

勿二三齋詩集

曲阜孔廣牧著

吳興劉承幹校

蟠隆謠 辛亥

黃河浩然星宿來千里萬里驚奔雷峻防厚力順其軌
那得平地生崩頽徐州之野天何尤九年前轍如中牟
生者漂泊死沈浮牛馬為泥沙雞犬棲樹頭新豐沛上
不復辨漢高魂魄悲哉遊大官聞之震肺腑往勸人流
離半路生疑阻共說澤中之鴻雄悍如豺虎吁嗟乎民
果豺虎邪哀哀淚如雨

勿詩

一求想齋

題劉珮卿丈海門觀月圖

小不能詩講詩律不能讀畫求畫骨一日劉丈攜畫來
畫中有詩境軒豁我疑畫者為愚公移山入畫窮毫末
煙雲盡樹幻晴暝魚龍噴浪作凹凸夜氣橫空星搖搖
天海蒼蒼暗如墨三山神人走混茫百族水靈恣恍惚
此時詩人不能歌好手能畫亦攔筆天公游戲匪所思
海門銀毫吐一髮山僧夜半疑天明拍拍嘖禽起林樾
銅盤如火照人衣遊者懽呼慰飢渴南望象山如老人
偃臥不起醉兀兀北望平田三萬頃袈裟之衣鋪水闊
西望金甌相向來雲表浮圖隨出沒翹首圖山天之東

海之堂與此門闕怒濤猶作金鼓聲今日昇平靖捷伐
遠難老漁聞浩歌衰白不離江之瀨人事悠悠總不知
起罟中有魚潏潏劉丈英異不世才勿學懶鷗學俊鶻
凡鳥啾啾待擊搏何時一洗青天月

喻志三章 甲寅

萬理靜中得今古孰賓主竹石空山妍金玉眇何處天
地一陰陽悲喜幻寒暑不識謔者心欲語千齟齬山川
結秀氣不與我為侶欲樵有岡陵欲漁有洲渚振衣出
塵俗海外好煙嶼撥雲眠蒼霄風雪勿予阻

勿詩

二求想齋

生十七年太古同蒼顏中夜宿何所松壑波潏潏

言邁大河湄車馬競追逐不耳衛人歎焉用哀其俗操
我獨絃琴高唱心中曲吾人厚天貺雖薄亦云足麟鳳
憩空山大璞多寶玉

有所思六首

中夜微風颺習習動窗紙曠然有所思胡笳鳴忽止
坐人覺衣單徘徊復云飢披衣起長嘯舉首明星稀
征人各自媚亦各同滋味征人各有心辛苦當誰謂
我念征人苦酸辛如在我在我且酸辛征人無一可
老鴉忽驚人哀哀枝閒嗚鴉嗚無林致振翼而高棲

人生本如夢如夢各新異問我何所夢我夢猶醒未
擬行行重行行送劉叔俛之三河

行行重行行大雪長安道河北賊未平辛苦當誰告
不戀所親知子憂如擣萬里此明月去住一光照天風
在枯桑江上吹蓬葆大地際烽塵闔戶幾溫飽東海有
鷗鷺煙水尙相保送子輾轉懷一睇百顛倒黽勉充閭
書歲寒各持抱

贈潘伯琴 乙卯

潘子有真氣獨立與世異不役人所役不事塵所事淮
海地東垂鸞鳳從天墜門臨一溪澗濯纓喻深意執手

勿詩

三求恕齋

各長嘯子復潯焉淚在子睫我嘯豈兒戲願爲雙
士鼓不侶球琳器我身厠困勉愚闇亦天賜子善讀奇
書乃不可一世努力共加餐物外看榮悴

贈姚子立

儒術委榛莽詩書今可憐古人重交遊彌久而彌堅水
國天東頭姚子偉哉賢既見寡言笑執手相歡然賤子
百無成頗復謝狂顛落落中有慧高不流爲仙師心崇
道義努力躋雲巔出處不可齊湖水凝荒煙

入都寄伯兄十首

驅車出北門我馬何英英一夕遠井里日月相與行南

望多白雲惻惻遊子情青靄阻其際雷雨蛟龍爭烽火
久澤國有夢愁笳聲拜跪別父母歡笑辭伯兄兄言行
之漸鞞迹皆浮萃男兒重弧矢茲別陳干旣

寸岡地之生尺阜天載育百里看泰山卑小平川陸登
彼封禪巔不見會稽竹俯視內傷心今日肥城宿

偶遲脂秣候月午正奔走孺子辟揆跌驚以呼父母稚
語愁人腸車聲墮榆柳

祝阿有飛橋溟梁古所稱雲根入虹氣千丈通與乘大
河決于穀梁沈風水分流匯一決淮泗歡喧騰我來
不可過泡深天龍興官吏利行役威怒競相能

勿詩

四求恕齋

左手執紉素右手提篋筥上山采蕙草行行蘼蕪所終
朝得一握筥打當誰貯置之紉素中江月吾心與

明星垂爛爛喬松叢冢邊白露溼塵衣遊子難爲前好
友酌我酒高說玄中玄一語并千嗟四海多腥羶荒澤

走麒麟中墟塵颯眼

夕度魚君陂二里蓮花泊越越序沱河湯湯任邱郭姪
女年十五鳴箏來相索不道姓字誰再拜獻金爵時或
出素手理我冠纓錯眇焉一再顧顧我良匪樂踟躕旋
中庭君子胡巖虐翻焉涕泗垂嗚咽語聯絡

山上復有山昏昏連天漠溼霖挾風石旁皇成浩瀚沮

迦斷軸輻舫人笑愁歎大道復何存趨捷求津岸
千丈土埠長白骨鮮狸食野草一灰燼滅僕心爲惻塵
里萬人家傾圮存鬼蜮將軍立大功殺賊斯民德
鷓鴣棲蓬萊相識青瓊枝螻蟻營其封穴戶陰雨時賤
子不事事止車無所之出門復何有九逵駝馬馳長風
吹萬里寄我心相思

春野五首用杜陵秋野韻

平野綠春蕪高歌擬步虛希夷留睡洞禦寇識歸墟采
藥自肩鋤看雲忘荷鋤溪山塵不到一枕夢維魚
黃鶴來天際終當與世違武昌樓尙在仙客月中歸玉

勿詩

五求恕齋

液聊同醉清江覺昨非赤松傳辟穀長謝首陽薇
五嶽俱遊竟悠然有向長關門瞻紫氣斗柄散瑤光劍
外東方朔壺中費長房重霄最高處玉宇下天香
簫弄春陰碧丹明澗底紅手揮吳會月身御冀燕風絳
老閒心遠青娥寶髻同瓊枝琪樹裏翔步上清宮
神居依弱水不與眾峰羣道人閒在仙其海上聞寸
心千丈雪萬古一浮雲俯見塵中劫應馳太乙軍

雪

大風來西北挾雪蕭蕭行童子戲不識舞蹈歡相迎深
山淚虎兕大海涕蛟鯨世人本磊落何用天光明衰長

有至理冬凋滋春榮但求四海內同日銷戈兵

物理

物以質而古理以平而奇春風無偏私春雨無差池

述學用靖節述酒韻丁巳

讀書二十年今日何所聞自維湖嶽崢升降心能分古
聖不可作逝矣如歸雲萬卷列几案誰者窮典墳小子
達人裔愧茲昏復晨繫我十齡時矯矯難爲馴十二弄
柔翰文字修其身十四學擊劍十五丹鉛勤博約範良
師動息規嚴君十七行未庸被德不自薰十八試京兆
深恥爲空文天人窮膠西繼續推河汾千載起五子絡
繹而離紛履躅各深淺嚮往無疏親天末有雲日勉旃
盡大倫

勿詩

六求恕齋

進學用靖節止酒韻

跋烏辰極游層諸不肯止飛禽有好音婉轉秋花裏清
齋擁百城開卷惜餘子餘子不自苦念之心無喜牧也
拙誦讀飽食而晏起舉足動違道撫心昧達理七尺託
天地將焉不失已一夕復一朝惘惘斯已矣願言大江
水滄海爲津埃再拜告蒼巖努力謝來禩

伯兄于役天津東裝之夕賦此言懷

不在懷悲境何知于役難出門卽道路贈語策飢寒

車輪似鹿盧萬轉陽山曲陌頭新柳枝依依爲君綠
祖道饑遊子父母心在客九折度峻岡萬頃涉荒澤
寇人與習不聞話戰征江頭春風多悠悠吹旆旌
臨觴強詞詠離愁百結堅海門浮島嶼北望波連天
寄懷伯兄京師

初日照林樹離離開清光思我同懷人遠役在他鄉月
望暑煩溽月晦秋風涼殊域異氣候食息當有常我兄
歲躋壯十載勞川梁宦豈救貧術君子聊行藏一世向
華簪經濟匡

勿詩

七求恕齋

唐職得禮

天子啟行趨朔方浮家近軍壘在別心惶惶出門五閱
月殘虜垂覆亡大喜此江淮萬姓豐稻梁告兄其無憂
宛轉兄之旁在夢不知夢上國開太行旅館饌疏食呼
弟前同嘗街頭市美酒拙飲歡盈觴相思忽已深下堂
還上堂天末雙黃鶴北翔而南翔射胡千白鷗聚處波
淼茫安得百畝區四種榆柳桑中閒結茅屋餘地耕無
荒仰事我父母兄弟時同牀開門對崇嶠激泉音鏗鏘
東流注爲溪可以釣鯉魴其巔產萬綠閉道森修篁詠
詩閱良夜誦讀承朝陽勉懷契周程蕩法輕莊楊此樂

世所有此願殊未償昇平卽來日且復走遑遑離索百
歡感念君何能忘

贈鄭贊侯四首

邂逅承清暉白日冬融融一室結綢繆聲氣鳴春蟲松
蘿太古長纍纍高青葱夜烏相錯止星漢連西東松枝
比翼巢熠翕生和風

雙鶴天地飛江海悠且長萬類浩煦育矧自能翱翔一
朝得聚處明月空筠管筠管無冬夏蘭蕙無異芳

猗歟我伯兄羈宦天一隅同牀而同學往矣多歡娛軍
笳動地來憂思絲青蕪夫豈無儔侶晨風颺八衢得子

勿詩

八求恕齋

爲我友溟池鵬不孤日月朝夕至嘉會良所圖康莊在
門闈慎勿棄駑駘

荆襄叢醜夷都野蘆幡幟之子奉所親高足走淮泗安
宜侍游蹤退密潛光粹再拜師我父秉心朔正誼一世
美簪纓青驪黃金轡閭然飽中腸百體無不遂今人而
古彥祇服視垂璫閩洛莫心目毛髮惕情僞

贊侯生朝賦贈

鄭子河嶽姿高步起儒囿弱冠氣深靜天與東南秀侍
居清淮流開門向清晝合簪異徵逐譚藝互研究偶值
懸弧辰樂羣託醕酌三楚方用兵五載未弭寇士動關

模糧馬不飽芻豆上下困損益補救滋罅漏天心豈其
然民氣誰與復我年後於君慨直喜相副終惟迷陽吟
合讓雲咸奏離離老鳳聲奕奕德門肖還以東海觴持
此北堂壽

十月二日集飲且集壽周還之出城觀湖分得隨字兼
簡陸幼鏗江漱芳鄭贊侯

濂溪貽清芬令胄翔高姿兵火蕩建業徒步還安宜桑
梓等羈旅單寒誰與持不有同志樂曷以存流離士衡
亦無家入洛非其時江郎生花筆嶙峋孤且悲循循通
德彥幸脫黃巾危一一異鄉子今日咸在茲舉解一日

勿詩

九求恕齋

長老成兼友師懸弧值令辰將心前致詞男兒不稱意
厄酒安足辭痛飲不能醉言適城西陂大湖震落木雲
物寒空垂蒹葭萬千頃短鬢霜風吹吁嗟昔平世水木
藏清奇戰聲通我懷誰能娛以嬉小子奉末眷異體聯
頃篋驚寒自鞭策不足相追隨行藏各有向道路平無
歧肝膽矢白日百年扶蔽虧

寄懷漱芳用靖節和張常侍韻 戊午

一雨醒萬綠幽澗鳴新泉眷眷思友生有語當誰言平
生愛靜坐動鄰人事繁媚俗獲古恥修德蕞世愆安得
赫然立巖峻如南山江流折不轉有往無復還植身唐

虞上忍爲篲笏縹冰雪滿懷抱隨遇歡長年伊尹聖之
任進退靡所遷感子接我厚申詞心浩然
寄懷贊侯九首用靖節擬古韻

青青園中英蕭蕭大隄柳春風二三月今日別已久獨
坐心悵然遠道隔良友良友在遠道且酌杯中酒酒旨
不能酣恐令壯懷負尺素達千里與我良愛厚行行君
假歸相見夫何有

四海生別離結歡無始終阮公睨一世忘年友王戎管
鮑斗符人均金爲世雄東京俗澆薄朱穆迴瀉風矻矻
昌黎子得友恆飢窮真偽孰能辨一一塵霾中

勿詩

十求恕齋

明星燦天上月落城南隅金風動地軸秋高商氣舒鴻
雁翩南翔蟋蟀鳴我廬疚心起長夜荒嬉徂燕居蔓草
不翦芟平原覆已蕪出門四向望潛躍夫何如

安宜湖水清西山寒雲荒際離不相見風雨君子堂展
轉夜無寐戍角吹蒼茫江漢千里波兩岸多戰場豪俠
并州兒敢戰薤北邙腐儒百無用坐論空激昂子行冠
京兆範世神員方勿爲榮名趨令我心憂傷

識卓理斯燭氣靜神乃完爾我清門裔少小冠儒冠政
治述禹稷心性懷曾顏大言古所恥豈能常閉關會須
凌晨風垂翼青冥端一誠布剛柔遑恤人譏彈子爲荆

襄鳳我爲東山鸞百年不我遇在賤能飢寒

書堂三五楹上帝式鑒茲昂哉七尺身珍我難得時草
不掩薰蕕水莫辨維淄至理本一軌遵道謝百疑賞心
契虞典况懷詞楚辭身抱太古雪檐焉扇所思世人錮
靈明傑傑能天欺天人一其路旁鶩將安之敢告同懷
友爲誦無聲詩

絃瑟五十絃黃鍾温且和佳人豔南國廣以清廟謠師
曠去我久雜選新聲多土鼓沈其質脆竹揚其華小子
釣天遊掩耳將如何

勿詩

七 求恕齋

屋玉階除瀛海天上海員嶠生紫煙平陸無墳邱形骸
有不死達生胡莊周長虹冥其象雲物予何求

江上芙蓉花灼灼人爭采芙蓉媚秋陽今日爲誰改念
子松柏姿汪汪度如海明堂求國士行矣毋相待餽糟
而飲醑隨分何尤悔

春日寄成心巢師七首 己未

相思不可說愁極望天涯有淚盈肝膈無情閱歲華春
心忽梅萼澤腹尙冰花解識零丁苦高槐集暮鴉
往事從頭憶柔腸並裂時有生餘廿載不死荷親慈昔
唱萊衣曲今傳薤露詞江流千萬里嗚咽寸心悲

寂寂穠花發幽幽古木春故園小池沼先子坐昏晨今
日我兄弟相期固賤貧父交亦飄轉卻寄忍重陳
銀漢渺然在通天定有槎翠虛如可訴碧落不應遮

聖世翻兵革忠臣竟劫沙蒼蒼無一語淒絕暮天霞
我父東山後高名海內垂世人皆欲泣孤子死何遲胡
獨生爲者餘年戀母慈上堂顏強破倚枕淚潛滋

大地茫茫老關河夢苦周敗軍何日捷父骨幾時收有
子恩全負長天恨與留不能提一旅手自戮斯讐
我尙安居處朝餐夕更眠世間真不孝夫子尙垂憐聖

勿詩

三 求恕齋

室寸心死烏江雙眼穿吞聲思萬轉崩角籲皇天

懷心巢師用靖節示周續之祖企謝景夷三郎韻
悲來五中熱萬事匪所欣自願七尺身深愧世閒人老
農臥南畝百穀登何因好鳥宛轉嗁卑柯難爲臻夫子
賞我愚矜我肩斯文夫子契我真語我言殷勤念之百
感并安得居相鄰春風正浩蕩悠悠淮水濱

奉和心巢師賜章遵用原韻

滔滔流水東南下滾滾晴沙西北馳異地愁含徐穉泣
餘生苦抱戴良悲嚴揚游泳讓諸子道義漁畋負我師
有恨難平眠不著惱人黃月夜何遲
再疊前韻

聚亦無歡離倍苦低徊斫地心空馳天開隋柳晴雲冷
春入吳江曉角悲百口飢寒戀慈母一生性命託嚴師
尺書聊以慰幽獨深盼歸棹不可遲

用靖節還舊居韻送王甘巖外舅返宿遷

曙雪覆野草避賊人將歸歸家骨肉聚何以開我悲中
庭健霜樹境在情苦非梅花弄春色一一父所遺牧也
不敢棄酸楚而相依夢想曩時境寒暑忽已推惟有念
親故二三思無衰明日異鄉縣別淚胡能揮

甘巖外舅用和陶奉餞韻留別再疊前韻荅謝

在會少歡笑況復行將歸因心前致詞不自知其悲委

勿詩

三求怨齋

身任造化顛沛無是非念我未忍去此意古所遺我羅
寄松檜百歲相馮依丈人擅詞賦河北人盡推小子學
未成豈足扶其衰故園春已深有酒當頻揮

三疊前韻呈甘巖外舅

老鶴萬里游白雲識所歸白雲不可盡去任能無悲俯
視碧海中春秋一已非獨有丹山雛銜芝來相遺鶴飢
芝可餐雛孤鶴可依鳳鶴締其好百鳥靡不推翔鳴蒼
梧閒靜念盛者衰旁有綠髮翁挾瑟爲三揮

聞杭城失陷

庚申

夕陽芳草怨如何春意緜緜到碧蘿遙憶錢塘湖水綠

權歌聲裏雜鏡歌

零丁苦四章

辛酉

零丁苦不可訴哀哀蒼天隻獨無路

零丁苦淚如雨父也殺賊忠則完千秋碧月黯江浦

零丁苦兒無父父骨不歸兒死何補

零丁苦兒有母母心莫慰兒生如糞土

阻雨不得歸柘塘用少陵阻雨不得歸漢西柑林韻兼

酬吳稼軒丈

風雲從龍翔八字歡甘霖朝暘方曠曠杞憂胡爲深苦

願一光照掩翳開于尋初政厲以平藉哉伊周心鯁生

勿詩

三求怨齋

坐寒雨拍拍暖水禽三日不出戶碧海懸遙岑逆旅萃
俗態齷齪如窮陰豔說要津客相炫牀頭金亭午喜微
霽夕靄仍滿林邊敢怨淹泊只益玄鬢侵丈人略禮數
好我彈清琴真意貫真漠感激爲沾襟勗我毋獵名世
路多嘔嗽明發履晴旭行返湖之潯奔走天一隅何時
懷徽音

聖皇秉社稷慎勿投華簪

題楊硯雲司馬課耕圖

倚彼南山農獨善亦自穀終揆莘野心於世飢渴迫方
今叢盜賊得耕良已足娘娘

皇之民瑣尾在心目我歸亦無家看人晚驅憤況以君
子懷忍獨果其腹喟然語親故行行謝川麓來日昇平
年借隱茲松菊

海陵晤李冰叔丈夜話率成三章

在別天嘗嘗嘯鳩迷西東野哭聲漸微肝膈焉能通呼
嗟決絕閒萬罪誠眇躬蒺藜秋風寒野藜日芘芘我生
夫何爲母也憂隆隆

慈愛益辛酸詩嘯杜蓬華荒荒江上雲痛疾乃非一瞠
目不可轉夜夜夢魂失歷歷越殘壘驚沙沒腰膝哀哉
亂雞曙昏騰鴛筆策

勿詩

五求恕齋

悲歌氣已短感激并三歎君乃父執友性命託柔翰辛
苦播遺編寇至仍糜爛戰粟日在躬生死相聚散語苦
庭爲霜起行視河漢

冬日集劉子固齋中得老樹半空腹五字戚戚若觸我
痛處寫心爲此

日夜憂我心繁霜下青睞霜華歲以深我憂歲以老不
食井冰寒春陽滿懷抱

曠攬春陽心激激異平素荒雲媚故山征輪惜前路不
及天上月員缺遞相具野鳥通我悲鳴我堂前樹萬里
未云遙心思獨難數

大憂不可飾雞鳴夜方半肝膈化滄海熱血是崖岸海
枯血不乾神人爲愁歎安得連日月百歲一暮旦
蟠根割虬枝風雨難相從蟠根壽無極忠孝天併蒙虬
枝自愛惜願得搖殘冬隆寒十二月白雪凝高空
深衣煖我身稷米飽我腹我母恃且怙兒孤恩不獨他
人有好懷聽我歌當哭

歸鴉 王戊

將雛辛苦逝蒼冥聚散飄搖傍野汀吟處夕陽翻暮紫
畫中慘墨點遙青凌寒大樹巢空在未老孤兒鬢已星
莫更庭前嗚徹曉牀頭有母淚同零

勿詩

六求恕齋

還之備萬吾廬招同人集飲送余北征分得紀字
枯苑何芸芸百齡解息耳會當強盛年飛越在萬里薛
蘿秋風寒零落黯生理南楹覆古槐先子昔臥起一花
復一石少小婁徒倚今日速我來命庖貢荒薺爲我召
故人情親咸在此攬子趨庭歡萬感潛悲涕讀書厭干
祿祗益歧路恥通否會有歸憂端不可紀

勿二三齋詩集

辛酉上巳

飲欠子鳳存

呂景端書眉



南	林	劉	氏	求	恕	全	琴
---	---	---	---	---	---	---	---

飲冰子詞存目錄

風蝶令

虞美人

臨江仙 水仙

千秋歲 韻漪閣坐雨

南浦 題劉珮卿丈鹿女談禪圖

瀟湘夜雨 和成心巢師乞兒韻

探芳信 昔先大夫因安宜喬石林先生之陶園其日撫玉田西湖春感韻情恍

迷離亦孤兒之哀音也夫

迷神引 庭有黃楊二株碧參簷上根近尺圍今年月閏春三而左株稍矣數不可回物猶如一

詞目 此我生何如

愴然成弄

瑣窗寒 將遷柘塘庭槐搖風逼人

玲瓏四犯 楚因譜清真韻遣之

六醜 楊花用清真舊韻謝後作韻

金縷曲 次悟因主人袁江感賦韻

滿江紅 辛酉秋八月晤林竹溪太守于洪澤湖上

自度腔 即

雨中花慢 將修秋賦風雨忽來

轉轡金井 倚枕無聊撫之成弄

過秦樓 送別

安公子

吳稼軒丈招飲寓齋酒次以許海秋丈春懷之闕見示振觸愁心旅思如織倚枕無

聊依韻成弄

惜分飛

汀州 春宵聽雨圖

江城子

送子惇叔外舅返宿遷

臨江仙

意難忘

用周清真韻爲且巢子題菴香文史畫蘭

珍珠簾

分賦得春日秦樓恨

浪淘沙

和伯兄春雨原韻

調樹

詞目

二 次如齋

飲冰子詞存目錄

飲冰子詞存

曲阜孔廣牧著

吳興劉承幹校

風蝶令

酒影鶯句月詩痕蝶款茵五更休喚笛中心又是渡江
梅柳奈何春 翠嬾煙涼夢紅嬌雨沁顰湘簾低鞞隔
珠塵試問一襟香雪為誰溫

虞美人

柳癡花點籠昏曉昨夜東風早酒旗飛上赤闌橋記得
那年霜印一條條 生涯可憶殘紅石夢勒春江口春

飲詞

一 求恕齋

江浣盡古今愁偏是愁多濫濫到心頭

臨江仙 水仙

塵生羅襪芳情暮冰心夢破難尋淩淩窗下怨華陰縞
衣零落到而今 梅信嬌寒春已占微嘶省我情深一

年老卻少年心好花不管慰知音

千秋歲 韻漪閣坐雨

鶉鴝聲裏一例春慵起春已過人還睡惜惜簾罕地寂
寂花侵砌梅黃未寫將羅扇江南寄 畫角生涼意榴
酸叙邊媚沽酒市還堪醉愁憑淮水送雲認吳山翠樓
休倚姑蘇城外青如洗

南浦 題劉珮卿丈鹿女談禪圖

庾郎老矣把湘羅兩樣寫消魂者是鷓林身樹頭豔泥
情芬賸有射陂夢影渡銀河吹散穀波紋幾度春無語
美人詞客芳訊在孤村 記取小樓碧月照花陰良夜
有清樽瓊笛聲聲淒斷酸韻醒朝雲試唱江南金縷縱
多愁且付夕陽痕灑淚和香土一般滋味又黃昏
瀟湘夜雨 和成心巢師乞兒韻

風雨生涯伶仃歲月濃愁懶共塵銷好春都作禁煙宵
賸幾度廬天席地求半菽影倦魂杳嗟來者殘杯冷炙
付與吳簫 柔腸千轉路旁菜色掌上珠嬌便爺娘憐

飲詞

二 求恕齋

惜真箇無聊官陌柳寒侵鶴背荒祠月瘦謝蛤腰淒涼
我瓊枝墮雪春逐斷蓬飄

探芳信 昔先大夫因安宜喬石林先生之陶園葺其荒
落顏為石隱幽境在心頓成追憶暇日撫玉田
西湖春感韻倘恍迷離
亦孤兒之哀音也夫

對芳晝甚池館陰陰紅泥煮酒便垣衣無恙東風已非
舊當初深悔修蛾畫人影和天瘦是何年石徑斜鋪苔
甄曲登 飄雨空堂驟騰雛燕噴簾子規嗁岫怕問梅
梢窗前著花否相思一點酸如此春去漫搔首甚無膠
折盡絲絲新柳

迷神引 庭有黃楊二株碧參簷上根近尺圍今年月圓
春三而左株槁矣數不可回物猶如此我生何

如怡然
成弄

隔街今年梧葉小宛轉十三新樣茫茫黛月怨笛誰低
唱此何時淒涼甚晚風颺蕩失黃昏伴孤影向鬱鬱換
松寒片雲上 暗惱雛鶯此厄憐无妄憶十年前齊鳩
杖碧陰知我怎生遣酸情況更聞中人攜鏡過落花葬
尋得返魂香添惻愴錯怪閨無情漫相忘

瑣窗寒 將遷柩唐庭槐搖風逼人
淒楚因譜清真韻遣之

料理蒲帆秋湖一櫂野天寒碧幽商漫抑是否贊州漁
笛問苔陰主人去休怨深歡淺誰更識奈籬邊月冷疏
枝黯色為儂填臆 頻驚烏鵲暗踏損空庭夜涼輕拍

飲詞

三 求怨齋

微風隕葉未別心先如客甚年年苦辛自知片雲亂石

清淚滴任閒情借取波光萬頃聊寄息

玲瓏四犯 叢卉含秋觸緒繁抱
仍拈清真韻寫之

搖落牆陰甚嫋嫋娟娟還自嬌豔瘦蝶闌珊香冑數枝
笑臉門掩獨自聽秋恁蘇逕夢雲零亂趁夜涼月遲星
換一夕百回相見 茗甌聊抵芳椒薦已無眠綠蕉休
倩東風誤我難重訴怕展看花眼誰引暗雨打窗管不
住落紅千點儘燕泥細認春去也琴絲散

六醜 楊花用清真舊徵謝後作韻

甚春心蕩漾儘萬里和煙輕擲近村遠村娟娟生怨翼

結翠無迹為憤隋隄老暮雲朝雨遲美人南園冰綃織
就蕙芳澤幾幾長亭麤短陌無言冷紅相惜賸樓頭
塞上幽夢不平隔 斜陽人寂恁晴波蘸碧燕子東風
晚剛瞬息飄零莫說如客況天涯逆旅此情何極青絲
裏點霜侵幘還又惱幾許江淹別緒小池傾側萍生處
低訊湖沙怕再來結住年年恨誰能遣得

金縷曲 次悟因主人袁江感賦韻

懶聽吳歛否想前番情紅意綠碧桃枝右一片春江花
月在底事淚濃於酒算猶憶纖纖羅裏應惱東風真薄
倖誤人閒豔福難消受休更說哀鴻瘦 羽書徹夜蹶

飲詞

四 求怨齋

聲驟正者邊箏調銀甲琴彈素手輸與野狐飛騎得羞
說雲塵輕走莫繪坐廢池荒發萬一流傳天也怨甚無
聊數盡銅龍漏篆竹渺哀絲奏

滿江紅 辛酉秋八月陪林竹溪太守于洪澤湖上席賦
道淮南事行將之官陝西爰譜白石自度腔卽

席相

椅影從橫顧四野風捲暮瀾晴煙幻變端千態林列如
山鼎鑄龍飛餘涕淚弓藏鳥鷲問衣冠鷄劔腥同擬破
蓬萊雙獸環 新詞健沽酒看奈分袂去淮南漸朔風
淒緊策馬潼關抵觸何年天厭亂吁嗟雲月忍相瞞賴
素書聊慰等閒情秋樹閒

雨中花慢 將秋秋風雨忽來

塞柳纒雲相桃浣露花魚筍前游恁銀櫺綺陌頻雅

盟幽湖海塵蹤倦未東風約略簾鈎庭吹雨驟夢殘燭

底暗減春柔 冰蠶絲織水麝茵鋪亭香冷於秋莫

負了縹青筠管浮白花籌說甚萍飄萍聚低徊俊約句

留繁笳聲裏蓮龜小憩來日悠悠

轆轤金井 軍中賦秋龍

楚天千戍曉雲涼幾許為擡秋影一縷分明被西風吹

緊蕊鱸思承負香舍暗祝儂唵試訊歸鴻霜華漸飽蘆

根同領 深宵炊餘自省笑量沙聚米壯懷摩騁知否

飲詞

五求怨齋

移軍數來時淒迥空庖未冷語年少漫頽豪興野外人

家葵烹黍熟相將泥飲

過秦樓 送別

燭影銷紅琴絲結碧別懷飛入清觴怪酒痕濃甚未足

比離痕怎喚冰腸夢絮慣沾裳向蘭檠低語商量又秦

笳聲咽吳鉤鋒冷做我昏黃 忍北風裏雪匆匆去

踏淮陰曉笛時抑時揚想蹙蹙旌背望湖城半角觸緒

荒涼驚數暗鐘寒一聲聲入耳何長便先生杖履明日

還來此恨徬徨

安公子 吳稼軒大招飲寓齋酒次以許海秋丈春懷之

弄

醞酸添酸楚鹿籬認取黃昏暮說甚紫薇春近遠指天

邊鴛鴦算暗軫柔腸煙水逝南浦迦竹溪幽夢論心語

謂述先大夫有淬淬鶉血化作小窗涼雨 撫枕歌行

旅怨難愁綺江南路知否瓊枝霏雪夜拚青絲已誤況

今夕相逢做了萍根聚奈鴉鳴聲裏人歸處翦蘭缸商

略儂自低徊難去

惜分飛

折盡枯楊河上餞莫道蘆花尚淺孤雁遙天轉玉關休

放春雲遠 忍把黃嬌還自遣賸有生花夢管算我愁

飲詞

六求怨齋

中伴鱗箋未寄心先懶

甘州 春宵聽雨

又榆窺柳認一鸞春杜鵑問涼郊甚鞭絲帽影年年付

與媚葉曠條惆悵鋤雲夢裏暝色做煙搖已是春城冷

那更瀟瀟 欲喚梨花情訴怕腴愁濕破話也無慘是

誰家年少別樣慘吟漣泥紅牙一分輒恨更一分繡綠

上甜蕉多情似蜨嵌肥黛驚濕臙簫

江城子 送子惇叔外舅返瀨邊

攀君不住餞君愁風柔柔月浮浮春繁情緒心已到徐

州王粲有家歸卻好來日夢幾時休 低徊無語下簾

州王粲有家歸卻好來日夢幾時休
低徊無語下簾鉤不能留恨難收
絲絲芳草和淚黯淮流折柳一聲腸
百結獨使我任邗溝

臨江仙

湖上一作雙鷗一作秋豔語
明年吹綠深深桃枝紅暈

釀前情權娘真薄倖
做兩三聲酒困風嬌狂絮軟

天邊何處春城楊花點
影怕生草草生無著落誰識短
長心

意難忘用周清真韻且巢子題芭香女史畫蘭

天近梅黃正湘波湘月低
和飛觴裁成無限曲澆盡可

飲詞

七求怨齋

憐香同夢暖別心涼甚野水滄浪
纖指冷寫蘭半幅獨

自低相花花葉葉雙雙算
兒家幽緒語泥檀郎露含

春醮碧風倦夜凝妝真一日九迴腸
便蕉萃何妨怕再

來冰綃同玩換了年光

珍珠簾分賦得春日秦樓恨

夢迴不解情深處碾冰腸
細省海棠庭宇賣眼訴春心

惱阿姨見妒曾記茜窗瓊印
淺折一枝隔花低語人去

又拋與莓苔羞生眉嫵
飛絮翠掩聞門算梢頭荳蔻

春風輕誤疏柳影幾幾繫畫橈
曾住打槳波寒煙做暝

試唱微樊川新譜知否剩秋
蛩鈴蛸斷雲千縷

浪淘沙和伯兄春雨原韻

檐雨織絲絲怨又誰知
秦箏空寫斷腸詞點素拂黃春

至矣陌上楊枝院小落雲遲
薜潤蘭滋瑤觴和夢繫

人思酒欲醉愁愁不醉黛鎖雙眉

調幽

一庭碎玉蕪城裏黃昏倚遍
幽獨璧湖卅六虹橋廿四

際空如沐吟添鬢綠正思婦
清秋影獨更傷情三生

杜牧不是金屋

飲詞

八求怨齋

飲冰子詞存

飲冰詞跋

寶應劉嶽雲

孔先生力堂爲成門高弟子開敏軼同學嘗著禮記天
算釋孔子生卒年月口考最爲成師所賞尤善倚聲有
飲冰詞若干卷太僕公歿後從陳慶雲軍門國瑞軍卒
於營家中落所爲文字多不存成君漱泉於篋檢得
一本夾紙零亂有詞十數闕又有五古如千首塗乙過
半漫漶不可識認馮君夢華爲撥拾可讀夢華曰過秦
樓一闕不標題詞旨怨抑似爲送別又臨江仙詠水仙
瀟湘夜兩次心巢師乞兒韻二闕詞意與諸作不類筆
跡亦非是中竄改數句則先生筆也某見先生時尚少

跋

一求恕齋

欽挹丰采接聆元譚每斯須不去今十餘年矣閱先生
詞纏綿悱惻如其人潘丈伯琴嘗謂先生清逸非人間
品殆非虛語漱泉旣得此本錄副令其家藏之仍題曰
飲冰詞按詞中轆轤金井題軍中九秋當爲九闕今僅
存秋竈一闕則所逸多矣南浦一闕爲題家伯佩卿鹿
女談禪圖卷中未標題千秋歲一闕云浩然主人卽家
伯也首四句及寄韻媚韻皆家伯作時客有王伯英在
座將往蘇州故末句云愁憑淮水送雲誤吳山翠樓休
倚姑蘇城外青如洗雨中花慢所云蓮龕爲城東門外
蓮池菴修禊諸人爲合肥黃韞之六合孫艾衫廬州蔡

篆卿天長崇桐林及邑人朱佩齋王恩光陳海長高雲
生家伯佩卿姪子固主社則直隸胡厚堂與先生繪圖
則畫師沈旭庭也以先生之才使得終其天年造就當
益粹不幸早喪又所存止此洵可慨矣然文字顯晦自
有定數安知少者不光如日星而累累巨帙轉飄同秋
梗耶爰錄一通附識數語並以表漱泉搜輯之功焉同
治己巳百花生日

跋

二求恕齋

辛酉三月上巳

銘仁齋浦遊吟

貴池劉世珩署



南	劉	求	齋
林	氏	怒	刊

山東巡撫張曜原奏 附片

奏為在工員弁落水殞命懇

恩優卹以慰忠魂恭摺仰祈

聖鑒事竊臣前派即用知縣孔昭宗隨臣河工辦事三

月十四日在長清縣屬楊莊河干風浪大作撞擊掃壩

情形危險即用知縣孔昭宗率同武舉人馬駿良外委

陳寶元等在工防護乃暴風驟發石走沙飛咫尺之間

昏暗莫辨掃忽墮陷該員孔昭宗武舉人馬駿良外委

陳寶元及勇夫十三名同時落水隨流淹沒嗣將屍身

先後撈獲厚加棺斂臣查孔昭宗係江蘇進士分發山

奏

一 求懇齋

東以知縣即用先經派令隨工疊著勞績搶險案內本

擬保以同知補用乃成勞未敘遽殞厥身武舉人馬駿

良等均係委派在工因公殞命實堪憫惻合無仰懇

天恩敕部將山東即用知縣孔昭宗武舉人馬駿良外

委陳寶元一併從優議卹以慰忠魂除將隨同殞沒之

勇夫照章賞卹外理合將在工員弁落水殞命懇請從

優議卹緣由恭摺具陳伏乞

聖鑒謹奏

硃批孔昭宗等均着交部從優議卹欽此

再因公落水殞命之即用知縣孔昭宗其祖父孔繼鏗

係道光十六年丙申科進士以南河同知於咸豐八年
在江南軍營陣亡今孔昭案又復因公殞命情已可憫
茲據孔昭案同鄉官道員李翼清陳重慶等稟稱已故
卽用知縣孔昭案之妻劉氏因聞孔昭案在工落水殞
命隨即絕食多日復於三月二十日仰藥自盡實屬深
明大義節烈堪嘉開具事實清冊呈懇奏請
旌表前來除將冊結咨部外臣查該烈婦孔劉氏系出
名門夙嫻閨訓重闡盡孝旣色養之無虧子影堪悲遽
身殉而誓死無慚節烈宜荷
褒揚理合籲請

奏

一二 求恕

天恩俯賜

敕部旌卹以維風化而慰幽魂謹附片具陳伏乞

聖鑒

硃批着照所請禮部知道欽此

山東候補道李翼清陳重慶等呈爲同鄉命婦節烈可
風懇乞據情

奏請

旌表事竊惟賢媛勵志應增彤管之輝烈女懷清自製
皮金之字是以摩笄永矢已高節操於蘭閨矧其飲醑
長終宜急闡揚於芝檢卽用知縣孔昭案之妻劉氏家
傳儻素幼習女紅甫垂髫而陟岵興悲護慈樂其盡孝
迨結褵而持家有禮姑恩渥而生憐致敬承權茹貧食
淡效樂羊之勸讀致于鵠之成名其中孝養重闡躬親
踰則尊崇苦節謹侍起居割股而疾療荆枝洗手而潔

呈

一二 求恕

脩蘭膳凡諸懿行稱美黨閭洎隨昭案之官山東也交
助雞鳴志娛鶴髮粹閱隄蟄之耗卽爲身殉之謀慰藉
高堂處分家事肝腸斷矣神志湛然手定遺履爲重慈
而乞存卹魂歸地下盼雙樗之返鄉關非激烈以輕生
實從容而就義 職等 鄉居共聞宦轍同寮旣聞見之有
真膺表彰而無愧爲此繕具事實冊結合詞呈請鑒核
俯賜據情

奏乞

天恩旌表以慰幽魂而端風化實爲公便

孔故宦事實

一故宦姓孔諱昭宗字顯弼號印川生於咸豐七年九月初七日本曲阜聖裔其先世籍大興曾祖傳坤官寶應縣主簿祀名宦祠祖繼鑠道光十六年進士刑部主事改官南河同知升用知府咸豐八年參贊江北道府戎幕殉浦口之難卹贈太僕寺卿給雲騎尉世職父廣牧監生蔭敘知縣同治初遵例入都肄業道出山左陳總戎國瑞留贊軍務以積勞病歿故宦時方七齡甫識之無卽能以物結字然弱不好弄馴謹異常兒父執皆憐愛之父歿後其生祖母劉母王

事實

一 求恕齋

每哭必涕泣跪勸不哭乃起稍長慮貧不能養遂立志讀書

一故宦祖父既歿家益落室廬變抵逋負僑居尼菴中貧不得歸應試遂寄籍寶應十七歲入邑庠次年出門授徒卽奉其重慈移寓袁江二十三歲中光緒己卯科舉人已丑成進士十餘年間筆耨舌耕以課徒餘暇自課脩脯所入錙銖皆以奉親處已極儉主講龍城書院時粗糲蔬盤吟詠不輟蓋志不在溫飽者一故宦事親孝雖極拂意時與親言不形於詞色親心所欲者輒百方購致之未嘗以貧令親知故家雖赤

質甘旨不缺親有所憂則婉言慰解必使轉憂為喜而後卽安居袁江時其母病劇君禱於呂祖廟簽語不吉歸哭語其妹曰吾母守節多年備嘗艱苦倘不及見孤兒成立食一日之報將奈何母病尋愈人以爲孝感云

一故宦恐先德不彰日抱顯揚之志未第時爲其高祖暨其生祖母請旌孝子孝婦先代著作宏富欲付梓力未逮也最重人生忠孝節義事凡戚族鄰里以及僕婦等有苦節異行者極力表揚或爲文以彰其異或助資以濟其貧其代請旌表者不可指數有

事實

二 求恕齋

族叔祖母羅氏堂伯母徐氏皆青年守志故宦視之不異其親給徐氏月費教其孤孫讀書又送之入塾脩脯紙筆之資皆供之

一故宦無親兄弟與從兄弟友于倍篤戚族不能自存者皆仰食於故宦故宦敬恭弗懈解衣與共每食必陪奴僕有慢之者立斥逐之常典衣濟人囊雖羞澀弗顧也

一故宦少孤力學敦品勵行和平端謹不苟笑言虛以處己敬以待人非義之財絲毫不取嘗謂人居家當思爲孝子出仕當思爲忠臣忠孝之外無人矣筮仕

後告人曰：才不足為官，祇有存心不在民，不愛錢以報國恩而已。與人交極謙和，見者皆欽佩之。雖老師病，儒亦視為畏友云。

一故宦生平無他嗜好，惟喜讀書。幼潛心經學，尤好毛詩。以細楷錄諸家詩說於書眉，密幾不能辨解經之作。老宿服其精確。中年學宗洛閩，喜讀性理書。天不假年，著述多未卒業。所存惟紹仁齋蒲游吟一卷。

一故宦光緒十五年，以即用知縣分發山東大府。重其品學，期待甚優。委辦河防局文案及編纂河工案牘，堅辭不勝任。舉某總纂自任分校之役，又委兼辦外

事實

三求忍痛

文案事。今年三月十四日，隨大府治河長清，偕武舉人馬駿良率弁夫負茨河上，暴風驟發，石走沙飛，咫尺不相見。埽陷死於水，越十八日，泅者得其尸，面如生衣冠，無異平時。年三十有五，妻劉氏聞耗，絕食遺稟上大府，越五日仰藥以殉。無子女，強近亦無可繼者。

節烈孔劉氏事實

一烈婦姓劉氏，諱淑，曾字婉媛，揚州儀徵人。祖文淇，父毓松，皆優貢生。候選訓導氏生於咸豐三年二月二十日，幼敏慧，八歲失母，哀毀如成人。事繼母至孝，繼母愛之如所生。十五歲失怙，諸兄教之讀書，深明大義事兄嫂維謹。

一氏年二十五適寶應孔昭，案昭案係郵贈太僕寺卿候補知府繼鏞之孫，蔭敘知縣廣牧之子。咸豐八年繼鏞殉難，廣牧繼歿，家日落，鸞住屋償逋，負寄居寶應尼菴。時氏之生祖姑劉姑王皆在堂，昭案以諸

事實

一求忍痛

生課徒，袁浦僅一女僕，執炊氏躬操井臼，饘爨衣履縫紉之事，皆身任之。遇甘旨不繼，輒傾奩付質庫，百計彌縫，不使親知。凡親心所欲，必得之，而後已。昭案歲闌返里問家計，何如必曰：可。每致昭案書，常云：貧乃士之常，勿以此為慮。昭案所以能讀書成名者，氏實助之。

一氏于歸之次年，其生祖姑病下痢，日數十次。其姑適歸甯氏，晝夜侍奉，頃刻不離。中衣垢汗，皆手自浣濯。蓋恐僕婦嫌其穢，使病者不安也。

一氏有堂祖姑羅氏，青年守志，與氏同居，氏重其節事。

之甚謹及其病躬侍湯藥夜常不寐三閱月如一日人咸以爲難

一咸豐六年揚州失守氏甫四齡寄居郡城舉家倉皇出避其伯兄壽曾抱負數里始免於難光緒八年伯兄病革氏割股和藥以療疾終不起氏爲作小傳復爲詩以哭之

一氏喜讀書博覽不讓學士過古人忠孝事及奇節異行輒欽歎不去口遇有不法事則又憤恨不平復喜爲詩詞淵雅雉秀無閨閣語月夕花晨常獻小詩以娛親閨中唱和之作甚夥多隨手散佚所存僅林風

事實

二求恕齋

閨詩草一卷尙不及其半能古文不多作女紅之餘寫蘭花數筆以抒胃懷顧深自韜匿不以示人書學榮陽鄭文公碑亦古雅有法

一氏夫昭宗於光緒十五年以卽用知縣籤發山東今年三月十四日隨中丞治河長清隄墊歿焉氏得耗飲痛含泣百方安慰重親處置家事如常時暗中製稟上中丞及書別其母絕食數日至十九日晨猶手備重闈蔬飯從容仰藥乃出遺稟并夫婦詩稿交其所親稟囑卽上詩稿留寄其兄恐驚其重親禁勿告及知之急進解藥氏跪告曰兒非弃親弗願也已稟

上中丞乞爲哀親存恤矣分析家事絲毫不亂至彌留時以手撫膺曰人生死於忠孝節義尙何憾耶延至二十日子時遂絕年三十有九無子女亦無強近可繼者

一氏生平處事謙謹待戚黨無失禮御下嚴而婉見之者無不欽服歿之日人咸哀之其祖姑及姑常語人曰自吾婦入門無日不使吾身心安悅其孝非一言所能盡也

事實

三求恕齋

孔君暨配劉恭人合傳

錢塘張 曜

君姓孔氏諱昭宗字顯弼印川其自號也家江蘇寶應縣本曲阜聖裔其流傳里閭不可考其先世籍大興康熙間官內閣侍讀學士諱衍泰者於君爲六世祖乾隆三十六年副貢生就職直隸州州判 旌表孝子諱毓焯是爲君高祖其曾祖傳坤仕寶應縣管河主簿祀寶應縣名宦祠子孫遂家於是祖繼鏗道光十一年舉人十五年進士刑部主事南河同知咸豐八年殉浦口之難贈太僕寺卿給雲騎尉世職妾劉封股養姑 旌表孝婦君考所自出也考廣牧廕襲知縣釋禮精審明算

合傳

一 求恕齋

術從戎歿於軍母王以節孝聞君七歲而孤母養姑教子迄君成名君性謹厚幼不好弄潛心經學弱冠充附學生員中光緒五年舉人十五年進士授知縣發山東卽用十七年三月從曜治河長清借武舉入馬駿良率弁夫負菱河上暴風驟發石走沙飛咫尺不相見埽陷遂死於水君配劉長於君四歲爲僕徵候貢生劉毓崧女系出土族孝淑嫻婉工詞翰所著詩淵雅尤逾於君聞君歿之七日仰藥以殉聞者淒斷無嗣而強近又無可繼者君世父廣稷昔從曜治軍敘勞得甘肅知府故於曜執弟子禮昔在軍中習聞君家兩世節孝君又早

達以爲天昌厥後理或弗爽故自君之少卽撫存之比來同官期待尤繫不期君之止於斯也天旣憫孔氏之養使得令子而又中道酷之且絕其續彼蒼者天其若可信若不可信者烏得而測之曜謂天道難知而表章以存其人者曜之責也旣疏聞於朝又傳其行略如此而君與君配皆千古矣嗚呼

合傳

二 求恕齋

孔奉政暨配劉宜人傳

新水郭階

光緒十七年季冬余友劉君貴曾以書走白下示其所為孔君暨配劉宜人行狀曰光緒十七年三月山東知縣寶應孔君勤其官而水死其配劉宜人殉節山東巡撫張勤果公奏聞於朝為君請優卹宜人請旌表皆奉

俞旨吾子故知孔君而宜人余妹也子宜為文以傳之余謂劉君所為狀皆紀實階惡乎傳傳其所未言者君諱昭宋字顯弼號印川年丈有函先生之孫也余識於劉君許尙未冠光緒十五年余權淮揚海道君已成進

傳

一求恕齋

士以知縣分發山左乞假歸省於南清河朝夕過從深知其誠懇屢倩密訪疑棄得其情下問吏治河務益服其有經世之才旋奉其生祖母及母赴齊宜人吾師伯山先生次女釋時吾母視若女歸君貧苦操作非人所堪事祖姑及姑以孝聞與余繼妻為閨中深友已丑語吾繼妻曰昨夢神告以當死答以尚須留人閒世兩年辛卯其不免矣吾妻曲寬之宜人曰夫子境漸裕足以養重闈生死何足介意吾母於其之齊也時念之今春正月余奉諱歸里夏四月聞君與宜人之赴鮮民殊難為懷且聞君之歿也其僕拯君不獲亦以死殉宜人既

聞君耗乃上張勤果書為重闈乞養贖復為書訣母乃從容仰藥卒嗚呼宜人生死竟能自操其柄耶孔君竟若此耶天平何酷

論曰余友戴君望嘗語余曰今天下大節責之婦女耳有明於士大夫廷杖殺戮株連後先相望士氣益振今世見龍一言官讓一疆吏相率噤口不敢發一言何也余曰勿謂今無人不任其位耳孔君死其事固足廉頑立懦然值倉卒也若宜人之從容就義以死乞重闈養贖之資儻非女子實足託六尺之孤寄百里之命者孔君能得其妻若此刑于之化固不可及而能使其奴死主尤足以見其德入人之深其才良足惜然考之河工祀典河神多忠孝節義及死於河之士女為之君與宜人儻為神歟當無憾矣

傳

二求恕齋

孔印川墓誌銘

金壇馮 煦

光緒十七年三月十四日長清風山東即用知縣孔君出視河瀾焉後六日君妃劉宜人亦仰藥殉巡撫尙書張曜聞於朝旌之如令甲君余友力堂之子宜人又恭甫副貢壽曾女弟也兩家並以儒術顯君七歲而孤堅苦自力百於常童生祖母劉性方嚴母王事之謹君洞洞瀾瀾以左右母以承生祖母之志生祖母安之母亦以安少長客授於外宜人事兩世姑比於君貧甚傲取寺不能畜臧獲衰級烹飪之役宜人是肩君菽水或不時至則效簪珥質之祗不令兩世姑知君歸亦不以聞

銘

一求恕齋

也君嗜學不嬉從寶應成先生孺南清河吳先生昆田游不驚聲譽唯明經修行爲亟宜人濡家學善詩聞與君酬唱亦深自匿往余於恭甫許窺其詩數篇隱秀出恭甫上時宜人十三四也君與人樂易而介然有以自守宜人亦以古義相助一刻脂韋嗜香之迹君所不可百費育不爲傲有以事屬君者無難易戚疏必踐其諾而後即安至爲人給且語不悔人或怪迂君此君所爲不可及與君之湯也僕王玉以援君故亦湯越十九日出君尸沙中面如生玉尸亦在側右手握君衣堅甚不可斂玉之義既今之所難抑君之致玉有自矣宜人聞

君湯絕粒飲五日不死上書張尙書以兩世姑爲請卒仰藥死君湯之月二十日也於戲烈已方余友力堂時年各二十許力堂開敏過君慨焉有經世之志而連蹇不得施以死既復與君友竊以謂力堂不死矣君之贊於劉也余持羊酒賀兩家喜君之得宜人也恭甫亦喜女弟得歸君不數年恭甫死今君與宜人亦死恭甫有子師蒼而才君又無後向以謂力堂不死者今竟死矣悲夫君名昭宗字顯弼一字印川孔子七十一世孫初籍大興曾祖傳坤官寶應管河主簿有惠政家焉故君又籍寶應祖繼鏗道光十六年進士官南河同知咸豐八年殉浦口之難贈太僕寺卿博學醇行爲世名儒父廣牧廬知縣沒山左軍余友字力堂者也君光緒五年舉於鄉十五年成進士年三十有五宜人長於君者四歲曰淑曾其名也儀徵人其年十二月七日葬君南清河之南宜人附焉銘曰

銘

二求恕齋

一世循吏再死綏母也百苦相扶維將勤其官水死之婦既蹈義僕亦隨風烈所樹光南垂嗟哉兩獲孀子遺

夢夢者天誠難知

敕授儒林郎 誥贈奉政大夫山東卽用知縣孔君暨
配 旌表節烈劉宜人行狀 劉貴曾

光緒十七年三月山東卽用知縣寶應孔君勤其官而
水死其配劉宜人殉節君余妹壻也秋七月匱歸自山
左余迎其喪於南清河旣設奠以哭遂爲文以紀其實
曰君諱昭宗字顯弼一字印川姓孔氏其先本曲阜聖
裔中世隸籍大興曾祖傳坤寶應縣管河主簿治水有
功於民歿祀名宦祖繼鏐道光十六年進士刑部主事
官南河同知升用知府咸豐八年殉浦口之難 卹贈
太僕寺卿雲騎尉世職父廣牧太學生蔭襲知縣同治

行狀

一 求恕齋

三年從戎山左歿於軍君生七歲卽失怙天性篤厚事
祖母殷太淑人生祖母劉太宜人母王太宜人孝養倍
至弱不好弄讀書數行輒下稍長進求根柢之學貧不
得歸應試遂寄籍寶應年十七補諸生從邑通儒成先
生蓉鏡南清河吳先生昆田遊學業益進其釋經文字
每爲兩先生所稱賞斐然有述作之志以客授於外未
遑卒業光緒五年舉於鄉十五年成進士 殿試二甲
以卽用知縣分發山東時張勤果公巡撫山東素重君
行誼學術檄君佐治幕府文書兼治清訟局暨河防局
庶事咸理勤果察君有治劇才將擢用之十七年三月

十四日隨勤果治河長清暴風驟發沙石坌起咫尺不
相見埽陷君歿於水僕王王者拯之不獲亦陷焉勤果
募善泅者覓之閱十九日乃出君骸於水面如生獲僕
尸於君側右手猶握若牽挽君之衣喪者知至誠所結
不以生死異也君無子將待從父昆弟生子爲君後君
之歿也年僅三十有五初君之世父廣稷官甘肅殷太
淑人就養於官舍君蒞山左迎養劉王兩太宜人於濟
甯余妹亦隨侍及得君耗妹誓以身殉然猶強抑悲痛
曲慰重闈庀家事如平日作書上勤果爲重闈乞存卹
又以書寄吾母黃太宜人言誓從夫於地下時絕食已

行狀

二 求恕齋

數日繼乃仰藥以卒年三十有九蓋三月二十日事
君之死凡七日也嗚呼烈矣妹諱淑曾字婉媛先君伯
山公次女幼敏慧吾母汪太宜人棄養時妹甫八歲哀
毀如成人事繼母黃太宜人能先意承志性嗜讀書博
覽不讓學士所爲詩詞淵雅雄秀書肄滎陽鄭文公碑
摹撫逼肖年二十五于歸孔氏時君家計日落以授徒
給朝夕鬻屋僦居比邱尼舍妹躬操井臼燂醢并統絲
枲縫紉之事皆身任之遇甘旨不繼潛出簪珥付質庫
不使重闈知也旣至山左生計稍裕而又猝遇此變上
有哀姑下無血胤計出於死若以必出於死而心始安

者其悲爲何如哉勒果旣得書歎息不置疏君死事聞於朝得

旨從優議卹又以妹之殉節騰章奏請

特旨旌表節烈飾終之禮勒果獨庀之又率同官分俸爲兩世孀焚資贍之資復遣舟護雙楫南旋義問仁聲聞者生感余乃益悲君生命之不振也始余聞訃以道遠不及奔赴北望雪涕五內摧傷蓋天之死君爲最酷而妹之賢明仁孝又以強死尤可痛悼然夫以死勤事婦以烈殉夫

明詔褒嘉

行狀

三求忍齋

旌及同穴成仁蹈義並有千古英靈有知死可不恨矣其家以先塋無隙地將以某年月日合葬於南清河之原謹摭其實著於篇以誌來者

先師孔印川先生遺事

南清河吳 涑

先生少孤且貧養不屬不廢吟誦補博士弟子員來游淮上乃益從事於學讀禮經字求其訓句求其旨有所未獲窮思冥搜必得其解而止好讀濂洛關閩之書以爲程朱諸賢斯貴實踐其論心性正使人誠內形外末流俗學言與行違持論愈高眞詣愈滿後賢疵議上斥傳薪之人猶以吳起之罪罪曾子李斯之罪罪荀卿也不已慎乎不多作詩以爲詩道性情而已浮華浪藻何與性情吾身倫常用之際所當盡者亦甚多矣吟風弄月我則不暇先生旣捷貢士方對策大廷識先生

遺事

一求忍齋

者謂宜膺木天之選後乃得邑令皆以爲惜先生願夷然也以爲吾人委贄於朝無論爲詞垣爲部曹爲外吏皆有當盡之責今茲簿書期會之繁錢穀兵刑之雜征徭之疾苦胥吏之姦欺皆非吾之所習吾亦祇蹈實做以盡所當盡而已而敢薄俗吏乎抵需次後果以靖共勤慎獲於上任先生以鉅艱先生乃益自刻勵嘗治河長清率舟夫躬親竹礎長焚之役風發埽陷殞於水涑也山木之募其何窮耶先生祖宥函先生與先子兄弟交先生又受業先子之門先子雅重先生命涑以爲師資先子旣棄養愛承遺命北面而執弟子禮蓋親炙於

先生者二年故聞先生緒論得銜悲濡筆而紀其一二
竊惟先生不持矯偽之論不爲浮薄之行斯能見義勇
爲而不苟免於臨難至於先生處而孝於親出而忠於
王事生平大節足傳甚多自有當代椽筆表闡匪蒙小
子所敢僭述云光緒辛卯十月

遺事

二 求恕齋

書孔師母劉恭人事

南清河吳 涑

光緒十七年三月十四日涑師孔印川先生昭宗治河
長清遭風斃於水遺尸未得又六日德配劉恭人手寫
遺書上前山東巡撫使者張勤果公爲兩世孀姑乞養
瞻遂從容仰藥以殉勤果既得書又廉知恭人死狀乃
益賃沒人泗出先生尸含斂如儀又首輸俸錢爲同官
倡二姥終老之資既豐則送其雙槥歸而疏恭人事於
當辰

書事

一 求恕齋

天子明詔褒美 旌表節烈樹石墓門所以慰恭人地
下之靈可云至矣嗚呼意氣所激而猝然捐生於一旦
以邀一日之名恭人之心不若是也痛失所天則矢以
必死冀得據尸一慟則不遽死而兩世孀姑無所養無
以安死夫之心則尤不忍遽死有仁明之大府足以拯
恤發紱則可以死於是恭人死矣則恭人之死豈不過
於意氣所激猝然捐生而邀一日之名者遠哉門生涑
敢以恭弱之筆敬述恭人生平懿行與死事崖略以俟
恭人姓劉氏儀徵有通儒劉孟瞻先生 文祺 伯山先生
 毓崧 者則恭人之祖與考也恭人幼讀禮經熟聞庭訓
誠大義來嬪於印川先生逮事祖姑生祖姑劉太君實
先生考之所自出年高善怒子婦王恭人嘗涕泣長跽

求解恭人能先事委曲彌縫於未發王恭人得以少安
恭人又不使先生知之恐增內顧之憂也始歸時極奇
窮之境恭人安之若素論者謂此爲爲人婦之極詣而
前此史冊猶或概見一二至於處家庭難處之教化乖
整爲慈祥則學士大夫之所難非至誠者其莫之能也
恭人通經工詩書法古雅顧飲然不自足以非婦職也
先生官山左迎養重闈恭人侍焉先生既遇風沒水王
恭人知恭人計必出於死也守之嚴見恭人之未深慟
也守乃稍懈恭人午夜帷燈作上巡撫書又作寄繼母
黃宜人書哀集先生生平著述彙藏於笥其明日實三

書事

二求恕齋

月二十日味爽奉盤匱察滄漣一如平日退而仰藥王
恭人覺有變泣而言曰婦獨不念老身耶恭人慨然曰
夫子既歿則代夫子以養親婦之責也棄兩姥而死婦
之罪也然家無寸椽尺土婦何所得食以養老人婦計
之熟矣今之大府維持名教而能矜恤矜寡者也故婦
留遺書爲重闈求糜餼以終天年婦生不能養死則兩
姥生謂婦以死代夫子之養可也復鳴嗚曰婦死兩姥
固生矣獨大人無能仰體之人矣大人宜自愛勿孤婦
以死養之苦心而令夫子與婦抱隱恫於九幽也撫膺
呼好大風者三目遂暝王恭人慟幾絕者數四嗚呼是

可以見恭人之爲人矣後十餘日先生遺尸乃得雖大
府懸金募人所致而謂非宜人在天之靈所默相不可
也恭人之死天下莫不嘖嘖稱歎要皆徒欽其烈猶未
足盡恭人之大節也合觀恭人平生懿行與死事之崖
略而知取義成仁素日之所養已如是而此一死又仁
至義盡不使憾餘豪髮固異乎意氣所激猝然捐生而
邀一日之名者矣

書事

三求恕齋

紹仁齋浦遊吟

竇應孔昭宋著

吳興劉承幹校

思母述懷 丁丑

遠遊古所戒，別家為孤兒。惘惘出門去，扁舟淮水湄。百里雖咫尺，別母即天涯。思母日輾轉，不自知其悲。迴憶髫髻時，朝夕唯母隨。母望兒成立，常恐戲與嬉。母憂兒孱弱，常恐寒與飢。母心為兒瘁，兒身賴母慈。今日作遊子，我母尤念之。倚闥望雲樹，潛焉涕泗垂。兒豈不念母，終遂母所思。菽水可承歡，願賦歸來辭。

紹詩

求恕齋

寄懷林風主人

詞成漱玉費研思，天付生花筆一枝。遙憶綠窗人靜後，閒挑燈影誦新詩。

漪園勝境客中居，耕硯餘閒自讀書。茆屋數椽皆面水，隔窗怕聽采芙蓉。

謁父墓述哀

吁嗟乎吾父既沒十四年，孤兒來拜墓門煙其歲。丁丑七月望，連日陰晦雨纏綿。舉頭不見父顏色，但見白楊蕭蕭增愴惻。低頭不聞父言語，但聞秋蟲唧唧訴淒楚。吁嗟乎吾父既沒兒既成，兆域至今猶未營。一棺久厝

榛蔓中慟，深心骨曷為情。家中今日應祭奠，游子禮缺。蘋蘩薦傷心，不見孤兒化紙錢。兩世嬌慈淚眼泣，吁嗟乎再拜涕零不自知。人生最苦是孤兒。

雨窗口占

秋風拂拂雨霏霏，白馬湖西魚正肥。料理蒲帆數來日，高堂有母望兒歸。

勵志

天地極悠遠，參人成三才。渺爾七尺軀，聖凡涂軌開。涓流匯溟渤，質土積崔嵬。士患志不立，何虞匪殊材。蹈實希漸進，勉矣毋徘徊。

紹詩

求恕齋

漁不采薪木，樵不釣河濱。學術瀕如海，擇業各因人。百家豈不博，諸子咸苦辛。綜貫亦所願，兼營無二身。道生緣本立，先務敦大倫。

二十一歲生日

葭蒼楓赤暮秋天，彈指光陰廿一年。偶誦我辰桑梓句，倍傷何怙蓼莪篇。鑿楹牘有遺書在，斷杼難忘母教傳。今日淮濱作遊子，平安聊可寄雲箋。

籠鳥

翻飛能萬里，何事入樊籠。飲啄知天定，緝蠻笑爾工。依人無暴露，好景付東風。儻遂冲霄志，甯非鶴與鴻。

和陶捷夫丈學敏 寒夜得句原韻

夜色和窗暗鄉心逐漏長前宵霜示警今夕月微光
硯同分韻敲冰為煮湯重慈當此際一念百迴腸
述夢

鳥倦知還林人倦思故鄉昨夜我入夢夢在重慈旁
翹首瞻慈顏喜見色洋洋蒸梨剝酸棗料理羅酒漿
小妹頗聰敏奔走相扶將歡笑如夙昔不知各一方
輾轉驚寤覺窗黑月無光寸心曷有極翻願夢境長

新月

天道戒盈滿至理誰為尋仰首見新月悠然有會心

紹詩

三 求忍齋

雨夜懷林風

雨雨風風夜蕭條旅館寒遙知荆布念同恨別離難
文史三冬足冰霜兩地看重闌心更切還望勸加餐

雪窗柬捷丈

六出雪飛斜羈人倍憶家熾詰聊共飲和醉夢梅花
奮捷丈贈別之作

一廬風雨已三年歲晚離羣倍黯然羈旅漫彈馮客鈇
還鄉先著祖生鞭雪泥鴻爪空陳迹喬木嚶鳴幸夙緣
歸省高堂休惜別與君同賦白華篇
將之袁浦留贈林風即用其懷恭甫兄韻 戊寅

離合尋常事飢驅自不同明知行路日翻願石尤風月

冷淮流白霞蒸浦樹紅憂裏何可說鬱結寸心中

扁舟將北發雲黯白田城去汝親師友嗟余鮮弟兄春

波雙櫂遠深閣一燈明好慰重慈意休言惜別情

留別張二子繁 文棟

積雪在庭戶有客登我堂高談見胸臆投贈瓊瑤章畫

短檠以夜燒燭洗霞觴舉觴飲君酒盡醉意更長告子

其靜聽明日片帆翔行矣勿復念勉崇輝光

喜得二兄自吐魯番寄書

憶昔臨歧日深知作客難驪歌一唱後雁影自憐單兩

紹詩

四 求忍齋

字平安報千言宛轉看彈冠今有慶願早獲樓關

夜夢二兄 已卯

一從祖道拂征鞭異地同懷心黯然大漠風沙侵戰壘

長淮煙水咽平川三邊馬躍軍情壯萬里鴻歸客感牽

惆悵旅窗新夢覺何時擁被共安眠

喜見陳梓疇師即送北歸

久違杖履倍懷思旅次相逢感鬢絲坐上春風新煮茗

樓頭暮雨細論詩菲材失學慚荒落碩果斯文賴主持

明日臨歧還惜別寸心常逐片雲馳

哀吳稽勳可讀二十韻

聖世無忌諱 朝廷多直臣昔公在諫臺抗疏批逆鱗
激烈觸廷議廢黜荷 皇仁維公益銜感自分必致身
天地忽崩圻 龍馭哀上賓 懿詔九重降 嗣帝今
聖人大統付託重續繼仍相因煌煌聖慈訓普慰薄海
民公乃蓄隱憂孤忠亟欲伸位卑戒越職鬱鬱五六春
山陵典禮成此意懼終湮扈從攀弓劔悲號叩帝闈
悽絕三義廟夜半泣鬼神遺疏千萬言血淚出性眞智
愚非所計功罪非所詢一死報 先帝志決何遠巡密
封上 兩宮殿陛潛悲辛 天鑒憫忠誠 恩卹命特
申惜我生也晚未獲與公親千秋疏稿存拜讀淚霑巾

紹詩

五求忽齋

德州阻雨和曹熙園同年 應熊 庚辰韻

辛苦輪蹄且暫休涼颼吹雨欲披裘飛殘紅杏逢初夏
踏破黃槐憶幾秋臺閣鉅公誰月旦江淮詩叟自風流
歸途莫話春明事回首依依戀 帝州

過羊流店感賦倒次前韻

垂翅匆匆別 帝州驅車今又過羊流殘碑剝蝕松楸
古故里荒涼殿宇秋公著大名輝舊牒我瞻遺象慕輕
裘古來宗社資良弼忍以迍邇志便休

下第南歸將抵家車中作

蓬萊深處碧雲遮知是瑤臺仙子家惆悵罡風初度猛

無端吹落上林花

飛殘紅杏過春三石徑崎嶇又駕驂齊魯數峰青未了
飽看山色到江南

平橋舟次寄懷劉恭甫兄 壽曾

篷窗夜氣涼於水向曉林煙尙未開漠漠雲低村半隱
浙浙冰燈熾頻催爲添吟興攜詩卷欲遣愁懷醉酒杯
遙憶故人歸擢遠寒風吹浪渡江來

和劉珮卿先生 容 汜水見懷韻 辛巳

憶昔唱驪歌匆匆歲再過揚州留片月淮水泛輕波先
誼久彌篤老成今豈多一緘勞遠寄珍重百吟哦

紹詩

六求忽齋

夢母

膝下久瞻侍小別彌依依宵深北風起髮鬢傍慈幃左
右奉甘旨戀戀三春暉夢迴月已斜老樹鴉驚飛曾放
百里權迎母同旋歸

贈周君子顯 斌

僻處謝軒蓋翛然門巷幽十年淪吏隱一卷積羈愁骨
傲超塵俗心交契雅流 謂宣瘦 養疴多暇日載酒許從
遊

夢亡友朱茁夫茂才 苑生 壬午

故人不可見五載爲千秋涼夜入我夢清談似昔游浮

生一幻影感舊百煩憂落月憶顏色愴然涕泗流

哭恭甫兄四首

大雅逝不作如君有幾人儒門光累葉經術冠羣倫遇

蹇文能富才高命不伸遺書未卒業謂左泉下最傷神

愛我若兄弟其如常別離昔年歡聚晤深夜聽談詩自

分去非違相逢定有期那知一揮手無復見君時

春莫邁危疾感君慰問勤寄書猶在眼噩耗忽驚聞世

事真如夢天心幻若雲早知有今日何敢怨離羣

蕝樹花猶發傷心忍淚來琴樽悽欲絕詩酒興如灰諸

季鶴原慟高堂鶴髮哀傳經有令子聊可慰泉臺

紹詩

七求怨齋

遜葺表弟自霍邱來喜晤賦贈

扁舟千里遠來游十載重逢喜色浮深夜論心斜月落

鬢年回首逝波流書緘珍重煩頻寄家世零丁莫漫愁

好慰北堂盼成立與君同守舊弓裘

遜葺表弟回皖賦此志別

十年纔聚首明日又離羣夙契應知我高懷獨見君悽

悽湖上月黯黯浦邊雲相送情何極林鴉不可聞

再哭恭甫兄二十四韻有序

往與恭甫兄無兩月不通書今長已矣撫今追昔再

哭以詩焚寄九泉用代簡札恭兄有知應亦愴然

秋風吹夕涼搖落園中柳故人隔重泉倏已兩月久兩

月卽千秋後會期何有憶昔初見君成歲月在西扁舟

江上來蕭寺一握手論學守弓裘君錄示先貽書等

瓊玖君贈說文檇材望成立愛我意良厚槐花三度黃

試輒依左右下榻接清談君才高八斗懷袖治山詩吟

誦不絕口借游雨花岡挈榼載芳酒同登翠微亭攀蘿

從君後歷歷舊游蹤那堪再回首君學如岱華賤子乃

培塿示我以先路幸不棄淺軀平生道義交君實兼師

友少孤學無成凡百待啟牖何圖霜露疾遽摧松柏壽

天意夫何如數奇命非偶遺書萬古留高名定不朽年

紹詩

八求怨齋

來感逝多纍纍蕪荒阜哭君最痛心我心君知否鱗羽

不能通胸臆苦欲歐揮淚告冥冥髮髯尺書剖

示丁生其忱癸未

高堂畫荻最酸辛能表瀛岡亦愴神戒汝讀書須努力

傷心同是少孤人

二十七歲生朝感賦

我生七齡時我父慟見背撫教仰重慈讀書蕭寺內三

更風雨寒燈畔勤勤誨泣下每霑襟望我自厲淬願我

幼蠢愚向學輒易退納極有遺書先業懼隕墜漂搖二

十年毛羽漸覆背孤兒今成人重慈心力瘁菽水養猶

缺承志更昧昧俯仰天地間藐躬蕞疵類失怙不自立
思之裂肝肺兄弟尠同生同生唯我妹千歸已有期相
離增歎慨惻惻蓼莪悲依依手足愛那忍說生朝孤兒
百事廢

與林風夜話

忽忽愁懷集挑燈夜未闌自憐生計拙祇益讀書難苦
語轉相慰清貧良足安重闔喜康健無復慮飢寒

贈梁可孫先生 恩霖 卽題其寒柏軒集

辛苦生涯似聚蓬喜瞻杖履客淮東尊前白髮垂垂老
囊底新詩字字工絕塞三邊防突豕洪流千里憫哀鴻

紹詩

九 次恕齋

杜陵多少傷時淚寫入愁吟史筆同

訪魯蔭亭不值喜晤韋劔秋茂才 宗涵

小別纔三日思君似水源因攜詩卷去閒訪白雲門蘿
逕見行跡蕭齋靜不喧新知同話舊相對笑言溫

和蔭亭詠雪原韻

狂飈暮起走驚濤吹得祥翼降玉霄知有飢鴻中澤裏
嗷嗷此際正悲號

紹仁齋浦遊吟



辛酉三月

林風閣詩鈔

江寧傅春姍題



南	劉	求	齋
林	氏	恕	刊

林風閣詩鈔

儀徵女史劉淑曾婉媛著

新柳

黃鸝嗁徹短長亭到眼韶光遍遠汀
依約春人臨鏡懶眉痕初試一分青

夜靜

蟲吟花底靜中聽鐵馬驚風和玉鈴
睡起窗前看明月一天風露滿池星

春晝

柳絮吹香散綺櫺階前花發淺深紅
捲簾未覺春衫薄

記取初番棟子風

春水

斜陽芳草映波光隄畔青青柳漸長
風轉落花浮水面漁舟還向綠陰藏

春游

暢好春游上翠微尋幽步屐趁斜暉
江邊帆影隨鷗落湖上箏聲送雁歸
芳樹煙深鶯百轉落花風軟燕雙飛
無邊佳景供吟眺最羨漁人弄釣磯

夢游燕子磯亭

昔泊燕子磯峰勢凌空飛四山頗蕭
滅江心落照微野

雲鬢我袂清風吹我衣步履尋幽徑望望以忘歸今夢
登其亭卻願意始驚烏背瞰危磯巍我如削成羣花圍
一畝怪石縱橫生江闊雁聲寒松陰露未乾孤巒聳高
翠仙境鏡中看幽賞興未極惜哉夢已闌夢闌景猶在
窗前曉月殘

洞庭春曉曲

天雞鳴搏桑四山吐朝霧霧收日照洞庭波風起雲橫
岳陽樹晴光激灩開湖濱香徑縈紆斑竹春煙鬢對鏡
媚清曉君山窈窕如天人湖外煙深蕙草芳山前龍女
艷雲妝凌波微步來仙府瓊珮珊珊翠黛長靈璫妍響

林詩

二求怨齋

助清謳水調新歌杜若洲湖口春深新漲碧君天遙映
兩悠悠

楊花曲

三月楊花舞碧天春光何處不堪憐誰家少婦樓頭倚
含睇凝妝百感牽怕見飄零游子意爲垂繡幕小窗前
漫天飛絮春風弱香雪吹空上珠箔回憶枝頭始放絲
翠條掩映羞紅萼那知今日化浮萍波面隨流力更薄

採藥

策杖仙巖聽虎嘯石磴盤空花四照採得靈芝跨鶴還
白雲無語青山笑

春陰

積陰亭館燕無聊粉蝶依飛帶雨嬌鬪草會閒遲社鼓
賣花聲暖和錫簫潤餘南陌桑千樹濕遍西湖柳萬條
堪惜武陵春已去怨紅香逐綠波飄

杏花

綽約繁英傍日栽鄰牆香影送春來桃花得似丰姿否
爲訊春風燕子猜

臨水低斜豔萼舒酒旗飄處認村居最憐十五當爐女
插髮新妝畫不如

春日卽事

林詩

三求怨齋

雙燕銜輕絮簾開竹影斜流鶯飛檻曲倦蝶撲窗紗雨
過尋芳草風來惜落花漸聞春笛遠應是碧峰遮

上巳禊游曲

崇山拾翠春草齊招攜仙侶臨前溪清流宛轉激寒玉
落花隨風飄澗西惠風舉袂凌雲意乳燕鳴鳩解遊戲
一雙蝴蝶帶香來脩竹竿竿盡吐翠蘭亭脩禊作佳篇
曲水流觴藉綺筵慷慨撫今悲往事風流常憶永和年
幽蘭引

君不見古人好蘭意有託綺石排根綴輕萼夜涼清露
濕幽姿芳氣吹風散高闈品格曾誇王者香援琴初佩

寄思長自甘空谷幽芳老不羨名花出洛陽
伴侶煙霞抱仙骨惜與羣芳並春發不知謫滿在何時
永謝塵氛詣瑤闕

荷池清曉曲

初日上林皋光射荷池水
嫋嫋澹煙生娟娟暗香起
池頭激灑開朝霞紅霞十丈千蓮花
絕艷與花同一色輕盈宛在水之涯
野風吹綻蓮房小翠蓋紅衣爭窈窕
亭含笑態凌波綽約仙姿映碧蘿
鴛鴦出浴婆娑影清露如珠拂花冷

龍舟競渡曲

林詩

四求恕齋

靈均放逐遭讒誣汨羅大節曠代無
楚些哀吟傷無辜沉湘魄氣往來俱
舊俗競渡有飛鳧今人遂作龍舟娛
龍舟五色威且都綵旗飄揚疾如駒
乘流矯首更張鬚弄潮健兒冠萬夫
奪標踴躍飛山嶠百靈合沓風雲呼
畫船簫鼓吹笙竽令人觀此增躊躇

擬謝康樂夜宿石門詩

暮宿石門巖林翠何葱蒨山光暗疑雲
漁火明如電湖暝哀猿嘯沙平宿鷺倦
芳樹停清樽雜花繞歌扇憶昔苑中蘭
至此心猶戀坐念芳華晚美人惜不見

瀟湘夜雨曲

洞庭之南有瀟湘瀟湘夜雨愁英皇
澗昏猿嘯子規哭湘竹斑斑瑩淚光
煙鬟綽立態曠逸翠旗金支入復出
蒼梧雲深帝不還璇宮宵長罷鼓瑟

夏日卽事

過眼鶯花歇新蟬嘒嘒吟簾涼吹夢醒
窗靜度香深雲籟高樓笛風泉曲澗
琴楚天攀碧杜遙訊故人音謂郭芬

搗衣曲

寒蟬抱葉秋氣深白露爲霜夜漏沈
烏嘯金井絡緯吟佳人懷遠淚沾襟
長城飛雪憐應早征衣未寄紅顏老

林詩

五求恕齋

手持匹練起寒碓庭宇荒蕪沒秋草
宵長明月照飛蓬隱隱天河喚塞鴻
欲倩塞紅傳尺素窮邊戍鼓悲秋風
塞鴻有翼妾無翼安得翻飛到君側
君賦長征妾搗衣可憐異地淒涼色
願君報國掃妖氛早斬樓蘭立大勳
衣寄玉關魂暗斷登高望見隴頭雲

秋蟬

秋風蕭瑟嘒寒蟬搖曳秋聲古道邊
自有靈姿餐露潔何妨薄鬢鬪雲娟
漢宮黃葉情嗚咽苑青枝夢縹緲
空剩芳塘遺蛻在斜陽衰草鎖殘煙

悼姊

憶昔庚申冬徙家東海傍流離兵燹後母疾危在牀長
嫂尚未歸重慈衰在堂勤勞念我姊寢食多未遑痛自
母違養嗟姊形更尫哀傷乃咯血諱匿語弗詳艱難撫
弟妹衣履皆籌量蹈暇習翰墨燈火三更涼同治丁卯
春于歸同郡汪相待意殊薄姊德益以彰婉婉無違顏
憾未事姑嫜安貧瘁操作麻枲兼酒漿積勞身更孱予
竊心憂傷已巳夏六月天乃降禍殃生女致不起悲風
旋空房淒絕彌留時掩面不忍望戚黨皆垂涕奴僕歎
賢良況我同懷人少小相扶將教誨逮繼微恩義安敢
忘追思童年事涕泗沾衣裳濡毫述余哀哀雁雲中翔

林詩

六求怨齋

風雪望焦山

山高凍雲凝波平飢鳥墜我來艷雪飛千巖掩黛翠其
巔留焦桐清風傳掌記三詔洞宛然卓哉石隱志想見
山之幽棟宇頗深邃斷碑橫殿階敗葉覆古字金鼇化
玉蚪恍惚仙靈戲歲晏萬木凋松篁獨秀媚江流繞四
圍烽火悲往事濤聲答磬音超出塵中世

和姑母大人題白門柳枝詞

白門楊柳久凋零新種柔條踈地青六曲朱欄映淮水
妝成眉黛鬪娉婷
棗花簾外月初圓鬢影衣香泥舞筵傳壽清歌翻別調

夜涼風露靜娟娟

卜居家傍秦淮曲畫舫笙歌取次過聞道嬾雲評甲乙
阿誰人似願橫波

秋日憶亡姊

涼颼吹雨雁聲遲明瑟秋光觸我思花徑聯吟成往事
夜臺聚首更何時登高愁遇茱萸節廢讀難忘唐棣詩
憶昔綠窗勞撫教髫年淒景不勝悲

歸里感賦

徒居金陵十三年
兒時曾憶侍嚴親東海移家正暮春今日扁舟歸故里
十年風木最傷神

林詩

七求怨齋

歸裝重整倍留連別緒都從雁影牽高閣飛霞壯胸臆

助他文宋耀詩篇謂伯季兩兄
留寓飛霞閣

宅鄰玉邱舊園西春雨連朝萬綠齊日暮方塘看放鴨

菜花黃處草檐低

鶯花三月別江南楊柳垂堤綠意髮最是他年忘不得

秦淮秋水蔣山嵐

送印川之袁江

高樹新蟬鳴溪荷自搖碧熏風動簾旌流光過駒隙來
日送君行去爲袁江客加餐慎起居勤學憂能釋好慰
倚闔心音書頻寄驛

寄懷伯兄

遙憶蜚霞閣清光自不同烏聲驚客夢鈴語答天風
山樹環窗碧池荷照檻紅參差樓殿影都入畫圖中

一別經三月江流繞石城看雲應憶我聞雁倍思兄
椒茗才難副蘋蘩禮未明客途須自愛錫語慰離情

答蔣沅青夫人

瓜果筵開夜漏遲月明侍坐聽談詩十年重返揚州櫂
愁見尊前兩鬢絲

西風蕭瑟歲將闌遠道應憐雁影單展誦瑤章倍惆悵
幾回珍重拂塵看

林詩

八求恕齋

和宜佩仲嫂游平山堂絕句

扁舟出郭遠鷺塵到眼鄉園景物新楊柳蕭疏秋意老
野花嘒鳥解迎人

隱隱參差竹徑疏隔溪處處采芙蓉斜風細雨平山路
妙手倪迂畫不如

接迹歐蘇大雅賢沈吟司李治春篇當時文苑人何在
恨我遲生二百年

秋夜

亭皋木落秋風冷絡緯悲吟繞金井空階寂寂漏聲稀
皎皎寒蟬弄清影念我親兮各一方山河阻隔道路長

南枝越鳥北風馬人生離合增永傷昨宵夢到邗江路
帆影濤聲指煙霧北堂含笑慰離愁猶子牽衣初學步
太息晨鐘警曉寒思親永夜夢難安雲天悵望南來雁
羨爾飛翔天地寬

歸甯途次阻風寄少雯妹

東風有意阻歸程慣聽鄰舟打槳聲一帶垂堤萬楊柳
絲絲盡是別離情

邗江流水思君遠袁浦幽閨念我深遙祝高堂多福慶
平安時惠故人音

口占送伯兄渡江

幾日清談重惜別未知此會更何時悠悠江上秋帆遠
愁絕平山萬柳絲

林詩

九求恕齋

和伯兄見寄原韻

江風吹浪斷人行沙岸停舟聽雨聲到眼雲山皆幻象
新詩惠我筆縱橫

嗟余自別江南地夢想金陵兩岸山春水三篙魚尺半
羨君坐賞燕鷗閒

寄靜仙三嫂

桐葉驚秋雁又賓蕭蕭涼雨入簾勻年來典質勞心計
願寄魚書問故人

平山煮酒思當日感逝傷離痛此時展誦瑤華意何限
披箋聊奮數行詩

寄合印川

京江一帶俱安堵底事謠傳有戰兵聞道綠楊城外路
居民依舊習躬耕

林詩

十求怨齋

林風閣詩鈔

上張宮保書

撫院隨工文案委員孔昭榮妻劉氏泣血上稟事氏夫
昨隨 轅返省途次遭風遇變踪影全無 重堂痛不
聊生此由天意豈敢怨尤况氏夫平日蒙 宮保垂愛
逾格備荷提攜然氏夫少孤力學始得成名家徒四壁
貧况堪憐連年捷南宮後奉

旨授山東卽用知縣得蒙 宮保賞以優差菽水之資
得以無缺今忽遭此變痛苦何堪兩世孤孀何以度日
仰懇 宮保賞給養老之資以度餘年則氏夫在九京
亦當感激再氏身長名門頗知禮義今誓從夫於地下


林詩

十求怨齋

以鑒此心雙樁旋南川資等等均需 宮保大人恩賞
則魂如有知當爲黃雀銜環之報俚言上稟五內如焚
尙乞 垂鑒

寄母黃太宜人稟

敬稟者前日晚 女孀 隨宮保回省忽遇大風船不能攏
岸 女孀 出艙上岸黃河浪大同行數人皆回而 女孀不
知下落看來凶多吉少痛不可言 女孀 誓從夫於地下特
留數行以當面稟報恩當在來生也



教
良
吉
齋

文
鈔
四
卷

光緒丙午集虛草堂校葉張文運校

敦艮吉齋文鈔目錄

第一卷

論說三首 序跋二十二首 贈序八首

第二卷

書牘三十二首

第三卷

傳狀一首 碑誌十九首

第四卷

雜記十三首 銘頌贊六首 哀祭三首

吾鄉徐毅甫先生敦艮吉齋文四卷光緒丙戌其嗣

敦艮吉齋文目錄

一 集虛草堂

君源伯鈺版印傳不廣其中多譌奪又時有代言應俗之作識者憾焉歲甲辰吾師桐城馬先生重為編定稍汰去四十餘篇文以類從仍四卷命曰文鈔而國松為之較字授棨蓋先生文之可傳者具此矣先生嘗師事桐城姚按察瑩桐城之言古文自方侍郎劉教諭姚郎中按察於郎中為從孫亦有文章政事大名先生既親炙按察復得交其時鉅人長德如曾文正江忠烈諸公皆相引重又姿力絕人讀書浩博故其所為文明於義法條貫於事物縱橫超軼而不失其馳其尤至者於桐城諸老儒先所得之美未有

以異也方咸同之際天下大用兵淮南異軍特起兜鍪貂蟬百十而贏先生故亦出游戎幄而卒甘蠖屈投老故山以竟其業可不謂篤古自得不因循之君子矣乎抑國松尤有感焉合肥故大縣湖山環匯古所稱文盛區也逮孫曹以來常為用武之地積勛伐樹節槩者著在前紀曠歲千百獨未有為古文之學立名傳業於其間者先生出乃稍以文顯今先生沒三十年耳而流風漸以衰歇世變日新視先生時又不侔矣讀先生書乃益使生其鄉者低徊而興慕也光緒三十一年夏六月壬子鄉後學李國松謹記

敦艮吉齋文目錄

二 集虛草堂

敦艮吉齋文鈔目錄終

龍泉老牧傳

桐城馬其昶撰

龍泉老牧者合肥徐君子苓所自署別號也君故號南陽字西叔一字毅甫先世由南昌遷廬州世農也父欽多病早世性喜振施君方在娠有道士修髯古貌自言遊峩眉來到門乞齋已忽不見家人報產兒故遂小字曰道士岐嶷穎異涉學多通既孤貧不能自存太守劉耀椿奇賞之期以國士爲資給其家少喜讀易及老莊孫武書究心天下利病顧視儕輩皆無出己上益放不自檢謂名業可立致年二十四舉於鄉入都獲交湘鄉

傳

一 集虛草堂

曾文正公及邵郎中懿辰陳編修源充張石洲穆暨他知名士皆解帶寫誠羣流傾嚮然性故介特於時俗人不能容納尤貴顯者尤以氣轍之人以此畏其狂望風嫉之既困不得第歸而鬻文自活得錢復隨手散去久益困則以書抵故人於京師謂足下誠欲起僕之窮乎何不號於諸貴人之門曰合肥有徐生善鬻文苟羅而致之不苛以恆禮自時文試帖館閣賦牋表頌誄旁及兩漢三唐樂府與夫流俗俳諧祈神訣鬼藏嬌贈豔之作唯主人之命是聽計役而與償當其快意萬言之富唾手可辦卽非其人雖千金一字不得也蓋其困彌甚

其自喜亦彌甚曾公典試江西使節過廬州詣君陋巷不值賦詩一章而去於是陳源充出守吉安再補池州君樂江南山水陳又故人也遂客其所當是時天下已大亂曾公治兵於長沙廣西寇既破武昌順流東下防江兵潰散寇遂據江甯四出侵擾安徽巡撫移治廬州江公忠源新立大功授巡撫馳入廬州治守禦陳源充已前解池州任被檄至廬州助守君方避寇亂鄉居聞陳至亟走存問甫入而城閉寇前鋒抵派河君留居圍城中廿餘日一日陳置酒飲君酒半慨然曰嘻子好言兵乃恆飲何憚一見撫軍樹尺寸功衛鄉里因強之以

傳

二 集虛草堂

見江公江公固夙知君一見大喜曰何以教我迺者客有獻計籍富民財以招徠鄉勇鄉勇果何如君曰鄉民自保衛皆無足當巨寇江公曰然吾精兵皆留江西今事急姑強子一行且聞子有老母又獨子不可徒死圍城中子幸出爲我趣鄉勇來吾開門待戰事平還藉子草露布君既感陳公之言又重違江公乃許諾以筐篋城下冒圍出未幾城陷二公殉節死鄉里富民聞前時議歛民財事雖不就皆爭齎斂君君用是益困屢無所向久之曾公水陸大舉克安慶則遣人迎致君居三年江甯平兩淮游以無事君謂山中屋可葺田可耕也

乃辭去到家解裝以所得金買黃牛一頭私心自幸天若厭亂吾與是牛蚤作而夕休更十餘年即死幸矣因自號龍泉老牧龍泉者巢湖之濱其所居山名也歲比不登蝗大起復飢驅四走風雪寒冱中酒成瘴病比歸而牛死江淮之亂又作於是乃太息曰皇穹不佑載掣余肘我牛不辰失左右手天邪盜邪孰終余畝悲夫自是仍時時鬻文遊公卿閒同治五年揀選得知縣不樂爲吏改教職選授和州學正未上事州牧游智開循吏也固要之往比至聞學師爭諸生贄金薄厚笑曰是尙可爲邪徑去不顧光緒二年年六十有五其夏有鴟鳥

傳

三

集虛草堂

飛集書室侍者逐不去醢之越日二大鴟率羣小鴟數百棲園樹震撼牆屋格格有聲君曰此賈太傅所謂服鳥也吾其行矣遂卒君於醫卜相人之術一皆掣習尤雄詩筆著有敦良吉齋詩文存六卷配楊氏生子二長源伯次元叔才而早死君上世五傳皆單丁至源伯乃有孫五人

馬其昶曰余客合肥聞其先輩有三怪之目蓋謂君暨朱默存王謙齋而三余及見王君年八十猶健爲詩述君行乞爲之傳且言君師事姚石父先生其文學亦乃傳業桐城子其勿辭果敏公英翰者起安徽州縣至巡

撫故與君爲昆弟交一日君敝衣詣巡撫署果敏屣履出迎酒酣樂作君乃言曰大難初夷百廢待飭而君輩爲大官者固樂甚乎僕老罷殊不慣此因起趨出果敏亟謝曰謹受教即命徹樂固請乃留其正辭不阿皆此類也今年余來合肥王君已前卒偶與李生國松讀君文歎其絕人又頗惜其多無聊應俗之作今誠能要刪之亦足以不朽李生請任校刻余乃錄存其文一百餘篇分類編次皆可觀而君子源伯適於其時持狀來謁文也蓋其年亦且七十矣因頗采君所自著文及王君語次之如此

傳

四

集虛草堂

合肥徐子苓西叔

論說

原亂

亂之所生天邪曰非也天命善不命惡命君子不命小人烏在其命亂也然則抑人邪曰亦非也天下之亂非一人之力之所能為古之亂天下者無論其在上下必其人有造亂之才而又適丁夫天下羣思亂之時焉故其亂一發而不能制夫才與時非人之所能為焉者也然則果孰為之曰為之者天與君與相而眾人不與

敦艮言齋文一

一

集虛草堂

焉君相者立人之統繼天之事君失其為君相失其為相人變於下則天變於上於是乎亂人生焉而假之以其才子之以其時然則天之好生者非與夫大亂之世賊虐遍於無辜君與相尸其孽而天乃降其罰於眾人豈理也哉曰鄰老父有逆子日忤其父其父日譙呵垂涕泣以從其後久之不改於是乎其父悲思憤懣又久之而有昏暝狂易之疾遂乃日鞭撻其雞狗撞擊其甌釜驅逐其婦若孫蚤夜叫號不安於室夫雞狗甌釜與其婦若孫皆無罪也然其若是焉者子失其為子則父失其為父君失其為君相失其為相則天失其為天故

亂

鼎九四說

周禮司烜氏邦若屋誅則為明竈康成云屋讀如其刑劇之劇謂殺不於市而以適甸師氏明竈者板書其姓名罪狀著於墻中班固敘傳底劇鼎臣服虔曰周禮有屋誅誅大臣於屋下不露也或曰刑不上大夫劇毋乃重與夫古所謂刑不上大夫謂黜劓之刑不加焉故有賜死無戮辱今夫鼎之為器重公餗云者豕所謂亨以享帝享聖賢之大美孟子所謂天祿是也挈人主之重器力不足以勝之誠愧且悔將博求天下之賢人君子

敦艮言齋文一

二

集虛草堂

與之扶持左右其閒柰之何使其顛且覆也蓋從古小人害人家國其術非一然苟少有愧悔之萌猶足以固人心而留天命惟其覘顏無復羞恥之存鼎足之所由折而公餗之所由覆也夫劇雖顯戮第從親故之條毒痛於四海而戮止於一身彼小人者雖死其猶幸也與或曰漢哀帝明烈宗皆嘗殺戮大臣卒以喪亡此豈盛德事哉夫王嘉賢相無可誅之罪烈宗輕慢自用豕曰異而耳目聰明柔進而上行故人君之德莫大於知人能知人然後敢於用人然後敢於殺人

習坎齋說

八卦皆恆德坎獨用險又重陰而微陽古之聖人重其文曰習亦若民生之恆德可以常試也者竊嘗觀於水而得夫所以習之之說焉今夫水竅於重壤瀏然汨然緣幽而踰深淵淪迂折匯於江湖達於海其所歷極天下之至險矣夫水日行乎險中其出之也易由其習之也勤故其久而不息有乾之健焉處卑而善下有坤之順焉轉乎峻嶺負土裂石浩浩乎其必達者有震之動焉涵澹容與待時而進似乎良善鑑似乎離負重致遠似乎巽羣居廣大而不奸似乎兌心之藏於人身其猶水乎闕於思困於慮蹈於陷阱其爲坎也抑甚矣故夫

敦艮言齋文一

三

集虛草堂

耳目之所蔽如穴處而面牆其精神之怙亡如醉如癡如冥行於墟墓之間昏昏悶悶久而自迷其方而其天機之若滅若沒斬焉而僅存者亦漸焉而就盡是以古之聖人閔人心之易亡而學之有功也既豫其教於蒙復申其訓於坎蓋習坎者困學之事也余質闇屢蹶而行不加修晚始思學因以名吾齋而說以自儆焉夫樹木者必培其本尋水者必窮其原易曰水洊至習坎惟其原深故其至也時以洊而有常若夫沮洳溝澮之積與夫決隄壞障汎濫而四溢者水乎吾懼其卒窮於所至也

序跋

孫子坳解序

孫子坳解邑人鄭君所爲並其所錄十家注總爲十卷君名達字士行又號柰村農夫其先燕邸魚服之勳臣也君少讀書慷慨壯有大志當崇禎改革之際及乎順治康熙之間君年已老矣自其少時尤好孫子之書其自序云嘗聞孫子有十家注在河洛之交遂歷抵齊魯燕趙縱觀於泰華孟門之區久而得之淮瀆廟道藏中因錄持歸又數年有坳解之作去年余從金陵見孫觀察星衍所刻孫子十家注歸檢鄭君所錄已佚獨其坳解

敦艮言齋文一

四

集虛草堂

在耳余家窮巷廢圃之旁頽垣四絕無鄰又數出遊今年從北來檢舊書並其坳解亦亡之矣獨所錄副本在耳坳解止一卷其言簡質多所發明舊本有序二首都不記憶及今所能記憶則余所謂其先燕邸魚服之勳臣云云也君邑之雷麻店人猶記十年前於舊帙中見其所爲田家日記旁行細書於菘麻種柳收黍釀酒之法甚詳字迹蒼整如六七十歲人今並佚

潘太常菩薩蠻詞七首序

余讀鄭風竊有疑於朱子之言山有扶蘇之首章曰山有扶蘇隰有荷華不見子都乃見狂且序以爲刺鄭忽

之作其曰扶蘇荷華者山澤之翹秀民生材用所資曰子都者猶榛苓之言美人也其曰狂且者蓋謂祭仲高渠彌祝聃之輩耳擇之首章曰擇兮擇兮風其吹女叔兮伯兮倡子和女嚴氏以爲小臣告亂之詞其曰叔伯者上大夫與下大夫也和女云者上爲之斯下應之矣風擇可無憂也呼號祈籲之莫知昏庸醉飽之如故則賢者易位而去仁人君子皆相率於隱遁耳故自狡童諸篇而下次之以風雨風雨者思賢也詩亡而騷作騷亡而漢氏樂府出余讀十九首丹橘於忽有所思傷其志惜當世無序而明之者蓋詩者志也志之所不得則

敦良言齋文一

五

集虛草堂

有言言之所不得而又不能自己焉或假借其詞或迂奧其指荒幻幽詭雖以犯人世之非笑而不顧更千百年後欲持一定之見以臆之鮮不誤矣是以讀詩不得其解則以爲淫讀騷不得其解則以爲譎讀漢氏樂府不得其解則以爲質而俚太常潘子季玉工古文詩以其暇爲詩餘若干首其冠於篇始有所謂菩薩蠻七首者肇端房闈之近敘恨睽隔之交其愛也似媒其怨也如慕嘗細繹其旨而不得因以質於季玉季玉悄然曰有是哉子之固也余偶有觸焉於茲七首焉寄之又烏知後之讀吾詞者不以爲淫焉譎焉質而俚焉否邪有

是哉子之固也其詞總名玉淫集陽湖張仲遠采刻同聲集中元和陳梁叔重爲之序獨此七首者余重思之卒無以解其旨之所在則甚矣余之固也故稱詩以問之

嘯顛詩序

余有方外之友曰嘯顛爲人外夷中介喜讀書能詩尤篤於友朋之節志行有隱君子之風老而益溺於佛其詩余爲鈔存若干首既得其橐又埒入十數首總爲一卷距其沒又一年於今矣悲夫余少多疾病嘗從事於老莊養生之言時嘯顛坐禪城東遂數往來常共登姥

敦良言齋文一

六

集虛草堂

山汎舟於焦門之陰樂之約擇一邱相依以終焉既余領江南鄉薦嘯顛方病痢劇夜往視燈暎暎喘息無人氣徐矍然坐起曰咄吾固知子必過我我老病死何憾顧念子才雜而性剛古之人惟無欲故無累於物子將獨奚以免邪時道光十五年九月十五日也其詩安邱劉先生亟稱之嘗至肥欲往候屬道意謝弗與通或問之曰若敘吾詩盛稱韓退之是蔑吾祖矣夫何見爲肥上僧能詩者有野蠶野蠶俊脫尙氣嘯顛體筆簡素不屑屑於排偶聲律時雜出於輪迴因果之說今集中所存閻羅謠海上有一士諸篇仍其志也嘯顛姓秦氏

鹽城人沒於治父山中

柳溪先生遺詩序

昔孔子刪詩自委巷小夫上至郊廟朝廷公卿士大夫之作具錄隱逸人之詩存者僅四篇焉十畝伐檀衡門考槃諸作皆其人之所自爲秦漢之季隱逸人以詩稱者獨四皓龐公梁伯鸞世所傳紫芝於忽思高恢數首是也惟五噫一首錄於史氏晉徵士陶淵明尤好爲詩多乃至百餘首究其用意完好之作亦不過十數首已耳夫詩之爲道精深廣大非寬閒專壹之士不能深造於其微而士之棲窮茹寂於山林巖穴之中類多有卓

敦良言齋文一

七

集虛草堂

絕過人之才夫以過人之才居無用之地其心力甚暇宜其發爲文章甚多而可傳然自周秦以來世所傳隱逸人之詩蓋寥寥焉何也桐城戴柳溪先生遺詩一卷總三十首今年春其裔孫存莊出以相示深悼恨於先生之行事無可表著並其遺書亦多不存余受而讀之其詩尤善言田家之事有古隱逸人之遺風焉夫以先生之詩比之世之能言之士其存者誠少然方之古人不已較多乎哉易曰吉人之辭寡介之推有言言身之文也身將隱焉用文之烏乎此古之人遯世而卒無累於世也與

海南歸棹詞跋

余少學於安邱劉先生先生於文尊望溪於詩不主一說顧獨喜爲詞然亦不恆爲之是卷乃其孫穎生所錄高密單學博爲之序而海南之事先先生惟厚自引咎又非門下士所敢訟言猶記往在泗州見先生日坐聽事官吏抱牘更番進燭見跋吏倚壁睡退然一老木槩坐達曙朱墨恆狼藉襟袖閒嘗乘閒請則愀然曰余爲吏當治民日從諸君飲酒賦詩可乎然興至閒爲小令或長調把廢牘伸筆輒就終亦棄去是卷海南以前多廢牘上作也其詞清豪婉麗深得風人和平之旨單學博

敦良言齋文一

八

集虛草堂

以爲似白石翁云

旌表刑科給事葉公孝行事實書後

庚戌南歸瀕行葉君潤臣以其尊大父給事公 旌表孝行事實屬爲文謹拜受不敢辭歸而讀之則見公之懿聞早著於鄉其事當得書於史氏而潤臣之伯兄今粵東撫軍又以功晉五等之封公之食報於後者既有驗誠無待言今年秋家居臥病閱笥中散帙又得潤臣尊甫所爲給事公行述記其單車叩東華門赴林逆之變夜大雷雨與諸衛士露宿泥淖中蹂仆幾死旣論功卒隱其勞蓋嘉慶十八年秋九月十五日事也爲之霍

然起立長吁久之方林逆初起結黨通內侍造謀久待時未發其黨蔓於河南河南滑縣令強忠烈公密以聞大吏弗之問夫以里巷挈竿事魔之細民挺刃一呼喋血宮禁其變前古所希有而釀其禍者實由於封疆重臣忠烈發其謀於無事之時終以身殉與公之從容赴變於臨事之際卒隱其勞其迹雖殊其爲忠則一也余嘗怪王祥馮道輩其生平皆以孝聞祥之後有王戎者尤善居喪而姍鄙負國至爲後世所不齒豈以孝事君則忠之說果有遺旨與及誦公之事益歎經所謂資於事父以事君者大聖人實爲後之士大夫顯設其戒苟

敦良言齋文一

九

集虛草堂

不忠矣夫何孝之足云公既早退其志業不克盡於時而今撫軍卒以功名光於粵東詩曰永言孝思孝思維則又曰夙興夜寐無忝爾所生潤臣嫻於詩先德之淵源絲綸之世美夫亦可以愾然詠矣

瑞麥圖序

茶陵陳公守池之次年政簡民悅屬以有年乃以其所得瑞麥圖而詩之屬爲序則謹復於公曰瑞麥於傳爲農祥茲有年其信祥矣恐芟言無以揚盛美公蹙然避席曰余不德殊無足以堪此蓋古者官養民今者民養於天養於地官舉無與焉且又多方以重耗之而肥瘠

之產與夫水旱死徒顛連無告之狀一聽諸氣數之適然三代下民生所以多故者此也池壤瘠屢水余甫至相其土宜卽收不足支終歲其士氣樸秀而戶鮮中人之籍池旣瘠壤余又拙窮凡有願爲於斯土力都未之有逮池人士幸不鄙棄余嘗過從其老者余禮之如兄其少者余班之弟子行有執經問者告之必以誠池人訟雖重讞反覆之未敢或以鞭朴先祿廩外橐無一餅金余嘗自忖實未敢多方以耗之究亦無足以益之瑞麥之應天殆以哀吾民余又烏忍貪天之功以爲功哉願吾子質言之無重貽余愧也嗟乎由公之言以揣其

敦良言齋文一

十

集虛草堂

中之所存其庶幾知所養者與此瑞麥之所由瑞也夫易益之彖曰益損上益下又曰益動而巽日進無疆蓋損下益上其極必潰損上益下其氣易通天人之際未有感而不應者雖然養民者官也其平日旣失其所以養之道又多方以重耗之耗之不已於是乎謫之見於天者有水旱兵革之禍官厚其毒而民食其殃而張湯杜周之子孫且再世而益顯然則天又果可盡恃乎哉

江撫軍遺文書後

右撫軍江公遺文總四首郡人沈君桂僊所藏轉寫以

授余者君之言曰吾顛越奔竄家具蕩然不少顧獨是册提攜珍祕嘗畫而誦之則憬然而廢食夜而誦之則泫然而忘寢嘗試背誦於人人久而益忘其倦吾故吏縣中其奏稟二首嘗手寫以存卷者其解散脅從示吾得之於市中其告城隍文則郡人士所傳觀泣下者吾嘗道聽歸而墨之於紙方城破夜大霧吾與老僕約絕城出亟檢是卷並他文稟叢屢內袖中老僕卻顧曰唉是蓬然者皆官物撫軍又嘗與賊仇脫遇賊死無救矣曷委之吾陽應曰諾行數武城上人號呼相蹂勢若奔潮不得前復借老僕還之空舍中有木牀蔭草陳積僕

敦良言齋文一

十一 集虛草堂

昇牀吾入臥其下天明數賊來以刀叩牀頭摸索草中徐一賊曰是空舍何久稽此徑去頃之聞鄰舍兩婦人搶地惶號刀聲霍然久頓寂吾體肥蜷不敢喘又僵不能一轉側而砌上履聲與戶外哭聲馬蹄聲詈聲笑聲劍槩撞戛聲聲相應也日入老僕來突昇牀呼吾出曰賊日暮仍出城歸宿營中僕老憊幸釋請亟去吾亟偕老僕復絕城走夜黑泥淖屢踏中道徑田家乞湯沐亟出視袖中之蓬然者則都叢屢完好如前子好文當早有所論述以傳撫軍之事於無窮不得以流離病憊辭嗟乎撫軍忠勇聞於四海其威信大洽乎人心其生平

文章論著他日史氏當具書而是册得君以存君於法當封書謹道其顛末留以俟諸史氏君名攀月讀書好記誦窮而吏縣中桂僊其字云

言卓林詩序

詩者文章之一事聖人列之於經記曰不能詩於禮謬夫里巷孺婦歌謠之末士大夫尋常宴會贈答酬應之辭聖人列之於經以爲學禮者之權衡焉何哉蓋詩之爲道根極於性情君臣父子兄弟夫婦朋友遇之所不得已情之所拂焉而難忍與其行事貞淫美惡之不可以訟言之者詩則反覆善道風而易入厄窮而不怒故

敦良言齋文一

十二 集虛草堂

六經之教禮主其常詩通其變故古之人深於詩者其性情大都醇摯專一動以天而不雜於人夫醇摯專一動以天而不雜於人者禮之大原之所從出也自夫學者矜多鬪靡日沈溺於聲律駢仄之微其甚者又習爲淫詞穢說以破壞天下之人心於是乎聖人立教之旨蕩然盡矣吾友言君卓林其家世習於禮君獨喜爲詩蓋君大賢之後少習聞於其鄉先進言論問學之指壯遊四方崎嶇於湖湘烽火之中而君又實有古之詩人之性情焉故其發之於詩蔚乎悱然頎而麗盎而不流而其得之楚北者思親憶弟懷友諸作益沈鬱淒婉多

可誦者君與余初不相知今年夏聞人言余赴河南將道壽春數屬人陰相覓秋七月余自河南病歸視君於壽春是時定遠警益甚以君故復留數日瀕行君治飲酒半揖君而告之曰天下日多事夫亂之所生惟禮可以已之君之先言禮者所嘗折衷焉傳曰禮不明則上下昏故詩曰既明且哲以保其身此爲處亂世而無位者言之也抑又聞之小宛之詩兄弟相戒以免亂之作也其首章曰宛彼鳴鳩翰飛戾天我心憂傷念昔先人明發不寐有懷二人言乎力薄者不可以高飛念所生冀以延祖德也其二章曰人之齊聖飲酒溫克彼昏不

敦良言齋文一

十三 集虛草堂

知益醉日富各敬爾儀天命不又言乎麴蘖非所以養生天命之不可以常恃也君與余皆有老親又辱申以兄弟之愛夫周道衰而變風作麴蘖之嗜興士之以酒名者有之矣而余之所望於君抑更有進於是焉既誦詩以別遂書其簡端

王北垣藏彙序

詞章之爲技至小其爲壽也恆獨永古之工於是者大都過珍其所得往往肩匿幽阻迴出於人迹意想之外冥然若無所願於世者乃無端掇於火穴於山網於水出於溷中破壁掘冢以布之大書深刻以誦之自周秦

以來著於錄者蓋班班然同里王秀才北垣少喜爲詩往歲余家城中見其所爲彙旁行塗乙多可愛者今年余避兵湖干君作日益多乃編次前後所爲總錄成冊將匣而瘞之而徵文於余君於廬州爲著姓方明之季盜竄起廬州地四衝兵火彌歲蕩爲邱墟自君家先侍御公與黃州公後先繫籍於朝簪紱之麻昇平文物之富涵濡積累垂三百餘年至君之尊人育泉徵君保世益大園廬池館鼎彝圖史一切瓌麗可好之物嘗甲於郡中今江淮屢構兵安慶一再失守郡中人焦然捆載以遷者十去其七君少年獨乃躑躅空城中朝夕把一

敦良言齋文一

十四 集虛草堂

編酸吟涕咨不忍去手蓋君之自珍其所得將錄而瘞之與余之愛君之詩流連太息揮涕泣而序之者皆世所謂迂狂謬悠可笑人也是則重可悲也夫

吳徵士詩序

余既銘君之墓其子長慶復摺拾其詩古文若干首屬校而存之君性敏務博覽勤於論述今所存者止咸豐癸丑甲寅兩年之作要其軼者多矣余少喜爲文辭出遊四方海內士之能文者多與余好君與余生同郡自束髮以至壯大未嘗一通面惟其死事之前一年卒相遇於郡中未終日別去今長慶乃重忘余陋獨手一編

崎嶇烽火時時來窮山中每爲余誦君平昔相顧之言若深知余者是尤可感也已君詩清亮婉激大都感時閱亂之作居多其上李撫軍言團練書凡數千言獨推原於倉儲爲戰守之本旨哉其知言者與昔孔門論政兵食並詳誠以食者兵民日用之所必需故古之名將興師用眾必先量糧道之迂直條貨財之多寡通商勸農以內和輯其民人務爲深遠持重俾敵無倉卒可乘之釁廬州漁米之饒甲於江表歲一不收桐城數萬屢勝之卒一朝而潰而淮北奸民騰煽禍亂相尋生人塗炭極矣夫言立於此宇宙之利害得失以類應焉惟閱

敦良言齋文一

十五

集虛草堂

理審而能言者能之而惜乎君之微言切論僅獲存一二於死亡煨燼之餘不重可惜哉凡物之存於世者少而愈珍而文字之傳恆恃乎強有力者與其賢子孫君之大節固不藉是編以傳然爲人子孫久而不忘其先人之緒若長慶者亦賢矣夫是編詩古文共爲一冊余曷事整比其篇次悉如其舊若其爵里生卒余旣銘之矣故不論次

汪芾庭詩序

詩人莫眾於唐唐之詩人其傳亦不第以其詩高適王季友岑參皆詩人也皆嘗佐戎行閒積勞至顯官李白

杜甫皆喜談兵旣嘗流離狼狽於烽煙戎馬之中而其患難所經指事託規詩境遂極奇絕降而至於杜牧羅隱其體少靡然牧多大略其學長於左氏其注孫子多能詳曹公之所未備隱尤不遇觀其與宋招討書論行軍事宜蓋亦奇節敢言之士然則數子之傳夫豈第以其詩云乎哉 國朝以時文取士垂二百餘年公卿將相於此焉獲之其能者又旁及於詩古文辭高材魁望比肩接足亦云眾矣自兩粵搆兵士大夫遷延汗縮戰守久無成效居嘗私憂竊歎意當吾世但得有一二洞曉兵事敢盡言如杜牧羅隱其人者亦足以折詬笑者

敦良言齋文一

一六

集虛草堂

之口而抒軍國之憂而惜也未之見焉今年秋郡太守閱鄉兵於巢湖之陽余夜上謁見有白晣而髭目炯炯隅坐兀然若有深思者叩之則無錫汪君芾庭故客於太守者也方是時東關失防將卒離次越伍集賢連告急太守亟問兵事之所宜從余以戚將軍新書對君聞一著語悉中窾要心竊異之旣退歛歔拉余步於野田荒冢之墟相與抵掌劇談月將墮晨星睽睽意若不勝其憤者居數日出示所爲詩總二卷其磊激清麗抑何絕似杜牧羅隱之甚也嗟乎余亦何幸重得此於君也哉因飲以酒而進之曰今海內日多故禍亂之生未知

所極大丈夫無所見於今必有傳於後勉旃芾庭君之
自見與後之所以見君者將第以其詩云乎哉抑不第
以其詩云乎哉

書陳立凡記弄熊後

茶陵陳子立凡以余言弄熊壯其事遂記之其文則余
所謂雄奇而逸者也今夫熊獸之忠信而材武者也居
高崖嶄谷阻絕人迹既已不幸媻於野虞氏斂其軼足
猛氣惟弄者之麾熊亦羞其類矣夫虎識衝破狼倒卜
龜不食故壽豹隱霧以澤其毛妖狐九尾能幻人登雲
而上於天熊而弄失其爲熊矣熊亦拙謀矣哉然食其

敦良言齋文一

一七

集虛草堂

粟則勤於所事隨所投而不怠熊之忠信蓋天授邪弄
熊者定遠人寓止與余家邇其弄之之術則陳子所謂
權其飢飽云云也熊色正黑喜食麥弄者日飼以一粥
粥盡四升粟不得飽余憐熊飢晚飯罷嘗懷餅往啖之
熊偃強垂頭坐伸巨掌顧余逡巡若有所思聞鄰寺鼓
聲躍起人立而舞穹背闊腹魁然一偉男子也

皖江倡和集序

皖江倡和集者浙江金都轉所輯瀕行屬爲之言君負
才好遊是編自無錫汪君芾庭桐城許君碩甫數人者
外余與獨山莫君子偲與焉皖地縮江穀淮粵賊稽兵

九稔今相君湘鄉曾公集羣帥之師拔而有之沿江州
郡次第皆下西人嚮風內附今年春撫軍李公莅師六
安用綏淮右魚鹽杭粟水陸之貨充牣輻輳戈船海舶
士馬兵甲之盛雄峙江表而是時君故人郭翰林自楚
南之官道皖中中江李兵部眉生吳與周侍御縵雲武
甯張觀察鍊渠咸隸事於幕府君既喜事而江山之勝
友朋之樂又適相會焉雖疏拙蹇病如余者亦樂以燕
閒之餘趨陪於眾賓之末然則是編之存君固有其不
容自己者與昔李文叔有言天下治亂候乎洛陽園林
之興廢夫園林興廢何與於天下之治亂然文叔云此

敦良言齋文一

一八

集虛草堂

者卽近以知遠舉小以況大也是編總若干首黔蜀楚
豫吳越之人在焉余皖人也皖之山濤爲大副貳南岳
其水淵洞澄澗兼眾流而匯之江其北高原廣陸民材
而武西南岡巒起伏懸互數百里巖壑奇麗多可遊者
君今所見猶皖地之一隅耳夫地有興廢時有治亂土
之超然遐尙不泯滅於天地者夫豈治亂興廢之所能
爲行矣君他日鼓焦門之棹過子胥之臺尋楚漢之戰
迹覽孫曹之故壘醞酒歛歔倡焉寡和君之遊其益進
焉矣乎觀其山有雲郁然於眾峰之間巢父王喬浮邱
魏伯陽之所棲遁也余皖人而好遊者請行歌以先焉

可乎

貴陽黃太史子壽賢母錄跋尾

賢母錄者貴陽黃君子壽錄其太夫人之賢錄中志銘傳記備之矣余不識黃君今年春鄧伯昭自四川書來郵君所錄並道君平昔之謬相愛悅者屬爲言是時余赴壽春夜宿旅店中風雪沍寒四川去吾州數千里余久不見伯昭悲其言且感黃君知卒卒未有以報夏間病歸檢行笥錄久失去比秋馮觀察以其門人程君伯勇書來黃君所錄在焉其書道太夫人之賢與君之所爲愛悅鄙人者與伯昭之書同二君皆壯士余以二君

敦良言齋文一

一九

集虛草堂

言益以信太夫人之賢黃君之爲篤孝人也吁余何幸得此於黃君哉夫士有羣居一室畢世漠不相關或生不同時遠在數千百載之上至乃攬卷悲吟憂喜如告何者知與不知異也黃君篤孝人也太夫人誠賢然古今賢母代湮沒而無聞者眾矣黃君篤孝人也自其壯年服官翰林恆引歸朝夕其親而不忍離以其今者之汲汲焉於其親身後之名而不能自己益以信其居嘗之事其親於生前者之無忝厥事矣昔郭林宗有母之喪家孺子往弔置生芻一束於廬前而去感知己志明德也伯昭久不得見君與伯勇又都在遠方乃越數千

里而敦書於素不識面之鄙人顧余衰病欲裹糧徒步略展雞酒之敬一答黃君之知實爲此生必不可得之數而自念余少失怙長而奔走衣食有母而不能養迨吾母沒又隔絕兵閒不得親視含殮黃君誠知余余何以質黃君哉是以誦君所錄未終卷俯仰愧汗如錐刺心久而不能成一字吁余果何以質黃君哉君錄成於同治元年其年冬隨其尊人觀察公入蜀觀察公敏於吏事見官陝西所至有政聲初觀察公微時恆飢窮太夫人屑糠粃作粥粥恆不充鄰有孔先生者貧而好學兩家日恆不舉火庭有桃樹飢則頽庭中桃呼觀察公共啖其家人分奉太夫人觀察公讀書有疑義輒倚短牆呼孔先生共語析之然則孔先生亦奇士哉古之賢母與夫志行高潔之士好事者往往繪爲圖畫傳之人聞他日遇善丹青者試寫孔先生隔牆共語圖墀之錄後庭中桃樹且千古矣

敦良言齋文一

二一

集虛草堂

勸誠淺語十六條後跋

客有款余者日子嘗見曾公勸誠語乎曰竊嘗誦之客曰公殆倦兵乎曰客奚知之客曰以公之論諸葛武侯與韓范者知之矣夫蜀漢偏安豈所望於恢復元昊僭制惡可例以中興哉曰余譎陋智不足以知諸葛韓范

數君子者之爲竊嘗考之於史證之以法請舉其略以祛君惑法曰量敵而後進蜀地阻險後主闇弱關張宿將都前死而魏形勝勢便君臣和洽司馬懿張郃老謀勁旅武侯部下如魏延楊儀輩非其對也祁山之役長星隕壘天不祚漢誰能興之宋自削奪方鎮以後兵權悉收於上元昊桀虜也西陲羌漢雜處夏竦范雍憺憺顧避邊事棘矣韓范二公承積弊之餘當新勝之虜好水川之役任福一不受命遂敗然則戰豈易言哉涇原首尾犄角之謀營田之興諸羌之條約文正之經略夏人者法所謂先爲不可勝以待敵之可勝者也是以二

敦艮言齋文一

三一

集虛草堂

三年間巨寇請款瘡痍獲蘇易之師曰師貞丈人吉无咎師貞而吉功孰大焉法曰將能而君不御者勝夫以文正之勇於自效而觀察使之命宋庠焚書之効文法羈縻余又以歎宋之御將無術而文正之未能自盡其才也客曰馬跡弛者健行士個儻者喜事公大帥也將兼收並聽以恢巨業曷爲而禁大言乎曰昔之大言取敗者趙括馬謖其已然矣括少與其父奢言兵事奢不能難然不謂善也括母問故奢曰兵死地括易言之他日破趙軍者必括也謖才器過人好論軍計先主嘗曰謖言過其實不可大用然嘗考括與謖致敗之由長平

之役秦軍絕趙軍後斷糧道矣趙壁又聞於秦騎兵首尾隔絕不相顧括堅壁死守猶四五十日躬提飢卒奮搏強敵氣不少挫括亦驍將矣哉不遇白起勝負未可知也謖於武侯參贊規畫多所裨益蓋才略之士非將才也街亭之役張郃老將謖以新進少年當之宜其敗耳夫以括與謖之才都殊絕過人然一或不慎爲世僂笑況萬不如括與謖者而大言焉可乎哉客曰大言之弊既有然矣是非者清議所存天下有真是非而後功罪明焉直道行焉公曷爲而禁攻人短乎曰舉牟羣彙棄瑕錄瑜相臣容物之量也明夷自晦多可少否潔身遠害之哲也昔子張述所聞於孔子者曰君子尊賢而容眾嘉善而矜不能子貢問友子曰忠告而善道之不可則止夫寸有所長尺有所短故君子務自修而樂與人爲善攻云乎哉客退因次其語以爲後跋

諫垣存草序

祥符劉公權臬皖中瀕行出示其官諫垣時所爲奏草若干首作而曰諫非臣子盛節也揚君之失而成己名則不忠故古有自焚其草者矣是編本無足錄竊維某起家寒素蒙 上恩忝列風憲主臣際合 兩宮明聖民生休戚國家兵力財賦盈絀師武臣疆場進退之得

失物有論列實不忍自任其湮沒而無傳吾子其擇焉於是子苓讀而弁其端曰昔蘇明允有言古今論諫常與諷而少直韓魏公自敘其存稿曰諫以理勝是二說也余嘗持以觀古今賢士大夫之以諫名者其言語文章雖各有工拙之異諷直之不同要皆以理爲歸國家懲亡明門戶之禍訓飭有司用肅言路余生也晚不獲親見先朝謨謀贊襄之盛又僻處山陬於咸豐時識王給諫蔭之於京師迨今獲見公於潁州給諫長身偉視面冷於鐵議論疎人毛骨公被服溫雅與人粥粥自下其言事批根見穴婉而彌篤方咸豐初天下郡縣恆

敦良言齋文一

二二三 集虛草堂

苦盜山左尤甚桴鼓之聲達於畿輔是時粵西亂始萌芽給諫以謂治盜必先飭吏吏廉且法則盜治而飭吏之本在任相數露章上心劇其言章上輒留中故世鮮有知者今上冲齡兩宮垂簾王大臣攝行事而粵西一隅之亂久而甫靖江淮以北盜數起視往者給諫在官時事彌棘矣是編公所嘗手訂者余讀其請願養聖躬彈豫撫請勘豫東災黎崇儉黜華諸大疏沛乎斐然忠愛之盡誠軍國之長算也給諫屢建言忤柄事者左官衡州崎嶇播遷卒死於武昌之難余嘗求其遺書未得也公與給諫後先同官其在先皇帝及

今上朝章數十上既已邀特達之殊知膺監司之重任繡衣馳馬惠臨敝土烝民之詩曰衮職有關惟仲山甫補之言宣王中興仲山甫能舉其職也大車之詩曰大車檻檻毳衣如茨周衰積弱其大夫能以刑政自治故詩人歌之云公在潁州數清逋訟其相視宿州水利豫皖之民便焉今年春公權臬皖中他日政成報最朝廷璽書褒美節鉞之頒封圻之寄皆公所自有之事而余益以歎給諫之遭而悼恨其遺書之不可以復得也

安陸胡稚楓詩序

敦良言齋文一

二三四 集虛草堂

安陸詩人胡君稚楓老而事佛喜治莊周氏書有集若干卷余讀而愛焉乃爲敘曰語云兩楚多才俊之士余所知者今漢陽葉觀察潤臣長沙孫侍讀芝房武陵楊庶常彝仲數子者皆能詩皆與余好君詩既紆益妍不雕而緻兼有數子者之勝吁君之於詩其信美矣哉余與君無一面之素春閒於潁州行營讀新建吳公所刻南華經解其書成於句曲宣氏傳之者君君之跋曰余少愛觀莊周氏書於郭象注弗善也壯走四方官河壩公事簡重理舊學於吳門得宣氏本相印證實爲數十年宦遊一大快事是時積雪夜凍大帥方徵兵門外征馬羣嘯余愛其書之創獲也又以君之言擁鑪一再讀

不覺失聲笑曰怪哉胡君竭數十年之心力事此而重以爲快是亦大異於今世之士哉昨歸訪君於壽春讀其詩爲留數日蓋君之於書好莊周氏而去其筌蹄其於佛蓋深嗜而篤信焉自其少時侍宦弋陽爲文隆然有聲譽貢試京師得校職棄去改官南河久而又棄去中間崎嶇吳越屢佐戎於大府歷官總捕同知新建公嘗拉之行遂又棄去年踰五十蕭然羈旅處眾人之中履幽而行潔朝歌夕吟俯仰自足故其爲詩涵澹淳澹稱其爲人則益信乎君之果大異於今世之士也君嘗論莊周之書了生死齊得喪與西來大指略同余竊以

敦艮言齋文一

二三五

集虛草堂

謂生可悲而死可樂者周之恆言也然其過惠子之墓誦郢人之微辭悼知音之難再若有不勝其痛者豈周之所謂樂者乃其悲之隱鬱而不能以自明者邪君楚人也粵西之亂楚先受禍次則吾皖今者敘君之詩俯仰舊遊嶄焉殆盡夫平陂之運今昔之殊喟嗚躑躅禽鳥猶然設以憂生厭世如周者際今之世當又何如邪然則周之爲書與西來大指其必有辨矣敘君之詩故申以質之

忠節紀略序

忠節紀略貴池人柯自遂所輯總八卷續編一卷所以

表章其鄉先正黃侍中與其夫人同死建文之難其曰忠節者謂夫死忠婦死節云其書四庫全書不著錄池州志江南通志所錄都無卷數蓋不幸而湮沒者久矣今年秋侍中之裔孫黃君蓋臣從其家祠得先世藏本將刊而布之乞爲言余受而讀焉其爲書大都蒼萃遜國闡幽顯忠諸錄埒以已說經之以遺文緯之以傳記自前明以至國朝疏辨贊誅詩賦與侍中之死相發明者舉次錄焉用以考祠祭之廢興著子姓之存續計是書初屬彙時明史甫開局而遜國闡幽顯忠諸錄已佚不存故其爲書援引博而用心尤勤此作者之大指

敦艮言齋文一

二五六

集虛草堂

也今夫秉彝之好有生所同文字之傳藉人而永方靖難時侍中不忍其舊君之思以自效於一死而其夫人二女愴懷於國破家亡湛身罔顧夫祇以行其心之所安豈有求白於後人之意哉迹柯氏之爲是書距靖難之際三百餘年矣世已再更痛非切已願乃抱遺訂墜以自力於深山窮谷之中而若有餘痛者況夫爲人子孫於其先代懿行大節忍坐聽其久而湮沒焉可乎余是以誦柯氏之書旣嘉其用心之勤而於蓋臣校刊之役尤樂爲稱道於無窮者此也柯氏生平以序徵之知其字良士以其與同里人祀黃侍中詩徵之知其爲諸

生蓋池州志成於康熙五十年是書自序在三十一年
豈修志時柯尙無恙故志不及載抑舊志殘脫軼見於
他說焉否邪微蓋臣夫孰知大江之濱嶄巖之下有苦
心著書如良士其人者是又重可歎也余嘗爲蓋臣序
其東流宗譜矣其系自新安太守而下家新安至前明
侍中之父贅許故侍中冒許姓比死成祖怒族其家弟
覲有幼子匿於婦家畢氏事平出嗣觀後居貴池而其
從父忠避地東流故今東流有祠祀新安而下別室祀
侍中與翁夫人考其言多與史合余又以歎柯氏所謂
仲弟遺孤匿於畢姓者猶語焉而未詳蓋考訂之難也

敦良言齋文一

三二七

集虛草堂

如此因書以補柯氏之缺侍中初諡文貞乾隆間追諡
忠節其立身行事與其死事始末是書與明史備之矣
故不論次

寄題吳方伯維摩示疾圖

僊說長生佛說無生奈何眾生自墮劫塵猗歟維摩佛
大弟子具悲閔心病緣眾起眾生蚩蚩水深火熱鬻公
老僊而宏佛力見宰官身六通四闢設圖寄意念茲民
瘼我實凡夫善病嗜睡時觀眾生如幻如寐往從皖江
忝竊座首聽公說法得未曾有佛門廣大金鐵同鑄我
之知佛公導先路自與公別暑來寒過於夢寐聞見獅

子座公常促我早赴南舟我實憶公猿鶴相留公病眾
生天人扶持我眾生病鍼石弗治靄靄慈雲浩浩江水
公壽無量眾生懼喜

陸氏先德錄序

禮詳於喪祭之儀後世人子畫象以祭禮無明文故議
禮者多異同焉余以謂禮緣義起苟其事放乎人心而
皆同準之天理而克當雖古人之所無後之人可義起
焉況設象著於楚辭御容肇自唐代古今異宜文質互
用畫象而祭蓋變禮之一事耳抑嘗聞之古君子之事
其親也生則敬養死則敬享是以齊之日思其居處思

敦良言齋文一

三二八

集虛草堂

其笑語祭之日儼然必有見乎其位周旋出戶肅然必
有聞乎其容聲夫其所以如見如聞者何也天屬之愛
杯棬手澤之思天理之同符人心之所不能自忍者也
畫象之事與先人之笑語容聲在焉則凡仁人孝子之
儼然肅然者乃真如見焉如聞焉矣語所謂禮緣義起
者此也陸氏先德錄蘇州陸觀察秋丞嘗手定者自其
封大夫暨太恭人以上就其家藏遺象臨樞裝潢總爲
一冊又各件繫其生平行事與其遺文撰著而爲之贊
今年秋九月君盛服肅使者再拜而進曰余羈人也少
橐筆於四方中歲宦游崎嶇戎馬不得歸松楸親省

祠墓是圖都重臨縮本藉便舟車每歲時伏臘備具牲醴躬率妻子一展拜於寓所仰維先氏受姓以來譜系闕略謹就見聞摭拾采輯用示後人而畫象之事爰稽先古經無文焉願有言以祛吾惑余謹謝曰唯唯否否夫居今日以上溯成周其繁文縟節禮之不可行於今者豈一事哉由成周以下觀今日其因時制宜禮之不必合於古者豈一事哉鄙人非知禮者往居憂嘗肄業及之今卽以士禮論古者親始喪置銘與重以錄神也既葬內銘於壙中瘞重於廟門之左以明敬也乃古者銘以布今者銘以石而重之制則無行之者矣古者大

敦艮言齋文一

二九 集虛草堂

夫士皆有廟廟祭明故宗法詳而且未祭筮尸將祭迎尸既祭送尸記曰孫爲王父尸詩曰神保聿歸是也秦漢以來墓祭盛而廟制益疏淫祠作而巫覡肆起祭之廢尸也久矣尸廢而畫象興禮之窮而必變者也昔司馬溫公以畫象之非古其作書儀載魂帛依神蓋猶古者置銘與重之遺意耳朱子家禮仍之 國朝萬處士徐尙書辨之詳矣觀察所錄藹然仁孝之言也且有志於古禮之興廢因述所聞以告遂書其簡端

通奉公遺詩跋

山陽汪文端公之論醫曰醫者賢聖之事非涓篤博雅

之君子不足以爲後世列之於方伎流而爲市井醫學幾中絕矣方乾嘉時庶事綜練一時大醫吳江葉天士通兩漢書洞溪老人喜歌詩尤曉水利 高宗嘗優禮焉其與通奉公同時以良醫而兼良吏則有陽湖張翰風先生善著書工詩古文其莅官興利除害歲疫則躬自處方而施藥焉梅伯言郎中志其墓所謂館陶君也余讀通奉遺詩覽其名醫十贊遊處贈答諸作信乎其爲涓篤博雅君子也遭際大略與洞溪同其詩序言備之矣茲故不贅謹識以道佩兼以告世之爲醫者

贈序

敦艮言齋文一

三十 集虛草堂

贈陳立凡序

士不幸以文章自見於天下後世夫亦可悲也已其並我而存者不必其皆足以知我其後我而生者又卒卒焉而不能以相待其爲之而至爲之而卒不能至久之而傳未久之而已不傳焉殆又有幸有不幸者與夫傳不傳非吾之所能自爲券也然爲之而至與爲之而不至而必求其至焉宜若可以自立而無難然有力焉而至有力焉而卒不能至或幾幾乎其可以至矣而其力又屢分而不暇意者其皆有天乎古之工於文者雖已不幸而自棄於世以自託於文矣其平日師友講論之

助足以相發其志氣其退閒漁釣耕稼之樂足以自逸其神明其馮也厚故其畜也深其業也專故其行也遠今之業是者少而汨於估畢長而役役於飢寒有人事婚宦疾病之擾無師友之益以相助無耕釣之資以自逸譽焉不足以爲榮謗焉乃幾以爲僂代愈積而言繁變愈多而事隱學愈孤而難成故其志益勤而其用力乃益苦雖然其亦有其至足樂者存乎聖人往矣其道著於經散見於諸子百家旁通於萬事萬物之變吾仰而思俯而讀偶有得焉起而筆之於冊返而考之於身凡吾之所謂是而躬實悖之凡吾之所謂非而躬先蹈

敦良吉齋文一

三十一 集虛草堂

之則惶惶然以慙惕惕然以思進偃蹇飢困無聊憤懣之氣有觸則書考之於古凡其顛連冤抑窮於天戾於人凶折橫死皆吾之所幸免則又憊焉以懲陶焉以適夫知自適則所以處乎人者益寬思自進則所以力於己者益倍無所得而倖傳滋其恥焉有所得而不傳又何戚焉茶陵陳君立凡有異稟少孤窮學賈於市中既發憤治帖括爲其邑諸生矣壯益自力於文思漸至於古之立言而目疾又作每與余言未嘗不欷歔而悲故述所聞以廣之

贈周義士序

語云將門出將自粵西倡變天下承平久文恬武熙余竊以天之生名將不數數然既謁撫軍江公於圍中公天下之名將也一時出其門者余得死節之士三人焉曰馬都司良勳戴都司文蘭鄒孝廉漢勳得驍勇敢戰之士一人焉曰今副將程君智泉及今又得周義士其人者君名昌發湖南沅陵人少事撫軍爲小校癸丑冬賊犯廬州急君縋城出檄援頃城陷撫軍死諸大帥百計購公屍久無應者君獨請行詭服入城中凡八日以屍踰垣出其故人阮得勝新陷賊因偕歸撫軍弟以白金五百兩酬君君固謝而是時阮得勝窮無裝君分其半以資其行其略具郡人沈君記中君狀穎削瞻視閃閃猛力健鬪以功得藍翎援例加守備銜君爲余言曰昌發始負擔從撫軍公來廬州比公死昌發求公屍賊拳縛刃將加頸豈復知有今日哉今誠得如撫軍者在昌發願效死死且不恨言未竟撫膺而歎嗟乎周君烈士死知已余故撫軍老賓客君則撫軍舊時麾下士也君年未三十階級洊五品有士三百結壘當一面視往日重趼負擔從撫軍公來廬州時奚若漢張耳陳餘厮養走卒盡天下豪俊後多起家二千石爲諸侯相唐中興時勳貴多出於郭令公之門撫軍公天下之名將也

敦良吉齋文一

三十二 集虛草堂

將有五德曰智信仁勇嚴夫以君之詭服誑賊近乎智往還八日無愆期近乎信推重賞以資貧交近乎仁犯不測之險談笑弄虎狼於股掌之上卒無廢命君之勇視荆軻聶政豈有異邪雖然古之論將者有百夫之將千夫之將萬夫之將天下日多故君輩不患不富貴若能體撫軍公昔時所以待君輩者以拊循君之麾下士士氣將益振賊其易弭焉矣乎既書贈兼貽陳君

三河行營江太夫人壽讌序

咸豐六年春正月余將東歸江使君達川觴余於三河營次酒半使君執盞而泣曰吾兄弟屢荷重恩先兄

敦良吉齋文一

三三三 集虛草堂

血戰死兩弟在行閒吾亦久露師昨者孟陬初吉爲吾母設悅之辰而吾不得奉一觴於堂下吾兄弟都幸通然每念吾母食貧力苦寒夜縫紉時所以教吾兄弟者未敢一日忘吾麾下士皆先兄舊時部曲一二大校又皆外家子姓將以明日具羊酒爲吾母壽曷少留爲一言以著之往余謁撫軍於園中嘗有一言之知今刺史陳君宏緒太夫人外家子也與余好嘗爲余道太夫人行誼贈公故儒素勤治經不殖家產太夫人恆以勤儉博施陰助爲理贈公性和易又嘗友教四方太夫人嚴明善誨督諸子以義方之教古之壽母不必其皆賢賢

矣不必其皆壽賢且壽矣不必其子之眾且才又不必其皆貴顯於時今太夫人懿行嘉聞光於前牒其一門忠勇勳勞後先輝接則信乎爲善無不昌天之不可必者而又果可必焉者也太夫人年今七十有四無疆之祝未之有艾謹再拜稽首而爲頌曰

昔蘇子瞻銘三槐堂券善於天論篤而莊以今證古厥聲觥觥猗歟贈君林閭邁迹覃思道腴旁薄六籍閭儀聖善梁孟一德厚積而光慶衍不忒筐篚所儲鬱爲棗戟我昔有聞山東出相山西出將楚南江家大猷允壯文經武緯爲天下望光於我邦不置於孝以燕以翼咸

敦良吉齋文一

三三四 集虛草堂

日維太夫人之教漢有范母晉有陶母二母之賢厥聲不朽隆譽雖遙未聞眉壽既享黃髮以迓麻命諸孫嶽嶽簪輝絳映百福是膺咸曰維太夫人之慶卿辟之孝異於眾庶夙夜匪懈聖有明諭相彼樛木愛日方新維太夫人之壽壽躋於百齡維使君戮力功成策勳策勳而歸旌幢采衣晉祝於堂春陽載熙賤子執簡請再稱壽

送蔡霞士之鳳陽序

余讀衛風至北門之詩竊歎古之人不幸而仕於亂世其飢窮困厄至無以自解於其室人語所謂拙宦者非

邪然猶幸方春秋時先王之澤尙存列國兵爭之禍未烈也嗣是而降治日少而亂日多至乃萬乘之尊嬪御勳戚之貴流離鋒刃一尊之酒數餅之屑主臣顧泣屢若太牢一時公卿大夫丐食墟巷之中轉死溝壑之內蓋生人之亂習而逾深斯禍患之來變而逾烈余每讀史反復於漢魏之季世輒掩卷太息又以歎北門之詩人其所遭猶幸也鳳陽府學教授蔡君霞士業勤行潔拙於仕進方余家郡城時君猶讀書里塾中今年春君以其學之生徒赴試於學使者與余相遇於壽春余既病憊君髭亦彘黑矣瀕行過余飲酒半觴余而言曰

敦良言齋文一

三五 集虛草堂

自亂離余傭書於臨淮大營每自忖不兵死則飢餓死臨淮餉恆匱日粥食終年不得一飽飯昨者攝官鳳陽而鬻宮蕩析青衿子遺鳳陽故空城盜來數閉關家人飢且殆余自賣衣市麥若干斗與吾妻春且磨日一食凡七日而不死者蓋僅耳幸爲言以抒吾悲則因曉於君曰語云士窮見節義且中興之盛有生者所願覩也國家 列聖承承諸將帥戮力效命大勳之集翹足可矣而君今者脫身湯火之中優游一官載饘載粥視當日夫若婦倉皇力作於圍城閒其爲樂又何如邪若夫陵谷之變遷友朋死亡契闊之感古詩人蓋嘗道之而

君又奚悲

記廬州人語贈馮雁門

雁門馮公魯川以部郎出守廬州與余相見於皖城懽然修布衣之好旣別去又書相念也比余歸山中公權廬鳳道於是公之去廬州三閱月矣公旣去而廬州人思公乃甚於公之在廬州時也方余之客皖城也有人自廬州來者因從問公爲政之略曰馮公詩人也又酒人也日飲酒賦詩不知其他余笑譬之曰曹相國阮嗣宗皆飲酒皆能以清靜居官而元魯山兄弟陽道州皆卓行循吏又皆嗜酒詩之爲道溫柔而敦厚春秋列國

敦良言齋文一

三六 集虛草堂

賢大夫往往賦詩見志孔子不云乎誦詩三百授之以政不達使於四方不能專對雖多亦奚以爲馮公而果詩人也夫豈不知所以爲政哉居頃之有人自廬州來者訝余而問曰子知馮太守乎太守初上事民有以牒求判者太守坐堂皇正容而告之曰太守奉 命率諸屬之吏吏有尸厥官菅厥民田野之弗修胥役之弗戢刑賦之弗飭太守謹奉 天子法以正之其他雞豚細故太守不受牒訟者嚙啣而退曰孰謂太守賢太守乃不受吾牒言未旣余懼然起肅容而坐曰果爾太守誠賢吾固知太守太守其信知所以爲政者矣雖然太守

之言是矣其於政識體要者矣然今之所謂太守也與古異夫古之所謂太守者屬吏多其自辟令長丞尉賢以類從故職易修賦供恆有贏餘山澤坡堰工可立辦故廢易舉甲兵歸其管轄講肄守禦備皆備具故盜易弭而又久於其任久則郡之利病也周久則民之遵行也便而朝廷又時賜褒寵簡其尤者入爲公卿登之將相故賢者樂效其能中才亦勉焉以奉職而寡過漢唐之治所以近古者此也今也不然賦供之入甲兵之數太守弗得而問也朝廷自一命之吏舉而歸之於銓部凡所謂令長丞尉之屬於太守者其賢與否太守弗得

敦良吉齋文一

三十七

集虛草堂

而問也其有猾而昧穉驕而耄昏非監司之私人則督撫之所知者也太守或偶有所不可焉令長得而箝制之丞尉得而姍議之督撫監司得而顛倒去留之監司若神督撫若天郡守若贅督撫監司之於令長丞尉偶有舉劾焉太守弗得而問也謹具銜行文書焉已耳功令凡仕者出五百里外郡守官較尊故其仕者出益遠或千里甚乃至數千里其遷徙而去也或一二歲或不終歲嘻太守之名猶是也考其實其異於古也實甚然則雖有賢者卽不飲酒不賦詩而又奚爲邪夫非所爲而爲之以立聲稱要勢權閹然肱厚賞弋高官而去今

之所謂能吏者皆是也是烏知爲政然則公之言是矣其於政識體要者矣宜乎公去而廬州人之於公有餘思也吁吏治之弊久矣山有樞而鵝在梁維南有箕不可以簸揚古詩人所爲憮然有憂生之歎也得賢太守如公者吾願與之飲酒

讀易一首寄贈吳觀察

昔向長讀易至損益卦喟然歎曰已知富不如貧貴不如賤未知死何如生耳遂隱去而老聃之論道曰爲學日益爲道日損損之又損以至於無爲是二言者余嘗衷之於易竊以歎二子者之未嘗知易也傳曰損益盛

敦良吉齋文一

三十八

集虛草堂

衰之始蓋人事之損益天道因之有否泰天無否而不泰人無損而不益故其爲卦各不同聖人皆繫之曰利有攸往其彖皆曰與時偕行者所以教學者反躬責己以求備夫國家天下之用而善持於否泰之交損之懲忿窒慾益之遷善改過皆以有爲也故夫古之君子明乎損益之義其自治倍嚴於眾人而其精明澆固之氣確然而不雜者其深以謹天下之幾其靜以御天下之動山澤通而雲雨與兌良得而問學成損之所爲有孚元吉也由聃之術堅忍狙詐傳爲楊朱流爲申韓變爲鄉原蓋聃之所謂損非易之所謂損而向長之徒第沾

沾於貧富貴賤之迹吾故曰二子者之未嘗知易也沅陵吳君彤雲高文雋望以京秩佐戎江淮大吏爭推薦焉而君性敏博愛以是益自負其奇卒齟齬以歸去年秋數辱過若深相知者春閒來自沅陵歔歔顧余而歎且自訟焉屬爲言以道其行余時病未遑也頃書來敦索吁君美才也余言奚足以相益者然嘗聞之師曰易損之六三曰三人行則損一人一人行則得其友言致一也益之六三曰益之用凶事无咎夫從容中道或出或處或語或默而無所容心者上聖之功益之用凶事者下學之事孟子所謂困心衡慮者也君美才也蓬然

敦良言齋文一

三十九

集虛草堂

起蹙然歸歸而行自訟也君其知所損焉矣乎損之不己君其知所益焉矣乎君書來余方讀易夫由向長之說貧賤以肆意潔身而長往一行之士不樂於時者類然而余獨怪夫周秦以來易之道久不明由聃之術更數千百年而楊朱申韓鄉原之學至今而未艾宇宙之事功日益卑天地之禍亂日益鉅然則易其終息焉矣乎夫易之爲道未嘗一日之或息也故述所聞以贈且自做云

說酒贈裕朗西觀察

古無以酒名者其能自廢於酒而名天下後世余於衰

周之際得一人焉曰魏公子無忌於魏晉之際得三人焉曰阮步兵籍劉伯倫伶陶靖節潛於唐得二人焉曰王東臯績李翰林太白之數子者負瓌逸之姿抱有爲之志迹其初意夫豈欲以酒人終哉惟其不幸而決然以自廢於酒其樂也乃所以寄其憂其死也乃所以善其生故自魏公子而下雖其所遭各殊考其年無踰中壽者余又以歎古酒人之不幸而凡無其實以埒其名者之舉不足以言酒也余少蹇多故喜爲酒人之遊於時同里蔡子秋白窮於詩郭子仰林隱於俠二子者飲恆倍余余每飲恆病病已恆飲坐是日困既遭亂憂

敦良言齋文一

四十一

集虛草堂

不自聊念兩酒人都前死則益自祈於酒而病且益殆久乃斷去同治初避兵安慶識同年生雁門馮君魯川因魯川以識朗西二君者皆雄於酒魯川以部郎守大郡歷監司仕通顯矣而沈飲不節余數相規魯川每爲余道其生平坎壈與其痛切難言之故恆泣余固以歎魯川之終不能自己於酒也昨來安慶思魯川而不可見見嘗朝夕與魯川同飲酒之人如吾朗西者幸矣然朗西年日富才日進宦日以達而其飲日益以豪余每見嘗以規魯川者規之卒未有易焉故茲者復以古酒人之說進今夫酒古以爲禮今以造禍余嘗見夫今之

葬酒者矣。殫水陸之腴，竭日夜之力，分曹角勝，其交也若市，其爭也若仇。沈湎之風盛於上，獄訟之原繁於下，而猶羣然以號於眾曰：酒人酒人，此酒禍之所由日烈，與夫數千年之積弊介然違流俗而反之，正惟曉大略而明治體者爲能期。西有吏才器閎而力駿，他日得尺寸之柄，由吾說以廣之，崇衛武賓筵之戒，申成周孝養洗腆之訓，所以靖生民之禍，其次第設施，將蚤夜講求之不暇，柰之何其沾沾焉自喜於酒爲哉。

說相贈陸秋丞

余少喜讀相人書，陰以決人賢愚，修短貴賤，十嘗得其

敦艮言齋文一

四二 集虛草堂

四五因旁及於星禽祿命之說，以求廣吾相人之術。既觀北宋人所錄張尙書方平、李給事徽之、王秘監端皆生、同丁未尙書酉時給事卯時秘監戌時三人者，後皆同執政，同享大年，而洛中老儒張起宗與文潞公生同丙午卒，至通塞懸隔如瞽人者，之所云云，然則祿命之說，果有據邪？抑無據邪？乃今者於吾友陸觀察秋丞益信乎祿命之說之不誣，而昔人所爲據年月日時以言命者，其爲術愈密，故其爲驗尤著焉。觀察蘇州之震澤人，自其先方伯公直聲，蓋節著迹前明，嗣是鼎彝鉛槧，代有傳人。君淵源家學，爲人汎愛博通，尤長於公牘文

字，其理財敏於會計，而能致謹於出入之度，咸豐閒江、淮、河、洛迭用兵，君佐戎大府，大府爭傳客之積功，至今官晉階得正二品。余初識君於廬州，君清臞鶴立，與人語謙抑，善下。余固知其非風塵士也，未幾君由河南任所調入皖，撫行營，遂獲數相見。去年冬過君邸，舍時君將告歸，夜闌燭跋，陳說平生君猷獻顧，歎曰：吾鄉去廬州水陸遼絕，然吾與子生同壬申，既同歲且同月又同日也。其不同者，吾墮地時先吾子廿餘刻，聞今吾子儻然物外，章紱不以牴其身，榮瘁不以關其志，吾髮星星，病幾憊，簿領羈遲，昨乞歸，大吏遮留不得行，頃者同人將具觴以預爲吾六十生辰之慶，吾滋懼焉。曷爲言以抒吾思焉？可乎？余因復於君曰：劉彥和有言，凡人有相，有命相，命定，聖智不能回，鬼神不能奪。古之言祿命者，有珞珠子三命一卷，宋林開廣爲五命大指，謂年月日猶舟然，胎則舟之所自來，而時則風之運舟，以必行者也。故曰五命云，五命之用時爲大，其法曰金堅木直，水潤火燥，土溼，是以人之生也，得金水之氣者壽，蓋金與水相生而互爲之宅，金決而沈水內景，故其在人爲智，爲斷，爲多謀，而善鑑。雖然，金王於秋水，水王於冬，萬物成於秋而藏於冬，秋冬者金水之府，凡物之藏也，深則其

敦艮言齋文一

四三 集虛草堂

發之也遠故木直而僵火燥而燼土溼而垢惟金水之氣至清其爲用也無窮而其爲壽也最永余頑鈍無足比數顧惟才具如君蕃慶之錫純嘏之徵夫豈有艾蘇州大郡也其花木魚鳥泉石圖史之勝君與余所好大略同而君之力又恆足以致之他日宦成而歸築室於鄧嶺胥塘之間俾余得以素筭濁酒從事於眾賓之末如往者起宗與潞公故事其可乎君欣然而笑曰有是哉請以爲不佞壽邇者余歸山中因憶前語遂書寄且稱祝曰

我生之歲金水會局其月建子日臨戊戌君於其時攬

敦艮吉齋文一

四三 集虛草堂

揆以降時則加丑陽孽陰壯觜宿儲精得壽者相夫惟壽者而兼宰官繡衣巨斧獬豸其冠君之決事風行水到滾滾千言健若年少我生懶散甘落人後咄哉樗年而同芝壽壽筵峩峩壽星有喜鴻案鹿車輝映金紫仰承先德以施孫子相彼耆英載瞻會節是有命焉徵諸往牒賤子載稱以訂後約

敦艮吉齋文鈔卷一終

敦良吉齋文鈔卷二

合肥徐子苓西叔

書牘

與張石洲書

石洲足下承屬檢尊大父令合肥事實歸詢之縣人及老吏年七十餘者都不復記憶檢縣志僅載履貫去秋致一書於泗州韓君此君老而多聞至今尙未得復謹案年譜尊公在歙興水利黜淫祀慎獄勸學及在泗州論水旱請振本色乞罷關稅諸書雖古循吏何以過此善用兵者無赫赫之功吳公治平爲天下最史遷已佚

敦良吉齋文二

一

集虛草堂

其名班固傳王成並不知爲何郡人如尊公政蹟第傳其一二已足有聞於後況足下纂次都已章章如是哉曩承賜讀顧先生年譜久缺謝試後方亟歸擬就訣聞人言足下臥病不通客然我輩交道夫豈以握手笑語爲淺深邪客中諸惟珍衛

與陳梁叔書

梁叔足下別後甚相念也相知於十年之前識面乃在十年之後都中各以事未罄所懷聚散之緣殆有數邪眼前得失本無足較日月去矣老焉將至爲可悲耳僕年十八九頗自刻厲不甘爲愚下人及今計之其去愚

下人究幾何邪言焉無所擇也擇焉不能行也生乎百世之後知未盡乎百世之上也俛乎若瞽之無相醒之思飲飢之待哺也今夫古之人其傳於後世也多不以其文其文之傳亦不必盡工而古之人卒不可及後之人文即工矣卒無以及於古幸及於古矣而後之君子卒以爲文人而鄙夷之也夫文人之去於愚下人又幾何哉旣自危益思與足下亟圖之也久欲營數畝爲耕計然此亦有數焉夫豈人力之所能爲邪

與張石洲書

石洲足下去臘得復並詩詞稱快久之買田力耕是最

敦良吉齋文二

二

集虛草堂

好了局故益願足下早自審決率寄一詩以要之承惠法書並潛邱年譜謹領謝曩承致書郡太守爲地太守名好士數辱顧僕素懶惰自年時報謝外亦未敢以私累干之辱問狀非言語所能罄姑言其略伏惟教之僕少構家難有書數百卷田數十畝都蕩盡年十七八讀莊老書慨然有出世之志二十歲後又喜讀孫子書所與處者材智俱相若性故放忽不能深造自克故屢變而一無所成旣更流離困約則又盡棄所學日習爲飢餒駢偶之言以應里少年之需中閒數走京師往來車僕之費室家薪米之需月負歲逋纍積如山去春鬻文

差小利然皆隨手散去里少年習故貴倨居平鮮衣豐食優游於洋煙擣蒲之樂非學使者至無復有過門從事者幸一從事矣比入試發篋行題漏不符幸符矣字畫舛脫甚者違背格式終亦斥落故僕鬻文凡八九年空恆空然所以甚樂乎此久而不厭者何也百工技藝皆能自食其力鬻文雖鄙事苟可以緩須臾之死猶勝以窮餓而顛人丁未南歸重理舊業益思自進於一經居頃之橐中金枵然適里少年有鬻文之請所業又棄去然中夜自計胸中勃勃常覺己之材力受之天者當不止是蓋老莊之說能自斷於死生貧賤之故其弊

敦良言齋文二

三

集虛草堂

也廢棄萬物終於無用而孫子亦兵家之陳言今夫龍神物也上下雲雨迨其不慎則有脯醢之慘烏莫智於意而鵲知風鶴知雨三者俱微物智力所及炳於幾先故道無取乎遠大居身之地宜豫焉今足下誠欲起故人之窮則有一說焉以試號於京師諸貴人之門曰合肥有壯夫徐生其爲人漠漠落落不樂仕進顧獨喜鬻文自時文試帖館閣賦牋表頌誄旁及兩漢三唐樂府歌行與夫流俗俳諧祈神訣鬼藏嬌贈豔之作都能摹仿塗澤一韻之巧萬言之富當其快意唾手可辦如羅而畜之不苛以恆禮計役而予償不勒其直俾得兼晝

並夜效其末技惟主人之命是從或一歲或歲餘庶得以經營數畝退而擇一善地謝絕人事竭二十年之心力以講求於今古之務力之所能到者勉焉以求其至力之所不能至者引其端緒以教兒子雖已失於前或可挽於後然此固必不可得之數也微足下夫孰知余言之悲北行人催書疾不盡不盡

與潘季玉書

季玉太常足下士多言得一知己可以無恨夫所貴於知己者知其能又知其必不能知其至又知其有難猝至其志之不相强者適相資焉此知己之所以可貴耳

敦良言齋文二

四

集虛草堂

足下貴公子也往年通一面於補之坐中去春來京師足下實先禮焉既試罷又閱其窮而欲爲之地比告行若重有恨於行之速而故尼之孟子曰仕非爲貧而有時乎爲貧僕材質駑下重以老親志本欲得一教職以庶幾於古人抱關擊柝之義大挑既落故一再赴試夫試畢而考教習凡試於京師者例然況僕之汲汲於自進者邪况又辱之以足下之言而先爲之地也邪然卒謝去者夫豈以爲不足爲而頓變其初志哉夫豈不達於足下之所以垂閱於寒交者而故爲是矜異哉今夫人才之待用於世猶物之效能於人馬行地而牛耕田

犬守夜而貓捕鼠物之能抑其性然耳京師薪米芻館之費數倍於四方教習之在京師歲俸所入不足以供僕馬而又需之以八九年之久窮鄉下士孑然孤栖邑邑營營朝不遑夕必不得已則乘便闖進攀援叫號日祈走於不知誰何之門冒無厭之請求喪生平之素守足不固知我以為果能此否邪藉令能之其不羞吾黨而獲戾於良友又幾何哉是以退而自計升斗之祿不可倖得不如歸而力耕力耕又不可得不如仍鬻文以為生雖然性之所不能者既不可以強而能而學焉之不能以驟至者又不能無歲時之需是固有待於知己

敦良言齋文二

五

集虛草堂

者承允刻嘯僧詩謹以副寄不宣

與潘補之書

補之四兄足下久欲致一書無便每相憶臨穎浩歎而罷蓋古之人雖暫相聚必有所講習迨於睽隔之久亦常有所據焉以為之質僕生三十六年少兄止一歲歐陽子有言草木鳥獸之為物眾人之為人其生雖異其為死則同人生世閒鮮有百年者少小蠢蠢不知天地之高厚日月之光長而有婚嫁人事之擾始終纒數十年而已耗去其半猶記夏閒過飲兄家酒數行兄顧而謔曰後會此我年四十君年三十有九方是時兄曰

數瞬語音甚悲僕默然未有以應夫少而壯壯而老凡為人者皆同顧其所以不同則欲勉焉而未之能逮也去秋置田二畝於巢湖之旁歸耕始提其緒自冬屆春屢有貨文之役久厭為此然窘不自持夫日從事腐爛無稽之語言求緩於目前之飢寒此其所為果有異於眾人否邪僕不意至今尚無異於眾人益悲夫眾人之歸並草木鳥獸之不若也舊作涵秋閣記並四嫂哀詞王秀才見其稟病太劇衍思之信然乞火去季玉允刻嘯僧詩此僧舊有偕隱之約僕之負此僧者多矣其存於世者幸有此耳餘不宣

敦良言齋文二

六

集虛草堂

與陳良叔書

良叔足下久未得復甚懸念也昨辱書讀既歎絕方築牆塗竈未得休兩猿惡瘧又作倉卒奉報伏惟察之來示大水漫沿數省奇荒為近古所未有夫水旱洊災備書於堯湯之世漢文帝三代下令主也終其世水旱數書其尤異者即位二年齊楚地震大水潰出二十九山同日崩夫水行地中猶血氣之壅乎人身人身壯實猝有風寒梗溢得良醫案脈進劑病去精神且倍常日得良醫病去而精神倍常日者堯湯是也無良醫而病無損其壯實者文帝是也今者江之南北流殍枕藉呼號

而死者聲相聞也而僕與足下宴然以仍其視息而有其室家所得不已較多乎哉尊君窀穸期近此甚重事以奇荒之後際甚重之事夫亦求其稱焉斯可矣至所謂安心以入於溝壑云云僕一再思之卒無以自解又奚以解於足下夫衣食者有生之大原古之學者耕且讀智力所餘旁求於百工技藝之事不得於仕耕焉爾不得於耕工賈焉爾以至牛僮街卒與臺執鞭之役亦躬樂爲之彼其嗜好豈果異於今之人哉蓋其自計也審故取足於己而無待於世無待於世故能孤行其意而一無所屈僕與足下空空然日奉其數口之家仰而

敦艮吉齋文二

七

集虛草堂

祈活於人其爲計先左不飢凍死而得存於今幸矣夫既有待於世而又斷然不能以少屈其素微溝壑而究安之哉連歲屢爲風雨所窘屋破而塌日質衣鬻書以應釘頭木屑之需猶不能給晨起操畚鍤率妻孥負土運水冀少繕筋骨他日或可負耒鋤爲兒子先少閒卽喘憊欲絕古今人堅脆之不同如此寒風冽甚坳寄前後苦雨詩數首聊當面不盡

與王給諫書

蔭之執事鄙人向慕高誼久矣丁未春遇貴鄉人王君於高唐爲道執事往年質衣買刀情事夜雪甚冷坐土

炕上談未竟渾身汗店備戶外竊聽咸失聲稱烈丈夫入都擬贈一詩要銘三同過未果去年當事有開礦之議外間訛言轟轟久竟寢今年遇王君於號舍乃知前議之寢實執事之力夫進言於眾論膠執之日身不居進言之名使天下實受其言之福此固汲長孺唐子方所不能爲而不意今得之於執事也昨來京師竊見首政維新諸建言之路廓然四關閒從邸報獲讀一二大略言政事者詳於節省勤於釐剔談學問者主於開日講諸大臣汲引賢士多非草茅之所能知至如林周姚蘇陳邵皆一時之雋而林周姚三公樹立都有成效其人又年老更事不至晚節遷變者今誠起而置之要地以徐觀其後效外憂庶其易弭矣乎夫醫者視病疾則治標緩則治裏尤必慎審於寒熱虛實之分今日事勢標裏俱病內虛而外實內寒而外熱聚四海之富府庫無足用之財歲進士之多緩急無可仗之人其勢誠極難矣鄙人竊以爲無難者何也譬之久富之家用巨費耗家奴皆窳不力將因仍遷就勢必重困或又勸其務畜殖貨盡變舊章適滋擾耳於此之時但得主人憂勤操作與三數老成講求先人創制之遺意日坐堂上簿責諸奴量其才而督課之去其尤劣者數人則家計可

敦艮吉齋文二

八

集虛草堂

漸起也夫一家之長雖少年日親近老成練達之士則見事明奴婢不能售其欺四海之君雖聖哲日習聞古今治亂之要則閱理精德性日臻於堅定故愚見以爲邊事但須布置得人而舉行日講一事則其尤急焉者也或曰財賦匱矣邊事繁矣第崇日講之虛名毋乃悖乎夫水旱盜賊果天生之地長之邪其虛盈消長皆權衡於君心董子有言海內之心懸於天子又曰人主法天之行內深藏所以爲神外博觀所以爲明也今卽不舉行日講第日從事於理財防邊財果可以日儲邊果可以日靖乎夫理財防邊之法莫詳於五經四子之書

敦艮吉齋文二

九

集虛草堂

但使日講得人每進講時雜引漢唐以來廢興治亂之由以申明經義則日講之設亦所以廣言路也往執事當眾議輻輳之時卒能委蛇悃款俾垂成之議發而中止今數日來言者漸息矣諸君子向所論列亦漸寢矣蓋天下安危之勢視乎士大夫氣之盛衰以目前之勢較之固甚有可轉之機而積惡之氣不難於驟振蒙之九二日包蒙吉納婦吉爲相臣言之也蓋包蒙者相臣之德納婦者相臣之度也噬嗑之六三日噬腊肉遇毒小吝无咎九四噬乾肺得金矢利艱貞吉爲諫臣言之也腊與肺有盤錯之象金取乎決天取乎直諫之義也

是以古之進言者不皆道同方合著節於犯顏力諍者居多竊嘗卽今之建言者而深思其難易之數矣或曰言焉格於例不如不言或曰言之誠善幸而其言行而行其言者不必皆實心奉事之人則又不如不言是以偶有所激而其言不行亦不肯再言也恐瀆而獲戾也他人旣已言之矣卽不行而必不肯相繼而公言之也恐朋而速謗也士大夫日相率於引嫌避疑此氣之所以衰而勢之所以難振也與往讀執事論事之文紆餘樸至不觸不曲深得進言之法然今之亟有待於執事之言者更亟於去年議開礦時而鄙人所願於執事者

敦艮吉齋文二

一

集虛草堂

每一言事時恆恐恐焉追念昔日質衣買刀情事何也艱虞危迫之念怵於中去就死生之誼定於素則臣子無一刻非敢言之時斯天下亦無不可盡言之事昨承下問有采於省兵練卒之說蓋兵之妙用更番迭進戰者更番迭進力以暇而不孤使進言者亦更番迭進則誠以積而易動矣聞貴臺中多賢者請以斯言通之諫法焉可乎方辦歸語恩遠無倫次不自覺其累獻瑣複伏惟察之

與邵位西書

位西中翰足下都中臥病屢辱過恩遠未得盡所欲言

試罷方辦歸一再面則又未敢遽以迂率無用之談相質歸而自念區區之意終不可嘿蓋凡天下之物其廢興存亡皆有一定之理而其轉移呼吸恆視乎機與勢之相值勢之極重而難返者雖君子亦無如何然從古以來小人不獨爲小人故其援益眾君子每獨爲君子故其類益孤而遇事都不可以有爲何者天下之務非一人之力所能及惟夫恢宏闊達非常之士不斤斤於尺寸之節而能盡破乎門戶拘攣之習深沈不測之中智勇形焉故能運動天下之勢而成大功足下居要地猶卑官度其力必多所未能然山野惓惓之意微足下

敦良吉齋文二

十一

集虛草堂

誰可言此者別後留濟南歸而益病託致函昨遣奴往桐城問董大據言姚觀察已之九江而僕病憊久家計行資都空空然莊子有言適千里者三月聚糧夫惟所期愈遠所挾宜益眾凡有行者類然況於度越江湖外有風濤之險內有家室之憂者乎因便力疾不宣

與王給諫書

蔭之執事都門獲讀大橐數首足千古矣瀕行致一書愚瞽之言不重訶責復辱下問雖涓埃無益於高深然以足下惓惓樂善之意孰不願盡言於左右者蓋臣節莫盛於敢言薦賢卽所以報國今首政維新蕩滌瑕

垢諸君子多拔自廢僚以子苓所見安邱劉莊年先生其人操履清白嫻曉吏事年幾七十精力甚壯沈滯孤墨未蒙采錄意竊惜之敢佈愚忱惟執事少垂察焉子苓年十八應府試被知於先生因師事焉海上之敗言者紛然今年聞其客授濟南紆道往候爲留二十日閒從問海上事惟唯深自引咎有老僕郭某者從先生久言海上事略詳廈門無城郭地衝海卒玩械朽方賊至羣議洶洶無定先生只敝衣徒步從弁卒相險要督治戰具夜然一檠繕文書調度兵餉晨視地上喀血升許瑩結如脂申刻後惟服童便數合啖地黃五六枚耳

敦良吉齋文二

十二

集虛草堂

在兵閒兩歲親冒火礮爲士卒先大僚倚如左右手有水提督將保用以其慙遂寢迨失守作書訣家人將蹈海有某公拉之行曰若死吾奚以生卽與若俱死柰全閩何此辛丑七月事也旣又從其孫得所輯海南燼餘錄一再讀之竊歎向之知先生誠淺先生雖文吏誠知兵其請餉略曰財者士之所歸賞者士之所死卽有勇敢之士若不厚其糧食欲其效死於敵也難矣今者礮墩宜備陷阮宜備大礮宜備礮子宜備鄉勇口糧防兵口糧宜備其費宜巨昨承詢及兵丁口糧慮其三四分之銀不足供一日之飽三軍之士一聞仁人之言不待

實惠之及而已有挾纊之思矣自上年六月派撥水師提標之兵防守海口調集陸路各營兵戍此陸路兵給口糧銀四分水兵照巡緝例給口糧銀三分謹案銀一兩時值錢一千五百八十文銀三分者得錢不足四十八文四分者日得錢不足六十四文夫以數千人屯聚海上暑則溽溼侵膚寒則風沙刮面鋒鏑在前死生俄頃以不能果腹之口糧而欲易人之死力豈所以固軍心而勵士氣哉亟宜通酌天下之大勢熟籌戰守之略備舉其實以聞請飭戶部籌千萬帑金造大船儲火藥增兵益餉破格求將才收養天下敢死之士與之決

敦良吉齋文二

十三

集虛草堂

勝於外洋堅持此議始終不變必使中國海疆無逆夷停舟繫纜之所庶邊患可除洋煙不禁而自絕從此銀不出洋不數年閒民賦日充生聚益足所費數百萬不啻十倍償之或者謂經費有常勢宜節省不知賊氣方張攻守正無已時司農之財耗之於日日是分江河爲一杯之水也用之於一日是積一杯爲江河之流也分之不足以救車薪之火合之足以撲燎原之勢雖然逆夷海上流寇也必合福建浙江并力圖之若徒以勦責之廣東福建浙江僅防海口戒嚴則去解嚴則來其害非一年事也大府豈真無盡藏哉愚昧竊有隱憂故能

忘忌諱而陳之先生在兵閒書凡十數上當事者雖是其請然粹無以應未幾而廣東撫議成則又上書於當事者其略曰宋李綱有言能守而後能戰能戰而後可和夷未嘗不可撫然不勦而撫之必不成撫也逆夷自天津控訴當事者方議撫然旋攻我大角沙角礮臺既又奪我虎門提督總兵相繼陣亡且既求通市矣長洲岡之紅旗內河之標記又何爲者屢戰得氣卒然受撫安知非火藥告匱糧食不接欲藉通市以暫息其力邪一言不合兵端又起勢將有措手不及者廣東新樣日換一日以此揣之廈門必許通市浸假而設夷兵築礮

敦良吉齋文二

十四

集虛草堂

臺則石壁卽其藩衝官吏皆其奴僕不數年根深蒂固禍在目前非若賈生之哭猶灑淚於無事時也閣下身繫閩海安危意必痛哭而陳於朝去就皆所不計言之而行將竭臂指而爲所使言而不行某惟有挂冠而去矣子苓嘗卽其言以究其勝敗之由大抵財不泰器不精將與兵不相能議勦議撫如與道謀牽纏膠格動拘成例卒至於敗此其弊不獨一廈門然也竊以爲先生持身素廉居官不務深刻吏不能欺而盜不敢犯子苓自夏閒南歸往返貴鄉行六七百里夜無虜吠之警吏者不寒而慄輿臺走卒咸以頌執事之賢不休皖中風

氣日變奸民蠹吏踵事日增而先生久吏皖人地甚習蓋養貓所以捕鼠奸民蠹吏猶鼠輩耳貓不事事而但跳梁於中饋以漁食主人之藏無惑乎鼠之日多而益橫矣今誠得如先生者八九人以布滿於郡邑之間則執事之有造於皖人者誠大惟垂察焉幸甚

與孫芝房書

芝房太史足下承惠復備辱獎眷愧愧令弟病愈可賀大郎詩筆天出勝似吾家兩猿也足下方盛歲以文學官清要老親康善諸弟都貴通又得賢子弟天之所畀誠厚伏惟日新令德以迓多福京師物價貴於四方又

敦艮吉齋文二

十五

集虛草堂

多酬應官此者率負累然亦宜隨事減節蓋古之君子務約於己故去就出處常寬然而有餘僕二十歲時謂天下事無難為富貴舉可以立待既重困始務自刻苦往者販文之役操筆嘗坐至夜分時指屈強仰視燈暈爛爍如斗大昏悶欲絕者再去冬之九江姚石翁邀共為賈心益樂之歸而假本於親故自九江抵揚州水陸往返二千餘里衣敝袍犯霜雪日奔馳叫呼於長風巨浪之中益自恨少小時能早自刻厲將牽牛負薪以逍遙於南山之南北山之北何乃今僕僕為足下內忠赤而外孤隋非今世士也雖一官固窮空脫一旦不快意

率其妻子以歸臥於蒼筤之谷中使家人輩不復耐山中操作可邪蓋減節一事庸人瑣屑以自營賢者以之居德而進業足下將力企乎古人之行愚拙之言幸熟思之也蔭之何事左官去昨讀位西書所慮極是願足下思以助之僕年今四十春閒風欬不休積勞早衰物情恆然性素純不善干人胸中嘗有必欲遂之私願販文既不利鬻鹽又困益無冀矣承為地儻得有賢主人可久相依明年亦可免於北上近狀具與補之書不盡

與邵位西擬言時事書

敦艮吉齋文二

十六

集虛草堂

雖愚與足下相知頗悉惟方在京師時聞人言足下近復好為詩心竊不然以為足下起布衣驟擢要地當早淬厲以求備天下之用何自喜於詩為而是時諸君子爭言事事多梗又竊怪足下居京師久所識賢公卿甚眾苟利國家造膝而謀詭辭而退功不必自我出名不必自我居也歸埒數言相質復辱教益知賢者之用心迥出於恆情之外而天下事之積弊難挽者其用力殊難微足下深慮夫奚及此客冬販鹽揚州歸次擬為一書既自忖草茅之士不識體要恐蹈不測重貽老親憂久肱其草都漸不復省記今天下之患自朝廷百執

事以至閭巷小夫皆能言之曰財匱矣兵弱矣夷釁之難以力弭煙禁之不可以驟申人材之不足以爲用也嘗深思其弊之所由生與其禍之所終極竊以爲有不可緩者二有必宜振刷者六謹陳其略惟詳察之夫今日之最不可緩者煙禁是矣或曰煙果可以復禁乎禁之而驟昔年海上之師其前鑑也是大不然夫海上之役豈禁煙之過哉今有鬻糖於肆者羣小兒日嗜而甘之其家長怒羣小兒之耗而重局之有幹僕焉遷其怒於糖主人毀其什物忿而鬪於市其家長懼而禡其僕有庸僕焉與糖主人構倒戈而揖之海上之役焚煙以

敦艮吉齋文二

十七 集虛草堂

啟釁幹僕之激而遷怒者也倒戈而揖之庸奴之與爲媾者也或曰禁之必重擾且其患在民不在國民閒每年漏出之數與國之正供無涉焉是又不然財者上與下交相濟焉者也煙之患蠹財且鈍兵又重壞天下之人才其禍烈於洪水猛獸夫蠹財之弊愚者亦且知之其鈍兵又重壞天下之人才焉何也孔子曰以不教民戰是謂棄之孟子曰無恆產而有恆心者惟士爲能今日之兵與士揆以古先王之法皆不教而無恆心之民今第以一邑而論農之食煙者十之二工之食煙者十之三賈之食煙者十之六兵之食煙者十之八士之食

煙者十之五上至督撫僕隸之私下及縣門輿臺之賤其食煙者又十之八九且夫今之所謂兵與士平居教養之術固已疏矣而又毒之以煙故其居嘗靡事而不爲十餘年之間獄訟繁興盜賊蠡起苞苴盛而請託公行廉恥衰而風俗大壞職是故也夫以數十年之沈錮而謂其禁之之易焉何也蓋昔者嘗舉煙禁矣方禁下未期月而戒者半其久食之老疾不能猝戒者節縮焉而減其半去年十月閒外閒傳言當事將復申煙禁其少年動色而相戒其久食之老疾者又節縮焉而預減其半蓋人心卽天心也煙之禍中國久矣破人之家滅人之祀寡人之妻孤人之子其父兄則流涕痛哭而無如何其子弟則蹙額呼天而無所控告夫洪水猛獸天以開禹周公煙之爲禍醜夷所以毒中國禁之而夷釁開其禍小不禁而殫天下之財鈍天下之兵驅天下之人以墮醜夷之術中其禍較遲而其發也尤烈然則禁之將奈何曰法宜簡簡則可久罰必行必行則民之從之也捷雖然不可以不慮也今夫醜夷之蟠據於海邊諸郡其勢日熾而內地盜賊之滋又久而益蔓今粵西又騷然動矣爲今之計莫急於練兵兵不在多而在精通天下兵額計之蓋近百萬弁卒之俸餉準以歲入之

敦艮吉齋文二

十八 集虛草堂

數蓋五分而去其二平日以有用待匱之財養無用之兵有事又遠調他省或召募鄉勇以益之故其費益耗是兩失之也夫舉天下百萬驕惰不教之兵驟下一令日省之便其變誠未易言今第朝而練焉汰其一二入暮而練焉汰其一二入而因以其暇簡較其器械去扣剝之陋規清虛伍之濫額時出重賞以激厲之意寓選鋒之法天下之兵方歡欣鼓舞以爲 朝廷日增餉卹兵之不暇不期年閒可省十餘萬人而其存者數十萬人之兵皆天下之勁卒矣有練兵之益無省兵之患是一舉而兩得之也議者必曰 國朝疆域遠過前代方

敦艮齋文二

十九

集虛草堂

增防置守之不給惡在其能省之也蓋畜方所以攻病養兵所以制敵故良醫用方不貴多品強國詰戎不煩增卒昔之養兵以自弱者宋其前事矣太祖之世兵不過二十萬康定慶厯而後增至百萬卒無救於靖康之禍明之季世兵號四百萬卒亡於張李國初兵額亦不過二十萬今試舉目前大勢較之國初其強弱虛實之形不待智者而決矣往者醜夷之役有戍兵自江上來鬻煙土於市中或問之曰礮藥所易也嗟乎有兵如此雖數千萬究安所用之哉且夫練兵之說行又不第省兵已也戰守之具修外夷懾矣斥候之制謹內盜弭矣

虛額糜餉之費裁國家之經費裕如矣夫禁煙練兵誠今日之急務而知之者必不肯言言之者必不能行則以今日之人才之不足爲用焉故也禁煙誠易夫安所得十數賢督撫而任之練兵誠易夫安所得十數知兵之將而屬之然則財匱兵乏舉不足憂惟人才之不足用乃可憂之尤甚者且夫今天下亦豈乏才哉羣天下之士大夫以其專攻詞章聲韻之精神進求於當世之務其才皆可以有爲以其揣摩榮寵利鈍之心思易而爲自靖之忱其忠皆可以許國然則由今之勢以救今之弊請少振刷焉其可乎一日廣直言之路國家舊制

敦艮齋文二

二十

集虛草堂

外而督撫監司皆有言事之責然督撫彌縫細故監司言事從未聞焉內而政本歸之軍機言責歸之風憲軍機條議之是非風憲不得預聞風憲推劾之可否軍機得而掣肘況今日之壅蔽甚矣下情阻於上聞上澤滯於下流易曰屯剛柔始交而難生又曰雲雷屯君子以經綸震乘於坎故曰難生有險之義焉陷於坎則雲上而雷下坎之所以爲屯也動於震則雷上而雨下屯之所以爲解也故聖王鑒屯之義常以貴而下賤舜明四目禹拜昌言壅蔽絕上下之氣所由通焉謹案唐貞觀元年制中書門下三品以上入閣奏事皆命諫官隨之

有失輒奏宋太祖建隆二年詔每月內殿起居百官以次轉對並指陳時政得失哲宗卽位首詔司馬光於洛既至卽疏請廣開言路爲今之計竊以軍機處宜增諫官數員隨事檢駁以防偏重之憂每歲酌增直言敢諫一科無論官民許以封狀言事凡民間水旱盜賊許以上聞有務爲新奇迂闊而不可通者報聞焉而已其實要可采者時旌異以激勸之決壅蔽之失通上下之情事誠莫要於此一日酌武舉之式練兵莫先於擇將兵之勇怯視乎將蘇軾論武舉方略以爲天下實才不可求之語言較之武力獨見之於戰戰不可得而試見之於

敦艮吉齋文二

二十二 集虛草堂

治兵然在今日亦無新募之兵之可以嘗試也竊以每大比時於畿輔屯卒每伍抽派數人額以三四千人爲準有中式者假以一日之軍令卽以約束之能否定其高下且今之武舉非獨不知兵並其語言文字亦漫不相涉矣自其試於州郡默寫七書皆倩於人甚有目不自識其姓名者擇將固不可求之於虛文然古之名將無不好讀書通古今成敗者竊以武舉之式騎射而外雜問以古今成敗以考其言試之治兵以觀其能夫其人既通於古今之方略又能治新集之兵是亦足以爲將矣如第曰騎射焉已也則夫齊之孫臏漢之韓信諸

葛武侯晉之羊祜此數子者試進而廁之於今日所謂武舉之中其不見擯於有司者幾何哉一日革館學之陋書者六藝之一漢人謂之小學以試童子之爲吏者今日館職實儲養輔相之地內而九卿庶尹外而方岳監司皆於此焉取之夫考疑似於點畫程工拙於毫釐此一能書吏事也而老師巨公轉相授受上以是倡下以是應天下士靡然從之玩日廢時乃且侈頌美之諛詞修囁嚅之恆態民生之休戚漠然不以關其心朝綱之得失惛然不能舉其數故吏治日壞相業日卑天下之人才坐是以不振晉人清談病國以今例古殆又甚

敦艮吉齋文二

二十三 集虛草堂

之然則爲今之計所以黜浮警偷以振作天下之士氣其變通損益請自館職始一日明賞罰之用孫子曰施無法之賞懸無政之令蓋循乎例以爲賞罰將不能以御一軍況天下乎竊以今日之弊賞濫而罰輕而於督撫尤甚古之聖王神乎賞罰之用賞始於至賤故賞一人而天下勸罰始於至貴故罰一人而天下勸夫水旱之流亡盜賊之滋長凡郡縣之不力皆督撫之罪也今第觀其緘默拱手動循成例亦似無窮兇極惡之可以指名而科道之糾彈又難得其贓罪之確據故其賢者以謙謹寡過爲稱職其愚不肖者遂以威福肆行廣積

貨賄迨乎形迹敗露議輕則降階議重僅褫職彼其心蓋曰吾仕宦而至督撫富貴之勢極矣卽不幸奉嚴譴然猶保首領擁豔妻悍然以貲雄一方夫亦何憚而不爲者且夫督撫者郡縣之表率也得一督撫數十郡縣之愚者怯者貪而酷者咸化爲良吏矣失一督撫數十郡縣之仁者勇者廉而介者悉化爲庸吏矣於此之時不有明賞峻罰其奚以濟峻罰之謂何誅極之已矣不必有贓罪之確據也誅極其因循廢墜焉已矣科道之糾彈亦不必得其贓罪之確據也糾彈其因循廢墜焉已矣蓋因循廢墜其禍被於天下國家而罪浮於贓舜

敦艮吉齋文二

二十三

集虛草堂

之誅四凶也史未嘗明著其得罪之由其見於書者其工之罪止於靜言庸違鯨有治水之才其罪止於方命圮族王氏曰方命者猶今日之廢格詔書也然而聖人必誅極之何也則以彼四凶者位之也尊祿之也厚故其罰之也彌嚴一曰籌敵醜夷非中國敵也然其勢方熾中國之銳方挫以方挫之勢當甚熾之虜籌之將柰何或曰購夷礮市夷舟弛漢奸之禁用閒出奇虜來則戰虜去則守有旨哉其籌之也夫購礮省於造礮市舟省於造舟弛漢奸之禁則以散其黨用閒出奇則以乘其毀而擊其敝然吾竊以爲今日之憂不在海疆而在

內地不在醜夷之猖獗而在 朝廷百執事之玩愒畏懦無肯爲國家任事之人風淫寒溼之疾始於腠理中於藏府迨久而發於四支四支者病形非本病也不求其本日案形以造方雖日進一劑其方不離病本加厲今即使當事者日汲汲焉購夷礮市夷舟弛漢奸之禁設重賞以用閒矣吾知其無能爲也何則因循浮冒之弊不除雖日購礮市舟祇具文耳況乎海關陋規文武官弁以及齊民均藉分潤而醜夷之得漢奸之用又嘗費數十年之精神以綢繆而固結之弛與禁均具文也孫子十三篇始於計終於閒然未有計不定而能用閒

敦艮吉齋文二

二十四

集虛草堂

者往者臺灣之役姚啟聖開修來館以閒鄭氏矣閒誠可用顧在今日夫又安所得能用閒之人而閒之哉然則籌之將柰何曰憂在外者戰與守焉而已今日之憂其始則由內以潰於外其繼則挫於外而又以牽制乎其內方乾嘉時海內富庶久醜夷得以其奇技淫巧愚中國人中國人之無業者餌其利而左右之當事者又但利其關權之所入調停護惜如養驕子嘉慶道光之閒兩至天津一至山東洋面叛形見矣所謂由內以潰於外也乃所謂挫於外又以牽制乎其內則今日之事是矣昔之貨煙者挈囊胙篋行辟人而授之今日公然

交易於日中矣昔之奸民劫於鄉今且劫於近郊矣其大者蠢蠢然乘閒而起者粵西又以警告矣昔之醜夷貪中國之財貨猶震其名今則深悉乎中國之虛實而並笑其窳矣而一二大臣其愚者方僥倖於無事其賢者則又藉口於省事矣故曰今日之憂不在海疆而在內地不在醜夷之猖獗而在百執事之不肯任事也然則籌之將奈何曰禁煙練兵擇將皆吾之所以籌敵而求言儲相明賞峻罰乃以治其本病耳一日節財財者國家之精神命脈其以有無爲不足計者誠過而一切遷就於目前是又必困之道也謹案國家歲入之數四

敦艮吉齋文二

二十五

集虛草堂

千四百餘萬用出之數大約十分而去其八民間每歲之積欠宗祿之繁衍軍興河工諸役又重耗之當事恃爲籌財大計無過於捐輸一途夫弭盜莫先於擇吏足用無過於節財從古以來奸民倡亂多由於吏者之不良今者捐例旋止旋開無乃非計乎且夫捐輸一事病民又病國援納所入揆以今日情勢誠有不足恃者夫官以貲得斯政以賄成民間貸錢本歸息止捐輸之人輸本於公陰責其償於民所獲既倍其本而祿俸所入又歲享其息是上與下俱受其病矣竊聞近年清查兩淮運庫舊欠四千三百餘萬山東庫虧一百四十餘萬

一省如此他省可知是凡鹽商平日之捐輸見任官之捐陞捐級爲其子弟捐缺捐選無一非正供之所侵入也奸商貪吏陽倖於捐輸之美名而使國家陰受每年積欠之實累計無外於此者竊以今日事勢別無生財之法惟節之卽以生之耳煙誠禁民無廢業斯無逋賦兵誠練軍無濫伍斯無糜食汰閒散之冗官清公私之積欠一反手而財可以足兵可以振吏治日新風俗益厚計之尤便者也昔傳說之告高宗曰惟治亂在庶官又曰惟事事乃其有備有備無患節南山之詩刺尹氏曰誰秉國成不自爲政卒勞百姓蓋任相者天子之事

敦艮吉齋文二

二十六

集虛草堂

佐天子以進退百官而不避天下之怨勞者宰相之事也今者時相逐矣邊事亟捐例又開矣足下居要樞猶末階簿領官牘之是程朝聞一事臨食不樂暮聞一說仰屋長歎雖願效忠如卑官何乃僕之愚所願於足下者官無大小并力則濟人無賢愚推誠易通蓋樞要之地近於宰相委蛇以處之遇事反覆而善道之無避嫌無近名燕雀處堂堂焚巢覆人孰不受其身家四海者天下之大家也天下安士大夫之家始安則試告之曰毋倖全而畏事作舍道邊三年不成居稷契之位能憂天下之憂者是亦稷契焉矣則試告之曰無自狹而牽

制於浮言雖有磁基不如待時失時不爲後益難支則
試告之曰無養禍以貽憂於後人僕嘗讀易至於同人
反覆其義竊歎天下之故非一人之所能持否之所以
有待於同人而古之君子所以獲同於上下之交者其
用力誠難同人之德曰中正九三位尊而不中絀於五
其類猶眾有伏戎之象焉高陵於法爲絕地至三歲其
黨乃枯小人之難去也如此四近於五欲同未決曰乘
其墉者有前卻之象焉二與五相應而分卑由宗而野
同之用始大孔子曰在下位不獲乎上民不可得而治
矣同於宗者以其文明中正之德致力於三與四之間

敦艮言齋文二

二七

集虛草堂

而上應於五有艱貞之義焉足下質厚而氣沈抱欲爲
之略矢奮不顧身之義雖卑官樞要之職與宰相近謹
增陳區區之見儻辱教以所未及則又幸甚

與邵位西書

位西足下七月閒得書並爲致皖方伯函足下自持介
乃以故人之困遠數千里申之以言感甚愧甚方伯與
僕本不相知客冬以其所作長江籌遠圖詩屬和率爾
應殊未敢盡所欲言新正同里黃徵君從皖歸道方伯
垂問賤狀切將招備恐赴北未便書召僕故備且久空
其有呼於門持千錢爲市者橐筆趨唯而恐後沉重之

以方伯之尊又懸數百金以爲之券哉閒從黃徵君問
故徵君者以爲方伯官京師與潘玉淦家有舊其招也
有所自來昨客池陽桐城蘇厚子書來道方伯見和詩
訝甚寢其前命嗟乎士而備士之至賤者也備而隨所
用無不可者又天下之甚良備焉四海之廣公卿大夫
百執事之眾厨有棄肉僕婢厭羅綺其尊若神其視士
若土今方伯乃垂憐於草野素不通名姓之賤夫而重
相顧愚不自量徒以蹇昧無益之談觸巨公之喜怒犯
朋輩之譏嘲雖重悔夫奚及哉池陽瘠土也歲幸收無
他虞城東南樓可以俯眾峰履斷堞翹而望江光浩然

敦艮言齋文二

二八

集虛草堂

主人家楚南從者多其土著秋閒賊躡楚皖中戒嚴主
人奉檄防江去諸從者每有聞賊而走告環泣竊誓無
停時僕方食雖甚飢臨箸輒廢夜展轉再四不得瞑時
時獨走上東南城樓坐斷礎上俯仰四睇秋風颯然
默念身世既老大無能爲者矣而諸故人流離遠隔其
幸而得仕於朝如足下輩又皆小官鬱鬱不得一開
口拂衣起倚柱悲吟淚滾滾下人生卽壽考不過八九
十年閒卽死矣僕年今四十有一苕華之詩兒時蓋嘗
誦焉竊以疑作詩者之有激而云然夫烏知及今乃目
擊之又身蹈之而卒無以自解之也邪粵西辦賊何似

季合家武林當無恙彭唐二君如何近作小文數首謹錄寄不盡

與王蔭之書

蔭之執事都門臨歧之言蓋嘗懸懸於中未敢一日忘敝鄉事宜歸而略究其詳同里王君以爲皖人言皖事語過切且事須得人安邱故吏皖誠得如安邱數人弊可革故爲一書以曉左右比力者持原書歸道執事先之官衡州越春又埶數言介孫君轉致未審果已達否也粵西之禍始於州縣之貪墨繼以大吏之蒙蔽諸將帥因循坐玩以至糜壞不可收拾若此方子苓在京師

敦艮吉齋文二

二十九

集虛草堂

時其亂始芽粵西士留試未歸者持其家書惶號請命諸大臣相顧未肯發子苓竊以爲今上新政甫停捐一切廢墜都未修舉脫有變開言利者之口沮願治之思塗炭無辜之民啟中原奸宄浮動之漸雖邊隅所關匪細故冒然叩執事之門而是時執事意有注將畜全力奮不顧身以拔之略授指而粵西士又首尾顧忌不敢前頃之大吏竟以捷聞子苓亦於是時翩然別執事而南歸矣今之賢士大夫紆紳正笏從容風議於廟堂之上皆知道孔氏之書談格致誠正之學孔子之對哀公曰舉直錯諸枉則民服子貢問政子曰足食足兵

民信之矣及門之士若由若求皆世所稱賢人君子究其汲汲焉謀人家國者兵與農焉而已大學一書歷舉修齊治平之要而卽繼之曰一个臣一个臣者蓋世所謂相君者也曩執事之所欲畜全力奮不顧身以拔之者今其人已屏居閒地矣而邊事之棘生財之方循舊護前度執事雖外遷其蒿目奮發之衷當倍亟於曩之所欲云云時也從古艱危多事之際不必無能建言之人或顯踞其名或陰以爲利者有之其能毅然以天下得失利病爲己圖而不以死生禍福移其志惟烈丈夫曉大體者爲然夫以執事之賢不得一日安其身於

敦艮吉齋文二

三十

集虛草堂

朝廷之上崎嶇奔走恆終歲而不得休而子苓之想望風采亟欲一見又且遲之數年其在京師時得相從開口論議才數日聞耳而此數日之中捩腕激昂髮指冠欷歔相對者又鬱鬱無好懷天下之事既不幸使鄙人被知言之名執事曩之所欲拔而去之者今又異人而同轍悲哉已矣益何冀矣明年計當北去念與執事未審何日復得相見求如昔日在京師時相與捩腕激昂髮指冠欷歔相對者亦渺焉難得因便略道其惓惓之愚不宣

上曾侍郎書

四月八日子苓謹再拜侍郎執事粵西小醜恣睢跳藉橫跨數省元元之眾塗肝碎首五年於今居嘗竊怪賊起烏合威脅術誑非有素嘗拊循養之恩其魁長臣隸前驅效死號稱將帥大率市井飲博剽椎灑削之小夫或脫自囚伍奮於廝養非有帷幄干城先世勳德之藉非有材武特出計謀殊絕過人之姿國家命將出師連數十萬之眾傾四海九州之財力王公大人熊羆虎豹之士聯袂疊足曠日而無成功愚不自曉俛仰竊歎憤不願生去年秋賊火南鄉挈家而東道店埠徒踣惶憊休於路塗側聞人言執事躬先水陸數萬之眾親提

敦良吉齋文二

三十一 集虛草堂

桴鼓轉戰蔽江而來將遂鼓全勝之鋒進師安慶辱貶做郡竊自喜謂當吾世有執事者在子苓不當委於溝瀆夜呼酒從逆旅主人假紙筆繞屋叫呼稱快率爲一書以告而幸執事之果惠然來也旣而深維兵無常形賊狡出沒牽制我兵上下聲援曠絕金陵賊巢犄角安慶自九江以沂兩湖均江州郡賊嘗易集安慶雖若易攻廬州未拔安慶之賊援亦眾而執事席全勝之資越三省之遠以趨利非計也閒一道東大營從問消息乃知前書尙留復便埒數語託郭君覓遞自冬涉春居不常蓋做郡四隅西北故多盜埒城十餘里兵火蕩然南

鄉屢衝賊卽今犄靖者祇東偏一隅耳其外又濱湖正月閒賊兵赴援廬州者分道掠慘毒益甚奔波喘息之餘益無從質問執事行止頃聞人言江上行軍得失傳說各辭昔者郭子儀相州之役九節度不用命竟潰夫以子儀之賢九節度之疆然不立統帥權分而勢輕雖以子儀之賢究烏能免於敗乎法曰善用兵者勢如率然說者謂此圓陣法也夫兵家之妙圓機而活勢率然者首尾前後呼吸變動決策俄頃之閒指麾萬里之外古豪傑規取天下之全算胥是道也今者連數十萬之眾以辦數千里衝突無定之賊頓兵於數省而事無所

敦良吉齋文二

三十二 集虛草堂

統諸大帥拱手卻顧畫地以布戰分圻以置守故其權常漠然而不相下其勢益分故其機嘗中斷而不生夫事權之不一機與勢之楛然而不相生舉數十萬之眾持兵瞋目安坐以仰食殫財股民干天和而資亂階脫有故非子苓之所敢知也執事少登巍科以文章詞賦傾動海內壯而建直言於朝起衰經之中躬歷行閒不數月收還國家已失數十郡縣折逆賊凶張之氣濟舟江上軍威赫然究其樹立已足暴於天下未審邇來進師何地江上事機都已就理否也自來艱危授命之際賢者樂效其才不肖者倖其利又遷延以敗壞之豈一

世事哉是以古豪傑有志之士不以其才之不用爲憂常懼夫用之而其權之不足以自效其才夫所謂權者一切生殺予奪惟其所自爲君與相不限焉夫而後可以操縱天下之勢以就天下之機願盼開合用以收天下渙散不起之人心而使之復振乃今者執事則固有其才矣愆恩不盡前書恐未達謹錄附上

上翁撫軍書

四月廿二日子苓謹再拜撫軍執事聞之古有匹夫之亂流寇是也流寇之亂禍每烈於敵國外夷秦之勝廣明之闖獻其尤著也今國家無秦之失德賊悍然有闖

敦良吉齋文二

三三三 集虛草堂

獻之勢國家集天下之兵力設長圍於江甯江甯賊巢信窮蹙矣皖中之事方棘然兵事之失究未有如皖之甚焉執事今相君之賢胃皖人之司命敦行束修學古入之道聞於天下昨者廬州陷諸營相繼潰執事惠然閱皖人之危莅軍梁園奮過賊鋒旣戒師於定遠正諸將失地喪師之罪赫然討三軍而訓之方是時皖人惶汗懼躍延頸俟命迺者自秋踰春疆圉日棘竊聞諸道路之口謂柄事者計以皖委賊并力江浦旁事招安兼省兵力故江浦一路堵而兼剿定遠一路堵而兼撫子苓竊有惑焉夫兵家之用得地者便今計者欲并力江

浦而不亟拔皖中非計也何則皖地四通根本江淮廬鳳土沃材武羣盜多倚賊自重賊亦時藉其力以分我兵之勢蓋自安慶棄長江之限日益疏自鳳陽棄羣盜之交日益固昨大吏又棄廬州而江淮大局悉歸於賊夫以剽悍之賊據形便之地挾全皖耕戰之民故其深沈觀變悉甲於安慶揚聲南下則三楚戒嚴派流而東徵粟無巢津逮舍和輦數千金設餌於江上則江甯之困以甦鼓行廬州嘯挈羣盜廟堂之上咨嗟嘆喑大河南北無解嚴之日夫惟賊之勢便故我之勢常絀故賊飽而我飢賊逸而我勞賊專而我分蓋賊嘗以一隅

敦良吉齋文二

三三四 集虛草堂

之皖牽制數省之兵力故楚豫未解兵端江甯久無成效故曰兵事之失未有如皖之甚也定遠壤小四偏護鎮之役我兵甫振又挫羣盜恣睢犄角巨寇柄事者不得已計出於撫似也夫盜非盡不可撫也古之撫盜者或撫之而安或撫之而兼收其用而陳奇瑜熊文燦卒以撫誤天下者非惟盜之巨細強弱之不同抑撫之者措置得失之互異耳夫以屢挫之兵處四偏之地羣盜名雖待撫持兵顧望眾各巨萬彼柄事者客將也日長寇敵財之不卹事成則樂居其功事壞則擁兵去矣脫有故未審執事何以應之子苓書生褐夫陣戰之未習

沉軍國事巨山陬一隅之傳聞又多未暇以詳謹以眾人之所知耳目之所嘗及竊見兵事之失大較有六其四事皖中之積弊其二事天下之大局繫焉六弊不去亂將難已勦與撫均非長計也請言其略執事試裁察焉法曰軍無選鋒則北又曰將不宿戒三軍失其備古人用眾之法大率馬步相維勇怯並進而掩擊衝突常以選鋒爲奇兵前明戚少保教兵親立課程嚴若師弟慎宿戒也今者營陣潦草大率馬少步多有正無奇有戰隊無休替小勝輒囂偶卻易潰軍多闕伍何論選鋒士無見糧邊言宿戒弊一閒謀者軍之機括將之思慮

敦良吉齋文二

三五

集虛草堂

所從出焉夫察變於未形決機審而應敵也暇記曰軍旅思險隱情以虞孫子終篇詳言用閒國家臺灣之役姚撫軍開修來館以閒鄭氏卒用成功今者員弁差委虛應故事徵言市井析賞錙銖眾噴羣瘖見止房闕誤事失機率多由此弊二戰之本在氣將之德尙嚴法曰凡戰定爵位著功罪書曰威克厥愛允濟蓋功罪明則賞罰當賞罰當則士氣奮戰之本也賊起烏合行無他奇惟誅戮果而爵賞不吝其將士之功罪多取決於臨陣時故能使其黨生死一心每戰用命今朝廷務寬假於將帥將帥務寬假於偏裨功罪混淆人心離渙法

所謂宿敗之師此類是也弊三易師之象曰地中有水師君子以容民畜眾蓋流賊如水潰卽難治治水之法欲遏其流必濬其源古人謂禁盜輯民得一良吏可省勝兵萬人乾嘉時楚中教匪之亂不滅今日自大吏申請招卹賊黨始孤自堅壁清野之議行賊窮就燼今者賊所殘破之地坳從益眾吏者但知遷就朝夕之安曾無還定安集之慮傳曰國家之敗由官邪也詩曰弗躬弗親庶民弗信弊四軍民之盛衰國勢之強弱其耗息恆視乎財之有無法曰用財欲泰夫泰與節相反適以相濟車薪之然挹江河以救之所費似巨所省甚多拙

敦良吉齋文二

三十六

集虛草堂

者反之其費似節其傷益眾今者軍興久官私告瘁計增騎之費多於增步欲嚴刑峻威以收積玩之人心則必有豐財厚賞以振就頽之士氣議者必曰正餉且紬費何從增而賞何從厚愚見祿浮官曠卽一營財之漏者已多師老餉糜再數年財之絀者必竭弊五古者闔外之事屬之將軍故法曰將能而君不御者勝又曰不知三軍之權而同三軍之任軍士疑矣今者連兵數千里一日之內緩急異宜數省之間攻守異勢夫勢相隔則不相通位相均則不相下文移奏報動經踰時賊之出沒我兵之進止又嘗拘牽焉而不能以相及故賊屢

撲而益滋我多備而益寡殫財病國久將自困愚見於此之時遮前殪後擊數千里之兵柄與賊消息則必有人焉兼天下之智勇以其長略遠馭之才建一勞永逸之計顧盼開合角羣將吏之短長指揮而運動之若是者夫而後謂之大帥顧有其人矣或難其權有其權矣或難其人弊六今夫弊之所積其因而仍之又摧拉而敗壞之者非一朝夕之爲反其弊而更張之夫豈一朝夕之圖一手足之事哉今以執事之賢際全皖凋喪之後蹇諤一心蒿目掣肘子苓雖愚昧誠有以亮執事之難然古之名將受命艱危之日常以少勝多轉敗而爲

敦良言齋文二

三七

集虛草堂

成者竊嘗考其設施方略所在其居常大都簡軍厚謀明法飭吏務自治以治敵蓋自治者將之本務固爾也定遠葺爾地在今日所關於江淮者誠重而羣盜之果就撫與否事殊叵測前車覆矣後車之戒用敢告於執事抑嘗聞之天下安注意相天下危注意將將相者天下安危之屬也子苓竊以爲 廟堂之上有良相斯疆場之閒有良將夫勤思集益上以佐中興之業而下不遺於葑菲古之賢相君所由德光上下勳施於無窮焉國家 列聖創垂公卿百執事之眾布滿朝列闕獻之事度不至再有於今日然亂經十稔連兵數千里而事

權各出凶疫旱蝗天地日星之變迭起生民之痛益痛國家財力日益敝盜賊之凶淫僭悖又久而益烈執事皖人之司命今相君之賢胄苟有便宜執事試言焉而相君納焉則所以邀福於執事者豈惟皖人山中紙筆闕略倉卒不莊不備惟察其卷卷之愚而原宥之

上翁撫軍書

曩者子苓屢欲有說於執事然其中止焉何也蓋古之君子將有說焉擇其言矣又擇其人其人信賢矣非其時則甯默也定遠之役柄事者方一於撫難將又作念執事之賢竊爲書將以道皖人之憂而告以所危既自

敦良言齋文二

三八

集虛草堂

念以執事之權力無以奪柄事者之口而欲以疏遠匹夫效其唇舌吁亦難矣夫頃之定遠陷山中迭有擾路四梗而前書遂留然其屢欲有說於執事者何也則以子苓皖人也自執事移節於壽春皖人之痛日益深皖人之望日益切其小人曰寇深矣吾父母妻子死亡而無告也撫軍其終棄之否乎其君子曰兵單財匱是皖人之窮也撫軍誠賢天實斬之自惟疏野迂鈍之姿無緣一叩堂階以盡吐其胸中平昔之所欲云然私心憤懣賢如執事子苓不一言焉是自棄於賢者且負皖人請畢其說惟裁察之蓋聞兵之眾寡無定形財之有無

無定數法曰寡者備人者也眾者使人備己者也無所不備無所不寡又曰善用兵者因糧於敵夫法之所謂眾寡非兵數多少之謂也攻瑕擣虛形格勢禁雖寡而有眾之形鈍兵殫財坐以待斃雖眾而有寡之勢而況於真寡者乎法之所謂因糧於敵者非如賊之野掠爲也因其積聚可以省轉輸之勞因其財賄可以振軍需之乏因其土地人民可以裕耕戰之資是以古之名將審於天下之大計恆不拘於常格而動以奇勝然究其所謂奇者非輕發躁動以倖於一試爲也攻瑕擣虛形格勢禁奇之大略如是焉而已賊自九洲之敗越徽甯分擾湖州以搖江浙竊聞曾帥援皖之兵移赴他處楚兵之進攻舒桐者久需次而未前是賊一舉而兩敝我軍不第藉以緩安慶之圍且冀以蘇江甯之困是賊又以奇勝而我又以拙敝矣夫江浙財賦甲天下脫有變賊藉其金帛士馬之富養其全鋒返旆而北壽春一隅地就令甲兵如雲財粟山積執事視諸將吏之從容而坐論者果足以爲執事守孤城而無他虞焉否乎曾帥旣移赴他處楚兵之進攻舒桐者以子苓策之恐亦未敢深入若經撤退諸賊之在廬州者以其暇乘閒四出我之所備又益多全皖大局將益不可以爲竊恐壽

敦艮吉齋文二

三十九

集虛草堂

春他日之變更有甚於定遠者子苓書生不知兵昨從賊中來竊見廬州賊情久蹙其黨多貳而思遁其精兵多過江去全椒之役賊數創梁園以北諸義民之殺賊者又且四起夫以廬州土地之廣人民之眾區區數千賊楚兵綴其南全椒李世忠之兵綴其東袁公臨淮之兵綴其北於此之時執事誠以壽春之兵鼓行直前有攻瑕擣虛之便聯絡南北犄角互應俾李世忠得以新勝之兵力旁下含和以斷賊臂定遠烏合之盜折筭可定有形格勢禁之宜是我一舉而賊之首尾皆困且藉以紓江浙之警法所謂兵以奇勝者此也然子苓之爲是說也度執事必心戚其言而不果於用也何則諸將吏位高則顧忌多更事久則趨避益巧行則有妻孥之累居則有醉飽之娛故嘗樂以兵單財匱務持重堅守之說以重困皖人而誤執事夫以敦行束修學古人之道如執事苟不垂惠於皖人則已如其惠閱皖人事有可行力決大計以子苓策之兵之單者易壯財之匱者易充何則廬州賊本無多民之困於誅求枕戈礪刃以待官軍之至久矣今以執事之賢乘可爲之時因民心之甚憤軍威所至廬州五縣之民拊其義勇可得勁兵萬人賊之關樞租賦所籍第減其半以甦民困以其半

敦艮吉齋文二

四十一

集虛草堂

贍軍得一城其粟可飽其財可用此固子苓之愚計抑
皖人之大幸也惟執事斷之而已今之進說於執事者
或不達於執事虛懷掣肘之苦衷或有求於執事故非
訐則諛夫訐徒激於意氣之私而不究悉於兵家難易
之故諛則易以蔽執事之明有志者所不敢出此也子
苓少孤拙於仕進年未四十卽棄舉子業其於人世之
進取旁聽者之笑怪漠然不以動其心山中有田數畝
有羊十餘頭備書賣藥倘能自存則固無求於執事而
自天下方構兵時國家兵謀之得失與夫皖事之所爲
糜壞潰裂之由亦嘗究心其略是以窮居僻處未嘗一

敦良吉齋文二

四十一 集虛草堂

望顏色而深有以亮執事之難而今者之說究非強執
事以倖於一試爲也策之以時博稽之皖父老與愚無
知者之口準之以古人之成法夫兵之有法猶大匠之
於規矩繩墨焉而時者尤易失而難再者也惟執事斷
之而已謹並前書錄上惟裁察之

與潘季玉書

季玉郎中足下秋閒龔君之浙江埭一書於時賊距舍
五六里閒未悉龔君果行與否賤狀多未暇以詳冬十
月郡城收復又方以池州之死日奔顛於路途昨歸山
中殘臘人事卒卒中夜背燈獨坐俯仰默念淒然心痛

而龔君之浙江未歸所埭書又未審其果達否也嗟乎
季玉別來才五六年閒夫孰信有今日事哉蓋從古禍
亂之生上與下交相養而致焉者也敝郡之復會有天
幸乃今者一切踵舊護前煨燼之餘難將又作故僕日
戚乎有去思而迫有待於足下夫背先人之邱墓奉七
十餘齡之老母提攜弱穉怱然而遠走此豈人情要其
自決於行者廬州不可以居則去而蘇州蘇州不可以
久留則去而海裔而深山天道窮而必變今亂才五稔
但使老母獲以天年終兩兒子倘有成立雖就死其可
無恨然其迫有待於足下者則前書所云借宅一區假

敦良吉齋文二

四十二 集虛草堂

以行資若干金計僕來蘇州其終歲之需數口之食妻
能紡兩兒子久習苦能灌園能拾薪推磨亦能讀書屬
文爲諸童子師僕雖憊猶能操筆而傭書終不以所累
累足下蘇州財賦贍於他郡足下躬貴胄諸兄聯袂於
朝急公家之難紓桑梓之憂其於義則有進而無退詩
不云乎十畝之閒兮桑者閒閒兮行與子還兮是詩也
僕往者嘗樂誦之然究未敢以聞於足下要其自爲計
則方決於行惟圖之

與江刺史書

刺史執事七月五日讀惠書獎掖懇懇深以未得一見

鄙人爲憾山野小夫曷克當此夫以執事之賢近在咫尺子苓疇昔所爲欣誦嚮慕以亟欲一見者因循阻隔蓋一年於今前書卒卒請略陳其概伏惟察之蓋昔者子苓嘗奉撫軍指出檄援比城破怨家修前恨賊黨用是相持急夜倉卒跳而去之青陽山中是時聞執事行次店埠而外聞言撫軍與陳太守開行六安將集兵圖再舉亟走一書相執使者歸道執事先期移營去頃者道東大營旣夕宿營殿中殿兒撫軍故騶卒也晚具食炙酒對酌馬旁夜聞鼓聲隆隆羣馬騰嘯相與追數昔時圍中撫軍殺賊情事以爲歡笑因爲言撫軍幸畢斂

敦良吉齋文二

四十三 集虛草堂

見寄棺野寺中而執事方駐師西門時天雨甫霽客游空然略具雜酒之儀將遂迤城而西一哭撫軍之棺恭唁執事淖深驢蹶體笨重不善騎復留二日湖上之警聞又至遂去自秋迫冬居數徙所記撫軍戰守大略恂具草恐漏失實窮居稍暇則遂露車載酒迂道而北覽玉鎮軍戰處馮弔於川兵埋骨之所徧詢諸將帥覆軍失律之由而舒興阿馬兵迭潰與鄒君漢勳十七日城上之死其狀未遽以明度其時執事躬在行間當有所聞將遂因便上謁兼以證於左右旣行矣樵兵構釁北鄉火道路洶洶則又改轅而東子苓少孤露老母衰病

目幾盲家素窮空有田數區在巢湖之陰自軍興由郡城挈家去而耕於湖上旣而青陽而長甯及今又去而之於方山之東蓋至是凡五遷矣轉徙飢憊之餘每聞人言執事追奔克捷則軒眉鼓掌旣飯爲飲數觥至乃有說不諧欲進仍尼每聞人言如此則竊竊然懼執事之志不克伸中夜頓足仰屋長歎今夫子苓之於執事南北各土勢位相絕漠然無平生一面之故然乃聞聲相依欣戚如告抑豈特子苓爲然哉吾郡人父老子弟寡婦孤兒破家亡命斷頭裂項環相接也然乃死亡顛覆之不戚戚大戚於撫軍旣戚撫軍則益重念執事何

敦良吉齋文二

四十四 集虛草堂

者今有失火之家其徒跣往救者不必其皆素相識也其家長匍匐泥首以號呼之其子弟咨嗟嘆喑以左右之夫其咨嗟匍匐以請救於不知誰何之人者害切則痛深勢迫則望切也今者吾先人邱墓之區昆弟宗族友朋親戚其死亡慘烈豈啻在烈火中撫軍旣奮不顧身殉之於前執事方枕戈切齒思挽之於後子苓雖愚冥其曷敢一日忘執事昨者四月間天雨壞垣西城隄崩數丈餘諸大帥方檄兵進攻於是子苓道雙墩竊大喜以爲吾郡人再生有日意撫軍英靈實陰相之仁走謁於執事而是時執事方有事於前行草茅短褐之人

又未敢冒冒然自列於馬首頃賊掠炯燭沿湖以東迭有警則又亟歸蓋自城破撫軍死吾郡人禍患日益多諸大帥環數萬之卒以攻奄息既頽之孤城又至今而未拔伏惟執事忠勇性成深入敢戰懸軍虎口奮過賊鋒毅然有古名將之略然而官不過五品兵不滿數千私憂蒿目拱手俟成令焉而已雖重憤獨將奈何昨辱書云云微執事子芾其曷敢言今夫鈍兵殫財兵家之所深忌法曰善戰者求之於勢故曰計利以聽乃爲之勢以佐其外竊聞山東賊久靖紅單船屢捷於江上此其勢誠若易爲矣蓋廬州大勢安慶其門戶巢湖則其

敦良吉齋文二

四十五

集虛草堂

襟帶也今欲拔廬州而置巢縣於不問沿湖一路賊往來搬運與城內賊迭相聲援賊一動足我兵俛俛然不甯者數日夫復巢縣以斷賊衝議者咸曰無船且增募無費嗟乎賊起粵西越兩楚以沂長江其連艦大舳豈皆取其宮中而有之哉惟善畫者因事出奇以巧與爲媾耳夫賊之去來無常我日恐恐焉以數萬之眾與賊相持而食其爲費也日益巨此其利病長短不待智者而可決矣抑又聞之團練古鄉兵之遺法廬州土沃民武苟善用之負挺而起者可得勝兵數萬人其要惟在擇良有司與一二知兵之將與民相度地勢築堡立寨

準古睦嫻任卹之典時肆以戰陣攻守之節蓋築堡立寨則壁堅壁堅則賊無可掠之人壁堅則野清野清則賊無可食之粟戰陣攻守之中行以睦嫻任卹之意外無難辦之賊內無敢叛之民昔者安慶初破時大吏嘗舉行團練矣其時官與民相蒙貧與富相仇夫以甚渙之民心當方熾之賊焰固宜其糜爛至此往者嘗與周制軍呂侍郎悉言之矣然皆不果行旣在圍中屢與撫軍公極言其弊乃今者其勢又若易爲矣鄉民慣見賊其膽日益壯又迭被賊擾其氣日益奮夫以甚憤之民當日窮之寇此勢之漸轉者也傳曰師克在和今者將

敦良吉齋文二

四十六

集虛草堂

與兵恆不相制官與民漠不相親戰守迄無成見團練但持空冊始則兵與民相劫而相殺今則兵與兵又相殺而相仇昨者六月間提軍之親兵與撫軍之親兵以一變童之故羣數千人合謀於兩營之間兩大帥逡巡御顧而不能制此皆執事之所親見者也去年秋南鄉民殺賊三晝夜斬獲賊首僅盛而驢負者百餘級生擒兩賊將軍一賊指揮其繩牽而虜至者又且十餘賊南鄉民不祈賞不言功請兵之使釋於道凡六日官兵無一騎應者頃之南鄉火矣又頃之施口長甯迭遭屠賊兵且分道以進攻兩大營矣此皆執事之所習聞者也

今卽置巢縣於不問奈何舉沿湖數萬家之民悉委之於賊事未有舛於此者近聞西北一路奸民蠢動與官兵相抵觸有司號令所及不過數十里閒而歲且屢歉夫吏敝民媮乖沴所干於是乎有凶蝗之變兵火歲仍重之饑饉於是乎有叛民之變將不卹士軍羈餉匱於是乎有叛卒之變三者皆賊之所資以爲利者也夫復巢縣所以孤廬州之賊勢整飭團練祇辦賊之一端而一二擁牙建纛之武夫修飾邊幅之文吏並此而不加察烏乎誠若是天下事亂將焉濟太行負棘之驥俯而歎仰而鳴以孫公之知己也夫孫公者其信知驥矣究

敦良吉齋文二

四十七

集虛草堂

其力豈必能盡天下之蹠者齧者若滅而若沒者悉閉之策之俾其各馴致於千里乎哉惠止於紵衣聲激於金石精誠之召也今夫子苓飢吟幽墨日挈其室家以屏營於荒崖窮谷之中其爲申折湛潰之患抑又甚焉執事旣辱而顧之矣請蹠蹠而至以畢其鳴焉其可乎

答陳立凡書

立凡學博足下夏閒於郡中得四月惠書甚慰甚慰令兄死事久而得白此自天理人彝之不容昧主其事者江使君與易君之力爲多僕後先趨役其閒幽冥之中負茲良友又何勞之足云計與足下別總五六年矣得

書擬卽馳答適有幼子元叔六月廿七日之變此子端穎沈毅讀書舉大綱尤謹於自持亂離來飢驅力苦以應百役日恆手一書雖重憊不肯輟讀僕亦時藉以感愧刻厲故數年來奔波飢凍究亦未敢輟所業而他求宇宙之禍端方始天生豪傑撥亂之才不數數然旣已冥頑無用早自屏棄還顧後來祇茲兩雛大者平平米鹽瑣屑之克營荒山之中一畝之室跼蹐鳥獸之往來采藜蒸藿獨與此子俱提攜講誦詠歌先古嘗日中晨炊不給老母顧之欣然色喜於斯時也極天下之樂無以易此者僕家數燬山中苦無書嘗陰相其學行浩乎

敦良吉齋文二

四十八

集虛草堂

卓然能自進矣去年蘇州潘四兄弟有贈金因爲置經史及他書百餘卷俾其早自擇於古人視躬經世之大凡居嘗私慶天若祚徐氏爲江淮閒後二十年留一偉人雖亂離此子之學必大以昌藐躬不德神奪其算嗟乎足下死生命也夫果孰命之而命之茫昧慘烈至是哉足下書來六月十七日僕以廿六日之晡時抵舍此子之死以廿七日之黎明其未死之前一夕大兒久役三河獨左右飲具供客旣夜坐竈旁竊讀所攜歸足下之惠書其母促之寢久乃去其旣死之後數日家母從荐下拾得其手書一紙昨者大兒檢書廚廚上藪藪有

聲就視則足下之書在焉旁一槓重疊封固啟視凡二紙蓋前一書留以訣其父後一書留以訣其兄與其所知其言悅恂若前知者醫云其病虛寒不節食痰涎上行故卒死此子體素充年十九姿狀魁然每病起飲啖猶嘗兼人時有感冒之疾與以芎蘇飲輒愈其斂也雙眇炯然如恆時嗟乎足下往者同在池州時足下視僕湯藥不去口而貞疾恆酒其爲不節者抑多矣獨茶然而幸存於今然則醫者一隅之說夫又烏足以究詰哉久闕報念足下雖異姓有憂喜休戚之同故縷陳其概其書並錄寄惟憐察之軍中珍重珍重

敦艮吉齋文二

四十九

集虛草堂

與英侯書

英侯執事去年冬因使者杜亮埒書正月戴雲喬吳長慶書來道執事移官霍邱然方去冬時聞人言大帥檄執事權守廬州矣故因便書賀並略陳郡西可以進兵之狀頃者戴吳書來道執事相招之意切吳生敦約於月之二十日同就途要其不能亟行者有二一則先慈於去秋權厝淺土旱蝗之餘薄田不售嘗所牧十餘頭之羊又飢凍而斃其半先塋埒城近賊樵采斥候之所必及山中石燥多火凡葬者之大忌術者云今春陰陽年命不利陰陽五行之說信道篤者不回惑於其言子

苓則學淺無以明質其是非夫以七十餘齡之衰親既數流離於凶荒兵燹之中及病而子苓方客遊比死母子不得一相訣寄棺淺土中又因循遷就迨今而不克葬其罪則天地鬼神之所不能容其痛則寢興食息之所不能忍昨者謀之堪輿儲君春閒既不克葬暫就權厝之所增土以封焉而去冬陰雪阻滯今者山中又迭有變夫以其罪之所不能自容與其痛之所不能少忍而又迫之以力之斷然不能以兼顧惟執事諒此區區耳乃若山中之變蓋嘗屢恍焉而思去然迨今而圖去則子苓之計誠晚蓋昔者山中嘗苦賊今者苦賊更苦

敦艮吉齋文二

五十一

集虛草堂

盜去年春定遠盜飢而逸於橐皋窮無歸比夏蔓於山中秋大旱諸嘗被盜之民羣聚而爲盜或百人或數百人或千百人轉相焚戮諸賊酋之在郡城者鮮衣醉飽其畏盜之情狀亦猶往者官軍之畏賊今將挈十餘口之孺弱以歸於執事執事誠厚相愛而力之能濟與霍邱之可居與否非敢臆爲定也將忍焉以行焚燬者何罪而又忍棄之邪今者盜又起候火去山中不十餘里勢岌乎益不可以留謹先書詣執事如力能相濟而霍邱之可以居準於二月閒挈家人來否則悔事屏當但有閒便隻身走候於左右又北鄉久經殘破去冬又被

孫葵心之兵吳生書云西隅自執事之去諸團日尋兵夫以數千有用之勁卒自相殺而不并力以殺賊子苓嘗悼歎於吾郡人之樂禍而重惜於執事之去者以此霍邱邑小民樸得賢者爲之自易從化敝地則舊治民也度辱念縷陳一二不備

與沈亦符書

亦符足下讀復書所論史法極是承示記劉君西門之役事失實此蓋據虞君言未審他復有誤否僕頗樂聞過山谷僻處耳目塗塞忽接高論開以未及其爲欣悅奚可言似郡城內外諸死事人第就僕聞見所得其從

敦良言齋文二

五二 集虛草堂

容就義者有之坵會關請究亦多有足下欲分別紀錄以傳信於後世此甚盛事然古之人以語言文字而蒙禍殃者率多由此伏惟慎之山居殊無俚一卷之書一觴之酒時自取適然如足下所謂桃源云云殊未然也春夏間炯煬迭有警山中人鳥驚獸走其富人先寄孥於他處一二鄰曲老農日恐恐然負畚挈釜緣山望覩賊來卽相與躍然去矣桃源中豈若是哉昨有吳君者過而語曰東山一帶皆培塿其下介然四達其中無毒龍猛虎賊何久憚此意茲山之靈旁皇禁護特留一席之地與君輩人日飲酒賦詩以爲他日林壑之光寵矣乎

足下居止隔一山桃源之譽殆猶吳君之謔邪昨橐皋兵潰山中人益大恐近小戢未審足下準於何日來敝居雖湫隘尙餘小屋一間客來可譚可宿其上穿漏陰雨時案頭琤璫蕭然作鳴泉聲也不宣

與潘季玉書

季玉郎中足下客歲兩書均辱答又辱贈金謝謝龔君歸於冬杪是時僕以事之三河歸讀書具悉相君棄世道遠不得一申唁罪罪辱示蘇州情勢知其事誠非足下兄弟力之所能爲然以僕所慮東南財賦所出賊屢窺伺今者甯國一路賊扼險四出而蘇州風土柔脆所

敦良言齋文二

五三 集虛草堂

募勇皆非土著夫參數千百之毒蛇猛虎磨牙努目環伺於閨闈衽席之旁其繚禍於腹心者匪細江甯賊勢雖蹙竊聞向軍門麾下兵不滿萬人羣帥設圍城下屢勝而驕夫備多則力分輕敵則易敗凡用兵者之明忌也蘇州一隅地其在今日所關於軍國者尤巨而足下兄弟之所處又非可如僕之鉗口匿景以求活於旦夕焉已也夫鉗口匿景以求活於旦夕然在僕猶播遷顛越救死之不遑設以足下不幸而如僕之所遭人其謂之何且足下兄弟又何以自爲哉前書所陳既求助兼告以危今者患形亟矣故復布其區區之愚貴鄉人汪

君芾庭少學於顧兼翁之門嘗客於做郡又嘗同避兵家窮營一官將之浙足下素喜士幸錄存之如何不備與張子蕃書

子蕃足下昨歸見使者所致書篇幅重疊亟索火閱一更餘始盡去冬山中相別奉貽一紙失去殊無足道既辱命埃有暇當約略書之以塞盛意至欲盡集僕年來手問裝裱成册此固友朋離曠相念之意不忍遽捐然思之益增惶蹙也古之君子學修名立其文章功業與其貞亮宏識高世不汙之概既足以震耀宇宙而其語言之妙翰墨之美又多過於人故其單詞隻字尋常

敦良吉齋文二

五十三

集虛草堂

率爾裁答之幸存於世者後之人偶然得之珍以什襲傳爲至寶僕少懶惰未嘗學書壯大日有衣食奔走之役於古人之遠且大者既無從希其萬一而區區詞翰又漫不自持卽比之近賢亦劣無足齒足下不相鄙夷乃重辱愛鄰少年取婦而醜久而相悅鳴於其曹謂天下之美婦人舉無是過焉且且而夸之其婦駭懼羞感泣而請罪夫人世之愛惡何常而是非美惡之較然不容以欺凡爲婦者知之矣恩恩奉答聊一笑春寒珍重珍重

上曾制軍書

新正四日子苓力疾作書別執事從層冰巨浪中買舟而歸十四日抵廬江之寓居十七日渡巢湖密傳尊示是時賊兵謀於東鄉而將軍方進兵賊門禁益嚴蓋廬州城堅多粟賊死守其悉銳於潁州者蓋以預爲救援廬州之計且連壽州以擾河南分我兵勢彼叛人者方挾賊以自固將厚集其兵力鬪我師而兩邀其利今欲孤壽州之勢莫如急拔廬州欲緩叛人之謀莫如陽示以撫屯重兵以扼河南之交而預嚴其備凡此皆執事多算之所先及者省垣禁防周密賊偵度可無虞然天下意外之變多由細微之不慎子苓耳目所經關卡吏

敦良吉齋文二

五十四

集虛草堂

弁大都恆勤於釐金而疏於盤詰語云涓涓不塞行爲江河請飭有司早加謹於涓涓者可耳日間將軍連有捷長甯炯燭諸賊望風歸附將軍既能兵重以執事威德大功之成剋日可待而子苓覩縷若此者自惟先世聚族斯土垂二百年自廬州再陷附城邱墓久在賊境歲時伏臘不得效灑掃躬拜於壠下者又四年於茲亡慈寄棺淺土迨今而不克葬但冀賊平得一展先人之墓亡慈藉終窀穸區區私願惟垂察之昨承命歸迎其孳此蓋執事本飢渴天下之懷宏一夫不獲之志以推恩於下士而垂恤其室家惟老妻自去秋山中日苦賊

提挈弱小暴露風雨遂染寒疾久未能起小兒輩春來
患痘而子苓自十七日渡湖日旁皇於故鄉復牽率於
人事計明日有便風當歸視家人如能行則盡挈之行
否則稍事屏當便拂衣就道杜公有句云歎息謂妻子
我何隨女曹往嘗誦焉而姍笑其言乃今者實躬蹈之
且自笑也知辱念不自覺其瑣瀆至此前後諸公牘專
力代投餘面陳不備

與潘季玉書

季玉足下新正一書於時子苓從風雪泥淖之中纔脫
虎口驚惶病憊獲聞故人消息狂喜躍舞繼之以泣中

敦良言齋文二

五十五

集虛草堂

夜命酒呻吟強醉晨起炙硯濡筆歛歛坐起移時不能
道隻字何者以子苓數年所歷之險阻慘烈無以自解
之故益知今者之無以解於足下以子苓之居窮畏約
雖日引於深山嶄谷然猶俛乎其不能以自存芒乎岌
乎歸焉而無所與歸行焉而無所與適益以知足下今
者之所遭又死生進退出處之俱難然遂忍而默焉則
又懼以未死之身重勞足下之念將繁稱博引則又恐
自觸其痛徒以重足下之悲故前書所陳多迂泛不切
事情之談惟原亮之昨聞海上兵已成行利鈍非敢喻
度法不云乎置之死地而後生夫泚水之戰陳餘之於

韓信才分素所不敵故信得以其巧勝餘之拙井陘口
之閒視趙壁之伏軍信之巧以成事也夫用兵如信其
亦可矣然非餘之拙信雖巧其勝敗未可知也況不如
信者邪況其事有大如泚水者邪雖然足下世臣也海
上之役揆之以今日之情勢與足下之忠憤皆有進而
無退夫傾東南之財力以贍軍因外夷之歸附而陰借
其力於計便潛師直下出賊之不意而制其命於法奇
乘便運奇加以戒慎冠古之功呼吸可待勉旃足下在
此舉矣賤狀吳生當能言之餘不宣

與英廉使書

敦良言齋文二

五十六

集虛草堂

夏閒辱書隨作答八月勁筠來道淮北兵飢賊橫執事
崎嶇血戰堂上兩大人懷刃誓死情狀於時擬附一書
相勞而勁筠有上海之行不少留頃者 王師大捷逆
人授首 朝廷錄執事之功有陳臬皖中之命計執事
自爲宿州時於是一歲四遷其官矣甚盛甚盛然以鄙
人平日推愛於執事者不惟功名之盛惟執事善處於
功名之際不惟逆人之就禽惟執事熟籌夫禍患之所
由生以早靖其復然之變夫功名盛則軍國之寄日益
崇旁聽者之責望日益備左右之趨承日益多操心慮
患之日益懈古賢豪之士負非常之才或位高而望減

或前後之異轍揆厥由來大都功成則驕獨用則敗史策所載更僕難盡也頃聞賊黨竄入秦中將連粵賊以圖再舉夫禍患每伏於宴安勲業實根乎器識庸眾人泛常頌美之辭既非執事之所樂聞而一日縱敵百世之患古之人有明戒焉念久相別故埶致其區區惟亮擇之此間有孫觀察勤西江方伯達川者與子苓都有故觀察舊識執事於定遠昨聞捷走詫於人曰吾固知英侯今果然盤根錯節鈍者折矣夏間蒙城之警方伯從問執事姿狀何似其家口都何在因從容對曰英侯魁傑忠信人也豐頤而皤腹能騎射馳突健鬪惟其家有老母且孤子惟可念耳客中薪米昂貴子苓屢欲歸而未得異時執事嘗大言他日擁旄建節準使老牧山中有千頭羊今何如邪請率妻子負箠執鞭以俟

上江方伯書

自騶從之歸兵革繁興連年蝗旱昨者江淮州縣次第削平而戶絕丁稀草萊彌望不獨患土荒抑且患人寡矣伏聞 朝廷有兵屯商屯之議夫營田之利兩漢都有成效然古者兵出於民無寇則耕寇來則戰後來戎弁多由招募衣食仰給縣官驕惰習慣既已使其持兵若又強以服耒萬一生變悔將何及宋陳恕嘗極言其

敦艮吉齋文二

五十七

集虛草堂

弊矣況今者戎弁驕情更什伯於前時邪商販利倍於農今使其舍本業而事客田於業未習於情未便爲今之計惟有招徠流亡開墾荒田爲救時急務而昨者鄧君議行保甲則又招徠開墾之先事也何者操網必舉其綱振裘必挈其領今年春夏閒節相曾公諭各處寺觀被賊焚燬所有田地與停運之衛田一律都歸官辦然田地猶然隱占官辦總屬空言則以保甲之法各州縣久廢不行故見存之戶口與已絕之戶口既無從鉤校其虛實斯有主之荒田與無主之荒田更無從審驗其真偽昔真西山有言經理田野之政自一保始蓋積保成鄉積鄉成縣積縣成州積州縣以成天下是以保甲之法行編戶籍口料畝定賦以合徒役以警游惰無事則相糾相勸以清訟獄之源有事則相守相助以抵盜賊之隙蓋其事簡而近古其法便而易行而在今者尤招徠開墾之先事焉故昨者子苓深有佩於鄧君之言而冀執事之力主之也頃者過鄧君寓所見其几上敬敷書院試卷若干本堆積重疊此閒月課節相藉以周士之無歸者課卷總三百餘本但俾幕中一能文之士第其高下焉斯可矣蓋事有其大者急者今皖南寇釁方深淮北盜蹤未靖官無隔歲之儲民無半年之積

敦艮吉齋文二

五十八

集虛草堂

此其患方急而其可憂者誠大計執事下車才十餘日而子苓爲是云云者則以往者圍城之中嘗被忠烈公一言之知既於執事屢辱格外之遇蓋忠烈疇昔咨嘆扼腕於圍中者子苓預聞其議論而自廬州以至三河執事之所爲深憂奮發相與揮杯切齒流涕泣若不可以終日者子苓嘗心識之未敢忘譬之於舟水膠而載鉅中流遇風雷電交下節相端居秉舵一舟之司命也執事持篙奉楫察風色視潮信以佐秉舵者之不逮子苓則往者嘗負手欬歔丐載於舟主人既數不幸躬際夫濡首滅頂之凶而孱然未死之軀獲存於駭浪破舟

敦良言齋文二

五九 集虛草堂

之下故偶有觸焉徒跳以從之號呼以道之而不知者或且訝其言之不祥笑其計之太早也日間檢得保甲條件若干首皆古人經驗成法謹並廬江人黃業良言事書錄陳左右敝地荒田之數第卽黃君言可以例觀保甲條件似近瑣碎然古人簡直久大之業皆自瑣碎而起蓋不簡直不能久大不瑣碎不能簡直也語云有治人無治法保甲雖良法然在今日州縣視之等具文耳其次第力行惟執事與鄧君早共籌之幸甚

答陳立凡書

立凡五弟足下秋初得書久欠答承問近文自別後久

不爲此而幽憂多病好觀方書遂嘗學焉今夫醫小技耳學之殆十年矣審形造方時有驗者然至叩以軒岐之精蘊仲景叔和之同異道地之良楛炮炙之生熟舉其數則未詳考其義則未明也往者嘗學易矣易之爲書其大者不能以驟窺邇者學之又三年矣於邇之初爻嘗習焉而不得其用於小過之象繫力行焉未之有逮也少壯精力旣自憊於詞章聲韻之爲而過時之學聖哲所歎蓋天氣有朝暮生人有壯老古之君子聞道早故甫壯而有成迨老而益進不幸而遭非常之變險阻震撼而其直方之德盛大之氣發之於事業見之於

敦良言齋文二

六一 集虛草堂

文章奇偉殊絕至今而不可磨滅者皆是也而鄙人豈其倫哉夫詞章聲韻之爲旣早敝其精力而醫者古聖人濟人之一事學焉而且難至也如此他又何論哉辱過問懼無以塞見愛之意故訟言焉俾吾弟早自擇焉可耳閩浙壤近賊勢無常畢凡遠宦諸子都須督教兄前書之所云云非強弟以一意退閒爲也弟年力宏富進取豈有厓限然請自度吾弟之學行政事與令兄池州公何如今日大局與咸豐初年其難易何如而吾弟生平之所嘗汲汲焉於古者何人其於今日所能出而相濟者何事夫固可早自審而無疑者矣黎君未識面

子白赴官和州時數相過誦其文信其爲端士也遠別
憶甚眠食自愛不宣

上曾相公書

相公執事去年秋執事移節江甯子苓自村山陬小民
冒烽火挈妻子寄食於宇下者三年矣江甯旣平大難
夷矣兩淮游以無事山中屋可葺田可耕也比拜別辱
相顧約以春閒再見且言老來會面難常太息之聲感
動左右自惟蹇劣屢荷重眷甚感甚念子苓山中田故
确屋破且圯到家恂事收拾妻子久患難都願耕而
亂後牛少值高里中人諺曰瘦牛嫩口價壓健婦出橐

敦良吉齋文二

六十二 集虛草堂

中得執事所嘗賜金之羨餘者勉強枝梧買得黃牛一
頭而人事多故經始最難蝗旱之餘又逢惡歲適馮觀
察招赴壽州書院新正戒行中途風雪寒沍既中酒又
誤醫藥遂成瘴病夏初兩淮盜大起略山左入蒙毫伏
聞執事視師徐州擬封書問而吐瀉連日握管悶絕者
再遂罷於時雉河圍方疾臨淮屯軍一日數潰羣盜嬉
遊嘯聚去壽州不百里閒而子苓病日益篤憫不能興
者又月餘也州人士之相愛者夜走視趣辦歸繞牀絮
語泣相拉也不得已從風雨中輿疾行凡十四日抵郡
中留二日警聞迭至復冒雨行又一日夜抵舍舍故草

蓋也天久雨土牆穿漏人畜溼處去冬所買之黃牛飢
且病病閱日甫謁醫而牛死初是牛之來相者曰牛健
而馴懸胡而善啖壽者祥也私心自幸天若厭亂兩淮
就平吾與是牛早作而夕休共優游於林谷閒更十餘
年卽死幸矣計今者去執事克復江甯時歲才一稔而
子苓飢驅四走病且憊比歸而牛死江淮之亂又作皇
穹不祐載掣余肘我牛不辰失左右手天邪盜邪孰終
余畝悲夫子苓瘴病數月矣凡數易醫而瘴且益甚蓋
瘴之爲病根本內傷蒸鬱四冒木葉而焚土反其常五
賊相刑故使邪風客脖顛倒元黃方書云凡瘴黃入手

敦良吉齋文二

六十三 集虛草堂

心者死不治手心於經心包絡也相火所寄包絡受病
心君失制四末不從是曰尸居之餘氣人生藏府血肉
一柔脆物耳雨暘寒燠鑠其外憂虞憤懣柴其中而又
不幸際亂離之世抱子子之義懷耿耿之明履厚而戴
高行嗟而坐歎嗟乎如子苓者安用久留於人世哉雖
然子苓廬州賤男子耳擅數畝之田踞環堵之室但得
吾郡無盜吾山無蝗吾孟有粥吾牢有牛則熙熙然登
隴而歌銜杯而笑何者其居約故其所負者微其御簡
故其自適者易伏惟執事河岳之所降精中外於焉待
命其資秉之厚於天而頤之以學問才智精力實迥殊

於眾人然自楚南扶義以來崎嶇戎馬之閒蓋十餘年矣計尊齒較子苓也差長昨歲江甯之役精誠所極至廢寢食子苓之所親見者也迺者聯數省士馬水陸之眾涉洪濤冒炎風以追逐江淮衝突剽悍無定之巨盜北顧神京誓心淮水度今者執事憂思焦灼當益甚於往者之軍安慶時頃聞前麾已抵臨淮犬馬之恙不得躬叩行閒一候顏色甚罪甚罪夫上工治未病下工治已病子苓已病者也既自因循滅裂坐壞於眾拙工之手比劇矣乃亟幸於俞跗之一試也夫俞跗誠聖智矣而欲悉易夫天下眾拙工者之爲俾凡方者無不讎

敦良吉齋文二

六三 集虛草堂

之藥藥者無不起之病是必盡化天下之拙工而爲俞跗也可夫使天下之拙工果悉化爲俞跗也子苓之患其庶有瘳焉矣乎日閒惻一粥念久相別謹具陳賤狀以略道其卷卷之私惟亮原之秋熱軍中眠食伏惟爲國爲天下自重力疾不備

復曾相公書

十一月六日將由壽春取道潁毫恭叩行轅既成行其日夜三鼓馮觀察出示執事十月杪所賜書行二日過潁上縣壽春人石校官振甲以其言事書屬便附陳又二日抵潁州雪益甚方伯英翰與子苓有舊適其尊人

病痰遮處方留數日而元兒書來道其母以哭孫故瘡益亟遂兼程歸子苓門祚衰薄五世都單傳藐躬不德一孫又殤遠辱誨慰甚感甚愧路閒屢擬裁報而北行旅店荒略食無几坐無案睡則與豬羊相枕藉昨歸人事沓如莊周氏有言自事其心者哀樂不易施乎其前知其無可奈何而安之若命德之盛也子苓早不問學老益頹惰徒以兒女子疾病死亡之痛行嗟坐歎進止失據計是役由壽春而潁州閱時兩月往來總數百里既未得躬詣麾下而昨辱賜書又久稽裁報黍離之詩日行邁靡靡中心如噎方書謂離絕苑結憂恐喜怒五

敦良吉齋文二

六四 集虛草堂

藏空虛血氣離守於是乎有狂易失心之病子苓今者殆類是邪殤孫之生在子苓赴皖江次年之冬於時子苓窮空數倍於今日計是兒自乳哺以逮行地尺祿寸絲皆執事衽席長養以至今日而子苓自往者仲子之殤憂思沈飲幾成痼疾自惟薄祜少遭家難中歷兵火流離顛沛久而獲存大兒質中下體素羸因病廢學而殤孫之生風領殊特方抱中惠逾成人竊幸天祐寒門篤生賢嗣而子苓幸以耕牧未死之身再一二年提攜教育俾有成立藉以永祖宗千餘年之血食終鄙夫晚學無成未了之志事操行不淑惟神降凶是以居悒鬱

而自憎行屏營而罔適撫心內訟用益悼恨淮北軍政久弛積弊之餘因循仍舊而河南軍事與其官場之荒昧苟簡較之淮北爲尤甚石君樸忠自好苗逆倡叛屢招不從且其生長壽春淮北河南事宜較悉其言事書請賜覽之何如儼郡夏閒緣壽春之警訛聞旬旬自執事移節後置屯臨淮遠近藉以無恐昨辱示方略云於濟甯徐州等處各設重兵另練大枝馬步游擊之師與賊相馳逐以有定之兵制無定之賊此誠老謀深計制勝之長算也夫世值艱屯賢者起而躬其難功業甫就不肖者從而議其後滄滄訛訛築室道謀禍敗之由古

敦艮言齋文二

六十五

集虛草堂

今同轍前明闖獻之亂臺諫紛紛迫於覆亡而止然嘗考其論說大都臧獲婦孺之等夷耳昨者發潁州之前夕方伯置餞酒半出示其所錄執事九月十九日奏稟讀未終方伯脫帽直視曰咄天下方苦賊曾公巨人朝廷倚之猶左右手彼建言者奈何乎仇視公也至此子苓因正告之曰公嘗有言精誠所至金石亦開苦思所積鬼神自通夫忠悃之孚可以感金石而格鬼神天而俾公以平賊也囂囂者其如公何伏惟起居爲國自重幸甚又子苓今年書院奉穀柄有餘昨承屬馮觀察代營卒歲資山野小民曷克當此且觀察本窮官昨有

贈敬卻之矣雪夜呵凍不備

上吳撫軍書

五月十四日子苓頓首奉書撫軍執事伏惟執事閱駿天挺之才用宜古今資兼文武著於文章馳騁開闢變動奇肆不拘故常勳望極於封圻察吏於焉瞻敬子苓廬州賤男子耳無材能以自樹無交遊權力以爲援其於執事義則部民分則屬吏也昨於壽春買貿然通謁於左右非有先入之地夙昔過從之故而執事忘其蹇劣不加訶斥乃復進之崇階惠以清宴申之文字之權重以撰述之寄自顧何人謬蒙異數中夜旁皇未知所

敦艮言齋文二

六十六

集虛草堂

報子苓生平無他嗜尙少讀書愛慕古人文辭學焉而未之能至也軍興以來飢走四方舊業盡廢然居嘗念朝廷之尊四海之富公卿百執事之眾且多而賊起一隅毒痛數稔兵連於天下此誠生民之奇禍宇宙之極變不有記錄奚以繼往哲而諭後來顧其事重大一人之見道路之聽傳都無足據因循坐歎遂至今茲臨食拊膺用益咎恨執事久在兵閒志勤纂述竊聞舊著討寇紀略一書久具草而數年來軍書邸報之寄存江西者盈箱累篋昨承大示並於月閒專使取來且屬子苓卽赴壽春藉便晨夕親授款要夫以閱駿天挺之才

出入古今取攜文武而又久在兵閒志勤纂述如執事者度其爲書思極於天人諛炳於龜鑑抒軍國之老謀擅撰作之大計子苓蓋願觀焉而茲則有請於左右者蓋記載之體義法當嚴考定之功居恆爲暇古之人成一書於身後或數年或十數年甚者且數十年昔涑水之作三劉涑父實共其役 國朝崑山書局一時名宿多在焉然皆寬之以歲時優之以閒散蓋集思廣故儲材自多用功勤故收名愈遠也伏惟執事德器遠過於崑山志業上企於涑水子苓學殖殊慚前哲然生平意向之所注因循坐歎以至於今茲而幸有以藉手者蓋

敦艮言齋文二

六二

集虛草堂

樂與執事共襄其成焉和州倚江略有山水之勝校官秩本閒散賤體恆病昨歸又發日閒未能赴皖未審何日移節壽春尊著並文卷果否取到力疾布問行止專

與劉軍門書

省三軍門麾下往歲上海之役執事奮身前行於時子苓避地皖江立談閒視執事質厚而氣雄雖軀幹等夷桀然有呼吸百川凌跨萬夫之概心竊壯之嗣是吳越卒平金陵底定伏聞軍鋒所至首建奇功願盼嘖坐致旄節甚盛甚佩子苓兵火餘生轉徙耕牧屢欲介一

書於左右雲泥路隔祇候無由然此三數年閒賊勢聚散諸將帥軍謀利鈍與執事之行止進退竊嘗旁觀而熟計之何者譬之於馬其材力器量高下懸絕馬不自知也古有寒風氏孫陽九方臯之徒名善相馬立羣馬於四通之衢若者日數十里若者日百里若者日數百里等馬也其形容筋骨高下懸絕之故一寓目銖析寸揣無或爽者惟數子爲能夫數子者豈嘗有求於馬哉誠積於隱微而契存乎澹漠古之相士者蓋類然耳抑嘗聞老聃之言曰善爲士者不武善戰者不怒又曰功成名立身退天之道夫退之爲義有二法曰鷲鳥將擊

敦艮言齋文二

六二

集虛草堂

必匿其影是以退爲進者也易豫之六二曰介於石不終日貞吉是一於退而退焉惟恐其不速者也伏惟執事以方盛之年建不世之勳而又奮然抱有爲之志朝廷錄功官第一品去年冬聞執事新拜直隸提督之命旣成行中道徑歸幅巾田野蕭然若無事者豈久倦鞍馬便就林下抑退而養其全力從容時會將有待而後發焉否邪子苓久棄於世其與執事出處各途而名相習又居相近也願未嘗奉尊酒之權以稍展平生之願然則向之所得於執事猶形容筋骨之間夫形容筋骨之可以相眾馬而不足以相天下馬也頃者子垣之

喪其孤窮不克事乞爲言以求助於左右因便埶道其
平昔愛慕之私與今之所願聞於執事者如此子垣家
素空去年冬倦游而歸歿以今春四月其棺見寄淺土
惟辱命之謹並訃聞

敦艮言齋文二

二十九

集虛草堂

敦艮言齋文鈔卷二終

傳狀

亡兒元叔行略

亡兒元叔字亨甫死年十九矣兒生有異稟稍長端慤若成人其死後數著靈驗又早經亂離嘗力苦共余存活故既死而余念之痛又久而益不能忘兒眉目疏朗方口大耳聲若巨鐘生五六歲恆疾幾死居嘗不與羣兒朋偶時時潛入塾中盜竊紙筆獨行嘯呼塗抹狼藉比夕其母解其襦袴零楮斷墨滾滾墮牀下一日余檢

敦良吉齋文三

一

集虛草堂

架上書失去唐宋人書十餘冊意兒之為也跪而鞠之中庭其母曰昨晡時迹兒飯見兒據案上右握管手巨册仰天咯咯余視册中多連環墨圈墨橫斜大如杯孟屢呵之不顧也余益怒責對狀兒躍起憤呼曰兒固知爺必重撻兒兒實愛爺書既墨之懼爺撻則火而投之井中爺奈何重撻兒兒小不勝撻適大母營護亟遂笑而釋之然自是心竊奇兒嘗使來塾中隨其兄受四子章句與漢魏人樂府歌行上口輒能成誦余家窮數出遊大母尤愛憐之而里中師多浮惰飲博兒以是數廢讀咸豐二年冬余歸自池州念天下亂日多吾母又

老病兩兒子皆失學遂營數畝於巢湖之濱其明年春挈家居焉是冬郡城破其明年夏湖濱構難余屋火迫冬儻居郡東之雙山又二年兒死兒小時嘗患痰病既愈或經年一發發亦輒愈其死之前一夕余同故人自外來兒病起矣左右飲具款客如平時天黎明客聞兒鼾聲異常隔牆呼余起亟走視卒不可救六年六月二十七日也初余避地於湖濱也家人生長郡城中耕織場圃之業惜焉未習兒恆以身先之夜恆與其兄坐其母紡車旁共讀其母病輟紡則與其兄更迭紡且紡且讀夜與其兄率紡絮若干許誦書數篇或成小詩一二

敦良吉齋文三

二

集虛草堂

首晝執他役恆懷書暇即坐舂鍤旁端誦嘗天雨糧斷從鄰家貸麥作粥屋故有馬磨磨重歲久脫其齒兒縛木磨上自推挽之便旋健步朗誦其所作推磨行昂首抗聲意氣勃然大母扶杖坐磨旁顧余笑曰若狂癡是兒更癡於若吾固知若父子終以窮死顧吾年老不耐飢累兒日推磨兒磨殊樂然吾聞兒磨聲輒心痛如刺語未畢淚涔涔下兒亦倚磨閒啜泣比來山中益刻厲務讀書好深思強記是時廬州日連兵山中無親故耕無田績無絮兒與其兄晝負薪夜恆誦書山中人憐余飢多愛敬兒眾醵錢俸授諸童子書時其兄于役四方

或經月不得歸兒見明起料家事日曠黑從塾中來恆
出其書所誦書相質有疑義輒危坐達曙嘗廢寢食其
母每切戒之則謝曰兒不幸生亂世然猶獲日安坐誦
書恐他日更無兒誦處夜坐樂不思睡也余早罹憂患
既遇亂破家亡命自來山中貌加豐學日益加勤以兒
故恆樂兒死五年矣今年秋余母又歿山中歲旱蝗隆
冬風雪寒沍獨坐苦次求如曩者與余母若兒對泣磨
閒亦渺不能再悲夫兒性脫驚比長益柔謹自下與物
莊而多恕余性卞急因事嘗數規余失其他泉石魚鳥
諸落寞之嗜好則多與余同喜讀史嘗曰六經聖人之

敦良吉齋文三

三

集虛草堂

言學者徒誦焉而易失其指讀史以求古今治亂之迹
而卒衷之於經經之大義益燦然矣余嘗勸以古人專
經之法而卒無以奪其言焉其讀史一傳不精熟則不
更讀他傳其遺詩數十首雜文若干篇其兄恂事整比
總錄爲一卷兒恆語不誑其死有若前知者六年春余
將爲兒娶婦兒固請辭大母驚問故曰懼多累且懼累
兒父母他日其母爲作藍布衫兒喜曰是衫稱兒身送
死不須他物矣家人頗怪其不祥比死得其手書二一
以訣余一以訣其兄余初訝其言久多驗兒嘗念余夜
中數數來每至則有聲颯然塊零星自空墮比曉案上

筆硯恆失其故處其死也衾斂不具其母探袋中得其
所爲絕命辭二首余易以小石印仍內之袋中殉焉其
母泣而衣之以舊所著藍布衫印橫徑寸餘旁銳兒小
時所嘗竊弄者其文曰野馬也其石駭其篆籀

碑誌

王君墓誌銘

烏乎聖人不作學者趨於苟賤浮脆而一二雄奇邁俗
之士又多跳浪馳騫不檢於細行余束髮至壯大所交
士半天下求其能力乎古人之志節懷仁蹈義內行無
作於妻子第以聞見所及得同里人亡友高君謝塵一

敦良吉齋文三

四

集虛草堂

人焉已爾乃今知有王君者君狷者也諱然簡湖南善
化人以諸生終其家故窮授徒以給隆冬恆外緼而葛
袴履嘗旁穿飢且憊一錢不私假於人顧獨喜面斥人
過然苟聞一善行則咨嗟歎息走相詫也里之人服其
德有不孝於親不恭於兄不信於友朋者則必預相戒
勿使王君知其初試於學使者既注名矣比覆試使者
故相摘君抗辨使者怒而跪之中庭有同號生者亦被
譴匍匐叩頭階下涕泗浪然君躍起旁睨同號生日唉
腐頭巾第褫耳且使者操尺寸柄以求天下奇才異能
既憤憤柰何又庭辱士使者乃益怒將中以法久乃解

君卒年六十有五子篤斐以某年某月葬君於某鄉之某原余之具聞於其鄉人陳太守者如此太守見官池州與君爲平交既貴矣嘗貽以金君笑而謝之不願也君嘗江行客挈眷請埒舟力卻之客固請既同載而客死則市棺斂走數百里返其孥又重賙之而後歸太守高君之行諒將歸葺其墓而屬余爲之銘乃銘之曰吏而墨虎乃食魚彼豸其冠口則有珠若若纍纍如蟻如鬼偉哉王君博士弟子君雖餓夫重猶千鈞經經之石苦節自貞儻生洙泗益大以醇今時交態迴新換舊況如君者匪笑則詬槁歿黃壤有寇無媾我之銘君以

敦艮吉齋文三

五

集虛草堂

陳太守太守莊士其言不卮刻示後來庶無愧詞

易安人碑陰文

易安人者今守池州陳公之室以刲臂療夫積勞死事聞得旌往余見邵君所爲表墓之文猶識其概今年春公出示曾侍郎所爲誌銘屬爲之言謹案禮經子事父母婦事舅姑有嘗藥之文有抑搔之節刲臂之事於經無明文然自三古以還孝子烈婦卒然遇非常之變斷肢茹刃奇偉慘特之行驚動鬼神炳著於傳記者往往而有求之於經卒未嘗有明文焉何也記曰不虧其體之謂孝則夫剖心刲腹如比干萇宏者其又何說之

云蓋禮者先王因時以設宜云爾至於君臣父子夫婦之間事關乎至性而變生於難名昔之聖人究何嘗懸一成之的以預爲之限哉方安人從官京師子然羈處守孱病喘憊之夫提攜孺穉倉皇憂墨凡苟可以活其夫者將絕肮碎踵之不辭其在詩曰無非無儀惟酒食是議此爲凡爲婦人者言之也又曰釐爾女士必其有智勇卓犖之資定傾扶危之節而後乃克副乎士之名如安人者儻所謂女而有士行者與世衰道喪士大夫相習於澆忍遷避宇宙之變故日益多君臣父子夫婦朋友之倫日益薄安人生卒與其得旌之年月表與

敦艮吉齋文三

六

集虛草堂

誌銘具書之矣余竊有慨於曾侍郎之言而引伸其旨以告世之凡號爲士者

徐氏子元叔權厝誌

咸豐六年七月廿七日徐氏子元叔死卽以是日之夕權厝於葛氏之阡又數日其父泣而誌之曰阡故葛氏之隙壤余來山中僦葛氏之屋而居焉其東爲葛氏之祠葛氏諸小兒嘗從兒受書祠中兒既死故葛氏以其阡之隙俾余厝兒棺焉阡距余家不百步其左右陂陀鱗次眾山環如列屏方春夏交天雨陡霽山泉騰嘯水田秧綠四暈日將夕余行歌田閒兒來便同憩石上比

歸老妻迎門笑語問兒飢否每晚飲余益陶然以醉不知身之在亂離也今者兒之權厝之地蓋昔者嘗與余往來臨眺之所嗟乎兒爾死才幾日閒爾母日倚門東向哭椎胸揮涕望爾而長號余歌邪泣邪爾知焉否邪余行邪去邪其將終棄爾於茲土焉已邪

廬江徵士吳君墓誌銘

廬江徵士吳君死事之四年其子長慶奉狀請銘卒卒久未有應自江淮構兵海內賢士大夫與夫平昔里巷酒食游處之徒顛覆死亡指不勝屈即余亦數瀕於危覩然獲存於今每欲論次君之行事磨墨伸紙俯仰再

敦良吉齋文三

七

集虛草堂

四歛歔而罷今長慶乃固以請其奚以辭君諱廷香世爲廬江縣人考鳴盛祖定邦皆郡庠生妻張氏得年四十有九子長慶以君死得世職如例君少有文行咸豐元年由優貢生舉孝廉方正故事 嗣皇帝初元詔直省舉孝廉方正於是守令以君應 詔書君之宗人與其鄉黨無閒言君既爲其鄉人之所信愛遇事益勇於自爲不幸而毀家隕元蹈死弗顧夫固其素命者然也初君議復廬江以爲郡城久稽兵廬江賊方怠出奇攻瑕旁斷賊臂郡城之賊援易孤而是時官兵已抵舒城君先購閒賊中以所募卒與其鄉之練丁潛薄城下四

年秋八月丙寅晦遂拔而守之頃之賊奄至城空無援九月二十九日城破君與其鄉人血戰城中既夜創死於毛公祠後縣人徐君者憐而藁葬焉君修眉昂立鬚髯美甚三年夏相遇於郡中出示其所上李撫軍言團練書方是時賊踞皖廬州爲省會諸貴人哆然相慶余謂君與余皆書生眾方樂禍亂將益大且其事多非口舌之所能爲欲因是以尼其出君掀髯顧笑曰若實怯脫人卒如若言亂將誰拯既別去郡城旋陷遂久不相聞問比復廬江郡人之知君者羣賀適余故人沈君攝廬江縣事以援兵往余頓足曰吳君長者廬江庫而孤

敦良吉齋文三

八

集虛草堂

今以屢潰之卒嘗甚忿之賊必不支然而吳君死矣君既死又一年而縣城復其子長慶以六年九月附君於縣南戴鼇峰之祖兆又一年而縣城復陷計君之墓宿草奧如賊樵采斥望之所必經貞石之刻渺焉有待余重違長慶意乃銘之曰

彭君墓誌銘

壤深厚山鬱律曰佳城卜云吉寢無訛萬事畢士不幸生用武之時出而謀人家國成敗利鈍恆視其所與共事之人夫其旁觀厝注先事而設籌者豈必皆書生之見無用之迂談而地疏人睽有說不行余故於

廬郡之失深追恨北門騎兵之潰而尤悼惜於君之不得其死也君合肥人姓彭氏諱振標武學生通書善騎射嘗手揮千金以款故人於危既落其產遂以其家人去而耕於郡城之北咸豐三年十一月十有八日死於壽春鎮將玉山之難年五十有七方賊之圍廬郡也撫軍實能兵賊憤溝柵務持久諸援軍分道進鎮將玉山自率所部東關戍卒與西安馬兵兼程道北鄉鄉民奉牛酒犒軍諸團之長咸簡卒疾裝待令君以爲賊壁隘善伏且多田不利騎而客軍新至宜謹謀飭士先聞報撫軍然後會諸援軍乘閒合擊而以鄉兵萬人陣騎後

敦良吉齋文三

九

集虛草堂

事當集君說既不行玉山所部尤梗令比戰騎兵入伏中玉山創死兩大弁咸遁方是時君方戒家人治具以待諸軍之歸獨登高咨嘆顧望賊突至引佩刀與格死之君既死之明年事聞 贈卹如例君世衛籍配吳孺人先卒繼配何子二作舟作礪孫爲梓以某年某月葬君於某原而徵銘於余往余與君戚郭子仰林友善一日方劇飲而君至玉佩錦裘風儀郁如余時沾醉笑呼君卻坐愕顧未終飲罷去仰林私相謂曰彭君義烈奇士奈何坐失杯酒閒邪悲夫銘曰
生爲人豪歿爲鬼雄吁嗟乎彭君魂歸來兮樂幽宮一

張烈女墓誌銘

霍邱張烈女其字曰述其父曰元義其母氏曰姚其大父歲進士曰士楷於咸豐七年三月十日罵賊死又三年其父以狀徵銘案狀烈女家世儒素年六歲從其大父讀書塾中受孝經列女傳一誦通其章句稍長左右治女紅蚤夜滌作惟謹七年春賊犯霍邱烈女從其父母避居白馬廟旁未幾賊黨趨固始其父挈烈女閒道行方是時賊四布烈女母繼負行且後烈女走且啼中道顧謂其父曰兒幼賊無狀不可爲不義辱顧兒母後俟母來一相訣請效死免貽兩大人憂頃之其母來語

敦良吉齋文三

十

集虛草堂

未竟賊虜至烈女亟躍堰中賊酋遠堰呼曰若無怖若出我行且芘若家烈女益怒罵賊酋忿擊以矛女且罵且泗死焉居數日賊稍退其父母潛昇烈女屍坎而瘞於白馬廟之西原蓋烈女生而聰慧稍長而力苦比死而不忍於其父母吁其亦可銘也夫銘曰
天降凶劉我民絕脰折項燔割沈摺挂天地忠孝貞山阪下里鬱不升露泚棄骼胷荆榛或飽魚腹肥饒鱗烈女有父俾烈女有聞刻詞於阡示後人有哦者石輝于春

馮殤子墓誌銘

天堂巡檢馮君有殤子曰福基生十四年矣咸豐七年九月死於賊其家人以其月自廣濟歸殯於天堂越五稔官軍既復安慶天堂人之知殤子者卜葬於潛岳之粟子原是爲同治元年三月六日殤子其先代州人曾祖成浙江建德縣知縣祖壽榕太學生娶於浙遂家焉父焯嘗官天堂好讀書喜游世所稱雁門笠尉也方賊之略人於天堂也殤子奉其母避巖竇閒餓四日矣賊漸逼計無兩脫者乃與羣小兒挺而走賊賊喜獲小兒驅之去其母坐是得脫賊抵黃梅晨飯藥市中殤子竊寘藥藥斃賊十餘人既懼洩遂吞其袖中所餘藥僵踣

敦艮吉齋文三

十一

集虛草堂

草閒血淋淋出口鼻賊訝曰兒誠中藥乃者酋幾誤馘兒委之去有寺僧者收而活之又數日毒發死殤子生而聰慧受書不假師說多能曉其大旨馮君以是恆愛憐之而君之官天堂也既去而無厭於天堂之人故天堂人恆不忍於殤子之死既葬矣請於大府伐石以表蓋殤子之死與天堂人加禮於殤子法當銘而君則余故人也銘奚忍辭乃銘之曰
人孰無死死而不辱是曰考終相彼佳城潛岳之中美哉馮殤子之宮

桐城姚先生墓誌銘

桐城姚先生諱瑩字石甫一字明叔天下知先生者咸曰石甫先生云姚族望桐城前明至 國朝代有巨人曾祖範翰林院編修妣張祖斟元縣增生妣張繼徐父駮妣張三代皆以先生 贈通奉大夫妣夫人先生年踰冠中嘉慶戊辰進士試數縣皆最旋由高郵州知州轉兩淮監掣同知權兩淮鹽運使最如前道光十八年擢臺灣兵備道故事邊閩兵備加按察使銜得專奏既上事勸農料軍而是時西夷犯順粵東閩浙皆被兵 朝廷命上公佩大經略印副以宗親貴臣都逗留一二宿將戰不利臺灣地孤形便奸民相扇引先生與僚吏設方略斬俘奏可方是時臺灣軍聲壯天下既大吏力主款 詔臺灣歸所俘夷俘挾前憤訟時相國穆彰阿陰持之趣對狀先生以夷方就款大臣囚服對吏重辱國乃亟引咎赴刑部獄時道光二十三年九月事也西夷既就款 上念功左官蜀兩使西藏補蓬州知州假歸時鹽政久弛兩江制軍議行淮綱檄監九江鹽務咸豐初元以大臣薦有武昌鹽法道之命未行 詔以廣西按察使參大學士賽尙阿軍其明年賽尙阿無功逮先生方籌餉湖南撫軍張亮基奏留以其年積勞卒官先生狀短悍視炯炯發聲如鐘少學於其從大父姬傳

敦艮吉齋文三

十二

集虛草堂

先生與其鄉方先生植之劉太學孟塗友善博聞多通
議論嶽嶽不少挫自爲縣官時數不獲志於長官臺灣
之功既斲於吏議其在廣西大帥懦不能兵部將都統
烏蘭泰鎮軍向榮皆驍將不相能紫荆山之圍賊就禽
矣先生以爲流賊如水宜環攻以斷其逸因條舉利害
累百餘言不果用比竄永安則又爲書白幕府請明法
飭將并力合剿戒前失永安東北有隘名水竇徑阻蒼
緣之可以達桂林賊壁隘死鬪而自軍興以來將驕士
玩賊善閒屢持金錢與我軍媾永安城小而庠方是時
都統軍西南鎮軍軍東北合滇黔楚蜀之軍總四萬餘

敦艮吉齋文三

十三

集虛草堂

人永安水竇賊數千又屢敗勦水竇者向軍門分守處
也先生既白於幕府則又力疾馳叩軍門數譬解之然
皆不果用未幾賊突圍並水竇犯桂林推鋒遂前夫廣
西之役天下猶全盛也向使先生之說行夫安有今日
之事哉士大夫居恆雍容方幅而武夫悍將快私憤以
縱巨寇遂至一隅之毒痛於天下彼西夷者迴翔審顧
操兩端以坐觀其弊烏乎天下事果孰爲之而至是哉
上下才十餘年間亂日多生人死亡日益眾而余今者
從烽煙煨燼之餘誦先生之功緒以論述其行事獨非
幸與往余販鹽九江先生約共爲賈因師事焉卽別去

而皖禍作又數年識其遺孤濬昌於安慶行營昨歸葬
濬昌以狀請補銘其墓按狀先生生於乾隆乙巳十月
卒於咸豐壬子十二月十六日得年六十有八配方後
四年卒一女適里人按察使經歷張匯其倅蕭有子二
孝早世季濬昌有學行與余好見官江西湖口縣知縣
先生坦懷樂善老而彌篤其在九江孟塗已前死余識
方先生於桐城爲埭書先生讀書未竟面赤鬚怒張曰
咄植之與我都老大乃屢訶我如小兒徐謝曰頃失辭
植之直諒多聞君子也微植之夫孰鑄吾過嘗被知於
趙文恪公文恪死走武陵拜其墓其他振寒字孤天下

敦艮吉齋文三

十四

集虛草堂

知先生者都能道之故不具錄先生文之刊行者總四
部曰奏議曰紀行曰詩文集建甯人張際亮好大言少
許可讀而序之謂簡明似王文成銘曰

維昔乾嘉人材輩進武臣元老天壽龐駿先生數奇載
丁陽九出門張弧跋前疐後潯陽之宴矢言江水旅櫬
歸來故鄉荆杞荆杞蕭條轉屍蔽野握節簽樞彼何人
者伐石刻銘以寫我思後有攬者視吾銘詞

潁上教諭曹君墓誌銘

池州銅陵縣有力學篤行之士曰曹君琢之歿數年矣
旣歸厝其弟耕之率其孤以狀乞銘先是咸豐四年余

里人王君福永以穎上教官合門罵賊死又一年聞穎上縣城賴一教官以存教官者銅陵曹君琢之也比來安慶與其弟耕之游耕之爲人循循有法度數道君之行誼君中道光丁酉科舉人咸豐五年選穎上縣教諭教官俸恆薄而君固窶異時凡爲教官者恆多方以自埒於府若縣歲恆磨其生徒括金錢以爲壽政府若縣視教官如門下客而生徒之於教官恆相迕而不相親君之初至穎上也生徒循例請壽君正色謝曰此何時而乃爲壽邪且僕雖窶終不以壽溷諸君爲於是嚴立條戒暇輒白於縣官請浚河築壘部署鄉兵豫以待變

敦良吉齋文三

十五

集虛草堂

卒不用其明年盜圍穎上城中兵二百人君召生徒合鄉兵助守遇事力爭縣官卒感其誠多信從之頃之盜穴城崩君督眾擊賊戰屢捷而是時城外援久斷吏胥庭辱諸生諸生譁誓眾請鬪君曉之曰盜隔一牆內鬪而召寇兵非便也且吏胥何較邪或有諷之去者君笑謝之蓋君助守以及解嚴總四十有九日旣敘功得六品銜以知縣用其明年赴試入都歸道解州路梗遂授經於解州尋歿得年四十有八同治二年六月歸厝於祖塋之次君世居銅陵東鄉耆老澗曾祖醇太學生妣胡祖奎縣學生妣徐嘗封肉以愈姑疾世所稱銅陵

徐孝婦也考觀輝廩膳生妣盛繼妣陳君少承家業讀書務實踐其學守陽明致良知之說昔朱子論學校推本於教官而深病夫懷牒求試其選益輕故士之自待益薄烏乎若君之行事與吾鄉王君之死要皆能不自負其官者與君諱藍田配章孺人子二長榮黼早世次榮綬縣學生一女適石埭貢生陳蔚文君同母弟耕之名翰田道光庚子科舉人其季縣學生莘田陳孺人出耕之將刊行君所著書曰經義解曰史論曰大學古本解總若干卷余又以歎王君之死幾斬焉而無聞也悲夫乃爲銘曰

敦良吉齋文三

十六

集虛草堂

士利於俗俎豆虛設嗟哉賢宮鐸隕其舌嶽嶽曹君其風可儀壽不償德天斬其施君有賢昆令聞以崇考行撰銘昭示無窮

顧君墓誌銘

君姓顧氏諱貽綬字紫巖一字薇庭常州金匱縣人顧氏以仕顯者明萬厯閒吏部尙書南野公五傳至國朝康熙戊戌進士官侍講學士諱仔學士公生維錡維錡生洵洵生侍郎公諱皋傳具國史自學士公以下皆以侍郎公貴贈如其官侍郎公三子其長爲君君少有奇童之名讀書數行並下九歲能爲文出語驚其長

老十二歲應縣試每試輒冠其曹是時侍郎公視學黔中君奉其大父之任所黔中多佳山水君遊益遠學益富文日益進既侍郎公秩滿還朝君歸試於學使者以第一人補金匱縣學生庚辰之春成皇帝初嗣位援例得三品廕生朝考一等引見後補授中書科中書旋丁內外艱君喪葬如禮服闋改捐同知籤掣浙江省歷署嚴州處州温州湖州等處同知又屢充浙江省鄉試場彌封官受卷官總辦膳錄官又委監寶浙局督嘉湖糧運皆明敏能舉其職君性仁恕持法平審斷務求其情未嘗輕於扑責人然遇事剛決敢言不阿長

敦良吉齋文三

十七 集虛草堂

官以爲容悅故自其在中書與其爲州縣仕皆不伸其志君之攝岷縣事也縣民素健訟君日坐堂決剖慰遣無留牘縣故有巨盜久逸魁未獲比君上事鄰邑新昌人以獲盜聞而盜魁則新昌人故縱之矣功令凡令於鄰縣盜禽獲其魁者例晉階新昌令某藉是先狀於臬司君廉實亟白狀而司先入某令言不直君將中以法君鞫然曰余豈忍殺人以媚長官邪辨益力羣盜卒滅死其署乍浦同知乍浦地濱海羣商麇集駐防滿洲兵恆攘人室而有之君置十餘人於法兵遂戢既設方略捕斬海盜三十人羣商以安君既恬於仕進又數忤長

21

官是時署台州海防同知事甫解篆遂引病歸以咸豐庚申夏五月歿於斗山之寓舍享年七十有四配王繼配虞再配張子六曾祺王宜人出曾煦廩膳生虞宜人出曾霈曾瀛皆浙江縣丞曾毓河南縣丞曾鋪候補安徽知縣皆張宜人出女三長適武進戊戌翰林侍講貴州學政丁嘉葆次適仁和增生吳超次適同里蔣殿桂孫六女孫二初侍郎公以廷試第一人魁天下四方之巧書畫者踵接庭戶君少承其家學書師顏平原旁兼褚虞之勝尤善寫蘭竹既告歸杖藜席帽日與諸勝流琴尊觴詠於九峰二泉之間於詩喜楊誠齋而導源

敦良吉齋文三

十八 集虛草堂

東坡其撰著有讀畫山齋詩文集若干卷軍興悉燬於火今年其季子曾鏞將以某年月日葬君於某原奉君之功緒請銘乃爲之銘曰

爲名父子而世其家業爲清白吏而政聲皦皦旣臻眉壽而多哲嗣積善者昌澤遠來裔相彼佳城是爲安宅於萬千春視茲貞石

張隱君墓表

廬江有隱君子曰張贈公敦行服古不樂仕宦終其身爲山水之遊其年未上壽而足迹徧於天下其產僅中人而義行周於平交其名位雖不顯於當世繼嗣實被

其庶其著述雖不傳於人間後生共引爲憾蓋贈公之
物其孤盛愷幼故公之遺書蕩然誌銘之文未備今年
春盛愷計伐石爲表距公之歿三十有三年矣悲夫張
於廬江爲著姓其先合肥人諱德勝以舟師從明太祖
戰亡采石封蔡國公諡忠毅侑食太廟傳具明史其子
諱宣以勳裔世襲廬州衛指揮同知自合肥遷於廬江
是爲公之始遷之祖自勝明以至 國朝忠節奇儁之
士代不乏人張氏故饒於貲公性樸素好讀書年二十
援例入太學卽屏棄帖括修園林漁佃之事廬江接壤
舒桐多佳山水公歲一遊焉春出則夏歸夏出則冬歸

敦良吉齋文三

十九

集虛草堂

或竟歲一歸或旋歸又出則載書史預裘葛諸濟勝
之物必精心戒歲恆計田之所入儲其二以待友朋族
黨之乏五以贍家三以給裝公旣嗜遊而是時天下無
事邊圉數萬里無草竊援桴之警閭里桑麻彌望蓋乾
隆嘉慶之際海宇富庶國家全盛之日也公生長昇平
卒以考終烏乎幸矣公爲人仁恕樂施而內行嚴一介
不以自私嘗出遊行抵桐城有逆旅人達某者歲凶鬻
其婦旣券矣公出金燬券而周其家故人合肥常碧書
貧而工詩旣客死公走百餘里歸其櫬又收卹其後人
其他待公舉火者月有餼歲有廩所儲不足則鬻田繼

之以爲恆其遊粵東也入羅浮窮陟巖洞攀石樓以觀
日出久而休於番禺鍵戶校所攜書經月不出番禺人
疑其蹤跡密白令令公戚也意其爲公微服往旣相見
拉之署公堅辭不獲一夕遁旣遊秦中道甘肅將踰瓜
沙攬西域關塞之勝貲罄矣有貴官舒城人秦椿者公
姊夫也手二百金爲嚙公笑曰客遊誠窘然山野之夫
不識金所自來卒謝去公家居未嘗一至縣庭有胥役
來輒走匿里中兒咸目笑之然聞義必爲揮千金如一
芥資育之勇弗踰焉公於書愛崑山顧景范方輿紀要
出入常以自隨足迹所至考其異同參稽互證書眉上

敦良吉齋文三

二十

集虛草堂

蠅頭細字如織於詩喜杜少陵公自爲書若干卷詩若
千卷燬於火公諱謀璧字蘭完生於乾隆癸巳卒於道
光癸巳得年六十有一曾祖先卜縣學生鄉飲大賓祖
曰晟太學生父貽銓布政司理問子二長盛柱趙恭人
出先公卒繼配孔恭人生盛愷於時公年逾五十矣人
以爲厚德之報云孔恭人後公二十有四年卒余少有
名山之志讀後漢書逸民傳嘗有慨乎向平之爲人壯
而出遊四方竊怪士媮俗薄兵火後寄食皖桐往來廬
江山中山中人之知公者嘗爲余道公行事蓋公之嗜
遊似向平卓行似元紫芝然紫芝命不償德屢以窮餓

丐求小官向平生炎劉之季世值新室之革除雖潔身不屈然敝形骸絕妻子終焉不返易所謂苦節不可貞者非邪余是以次公之行事而深有慕乎公之爲人也盛愷有風節曉兵事以功薦贈公如其官同治五年秋七月表

黃泥岡墓阡表

去年冬六安程君熙宇相遇於潁州手一編示余余受而讀之蓋其友人游君爲其太宜人傳於其全活文氏子事尤詳夫閔孀恤孤能自忍其愛子之痛以存鄰人斬然就衰之祀此人情所難求之史傳蓋罕見焉今

敦良吉齋文三

二十一 集虛草堂

年夏余臥疾旅邸君衣冠再拜前曰吾父母實有隱德數年來兵火流徙吾兄弟獲保孱緒皆先人之賜然吾兄弟早廢學又嘗服勞於外兩大人嘉言懿行不能盡曉今第就吾兄弟所習知閭里所共稱說祇一二事惟吾子擇焉吾父早習賈在正陽爲居停人司計簿十餘年歲奉外不私一錢吾兄弟幼隸庫中飲食雜作吾父不少假嘗曰盜人之財以私其子非義也勤業而食力貽子以安也平時質庫貲積鉅萬萬司簿者居其息佚樂其身以利庇其子孫吾父廉故以窶終文氏子鄰舍兒也與吾季戲傷目血洞流三日而斃吾父慟家人將

訟之官吾母曰文氏子母孀孤柰何以兒戲絕人後事卒寢夫親有善而不能顯揚之非孝也而世俗所嘗諛其親夸誕取名譽相率而爲僞者吾兄弟雖不學終不敢蹈故常以違先人之教余逡巡避席而對曰聞之事親以實不以文古君子所爲顯揚其親者其事信今而傳後故其言舉近而行遠昔廬陵歐陽氏表其父崇國與其母魏國夫人之阡余嘗讀而深思之於崇國之居官則祇記其慮囚一事於其家居則祇記其歲時祭祀臨食涕泣數語耳其於魏國夫人則祇記其治家節儉與其所嘗誦述崇國之言以勉誠其子者夫以歐陽氏

敦良吉齋文三

二十三 集虛草堂

之學問勳業與其文章之美瞻汲汲焉大書深刻以顯揚其親而昭示於後世且遲之數十年之久乃僅僅焉一二事焉而止者蓋古君子之事其親也必誠必慎誠則不欺慎故不苟故其著之文辭勒於金石簡而確質而可信也贈公臨財廉廉故忠於所事是明於義利之介者與人孰不愛其子婦人尤甚太宜人能忍其愛子之痛重絕人祀則其平日之宅心於仁恕焉可知矣是於法當表案狀贈公諱錦耀字炳南卒年五十有八葬六安馬頭集東黃泥岡太宜人姓黃氏同治元年二月避亂河南商城卒年六十有八遺命歸附於贈公之兆

子長以輔卽熙宇有幹才以功保花翎直隸州候補湖北知縣次以弼藍翎候選府經歷又次以佐生十二年殤於文氏子之戲者也女子一適同里人馬善教孫步青步瀛步科步鑾皆幼程姓著於徽州其後遷移四方望於河南余高贈公與太宜人之行事又以嘉熙宇兄弟經患難而相勉於善因次第其語俾揭之阡同治五年秋八月表

張府君墓誌銘

同治五年丙寅冬十月余客潁州方辦行故人張君病且篤因留數日而君歿余與其鄉人趙君哭而斂之走

敦良吉齋文三

二十三

集虛草堂

書其孤頃其孤來今撫軍滿洲英翰公泣而言曰子知張君曷爲言俾其孤歸以慰君乃揮涕泣而書之君諱盛愷字晉雲一字勁筠世爲廬江縣人考曰謀璧敦行服古終其身爲山水之遊余所表張隱君者也其先代功緒具錄余文君汎愛博交勇於自見數在兵閒好奇畫余與君交終始患難十餘年今撫軍尤親愛之若同產者蓋君之忠赤披露險夷一心遇人無貴賤久而不渝其諾天性固爾也然屢進而蹶卒以客死君少學於其鄉人吳徵士廷香之門咸豐四年賊踞皖兩帥久頓兵君合鄉兵殪賊其年秋徵士以兵復縣城君實尸其

謀徵士殉城死其孤長慶閒關亡命君亟周其孥一時同死者君撫其事請於有司卹如例君亦坐是以破其家十一年秋今相國湘鄉曾公旣平安慶而廬州賊分壁三河君與其縣人以兵佐官軍擊賊旣論功君抑於有司其明年同治紀元余客湘鄉公所公垂問郡人士之才者余薦君旣通謁條列若干事罷去君積勞數奇歿之前數日撫軍以事行比歸詫余曰吾固知張君死昨者舟中數夢君其顏色慘沮不類尋時然吾往者霍邱之役微君無以至今日比軍蒙城吾自分必死賊兩大人羈旅焦灼日念吾君晨昏省慰又走貨濟吾軍去

敦良吉齋文三

二十四

集虛草堂

年雉河之圍外援絕矣吾輕騎突圍出合諸將之兵以穢方張之寇微君夫孰與斷大計者吁張君死矣語云烈士感知己夫彼負重引遠介然有待於天下後世而一無所屈其不遇於時也固宜若夫負雄桀之姿奮然抱願爲之志而又際用武之時得知己如今撫軍乃屢進而蹶年未中壽羈窮客死如君者抑獨何哉然則士之有待於世與其所以自待者夫亦可以決然審處矣夫君年少余倍余愛君畜以弟又以其體肥語輒呼阿胖諾唯唯君遇事喜論說意偶拂鬚眉怒張而余固卞急小忤輒譙訶君夷然弗芥也今年夏君與余會食旣

罷而余病君與疾日數走視一夕余食復暴厥譖不省人容怖走白君君曰若於法不當死卽死有我在刊其書歸骨於其山客何爲者比余起而君病且殆余珍視私語其所親曰是證陰剝而陷陽孤而躁行陰陽失居神將去舍而君猶晝夜接見賓客焚膏助明久將自竭且草木之藥良楛並投豈所以長壽命哉吁君死矣追數疇昔歸骨之言而余今者猶得見其遺孤以論撰其行事夫亦重可悲矣君生於道光八年戊子冬十一月歿於今年冬十月十有六日得年三十有九娶李氏生子一女一子曰延誥年十三女幼字其鄉人徐氏子稱

敦良吉齋文三

二十五

集虛草堂

而才君少孤廢學以監生入貴得通判軍興積功加鹽提舉銜 賞戴孔雀翎其効也今撫軍以軍營立功後積勞病故例籲於 朝得 旨贈四品卿銜蔭一子入監讀書君病革之前一夕甚念其家人舌強禿矣聞余來昂首注睇引拉余手袖數數自拭其睫而無淚余戚其不瞑也則備舉昨者君之託趙君與趙君之預爲君經紀者若干事矢之以大神而並諾以銘墓之言君吻闔張目數眴又徐徐自拭其睫余哽且走趙君則益大慟左右哭失聲趙君者舒城人初隱君娶於趙未有出繼配孔太恭人以君少挈而依趙氏君與趙君少同學

長而益親託孤之言余備聞之故書趙君以延誥幼卜吉於其縣東將以某年月日葬君其友人合肥徐子苓預爲之銘銘曰

隆然而起驀然而止瓦注者巧犧斷其尾吁嗟乎張君以材死

江蘇卽補知縣于府君墓碑銘

君姓于諱松其先自登州航海之遼東從龍入關以勳勞隸內務府正黃旗漢軍佐領曾大父父皆以材武顯君早承門蔭旣供職授藍翎侍衛性通敏愛奇尙氣喜讀書慕古名將帥戰陣之略京朝官事簡奉薄君家貧

敦良吉齋文三

二十六

集虛草堂

丐衛所旋補松江白糧廳是時國家財力鼎盛江淮漕賦甲天下而丁媮役蠹費且弛君鈎勒部署又廉平於法事多辦咸豐元年春南漕改從海運大吏祕不發屆期羣水手廢而課變且起守尉令相顧莫敢誰何大吏久才君自松江檄赴蘇州俾資遣之一夕定水手者運艘之絳夫也多犯法亡命無著籍其輩或數百人數百十人各奉一魁長號曰綱司綱司生殺重於大府方議資遣時君上計曰資遣與振卹殊科振卹因歲災穰則民歸業矣資遣者下脅而上賄也且河運難復明歲脫再來資遣又可嘗試乎因條列便宜數事大吏不能用

已而果然復檄君君固辭弗獲則單騎入眾中曉以大義變復定其明年春君策資遣之無已也乞差宜興冀自全比屆期大吏飛檄君而是時粵賊方踞江甯推鋒出羣水手環而嘯呼者其勢倍前時君至亟請於大吏曰三吳產殖民脆粵賊外窺羣不逞者內鬪計因此時以資遣之費籍其精壯而訓練之內患弭而外戎有備是一舉而兩得之也於是大吏悉從其言不旬日得勁卒二千人卽以其綱司分領而肄焉而是時向軍門躡賊之師築圍江甯賊稍斂蘇州遂安其明年官軍潰於上海夜漏未盡制軍甫駐節而君報至則檄君以所籍

敦艮言齋文三

二十七

集虛草堂

卒閉門拒守君進曰兵無常勝窮而來歸猶飢犬然豢之帖耳就撫迫卽反噬請假半月餉俾餼受於官士歸於伍滬軍其將終振焉矣乎議定則從數騎要於路俾弁領駛舟河干明布令君威信久著諸潰軍之長以君故悉如令胥盤之間樵蘇晏然無一人敢譁於途者君性明決勇於任事上海之役撫軍旣被譴代者廉訪吉雨山公公宿知君君亦陰自結比復上海君遂以所籍卒從勦鎮江旣成營搏賊銀山下戰屢捷鎮江賊仰息江甯旣屢創閉壘潛略高資君以千人馳赴賊其明日再戰遂渡夾江蹴賊營拔之其勦鎮江也君計斷賊

糧比攻城請先登撫軍以君臂創未合慰止之君固請旣受令以眾夜薄城下眾梯垣縱火潮勇譟而驚賊賊起然巨礮登者相繼墜君督前鉛子中君額仆於牙旗之下昇歸旋卒得年五十有四時咸豐六年丙辰二月十二日夜也潮勇者粵東剽椎名盜其人黨死嗜利居嘗媾賊賊恆啗之金俾閒軍司軍命者憎焉弗察也以故臨陣輒譁佯進忽潰事機坐誤蓋往往然而鎮江之役君旣勇於自進一時同列者名位相疑或材能各不相下疆寇在門操戈在室蓋自軍興以來士之蘊負奇椒奮志於功名而躍馬請纓效死倉卒如君者夫亦可

敦艮言齋文三

二十六

集虛草堂

悲也與君死其麾下士千餘人同日哭晝夜無停聲君內行淳厚喜急人之危其在吳中南漕廢矣有同官某者泛常交君嘗周之其人者公私通疾有二女其母前死計鬻以償所負二女泣且走將自沈於河其乳老嫗譬解之曰聞此間有松公者鉅人長者試走籲或見援否則死未晚於是二女偕嫗走且泣夜叩君所長跪泥首白狀君愕然曰何至是雖然吾與若父寮也又同里以分若視我猶父也願吾獨居若年長若父誠窘吾亟貸以歸若父於是二女復叩頭泣誓畢死不願歸蓋其父某饜酬榮聽費恆無度方南漕全盛時執禱子賈而

官泥沙其金抵死不變鬻女固所弗卹也於是君假別室迓其友之寡姊篤老者俾同居而時貸某某感愧謝去又二年嫁其女資贈如已出君死二女搶地哭蘇而復絕者再君文士戰輒當敵撫軍旣宿知君格於資未嘗特將也比死騰章入告得旨以同知陣亡例賜葬祭蔭一子君事繼母崔太夫人孝配宋宜人前卒子一名寶鏞以世職從戎嘗勸君志行未章以某年某月葬君於祖塋之側乞爲文因次其功系而銘之銘曰佩之垂兮玉石雜而不章駕之騁兮駑驥並而焉行君服則儒行則烈兮厥施未盡鬱英魂兮譏行貞石識潛德兮後有作者載史牒兮

敦良吉齋文三

三九 集虛草堂

郭贈公墓碑銘

同治七年春淮北盜犯畿輔 天子震怒命羣帥會師河洛之交其年夏元兇隕首旣論功鳳陽郭軍門善臣戰屢最於是 朝廷宏錫類之恩晉階易號追崇其三代寵榮世祿爰及後昆冬十有一月善臣假歸焚黃於其先人之兆將伐石刻詞傳示後來以狀請文余與善臣好誼不獲辭案狀贈公諱法彭世爲鳳陽府鳳陽縣人父懷仁妣氏俞大父文眾妣氏朱皆以善臣貴 誥贈建威將軍晉贈光祿大夫妣皆一品夫人贈公之先

日營國公英佐明太祖以兵定天下謚威襄侑食大廟其子孫襲封姻於帝室鳳陽明中都也多勳戚世家國朝旣下南都疆宇郡縣舊時勳戚之裔列編戶矣鳳陽之語著姓者咸曰郭氏云贈公之大父父耕讀爲業積貲而博施坐是盡落其家故贈公少居窮咸豐初粵西賊僭據江甯沿淮盜四起多藉賊自重而是時官軍單怯民間田廬蕩棄多坳盜以活潁毫之墟盜之有名號者以百數贈公以謂家世著姓大父父仁讓清白義不可以汙盜故其居轉徙自晦漁佃以生其與人以忠義大節相訓勉而時部署閩左以迓官軍之來方是時督師袁公募兵臨淮檄鄉兵擊張隆於鳳陽贈公久病眊以其眾夜赴師半濟而歿於水遂藁葬於其先塋之側時咸豐九年冬十有一月也其年善臣以贈公死投臨淮大營自效明年官軍進圍賊隆誅諸縣次第皆下善臣積功得官嗣後國家數有事於齊楚秦晉之間善臣輒在前行每戰功輒最昨者畿輔之捷顯庸褒美天恩稠疊距贈公之溺臨淮時歲才十稔而人事之榮悴天道之剝復何前後之懸絕若斯也夫自古功名之際會有天幸易未濟之六三日未濟征凶不利涉大川贈公之謂與善臣不忍其父之死枕戈切齒冀藉手以

敦良吉齋文三

三一 集虛草堂

一雪其戴天之恨卒之功成名立雖重創而志不少挫
語所謂人定勝天者與贈公歿年五十有四其配朱太
夫人有賢行去年冬余因善臣謁於懷遠里第被服恭
儉居嘗述贈公存時力田作苦情事以教誡兒婦贈公
有丈夫子總五人永昌奉親不仕恆昌參將熙昌記名
總兵寶昌字善臣其季也積功官壽春總兵記名提督
以平畿輔功 子世職騎都尉啟昌提舉銜鹽大使孫
占宣邑庠生占鼇占標占龍占雲幼業儒郭氏系自營
國以下具明史其居鳳陽者舊有譜咸豐間燬於兵故
自贈公大父以上闕如夫爲善無不報若贈公者其

敦良吉齋文三

三十一

集虛草堂

食報誠速而郭氏之興信未有艾爰繫以銘銘曰

邱明有言公侯子孫必復其始觀於郭氏如車同軌昔
在贈公兵火飢窮避盜如仇漁佃弗充憤合閭左一蹶
而終有高者墳宿草科蓬科蓬未夷 天恩載施祁祁
諸子錦衣榮歸焚黃告墓割牲薦卮贈公來享饒吹朱
旗吁嗟羣盜迺自貽毒種不留荻棺有大僂既臭厥宗
爰赤其族崇侈拓壽候焉轉燭惟茲贈公克膺 帝祉
一門忠孝光於前史我銘貞石用監來紀

震兒壙記

塲子震兒滿洲正紅旗人其姓薩爾圖其名震今撫軍

西林之愛子也生於潁州之行轅殤於安慶之官舍瘞
於玉虹門外地藏菴之西偏兒生四年矣記所謂無服
之殤者也撫軍以其姿稟殊異恆哀念之而安慶去京
師二千餘里羈棺客土戚焉余懷歲孟冬恂卽其瘞所
而經紀焉乃拭淚以誌曰壙故菴地燬於兵僧架屋以
栖兒患痢數日而劇殤於秋八月二日夜其翌日黎明
天驟雨倉卒斂送其父泣而勒諸石曰禿兒之墓以揭
之兒生逾期胎髮被額其父母用浮屠法以祝之故曰
禿云先是合肥數被兵余流竄山谷撫軍書相招遂往
客焉余旣迭有疾病死亡之戚益自戕於酒而撫軍崎

敦良吉齋文三

三十二

集虛草堂

嶇孤宦每中夜絮語嘗慨然於其似續之多艱比兒生
余來潁州旣謁賀於封大夫遂視兒抱中封大夫日兒
笑顧謂余曰吾固知吾西林必有後西林實能善事吾
是兒生吾日進餐湯餅滿廚儘飽啖不汝靳也因共鼓
掌大噱兒從抱中亦軒眉昂睇如欲語者於是左右皆
大笑呼湯餅之約猶前日事封大夫已棄養而余益衰
病念修短之靡常悲人生之多故每欲爲數言藉以紓
撫軍之痛而慰兒之幽伸紙磨墨卽余亦不自知其涕
之何從出也兒骨相無天法凡法所謂天不救者鼻曷
睛露凶四開耳骨坍塌肩魁聲嘶踵不著地兒犀頂玉

立顧盼深穩氣清而神完視明而記強能伺其大母與其父母之喜怒無羣小兒之過余久客撫軍所兒每嬉戲見余輒輟其弄具起居惟謹余每戲摩其頂大呼曰禿兒輒唯唯撫軍時分曹較射兒左右釋算輒能陰識其獲之勝負與其耦之誰何撫軍時口授漢唐人小詩兒上口輒能背誦余以是益奇兒恆屬撫軍多聚書以遺之兒既早惠其骨相端好自其曾大父鎮軍公與封大夫暨今撫軍三世寬仁孝友聞天下方兒患劇時余數語撫軍兒無天法但時其飢飽以謹其出入之度無崇藥石重損沖氣比兒殤余病暑且瘡不得走視兒然

敦艮吉齋文三

三十三

集虛草堂

私心至今念兒不置也兒殤三月矣其斂送恩恩撫軍以太夫人命酌於下殤之制而稍殺焉夫禮莫謹於喪服上殺旁殺其爲義至嚴而獨於殤先王略其文於經而寬其例於傳其義多發明於記禮者之言傳大功之殤中從上小功之殤中從下說者以大功小功皆以成人服也記曰殤與無後者從祖耐食說者謂其耐也祝辭曰陽童某甫而不名所以神之也又曰祭殤必厭說者謂祭以特豚其曰厭者祭於祖廟陰暗之處故云厭也蓋先王制禮既詳於五服之宜旁逮於三殤之服又推極於殤之無服者而耐祖立字葬園祭廟若備致其

委悉而慎重焉者則何也誠以天民之窮凶短折惟尤甚而血氣之屬失子之痛尤凡爲父母者之情之所不能自已是以聖人制三殤之服既寬其例以聽夫凡爲父母者之自擇所從焉而於殤之無服者特明著其耐祖立字與夫葬園祭廟之文所以濟人道之窮而曲致其哀傷惻怛之意焉爾已矣壙廣數十步輪數十餘步豕高二尺有奇壙半之上有土阜隆然四圻雨水激注冢當其衝頃用堪輿法壘土以流僧昌順菴主也撫軍以太夫人命置田若干畝俾僧歲息以事其略別有記刻於碑陰吁殤服之制不明父子之恩以薄余既誌兒壙因爲銘曰

敦艮吉齋文三

三十四

集虛草堂

前面濤溪後奠崇阜翼然佛廬有僧相守是惟貞宅距也徒壽

大潛墓表

大潛山之西隅望之有隱然隆起蟠屈而深秀者是爲吾友劉軍門省三之贈公與其太夫人合葬之阡其地曰黃泥山蓋大潛支麓云曩余避兵山間既交省三省三與余善每道贈公與太夫人恆泣頃以表墓之文相屬謹爲表曰劉氏興於夏商之間位列侯服族巨而蕃散布州郡自元之季由紫溪卜大潛而居焉贈公諱惠

字懷剛性仁厚樂施每歲暮寒沍餽粥之資衣褐之費待公而具者數百家守田奴獲盜樹者公酌奴以酒而釋盜其生平慈祥而恢闊多此類也太夫人周氏賢明慈惠以耕織勤儉佐其夫以孝友任卹勉其子贈公卒太夫人拮据家事於時適有官亭飛語之禍劉氏家素饒歲大歉鄰富人閉糶羣無藉者聚而譁比閉糶者家被劫眾指目君官索貲不得遂火其居方是時省三讀書山寺中太夫人就養伯子家亟歸視仰而號呼曰市有虎曾參殺人惡馬踉羣酷吏滅門冤乎哉余又何云時咸豐六年七月廿一日也居無何江淮賊四梗省三

敦良吉齋文三

三五

集虛草堂

以謂大潛險可扼歸而力耕合徒擊賊日益有名由是士多歸者方賊之初起也跨粵西踞江甯游奕於吳越楚豫之間淮北盜互相犄勢大張同治元年湘鄉曾公督兩江兵既拔安慶吳人士合詞籲師公臨食太息以謂將帥之難其人比奏起今相國李公出撫吳中君亦感痛太夫人疇昔相勸之言椎心誓死躬率精卒數千人推鋒直前遂平三吳盪楚塵豫爰奠京畿 帝用策功晉爵五等吁觀於此贈公之所以刑於家太夫人之所以教其子省三之孝於親而忠於國者積善必昌天人感符之速蓋卽是而均可見矣贈公有子六人長銘

翠次銘玉銘盤早卒又次銘鼎銘彝皆後太夫人卒省三其季也諸孫總若干人贈公之先世名位具其家牒三代皆以省三貴 贈建威將軍妣皆 贈一品夫人贈公卒年五十有八太夫人年六十有一追贈皆如例先是贈公泊太夫人之葬時日卒卒瘞壙之文闕焉未備茲撮其大者揭之阡而繫以詩詩曰

語云陰德猶人耳鳴耳鳴孰知天聽維馨猗與贈公世業承承篤生傑嗣佐敷中興在昔名將多由閭訓嬰母陵母於古亦僅惟太夫人履險以正生有義方勦有令聞豐碑穹隆 璽書載崇 帝曰教孝亦以勸忠刻詞

敦良吉齋文三

三六

集虛草堂

示後過者敬恭

張光祿墓表

嗚乎人生友朋生死聚散之感可勝道哉自余束髮以逮壯老海內交遊死亡殆盡每欲次第其行事輯爲成書兵戈阻隔幸而居相近矣其子孫或賢或否幸賢矣或宦游懸絕榮瘁異形而余儼然一老藹足荒山於此卽欲求其生卒時日都無從相質此余之所爲歎也亡友張君藍畦道光九年與同里人高君謝塵暨余同隸學官弟子籍高君學博行狷君深沈多智略余放不自檢三人者趨向各殊每一聚首言笑論說猶一人也高

君少許可嘗謂余曰張君循循似其家子房云咸豐元年粵西賊大起余流落幾不自存比聞君破家起義兵竊歎向之知君淺信高君之不可及愾然而悲者久之又數年其伯子以諸生立功建節江左季子死前綏而君亦寢疾死矣君娶孫夫人繼魯再繼李孫夫人早歿葬於周公山之東北原君卒諸子啟孫夫人之殯成禮而葬焉長子樹聲孫雲瑞雲林雲鵠次樹珊陣亡子諡勇烈 贈少保 敕建祠孫雲達次爾蓋孫雲錦雲路雲春次樹棠孫雲森次樹屏孫雲官雲翔次樹玉孫雲鴻次樹培幼傳曰有陰德者必享其樂以及其子孫

敦艮言齋文三

三二七 集虛草堂

況君之子孫眾多若是邪自光祿與原配上溯其三世皆以樹珊兄弟得正一品封吁亦盛矣哉頃者爾蓋述光祿之行事彙諸貴遊之言請爲之表余因正告之曰光祿禔躬植節非語言所能彷彿第卽余言與高君平昔之所嘗推許者大書而深刻之光祿自千古矣一切揄揚之詞與諸子之文章勳望舉無足以爲光祿重則甚矣世德之難承也爾蓋兄弟其益勉焉乎哉高君者諱凌雲謝塵其字也世居郡城外北關往年餓死於巢湖之姥山中門人贖金以歸其孥越一歲少子又殤光祿每相念爲位余家哭盡哀而去故附書亦光祿志也

光祿諱蔭毅卒年五十有八其狀亭亭眉目清穩二子尤神似爾蓋得其沖樹棠肖其俊余每晤言輒嘆憶不自休因爲撮其大凡而繫以銘銘曰

在昔平世庠序潭潭君與高君逮余而三高冠大掖爲眾笑姍高君之潔惜後孔聖光祿令德積善多慶劫運既除中興再觀詩書戈甲一門堂構方山有蘇姥山欠碑刻詞貽後余言不欺

張軍門墓誌銘

余既表光祿之墓遂銘其仲子軍門之碑吁兵火荐仍上下才二十餘稔而余朽病餘生文其兩世之藏是可

敦艮言齋文三

三二八 集虛草堂

悲也夫軍門諱樹珊少愛武事喜聞古將帥大略咸豐三年賊入皖光祿奉檄聯鄉兵擊賊軍門雄猛善鬪賊多憚之九年進平霍六迭授官同治元年復廬州之三河鎮補都司換花翎上海之役巡撫李公初莅軍賊方張我軍營壁未立賊酋李秀成頗能兵阻江爲固軍門進曰賊扼險迫我我出奇爲營法曰得戰地者生撫軍善其計其夕出賊旁竟夜而營成我兵合力奮擊連破賊壘二十餘賊大崩奏聞加賞勇號補參將自軍門起義以逮從官軍攻城奪地大小百餘戰每戰馬必劊刀必血部下士體必瘕性孝友不伐每勝必曰大帥之指

縱賢兄平日之教益諸賢將帥之匡救是以劉提督銘傳周軍門盛波等爭交愛之不第戰功最一時也同治四年冬賊之乘閒北竄者結盜首張任之眾回擾楚豫以牽我師 朝命湘鄉曾公駐徐州曾公奏言周家口地形便當亟防賊據地突起具請以巡撫駐徐州蓋諸軍多李之舊部調請尤易爲力所謂逸待勞靜待動者此也朝議允之因奏劉軍善戰其帥多智謀張軍宜戰守其帥堅忍而不移遂以劉銘傳一軍逐鄂豫之賊以張樹珊一軍守周家口以應劉軍兼顧徐州軍門功尤最故公於軍門之歿既奏請專祠於其鄉復請立祠於

敦良吉齋文三

三十九

集虛草堂

周家口所以痛孤忠抑以釋隱憾也所謂釋隱憾者何也楚撫者某湘鄉有連功成而歿湘鄉優畜之徐州帥亦卑下之粵賊賴文光狡而狠百戰劇盜也任柱善鬪而耐苦皆百戰之健者方是時文光殪於陣獨任柱出入數千里誘叛將逃兵及惡少年謀大逞且集於京畿矣軍門謂殘賊不除兵端不止是天下永無喘息時也楚帥某愾不能軍軍門新立大功且訥於口士大夫嘗輕笑之帥某又故軒輊之既諜知爲任柱也楚中山遂而穢阻以所部數百馳而入帥某不益軍又故弛其後援柱甫就禽軍門一日中伏死軍眾悲泣哀聲動地又

數年張任之餘黨聚殲於畿輔湘鄉之所爲隱恨於茲役也微余言夫孰知軍門之歿所繫者遠而好訾議者且以軍門之恃勇深入之非計哉烏乎痛哉軍門兒時其父常不愛余過飲恆以奴僕遇之豈意其能自立如此因揮淚而銘之夫裒功封爵祠祭蔭子 朝命踰常格書之亦以著湘鄉公之平恕而惜其功名之不能如其素志也烏乎痛哉銘曰

天生偉人壯我淮軍一蹶不起壞我長城 帝命裒卹利我後昆豈弟後昆克光前型畢然高冢華表崢嶸銘詞煌煌雲漢輝揚軍門兒時余嘗蔑視試刻佳文冀贖前戾鬱鬱佳宮以植以封英靈未泯嘯虎吟龍時猶多事急需良將慟非爲君臨風惆悵後有知者信史是尙

敦良吉齋文三

四十

集虛草堂

敦良吉齋文鈔卷三終

敦艮吉齋文鈔卷四

合肥徐子苓西叔

雜記

閒園記

由教弩臺後經白鶴觀迤折而西曰二郎廟巷又北曰拱辰門又北東曰寶家池地益曠蒲葦灌莽之所叢生城堞互如大環車馬之所罕到巷故陋余久家此庫隘不完今年秋買楊氏棄地得屋八間仍而葺焉其朽者柱之汗者堊之窒者豁之以其奧為室狹為廡砥為堂隙為圃壘土以為邱登石以為階緼竹以為樊垣卑可

敦艮吉齋文四

集虛草堂

隱徑仄可步賓客之觴詠兒童之游息於是乎具冬十月故人合錢聚飲酒再行蔡君秋白起而觴客稱十畝之詩以落之客曰善請以名斯園嗟乎余天下之窮人也日奔走於衣食之不暇而宴安酖毒古聖人之所戒其將奚以閒閒於斯園邪爰洗而醮繫之銘曰古之學者耕且讀既胼胝其手足兮以勤厥家以康厥生故翛然於萬物之表兮恆沖泊而寡營後之學者飽坐而羣嬉以名為鵠兮以利為羈噫彼桑者兮余何德以堪之

圓通閣僧肉身記

廬州城東羅漢寺之圓通閣有僧肉身一具端植趺坐弛一肘缺其旁指叩之鏗然喉骨纒纒外露目匡深陷貌若六十餘歲人其徒云師名無疆萬曆四十二年從京西萬壽寺來此化於崇禎五年四月又數年賊破城師靈顯怖賊寺賴以全既兆於眾遂裝而祀焉其神也如此烏乎方明之季世賊數來廬州焚掘剝磔之慘極矣師儻神獨神於其居也哉是可怪也凡物之生莫靈於人而冥頑於木石古之聖人其生雖聖死亦猶夫常人未聞其齒脣膚幹至今存也木之蹶石之泐雖其生者已盡而形質之存少者百餘年多更千百年金鐵之精幽閉沈溺久而不壞蝸與蛇蛻焉而留其皮醫者畜以待用亦可久而不壞余因其徒之請為書其略若夫神夫豈余之所能知哉

敦艮吉齋文四

集虛草堂

廬州戰守記

撫軍江公諱忠源字常孺岷樵其號也湖南新甯人中道光丁酉鄉榜甲辰謁選得校職未赴以平盜功得薦擢莅浙江秀水縣在官有惠聲既從軍粵西游歷兩湖又嘗佐守江西積功至今官以城破死既上聞 贈卹如例諡忠烈迹公之死與城之破非賊之強戰守之不力民之不足與守也公久在兵閒有將才而廬州又堅

城地饒材武儲粟山積赴援之兵四至然卒至城破身死則以前乎公者惜焉一無所備公未受事而病既莅事病日劇事益不可以爲悲夫從古禍亂之積大都不善者構其殃而善者蒙其毒獨公也哉余郡人曾在圍中於公有一言之知嘗欲論次其略願事多不可誦言恐久遂遺失謹撮其大要於篇今夫廬州衝地也無高山峻坂其地宜戰而難守安慶截大江故重屯先是賊踞粵西屢稽兵旣入湖南圍長沙汎洞庭破武昌略江西咸豐三年正月壬戌遂入安慶撫者蔣文慶遇害自兩司以至羣吏咸遁防江之兵四潰賊順流下趨據江

敦良吉齋文四

三

集虛草堂

甯出兵四擾勢益張部議安慶旣空移撫廬撫者是爲李閣學嘉端尋罷冬十月賊道安慶毀集賢屠桐城遂入舒城公馳上事越翼日暮賊前鋒抵派河公下令趣閉城夜具疏條戒諸吏是時余故人池州陳太守甫檄至適余自鄉閒來因留飲太守所時十一月壬子夜也越翼日癸丑賊四薄余登南垣馮堞望車徒塵逸礮子墜樓下大於鷲卵適公騎至余猝不及避則熟視公軒眉長目髭漆黑願盼磊然是時賊兵號數萬公所部開化鎮軍諸弁卒不滿二千人案陣而守勢不給城中民之存者猶四五萬人有司戒民無闌登城公則趣下令

曰平時父老未嘗一見賊今約民各持鐵柄鍬鍤咸登縱觀無禁不頃刻陣下林立蟻坳得數萬人合謀騰擲賊少卻越翼日甲寅夜半賊環攻潛梯西平門緣郭上我兵奮擊賊堵進比登矣我兵殪其魁奪其黃旗以呼賊舍梯遁我兵上首功總若干級湖南舉人鄒漢勳功最越翼日乙卯天大霧賊犯拱辰門礮子滾滾如注羣賊哨而馳聲啾啾如鬼居民大恐霧四塞炬不見光知縣張文斌督眾奮擊把總尹孝忠中礮死外委張得勝礮傷膊頃灼其指指斷落戰益疾是時賊乘霧分撲時雍門池州守陳源亮守備程智泉擊卻之斬首總若干

敦良吉齋文四

四

集虛草堂

級越翼日丙辰賊分攻六門賊渠黃旗前導大礮雲梯徑薄德勝門下都司楊煥章把總尙得勝擊卻之奪其雲梯五十餘架各門互有斬獲越翼日丁巳賊攻時雍門守備程智泉然大礮斃賊魁守城民滾木火罐甌石齊下賊大創日亭午賊徒從東大橋來捆載趨一黃巾賊騎而後道包公祠前守陣民故木工也覩賊行然鎗陣隙賊中鎗人騎驚颺久乃仆有小校紅帕腰刀翹立陣上躍而奔賊賊驚逸我兵獲賊鹽二車驢一馬一黃巾賊首一他衣物不貲越翼日戊午夜守備程智泉潛兵威武門外據橋營賊突出奪橋戰擊卻之廬州城周

二十六里爲堞四千五百七十有奇總七門南二門曰南薰又南曰德勝西二門曰西平又西曰水西北一門曰拱辰東二門曰威武又東曰時雍威武門外巨橋跨水橋外一軍蓋嘗先期請出城迎賊堵擊以游兵護四鄉與城上兵相犄角也賊至眾先潰賊屢與我兵奪橋戰不利夜乃潛穴城隧數丈是夜公出重賞得死士二百餘人迎隧出有賊魁黃禰禿髮俛而下窺外委馮貴刀劈其面遂梟之賊徒跽隧中我兵爭擲火罐斃賊無算遂出縱火焚賊巢踞民屋屋堅難拔是役也微公因事出奇城幾殆越翼日己未壽春鎮將玉山以東

敦良吉齋文四

五

集虛草堂

關戍卒由店埠進援拱辰門戰死西安帶兵官伊昌阿珂登額遁去方玉山之道北鄉也諸團長遮道獻食請駐營先閒報撫軍會諸援兵合擊而以練丁萬人左右距玉山不能用勇目支三虎以八百人進搏賊棄營走徑入括賊財廣勇進馬兵繼之賊潛出馬兵後故潰越翼日庚申同知劉長佑千總江忠信與鎮將音德布會師西平門外距城十里未成列而賊至長佑忠信以前鋒搏賊賊敗走遂進攻西賊營賊出援麇鬪社稷壇下我兵戰小卻六品銜石安邦外委林世弼殿後軍抵死戰死之是時賊連營圍攻急城中民弁晝夜不得瞑玉

山之援又潰六安壤接路邇是日辰刻城上突見紅藍旗閃閃從西方來守城民據陴歡呼欲出助擊公亟令都司馬良勳把總尙得勝各帶勇百餘人出迎師遇賊戰連斃數十賊益前守城民益奮呼欲出誓效死助擊久之偵者曰紅旗颺徑西去矣先是賊圍城一日公檄徵各路兵音德布以所部自六安次於官亭又數日迂道營於北三十里岡旣會師前鋒遇賊戰所部中道潰徑奔次於棗林岡賊窮追縱火居民大懟肆劫於棗林則益棄其輜重復歸次於官亭辛酉壬戌亥賊聞攻各門互有斬獲越翼日丙寅鎮將音德布以公令復

敦良吉齋文四

六

集虛草堂

進師遂傍蜀山而營其地距城總二十里所謂西大營也東大營者前臬司張印塘以東關之卒進屯於店埠者也由店埠至威武門總四十里越翼日戊辰都司戴文蘭藍翎千總江忠信經歷艾延暉以楚勇百五十人各懷白鏹二巨定夜叩城遂入城中帑久缺士有浮言藉是恠定十有二月辛未朔越翼日壬申駐守德勝門都司楊煥章率兵勇數百踰城出守城民繼之拔賊營二毀其巢殲其魁從獲其牛馬貨物無算總斬首若干級生擒賊總若干名是役也我兵自辰至午戰益奮諸賊閉營股票無敢出者越翼日癸酉夜川勇被劫潰

川勇者所謂英聚堂之兵也眾千餘無帥領自推六人為頭目舊隸向軍門爭功斥遂以眾至有知府銜李登洲者方籍兵遂募焉而川勇固驕甚是日午刻自店埠移營拱辰門外之三十里谷堆比至已暮矣遂宿民家登洲先遁去賊突至士黑夜裸走手格一軍幾覆承平久師行多不以律或餌利以輕進或懸軍而無援以至覆軍殺將多此類也李登洲者素不根嘗從守東關屢敗衄是時店埠諸行營去賊遠登洲至方呼酒嘯歌既夜有逃卒至始覺益引遠越翼日乙亥辰刻地雷發於西平門守者宿戒賊不敢進我兵奮擊有黃衣賊出護

敦良百齋文四

一

集虛草堂

軍城上大礮忽自鳴飛子碎賊首賊創退越翼日丁丑陝甘總督舒興阿以所部萬五千人駐營岡子集己卯由岡子集進援水西門先會諸團長集練丁萬餘人殿而以川勇數百人嘗賊賊進搏川勇以前憤殊死鬪馬兵突驚賊旁衝馬蹶輓脫騎步相蹂賊空壁逐諸團嚴陣以待賊始卻越翼日辛巳水西門地雷起城角陡崩數丈餘轟聲震天延燒火藥房一所勢殊猛賊肉薄城下時天黎明公久病臥帳中躍起手大旗緣陴而呼馮於崩所都司戴文蘭馬良勳負鎗從揮刃直前連斃賊我兵抵死戰火猛甄石四迸反中賊賊負創走守備龍

天保督工進火灼其髯髯焦脫益前頃之羣工畢集城復完賊徒多兩湖刑隸嘗伐炭山中故巧於穴城每一隧竇藥櫬中隧深曲旁達城腹線然火發無不裂者公久辦賊事宿戒故每倉卒而成奇功是日也賊分攻時雍門池守陳源充守備程智泉併力擊賊創退越翼日壬午六品銜江忠濬以楚勇千五百人至凡兩戰遂進營西平門之五里墩公三弟仲忠濬叔忠濟季忠淑皆善撫士士樂為用賊中間江家兵咸卻越翼日癸未藍翎千總李德勝以楚勇八十人燭若干石銀若干封夜入城勞師且告援至越翼日甲申前臬司張印塘六品

敦良百齋文四

八

集虛草堂

銜黃元吉自店埠與舒興阿會兵岡子集將進援水西門又益以新募鳳陽之勇五百人前鋒抵四里河遇賊戰甚酣舒興阿遣其麾下總兵官以所部萬人陣於隄上有黃旗從東北來偵者曰賊援至馬兵四潰舍騎而徒或走匿松林中駢坐雨泣賊尾至引頸受刃至有一賊手刃十餘人者先是公嘗手札飭四鄉練丁會官兵同赴援自玉山敗死團益弛城民驚恐遠竄賊廣散偽示時出游騎焚戮民之殺賊以應官兵者又嘗出金錢重與民媾賊故屢增且橫而舒興阿之馬兵又迭潰敗諸兵勇飽食嬉遊或白晝入人家劫什物鄉民又以

此與兵屢相詬至有覬官兵潰走中道篡取其貲裝者兵亦以此與民重相讎越翼日丁亥夜城破撫軍江公死之水西門故庫其外陂陀虧蔽賊扼要逼城而營公嘗臥鎮郛內屢設奇出擊賊兵號數萬其實止萬人斬獲創死折其半屢蹙思遁而外援不力內訌交扇先是猾胥鄭潮實通賊賊圍城二日余晚飯姻家見鄰婦人爭殺雄雞瀝血孟水雞東首孟血加箸置戶外炷香楮問問故曰撫軍令也翼日從陳太守飲於城樓具言太守驚曰無是也既罷月中緣畦行見數役各負箭急趨鳴金以呼頃刻家炷香如故且申令民無蓄水匕箸長

敦良言齋文四

九

集虛草堂

竿之屬咸偃翼日又轟言撫軍遣役括婦人穢布冒旗蘇謂賊幻以此厭之爾未幾廉得狀捕潮至梟首縣威武門下而自是民房屢火不根之言多莫測所從來勇目徐懷義故縣役也倚郡守善立權勢其黨晝羣飲博夜恆昏臥巡城官屢訶不顧有舊與賊連者嘗倚城嘯呼而手語蓋賊營新埒鎗手與懷義所募勇居恆邇又嘗同犯法亡命者方水西門破地雷裂外郛垣塌矣我兵死戰賊環列愕顧公亟下令各門咸勒兵守城民憤呼願效死而拱辰門樓火突起守城勇先遁有數人自東北來遠城呼曰賊至矣盍亟去方是時民實未見一

賊也拱辰門者郡北門也勇目徐懷義與霍邱勇目周恩畫段分守處也懷義守北西周恩守北東空障而走賊畢登公縱兵迎擊連斃賊賊奔都司馬良勳以眾逐賊金斗圩轉戰城北夜冥星晦賊合圍我兵盪賊頭格磔迎刃墮久之良勳中創死賊以大隊略西平門迤折下將夾攻水西門西平門者鄒君漢勳分守地也君夜飲方半自拔所佩刀直前殺賊賊怒刃中項血淋浪項偏折兩卒翼之前行數武死而是時都司戴文蘭身重創以死士十餘人將冒圍赴西營乞師復遇賊戰死之天比明霧蔽蔽如雨諸大弁血刃擁公請去公曰城陷

敦良言齋文四

十

集虛草堂

矣何以謝百姓自刎不殊復赴水死之賊既入城上屍積井阮咸滿同時官民死者別有錄郡城自安慶破後居民一日數遷有司議團議捐皆具文而公私請託朝令夕更偶一舉動費不節公由九江道六安病臥屢馳檄趣有司清野濬濠簡料軍實比至上下錯愕未知所措一切苟簡荒略仍舊自被圍之六日城中雞豚薪燭諸日用之需咸匱而東北門外崇墉貨積向之因循瞻顧適以資寇強而導之攻悲夫公恢奇多大略御下刑賞必信自守令以至羣校犯法恆縛致帳前不少貸尤能與人均甘其苦虛懷納善惟恐失之守城民嘗晨粥

蓐食適公過顧曰吾適飢若粥既乎曰未徑下馬索箸就蓐上共啖復索蔬民以野藿進糝蒸未熟公飽啖大嚼徐欠伸曰吾久病不支多謝父老爲吾城守顧城罄如洗無足相犒又重累君等日澹食因撫進藿者背泣然長歎久乃去公每出巡城遇民間相餉者恆駐馬嘗其冷煖飢便就席棚中與民共飯而其麾下兵勇雖大弁與民耦俱恂恂笑語無異時武夫健兒叫呶桀驁難犯之色貿易不欺一錢故民咸樂爲用市小兒日提土筐豆恆懷甌石願效擊賊有市人從守城民偶語中礮死公立出銀爲市棺且趣騎將出視斂所或尼之曰吾

敦良吉齋文四

十一

集虛草堂

前令凡民助城上獎賊或爲賊獎吾賞卹與吾兵勇同柰何吝數十金以負死者卒如令郡人士有以說上謁者夜叩寢所恆據枕作答朱墨滾滾頃刻數百言公死殆年餘其舊時麾下與郡人每道公恆泣其遺文四首總錄藏余家方余在圍中時時從陳太守飲酒以太守指遂通謁於撫軍公延入殊禮坐定因請問公所以辦賊之要公憮然久之曰割天塹以資賊險失地形矣安慶棄而巢縣又破廬郡門戶藩籬皆撤解圍後吾當進兵江上造戰艦數百斷賊往來然後金陵可坐致也方是時公咳瘵骨立前席據籩坐旁一老卒調藥侍帳下

三司羣吏爭趨白事余亟請退公曰吾久知子曷少留久之長吁四睇曰吾精兵多留江西亟欲得吾季來顧道遠昨客有獻書促吾開門戰謂諸團願助勦者今亦未見一隊來團練果何如余逡巡對曰生郡人以亂避鄉間各團物以靖小盜然皆無足當巨寇公曰然姑強子行且紆道爲我趣東路兵賊平還藉子爲我草露布文嗟乎余與公相際淺公之意言不欺若深相結者每一追念涕交頤下公死諸大帥設圍城下又一年未拔賊踞城悉銳北上創於徐州蔓延河北諸郡益兵高唐自九江以沂兩湖屢搆兵江甯賊游奕如故咸豐四年

敦良吉齋文四

十二

集虛草堂

十一月記

書陳太守

余旣志撫軍江公戰守之略益泣然於陳太守之死因技淚而書之公諱源究字岱雲湖南茶陵人由翰林出守吉安服闋補池州旣解任撫軍察其廉檄來廬州分守時雍門城破自經死公居官清靜不苛太守多喜養尊望不接民公勤於聽斷暇則學隸草爲歌詩古文余過江樂池州山水又以太守遂客焉其檄至廬州也余久避地心邑鬱念諸故人存沒永訣公來有日矣亟走問旣至城閉相與對飲達旦翼日公坐戍樓上遣一卒

邀余飯是時賊新集鋒銳事冗無停時食時恆迫每晚飯罷余恆呼酒獨酌醉則從老兵相倚而臥公踉蹌攜一僕跨瘦馬繞城句校諸軍事既上於幕府始歸歸則促余起夜半霜月澄霽每南望公嘗背余而泣閒一出其橐中所攜李玉溪韓冬郎詩卷徘徊低誦而余亦兀坐不自聊時時徑醉酒肆中或隔日不相聞問蓋公久壓於長官感撫軍意益自奮固拉余陰爲助而余郡人先人邱墓所託顧事極壞且又不可以誦言嘗撫諸尤不便者藉公以白於撫軍公既憂思涕泣幾廢明余亦坐是獲重詬一日酒次縱論古今成敗公曰諱子好言

敦艮吉齋文四

十三

集虛草堂

兵乃恆飲何憚一見撫軍樹尺寸功取富貴不愈於槁死蓬蒿中乎且孤城援隔兵單財絀誠於此時一出奇畫椎牛舉事盡殲諸賊頭推兵而前亦大丈夫所以自見於天下者然也蓋是時客有以鄉兵助援之說要撫軍其大指括羣富人田以助賞出尺書盡赦諸犯法亡命之徒使自效余嘗策其說之不離公故以是相激欲余冒圍出趣籍兵余固謝而客重相促既又敦以撫軍之命遂去羣富人果大譁人各持兩端城破諸賊徒咸以余爲市相持急余走匿山中又一年始得公死事之實然公雖死無有力者爲之關請又無親戚子弟爲左

證故有司久而格不以聞有蔡君吉甫者爲余言城破屍塞衢巷賊給人昇屍數日不得休因以識撫軍於水西門識公於縣學之明倫堂上撫軍脇洞刃僵積水中公頸繩舌出先是有萬君爲言十七日夜公騎一馬相遇時雍門下揚鞭問明倫堂何處倉皇未及一答語徑相失吉甫陷賊久總七月始逸歸余以吉甫言益信萬君之語不妄蓋二君皆郡人嘗同佐守城故於公之形狀尤詳公在圍中嘗與余追數西臺笑語時事以爲奇識西臺者池州郡署西北隅高可以眺眾峰者也其下草樹蒼蒼神祠幽絕公季立凡嘗與余嘯歌臺上兩公

敦艮吉齋文四

十四

集虛草堂

子相從嬉戲挽竹弓放黃泥彈彈子錚錚中老柳上公來拾彈草閒仰天祝撩衣挾弓連發不中擲弓而笑廂外一村婦汲而微哂余與立凡皆大笑既賊由長沙窺洞庭江上警日甚立凡時時從余飲酒嘗攜一壺對酌神前悲歌灑泣兩公子覓棗栗更番進公來余倚醉拉坐草荐上強以酒曰姑飲此他時余輩欲復團坐荐上悲歌飲酒恐都難得其季立凡益大泣公顧笑曰柰何乎兩君而酒悲若此嗟乎公死矣去西臺笑語時曾幾何哉乃其遺骸棄骼暴露星日既久而余不能安其藏其渚行嘉言矻矻論箸就湮而余不能顯於眾其季子

然遠在數千里之外願瞻夢想公死而余不能一告唁
公有子余不能誨其孤公有室余不能周其孥蓋公之
視余誠厚願後死者即余亦茫不自知夫死所則又以
幸公之早能自遂於死也

復廬州記

咸豐三年冬賊陷廬州巡撫江忠烈公殉城死代者福
濟副以提督和春是時賊新集朝議趣進攻援兵四轉
軍儲充物於道居三稔矣 嚴旨詰責於是兩大帥謀
所以閒賊者乃射書城中以曉郡人久之城遂以復賊
初踞城日大索民間寸鐵尺刃咸罄既又日括其子女

敦良吉齋文四

十五 集虛草堂

財賄隸其丁壯於軍既又盡括其粟薪其屋材攜其居
人偵而柵其外人給粟日三合既又將遞滅其食多爲
雜役以苦之俾自斃其幸而逸出者窮而自歸於有司
有司弗之卹也則又折而復歸於賊方是時大帥設長
圍於城下闕其南門以待賊逸賊連營扼巢湖分壁施
口躡我軍後西北盜屢起軍數鬻餉且日匱程榮者程
氏之家傭也五年夏四月得書圍中郡人王子固陰主
其議而是時賊偵急非其親呢不得出民空手無兵優
人周得桂善歌羅金桂少學於黃冠雅善吹笛六安人
田士文業弄猴三人者交相善皆嘗與賊狎賊東城水

營將陳和年其城樓司邏者陳源居嘗厭賊之爲思自
拔秋九月遂合謀陳源潛授賊庫兵而先縋三人者詣
幕府密約軍既成約誼吉位忠烈於子固之室郡人沈
廣元沙文懋魯雲鵬沈照藜以眾莅盟眾泣祭歃盟神
前卜軍吉十月庚子朔夜漏四下眾首經畢會得執兵
之士總六百家各聚薪使老幼升屋望婦人毀面執
廚刀坐柵下待賊裂裳爲旗申前誓遂排牆出子固以
其眾越憲橋徑趨威武門沈廣元以其眾踰芒神巷分
掠時雍門而東既會兵城上樓櫓舉火陳源手大旗以
其屬導眾譟呼殺賊水營將陳和年以其屬縱火火外

敦良吉齋文四

十六 集虛草堂

郭啟聞抉扉眾亟斬關出夜漏五下官兵稍稍集緣濠
呼飭具筏眾昇閘疊扉請濟既濟矣提軍騎而至行抵
威武門有貴弁麾而呼曰夜深矣恐不測眾羅拜泣曰
謀者至賊從西門遁然其黨眾大帥去吾屬無遺種矣
請藉天威以安眾心徑擁之入既前合戰連斃賊天黎
明軍畢入眾泥首詣軍門請罪令下去經各安堵待後
令翌辰吏申令籍賊賊得賊糧約石三萬奇賊畜約千
頭賊械賊裝不貲遂錄眾令簿功申令無濫於是眾合
詞頌美咸曰神武不殺斯眾人之全惟大帥德於是兩
大帥各推恩以嘉乃僚於是合詞奏遂以捷聞初得桂

之行大帥有成約矣屆時三舉礮告軍至軍吏不戒礮先時城中亟舉火而賊預戒壘關錮扇外郭加扉重關密偵待變比眾譟賊帥寤趣毀柵俟眾潰嚴兵擊之賊偵誤曰外郭火官軍濟斬關入矣始遁城復之五日余來城中從諸故人飲酒相與道賊中情事以爲歡笑醫者張君曰城中賊初不滿三千人其黨嗜煙嬉游飲博醉飽大略與官軍同惟其帥善偵而守暇吾嘗役作城上見賊清晨從數騎與官軍私語草閒得官軍煙膏數小盃恆袖多金酬之官軍閒一款城下以時瓜美果相餉賊恆縋多金謝之兩大帥起居出入賊以是恆偵得

敦艮吉齋文四

十七

集虛草堂

之其城上更樓一老年賊夜督更諸賊徒更番坐旁繫數犬每小警犬吠老年賊起吹角柝聲琅琅達曙而罷賊黨恆酣歌高枕自逸也茲城之復會有天幸方眾戰戶外行聲隱隱若馳萬馬吾亟登屋望城東火四起有巨人擐甲執戈於鎮淮樓上舉手若麾頃之樓自火火猛棟裂大聲震壓天地是夜風霧陰黑火光騰鬱翔掉怒溢雲表城堞四映如血頃星霽狹巷刀聲格磔啼笑難辨吾寒噤伏霤中慄幾死夫豈意有今者尊酒之樂邪既詢之眾戰者夜中之見與張君大略同咸以爲忠烈云王子固者郡學生少植行與余好喜其城復而生

因修賀子固曰嘻始吾有生之願今願死子知我請弔始歆盟吾中夜飢不能起家人煮車辮糝硝鹽作飯比申誓眾矢言事成無他願但一飽賊倉粟死且無恨今者鄰寡婦乞斗粟被吏撻而吾言屢縋於有司有賊指揮者眾切齒冀一食其肉以快心焉昨捕獲遇數弁曰吾戚也劫之去而吾不敢訟言於大帥賊眈眈日淬劍彼弄猴者拂衣去吾與子宗族邱墓世籍於此土也又皆有老親昊天不弔亂靡有定何居乎子之以賀爲者時久雨寒凍其伯兄太學君坐竈旁忽大哭余亦泣不能仰既退於是乎書

敦艮吉齋文四

十八

集虛草堂

書王學博

二月二十八日安鄉王君少齡同余飯甫舉箸神色慘沮既咽哽而欲吐者再余亟請故則曰吾每食念吾亡父吾父存時未嘗一日得安飽死之日篋中餘一灰布袍吾今猶著之言未竟則大慟淚承匡氣亟不能聲起撩其衣引余觀其所著灰布袍絮捻薄年久色脫斑爛若古鼎文少閒作而曰吾幼從吾父流離道路未嘗讀書與君始通面不敢請然吾父實有隱德不能暴揚之罪滋大既辱教請終言之始吾曾大母目雙瞽而大母又素疋吾父蚤夜抵寢所眎溺器治衾枕旨甘必豫曾

大母既瞽廢又老疾嘗蓐食羹醢粥養匙而飼不少倦鄉之人紳而弁多與縣通侵官事吾父歲授蒙童書每計偕徒步行往返數千里吾嘗戴而從四試於禮部既赴挑得校職未之官而吾鄉又水廬舍盡圯吾父挈吾兄弟就食長沙竟死久而得斂言未竟哽而走攜一冊來既啟視則學博君應其鄉道光丁酉科試卷案其籍世儒素云少閒則又前曰吾父瀕死時大戚吾兄弟氣將絕舌且禿矣蹶而曰我死汝曹行且丐即丐亦須作清白丐幸勿辱吾先陳公岱雲吾父執招吾來司計簿甚厚吾幸不爲丐又安坐食願請學並乞一言以志

敦良吉齋文四

十九

集虛草堂

吾亡父之善余謹謝曰唯唯余人微言無足重亦無足以相益者雖然諺有之古之學者勤治經今之學者勤治生陳公長者度可久相依自今往其益日慎厥司以無廢主人之事暇則練筆札學治官書凡可以餽其口者必勤無情顧恆人之情勞苦則思善久或遷焉吾視學博君所遺之灰布袍尙完整請藏諸篋歲時敬陳而拜觀之時時念學博君瀕死時語一如今日所以述之鄙人者果如是是即所以爲學矣天之道窮則必變自尊大父至學博君與君兄弟窮三世矣窮而不忘其先力爲善其後將日大既復於君遂書

池州府知府陳公死事碑陰記

廬州縣學之明倫堂余故人陳公岱雲投縋處也其略嘗見於余文今年夏其弟畢凡伐石以表其處復爲贊納之土中屬爲言蓋君兄弟素友愛其學行文章嘗互爲師友而君羈旅戎馬大戚於公之死既久而後明招魂之葬表墓之文皆闕焉未備以謂是堂爲公從容就義之所其精神陟降馨香血食之所馮依而廬州構兵學官弟子文獻脫略古聖昔賢之祀蕩焉不留公之懿行大節不有貞石曷示永久昔杜預之在襄陽勒石峴山沈其一於漢水夫預之功業豈斷於一碑之存惟其所期者重故其相待者遠然則公之致命遂志毅然自擇其死所與君之亟亟焉大書深刻揭日月而襲重泉者夫豈無自而然哉公諱源究以咸豐三年十二月十七日廬州城破死是碑成以七年四月隸書總四十二字卜瘞於堂之左偏其文瓌特於公無溢稱學久圮嘗與君旁皇堂畔顧瞻烽火蓬蒿郁然計此以往堂之廢與與是碑之傳留皆不可知夫明知其不可知而勤一世以用心於眾人之外古之人所由孜孜於蚤夜者則願與君共勉之已君名源揚嘗佐戎以功薦得藍翎知縣畢凡其字也

敦良吉齋文四

二十

集虛草堂

廬州再陷記

廬州再陷以咸豐八年秋七月戊子辰刻方是時官軍悉圍江甯賊久踞皖廬州諸屬皆賊巢六安新復空無人滁州鳳陽盜大起兵燹吏贖撫軍福濟方告去提軍鄭魁士以撫軍憾先被劾去德安既代軍三月矣則又日籲於撫軍祈去而諸將吏久據善地多惡言賊其視撫軍之去若驕子之失慈母則且日憂惶思去藩司李孟羣有能聲以撫軍薦攝受代然恆寢於煙居中柄事多其姻族少年是役也賊數千人皆江上敗卒戒嚴甫一日兵未接而城陷賊陷城修前憤益肆屠而城中空

敦艮吉齋文四

二十二

集虛草堂

無糧越翼日己丑分掠四鄉開門縱婦女出盡拘其少者給配軍庚寅賊前哨抵店埠李孟羣之師迎賊戰頃之潰遂毀撮鎮火施口橐皋全椒諸大營相繼覆越翼日壬辰賊大集計悉兵東以解江甯之圍而以奇兵襲定遠越臨淮聯絡羣盜擾中原是時翁撫軍新上事抵梁園矣卒遇賊據橋戰前徒突驚中道獲賊偵既鞫實遂戒師於定遠賊乘勝火梁園倍道行會兵藕塘定遠既宿戒而李兆壽先期以滁州約降於我師鳳陽盜張樂行觀望不敢出遂前破六合躡江浦入揚州方是時賊大振其偽爵承天安者賊驍將也驚忍耐戰既悉兵

東其坐將曰擴天豫賊起粵西其賊王曰天王賊王以下分東西爲四王自賊東王爲其黨嚮殺後賊因諱言王以安福燕豫義爲封爵之極品位侯丞相上其居守者總曰坐將云坐將擴天豫者年少而懦與其黨不相能屠城之二日窮而思去而廬州賊素習其黨尤慣野掠諸不軌之徒多樂爲之用賊兵無常籍所至恆掠人爲之以其老弱居守供役其戰剽而嚴令故屢蹙復振其酋恆貴粟重貨所至務居積持久卽以搜粟多寡課其黨之殿最其野掠恆有常限甚者無踰七日其賊神曰耶蘇其祀賊神之日曰禮拜賊凡七日一禮拜故賊

敦艮吉齋文四

二十二

集虛草堂

中野掠無敢踰七日者其陷廬州而大掠也閱三禮拜賊心饜矣而奸民潰勇益爭盡其耳目於是窮里絕壑車轍鮮到之地燎原鑿棺破柱發窖燻夷敲扑久而後衰而其酋遂以其暇廣布僞示招徠流亡徧置軍師旅帥之官徵金賦粟工築大起是役也計賊所獲軍儲輜重人畜財賄約億萬萬計要其焚戮殘虐倍從前矣悲夫廬州自三年之春部使者下其所爲團練法於郡邑比冬而城陷於是赴援之兵未全潰也故賊蹤止巢湖一隅夫團練良法也嘉慶初楚中白蓮教之變嘗議行之其大指官與民相協民與兵相衛故自安卹難民之

說行而後民之從賊者始少自堅壁清野之說行而後賊之成禽也益易余嘗建言於當事者竊謂流賊如水疽淫增變大帥之道先自治務選將擇吏內輯其民廬州之粟可屯廬州之民可戰退而曉諸父老宜訓飭閭左相與戮力奉公無自闕於牆而日營私橐橐以供賊資爲也聞者卒迂笑其言夫處抱薪之勢昧剝牀之戒因仍顛倒上與下卒蒙其禍推其禍本夫亦人事有由然哉福撫軍者滿洲人起家翰林喜筆札爲人嫗而榮聽其初來廬州也朝議西北多盜以袁少卿分巡淮北未幾以蜚語劾去盜寢熾矣比復廬州朝議錄兩帥之

敦良吉齋文四

二十三 集虛草堂

功而和提軍移赴江甯鄭提軍者撫軍故麾下吏也忠赤敢戰而輕於自用故事凡官於其薦主咸曰師師生授受之際無不可者桐城之役撫軍軍巢縣策應援屢聞捷撫軍覲成功移軍軍提軍後賊入巢縣絕糧道歲旱饑桐城軍大譁撫軍退軍廬州期自固比覆師提軍賊而免捶撫軍吏出恚言頃之山東兵縛藩司諫而撻諸市撫軍亟圖行提軍固相尼撫軍益大懟徑洞垣去於是諸不便於提軍者相構言蓋桐城之覆自撫軍撤巢縣之防始兩大帥之釁成自山東兵變始府庫財力之殫軍民銳氣之挫賊之旁覲廬州自桐城之覆始咸

豐七年春事也八年春鄭提軍既劾去德安甫莅軍滁州全椒相繼陷遂營全椒嘗延余問計一日趣具奏屬視草蓋援撫軍乞休例也余謹對曰全椒爲廬州東戶公威望早著今者甫視師而遽請去焉何爲者夫省餉莫如速戰增兵不若足伍今士卒飢憊軍伍闕如諸大校日錦衣玉食貨賄公行路有謗譏公老矣坐享鹽折之奉月五百金計庖人廝養所需月百金足矣請公亟申令立逮三數貴弁庭詰其蠹餉闕軍之罪揭首壘門盡出橐中藏日椎牛謝士士雖飢能鬪如其閔敝郡人之危悉條列江淮南北數年來失地喪師凶荒盜賊諸

敦良吉齋文四

二十四 集虛草堂

不便於民之故具以上聞敝郡人雖死咸戴公賜否則非僕之所敢與聞也既拉余偕之梁園居數日謝歸道店埠以事留中夜而警聞卒至比令下市人歡呼曰李公活我親督師有成行矣已而寂然瀕行有郭君者遮余飲余固辭君笑曰攝撫軍善遣將昨聞捷賊創退郡城固無恙也請盡觴余醉眠未熟門外馬蹄騰沸市人徒跣而號曰李公殺我軍潰矣而猶高臥余亟行過轅下日晡矣軍吏嚴裝待謁中途有婦人失子而哭者

書馬先生軼事

古之大醫皆有記錄以名後世太史公傳扁鵲倉公陳

壽傳華元化新舊唐書傳孫思邈許胤宗皆所以明授受識方藥著專家也元化之爲世多疑陳壽所錄非實甚者以爲巨怪余嘗惑焉夫元化士人也其志節卓犖與其術之神妙壽所錄彰彰如是而猶不免於昧者之議則甚矣醫之難爲而知醫者之尤不易也太初馬先生今之大醫也自其高祖以逮於其身醫五世矣先生生有異秉少喜治儒家言適大母有恆疾太翁勸之曰爲人子者不可不知醫且家學也爾其勉旃於是上探靈素考明堂之原委搜外臺之闕富旁稽唐宋下逮金元蓋自是大母之疾就痊而謁醫者履滿戶外矣山西

敦良吉齋文四

二十五

集虛草堂

人張太清賈於三河鎮淋踰稔求診先生曰病得之多鬱而酒非參苓所能爲也刀披其陰出小石大如珠遂瘉廬州人劉某患臙痛且三年先生診之曰是有多骨結自胎元風淫寒毒久將爲變變則正骨傷卒成廢痼矣以利七刺痛處骨稜稜應手出痛如失梁園故慎縣地童爲著姓有名汝芬者家素饒性喜吟誦脣缺然弗樂也尋醫三吳悵惘歸遇先生於中道膝行求治先生治如法合以大藥未浹日吟誦琅琅脣完好儼成人也梁園人至今稱之巢縣庠生洪宗适女周歲矣哺時熱日夜啼不乳者久之羣醫瞪視罔知所厝先生診之曰

審聲參色證以指文法無病乃爲脫襪弛襦再四推尋比抵脇下啼益亟因得鍼盡處錯出之自是乳如常鄰人沈吉伍早歿其妻吳抱其遺孤跪泣於中庭曰未亡人忍死至今冀此一塊肉倘延沈氏嗣歲饑死無足惜柰此呱呱何請爲傭以活兒命先生嘉許之爰授以功以食以衣孤長矣厚賜其母子而歸之醫士張松軒泛交也歲大疫松軒死既而祖母兄弟相繼死遺棺纍纍先生聞之惻然助資營葬焉無爲州戴氏子被水挈其妻來肥有兄弟弗顧也將鬻妻絮泣不忍絕先生聞而憐之招之來各授以業既有年夫妻完好以歸蓋先生

敦良吉齋文四

二十六

集虛草堂

素孝友篤於風義多此類也余少多疾病喜治方因數與醫者游嘗聞先生之行誼而相見莫由頃獲晤其令子浚渠始恂悉其梗概夫扁鵲倉公尙矣元化素精方藥尤神明於古瘍醫之術胤宗以脈候幽隱虛設經方恐誤後人故不著書先生於醫兼明內外要其鍼石劊割殆傳元化之妙而特深者邪其生平不喜著書大略與胤宗同余恐其久而無聞也因次第其略以俟他日國史氏之采擇先生本西域人其先由桐城遷合肥之長甯河數世矣今爲合肥人浚渠喜讀書志專而業勤能世其家學云

書趙母陳太恭人遺事

舒城陳太恭人余友趙君濟川之大母也以賢孝澤其子孫久未有聞今年春君隸戎潛霍之交瀕行手一編拜且前日濟川少孤鞠於大母大母實賢且孝濟川人微無足以揚潛德茲件繫其行事其非濟川所知者不敢附會以諛其先惟擇而傳之案狀太恭人姓陳氏舒城人父處士公諱清揚讀書不仕從父清越仕廣東長樂縣知縣太恭人少嫻家訓既來歸內相夫子上事舅姑賢孝之行老而彌篤太翁好讀書以貧故輟業而賈是時歲迭饑濟川曾大父母皆在堂太翁本儒者秤星

敦艮吉齋文四

二十七

集虛草堂

斗角素不習每賈輒困則盡斥其田廬以償之入乃寄孥陳氏宗祠中祠舍穿漏將歷太恭人耕田中得黃豆數斗晝夜推磨作乳太翁肩而貨之市藉供兩大人饘粥暇恆紡績嘗笑謂太翁曰古人馬磨一具既聊生且名後世今吾夫婦前推後挽力勤而享薄未諗古人馬磨所得其殖云何也是時濟川曾大父母篤老癯疾一日曾大母病且革太翁號籲計無所出太恭人私誓神前割股肉以進遂瘳是二事者其助太翁磨豆作乳太恭人嘗述以誠其子若孫其割股一事太恭人未嘗自明也里老嫗嘗言之烏乎世教之壞也久矣嗚呼

薄之習中於人心成爲風俗而婦人爲尤甚傳曰民生在勤勤則不匱語云至孝格天太恭人勤於家孝於父母幽感於神明而信孚於里黨是誠足以芘賴其子孫而垂法於家乘矣濟川又曰濟川少孤鞠於大母以至今日三牲之養渺焉弗逮願有言以志吾憾余謹對曰否否唯唯詩不云乎無念爾祖聿修厥德蓋古之人其爲學在於事親治生其居業時雜出於農賈百工初未嘗厚自逸樂如今世之士也太封翁儒者力賈以爲養困則盡斥其田廬躬肆夫齊民市井之爲太恭人佐之以養其親而有其家蓋乾嘉時吾鄉習尙近古於時黨塾之閒鮮游民而閭巷之中多賢婦即以余兒時聞見較今世殊異易家人之初九曰閑有家悔亡其六二曰无攸遂在中饋貞吉惟太封翁力苦以供子職易所謂閑有家者與太恭人修其內事服勤無怨有貞吉之義焉易所謂夫夫婦婦而家道正者此也夫親有善而弗能傳傳焉而弗能爲皆非孝也維太恭人平昔所述以爲訓者念先德之維艱思有家之匪易則夫三牲之奉五鼎之薦古君子所爲汲汲者固自有在耳君其益勉焉乎哉趙氏望舒城君少讀書從戎上海以武功歷今官與余好每爲余道太恭人輒涕泣不置云

敦艮吉齋文四

二十八

集虛草堂

遺園記

郡城以園名者七余聞而未見者李文定之宜園見而未及遊者趙刺史之怡園見焉而遊且數至者褚大令之褚園黃中丞之約園蔡徵君之趣園吳太學之花隱園逮今乃又得吾北垣之遺園蓋遺園多佳石亂後攜眾園之遺又其地先世之故居故曰遺園云初君之從事於茲園也程課於工徵樹於鄰羣石委積目睨手揣日無停晷余適信宿園中因以相曉曰凡爲園者譬之大將之用兵良醫之處藥審地形之險易度病情之虛實故兵不必多奇正相生於無窮藥不必備補瀉相劑

敦良吉齋文四

二十九

集虛草堂

以爲效何君之汲汲於是園爲今年秋余復來園中天小雨早日初霽綠高而登則見其向之窪然者溶焉而深向之童然者蔚焉以茂陂陀縣互高高下下如率然之蛇斷而續復而益紆而其石之臞者皤者洞者或昂或俯或蹠如龜或踞如虎或抵如羊或羣如鹿大者傑立小者仄顧峯巒鉤帶天機橫出其西高柳翼然綴以修竹野花被徑遠堞環列蓋善爲學者析羣言以匯其歸善爲園者運眾材以湊其妙則以歎向之所見於茲園也猶淺而君之用心蓋藉是以日進焉矣乎抑有感者文定功業著於史氏固不以園爲有無褚園再易主

中丞仕宦中落徵君以窮死太學晚尤侗僚兵火搆艱白日易逝疇昔經過之地與夫晨夕握手之徒剝夷銷歇都不可問而余衰病播遷還顧舊遊君亦老大然則茲園之成徵君請余又烏能自己於言與園肇工於同治某年某月落成以今年秋八月其爲地廣袤若干丈室若干楹木若干本草若干種因山而澗橋其上阻澗而邱邱之東爲臺爲亭各一又東地益砥壘土而畦架屋縛茅繚以短籬朝光夕霏流映窗戶北垣詫余曰是佳處請以爲先生之行窩焉可乎余笑曰有是哉因記俾勒諸園壁爲後遊券

敦良吉齋文四

三十

集虛草堂

重修振風塔記

振風塔者在安慶樅陽門外迎江寺舊名萬佛塔咸豐癸丑賊燬寺塔頂被焚久且益圯今皇帝御極之八年江淮旣平海宇清宴於時新建吳公由藩司權撫事政通民和因條列皖省善後諸事宜奏聞報可期年之間工役備舉而塔頂亦以今秋落成時同治九年歲在庚午秋七月二十有九日也皖省臨江西北諸峯稠疊其東南陂陀平衍術者言宜起塔以障江流有青龍昂首之象焉人文所由肇興也方明隆慶時江西王太守鷺泉以名孝廉來莅是邦太守精形家術因郡人士

之請爰諏爰卜爰建茲塔案志並塔開舊碑塔之建蓋
隆慶庚午云吁亦異矣哉塔總七級高二十有四丈廣
輪共數丈有奇表裏純石爲其教者範金象佛於其中
而祀之環塔四周又鑿石爲大小諸佛不可枚數公早
抱遺尙旁覽釋典於形家言多所參證方茲塔之經始
也嘗進皖人士而告之曰濤岳之祀貳佐祝融其象離
文明之占也東南巽位其德爲風乾之餘氣也易小畜
之象曰風行天上君子以懿文德蓋德積於中而暢於
外猶風行天上其力足以動物而功足以行遠振而興
之六皖庶幾同風焉矣乎隆慶距今三百餘年矣余驚

敦良吉齋文四

三十一 集虛草堂

泉之鄉人也嘗往返江上又歷官斯土幸茲塔之成而
願與諸人士共瞻禮焉子苓山陬小民嘗辱公度外之
契相知較詳公有幹濟才長髯偉視發聲磁龍遇事倉
卒立辦爲文袞袞數千咄嗟可辦茲塔之成蓋公善後
之一端未足以盡其大也驚泉之澤吾皖人旣家誦而
社祝之其於公當更何如哉因記且繫以銘曰
佛在拘夸涅槃證果有大迦葉熱旃檀火得舍利子八
斛四斗諸天龍神各各攜取阿育建塔於熙連河爰植
雙樹曰娑婆羅婆羅香烈遠被諸國爰有法益建四大
塔凡塔建處佛光所攝亦越東土璨也法器傳伽黎衣

皖江之裔江水奔流萬馬東下偉哉一塔昇然橫跨維
茲巨塔製仿西竺拔地摩霄神運鬼斷素壁耀星金輪
碾日山川炳靈淵雲輩出公嘗爲言早年用壯扁舟載
酒嘯歌江上於時承平乾坤無恙萬井炊煙一灣漁唱
倚醉登臨孤吟惆悵自從軍興繁華轉燭滄桑一塔天
留與佛佛說三生曰去來今驚泉往矣皖山自青昨者
我來後先接武是誰巧歷閱兩庚午賤子冥頑不識佛
理窺貝葉書自我公始冥冥征鴻滔滔江水鴻自高飛
江無倦流皖人戴公願公千秋江流塔峙公澤未已

盤亭記

敦良吉齋文四

三十二 集虛草堂

劉軍門省三旣告歸於其所居大潛山房之西偏壘土
架屋爲亭若干楹度其克常州時所得號盤於其中榜
曰盤亭先是歸安吳觀察有號盤記稱盤故在陝西鳳
翔府寶雞縣之號川司道光閒常州人徐燮鈞知郿縣
時所得者歷引賈逵韋昭杜預班固之說定以今寶雞
縣爲古西虢地又引渾源張十洲四分周術之說定以
是盤作於周宣王十有二年正月三日其言甚辨而有
徵蓋常州之陷咸豐庚申之夏君之得是盤以歸同治
甲子四月而吳氏號盤記成於同治乙丑距君克常州
時才一年宜其有亂後是盤杳無蹤跡云云也夫物之

顯晦無常從古環奇偉特之寶其出也恆因乎其時有其時矣而其位置之得失又恆視乎其所依託之人非其人雖顯矣猶弗遇也方乾嘉時海宇宴安士大夫崇尚金石攜集閎富巨而面牛之鼎剽犀之劍細則戈頭帶鈐弩牙頷貝寵之詠歌臚以圖志自粵賊犯順連雲之第充棟之藏化爲冷煙夷於朽壤而是盤也炳麟湮鬱毀秦跨漢出入兵火歷數千百年一露光怪放而休乎大潛之山天乎人邪余又烏得而臆其然邪亭構於同治壬申之春其年秋八月落成蓋君所居在眾山之閒亭高而敞四時之美悉領其要昨者與君徘徊亭上

敦良吉齋文四

三三

集虛草堂

思乾嘉全盛之麻緬周宣中興之烈覽昔賢銘功之偉詞慨想乎方叔召虎尹吉甫之流風而都不可見相與叩盤而歌倚楹而嘯白雲東來歎歎泣下然則茲亭之作余豈可以無言矣乎既書其概爰繫以詩詩曰
猗與號盤策勛刻詞至寶晚出著錄闕如郡令創獲珍逾瓊玖曾幾何時而落賊手賊徒噴盲謂猶巨鑑腥臊雜投盤兮遭殃匪惟盤殃東南塗炭桓桓劉君奮削大難常州之戰人馬皆血天與寶盤兆符子白軍鋒所指氣聯楚越轉戰畿輔盜首咸折維 帝錫封湛恩滂瀟拜爵而歸盤則如故大潛之山林石青峭池深魚肥可

耕可釣君曰樂哉盤亦得所我銘君亭與盤終古

銘頌贊

遯泉井銘 并序

咸豐癸丑二月余避地巢湖之陽得泉焉名之曰遯泉初余來此病幾殆飲水而甘既小瘳詢之族老曰循屋西不數十步有井焉不知其始沿湖水多渾濁獨是清美於他水大旱未嘗乏竭昨余被於泉上旁壤榛塞甃石不完泉坎然介於眾田之閒光瑩徹心骨日將夕倚樹坐湖光返照清曠奇麗視聽大適夫泉以日新爲德井之功上出而不窮茲泉烏在其以遯名哉蓋其竄於

敦良吉齋文四

三十四

集虛草堂

窮鄉其澤不能大被於人人是有遯之義而又不幸辱於余也是有遯之時故名之曰遯泉而銘之曰

窮湖之裔壤瘠弗治百井混混味澀而滓神漢天出其生也獨旁發下土制陋而質處幽彌潔在險不鬱甕弊伊何汲則受福我家泉旁以祓以啜愛不忍唾心瑩於默泉曰遯泉翁曰遯翁一瓢一壺相樂以終金玉滿堂莫之能守 老子 九鼎雖重或負而走於萬斯齡泉則翁有

受降碑陰銘 并序

受降碑者今撫軍滿洲薩爾圖氏英翰公刺宿州時屢

平巨賊以活州人州之人久而不忘故碑之云公功在
平賊其平賊以能降賊其降賊以能推恩信於羣賊不
以賊待民而以民待賊公所降皆巨賊厯然著名號碑
不載降人姓名概從略者環州之賊皆吾民亂爲賊治
爲民如旅之歸歸斯受之受之而全其爲民也故略焉
州人之願亦公之志也碑立以同治三年之秋高丈餘
正書總八字千載後有過其碑下者讀而詫曰此英宿
州匹馬受降處片石之留與甘棠並久矣公治行具州
人之德政碑與余所爲方略記茲碑之銘則以識州人
之思於無窮焉因爲之銘銘曰

敦良吉齋文四

三三五

集虛草堂

長平之阬殺四十萬宿州之降活巨萬萬聳然碑石光
切霄漢匪石之光公德孔長碑可泐州人戴公如日月
睢渙流兮公之澤桑椹布野兮鴉音永革孰謂蚩蚩而
盡馘之天鑒匪遙眎茲刻兮

篆香齋印譜銘

并序

常熟孫君毅生通六書之學暇事鐵筆筆能破石橫豎
側正確有師法搨所得若干帙名之曰篆香齋印譜徵
文於余於是序而銘之銘曰

篆刻肇基維璽節符秦漢唐宋或范而撫王會稽冕揮
斥金玉謂是石交可以療俗爰寵命筆不律而律心畫

既通具大神力下洎勝明作者代興 國朝宗匠浙皖
爭鳴浙之大師有陳曼生完白并起益隆厥聲皖浙雖
殊尚有典刑典刑日遠士錯其矩或佻於文或獷而武
嗟嗟一藝有堂有廡曾未百年今不如古孫君後來出
入二家覃精筆先銖累不差視筆如錐視石如沙方其
快意跳虎盤蛇如絲漾霄如蘭孕芽重如鼎彝快如莫
邪洞庭之波赤城之霞時作狡獪曉妝鏡花相其筆端
百怪紛拏是有神助陳邪鄧邪我有笠壺曼生所製亦
有鄧刻擘窠大字兵火載更渺焉身世敬祝斯譜長留
天地

敦良吉齋文四

三三六

集虛草堂

鶴寮銘

并序

先得月榭之東垠有隙地廣袤盈丈藤交瓜蔓蕪棄弗
治頃者鶴來余家露宿信夕既失偶酸吟寒唳戚然有
羈旅之悲爰命版築旣塗旣茨中扉旁牖亭午而竣儲
泉於罌實粟於缶羣鶴告安童稚咸賀蒼雅寮小窗也
傳曰同官爲寮是鶴也放於江湖陷於羅網又不幸而
辱於鄙人以同寓食於茲土因顏其額且繫以銘銘曰
雲漢雖高汝飛曷歸土窟雖隘我居自如象死以齒犧
斷厥尾嗟乘軒之多危彼焚巢者已矣維茲新寮宅幽
面吉前邇牛宮旁毗書室淳淳清泉巖巖白石祝滄海

之不波幸干戈之甫戢秋稼既升征車乍息一椽之安同荷 帝力飲斯喙斯永言無斃

含飴課讀圖頌 并序

含飴課讀圖撫軍喬公追述其大母朱太夫人之教圖而記之今年春子苓來壽州謁公軍次命爲之言案記撫軍少失恃鞠於大母朱太夫人嘗授四子書是時公大父方伯公棄養封大夫與其伯氏家居治帖括不得休太夫人譬之曰業成於專孺子幸可教吾自督課耳蓋太夫人早承家學博通善誨撫軍公自髫齡以至成立多由於太夫人之訓是圖之所爲作也圖修逾尺廣

敦良吉齋文四

三十七 集虛草堂

倍咫尺苓頃獲觀長柏際天晴翠四暈時客窗曉日射圖上竹石清潤鼎彝圖史爛然光澤與太夫人眉宇輝映雲際觀未竟肅然起立者久之太夫人豐頤平額被服儒素髮犁然狀約五十餘歲人孺子紅衫拳髻執經而前太夫人正襟注睇目炯炯如笑計其時撫軍財毀齒歲耳繪圖者邗上王君工設色籬磴繚曲侍婢整整几案布置精潔案旁一局脚老木牀紅碧橫陳磊磊記所謂釘盤菓菜珍壓九鼎者也圖作於公官兩淮時語曰爲善無不報傳曰明德之後必有達人蓋自方伯公歿太夫人棲居茹苦久之封大夫兄弟嗣籍於朝又久

之撫軍公以文章勳器來撫是邦夫楮墨之壽久者百餘年或更數千百年斯已耳而古之君子所爲勤勤焉以求無歉於其親也達孝莫崇於顯名顯名莫大於錫類夫恢封圻之長算宣 朝廷之盛德使吾皖人老有所歸少有所字以庶幾古詩人錫類之義此固公之素志抑吾皖人之大願焉而子苓鮮民也孤露顛覆之餘生誦公之言仰觀賢母之光範謹再拜稽首而爲頌曰維昔乾嘉如周盛時篤生女士經師人師作配於喬老福而壽爲賢方伯妻爲二千石母方伯有子載產文孫太夫人翼之介福駢連駢連繼繼國楨家慶匪爲家慶

敦良吉齋文四

三十八 集虛草堂

皖人待命皖人何如嗟嗟瘡痍外戎在垣羽書四馳吏墨而虎田焦而龜皖人於官曰父曰母於撫軍公曰大父母凡厥赤子弗獲於親於大父母呼號以聞峨峨使節全皖攸託况公世臣庭誥猶昨高高 九重煒煒兩宮姬錄再興吉甫歌風其風肆好祝公壽考

定遠君畫像贊 并序

咸豐七年冬十一月沈生世銘將覓工追圖其尊人定遠君之形豫書要余抵其廨中泫然進曰先生與先君有舊今具圖請主其事焉又數日工來諏日晨興肅冠帶爲位列楮於案炷香稽首再拜起揖工就賓位既泣

拜負案泣北向掩袂喟而長號又數日工竣余以事亟歸則又泣然進曰先君未歸櫬其厯官世銘幼不徧悉未具狀然先君在定遠時恆病嘗念先生冀有言今願以請蓋余與定遠君相識以四年之冬其明年訪君於城西行營比秋相遇於店埠其明年相見於郡中余迂拙寡合君與余迹相邇又嘗相昵視其像神明爛然而君之歿已一年矣夫人生聚散修短與圖繪之完毀俱不可必惟文字足存於無窮而惜乎余言無足以發君之幽又重辱生請之可愧也君諱承怡字少餘其先雲南人 國初隸旂籍遂世爲遼東之吉林人其來官於

敦良吉齋文四

三十九 集虛草堂

安徽也由李陽巡檢調青陽屢獲巨盜軍興以勞加六品銜攝廬江縣事官軍旣復廬州論功薦予府經歷檄署定遠定遠故多盜難治君禽斬稱最大府方才君君遽求罷世多以惜君之能未盡於時也君歿以去年正月得年五十君經歷六品銜其子冀顯於大府援例得贈官俾榮其親今像作五品冠服從世銘志也贊曰偉哉丈夫遼陽之杰屢蹟而騰其氣嶽嶽孰折其角載靳其年遐紀未登賚恨以旋疇懽莫追渺焉九原昔歲甲寅君適臥疴休旬於山望衡相過陰崖縞雪層冰峨峨寒夜就君索飲而譟君起款客熱薪向竈手炙羊肩

薑椒載芻團飲竈隅我醉君笑君和而毅長身頎立每對吾曹脫帽太息吁衡時艱倦羽思戢警爾石火愴焉朝露寄靈盱山迢遞樞略肅肅朝神典型式瞻哲胄薦馨陟降用虔楚些是賡生芻敬薦弁之芟言用副靈眷哀祭

高謝塵哀詞

合肥有篤學力行之士曰高君謝塵其志企乎聖賢而名不聞於里巷其動止確守乎禮法同學之士媢笑唾罵爭指目爲怪人其生無一畝之居死無以蓋藏其手足君諱凌雲邑諸生余初不知君聞之凡謗君者曰高

敦良吉齋文四

四一 集虛草堂

生怪人也性僻而潔天閻不近婦或曰高生淫人也醜其婦搨而去之蓋八九年矣里人張君蔭穀曰君自庸行耳怪之者乃所以爲怪也旣識君久而益習始盡得其爲人君於學貴實踐尤謹於取與辭受之義意不可親故不能強以一飯盛暑日端坐無惰容每洩便手不盥不敢近書表狀嚴冷就之盎然以和娶於衛姿而婉久未有出余嘗乘閒請曰禮首夫婦君子重有後何乃自異於人爲則楚然避席拱手而謝曰誠如子言吾誠過然微子言吾亦且念之也始吾婦來時適吾母病頃之喪吾母旣除服吾弟破吾家吾懲吾弟益痛吾母雖

居內心恆慘然微子言吾行且念之也期年舉一子使其弟馳以告且申謝里中人聞之益轉相笑也君故貧授徒以給爲文有法度五經都能詳其訓說嘗戒余曰子質野而放不擇處日沾沾於文辭古之爲學者不是若也余時年雖少頗心憚其言道光十七年挈其家人去之姥山余亦數出遊不相聞今年春客死於邑之東村其徒贖錢以斂而歸其喪君所學既不克顯於時又犯眾詬卒窮以死爰繫以詞以道余哀以質張君以俟後之知君者其詞曰

謂天道其信邇兮胡斯人而長飢謂修名之可恃兮當

敦良吉齋文四

四二 集虛草堂

吾世而夢夢兮更沒世兮焉知吁嗟君兮德美而輝行可儀兮其風可師尼父蹇其不作兮士闇修而曷依吁嗟君兮彼謠詠者又何損於毫釐修短紛其有數兮沙二氣以潛移彼跖行而錢算兮等百齡以尸居吁嗟君兮雖不中壽猶全歸兮孤兒蹇其尪弱兮更惇惇兮寡妻議伐石以表墓兮懼余言之有疵吁嗟君兮考微謨素待來茲兮

池州告社公文

斗閒男子是日贅民不文不武壯而無成哀滄海之橫流悼羣雌之不鳴旣青山之難歸況無田以可耕嗟余

子子飲泣茹悲或嘯而虎或蟠而龜時之不與黃冠緇衣神其告我孰是孰非晦明睽隔夢以爲期昔者矢言與公相代青溪娟娟檀婆可愛余生癡蠢方寸不壞觸險蹈危天憐人怪帝閻峩堯高不可觸祈公一言以介余福我歌我哭公實聞之陳辭薦酒公勿余欺

哀朱君

潁州朱君鳳鳴與余同學於安邱之門道光閒兩伏闕上書言天下事其一書尙書爲經緯以時事旣上聞

報可其一書言英夷之不可款琦善之不可用林制軍之不可去大吏惡其狂直將重譴卒議減放歸君恢奇

敦良吉齋文四

四三 集虛草堂

閱駿謹於內行旣歸益務韜邃嘗以其學設施於其鄉其鄉之人多樂化之比亂遂久不相聞問今年夏余之河南泊舟三河尖將便書訊廬江張勁筠日子無覓朱君朱君已兵死前數年定遠盜掠潁州駐兵河上朱君遮說降盜怒殺朱君並其一子子更何從覓朱君也是夜雨益大余獨臥舟中有大聲緣舵尾墜而復躍者三船頭鐵索錚縱久而後息凌晨勁筠詫余日子念朱君勤朱君昨來覓子矣有王學博幼國者嘗從君遊道君死時情事益詳蓋君死時其家人先奔散盜久聚河上故其屍失不可得而余今者維舟之地去君父子死處

不百步記曰氣也者神之盛也易曰精氣爲物游魂爲
變凡物多然余固知君之不能泯滅於斯土也君之學
行文章海內士大夫之賢者皆能道之其死事顛末具
王學博所爲傳中余偉君之義烈追惟友朋聚散之情
乃歌於水濱以唁君之靈其詞曰

夜雨瀟兮空濛沂淮流兮心鬱沖乍有聲兮隆隆自天
而下兮掠余舟兮西復東旣欲逝而仍留兮重徘徊兮
悲風夫人孰不有死兮志士貴其不朽苟殺身以成仁
兮夫何恡於虎口昔賈生之陳書兮際漢祚之方昌懷
忠苑而莫申兮憤賦服兮投湘嗟夫子之蹇蹇兮璞屢

敦艮言齋文四

四十三

集虛草堂

獻而屢別終致命以遂志兮乃喪元之弗恤石磴磴兮
河之側沙草萋兮恨血問轉屍以何所兮滾夜濤兮嗚
咽昔相見於清潁兮繼訪我於肥之垠川梁渺其修阻
兮況限之以幽明何精靈之恂怳兮識余舟兮營營營
營兮安極思夫子兮長歎息白蘋花兮芳潔老烽火兮
惜華髮惟夫子之昭昭兮應鑒余之飄泊奠酒兮陳辭
青陽去兮朱明滋倚淮南兮望淮北進余舟兮焉之

敦 良 吉 齋
詩 存 二 卷

光緒丙午集虛草堂校葉張文運校

敦良吉齋詩存目錄

第一卷

古今體詩二百七十二首

起道光己丑至丙午

第二卷

古今體詩二百五十九首

起道光丁未至同治乙丑

增補遺十四首

國松既校刻徐毅甫先生文成復取其敦良吉齋詩存二卷重刻之詩存為先生所自定彙同治五年果敏公英翰刻於潁州十年再刊於皖光緒十二年其嗣君源伯復台文存四卷鈔版於家至是凡四刻矣

敦良吉齋詩目錄

一

集虛草堂

往仁和譚仲修大令宰吾邑時最錄先生詩暨戴子瑞學博家麟王謙齋典簿尙辰所作為合肥三家詩鈔嘗鼎一臠固未足屢來者意也國松嘗竊疑吾縣自國初龔端毅李文定父子皆以詩名天下鄉里後進必多漸染成就於風雅之塗者徵之故家殆罕傳集獨先生崛起道咸之季與戴王二老狎主壇坫聲譽流聞論者謂先生詩與文兼勝而詩尤極其詣力足以上繼龔李稱後勁焉豈前此無其人邪抑雖有之而文字零落世不知邪然則刊布遺編以永其傳是誠後起者之責也光緒三十一年秋八月癸卯

鄉後學李國松謹記

敦良吉齋詩目錄

二

集虛草堂

敦良吉齋詩存目錄終

敦良吉齋詩存卷一

合肥徐子苓西叔

出南門行

道光己丑

朝出郭南門朔風頓長轡道逢游俠兒露刃血相視郡
縣守簿書摘發但微細斲鑿雖云嚴三尺難遠志斷虺
須及早投鼠豈曰易栽桑勝栽棘棘刺使人畏桑樹結
子甜子甜鴟鴞醉作歌告司牧何以勤撫字

派河

騎驢下斷坂雨腳亞天際曖曖秋陽昏早月菰蒲細顛
蒙坐天譴蕩析骨肉瘁望雲淚頻滴顛倒失鞭轡躑躅

敦良吉齋詩一

一

集虛草堂

尋前途勞鞅此焉憩

春晚歸自西岡田舍

松梢一痕月迢遞遠山青灌莽出人語深溝聚亂星風
燈驛亭暗野草露華馨斗覺鐘聲動山門應未扃

戲題石佛寺壁

朝授牧兒書暮依石佛居長杉霽春雨晴翠落階除習
靜安元牝狂吟打木魚不曾愁寂寞來往有樵漁

白玉篇呈劉安邱先生

白玉匿奇采穴居崑山陽幸承哲工眇得登夫子堂拔
士自隗始旁觀為激昂洛陽方少年王粲姿不揚浮筠

疾追琢內美任行藏知音世所難誦古思頡頏

田氏園夜坐懷嘯公

庚寅

滅燭聽鴻過數聲霄漢閒鑪香釀花氣窗月浸盆山好
句斷中續奇文愛處刪欲尋道林語多恐掩柴關

寶劍歌贈郭仰林

噫吁嘻龍泉太阿本神物薛燭風胡坐超忽風雲際會
若相待二子風流今安在君家壁上白龍子秋水澄澄
吹不起刻玉範金裝作柄飾以寶珠光若鏡北斗七星
芒角正海內幾人足持贈希世之珍識者少市兒都說
鉛刀好勁鋼還防寸寸折白日青天見毫髮莫教浪飲
仇人血張華雷煥皆世儒專諸聶政非吾徒但願年豐
歲稔兵革無劍兮劍兮吾願與子蟠屈於泥塗

敦良吉齋詩一

二

集虛草堂

阿芙蓉行

藥有阿芙蓉流傳自海裔中土盛服吸貨者儼列肆熒
熒一星火毒燄燔天地是應名食妖開闢無此祟 國
家務通商漏出轉數倍舊市北地硝熟習中華字滄溟
積水闊關塞諳形勢羣飲峻周典游博嚴漢制有明絕
番香龜鏡在前世轆軒儻下采葑菲參末議

暑霽同嘯公晚憩北原有懷郭四仰林王大伯筠

斷雲天半著橫絕如崩厓朱霞翼太陽餘光鬱徘徊大

師發高詠逸興凌蓬萊時平盛文物空門亦多才有誰
知惠遠可以方鄒枚浩歌信所適穿林窮水涯歎與萬
象俱惜少二妙借林壑要主張後會毋當乖

余忠宣公祠下作

元綱蹶長駕羣盜紛如麻公也起苦廬誓眾開高牙儲
糧寘屯田卻敵懸飛車幽冀借聲援江淮資蔽遮譚經
虎帳下貔貅靜不譁孤拳支六周碧血埋一家鐵木起
沙漠殺運開中華薄祚無壽君晚政尤紛拏秦廷儘指
鹿晉帝惟聞蛙英賢際末流橫死殊堪嗟遺文輝萬古
理窟揚天葩慙無靈醕薦悲歌擊馬槌

敦良吉齋詩一

三

集虛草堂

惱蠅

拔劍逐不去緣灰死復蘇慣嘗中尉糞愛拂大參鬚積
矢終成兆奇珍翻見汗也能隨赤驥袞袞上雲衢

六安城樓呈安邱先生

負笈龍門峻馮欄雉堞開地連廬子國山峙漢皇臺獨
客驚秋早長風挾雨來蒼茫望潛霍高處一徘徊

贈伯筠 辛卯

白石生來潔白雲無古今須知車笠誓不入向禽心五
嶽從君老雙聲伴我吟今宵花樹下濁酒莫辭斟

啄木

萬物各有靈蠢深傷木心翮飛殊不惡叵測總成擒斑
裼懸長喙紅裳映禿襟鳳凰雖大聖應亦愛微禽

棗樹

道旁老棗樹秋熟子離離角銳心全赤肌多味比飴山
中千戶奉海上百年期勁質無斜理爲輪用最宜

包公墩謁孝肅遺像遂尋馬忠肅祠堂故址

賢俊關天地修舉賴有司孰謂古人遠典型方在茲慶
歷多君子一德開良時屈軼當堯階百工懍素絲直異
汲家懋政有公孫慈稜稜秋岳骨藹藹春雲姿薦紳說
閻羅險怪殊堪嗤豈有曾閔徒而爲酷吏師幽幽菱芰

敦良吉齋詩一

四

集虛草堂

香亭亭新荷枝中流叩漁榔高詠郡齋詩我欲薦溪毛
坐惜丹腹鼓披榛歷崇岡顧瞻馬家祠低徊問古老夷
削無人知少保鬱經濟父子皆魁奇草萊識公輔談笑
清邊陲淮甸阻大江旁薄英靈滋死者不可作怛然念
烝黎

獅子井尋閻處士

茅蓋枕積土繚之黃泥牆荒城環其西孤驛臨其陽上
有礮礪木白雲橫青蒼下有幽人廬緡經坐繩牀幽人
長苦饑井水清琅琅斷肘石狻猊卻據督井旁周遑阻
良覲迂回陟陰岡朦朧西曠日槿籬斂殘光有馬帶官

印悲吟飲寒塘駿足苦羈絆毛焦神自昂志士蟠泥塗
身素名亦藏從來瓌逸姿多在冥冥鄉

石榴樹歌

我家庭前石榴樹怪如老梅顛於松兩榦一死一猶活
粗皮剝蝕根生蟲孤柯飄搖恣西域異味醞釀傳南中
柴門幽阻免薪伐赤心不媚蜂蝶慵驕陽苦雨煉成寶
絕無酸態羞天公君不見春蘭遭焚桂蒙蠹榴兮結子
青如故

惠政橋行爲王伯筠作

惠政橋頭石齒齒惠政橋邊一窪水道光辛卯孟夏交

敦良吉齋詩一

五

集虛草堂

陰雨騎月鬼晝號橋頭水斗千尺高霜寒木落秋潦降
斷隄殘月光搖搖城東王生載斗酒醉踏長橋問秋柳
叻叻撼撼復唧唧旋風撲人毛髮立快哉王生身手健
背負一物躍如電兩岸昏黑不見面索火燭之沃以水
白髮老嫗忽生矣作糜舖之贖以米布衣之力止於此
噫吁嘻布衣之力止於此作歌之人徐叔子

三鰈草廬歌贈蔡守愚

荒城一角紅葉枯天王寺裏響木魚青溝水疾流嗚嗚
落日正照三鰈廬老鰈詩筆秋天鷹兩季灑落以酒名
酒酣邀我爲作三鰈行君不見守宮之狗耕田牛雲中

鳳凰桑中鳩龍蛇虎豹以匹儔頸交尾接中情柔相親
相愛相綢繆一日不見鳴相求君不見妬壘護疆羣野
雞一雄驅使八九雌保蟲之長有定配合佩同絲原古
制君年五十頭總白手抱枯桐但沈醉夏無帷帳冬無
被弟兄縱橫草中睡時平詞賦不值錢蓬中槁死誰人
憐爲君三歎書問天

謝王太學惠書帶草

壬辰

有草青連蜷形狀儼如帶通中白理直長者數尺大故
人持惠我珍重比金薤此非場圃物植之茅齋外叢聚
延秋陰搖曳散春靄實異邵侯瓜名齊諸葛菜漢氏學
近古鄭公儒者最嘉翫自昔賢誰能不相愛青衿嬉城
闕澤宮典型壞傷心尊經閣灌莽雜蒿艾因君貽芳草
覽物一悲慨

贈地師蔡恬安

司空辨國邑兆域有常制執度相原隰水泉分向背雖
嚴請墓文實具前民志井田綴廬舍豪奪亦無地土膚
氣上升三代重廟祭青烏仙者流相冢創凡例乃以枯
髑體種出子孫利望氣識連繖決脈知斷臂流染雜譌
種靈或假卜筮蔡子仙之徒方臚抉膜翳日瞰萬鬼穴
夜算九州勢乾坤分兩戒邱隴若鱗次纍纍古道旁大

敦良吉齋詩一

六

集虛草堂

篆青石賦一過再過閒翁仲草閒睡珠襦帝子陵阜衣
鐘鼎系祖龍涸重淵傳祚僅二世茫茫大瀛海與宇天
所祕宇宙三不朽聖賢每絕嗣裸葬達士懷裏革吾曹
志一事還笑君幾兩屐徒費

哭阿健五首

我歸爾在牀面垢蝨滿頭勸爾進勺水舌橋雙淚流辛
勤肄瓦卦荒唐陳秦箝巫咸不下招盧醫亦倦投驅車
舍爾去去去懷百憂昨者復來歸問言爾已瘳漸漸扶
牀起老米蒸浮浮咄咄旦夕閒人鬼長悠悠啟行待明
發瘞爾南山邱

敦良吉齋詩一

七

集虛草堂

爾父病久廢脚孿腰反榮竭者聞爾死氣塞雙目瞠孟
夏苦淫潦檐溜無時停屋漏四壁穿一縷燈光青塊然
窮獨叟白髮垂鬚鬢有氣僅絲絲憶爾猶啾啾啾亦
何極眼枯血淚零魂兮爾有知涕泗應縱橫
爾有同懷姊莞莞隔遐方爾弟拙生計行役靡獲康爾
病果伊何習苦筋力傷風雪犯爾膚愁毒煎爾腸如樹
根已撥暫榮必速僵悠悠夜臺路行者不裹糧游戲隨
青烟飄搖覽大荒亦無冰雪寒那用衣與裳生兮悲無
極死兮樂未央
寫兮爾何仇蟻兮爾何親豈無白石棺肌骨終灰塵編

蘆薦爾尸寫位安爾魂麥飯堆滿孟苜蓿垂闌干奠爾
一觴酒爲爾歌路難死者長已矣生者摧肺肝

我生髮未燥爾長負戴之既長就傅學黽勉供瓜梨飄
風蕩覆巢孤雛無安棲傍徨走四野獨爾長追隨朝餐
斧堅冰夕臥棖破扉低頭執百役踉蹌無後時勸我早
力學毋爲悲流離流離尙依然爾行永不歸投筆呼蒼
蒼淚下如連絲

西原歎

琉璃八角銀作臺隱囊臥褥相對開海外靈膏老鴉翅
象牙小合蘭麝味錦衣兒郎貴家子愛逐秦宮同臥起
東輪西魄出復藏短檠巧奪日月光擣蒲弦索未遽央
君不見街頭昨日拆大屋高棟長甍一齊鬻金釵賣盡
奴婢去小妻怒傍人家哭草頭富貴能幾何西原風疾
青燐多

敦良吉齋詩一

八

集虛草堂

官媒婆詞

夜叉弄狡獪幻作美人妝野狐銜媚珠欵唾春風香灼
灼官媒婆羅衫繡襖襠媒婆年幾何卻老有秘方媒婆
家何許曲巷雙垂楊媒婆夜召客咄嗟華筵張白馬珊
瑚鞭翩翩游冶郎寄語緹縈女毋爲來公堂

飯樹謠

癸巳

大婦作人婢大男作人僕提攜二齡孫日仰粥厥粥粥
冷冷於冰粥稀不見粟官吏揚鞭箠威嚴那敢觸不如
道旁樹盡飽無拘束朝飯樹皮枯暮飯樹頂禿使君儻
垂照流恩及草木

饑婦詞

稊稊嬉春風雌雄相對飛啄蟲不自食哺子桑樹枝桑
枝青婀娜黃口日以肥同生堯舜世我獨非烝黎輿夫
夜在門月瘦燈光低嬌兒故愁跳索乳懷中啼亦知就
乖張且復相抱持抱持聲暗吞去去天一涯淫水屢降
割誰道皇穹慈母在兒共死母去耶不饑牀頭絮敗襠

敦良吉齋詩一

九

集虛草堂

架有青臂衣眠食順耶意冷暖毋嬌嬉地下卽黃泉見
汝當有期毋爲苦相憶掩泣從此辭

郭仰林壁上潯陽圖歌

朝卻襄陽使暮贖魏徵宅三台星隕天柱折宮臣言事
職匪越元和聖主容諫鍼九重愛讀秦中吟井水特地
波瀾生一朝貶向江州行是圖畫手不草草楓葉蘆花
筆俱老潯陽賈婦白髮新四絃亦自名千春鸞臺鳳閣
爾何人狺狺赤舌天所聞

醉歌三首贈子固

銅龍瀉酒如天漿玉壺錦瑟歌揚揚繞牀大叫催行炙

黃鸝對語春風香金谷樓臺付塵土元家胡椒竟何補
鯤鵬蚯蚓各有適白璧明珠遑論直臣也真堪飲一石
在天願爲細縕使在地願爲諫議官丈夫安能學狐媚
一言旣合披心肝大開閭闔驅虎豹糞壤爬剔登椒蘭
詠歌熙熙三代上四海老壽無饑寒酒闌頓足拂衣舞
零落棲遲淚如雨獸能觸邪草指佞我獨何爲守環堵
連日南風刮人屋滂沱一雨窪膝足緇泥盤盤沒我肝
農夫笑歌行子歎甘羅一攬轡唾欬生長風馮衍晚放
歸尋常一老翁鳳凰饑不啄腐鼠野蛟有角居然龍北
斗酌元氣兩丸跳盪西復東五嶽四海蟠其中劉伶已
死吾焉從

敦良吉齋詩一

十

集虛草堂

白鶴觀謁老子像

宇宙日多故達者珍其生遂使山澤閒別有神仙名古
觀薄層霄鐘磬朝百靈雲荒鶴亦去曉日松杉青真人
踞高座玉色方臚晶犀簪綰素髮參牛橫天庭依然隱
君子足見古性情由來昏濁朝志士甘沈冥官繫周柱
史書約蒙莊經矯掌望螭駕獻喻思飛騰婚嫁苦難畢
衣食紛多營小蛾甘促景神龜絛修齡行當謝塵事試
鍊區中形

黃山歌送張蘇門還瀟須

蘇門先生黃山來解裝示我黃山圖云將別我還舊廬
我聞黃山奇峰三十六下流匯長江舉足便可凌天目
中有神湯勝紅玉浮邱仙去丹竈空今之游者蘇門翁
先生嗜山入骨髓將身寫著懸崖裏袖把白鵝頂上雲
笑指朝霞寺前水準向江頭別妻子五嶽之游浩方始
黃山歌送君去風帆料峭江天樹他日相逢定何處

燈花二首

風輪運大塊散作花萬種蕭然老木繁繁葩忽紛駭烈
燄燒愈開閃爍珠躍蚌是孰使之然有物默相總龍從
火中出此語非鑿空

敦良吉齋詩一

十一 集虛草堂

斗間有七曜南北判生殺生殺無停機元精禪不歇大
千一火傳金石有時裂太陽疲久照烏兔互出沒渾沌
無象中中有不死訣

贈高謝塵

洙泗三千徒閔氏以孝聞悠悠百代下夫子今其人大
文鬱逾耀精鋼鍊彌純履霜切遐慕滌滌先羣昆常嚴
一介義闇行不辱身用子作黼黻百寮肅垂紳坐子端
委旁可使風俗醕義軒執一術周典崇三升吉士藹王
朝鳳凰鳴朝瞰鳳鳴萬物樂吉士宜兆民邱園曠蒲帛
潛德氣不伸富貴亦多塗憐子長賤貧贈言溯高軌茹

歎頻酸辛

志夢二首

饑魂躡愁雲飛墮泰山頂仙人垂素手流眸電光炯獵
獵罡風鳴笑言雜悲哽
天雞海上啼游子夢中哭袖閒一札書三閱原上綠黃
鵠期不來封淚貯魚腹

獨酌簡郭處士

質衣市斗酒爲此庭樹芳頽然就花下獨酌邀流光句
芒煽大爐雷雨爭騰驤軒軒桃李顏朱萼郁相當綴華
復結實流輝媚朝陽而我何爲者俯首甘秕糠愛子青

敦良吉齋詩一

十二 集虛草堂

兕姿勁氣森干將拳曲書案側怒馬初縛韁垂涎意鄰
釀誰與一瓢嘗玉瓶潑新醅黃鳥鳴我旁停杯重相憶
繞樹歌清商

中秋後十日夜書嘯和尙水災詩後

貂衣肉食何爲者荒山老僧淚盈把手持一編要我讀
白日銜山繼以燭檐花熒熒燭花綠前篇水災詩後篇
水災詩中篇棄婦鬻兒詞雲愁雷歎天爲悲僧也學佛
斷頭髮禿頂童童盡成雪錦囊一串鮫人珠胸中磊塊
眼中血桑門事鬼言多誣僧也獨與羣髡殊殺青試寫
千萬本持問中朝賢士夫

鎮淮樓送黃茂才之廣東

黃生眼大空九州棄家將爲海上游霜威皚皚慘欲雪
隆冬風烈無時休蒯緱一劍鏞全濕蒙茸羶笠羊皮裘
麗譙星稀曉角動客心浩蕩難爲留五羊山川控百粵
海濱巨浪顛蛟蚪任郎摧息甘遁國梁竦悒鬱思封侯
沉君慷慨負磊抱闊步趨捷猿獠伴此行曠觀得奇壯
定窮句漏登羅浮尉佗墓荒寶氣盡葛洪丹訣猶堪求
桑弧蓬矢男子事炎風瘴雨慈幃憂行行馬頭白雲暗
君儻回首應淚流

風雷引

敦艮吉齋詩一

十三

集虛草堂

道光癸巳月仲冬亭午大雲來天東須臾一氣四海黑
飛火燄疾金蛇紅揚沙拔木箕伯怒瓦檐唧唧啼癡龍
雄雷狂奔雌雷嘯雷部萬鬼爭驅風一聲霹靂眾雷啞
凍雨墜砌鳴琤琤白藏已過羣動悶戰乾息坎收元功
六子分職帝所命竊發毋乃驚愚蒙酒徒不熟五行志
鑪灰坐撥心鬱忡作歌紀之獻太史老蟾倚樹光朦朧
元夕郭四宅會飲卽席奉酬兼示秋伯兄弟 甲午
生不願封萬戶侯但願一識韓荆州我嘗誦此輒神王
對面茫茫竟誰向郭夫子磊落人終日酩酊銜金尊封
羊魚牛作元夕小槽酒泛春江碧座中蔡家兩兄弟文

采風流冠當世人生得一知己可無恨何況數子皆奇
儁主人長歌客請和病心禁酒惟耽臥醉裏歡呼醒更
悲太白高高月將墮

伏羲山謁三皇遺像

人事幾開闢茲山猶鴻濛不知渾敦日何自於靈蹤重
關土戴石幽澗松鳴風牛蛇固荒怪約略天人容曠思
天地始永懷肇造功草衣蝕鬼雨泥肘穿山蟲齋房一
道人手語知耳聾寂歷丹竈頽草花開茸茸噩夢兆漢
皇異教尊大雄堆金構廬舍土木人心窮浩歌下山去
去去隨飄蓬

敦艮吉齋詩一

十四

集虛草堂

閻生行

鄭虔三絕世所稱今之妙手數閻生右軍肥瘦本失真
生也下筆多師承有時忍俊禁不得風流貌得簪花格
數椽屋在窮巷裏夜寒抱犬饑吞紙金微玉軫朱絲琴
閉門自彈復自吟短檐風雨愁春陰蟹行魚歎無知音
塵埃千鈞久乃見今人唾笑後人羨憂樂莫隨凍餓變
得閒還來共筆硯

留晉江墨龍歌贈東山道人

晉江畫龍不求似怪墨潑走雲雷風雙晴睽睽電光繞
鱗爪出沒虛無中道人百錢買得此高挂素壁銀濤空

歲方大旱要霖雨神物不合潛蒿蓬時來便爾破壁去
慎勿持之示葉公

養魚

養魚勤注水水滿健魚神漫道盆盎小能藏天地春踏
空迎月上覓食唼花頻但得濠梁意何須下釣綸

種菊

種菊一百本隨他爛漫生狂花不收拾野意自縱橫駐
得千春壽洗教雙眼明膽瓶安小朵弄影有餘清

苔

幽棲由命定秋意不嫌深卑任牛羊躡高緣松柏陰荒

敦良吉齋詩一

十五 集虛草堂

淫分雨澤轉折逗冬心尙冀陽和德迴光鑒陸沈

懷仰林

仗劍忽然去崢嶸歲載陰羸衣非避地殺馬竟何心金
盡交都歇雪多山更深高堂念游子知否淚沾襟

索逋詞

門外何誼厖索逋聲如雷入門疾風霆拉雜瓶甕摧婦
歎不絕響急典頭上釵老婢更癡絕走匿呼不來時夜
漏三下明星爛如銀亟亟整巾帶欲前足逡巡故人堂
上坐餘氣猶怒瞋再拜重引咎賤子請具陳賤子拙自
營牛馬走埃塵瓶中無儲粟竈下無宿薪黃金不在手

低顏向何人食藜敢言苦食薑敢言辛甚知故人厚甚

媿賤子貧故人聞我言仰屋長吁嗟東鄰白哲郎交游

多聲華一舉擢高第前榮誼鳴笳指日得顯宦豔若錦

上花西鄰大賈兒伶俐千人誇得勢鼠變虎失勢龍爲

蛇爾何甘碌碌縮頸如老鴉拱立道唯唯故人言之良

故人且勿瞋賤子據肝腸請今卽發憤勦力爲文章二

十通朝籍出守司嚴疆三十躋卿相四十還故鄉故鄉

日優游結屋東山幽不知賢故人還來索逋不仰天笑

不絕卿言何太癡居官勝居賈金珠恣取攜一錢不持

歸作官持底爲卿言殊太癡卿言更荒唐二十通朝籍

敦良吉齋詩一

十六 集虛草堂

出守司嚴疆三十躋卿相四十還故鄉古來有幾人卿

何不自量卿頭自嶽嶽偃僂聳兩眉龐眉大牙齒鼻亢

頰骨拳踳踳肉詹諸那解飛青天鄙人雖不文竊聞長

者言文章與時務同條其貫然青紅赤白黑骨癡皮要

妍依樣畫葫蘆孟圓水亦圓聞卿好吟哦孟浪揮大篇

拗眼昆侖外張吻盤古先頭倒弄光怪自詫元又元事

事迂人意翻道師前賢烏有頭白日馬有生角年世間

如卿輩死去溝壑填故人言未已鬢眉一齊張拂衣徑

起去來者忽登堂聊爲索逋詞倚戶歌琅琅

渡江望石頭城

星稀殘月墮雲木澹相亞晴蘆雙雁鳴遙天一颿卸石
頭瞰大江奮掉欲騰跨青山閱人代中原幾王霸觀方
南瀆始試及秋律乍橐中屐久蠟料理探幽駕

蟋蟀行

闌中聞蟋蟀聲悲其意作歌

郎當號舍低打頭黃油簾子燈幽幽東舍呶唔西舍睡
坐聽蟲聲不能寐是蟲雖小軀榦強能與烈士同肝腸
市上王孫爭豢養一擲千金如反掌鎖院牆高人跡少
斷瓦橫斜掩衰草索莫何來國士知陸沈空使英雄老
一粒粟一滴水受人之恩爲人死蟲兮蟲兮有如此

敦良吉齋詩一

十七

集虛草堂

江上同吳丈夜話

天漢斜明七曜彎夜寒虎豹守重關騰蛇噓霧疑成雨
病鶴禁風念故山遙望蓬壺隔瀛海並無管樂在人閒
華陽仙去丹厓迴明日從翁試其攀

朱石弔李翰林二首

李唐政淫亂牝雞生禍胎夫子歌古風託響何其哀天
子重文章視作詞賦才跌宕萬乘前矯首思蓬萊惟有
糟邱人可以知所懷

魯連不可作繼者羊裘翁投竿釣大澤高步天地中夫
子曠代姿磊磊萬夫雄明珠落風沙白首猶羈窮精靈

儻不死應念匡山峰

天門山

鬼斧劈中斷屣屨相對開山川工設險游覽亦須才浪
擊烏江過雲連建業來沆寥津鼓歇估唱使人哀

巢湖舟中聽客談金庭之勝詩以記之

過江連日逢順風歸帆飛落巢湖中巢湖淼淼秋水闊
兩岸銀濤漾秋月孤蓬夜泊風冷冷擁衾聽客談金庭
金庭山中多黃精仙人服之毛羽生石洞門封萬古綠
泉甘遠勝康王谷星壇陰森聚精怪雪白神芝比鴉大
王喬洪厓去不返會稽道人來獨晚鳧饑鶴羸幾千年

敦良吉齋詩一

十八

集虛草堂

紫薇碑紀咸康前空山長松多結實山下人家好春色
客譚未竟鄰雞鳴微茫湖水搖空青推蓬一笑白鷗起
萬丈明霞掠船尾

蔡徵士園林

城西僻稱徵君宅雲鳥無心日日來列岫嵐浮松影亂
一池香細藕花開茫茫軒冕看流水落落羊求共酒杯
爲說乾嘉全盛日黃金親見市龍媒

病起同仰林登鎮淮樓

風塵多病強登臨斜日陰陰落木深極目江淮仍浩蕩
異時吳楚總銷沈百身難了古今事九死誰知天地心

賴汝狂歌破愁絕笛聲響裂水龍吟

悲秋一首酬嘯公

悲哉秋氣最無聊閭闔風來萬里遙自古聖賢同寂寞
即看草木也飄搖沈憂抑抑隨淫潦長夜昏昏信斗杓
讀罷九歌更九辨迷魂滿地若爲招

雜詩四首 乙未

百川仰大海砥柱爭中流孤鶴鳴空山鳳凰以爲儔造
化挺靈秀旁薄無不周寒暑相代征二氣同悠悠泰岱
極其高武夷極其幽英雄與聖賢所爭各千秋

我生果何爲長此勞勞者屏營顧親交臨訣不忍舍東

敦良吉齋詩一

十九 集虛草堂

家老翁歿西家新婦寡雖非相識人聞之淚盈把拔劍
出門去悲風動蒼野禍患集如蝟日月去如馬憂來無
奈何晤言愁獨寫

釀酒須挫糟種豆翻成萁同牀不同夢巧匠無成規五
岳誰鼓鑄兩曜誰設施好鳥不同聲好花不同姿至道
在溲溺羣言多糠粃古人悵已矣輪扁眞吾師

夏蟲競熱響寒蟿警衰英肖翹感時運得氣爭先鳴蠕
蠕箔上蠶寸心萬縷縈功成不言勞塊然齊死生

五高士詠

嚴光

黃虞日以降三公無其人兩漢用秦法尊君而卑臣富
陽一釣竿自奉巖穴身高風灑八極百代有餘芬豹文
潛自澤龍性饑難馴不見閔仲叔投劾走逡逡

梁鴻

伯鸞狷介人志與義農期出關觀皇風乃遂歌五噫西
狩絕筆久齊魯事亦非九州競作譏異國安足依寫心
有良友偕遊有賢妻廡下一編書不冀千秋知

徐穉

往讀伐檀詩掩卷輒惆悵嗚呼盛王沒志士跡彌抗人
事有替興吳天垂厥象大廈方就傾一繩安足仗豫章

敦良吉齋詩一

二十 集虛草堂

山水幽斯人抱孤尙寂寞耕稼身名繫斗南上

申屠蟠

赤手拏虎鬚橫死百無濟我冠佩眾香盛名翻爲累達
人炳先幾晚節尤不易英英申屠生早蔚青雲器周身
蛛善隱斷尾雞能避中郎信逸才囊頭獄中繫

管甯

大亂人心愚金中方羣游皇穹未厭禍草竊無時休公
孫不可依華歆豈足儔去來戎馬閒飄若海上鷗乾坤
一木榻高並首陽邱首陽邈難攀滄海無安流

羅漢寺銀杏樹歌贈嘯長老

羅漢寺裏兩株銀杏樹虎踞龍拏屹相顧一株俯垂一
株仰真宰淋漓氣高爽古來材大多捐棄梵宇琳宮任
幽闕魄疊癭懸鬼母臉槎枒榦斷羅刹臂禪房清閒絕
倚傍林泉福大眾材讓老僧比樹更奇古拄杖方袍覓
句苦偶然得句喜欲狂招邀樹底同追涼棲禽爭巢暗
撲菽時有墜果敲茶鐺卓午銀蟾下天井正照維摩雪
白頂夜闌相對起悲歌河漢西流眾星耿

秦淮水榭卽事

鈿閣新秋爽晴波拂露華履迴纖瓣小喉轉撥弦斜白
玉桓伊笛青油衛玠車野人愛杯酒默坐看飛霞

敦艮吉齋詩一

二十一

集虛草堂

謝公墩

千載兩安石墩終屬謝公桓溫無遠略北府亦英雄絲
竹風流甚功名笑傲中淒涼白雞夢貝錦恨何窮

九月十五日夜同嘯長老茶話

寒夜覓君語孤吟句未成故人知我至童子遠相迎樹
密月無影霜高雞亂鳴塞翁愁得馬況乃是浮名

泗州官廨守歲酬陳八寅甫韓大俊民

官舍山中寺官真定裏僧屠蘇聚尊酒風雪鍊孤燈白
鹿知春駕青牛卜歲登分題破岑寂呵微硯池冰

釋迦寺夜歸

丙申

寺樓耽夜靜坐雨忘歸遲偶過前溪上儵然自詠詩野
桃窺淺水高柳映茅茨山月勞相送娟娟欲墮時

泗州呈劉安邱先生

民生稟五常耕桑性情厚自從刀鋸張俗弊習彌醜淮
平濱湖居荒城大如斗屢遭巨浸凶雞狗亦希有先生
惻樸人循聲徧童叟我昨經訟庭略識風化首吏舍春
草青書聲出高柳阜隸習敬恭植立儼木偶因知學道
心不落昔賢後爲政有大綱王道始隴畝姑息菩提心
險切霹靂手補苴但眼前何從致仁壽賤子辱收羅春
風坐來久感激發狂言期公以不朽

敦艮吉齋詩一

二十二

集虛草堂

廢寺

廢寺無人過幢頽亂草交僧廚腥虎氣佛頂穩鳩巢鐘
臥鏽全啞杉長枯到梢棲皇行客意迷路認花鈔

盱山試玻璃泉贈韓俊民

金鼇百尺勢崢嶸雲影泉光結伴行我似雲飛無定所
君如泉水在山清依人轉覺他鄉好懷古誰知逝者情
後之視今今視昔不妨高處共題名

沙湖早發

殘月乍辭樹鞭轡起曙鴉橋崩撐亂石溜淺渡征車遠
寺赤衙日長峰青褪霞山谿鳴瀾瀾流出澗中花

許烈婦詞呈安邱先生時先生再權廬州

北門楊烈女其夫籍鬻門東門王烈女其夫貢成均有
司旌其廬風義光八垠悲哉許烈婦奇冤誰爲伸邑有
賢宰父決事稱神君烈婦有長兄詣神君自陳暴屍烈
日中青蠅弔孤魂烈婦農家女嫁與耕田民夫死翁獨
處青天雄狐奔朝出把犁鉏莫歸牧雞豚朝莫視兩雛
淚溼手中巾青廬升中堂盛粧作新人神龍一掉尾出
沒風雷雲毅然偉丈夫就義或逡巡蹈死有遲速殺身
迺成仁刺史東海彥匹婦悲覆盆我吹鄒生律冀回幽
谷春

敦良吉齋詩一

二十三

集虛草堂

中秋後六日抵夏邱書院韓山人攜酒見過席閒
爲誦新詩喜而成醉

笑把黃金蕊聽君白雪詞幾回狂擊節不覺倒深厄水
市盤餐膩涼宵更柝遲異鄉渾忘卻粉壁可畱詩

新涼

新涼人意爽攤帙忘眠遲攫食鼠投地就燈蟲撲帷賞
幽成獨笑境往空悲坐覺流光換長歌欲寄誰

泗州贈許寅

洪澤波兇惡魚頭萬姓殃版圖隨地改水旱通天荒冷
月識隋柳村農賽憤王惟餘老翁子潦倒負薪忙

釋迦寺退寮同馨和尚看大外子作畫

盤礴一老叟虬髯雙白睛風雲足揮霍泉石最分明
頂鐘初落毫端劍有聲懸崖跌坐者可是頌無生

夜坐酬韓山人

風息空光定夜色在庭樹寒鐘將雁聲宛轉自來去山
人念清暉款款道中素新知豈不樂恒焉思親故

泗州得劉安邱手書云過廬州爲畱買米錢

落落數行字言畱買米錢窮甘山鬼笑狂得使君憐
擬塵生金欣知突有煙楊朱苦歧路何日拜旌前

泗州城上

敦良吉齋詩一

二十四

集虛草堂

返照亂山赤蒼茫看鳥飛荒村微火動野渡一僧歸
嘯倚長劍風塵慣短衣故園好秋色閒殺釣魚磯

小滄園同劉使君誦嘯長老詩率成四韻丁酉

怪道頭陀好使君亦見憐人原雲外鶴詩是湖中泉
陶令閒隨社韓公喜薦賢有才偏濩落白首伴金仙

題汪明經枯竹居冊子

澹墨寫枯竹亭開隋石邊四山白無盡一髮青相連
落葉沒行徑遙天不繫船臥遊如可假同證畫中禪

別鄧薌甫

清潁亭邊路桃花映酒墟東風吹柳絮一夜滿西湖
暫

繫青驄馬同傾白玉壺歸與囊已罄袖底有陰符

渭河舟次

春夢無次第已斷復還續櫓聲搖若人推蓬豁遠目羣
山放嫩晴天與水俱綠趁虛帆影多近鄉人語熟篙師
喜便風鄰榜歌相逐暝色從西來新水月可掬高吟興
未終青蘆鳥呼宿

五月六日抵浮槎山館

歸客落春後庭荒奧草披書牀畱鼠跡苔銜蛇皮汲
水村童捷移尊山鳥窺老農感離別醉起舞花枝

夜坐自遣

敦艮吉齋詩一

二五

集虛草堂

土室夜空闊一燈青向晨草深蟲弔月壁暗鼠窺人暫
脫輪蹄苦便與樵牧親未知高厚內何地著閒身

慈雲菴同郭處士晚眺

解帶涼風至看雲細雨迴僧寮容客坐藥圃送香來牛
背明殘照虹邊轉怒雷試緣東磻去桑下可銜杯

憶大外子四首

崖岸斲不破狂來世眼驚人疑甯封子或是李長庚巨
額連山聳方瞳夾電明醉披黑袴褶將鶴市中行
玉篆懸腰品胡盧五尺長談諧敵曼倩姿狀類文康天
外三青鳥山中一白羊自言有奇術可以佐軒皇

淮鎮開高宴花前向我歌淋漓濡醉墨瀟灑舞漁蓑疊
嶂排胸出飛流應手拈寫山寫泰華寫水寫黃河
聞說錢唐上潮從天際來連雲狀奔馬對月稱揮杯君
老竟行矣曠觀何壯哉歸來應有述枚叟直凡才

東山田家二首

首夏林塘幽新秧綠於綺長瓢引遠風鰕肥魚更美鄰
翁譚稗官酒闌頭髮指呶呶辨貞佞交鈎不能已請翁
聽我歌振古都如此前山雲未落後山雲又起但得杯
中趣萬事東流水

望望東山下方塘浴黃牛野花不知名紅徧東西溝村

敦艮吉齋詩一

二六

集虛草堂

婦學高髻摘花簪滿頭揮杯問田父此閒頗樂不田父
仰太息三歲兩不收連天打蠅子租吏頻徵求但願禾
稼登免作公家囚

贈相者丁山人

城北山人萬事懶日倚書堆睡到晚科頭赤腳衣蒙茸
兒童呼我爲泥龍曾詣圖南見白閣道我神仙作不得
江之裔海之滄風濤杳鷲蛟龍馴看余挈著漁竿去可
似丹山碧水人

北峽關弔黃將軍

北峽關頭霜似雪北峽關前石頭滑夜深停車倚枯樹

馮弔將軍殺賊處天下傾危注意將將軍暗鳴氣殊壯
君猜相墨鼎足折豎子奄兒弄旌節北平終嫌對簿恥
鐵槍不惜捐軀死我生何幸際平康重熙累洽幅員長
里門夜開枹鼓息鈴馱犯曉嬉村危桐山微茫皖公近
側身東祝海氛靖

皖中別汪果

羣峭霽殘雪林木森將曙踟躕對濁酒苦語不厭絮勢
交浩無常貴者故廉倨挾策干摩人安能怨歧路朱門
森畫戟列鼎倦投箸誰肯堆白壁一買驛驢顧小草不
耐霜祥金豈辭鑄勉旃副腰腹吾道在韋布

敦良吉齋詩一

二七

集虛草堂

將赴都門前一夕述懷

戊戌

獻策金門遠高堂色笑違苦無含菽養敢說貢身非鸞
鍛愁塵網騶鳴感暮暉衰親憫行役重補舊征衣

荒村

荒村猶古意笳鼓入年新墓久靈翁仲窰空安社神辛
盤爭召客采帖最宜春獨有天涯客蒼黃此問津

晚過舊縣

夕陽沈斷堠牢落萬峰愁吹角盤鵬疾鳴鞭怒馬道風
威連絕塞地氣近幽州倚醉問郵卒山南有虎不

魁星歌寄王鍊師

彼何人哉跣而跛繡帶朱禪兩臂裸頂壺腹彭肌骨青
筆擡不下手黃金山魑其狀魁其名血食天下罔不馨
我聞三十六天上有三十六大帝北斗蟠拏酌元氣魁
兮小臣司天梁鼈僂狗很紛相將天雞失其杵奎壁不
能光織女低頭弄七襄巴虹糾結烏不翔誰挽雲漢分
天章道人持畫請我歌人生由命匪由他土苴木偶訛
傳訛魁兮魁兮何其多

駱駝行贈王子原大令

長安二月風怒號長安街上駱駝高磊磊巍巍意殊暇
長驅闊步天衢下前者卻立後者跪多少行人道旁避

敦良吉齋詩一

二八

集虛草堂

況是相逢狹路閒縱有騏驥安能前君獨何爲悲連遭
葡萄酒泛春波綠趙女燕姬色如玉男兒行樂須及時
閣道之謠殊刺促

將出甌門題壁

曉柝甌門啟燭花紅欲翻百年承養士五策亦空言余
本山林客偶隨髦俊奔釣竿浪拋卻心事向誰論

贈喜兒

的的口脂鮮春藏畫燭邊臉潮通酒漫眉月照人偏袖
闊嬌鳴劍簾鉤誤墜鈿玉釵斜插處花餅穩金蟬

自徐州經小桃林路渴無水輞饑殊甚村嫗以泥

漿見餽喜而有作

呱呱四山秃滄涼日一丸石搏村舍小沙壓野田乾瘠
地居民古荒年水火難幸叨杯酌惠那敢望盤餐

臨淮阻雨

淹滯隨吾分湖鄉睡亦宜支牀鄰馬廄市藥問牛醫豈
怨梁園逐空懸勾漏期風雲殊草草何處是安枝

長夏雜興四首

觸熱性難耐林居手脚便糧虛思石髓雨過算荷錢寂
寂蛛捎蝶恹恹雀捕蟬白雲知我意鎮日伴幽眠
大暑亦何酷居然酷吏嚴蜩鳴殊聒耳蠅集只趨炎在

敦艮吉齋詩一

三九 集虛草堂

竹願為扇甘瓜莫變甜涼颺如有意望澤徧窮檐
鬱烟蒸夕照園小月來遲忙笑嵇生鍛涼思鄭老危螢
光酣露葉鵲意警風枝試驗鞋賓律成虧理可知
河朔炎蒸早還轅欣在今藝蕉深貯月循澗儼搗琴醉
逐王戎舞閒酬粲可吟温風沙磧暗猶有未歸禽

西山驛

驢倦戀秋草山橋蟬亂吟雞蹲桑樹矮犬吠稻花深湖
氣白成雨炊烟青出林客愁渾不覺日落眾峰陰

焚香

瓦鼎樸逾古雜香幽可焚風高馮作篆山小為添雲自

適靜者性不煩君輩聞兒郎買雞舌辛苦媚紅裙

送嘯公之治父

大師淮上來杖錫探奇秘方瞳孕秋碧手定袈裟地壯
懷不收拾望古迸幽涕我才媿夷吾低顏就窮躡不意
老叔牙得之自方外師本儒家子讀書洞四櫃緇流勤
論述可以風有位炎風吹火雲柴車歛將逝閒雲信所
之孤芳薈彌頓鬱律青厓顛一椽試相遲

檢故紙得左忠毅詩數首泫然有述

野狐弄斗柄殺運盡冠裳北寺刀鉗毒東林柳鎖香殘
編珍錦表浩氣壯桐鄉孟博遺言在頻教來者傷

敦艮吉齋詩一

三十 集虛草堂

漕川薛氏樓夜坐二首

時泗州許生書來
要為睢陵之行

高齋徹夜色屋角星可數蟲聲排戶來淒清其誰語征
鴻飛且鳴似說雲路苦故園秋海棠別來纔幾許零落
塵土中誰人憐惜汝

久客脫風沙頗樂青燈味河漢澹不收几案生秋氣大
江噫餘怒虛濤落檐際春色無端來燈頭一花賦俯仰
惜徂年拂衣余將逝

畫松歌送吳引之還巢湖

江北久無畫松手作者昔數留晉江盛名早時動海外
晚年流落偏佯狂日抱長松換米喫枯根敗鬣愁荒唐

餘技兼能寫風雨到今尺素垂琳瑯昨見宋家兩株樹
張在蘆簾最深處一樹拔地生狡狴一樹盤攫蛟龍垂
波濤颯沓涼風颯使我坐久看移時晉江畫松得松骨
此筆韻遠將過之廬陽城中一尺雪昨夜吳生幾凍殺
扁舟襍被意態雄歸帆笑指巢湖東便好相從理釣蓬
四頂山前楓葉紅

餉軍瓶梅花歌懷韓山人

上銳下削長徑尺腹大耳斂色微黑多年老審火氣退
畜水猶能助花力此瓶得自韓山人山人贈我長淮濱
雖亡姬勿三戶盡劫灰屢換瓶獨存薦之檀牀素馮几

敦艮言齋詩一

三十一

集虛草堂

伴以玉滴瘦木尊狂花膩葉入采擷案頭畱得吾家春
敝帚自貴金自賤此瓶費殺豪家羨一從我自徐州歸
數年不見山人面王家園裏好梅花拘來不問橫與斜
空梁沈沈月漸落每聞翠羽長咨嗟重簾昨被風吹透
凍裏一枝開更秀金鴨香温更漏稀草堂門掩燈如豆
翫遺芳軒曉起卽事

穉子折花至枝長花更馨小鬟汲金井引水注銅瓶殘
月白辭樹修篁青滿櫺道書行可把不羨子雲亭

冬晚同子固飲酒

歲宴人事艱百貨日翔貴今宵一斗春君向誰家買城

中十日雪流民凍俱斃卽此觴豆微了卻數口費粵南
早瘡痍江東又烽燧假君席前箸請君畫大計勿謂肉
食鄙建豎本不易油燈凍虛壁朔風吼平地已矣復何
言浩歌徑成醉

嘯公自治父來旋去賦贈三首

故人山中來不知人閒事江南疊歲水狼煙照海裔鬱
鬱牛斗閒君應識奇氣

故人山中來盛言山中好山中有奇葩其名人不曉田
家采作薪奄忽隨百草

故人山中來又向山中去雞鳴向我別僕夫戒長路慙

敦艮言齋詩一

三十二

集虛草堂

無裘褐餓前塗慎霜露

寄許寅獄中

河勢南來盛淮流日夜奔草茅排眾議園土靖狂言穴
壁螻蛄死囊頭狴犴尊慙承賦窮鳥無力拯燎原

懷高隱居姥山

高生性谿刻清苦似桃椎逕自將妻去常聞數米炊觀
巖忘反駕徂歲繫相思便弄焦門棹拏舟一問之

贈胖行者

和尚自海外來與予相遇於興國山門爲談五
岳之勝了了可聽問其名笑而不答詩以志之

西竺繙經後中原象教尊遂令魁岸士多半託空門鉢
呪滄江曉槎浮大海渾乾坤莽無極孤鶴自飛鶩

早春 己亥

早春殘雪在春意靜中知鳥路紅將闕魚牀綠漸滋攤
書欣日煖枕石愛雲遲吟罷攀庭樹因之感別離

示莊子偉二首

賈生方少年痛哭天下事子由上書時比汝長兩歲延
平倡正學年纔二十四觥觥鸞鳳雛飲啄有奇氣龍子
生魚中不入羣魚隊鉛槧與鐘彝人生各有志

我窮早奔忙革囊攜一匕所至喜借書既夜讀數紙鞍

敦良吉齋詩一

三十三 集虛草堂

馬舟車閒未竟輒中止礪砢桐翼雲潑刺魚躍水朝旭
射采恩照汝讀書几勞鞅夫何爲峭帆歸去矣

釋迦寺

七雄裂恆產俎豆亦虛器金仙入中國儒術日凋做荒
涼淮平城浮蹤已三至昔時破僧廚今作布金地淫水
蕩城邑環堵萬家碎嗚乎大法王何不伸一臂層臺翠
題竦疊閣慈燈闕燦燦青蓮花曼衍天龍戲露山豈湧
出珠蓋不虛被未滿三峰願已罄十室費珠眉珊瑚舌
端拱儼列帝聽法羣神朝立仗百怪衛老僧雪白頂跌
坐長松翳一笑問世尊西來了何事

泗州喜晤曹大蜀漁莊四篤生

風騷久積激正聲墮幽渺孤蒙閔廢墜不揣思遠紹悠
悠千載事箴石仗朋好嘯歌天地閒聚散每草草文章
如五穀至味俾人飽窮居心力窄流離日月老揮手渺
煙波報章遲三鳥

濤雪軒聽雨示韓山人

篆影差池夜漏遲碧磁小椀試槍旗寂寥檐溜空庭落
恰似秋江轉舵時

黃泥坂午憩

孤樹亂雲擁柴扉逐澗斜鍊丸蛻轉糞掠食蝶窺花牧

敦良吉齋詩一

三十四 集虛草堂

豎排棊局村翁弄紡車山家風味古槐葉當新茶

丹厓子畫蘭

古墨荒愁妙入神全從爛漫見天真批風抹月無拘束
似汝蓬頭赤腳人

謝吳引之贈山水障子

新粉西偏雪色壁能養燈光通月夕護惜常防惡手疥
曠喝不許兒童刺巢湖墨精吳引之贈我山水多清奇
冰絃彈徹枕書臥嘹唳長雲雁度遲

贈尋道人

道人四明至眼似曉天星鏡斲青牛髓囊攜白馬經招

雲愁獨嘯醉月臥忘醒借問甬江上烽煙幾日停

贈厚兒

一代詩中霸君家曹子龍而翁振奇士說劍吐長鋒修學惟須早文章有大宗唐兒好頭角汝更翠眉濃

守歲作

長物雖無幾也隨人照虛謀生餘石米饌客仗園蔬爛醉椒花酒關心索債車重闌燈火淨補讀未完書

安慶送安邱先生觀察閩中

海門控吳楚山勢過江雄盛代多循吏憐才屬此公捍城猶舊治築館有高風不藉司元石碑鐫萬口中

敦艮苦齋詩一

三五 集虛草堂

王莊晚行示僕

庚子

久役識驢性泥深緩轡行爭先妨再蹶入險要持平水闊村俱沒燐高燄不明汝曹飽喫飯那識道塗情

南沙聞歌

兔走烏飛老不休河中之水向東流二分春色三分月若箇歡娛若箇愁

琵琶女子

鷓絃嗚咽泣春風一朵宮花插鬢紅不比潯陽江上婦綺羅隊隊是哀鴻

仙風坡書懷二首

四馬尾一驢驢馬同一槽馬饗使驢饑驢怒仰天號檐

雀驚亂飛匝樹相啾嘈鄰猫意捕雀踏折枯樹梢殺機伏宇宙禍患陰相招士生戀微名坎壈誰能逃淮海有奇士抗志輕雲霄毅然斷頭髮放若不繫刼跣坐說無生笑我長勞勞思量林下盟塵狀慙漁樵

地下有酒泉天上有酒星劉伶與阮籍沒世以酒名酒人有何樂以酒全其生奈何吾黨士嗜飲翻自刑浮雲翳大野飄風過中庭我友中酒疾長醉無時醒北人善釀法有酒甘且清吳歛歛妙舞趙瑟調新聲娟娟雲中月照我金卮明後車監前車歌詩兼自懲

敦艮苦齋詩一

三十六 集虛草堂

病起同余荆南登陶然亭

驟馬蹴踏車勻勻黃沙如山空中橫北人慣向沙中行好雨逢時炆氣平病心搖蕩春衫輕出門鳩語歡新晴窰臺日夕山氣清陶然亭上酒肉腥窮途悔輟東山耕君才倍我猶飄零抗聲羊陟吾不能白雲杳靄鴻冥冥任邱縣過藥王祠感憤述懷

毒婦蜜在口說士劍在舌庸醫日殺人手持寸鐵孟浪索酬賽誰能辨工拙遂使丹橘林化作黃金穴繫余病都中醫者誤投熱飛翻毛骨焦摧陷腸胃裂共工觸不周山柱忽然折又如咸陽厄飛鳥不得脫殘生託微

喘千鈞繫一髮展轉稟薦中酸辛難具說皋城碧眼翁
一劑使我活銜恩膝當屈圖報草應結神農古天人萬
世食其烈繼起有岐伯親受黃帝訣淫祠布天下數子
祀幾絕飲水不尋源生民禮數缺上古氣清淑疹疫無
閒發衰薄婚嫁苦兵凶飢凍切安得數子出爲世祛天
札長桑診五會周官戒十失古之名德人輔世有鴻術

河閒懷古二首

漢代重經術繼體多賢王煌煌三雍對巨制垂琳瑯崢
嶸日華宮髦士爭翱翔高風悵已矣邱隴登牛羊

桓侯方暮年內蠱日交錯尸居藉餘氣骨髓病根著豈

敦良吉齋詩一

三十七 集虛草堂

無起死手難進苦口藥鍼熨有良方何代無扁鵲

雄縣

林迴山脊聳匹馬下孤光峭壁雲雙縷晴天雁一行峰

巒開上谷關塞峙高陽見說陰崖上泉流石乳香

徐州渡黃河作歌

草堂花謝梁燕語零落春光浩無主東鄰老漁念羈旅
手寄雙魚剛尺五浪跡天涯奈何許河水淼淼高泊天
魚龍波暖貪晝眠蒲帆安穩風力便擊楫中流催放船

臨淮橋上歌

疾風渴欲捲水去百丈鐵鎖鎖不住天際飛來雙白鷺

浪花如雪壓枯樹記是當年泊舟處淮水鱗鱗碧似油
綠楊深處明朱樓敝車羸馬頹唐甚又過淮南古渡頭

哀王生

哀哉王生窮欲死天耶人耶吾烏知子之所以至於此
連理枝摧郭北墓北門卽是傷心路芒鞋席帽竄窮鄉
兒呻女吟不得顧靈前九飯呼呵呵麻衣淚血翻江河
青陵蝴蝶桓山鳥不及王生哀怨多昔者依君廡下居
君家烟斷絕我家瓶無儲饕風作雪愁霖俱前門後門
索債車債券疾於徵兵符十字街頭泥滑滑相將逃匿
牽衣裾我醉發狂倚樹嘯燈前脫帽君長吁東蕩南奔

敦良吉齋詩一

三十八 集虛草堂

無定止結鄰仍在窮巷裏籬豆花好秋更肥滿地青青
茁馬齒不獨飢寒兩共之茅檐風景真相似獻歲春風
生別子東北征到家亟問訊家人言子府試充前名攬
衣提榼走相賀鹿馬蒲脯告者過修德獲報古有之昔
者則信今翻疑惠政橋頭舊游處一事惟我與天知老
屋沈沈燈似雪記得當年重九節檐溜蟲吟共嗚咽我
來卻立燈影外口噤不開心斷折飢兒索乳夜中吼坐
兒於腹書在手屋漏四迸燈烏有席棺昨向城南送看
君又抱西河痛石闕在口刺在眼恩怨如山白日短靡
草可榮灰可熱噫吁嘻王生四十窮到骨

白衣菴哭問渠

燕臺飢魄慘風烟直下黃河浪拍天歸櫬無家依古佛
寡妻抱子設齋筵絕交久已聞劉峻故里馮誰葬董傳
同是中郎門下士新詩和淚寄重泉

養菊

養菊不用糞恐傷花性情井泉寒倍冽秋氣晚來清籬
碎懸金盞霜酣擢紫莖雖然身似薏甘苦本分明

寄酬余三都中

魚雁天寒信渺茫燕山草樹幾經霜劉蕡祠畔秋號鬼
郭隗臺邊晚牧羊客邸薪炊應索莫侯門禮數莫疎狂

敦良吉齋詩一

三十九 集虛草堂

故人近狀差堪告蓑笠兼旬種菜忙

人日簡張處士季西處士善卜因賦問

海濶有長鯨我欲屠作肪羣蛙鳴閭水驪龍為傍徨我
昔逢孫公心銜紵衣德自慙口齒改鹽坂膝屢折風煙
暗雲海欲往音書隔辱金不作刀斷韋不作弦我其散
木歟夫何怨迺適我有青銅鏡土花結重暈陽烏期不
來何由照蟬鬢我有赤文紱迴環十二幅閉置塵笥中
歲久色幽郁客有太阿劍謬用以屠狗跳梁草澤閒使
我嗟歎久巢林期一枝飲水期滿腹器敲注必傾鼎折
餽乃覆我本猿鶴姿畏犧復忌鷓新春王正月句芒德

在木人日大吉祥請下一局卜擲塗敢忘杖冀以聆忠
告

彭城四詠

白日天上來黃河地下去抱琴向雍門風大不可渡
一龍飛上天一蛇死道旁龍蛇都已矣溝草青茫茫
此翁愛獨睡睡起汲井水井水清琅琅此翁骨已死
趙宋多君子厄與陳蔡比崢嶸郊天壇凍殺陳無已

憶昔行贈周雲先

憶昔驅車適京國君先駐馬張橋側火色鳶肩綠綺裘
道旁看殺金閨客一見驚呼覓斗酒片語開心成莫逆

敦良吉齋詩一

四十 集虛草堂

班馬潘張並載來意氣全空大河北渡河攬雄風五雲
高擁蓬萊宮羣賢濟濟趨辟雍丈夫青雲須自致驂騑
一蹶偶然事盧溝橋外草黏天笑擁吳姬逐君醉廢壘
雄關並轡過兩家詩帶幽燕氣幽燕歸來各倦游誅茅
準卜青山幽可憐一勺寒泉水仍自東西南北流彭城
山下題詩處腸斷春風燕子樓燕子樓邊秋水生思君
幾度若為情燕雲岱雨傳消息又結鈴馱冀北行冀北
天高積霜雪我經雄山夜嘔血都門疫大不可觸君病
欲死搶地哭雞狗陳言竟何有雨絕雲收事反覆反覆
交情劇可悲烏頭馬角放君歸那知今夕尊前酒相對

悲歌淚滿衣

謝李明經惠筆

李侯贈我筆一束價比兼金珍似玉筠管磨礪湖水清
刻畫蠅頭巧蓄縮我書惡劣百無擇雜毛鴛鴦今更禿
草窗風雨悶陶泓那有銅錢買虎僕辱贈枝枝瓊樹新
助我行閒一張目草元擬論強曉事留取揮灑三千牘
荏平卽事

廉纖細雨淨浮埃泰岱春寒花未開恰值秦宮攜妓過
又逢卜式拜官來平沙日浸千峰赤大壑風號萬馬哀
天地悠悠一杯酒悲歌直上魯連臺

敦良吉齋詩一

四十一

集虛草堂

山東道上

馬首塵高日又曛郵亭花撲雪紛紛崑崙萬派全歸海
泰岱千峰有片雲草莽何堪陳大計名山終古託空文
東皋營得誅茆地便逐丹崖鸞鶴羣

蚊

炎夏煩燥螫人之物充切庭戶故夫炳處之士
迴翔容與恍於作緣不此之慎腹背竊發迫於
燎檐薰壁憤於一決抑又悖焉爰賦四韻以當
耳提

猛虎幸無翅汝能黑夜飛伏鱗愁染毒逐肉劇難揮自

占青蠅市能逃丹鳥饑紗綯觸煙損今悟火攻非

贈黑奴

主人愛夜飲月黑始還家破戶勞相守秋來菊有花眠
依苔磴暖吹訝竹風斜好待丹成日相將試絳砂

施口阻風 辛丑

巢湖一水耳三日行猶遠颿脚戀故鄉萬牛不能挽春
雪爾何來綠楊絲婉婉顧聞野哭聲憂來客腸斷登高
望洪濤白浪自舒卷誰歎奠坤維手掣乖龍返浩浩施
水流沈沈姥山晚長嘯獨歸來船頭共漁飯

清明日泊舟中廟遂登姥山訪高隱君故居不得

敦良吉齋詩一

四十二

集虛草堂

是夕大雨有趙生名錫恩者飯余遂宿山中得

詩三首因贈趙生

回飈駕逆浪掀舞蛟鼉怒飄然一葉舟逕犯中流去繫
纜忽掉頭飛鳥不敢度荒崖絕徒倚疑是鬼工鑄我有
同門友遺世此中住欲問舊隱廬絮酒醜何處

孤塔摩層霄勢與浮雲抗乾坤氣相搏天地益悲壯東
風喊如虎石頭怒欲颺空洞巨魚腹骯髒骨堪葬苦乏
漁樵資虛抱山水量悄然問歸橈風大不敢放

溼雲濛濛來日色相窺映路逢狂道士呼之不一應山
人延我飯樸率有殊敬長松翳高柏瓦渴雨聲動春雷

騫淵過澄碧寒芒淨宵涼不成寐轉側動孤詠

楚澤樓懷古

魚行不見水馬行不見風大哉堯舜民不知岳牧功斯
樓近千載過者生敬恭朝廷樹耆舊百爾秉公忠前有
范希文後有司馬公至今湖堦民猶憶天章翁我來屬
春仲四野何童童洪波亞高壩蕭瑟人烟空世無神禹
手誰挽萬壑東尙須慈靜吏坐致桑麻豐

江上雨悶二首

江雨碎成絲江雲暗成霧搖搖行牒子貼水若雁鷺漁
歌動暝色雷盤諸嶺暮春潮漾枕席澎湃欲東去山中

敦良吉齋詩一

四十三

集虛草堂

數椽屋棄擲久不顧蕭然四海憂渺矣一身慮默數荒
雞聲坐待蓬窗曙

一雨剛騎月風霽見微旭水光映天色餘輝潤草木故
人有遺詩緘之在行篋偶與佳景會臨風一披讀生傍
維摩龕死隸泰山錄奪我巖石侶鬼伯亦何酷薄游尙
羈栖中心蘊愁毒

夜坐書懷寄劉觀察廈門

病骨貪夜涼露坐心眼豁迢遙天河紆眾星水初潑電
尾東南轉雨脚西北密盛夏蛇龍驕雷公不應律江南
苦卑溼洪水屢降割疫氣乘閒行死亡或盡室沿淮百

萬家頻年遭河決官兵駐海上帑藏方四出婉變瀟上
軍何以總節鉞吾師山左豪忠赤古心骨孤軍廈門上
兩鬢應成雪翹首望雲海有裾不忍絕所希年歲登嘯
歌多暇日優游太平氓終焉守孤拙

睡起讀書題寄京華故人

耽閱但慵臥心跡就清迴檐虛巢燕雀簾莫日交影鍊
液百脈通浮青鑪穗耿快意吟漸高望遠興先騁沙焉
管葛儔骨朽名亦冷不意天壤閒令人憶王猛故人客
京華資望可臺省兵戈久未息澆愁獨酌酹炯炯儔昔
心迢迢雲路永

敦良吉齋詩一

四十四

集虛草堂

草菴被竊簡唐司獄晉銘

壬寅

屢空無厚儲不藉高墉芘幸茲屆溽暑裘葛都已質豈
無冰雪文罪與懷璧異地廣游手多俗儆民生匱芒鞋
葛單衣古樣不時世狼藉舊春衫酒痕沈別淚所直能
幾何飲博一朝費客從院桐來征衣猶在笥禍類池魚
殃益增地主媿昨者接高譚許我託末契請爲治奸胥
一伸處士氣還我漁樵服永愜吾黨志

南京急

鎮江已不守南京又告急將軍晝閉城奸民騷難戢賊
輕乘勝來懸軍昧深入請悉發精銳躡後虛可襲陳兵

石頭下聲援共呼吸兵機貴神速官軍正雲集構敵仗
多金潰師誤長鬣狼烽照紅粉倡樓笛嗚咽倉皇朱雀
舫流殍掩面泣禍皆養癰始事漸噬臍及徒教裕溪口
老弱荷戈立

夏夜唐司獄署中讀其墨妙集書後

雨霽暑新褪涼月墮檐瓦虛堂僮僕靜坐久燭垂地蒼
然一卷詩古姿澹可把崔侯丞藍田耗除學聾啞可憐
溧陽尉窮殺孟東野我非韓退之薦士詩頻寫踟躕仰
屋歎撫卷不忍捨

夜坐贈楊處士

敦良吉齋詩一

四十五

集虛草堂

秋霖亦何惡擾我破茅屋空號夜莽蕩盆翻檐溜覆兵
家重圖志摹寫隘邊幅憐子肘似風揮斥干免禿饑蚊
如餓虎著背那堪撲殺人道家忌奇功無後福雲臺一
劍勳蟲沙萬鬼哭况我文弱姿豈堪佩虎竹巨盜犯江
海中原需頗牧愁絕負薪人行歌傷祝衎衛公久不作
高閣翰鈴束虎龍蛇鳥陣不入世儒目與子坐通宵苦
酒咽寒菽眼昏且隱几漏大難伸足好待天雞鳴晴窗
共朝旭

病肺簡王太學索丹橘予

未老齒先豁吾衰亦何早比來飲啖減壅塞肚腸飽陰

邪互牽引奇瘡布手爪是實心腹疾方訣屢探討豈無
嚴峻劑恐壞千金寶嶺南丹橘嘉流傳中土少君子與
小人並生造物巧攻伐元氣傷何如相化好藥石仗友
生艱危賴相保

柴門不牢夏秋再被竊唐司獄枉顧賦謝

窮居絕軒蓋野性畏官府丈人枉高駕褰裳踏秋雨相
迎不衣冠翁應知我窶方今四郊警盜賊正遙午外戎
大可憂內患先宜杜自從夏秋交羣偷日接武思量移
家去松菊苦無主欲詣縣官訴恐遭胥吏侮平梁風俗
衰布衣賤如土知翁持古誼肝膈敢略吐

敦良吉齋詩一

四十六

集虛草堂

六月四日檢做麓得亡友郭處士遺詩數首愴然

有述

虎頭燕頰眼如電眼中突兀夢中見世方好文君好武
醉死黃墟計誠便朝來倒篋得君詩風檐展讀坐移時
墓門夜雨青松冷知否滄江烽火馳

撫孤行爲李介夫作兼示呂生

呦呦嘖嘖燈模糊臥聞學舍鼓嚙胡嚙胡者云何念君
天寒無複襦君家母老雪滿顛病起尪弱無人扶師恩
耿耿久未報願君努力讀父書君能讀書我益喜白米
不厭君家需東方欲動啼早鳥主人倚樹還踟躕客有

聽者攬衣起坐而長吁君不見末俗猥薄古道徂東華
西里何代無到家兄弟胡爲乎我爲撫孤行手自書之
示呂生請生發憤從茲始他日莫忘撫孤人姓李

連夕大雨夜讀廬山記睡醒有作

誰挽長江置檐下暗潮崩浪吟微風殘燈不動眾籟靜
恍惚拔宅浮空濛匡廬烟雨秋萬重懸流倒挂橫雲松
夢登五老瞰絕頂斷崖驚落晨天鐘

匯泉亭同張處士曙東作

凍雲盡斂星含芒布袍冷浸松竹光萬瓦纏冰鬪棱角
檐月窺人人影長樹頂棲鴉踏煙語起弄霜華爲君舞

敦艮吉齋詩一

四十七 集虛草堂

不知此夕更千年誰憶亭中我與汝

可怪行

可怪城頭大嘴鳥啄腐餐腥腸肚飽斗然搏擊九天上
病鵠難當怒拳壯我勸病鵠勿浪悲白石清泉當早歸

可惜行

可惜君家好華屋屋上饑鳥亦蒙福風秀雨上年代多
桷崩題脫將奈何寄聲柱石行自愛莫把人家棟梁壞
臘月廿四日遣鄭僕往周雲先家迎吳四引之二

首

莫作貧家僕貧家僕最難可憐風雪緊短褐故單寒送

汝出門去梅花開正闌沿溪好攀折留供主人看
轉過青山脚塘梢帶遠村言尋吳道子試叩孝侯門晚
飯紅紅細匡牀稻草温儻然訊近狀道我舌猶存

雪霽夜坐

素月出東壁照我檐雪炯庭前數竿竹雪月爭寫影流
宕窗隙閒龍蛇波萬頃鴻聲澹澹過霜氣森森警碧天
如玻璃歷劫凍應冷高吟答蟾兔奇趣默自領懷往半
鬼錄鍊形欠金餅寂寞一團蒲嗒焉忘夜永

喜雨 癸卯

志士拙自謀豐年亦懷飢春來天赤旱灑塵見亦稀二

敦艮吉齋詩一

四十八 集虛草堂

麥焦欲死菜甲生不滋長星亘西方訛言驚烝黎太陽
熒眾聽久照毋乃疲禱祈亦以倦甘霖勃然施野人貪
曉起蒔花尋舊谿溼雲倚壘稠雌雷水中啼異恩會不
測應有滂沱期興至輒成句鳥語如催詩詩成歌向天
調古無人知

鋤草示兩猿

惡草隨處有逢時故欣欣卽此見地力並育無異畛吾
園雖不廣萬象同一春邪蒿久不除驕蔓遂難馴少少
來毒蛇漸漸藏餓蚊雖稱幽人居屢煩過客嗔今朝偶
荷鋤趁茲天未曛鋤草莫鹵莽恐使嘉植湮鋤草莫因

循因循留草根草根拔不去經旬又當門荆棘能刺手
亦須加斧斤芟夷首渠魁煦煦非吾仁惡草雖然惡曬
乾堪作薪持鋤語吾兒鋤草有經綸

癸卯夏孟有芝生於西牆之根五莖一本家奴怪
而殲之芒葉券起郁乎煥然比類有作使兒子
誦且自警也

童童頽牆下有芝車蓋張翩躩五朵雲敷采絢朝陽獸
中有麒麟鳥中有鳳凰芝兮生何爲乃在瓦礫場出土
罹百辛橫被兒童戕金風淒以厲白露行爲霜崩榛罅
其頂憤蟲鳴其旁神仙曾有言此乃不死方我心非鐵

敦良吉齋詩一

四十九 集虛草堂

石亦有肺與腸縱然得飛昇憂來安能忘顧瞻塵世人
奚用壽命長奇功挺堯階神光曜漢房商山四老人行
遜歌煌煌一應帝者期一爲隱士昌芝兮生何爲未卜
行與藏願言守臯諾以貽來者芳

十月二日吳丈克俊將有六安之行過飲草堂賦
此爲別

少耳丈人名傾蓋辱青眄相隔窮巷中數載艱一面同
是浮雲身昔別今還健長髯身玉立滿引不待勸世情
厭衰老典型重黎獻飲闌要我歌敢以腴詞衍丈人少
年時揮霍手如電通俠朱家豪風流耆卿倩革囊一匕

首腳跡天下半黃金高插天一笑頃刻散數奇萬事灰
投老信筆視今時重錢刀趨走士風變襄陽買山贖一
擲今難見孟冬氣凜冽積陰天欲霰告我將遠行日歸
歲當冥悲哉一老翁流滯風塵倦長跪酌尊酒賦詩以
當饒

黑銀歎

客有轉販阿芙蓉膏者積產不貲羣賈居奇隱
其名曰黑銀云余數往來江湖間見聞所及次
第其語俟采風者觀焉

敦良吉齋詩一

五十 集虛草堂

馬載驟馱泥折軸鄉中老叟苦窘粟腰裏無錢飯不足
爭似黑銀好能化黃金抵白玉黑銀者如何買從姑蘇
城經過黃雒河海邊洋艘橫長戈巢湖不動輕帆過廣
陌通衢爭列肆白晝傳觀光緻緻絕微荒陬利孔多百
般富貴隨時世君不見陽翟賈兒白晝郎東抵海岱浮
江湘前日之日部牒到車前五馬行輝煌男兒何必入
山尋五加但得黑銀堆滿車黑銀一車金萬斛養兒何
必耕與讀君不見沿江火速兵符下連日黑銀占高價
詠史一首贈曙東

茂陵疲遠駕按籍算車船籠利張湯貴輸家卜式賢入

羊株送滅除吏武功懸休倚高文富東方饑可憐

冬夜觀留晉江松樹率題

夜闌客叩門持畫要吟詩展卷見三松筆筆霜中姿根
嵌虎露脊鱗碎蛟蛻皮老榦奮欲搏餘怒迴蚪枝斯人
多絕技垂老窮無依寄身佛寺中笑贈屠沽兒畫龍亦
殊偉溟漲翻天池一藝足千古坎壈相隨誼闖身後
名何救生前飢俗工好誘傷浪矜粉與脂棘端刻母猴
雖巧亦奚施

高塘集翻車讓鄭甲方乙 甲辰

遠行斷六親仗汝猶骨肉使車如使舟旋轉手須熟前

敦良吉齋詩一

五十二 集虛草堂

軒後必輕同力濟乃速行路無奇功安穩卽爲福自我
出門來長途事反覆屢慌破腦凶難免入坎辱天時固
不臧人謀豈云穀誰知立仗馬竟作債轅轅出險須壯
夫汝曹太碌碌

甄門贈蔡文佩之

甄門地偏仄曉日明重闔環之七校卒鎮以王大臣巍
峩御史臺棘垣高嶙峋雖殊辟雍制猶見選士勤北風
動黃埃浩浩車馬塵丈人殊昂然鬚髮如爛銀傑立稠
人中軒軒鶴在羣賤子草閒來歛觀公卿尊廣堂擁高
座朱帔錦重茵粉面珊瑚冠逸氣熊羆躡丈人何爲者

高文不華身陽和布大園萬物爭懷春耆闈泉漫流巢
湖魚細鱗歸哉復歸哉執手潛酸辛

西山行贈子原

昨登城東賣酒樓馮闌望見西山頭夕陽拖紅天盡處
鳥飛不到浮雲收連日雨大行不得好風弄晴送春月
空山無人花自發澗戶岩扉益幽絕陰厓鳴泉歎素雪
綠雲寺轉珠洞側君輩屐齒誰先折京師地大臨海隅
左龍右虎遙相趨茲山橫跨力殊偉獨伸一臂扶神都
合吸風雲閱日月靈皋奧宇天下無少室山人出山久
龍門山人牛馬走五岳盡落漁樵手爲君高歌重搔首

敦良吉齋詩一

五十三 集虛草堂

甲辰長夏臥病都門潘舍人補之過訪出示同齒
錄垂問履貫因得讀江西吳太史序言喜其陳
誼不苟因繫以詩卽贈補之

江南乙未舉人一百三十九鳳凰麒麟靡不有賤子茫
不省某某戊戌庚子兩入都短衣席帽塵鬢羸懷中刺
字漫滅盡掉頭一笑翩然徂京師輻湊地引齒敘年仍
古誼每歲醱飲開華筵瓊歌偉舞誼沸天麩麩野鶴骨
相薄淺水寒雲自寥廓羣仙會中不插腳舍人聲價鳳
池頭高軒逕造茅亭幽袖出一本問遺漏南豐敘筆張
千秋趙宋以來重齒錄紹興寶祐事反覆狀元策頭附

和議白鹿老人坐苑繫文山疊山接踵出二甲崢嶸陸
君實中原無力莫乾坤溟漲還教浴白日岷江大河劃
天中二十八宿蟠蒼穹兩錄直與元氣相始終征鴻遡
風發寒暄秋點耆闔歸心動諸公勦力及良時要使科
名山岳重

將出都留贈王子原

與子交數年相貺無一言匪關懶惰久豈第疾病牽念
子腸百轉萬語橫胸前低徊欲有述授簡復默然譬如
我與我形影同周旋縱有累萬語安能肖纏綿日中黑
頸鴉月中朱額蟾號寒身鳳凰悲鳴空自煎沾衲與落
溷造化何嘗偏憐子軀榦小兀傲眼插天小儒享做帚
而子貨龍泉昨與子論琴頗得元中元炎風吹青門高
槐噪秋蟬我病倦將歸念子心拳拳一語持贈君請君
韜其絃

晚經良鄉

陰霾吞日沒暝色天東頭霜染千山赤砧鳴萬木秋高
田妨水滂野渡斷行舟負米經年久歸心雲外流

涿州懷古三首

朝登絕巒野環視涿鹿城大風揚黃沙但見羣羊鳴昔
者蚩尤氏方命于天刑有熊奮義討遂縱鴻荒兵聖人

敦良吉齋詩一

五三

集虛草堂

有斧鉞造物有雷霆陽春變冰雪舒慘皆生成自從三
古降鼠偷日縱橫鼎湖悵已矣崆峒高難升

七雄際周憊士風亦已衰狗屠列上賓天下虛無才狠
秦肆狂噬拂經天常乖丹也念國恥卑禮賢豪來阿房
無尺土驪山無遺骸突兀千載下猶見華陽臺繞柱弄
祖龍驅使猶嬰孩所惜謀不臧未與漸離偕

高祖起尺劍雲初滿天中中山有遺苗英偉人中龍少
事盧涿州晚交隆中翁淵源三代契艱難再造功其餘
翊運動一一皆英雄昊天厭赤劉龍馭何匆匆雖有伊
呂徒不救時命窮茲邦神式馮川岳猶龍崇徘徊問祠

敦良吉齋詩一

五四

集虛草堂

廟浩歌激天風

過東阿

縣枕荒山裏車行斷磧中盤沙蛇拱月奪隘馬嘶風負
米敢言倦苦吟仍未工長塗頻問夜隱約棗林紅

贈韓山人

一別近六載解裝榻重藉山僮本舊識茶尊笑相逐明
燈誼驟雨雷電互凌跨今年又北走駑馬不逢駕問塗
黃河旁取道彭城下睢南人跡少遊屐開一罅昨宵偶
墮水入險氣仍霸得失且勿論誦詩可長夜

泗州城下別韓山人

山人遠送客穉子樂相從
酤酒板橋側張燈秋葦中
疏星垂短堞小犬吠鄰蓬
遙祝歸颿駛明朝有便風

護城驛早發

東光轉夜色野田白將曉
忍寒望炊煙燈火出林小
蹇驢戀棧豆行行亂霜草
海有赴壑水林有倦棲鳥
悲哉遠遊人作歌問蒼昊

夜歸二首

遠客趁夜歸路熟行步疾
欣然望廬舍朦朧庭樹密
環牆視數周積倚勢猶岫
叩門久一磨殘月淡將沒
癡兒病跟踉向我索棗栗
老母扶杖起怪我臉如漆
小犬念

敦良吉齋詩一

五十五

集虛草堂

故主銜裾戲相齟生還獲
殊創卽事興彌逸西園菊
已蕪草深蟲唧唧

唧唧秋方暮庭樹萎以黃
飯驢枯樹底絆腳瓜蔓長
持水祝驢飲恩怨本尋常
記昨大嶺山石頭頑莫當
汝曹巧相厄屢蹶幸不僵
妻孥閑久役笑言具壺觴
紫薑切霜菜味壓五鼎香
滹沱一片冰燕山千仞霜
夜中頻坐起愛茲燈燭光

簡子固

君去九閱月日如君在旁
臨風誦君語坐起見儀光
君言可被身短褐氣自揚
君言可療飢博大充我腸
夜臥

獲美睡晝行遇康莊敢云全
要領庶幾懲面牆歸塗閒
有作鼎鼎充一囊積風負大翼
積水浮巨航綺文不適道
所得皆秕糠周處近知學
阮籍本不狂尙賴知我者
舊業重商量乾棗斂團紅
殘英舒嫩黃豹皮有餘錢
沽酒亦足將走伴瀆相迓
竝立以相望

雲泥相忘行

浮雲隨長風扶搖將上賓
汙泥和濁水淺窪可容身
浮雲變幻本無根汙泥獨
漉心純仁滋植嘉穀潛蟄
鱗雲與雲爲羣泥與泥相
親汙泥自賤不羨雲高天
下澤本寥闊斗酒與君重
訣絕

敦良吉齋詩一

五十六

集虛草堂

指月亭贈張曙東

乙巳

我家小園竹裏月不及山
僧亭上好龕香微紅萬籟
息今夜與君看全飽禪宮
老樹多奇怪幻作兩龍立
亭外誰言黃楊怕逢閨地
僻根深氣彌振山僧醉眠
老耽酒征人愛月坐忘久
月落星疎天似水一杵鐘
高曙鴉起正月廿六日自
沙澗泥行夜抵總鋪車夫
余丙王

丁邁往益豪余閑乃勞餉以酒食聊口號

傾囊購壯夫跼危氣逾猛
山行借微月仄路細如綆
憤然試孤注忍飢語頻哽
星繁天宇闊燈遠人煙警
車箱足牢臥放歌興難騁
蒼黃問旅店夜黑甌釜冷
腐儒戀

微祿生涯抵萍梗艱辛分所甘何辜累公等餘勇期再
鼓薄償免後請明朝越西峰風沙路方迴

到京簡潘四舍人兼送什物

黃鵠翔九霄徘徊念其羣延平雙神劍會合通風雲而
況吾黨士齒宿意常新長安勢利交古道今不存愛君
風領殊感君氣誼敦奉貽不腆資聊以致懃懃皋城產
各茶古味煙霞鄰與君作午飲退食有餘芬光明萬字
紗白地無邪紋與君作中衣健茲梁棟身摺扇來南中
製比蒲葵珍願君揚仁風利見當良辰粉署接天語撰
作須龍賓贈子以二妙外元中含醇願君濡大筆吐氣

敦良吉齋詩一

五十七

集虛草堂

摩乾坤典則歸一家藻采輝千春毋徒注蟲魚耗損壯
夫神柴車苦勞頓腰痛脛不伸部牒須急投灑掃還自
親遙望南橫街玉鏡磨新痕暇卽跨驢過讀君新著文

楊忠愍公遺像

公之臨刑詩兒時愛雒誦晴霄見眉宇氣壓邱山重齋
壇候金液宰執青詞供未伸請纓議空銜積薪痛網漏
鯨鰐脫忠衰蘋藻貢鈴山與椒山一鶚復一鳳有明盛
諫諍節比兩漢眾快付保安射噩兆海甯夢直木天所
刑社稷長無用

梨園行

四座且勿誼聽我歌梨園梨園在何所高高切雲煙飛
蕘駕層綺柱柱雙螭騫梨園中何有傾城美少年鬻從
餓殍餘澤以膏脂妍教翻安公子別聘陽臺仙雞鳴九
門啟車蓋若流泉卿歷退直暇守令從公旋藹藹王與
侯聯鑣來梨園千金製一裝萬錢辦一筵鬱律金張宅
朱門多嫵媚練日召姻婭盛服均朱鉛翠翹金腕闌白
馬錦鞍鞵家家領僕從各各來梨園亦有與臺兒豈少
鴻都賢長廊錯雜坐竟坐觀梨園歸來對虛桁目搖口
流涎萬物各有節先王戒流連雄兔變作雌家雞飛上
天人事自乖舛造物何嘗偏京東多曠土足開萬畝田

敦良吉齋詩一

五十八

集虛草堂

不見病坊中枕藉屍骨駢邦畿天下本四方取則焉公
卿勤論思獻替無時閒出接天下士優伶何由前漏卮
本無當禍水亦有源我歌殊直拙調古意纏絲采風儻
垂聽聽我歌梨園

三蟲歎

長安氣候別少蚊而多蠅竊糴慣登几入帷亦呼朋更
有臭蟲者赤口腹彭亨其行速如鬼繁衍盈孫曾掌摑
翻起穢草熏恐延焚五行互倚伏盛夏一陰乘蠅蚊難
究詰臭蟲尤可憎男兒生墮地出門憂患攫蚊潛水中
居蠅綠壁上騰被髮入深山山深虎豹行遠游將安之

不如返柴荆

遼陽尉歌贈永將軍

銀潢秀揭天中衢將軍英勇雄萬夫早師黃石晞孫吳
龍孫鳳子天馬駒偉略欲銘狼居胥威聲遠震醫無閭
里門拳曲壯心熱杯酒豪談目皆裂遼陽大盜工作賊
峻法如山索不得海風打船浪花舞將軍捉生如捉鼠
古人開邊重首功白奪人頭懸腰中將軍不殺真英雄
三尺之法定爲例峭格崢嶸刀筆吏可惜將軍方盛年
一般閒散頻投置部曲銷沈賓客稀林花峭蒨亭臺閣
騎驢學制野人裝射虎愁逢灞陵尉座上常容脫帽人

敦良吉齋詩一

五十九 集虛草堂

帳中妙選彈箏伎金刀夜語星辰動牀頭猶作沙場夢
葫蘆陰底勤抱甕有時撫髀還一慟弄粉研朱作花鳥
風流愛寫湘江草餘技猶教十人丁去年洋船犯中國
垓獸金魚突猖獗誰縱長鯨入大壑坐使中原氣全奪
黃金臺高白日暮露車便下桑乾去躑躅悲歌月將曙
白溝河弔瞿都督

良將弱如奴鷹擊常用迅將軍將家種忠勇一門儁掖
門功莫就父子身同殉於時張莊楚小馬力尤振高皇
大殺勳功臣付灰燼景隆豚犬耳媚疾事屢償停車古
戰場苦月繞重暈悲風刮河水黃沙走青莽感激烈士

心高天不可問

白驃歎

悲乎哉君不見塵海風濤浩無際同力一心事乃濟王
良奉策騏驎前蹈險登高若平地半汪之泥一溝水咄
哉汝曹乃至此外驂中轅相掣肘僕夫鞭騾馬倒走馬
走脫纏騾怒張負轅而起神昂昂倉卒乃知騾也良汗
泥蟠蟠窘汝步前有長峰莽回互騾兮騾兮爲汝歌御
者不良奈汝何

礪縣渡河宿田舍

敦良吉齋詩一

六十 集虛草堂

解裝平沙上進舟溼雲側夕陽抱殘雨中流一虹勒遙
天樹相倚遠岸颿如織山川信馬首生涯等雞肋羨彼
漁佃人力耕忘帝力

過郭處士故宅感賦

西風一雁叫霜晴菜圃橫斜獨自行白屋經年頻易主
黑頭無補總虛生四方弧矢男兒志杯酒頭顱兄弟情
落日寒禽共淒切九獅橋上聽鐘聲

夜歸懷嘯長老

凍禽韉轄月初升屐齒積唐折嫩冰鬧夜村厖隨客吠
籠頭絮帽覺寒增風威浙瀝譙樓鼓雪影荒寒酒市燈
倚徧石欄腸幾斷十年前此遲南能

大風不寐有懷子玉草屋 丙午

今年春風特地多一百五日風中過晚閒一雨風復大
茅飛瓦走如拋梭此時念君老草屋敗葦不葺將如何
蘆簾著席任飄撇莫教驚走籠中鵝病心展轉眠不穩
起看松月橫簾波栗留破曉踏林語辛苦催人去插禾

嬾逐

嬾逐眾人去忍飢常閉門方春勤抱甕引綠過鄰垣茅
宅漏難葺蒿牀席尚存惟應漢陰老此意可同論

飢犬行

士窮抱介節不乞當路憐犬飢銜主恩不食鄰舍餐人

敦良吉齋詩一

六十一

集虛草堂

生取與分微物豈不然我家黑奴好耳促身虎斑尾掉
修蛇騰睛疾流星圓疑是南斗精媿無萬石緣儻逢魏
伯陽猶可登青天三旬始一飽轉鬪常獨前在昔周天
子大蒐岐陽閒維時車馬眾選鋒能者先君儻大羽獵
願言佐皮軒

文魚

文魚花作骨涌躍晴波膩紅小燕支滑白潤銀絲細陳
身益益內吹浪荇藻媚沙蟲生來小聚族潛水裔飽食
不留餘禍機及瑣碎濠梁觀化人臨流一長喟

玉簪

花有玉簪者長柄似簪狀生從暮春交品冠秋葩上幽
香冰麝襲卑叢階檻傍美人采盈把膏沐煎多恙小軒
數窠淨新雨一花放永宜藐姑御羞入巫陽帳

姥山歌八首

姥山團結湖心聳霞壁雲峰盪洶湧長杉翳雲澹不流
驚濤搏石險將動仙宮道士夜禮星臥吹鐵笛學龍吟
記曾風雪挈孤艇繫纜懸崖獨自聽

姥山風淨無纖霾大帆小帆相對開西光入水東光出
驪珠飛向松頭來野僧看潮磯上坐老漁被酒船頭臥
勞勞似我竟何為阜帽蒙頭山下過

敦良吉齋詩一

六十二

集虛草堂

姥山二月桃樹花青苔白石曲澗斜美人三五戲花下
玉腕搖宕溪中紗往年聽雨山中宿蒸藜餉黍漁樵熟
準闌茅菴縛小亭壓倒輞川笑盤谷

姥山頂上羅網稀野雞粥鷓鴣飛姥山腳下風日暖
水蛙各各魚鰕肥山中兒郎愛行賈東走句吳南到楚
賤取天公借石尤四海八荒斷行旅

姥山宜雨兼宜風風雨雜杳開心胸老蛟跳波擗大鼓
斷虹倚天彎長弓少時心猛膽氣壯浩歌醉舞崩崖上
舊日麤豪今漸知回首雲泉發惆悵

姥山幽阻中廟對孤塔高高立山臂湖前月出鳧雁語

湖後雨疾菰蒲碎野火橫斜秋樹遠斷管蕭疏晚潮淺
蓬窗徒倚悄吟詩塔頂星懸三兩點

姥山之陰破草屋中有隱者顏如玉朝掣采繩呪白雞
暮刈青芻飯黃犢呂安已死向秀悲中郎欠制郭泰碑
奇文秘笈等糞土山花野草偏葳蕤

姥山突兀夢中見帆底重看兩不厭窺人鷗鷺故相猜
排空雲石都能辨萬疊青屏天與連一道白蘋香可憐
自從歸棹辭濡口不到湖心又幾年

約園醉歌贈黃小侯兼簡蔡昂千兄弟

兒時讀書家塾中愛聽人說中丞公中丞公似龍圖翁
敦良吉齋詩一
六十三
集虛草堂

君家弱弟我舊識親見君家全盛日小年不知官府貴
戲向華堂弄金戟今日醉君小亭上被酒狂歌重惆悵
我亦頽唐非少壯世情險滑飄風過黃鍾不聲萬夫唾
君雖落寞不算貧中丞微時常凍餓卽今勢去交游寡
更無人說中丞者君不見西州流水碧於玉蔡家園林
草空綠羊曇老大不勝悲背枕闌干放聲哭

鸞金歎

緇泥何獨漉獨漉沾人衣衣沾變黑白貴賤無常居鸞
屋猶自可鸞金將焉炊生長貴公子珍過瓊樹枝時來
賓從滿運去親交稀昔人營田園算及銖與錙朱提頑

似石不假羽翼飛洋煙黑比漆黃金燒作灰快馬從東
來銀鞍光葳蕤行人相聚觀吐氣陵虹霓誰憐鸞金者
赤腳泥中啼君看樂卻後何似阜隸兒

屋漏行

天公與人信不惡一雨禁住箕伯虐豆畦尙嫌嫩晴斗
竹梢細覺禽聲樂山人疎慵睡恆早夜半老龍故相攪
滂沱滿屋乾土少婦歎兒啼牆欲倒君不見春閒大麥
焦欲枯豆屑芋羹慘盡無市頭老農賣黃犢地火燒秧
秧又禿大澤當教四海滿快事何嫌一家哭乾坤事重
吾屋輕巖牆有命死生平婦人之言何足聽歌成一笑

敦良吉齋詩一

六十四
集虛草堂

飛電明

閒閒園詩八首

西園旣葺沈疴載張呻吟伏枕偶有所觸輒忽
書之都不復次第

買山資有待陋巷稱吾廬壁挂軒轅鏡庭懸薄笨車將
編高士傳未報絕交書尸寢慵朝起南山灌溉疏
小雨廉纖歇籬花半覆檐鴉巢晴翠護蛛網溼紅黏焙
茗勤看火焚香早下簾惱人雙蛺蝶飛上畫叉尖
編竹界行徑盤盤石磴紆貓蹲閒捕蝶鵲噪喜將雛嘉
蔭分鄰樹輕寒託敝襦灌園非學圃聊破睡工夫

經旬不出戶徑滿綠苔痕除卻索逋者更無人叩門學
書愁硬紙止酒愛空樽落落乾坤裏孤懷孰與論
九死餘生在搖搖藥裏懸長貧容僕懶多病覺妻賢性
野甘依隱情癡不願仙良晨頻起立扶杖立花邊
病骨知春雨將陰著意酸雷聲盤暝色花藥勒輕寒薑
桂皆良藥雲霞卽大丹幾回思往事冰雪悸孤鞍
滑淨迴文簞支離局腳牀穿書嫌蠹癖篆壁笑蝸忙學
寫簪花格重搜服玉方偶然譚劍術壯志一飛揚
陋室何嫌陋濃開小樹花將晴鳩喚婦避雨蟻移家糞
壤無非道人生未有涯一枝棲暫穩滄海又鳴笳

敦良吉齋詩一

六二五

集虛草堂

病枕讀宋遺民錄得七截句九首

破碎河山落照哀一尊獨自向西臺浩歌擊斷竹如意
萬里悲風朱鳥來
錢塘寶氣插霄紅帝遣妖髡狎睡龍天下爭傳六義士
吳民猶說海陵公
飄零三葉慣無家本穴佯狂拜釋迦憤觸九重陳大略
老餘一妹著袈裟
魯公大節本堂堂毘毘狂奴生祭忙萬本邀人傳逆旅
四忠與世挂綱常
鸞廳大塊不時宜同甫流風想見之邱隴全荒歌麥秀

人閒辛苦是孤兒

白頭艱阻歎從戎薇蕨生涯賣畫工苦憶唐皇全盛日
飲酣自寫玉花驄

絃張灰洞宵拌酒裝餞穹廬夜渡河嫁與帝王翻薄命
故宮回首泣銅駝

園扉羸癯宰臣餐火冷陰房氣鬱蟠無那螻蛄穿廐獄
獨將鸞鳳飼琅玕

宣和玉雁久飄零野服承恩直內廷杜曲歌聲動騷屑
家山一髮過江青

石塘秋雨遣悶二首

敦良吉齋詩一

六二六

集虛草堂

秋雨晚無用頻增野老嗟穉禾嬌長耳野豆臥生牙溜
疾蛛翻網牆低蟻負花薄游無意緒何日理歸車

秋雨使人困還如春雨時薄寒孤枕覺幽思小花知雲
氣兼山厚炊痕出屋遲嫦娥耐清冷流影到低枝

蟬

生得狷者意心與皎日期飽宜宵露冷鳴爲夕陽悲擇
木懷深蔭投竿畏小兒螳螂方健步高處有危機

敦良吉齋詩存卷一終

敦良吉齋詩存卷二

合肥徐子苓西叔

東城吳氏園多美樹歲薪之幾盡余時方束裝北

上伯筠約買數株因留信宿即贈伯筠 丁未

雲壑費經始出門即風塵風塵歸未期且作種樹人王
子頗好事助我興益振凌晨具畚鍤斟酌籬下春高者
簷西阿低者牆東垠肥瘠儼定壤錯處情逾親老竹喜
不孤掀風亦欣欣我車已載脂為君駐征輪折簡招飲
徒歡言醉良辰酒闌為君歌清淚忽沾巾茲樹久淹棄
分作貧兒薪不遇君輩知一例嗟沈淪

敦良吉齋詩二

集虛草堂

梁園

凍林猶雪意日沒鮑昭臺仍是故鄉路誰知獨客哀依
人原虎尾行地孰龍媒三徑資無賴羞吟歸去來

小車歌

途中連日晴霽既渡淮車行益駛因勞以酒食
二備請余作歌戲為長句俾佐飲

縛席為屋空兩頭先生臥穩如乘舟長塗得公皆健者
動足萬里吾何憂隻輪私語水漫流重簾小開風句留
先生午夢清且幽夢入蘆花逐白鷗

四君詠

四君者吳江陳克家梁叔山陽魯一同通甫曲

阜孔憲彝敘仲平定張穆十洲皆當世奇俊魁

博君子也余數往來京師通人鉅公其既繫籍

於朝非鄙人所敢論列而四君者都窮而在下

雖殊靜躁趣舍則同行次苦暑各志一詩時六

月中澣病憩任城

嶧陽產名材道器協天籟丹砂與空青胚胎出塵壙句

吳山水幽秀毓斯人最十年覓瓊枝既見有餘愛古風

蕩注哇軼響起彫弊朱絃澀塵封俗耳競噍殺處順早

括囊引經儼著蔡相者方舉肥失之驪黃外

敦良吉齋詩二

集虛草堂

通甫倣儻姿材略龍川亞奮筆俯羣英原原述王霸白

雪和者稀青萍售無價行歌易水頭問年各悲吃威遲

病碧駮夢失瑤池駕狂颺捲疾裝訣語戀僧舍荒岑淮

陰城苔磯老堪藉翩翩七尺軀釣魚應多暇

延陵解劍後交道日以替空使晞髮生著錄寫幽涕敘

仲魯國英觥觥聖者裔紹聞詩禮澤踔厲河朔氣相逢

杯酒閒立談見根柢義烈關性情文采實餘事孟公愛

王丹心折豈無自擊節釣鼇歌巨川望誰濟

蒲輪曠遐典草茅節難抗望之恥露索元輿羞板樣多

士習汶汶幾人識微尙悲哉晉陽彥一蹶緣用壯狂懷

託春醪睥睨萬夫上鳩媒信願領畢脫仍跌宕常山控
河海此士得真放七愛須替賢浩歌獨惆悵

長句戲簡葉中翰潤臣

是夕讀其
北來集

昨日對君飲兀坐移時默相向醉眼愁看冠帶狀今日
誦君詩幾次思君重惆悵絳雲白鶴詆蕩蕩露裏芙蓉
曉花放水仙姿飾不時樣案圖索馬世則爾媿死山人
亦皮相黑雲東來霹靂走笑把君詩不去手快筆能消
酒一斗官街鼓疾鳴嚴更虎坊橋畔燈火明西樓片月
傳高唱一夜馮君思洞庭

醉起書悶

敦良吉齋詩二

三

集虛草堂

通甫別我還山陽梁叔閒道歸胥塘季玉清齋守太常
補之日走中書堂孤館晝長但耽睡動地車音簫鼓沸
牆東棗花爛漫開一尊兀自成孤醉白日忽已沒利刃
不在手安得堆金齊北斗海內故人招要同聚首零落
天涯竟何有

將出都簡潤臣位西兩中翰兼寄何太史子貞

野性拙趨走客居恆閉關卷書坐忘永幽意儼在山葉
候工古風冰雪瑩肺肝藹然忠孝姿勁氣中紆蟠邵子
老文律意苦顏不歡讀史寓碩畫銳欲謀治安朱明鬱
陶陶春糴浩已闕故園草木陰好鳥思我還願瞻指斗

柄竝立以長歎

西山夜鬱律眾星垂煌煌躋人易多感況乃辭帝鄉太
史世清德文采白鳳凰余本飯牛人扣角頻歌商美人
工識曲感激烈士腸肥津映湖流膏壤蕃稻梁行當返
初服永作識字叱力田兼服賈亦足娛高堂緬古媿無
成願言惠周行

良鄉塔上作

虛塔俯平郊趺坐西峰對禪龕炷晚香泥佛支斷臂殘
陽光未盡野廓數星大蛙鳴深淵幽虹飲孤村暖火雲
氣合沓龍虎變荒怪縈青壘嶂趨浮白新水望望故

敦良吉齋詩二

四

集虛草堂

山遙目斷飛鳥外

鄒縣道中大雨旋止

烈風盪平野狼狽車徒奔疾霆翻巨海中塗曠無垠我
無擊水力跋浪思長鯤陰陽變俄頃霽色明天根彎環
雙雄虹雨氣怒欲吞沙壩路滑滑木杓波粼粼回首嶧
陽頂溼翠蟠歸雲

道經峴山尋東平王馬諫議墓都不可得讀明尙

書趙文華碑記題一詩碑陰

公道每異代局外論常篤曉行東平州道旁碑可讀尙
書昔遷謫雪隱表高躅賢王墓久穿死士壟全禿明命

示黔首允爲來者告天運儼循環人生互貞黷悠悠利
達場幾人頻失足報國須薦賢媚疾禍尤毒倚依相君
勢殺將屬鏃酷一朝惡燄盡怪疾剗腸腹鴟質而鳳鳴
翻貽林欄辱驅車亂山下芳草夕陽綠蕭蕭白楊道行
歌問樵牧

乞丐行

是人非人鬼非鬼手腳皸瘃皮肉紫偏體腥臊掉泥水
老者如橐駝蹒跚行不起小者如獼猴立啼聒人耳大
風搏沙挾車走瘦日墮地車輪吼病嫗髮禿肩戴首少
婦踵穿衣露肘團團竹筐何所有麥穗青青雜老韭車
中書生揮尺涕每日擲錢手不置平頭奴子怒生瞋此
輩何與君家事君不見軟繡街頭春光暖太平宰相問
牛喘

晴嵐

晴嵐儘霏翕驢背得幽奇天豁秋毫見沙黏款段遲絮
雲滂遙嶺赭壁倚叢祠頓忘長塗苦敲詩旅店宜

山店題壁

微祿豈無願老親髮已蒼今宵嶧陽月正照讀書堂失
學憐宗武持家仗孟光夢歸渾不覺春草綠茫茫
板橋待渡

敦良吉齋詩二

五

集虛草堂

野榴花發明酒樓迴風吹水水逆流白石磊磊飲深澗
落月閃閃橫銀鉤田父叱牛煙柳外稚子采蘋言笑幽
褰裳欲渡渡不得多謝漁翁放釣舟

晚過壽州寄酬潘舍人補之都門

廉頗墓草仍春碧大暑征鞍又北來禾黍村連殘照淺
溪橋雲擁亂山開五噫自向吳門去九辨誰明宋玉哀
回首晴霄最親切故人高詠傍蓬萊

聞高謝塵喪歸

素輅遲迴問首邱失羣燕雀也啁啾羈魂應識還鄉樂
重壤難埋沒世憂同學幾人知叔度賢妻可解諡黔婁
寢門舊淚春衫透潛德無名來者羞

敦良吉齋詩二

六

集虛草堂

哭蔡布衣秋白

少微昨夜落瑤京鸚鵡才多性命輕自是虞翻無客弔
可知孫楚獨長鳴飛觴永罷松閒酌流水全銷匣裏聲
便與劉伶題墓碣酒人名字最崢嶸

濰水行寄韓山人

七月十八日夕檢閱山西張君十洲所撰其先
大父泗州公事輯適泗州韓山人使至公名佩
芳字蓀圃殖學力古爲政舉體要由縣令再轉
得泗州故令肥事佚失載詢之縣人無能道者

山人老而好事於賢刺史顛末當有所聞況公
有造於其州人者甚大便坳一詩相質州故虹
地其西南濰水經流余數往來因名之曰濰水
行

昔年送我濰水頭潼潼百里人煙愁篝燈斷葦同扁舟
看君哦詩老淚適別來忽忽歲數週相思日逐濰水流
君州昔有賢刺史平定州人乾隆年間名進士初令歙
再令肥轉刺壽春莅濰水惜哉其人今已矣刺史有文
孫篋述具首尾我讀其書中夜長歎頻坐起天地產九
穀甌窶汙邪別生熟州民皆窳不事事刺史上書申大
敦良吉齋詩二

敦良吉齋詩二

七

集虛草堂

吏四種五獲均地利君亦至今食其賜嗣書請免稅催
科政拙勤撫字不賦賣兒鬻女錢太息湖鄉久彫瘵再
論南門關繼論天然牖瘠土惟祈征權寬濬川須通溝
洫法舊坊不設水禍烈利網頻興元氣蒸公雖儒者不
迂闊我欲徵文邑乘缺濰水長流相羊黃河高濁流驕
淮南木落水平湖北歸愁觸飛蝗麤君家卒歲可有儲
足知吟興老未減訪勝應復攜尊壺偶馮歸羽一相問
謝墩寇竹今有無噫嘻吁謝墩寇竹今有無遲君報我
雙鯉魚

羅漢寺尋黃山人索畫不值因憩亡友嘯公精舍

愴然有作留簡山人

月轉禪扉老樹斜石幢蔭荀影交加一龕西竺高賢像
數筆南唐院本花淒切誰家鳴夜笛蒼茫隻履隔天涯
懸知白髮逃禪客醉倒城東賣酒家

青藜翁買一驢跛且病戲賦一詩

房星光損驥羣空九錫廬山拜上公長耳材多俱令僕
汝生運蹇獨飄蓬便教負磨創頻劇小試新芻氣尙雄
恰好隨翁青嶂裏石橋風雪趁奚童

三峰子別墅

戊申

逍遙津頭楊柳花白鶴觀裏丹生霞結鄰好傍周柱史
敦良吉齋詩二

敦良吉齋詩二

八

集虛草堂

愛月常眠蘇小家閒攜釣竿誦秋水醉倒蓮臺轉法華
黑頭似汝差不負六國之印何足誇

小山

小山遞回薄獨步興悠哉峰蹙花藏厝崖敲竹露胎鴿
盤空翠上蟻負落紅來自失參寥子林扉日掩苔

吳七秀才移居

承真觀前水曲曲向東流爲訪幽人屋因過溪水頭席
屏團婦孺行竈聚甌甌斗酒如堪貰從君弔故侯

閒閒園九詠

沈霖乍霽佳賞載幽顧瞻園林蕪廢待理飯罷

課兩兒子并力一役平章乎草木之英傍肆夫
場圃之業每竣輒課一詩政期登高能賦聊俾
其早練物情幸諳勤苦云爾浹日共成一帙既
嘉乃役因同其題

編籬隨地勢枯竹力能禁架樹據尤固遮窗轉得深高
低何礙月蕪雜易成陰巖壑平生志一邱營自今

編籬

此輩別難盡殷勤屬小兒蘊崇多坳著翦伐有權宜毛
蛸螫尤毒浮蠓小易滋蓄薇最貪長嫩蕊又全萎

別蠹

嗜茶儼成癖畜雨代山泉差擬漫流好頻勞掃葉煎雲
霞儲味厚口腹累人偏終媿巢居子一瓢秋水邊

畜雨

敦良吉齋詩二

九

集虛草堂

萬物迭爲用端須醞釀之零星足拮拾臭腐得神奇漬

草宜深窖培根莫過時遺材徵洩勃消息老農知

聚糞

片石吾家寶筆耕康一身不淄原本性滌垢亦當勤鼠

踐油常汗蛛縈空有塵足知磨洗力古墨轉生新

洗研

西偏屋常漏苔色上書廚屢費典衣買忍教斷簡蕪日

烘桐蔭轉風戾草檐蘇好把經畚護余年媿已徂

曬書

抄土趁天晴攜鋤莫浪營矮菘堪代肉隙地可資生多

謝鄰翁種遙陪籬菊榮嘉蔬防踏損馬齒故縱橫

栽菜

羅織何太巧續緜曉露繁腎花潛隱葉罽草恣當門長

腳原無奈游絲竟有根汝曹解捐卻困翼也高鶩

捐網

未雨缺綢繆溝屯水不流高卑由定位疏澹在人謀壅
待長鑿抉淤防反壤投東楹廡又圻余實昧先籌

澹溝

立夏偶題

園居林氣盛偃仰有餘閒蓄水能生物歸雲長在山舍
桃供鳥啄壤木課奴刪夏至春當去陰陽自往還

半生

半生虛抱擲一藝古人精爛醉馮山閣落霞知我情露
澄星吐采磬過月傳聲廣武城頭客悲歌老淚橫

晚窗

晚窗片雲靜懶板睡剛蘇蟬粉開雨落鷓晴碾墨腴就

敦良吉齋詩二

十

集虛草堂

閒思漸省閱歲賞彌孤結習終難盡敲詩儘自娛

不寐

牀頭儲粟了飢鼠夜頻啼驟響辭枝切方暉轉案低辨
猶勞夢櫟怯自笑吹齋鍛鵠心常警雲蘿未可梯

無錢

無錢頻澹食助饌有鍋焦安坐亦云福苦吟還自聊花
香通研墨松色淨詩瓢不盡攤書興殘燈課寂寥

苦雨三首

雨脚何絲絲獨寤少歡趣側聞鄰牆崩千聲心魄怖攢
衣愁漏溼傾耳殷雷誤飢蚤故逼人跳梁藉殘絮雲重

窗逾黑睡短天難曙思量奏綠章乖龍倩誰御

隆陰寂眾誼篝火一庭綠客從湖上來就我竹閒宿
勉具簞瓢苦語膝同促圩荒壩全塌河溢淮更濁山澤
匪異民咫尺事反覆餘生仍嘯歌稱心原易足負戴有
成言前徽景祝牧

晚晴理殘帙孤吟歡有餘瀟瀟夜來雨溼徧西窗書短
垣築復崩拮据余亦瘡積水漫瓜疇窮巷可曾魚十室
八九傾四望猶吾廬吾廬猶自可江湖復焉如因思神
禹功邈與天地俱

葺屋贈黃叟

敦良吉齋詩二

十一

集虛草堂

壞茆蝕陰雨橫塌轉多漏倖晴計殊愚旁柱顛莫救溼
蟲聚族生徒飽飢烏味拙工巧相給雷同智仍舊因循
芘蠹根緩急但遷就黃叟老葺屋如醫洞鍼灸選材必
精良刮腐免蒸漚隆然樹高棟脊聳無停溜從新反手
易領要眾工奏油雲翳東峰白點風力驟欲泛黃金葩
勞翁少醕耐

負暄二首

坐臥草木俱視聽得大適及茲冬日煖旁薄就林隙總
角兩幼子隅坐氣能寂松光落襟袖做溫益幽澤百齡
總勞生一拙息眾役往迷悔難追放歌自怡懌

來日方自今去日已成古古日與今日靈光煥方吐圓
質僅孟大積精故不腐熙熙籬下光春容近堪取奇溫
浹肌理欲頌難著語一抹紅胭脂明朝又風雨

溪上

閒雲戀孤樹幽興一徘徊霜滌寒澌淨橋迎野寺迴蒲
牢鳴灑落靈鵲浴毳毳勝友俱銷歇誰攜茶具來

有米

有米兒童喜瓶甌儘量投雞爭方取鬧鼠竊豈無憂難
得村翁惠差紓卒歲謀即今作佳傳富卻過黔婁

移石

敦良吉齋詩二

十二

集虛草堂

勝領偶然遇欣然改故蹊數峰重布置弱子助提攜護
往終多累增高祇自迷淹留此亦得寒菜早成畦

十洲書來云將歸田便寄一詩要之

沮溺既高蹈向禽亦遐鷺每念彭城叟懼天龜鵠年昨
者誦君作翹引心拳拳我昔未知君旁人道君顛北轅
獲解后讀君書便便竊喜豪宕士道力淵覃研竭聞失
幼子飄搖屋屢遷寫圖當耕券投老指林泉山苗縛澗
松鍛羽怖鳴弦曲局守光範誰似姬公賢我本負苓人
愛歌招隱篇荷鋤誅一邱巢林讓君先君材近輩稀綈
裘勤丹鉛同志得桓生謂子貞領要嗜君玄尙祈斂精悍

善厯憂患緣青陽不我留徂臘饕風誼摧積谷口駕榛
蕪悶靈荃再拜屬雲鴻勉踐東皋言

夜雨懷子固二首 己酉

雨霑增夜寒心飢醒常早窮巷斷鳴雞鵲語暖林表擁
衾默所業靜飢味彌好方寸有靈苗魯莽乃倏槁起死
賴良朋抽新儼春草至道祇眼前書紳冀相保
竹樹遞淒滴絡繹東風馳展轉念故人戒行方及期塌
翼久倦營孤雲又何之泥淖阻行輪江湖路多歧定知
肥枯淚未別先沾衣離別自今始悠悠繫我思

聞謗

敦良吉齋詩二

十三 集虛草堂

惡影因戢形習與木石偶豈故異眾趨杯蛇難遽剖感
君殷勤意念我窮被肘奇服眾所忌集木惟自守察淵
有顯戒何煩道某某許事姑置之村鳩勸沽酒

曉坐

千息蟠天根一氣熨丹穴儵然坐南窗露木光可悅朝
嗽隱朦朧壁粉太古雪抱膝誦秋水萬象俯可掇喬松
與糞菌修短自天設顧慚渾沌鑿煩憂損心血嘉賞屢
蹉跎山中丹萸發

後苦雨五首

東城互長衢列肆鬱相望異事古老驚市口舟頻放居

民學檜巢其外壘土障青蛙據窳觚榻畔修鱗漾漾
水雲中恍忽聞漁唱

東風雨不止北風雨不止信是南風惡將晴雨又駛嚮
晨一婦哭哀音答流水云有七歲兒願易數炊米于時
有陳公貨錢歸其子陳公者誰何屠酤細民耳 陳名匹
夫偶慕義仁風動鄉里我歌不忍長恐增士夫恥

朝出威武門戚戚念邱墓遙驚東岡濤已沒西隴樹卷
蜺斷未消疊雲溼猶絮孤村動將沒舊阡望仍誤浮棺
棊漸脫崩壙穴全露遲迴認馬鬣攀枝喜猶故馮高一
凝睇東南亂流鶩

敦良吉齋詩二

十四 集虛草堂

雄雷久不鳴雌雷亦無聲元化一氣溼陽烏匿重冥我
屋昔已破我牆今又傾問時閱寒暑老天何由晴昨夜
雨更多水與几案平長星喜才沒注潦復縱橫天道信
荒遠瘋憂難自明

歲歉滋羣偷雞鶩橫遭披鄰翁申宿戒守望柝頻擊吳
生可憐人煮酒候檐隙蒼黃風雨交聲援氣絡繹怯寒
掩蓑袂暝語踞苔石灌園慕嵇呂枕戈笑現逃淖深愁
足塗林疏怯殘滴曖曖遠雞鳴西峰霧猶積

養閒草堂歌題寄潘四太常

長安朱門雲比稠我愛草堂林木幽長安軒車同調少

公子傾懷與我好奉常曹冷跡如掃興來苦吟聲徹曉
朝衫袖滿新詩草記昨春風野亭上尊酒花前幾酬唱
草堂明月應無恙君不見臥龍廬東山墅時來顧盼成
雲雨浣花老叟坐騎旅數椽亦白留千古相君處中領
揆席諸兄半作鸞臺伯槐鼎傳家要替人卻恐欲閒閒
未得人生趣舍各有分努力同期崇令德林居花落春
光暮故人破屋仍如故添種寒梅三兩樹

畫竹行贈蔗翁

蔗翁老來工畫竹大葉高柯脫拘束精神到處益華妙
醉墨橫斜明似玉昨來爲我揮一幅萬个琅玕森滿屋

敦良吉齋詩二

十五

集虛草堂

幅方四寸長一丈勁氣偏從窄處放看翁兩鬢白蕭騷
湖海風流恣跌蕩廬陽城人不識畫瓦礫紛紛占高價
翁惟耽畫不厭貧蘋魚花鳥俱生新葛衣藤杖足旁薄
蔬盤酒盞頻艱辛翁作畫我作歌牆塌屋破陰雨多有
說如山終柰何

贈黃照

皋城畫史溷泥塗雲比心情鶴比臞署款漫題牧犢子
對花愛寫醉僧圖歸從吳市雙芒躡老傍禪宮一酒壺
自道圖南曾授訣團蒲消得睡工夫

北原

鎮日閒吟吟興發偶緣溝水愛潺湲潑磬聲人語蘆中渡
林缺嵐浮雨後山行到黃墟惟宿草思量白社只禪關
吞聲死別誰能遣踏徧長隄不忍還

巢湖阻風小詠古六首

黃葉菴前潮水平朝霞寺裏曉鐘鳴夜來一鶴雲中唳
疑是山人嘯月聲李潛然

翩翩仙吏阮郎中吟徧湖山七字工杜宇數聲人不見

兩關三寺雨濛濛阮美成

浮邱仙去釣臺在雲白山青瀟水流一竿長嘯倚石壁

黃鵠爲我招浮邱浮邱鈞石

敦良吉齋詩二

十六

集虛草堂

元祐規模日再中二惇兩蔡祖荆公可憐一曲篴篥引
澧草湘蘭感慨同抱書橋

浩蕩堯階日月新耕田鑿井壽斯民自從三古紛拏後

何地能安飲犢人二賢詞

盡道金丹解駐顏土人今尙說崔仙白雲杳靄蒼波闊

讀罷黃庭只醉眠崔自然

殘臘雪後檢笥中得所錄梁叔詩卷覽其所爲數

月頻遇絕糧讀陶詩有作一首率書四韻

展卷得空快看題興轉悲未知昨夜雪可有嚮晨炊冰
凍梅猶斂雲長雁故遲沈吟蒙袂語天道本如斯

短檠歌

雪花壓屋屋脊折凍毫飲冰硬於鐵此時街鼓拋未歇
坐對短檠思路絕鄰鐘夜吼霜雞叫油瓶滿注燈花笑
興酣落紙風雨鳴此時短檠十倍明君不見終童書馬
卿賦咄嗟猶邀英主顧我生坐被短檠誤鄰女頻催作
嫁裳時樣重樵點鬼簿君不見東郭先生履不完遮車
難得將軍前任安樂布皆時儁飢窮溷並庸奴肩甌有
石米囊有錢一鴟時復吟梅邊短檠與我長周旋殘生
好待漁舸送短檠雖老猶堪用留伴青蘆照幽夢

秋暮聞吳丈墮砌創臂走視情話竟夕因贈二首

敦艮吉齋詩二

十七

集虛草堂

斗聞凶耗不勝悲太息羊公性命危把臂驚看仍健在
翦燈笑語忘移時死生事大皆天定泉石心閒與壽宜
尻馬神輪原一氣丈人早自脫塵羈
才名早歲賦三都晚號肥濱舊酒徒羅雀門閒無客到
觀魚路滑要人扶黃花破屋風聲緊白髮孤筇病影臞
七十衰翁艱一飯漢廷何事飽侏儒

將入都梅花下作二首

庚戌

種梅三兩本經年已成樹主人不耐飢花時踏車去
首塗指明發巡檐獨惆悵敬祝歲寒身歸來兩無恙

宗滌甫侍御屬題松瓢圖因效其體

古誼日彫脆脂丹變醅風誼誼冠蓋場落落松瓢翁翁
本學道人眉宇德氣充老懷斂薑桂世好隨苓通內美
陳仲方清苦陽亢宗傾蓋必宿齒待哺多孤蒙武陵有
踽士謂季藻隲羞雷同介言治貞賞既見披幽胸示我
詠懷作萬杵悲相春窺奴不畏髡象化亦非龍辛甘雖
異品國手需雷桐越中富靈淑雲壑蟠確確勸學尸四
賢送老指萬松舉瓢挹飛瓊味比春醪醲孔雁豈無耦
杜衡亦多叢歸哉復歸哉負簞請相從

蒼筤谷歌和孫太史芝房

衡山南阻當離宮赤帝秉鈞臣祝融理大物博真形窿

敦艮吉齋詩二

十八

集虛草堂

厥象文明秩上公高標四千六十有六丈七十二峰青
相確嶸奇變幻互結束回雁頂高脚靈麓靈麓之顛劫
為谷中有蒼筤萬古綠伶倫采擷遠未到山鬼傳伶白
鸞嘯孫侯南海英早獻金門賦舊隱蒼筤根斲苓徧識
山中路朝衫嬾散厭趨謁對酒清歌歸興發錢塘學士
畫雙絕誦君蒼筤歌醉舞松閒月酒酣唾壺擊幾缺草
閒偷生容我活旋轉乾坤要奇傑丈夫逢時便霖雨謝
公笑別東山墅廟堂若少稷契人餓死空山老巢許蒼
筤谷谷下湘水清復清前有屈原後賈生澧蘭沅芷同
性情君歌我歌雙涕橫君不見大江合沓白浪懸楚南

烽火紅燭天

時靖州民李源發倡變

前席憂勤待嘉告羣公袞袞

言不足計臣還應黜桑孔禁裏幾人堪頗牧我家草堂

春正濃江湖浩浩愁蛟龍飄然一鶴青天空明日別君

朝岱宗

楓江引為潘舍人補之作即志別

相別近三年相見兩默然昨者驅車重相訪執手沈吟

益惘惘示我楓江圖道是來時路大兄順製圖並題句

昔年少婦今阿婆半生枉被浮名誤不如歸向楓江去

楓江水清瀾瀾長安春愁殺人楊花如雪梨花新白鳥

偷眼避黃鶯燕姬酒薄不堪醉為君頓足歌吞聲君家

敦良吉齋詩二

十九 集虛草堂

兄弟我舊好貧賤論交君最早看君抱子又抱孫自顧

頭顱亦將老海內承平久無事御史但條科場例大慙

小好足甄錄薦賢報國惟迴避君屢格於例不得試君歌金縷曲

我歌楓江引北馬南舟去不休行子風塵幸安穩一夜

南風發歸心急於火舊日楓江人送君明日燕臺君送

我薄笨車赤腳奴素箏一張酒一壺蘆溝春草青模糊

馮君覓箇丹青手寫作潘徐泣別圖

江樓遠眺圖安邱劉先生守院時作也越次年己

亥觀察廈門余詣送獲觀今年夏余歸自京師

謁先生於濟南書院先生重出是圖屬題敬賦

長句

噫吁嘻我生之初百無事執經師門齒方穉風塵流轉

脚根倦是圖記從十一年前見維時江淮正清宴朝政

精勤事綜練郡邑布置多正人兵革不動民風醅公也

政成動歸計作圖聊寄鄉關思黑風盪天海氛惡閩嶠

崩波動鯨鯨專閩人誰似謝元頓師罪豈同甘卓海南

一權歸恩恩是圖攜經兵火中孤臣憤血嘔未足清詞

痛甚秦庭哭先生籌兵之議具海南燼餘錄中所製金縷曲清激可誦炎風五月吹

火雲訪公歷下紆征輪尊前回首百憂積皖水皖山事

非昔江樓慘澹閱人世父老瞻樓重流涕江邊白蘋愁

敦良吉齋詩二

二十 集虛草堂

復愁遲公旌節凌上頭公當有術紓民憂

於安邱席上酬單學博伯平

龍門重到慰蹉跎況有秦青相和歌勝輩漸如瓊樹少

好峰真比夏雲多中原縞紵風猶古二老壺觴鬢已皤

最是晴湖兩不厭可能載酒數相過

歷亭放舟曲阜孔秀才玉雙舉少陵語因足成之

即贈王太子梅

海右此亭古興亡跡總非翠屏懸朗月孤艇臥晴輝葦

葉碧宜雨藕花紅更肥扣舷歌未闕零露早濡衣

塗中口號

曠曠海日送臨歧悒悒還如中酒時七十二泉尋未了
停車且讀義娥碑

病起述行示兩猿

我從歷下歸維時正炎暑崎嶇未百里山潦橫相阻驅
車犯白波旁緣徑如縷涉深輒乘人曝背愁日午渡淮
險觸風近鄉迫遭雨汝曹飽坐嬉那識行路苦不見征
笥中衣裳蝕塵土

微軀血肉成寒暑迭相鑠北行誤傷趾血潰肉全落一
臥京華春笑言殊索莫局促轅下駒瀟灑雲閒鶴人生
感知已尊酒豈云薄回首歷城餞痛哭聲如昨默數神

敦良吉齋詩二

二二二 集虛草堂

暗傷季良不須藥

梅心驛懷方先生植之

束髮誦往籍竊笑佔畢陋出交一世賢真儒亦罕覩先
生魯靈光爲世陳俎豆著論首一尊力刊眾家謬河海
有常居春王姬錄舊老農辨五穀不使非種糝楚副
墨徒研覃起讎寇巧詆借丹經遺文傳史籀豈無訂闕
功終嫌放豚驟微翁事鍼石錮疾幾莫救肥津邇桐鄉
典型緬深構振衣仰德輝飲和飫醑耐驅車梅心驛千
峯霜月秀斯人老飢凍道肥身轉瘦儒冠信誤人所恃
文字壽

姚司馬行爲石甫先生作

司馬博學有經世才異時備兵臺灣以功陷吏
議左官蜀兩使西藏忤長官歸今年春當事者
交章薦淮南方更鹽法制軍奏留遂滯江干冬
閒相見於九江將棄官與余約共爲賈瀕行詩
以道別

姚家司馬天下豪我來相訪江之皋長風噫空萬木落
孤颿峭拂雲中鶴司馬愛士無世情笑指匡廬款行客
匡廬氣挾宮亭壯淋漓老筆爭雄放長沙論策少陵詩
旅夜愁看神益王賤子兒童時仰睇大名久往年海上

敦良吉齋詩二

二二二 集虛草堂

兵坐惜奇功橫遭肘鄒陽被繫天隕霜曾參殺人慈母
走金雞詔放天西頭劍門雲棧飛猿愁呼圖克圖森戈
矛男兒動足輒萬里張鸞鄭吉皆封侯司馬勁氣橫九
州平生不爲妻孥謀長揖那知長官貴拂衣徑作龍眠
游羽書夜達甘泉仗吳門相公善論將郭開猶自怨廉
頗漢主終思庸魏尙江干風雨歲行暮簿領棲遲髮全
素君不見綠林烽壓梧州城贛州議撥南昌兵君不見
司農經年用不足鹽綱新變淮南局英雄末路願漁樵
兵火遙天換陵谷婚男嫁女易了事販脂賣漿未云辱
故鄉迢遙霜雁鳴司馬置酒臨江城一舸便逐鴟夷行

自九江坳船下兼旬風阻中流得漁舟行益駛薄

暮抵華陽鎮買魚置酒贈漁人王甲張乙

舉酒屬篙師皖公欣在擘足知用大拙共濟仗心膽槎頭魚最鮮丹橘香可噉盡醉勿復辭休問罍與坎人稀雙鷺集日沒一星閃遙挹天柱秀斗脫小孤險風信浩無端陰霾隔林閭

客春識戴君存莊於京師君爲方先生植之高弟

冬孟余赴九江道桐城因戴君得交方君存之

蘇君厚子桐城爲文章氣誼之地獨三士云乎

哉而三君者則皆出於方先生之門余孤蠢晚

敦良吉齋詩二

二十三

集虛草堂

學流落江湖閒念先民之既徂慨離羣之多故

詩以代簡時仲冬下澣歸自皖江

桐城有三士北行得存莊受經考槃翁捫腹鏗琳瑯吐詞如太阿神鋒無鈍芒渥洼多名駒梁水多巨魴磁石能引鍼匠門工必良揚舲指江水問道龍眠陽傾蓋得佳士空谷幽蘭芳方君旣秀出蘇子亦老蒼盧鄭本一師籍湜猶輩行 國朝盛文運方劉高激昂麻溪守義法力挽奔波狂古道日彫謝末俗須扶匡匡廬碧無盡皖水孤帆長名山與勝友風雨交離腸械詞付黃鶴爲我西南翔

江上夢芝房時十一月旣望舟宿燕子磯

江濤何太喧驚斷夢中語攬衣亟相躡烟烟霜月午亭亭見容輝握手悲欲吐鵝鵝集靈芝老鴟但甘鼠驚心大圓漏凡石未堪補欲哭聲暗吞有淚緘肺腑

北風戰乾蘆凍殺林間鵠孤鴻鳴更哀展轉睡難著洪釣司大鑑莫邪枉自躍磊磊君輩人誰解暗中索久別精靈通沈吟心膽愕乾坤一面難醒枕復成昨

早發鎮江

水宿無厚縣江聲寒到骨舟師夜中起解纜踏殘雪遠征歸興翮孤吟酒思渴靜觀抱龍虎丹臺炯如月窮塗

敦良吉齋詩二

二十四

集虛草堂

事多梗勞生及瑣屑未窮北固勝頗欠中冷啜寂歷沙

雁鳴寒鐘助淒咽

殘臘歸次蕪湖卽事短述

中外傳 明詔歡聲動九州定知逐張禹何事放朱游

時聞王蔭之左官衡州

黃屋初頒歲青山獨繫舟于湖舊游處飄

泊又登樓

早春 咸豐辛亥

咸豐元年春吾園覺春早牆西殘雪根纖明逗新草震雷方行天孳萌出萬寶撫時翼邁征顧影惜將老有客長安來開械愜幽藻獨立畫遙空明霞霽天表

銀鈺戲贈琅玕君

銀鈺豔奪掌中珠
華髮歸來病影臞
留與深閨勤照績
免他白首賦秋胡

風歎

風歎何太劇
旁薄大江風
自鬱山川氣
長鳴肺腑中
馳驅緣底事
衰病早成翁
跌坐觀無始
茶鐺夜火紅

陰雨彌月糧絕薪罄午臥聽兒子誦淵明乞食詩

欣然有述

才智與功名曠世一
相會可憐彭澤翁
乞食亦云憊素心
慕重華賦詩有餘慨
重陰閉八表我屋漏
聲大未妨

敦良吉齋詩二

三五

集虛草堂

翳桑餓何堪
子公勾愛汝
閒誦詩酸吟
氣仍邁且復相
和歌風雨多幽籟

淮陰天下士
適與風雲期
平生一飯德
不恡千金貽
銜恩烈士懷
冥報尤堪悲
仰念鍾室歎
靜繹陶公詩
陶公愛黔婁
黔婁有賢妻

露宿庭中醒而成句

涼颼入我榻
秋意著枕畔
皎月映明河
白雲渡剛半
湛然見靈臺
天光澹彌煥
叩寂轉自恬
委形孰與絆
候蟲最清切
隔離幽相喚
朱陽已成功
白藏行代禪
悵然念幽蘭
寒泉清可灌

早秋書寄芝房兼簡位西

冀北高多風
早秋天氣冷
念君臞甚鶴
嶢削犀插頂
何來更瘦生
夢想疎虛警
早從繕生訣
約略得縈肯
元膺熨一氣
鉛汞無留鑛
渺焉天際雲
微君孰幽領

戚戚復戚戚
既歌旋忽泣
孩嬉猶未遠
行年倏四十
故人有嘉惠
提耳起積沓
幸事義皇書
膏餘大霑浹
下學在補過
商兌益斯集
再拜告故人
坎險期其習

夜坐憶小孤簡宋山人

客冬余自九江販鹽揚州水陸往返千餘里江

上諸山都未登覽獨在小孤守風數日境往興

敦良吉齋詩二

三六

集虛草堂

來即寄山人俾約略圖之

枉將一舸逐鴟夷
江草江花繫夢思
撥冷鑪灰忘不得
小孤山下放船時

霞邊雨外夕陽遲
持比金焦秀更奇
兩次小孤山下過
病中欠作小孤詩

彭浪磯頭浪拍天
小孤頂上月初圓
飲酣徑棹中流去
錯被人呼作水仙

北馬南舟久倦游雲煙過眼總難留卻煩淨掃鶯溪絹

寫箇孤山置案頭

久雨坐西邊草屋睡醒呼酒快酌以壁閒孫翰林

詩下之率成二首聊續寄

擬神覽太古塊然入睡鄉欠伸僅俄頃積暝天無光
煙炯孤照瓶花逗寒香幽絕二孺子卷書誦琅琅陶然
且盡斟此樂安可忘

隆隆萬象幽林鳴勢如瀉仰誦壁上詩移燈墨光射斯
人匡濟彥餘事曹劉亞淹留阻良覲沈吟壞秋稼煩憂
來無端顧影一悲詫

浮槎畫障歌送宋山人歸浮槎

山人家在浮槎中瀕行贈我浮槎峰浮槎之峰我舊熟
篝燈屢傍山僧宿山泉泠泠響空谷山中神芝白于玉

敦良吉齋詩二

二二七

集虛草堂

別來塵狀走鹿鹿夢魂日繞浮槎麓草堂霜緊萬木禿
青山無端入我屋黛喻藍罪巧結束簾角一峰澹尤綠
畫師競虛名好手實難得 國初續事首煙客圓照清
輝繼壇席山人本師張少伯吞討三王得聲畫過江更
事湯將軍踞虎蟠龍壯精魄名山蕪沒形失真揣摩須
借磊落人畫師不是無心學少陵此語堪書紳送君浮
槎去興因浮槎發道林鐘磬久莫索總持墓草經霜白
長相思浮槎月

方伯李公以自題長江籌遠圖詩郵致屬和伏讀

悚躍沛乎靖獻之丹忱綏戎之長慮豈直斧藻

鏘鳴環偉其體製云爾哉少陵同元使君春陵
行其序曰當天子分憂之地效漢官良吏之日
得結輩十餘人參錯天下爲方伯萬物吐氣公
儻其人與疏野賤夫不識事宜竊以茲者公私
日耗邊隅創劇而內地草竊援枹之警重煩有
司苟求其本是在賢者之用心焉已謹貢一詩
略效其區區之愚至迺扼荆襄以控上流莫兩
准以固根本如公偉論兵難隲度究非下士所
敢妄測也咸豐元年冬仲

敦良吉齋詩二

二二八

集虛草堂

仰誦大句神揚揚山川設險自天地規軸須爲久長計
桂林鞞鼓老不休狼烽遠映岷江流我公旌節凌上游
顧瞻楚粵盼淮海浩歌獨抱蒼生憂想應登覽預方略
山顛水汙紆良籌公歌我能和我歌直拙公無唾江南
列鎮稱巖疆江北沃野宜耕桑其地四達古戰場其風
雄武民質良指揮便可稱精兵有明中葉慮倭寇誰知
張李生蕭牆 國家龍興起漠北重熙拓宇方域長滄
溟孽火自偃蹇時平邊吏多纖佺 嗣皇聖德實英武
手整揆席恢乾綱深宮臨食念鉅鹿列辟袖手嗟亡羊
粵東戰粵西戰大旆高牙習清燕百萬貔貅竟誰練江

南水江北水樂歲方欣自今始閭閻困鹿久難繼挾刃
採丸等兒戲自來殺賊要推鋒到底安人在良吏但教
當軸布龔黃儘可荒陬罷侯尉檐梅凍澀霜華冷漆室
孤吟雜幽哽經畫雲霄望公等

聞王給諫蔭之左官衡州旋聞其有廈門之行

神羊墮地萬人驚仗馬如山總不鳴遠郡何須勞賈誼
諸生可解惜陽城才聞作賦投湘去又報褰帷泛海行
回首青門私語地只餘天日照丹誠

泥汊舟次 壬子

繫纜月初上晴霞澹欲無茶鑪號蚓竅漁火隱驪珠春

敦良吉齋詩二

三九

集虛草堂

暖江流大天空客膽孤浴浴問前路有酒正盈壺

齊山九鼎洞贈黃麓銘時麓銘將歸楚南

列仙竟安去奧宇閔巖腹與君隔塵海風蛇不相屬那
知萍水閒笑語共幽谷弛矜石可枕捫蘚碑同讀葳蕤
黃精苗東風爲誰綠靈泉滲蒼學鏗然響寒玉我欲濯
塵纓清淺不盈剝屢懷鄭公隱枉事屈原卜新交權自
今離歎歎方速揮手卽茫茫乾坤兩白鴿

率作堂同黃麓銘讀淵明詩遂登土山麓銘從質

詩法因贈

造化無遁姿隨地有奇會惟宜靜者心攬擷入文字江

濤爲我聲風雷壯其氣明月豈難掇雜芳儘堪佩不見
杜與李藻並江山麗髯蘇故狡獪譚諧率游戲晚年學
道力頗識東籬意池陽雲壑佳高流數游憩講堂面眾
幽佳處數峰對油油茆葉陰半天送晴翠君儻欲有述
無絃琴可味

晚登東城望九華悵然有懷歸值陳使君譚劉項

事了了可聽率成長句

九華樓外青嵯峨登樓擬作九華歌羣峰絡繹要奇句
塵懷抑塞將如何歸來苦吟對虛壁有似寒蟬斂秋翼
使君忽動千古悲抵掌豪譚壯吟魄重瞳自可人隆準

敦良吉齋詩二

三十

集虛草堂

本無賴風雲變化等閒事雙屈龍蟠偶然會君不見魯
莽博浪椎瀟灑淮陰釣匍匐甘遭市兒笑神龍作繭善
用柔淮陰遠過張留侯君不見長樂宮中血漉漉牝雞
晨嘶新鬼哭臨刃徒然念蒯通何不早時尋赤松丈夫
飛潛須自斷榮辱豈必關天公使君薄宦亦殊好寂寞
江城車轍少天與名山吏隱兼九十九峰青未了我獨
何爲零落悲歌走長道

包公井歌美陳使君新政

荒城羈客一事無登臺覽古頻嗟吁道旁有井智不枯
行人愛說包龍圖龍圖歷官際盛未鈞座多賢善人眾

是時吏靜民氣和鞭扑無煩租稅供我與龍圖共桑梓
書劍飄搖忽來此此邦濱江地磽嶇海若馮夷連肆虐
使君莅政池人樂爭道陽春初著脚訟庭花煥鳴蒲鞭
使君錄囚愁不眠尋常桃李儘揮卻使君手自栽松柏
紛紛鵠髮餐霞叟盡作任延座中客使君錄士皆老宿
山中香逸多望風
至者姿壯蒼古吾鄉鼠雀日構凶東高西高爭英雄顛
多不類世間人
危不與池人同使君儻可迴花驄我欲因之借寇公昔
賢事業擅鐘鼎獨鶴徘徊雲路迴愁來兀自倚危闌曉
月雙鬟動修綆

送馮樹堂返長沙

敦良吉齋詩二

三十一

集虛草堂

欲哭翻成笑悲哉秋氣蒼相逢纔幾日相別更他鄉野
水兼天闊孤帆帶雨涼前途正戎馬鄭重報高堂

九日登百牙山塔覽古緣溪行獨酌酒樓有懷姚

廉訪粵西兼寄曾侍郎楚中侍郎時以憂歸

孤塔摩空上上頭大江終古自東流殿司獄冷鴻文在
控海軍虛雁汭秋壯志輪囷惟縱酒異鄉牢落不成游
時危慘澹思奇士嬾向蕭梁問選樓

桂嶺經年鼓角哀荷戈轉餉亦勞哉久聞妖彗臨湘水
拌起牙璋成大雷庾亮旌麾連夜走深源雲霧逼人來
斷藤巨畫猶前事欲起韓雍論將才

白首可憐姚石翁潯陽尊酒別恩恩望窮歸雁書全斷
開到籬英恨略同曾共魚鹽籌末路獨拌馬革奉孤忠
縱江魚艇浮槎月何日相逢一笑中

壯不如人萬事非泥塗軒冕跡多違范雲虛枉征軺過
和嶠頻傳讀禮歸白簡文高懸海內朱陵烽緊泣麻衣
長塗未展生芻薦徒倚寒雲看鳥飛

將歸贈杏生

獨鶴念瑤草橫飛覽九州偶隨白雲至弄影青溪流愛
汝好毛骨相將同唱酬他年風雨夕解憶老夫不

雪中坐閒閒園時將赴湖上新居率題壁間

敦良吉齋詩二

三十二

集虛草堂

癸丑

滄海際橫流大劫復焉避新買湖上居耕釣平生志柴
車指明發殘雪路猶滯林光向夕佳萬象森初氣坐愛
西軒清竹柏蘊真契嘉賞付後來攬幽可誰繼

病心役塵羈坐久發深省西風連夜雪草堂一燈迴凍
禽怯危巢酸嘶若相警束髮際平世雅志樂幽屏邱樊
計未安兵戈事多梗書壁記歲時人閒夜方永

新正廿三日夜起書事二首

卜居苦恩恩移家亦草草倉皇風鶴來村嫗突驚倒有
客夜叩門衣冠盡烏了云將掠南村疾裝不待曉勸客

姑止止飢寒事原小炙酒與君飲作糜供君飽爲君歌
伐檀河干可終老酒闌客醉眠寒蟾瞰林表
西鄰突無煙東鄰窖餘粟割宅券鄰翁貸粟一百斛小
惠何足稱藉以靖鄰曲飲食起訟師痾瘵亟惇獨北風
卷黃沙春蘭弄幽綠抱膝念天地坤維仄鼇足飼虎虎
猶媚豢龍龍可畜我手無黃金踣躅復踣躅

晚憩避泉

造物厚相賦天漿飲我腸品宜邀陸羽記不待歐陽清
佐齋房粥靈分芝草香巢林有逸興飲饋亦無妨

新正病起喜得王五北城樓上手書

敦良吉齋詩二

三十三

集虛草堂

片紙隔烽火好風吹忽來墨應磨盾澹愁爲早梅開狂
態偏仍舊高歌信汝才淒涼戍樓笛吟望不勝哀

寄子固

借隱虛成言幽懷寂無向展轉踏斜光欲去復惆悵拊
膺默相弔獨處積彌放久睽藥石規莫療雲壑恙啁噍
失羣雀翔號久難忘我心匪鐵石況茲士可尙青谿澹
澹流隱約聞漁唱何處是仇池戎旃徧江上

連日沈睡午起遂登黃泥岡與諸牧兒行吟亂冢

閒作歌俾羣兒和之

涉水無船不敢渡負天無翼忽中墮糟邱一覺勝華胥

眼底二豪直么麼花間巧婦語玲瓏午窗花落翩東風
東風吹花入簾幕研凹墨暈胭脂紅披衣起逐村童去
得得烏牛導前路秧畦四映匝天綠鷦地風帆挂雲樹
一聲牧笛出前溪驚起溪中雙白鷺悲來涕落不自由
放歌踏徧荒墳頭布衣南面終一邱揮筆試問枯髑髏

巢湖營次贈無錫汪大芾庭

病懷迫風煙懼會惜俄頃湖天旌旆幽月落眾星同天
狼焰正明燭龍呼不醒昏黑萬族瘡抱火恣宵寢誰知
兩狂夫露語荒墳頂

神劍無鈍鋒良璞有奇曜虎猛豹能制鵬擊鷄頻笑久

敦良吉齋詩二

三十四

集虛草堂

晞沔上耕暫展淮陰釣與君結新知雲鶴本同調喔喔
村雞鳴風濤助悲嘯

束髮誦孫吳心膽萬夫壯流離淹歲華耕牧事孤尙秋
田澆不收雲壑寄疏放平生喜結客黃金揮孟浪欲贈
無絺袍臨風重惆悵

秋晚讀曼陀羅館詩漫成四韻卽簡芾庭

雲劃半湖雨山山相對青好詩欣在握落葉下空庭虎
鬪蒼天醉龍泗勺水靈浩歌訊之子誰與玩芳馨

謝竹老借方書至

甲寅

村居寂無事愛讀神農書幸得窺秦蠹因之校魯魚衛

生方漸熟活國計全虛媿少一紙報相馮證紫車

遜泉上贈放鴨翁

舊學屠龍技今從放鴨翁呼雛疏雨外對飲夕陽中家
具馮行寵新鮮問釣童草棚高臥穩瀟灑葦花風

喜王處士過宿

深柳薺殘光獨行意悄悄軒然一蚪髯攜蓋出林表相
逢便披衿壺尊共傾倒康時望異人清言見深抱虞卿
久固窮侯嬴嗟已老中原鼎初沸高齋榻權掃促膝忘
夜闌虛窗一燈小

秋晚自東大營待渡胡家淺

敦良吉齋詩二

三五

集虛草堂

亂離一宿艱晚行意恆疾旁皇緬桑梓斜日澹將沒孤
城萬睥睨積屍氣如鐵元戎據高壘向夕笙歌發袞袞
白燭饑飢鴉怒相啄朱明倏已秋野水覺來闊掩泣下
荒阡扁舟盪孤月

讀陶詩書後

澹泊標成隱逸宗黃虞胸次忒雍容北窗風枕東籬菊
誰識先生是臥龍

戚戚行

戚戚不能聲獨行只自語揮淚頻避人斜光動禾黍登
高望層城圓靈鬱難覩之子本素交自昔同肺腑眾聽

熒飛蠅臚傳鬪市虎誰回若木光垂照漆室女往聞海
生塵今見天倚杵楚奏儀自悲越吟舄猶苦屈指游處
徒肝腦半黃土生囚既可矜轉屍亦無主存沒總茫茫
煩憂向誰吐

坵埠贈郭處士紹涪

小雅思益工楚些境彌苦恆時誦陳言怪事今日覩重
培飽所經傾蓋見高矩好詩比嬋娟修整足眉嫵琴德
靜不譁流哀時激楚亂離佳釀稀佐飲有市脯奔波戎
馬中嘉會此終古

富貴無常家兵火劫殊毒可堪覆巢鳥重經故人屋昨

敦良吉齋詩二

三六

集虛草堂

來馬糞高苦雨土花綠今來眼乍明書燈幽可矧方伯
總度支茲鄉成結轂工商列肆居燕雀暫蒙福世途方
荆榛且盡杯中淥

途中詠阜帽

阜帽老風雪蒙頭暖若春盟心期皓首入世怯緇塵色
配羊裘古情逾貂冕珍遼東有嘉製俛仰媿先民

山中於史刺史殯所贈張騎尉兄弟

凍雨殢征輪斗酒懽茅屋荒寒風雪交萍蹤成信宿避
冷擁被談借書分卷讀符箓接牛宮檐風噓短燭老牛
夜齧草飢鳴念其犢主人殯將去薤露歌殊速草草烽

煙中翻飛羨黃鵠

皇天開殺機，貼危要人傑。久憐中丞公，身並孤城裂。君家賢令君，蹈死節同烈。遺骸慘未收，冰霜鍊忠骨。機雲好兄弟，文藻互揚榘。宦薄衣食忙，途窮出處拙。秉燭坐通宵，知君念明發。

黑摺扇歌感弔陳使君兼懷其令弟陳五立凡

乙卯

黑摺扇池陽老守親，手贈櫻欄爲骨鈿。裝柄鴉翎漆汁光，鑑空泥金小字書。參同老守學書宗，智永王家腕力能。生風丁香之油出，東粵阿五閒情爲塗抹。頓教懷袖滿天香，豈止林棲坐相悅。黑摺扇兵火崢嶸陵谷變，眼中妖星正照廬陽樹。死別生離不知處，黑摺扇行將燒汝揚。其灰無爲使我終日對汝肝腸摧。

敦良吉齋詩二

三十七

集虛草堂

城西營次酬周二雲先

戎馬崢嶸白日過，酒壚人渺若山河。中宵星斗聞雞切，四海賓朋化鶴多。但願重逢仍健在，暫時相對強悲歌。城西春水傷心綠，惜別江淹更柰何。

乞食行四首寄張子蕃

覓食須尋謝仁祖，假糧不藉陶胡奴。古人許與各有分，夙昔誦此長嗟吁。山廚幾日煙斷絕，溼薪不然釜不熱。

今朝無米復無薪，馬齒青青宿猶活。橋頭酒家準相貫，醅酌枯腸百怪發。北窗著書嬾未就，塵埃千鈞付身後。乞食行君家兄弟知我情。

龍池清淺不堪釣，赤手敢言千金報。古人牢落後人悲，今人寂寞旁人笑。一囊之錢世所重，謂天蓋高天夢夢。致身似我亦殊愚，自奉心肝耐飢凍。故廬一炬萬緣盡，家具并無庾信甕。連宵屋漏大如注，羈棲卻喜甘霖布。乞食行四山風雨鳴縱橫。

敦良吉齋詩二

三十八

集虛草堂

湖干餘燼蕩如洗，新鬼故鬼同啾啾。劉伶一罇不去手，未知埋骨終何邱。窮檐糠粃啖不足，驃騎營中多棄肉。乞食行四座聞之應涕零。

亂離聚散無好懷，林鴉哺子鳴聲哀。雲山兩處斷消息，醉眼日盼魚書來。束髮論交動燕市，傾蓋推襟必奇士。戎馬關河戰血腥，屈指親知半人鬼。君家兄弟最晚合，締歡轉自兵戈底。雌鳴羣應精氣侔，故人不是監河侯。乞食行擲地還成金石聲。

寄贈沈記室兼訊江二使君

西營鼓角壯晴霄，采筆遙欣占斗杓。勝友無多丁令鶴。

使君獨出海東鵬鄉關夙譽推王粲幕府新題藉鮑昭
準備銘功濡盾墨主人勳望勝嫖姚

乾坤萬感付蒼茫牢落空山一酒狂青犢運窮仍肆虐
黃雞歌好漫開觴庾郎高詠傳蓮幕嚴武飛書問草堂
見說將軍容揖客會須叉手謁旌旁

廬陽夜捷行贈江使君達川

使君爲中丞介弟中丞死於廬州之難戰守大
略余別有記頃者官軍收復郡城兩大帥加官
晉爵於時使君固請去而郡人士感銘前勞於
城復之後六日相率麻衣首經會祭中丞於郡

敦良吉齋詩二

三九

集虛草堂

之潛山廟中既卒奠使君前謝客相向而哭余
郡人也今昔見聞之際有難言者因事命篇卽
贈

廬陽夜捷烈炬紅露布連奏甘泉宮使君兵聲冠諸將
輕裘緩帶殊雍容記昔曾在圍城中挾策兩謁中丞公
中丞英偉人中龍使君眉宇春融融指麾綽有中丞風
牙旗深處展高宴橙香蠟綠霜螿健野人喜極悲倒來
曉柝深杯淚如霰君不見荒城蕩蕩跡如掃縱橫瓦礫
居民少觸饑滿地生青草君不見壺漿士女泣垂面愛
說中丞舊時戰張巡死去賀蘭生痛殺潛山廟中奠

騎連宵拜新命漢廷不惜通侯印使君愛逐赤松游脊
令原畔牽歸輿爲君高歌歌斷絕悲笳吹落林間月
三河行營贈易五明府時明府尋池州遺骸久不
能得夜闌情話惘然有作

餘生等浮漚禍亂沉踵繼今宵共君語滄海翻涕淚池
州賢主人妙特青雲器生前列五馬死去溷羣隸昨者
學門過略展生芻祭居人識音容指點投繯地講堂漏
旁穿老樹枯半臂纍纍白骷髏鄰獠齧相戲遺孤藐江
湘弱弟期未至君託肺腑戚我辱班張契崢嶸風雪交
鞞鼓送殘歲連營凍馬嘶遙天孤雁唳永懷腹痛言殘

敦良吉齋詩二

四十

集虛草堂

燈照無睡

除夕前一日醉起呈江使君時使君以歲晏享士
虛其左西向以薦中丞之靈旣畢奠使君揖余
就賓位曰君先兄故人狀相若齒相埒也見君
如見吾先兄矣余之識中丞以陳池州池州之
死久而未明而其弟畢凡千里來尋兄骨又久
而未至俛仰悲懷轟飲極醉不覺失聲哭率成
二首呈使君兼留遲畢凡

虎帳森嚴忝上賓座中靈爽動星辰無端慟哭干戎禁
多媿將軍怨酒人信國千秋青史在荆卿四座白衣新

醉時錯認西臺路朱鳥歌終倍愴神

老向風塵賦八哀池州儒雅濟時才並時巡遠宜同傳
入洛機雲久未來數載兵戈知己盡百年懷抱對君開
天涯明月同除夕好挽長河注酒杯

今夕何夕行爲陳星台作

君揚州人爲余道揚州被難情事其言覲縷而
悲揚州之陷以咸豐癸丑二月先是賊圍長沙
朝議以兩江督臣陸建瀛扼九江賊窺武昌建
瀛以梁山蕪湖防兵遁歸江甯是時 上命江
蘇撫臣楊文定倉場督臣楊殿邦分守揚州旣

敦良吉齋詩二

四十二

集虛草堂

賊陷江甯鋒益銳兩大吏以土人江壽民陰款
賊揚州人亦以款之足恃也賊至淫掠焚屠無
一人脫者君久陷賊中今年冬從廬州逸出與
余相遇於三河行營而余往者服賈江上尤悉
其土風因歌以道昔游且以慰君之思時乙卯
除夜也

今夕何夕愁復愁擁被聽子談揚州揚州繁華甲海宇
青幘縱橫變焦土少年莫便歎飄搖猶勝全家餉豺虎
蟒欄腰玉本碌碌社鼠城狐趨避熟開門揖盜計殊左
坐使全城供魚肉憶昔咸豐初洪鑑幹運和風翔金田

妖狐走復僵兩階干羽尊垂裳羣公簪筆同揄揚大府
新籌變鹽法連雲萬艘橫江湘江湘蕞鱸秋興長我亦
載酒之潯陽姚家司馬邀作賈矢言江水同滄浪琵琶
亭邊半輪月好風送我邗江旁邗江雪大夜中渡燈火
樓臺錦纏樹美人笑挹金叵羅觴我珠簾最深處陳書
自嫌褐衣賤鬻財徑被陶朱誤中途折閱拂衣歸醉枕
漁榔過瓜步到今遺恨付東流未陟金焦窮北固兵火
愬恩閱人世往事模糊總難記江頭短樹認微茫半是
從前浪游地去年復揚州今年復廬郡卻喜官軍屢報
捷皇天厭賊劫將燼我與子同坐饑饉皮骨徒存塵滿

敦良吉齋詩二

四十三

集虛草堂

鬢山中拳蕨噉俱空隔河賊壘明青烽請君記取此除
夕明日馬蹄西復東

讓榻行調陳刺史丁巳

往聞陳豫章清風灑六合吾家老孺子屢下衙齋榻高
風一去不可攀君侯使我開心顏玉帳縱橫十笏地孤
鶴橫空偶然至君侯讓榻禮數絕肯與岑苔結幽契霜
雞叫樹朔風吼野客披衣默搔首除夕已過更元宵歲
序駸駸復何有君侯愛客敬忘疲嫌我欲去頻相肘噫
吁嘻賊魁猶未禽海宇方洶洶吾曹旅走潛蒿蓬兵幾
自古貴奇勝呼吸便使狂瀾東層冰在地酒在尊楚南

壯士如雲屯請君爲我明日收崑崙

撮鎮送易明府謁選入都二首

弧矢男兒事沾衿非我曹恐違子高揖擬贈呂虔刀長
路紆征轡殘春餞濁醪蕭條施水上相對首頻搔
宦海波濤惡況經血戰時青萍思得價白日訣臨歧吳
楚傳烽急幽燕轉餉遲此行應陞見披瀝說瘡痍

調小奴

憐汝亦人子垂髫解荷鋤夜寒眠傍犬晝暖學叉魚莫
笑漫郎拙可知穎士疏年饑須菜食早晚灌嘉蔬

中秋後五日於礪西遲亦符不至夜酌寄亦符

敦良言齋詩二

四三 集虛草堂

西風響藜藿秋思來颯然開扉候之子默默循荒阡四
山遞明晦缺月雲際懸目斷眾峰外神游萬古前領勝
境獨往望遠頻遷延道逢農丈人情話秋荷邊菱香動
酒興烽緊愁戎旃竝立不忍去隔林鳴夜泉
宵深露氣涼骨冷知衣薄旁皇覓歸徑林月澹將落瓦
罌足新釀呼兒具斟酌夜色几案深幽味靜堪嚼之子
佐戎行篝燈坐索莫料應刁斗中枕戈睡難著江淮劇
戎馬乾坤待商略坐看燈穗繁鴻聲入寥廓

居巢軍次贈畢凡

青冥萬笏擁居巢戎幄周旋感二毛百戰湖山風景改

連營星斗月輪高我來共汝談秋水醉裏看君注楚騷
君之來橐中止南華楚辭數卷於九歌能自爲說飽閱丹烽煉心魄久應無淚
滴征袍

虞主簿於行營關小窗當眾山之勝詩以落之

幽絕湖上營恰似野人屋鑿空安一窗吞吐眾峰綠釀
雨雲作堆放晴翠堪翁安帖戎馬場豁達林泉目與君
久坐來漁樵意俱熟秋風吹行旌進剿事須速竊聞荆
楚兵檄赴龍眠麓容膝且暫安揮杯可遐矚陳留擅幕
僚商山老耕牧題詩記歲時報章俟金玉

自失

敦良吉齋詩二

四十四 集虛草堂

自失草玄伴蕭齋獨睡遲山荒無雁過衾冷有猫知識
字慙將老遺書欲付誰西河餘恨在天道本如斯

雪夜讀廬江吳徵士詩卷愴賦即寄其令子都尉
長慶兼弔桐城馬三命之戴五存莊

歲暮常易悲坐惜老將至故人有遺詩夜讀燈光細沾
危鬱奇抱變徵聲尤厲蘭成善賦哀越石時尙氣零章
與斷句燐血助淒麗哲嗣憤戴天馳驅效戎隸翩翩儒
家子名父風未替綈裘辱相託丹鉛本吾事有約期未
來風煙莽迢遞銷沈嵇呂徒遺孤渺焉寄摧積龍蛇鬪
浩蕩鷓鴣逝冉冉問流光心枯閱人世

夜飲大醉登元叔墓上作

只此一棺隔醉來呼不膺悲風吹熱淚墮地盡成冰狐
嘯月全黑燐飛霜有稜酸吟扣枯冢泉下可曾聽

雪中寄答劉穎生明府二首

山空恣臥疴忍飢起恆晏迢迢念之子衙鼓聽應倦早
蝗歲載凶亂離官亦賤城中昨點兵車徒泥淖濺錦衣
佩刀兒狐裘萬人羨誰憐循吏孫敝緼曳長軒
東峰積雪高寒光浸虛壁坐對心目瑩一編懼竟夕即
事自成吟研墨凍猶積撥火炙層冰玄晶湛靈液興至
古今趨憂來天地窄欲寄重摩挲摩挲長太息

敦艮吉齋詩二

四十五 集虛草堂

戲贈阿全

汝小健於憤省余薪水憂凌晨掃霜葉帶月汲寒流不
逐攤錢戲能隨秉燭游計功宜上考李蔡早封侯

春草一首寄懷穎生

廬陽城畔草綠過鮑昭臺之子臺邊住登臨日幾回望
雲應拭涕弔古可銜杯幕府資匡畫無為羨賦才

首夏同畢凡於縣學明倫堂重尋池州公遺骸卜

瘞碑於堂之東隅時大帥頓軍桐城既失援諸
縣相繼潰陷而廬郡又戒嚴畢凡將南歸即事

述懷因贈

幽明信異途一別萬萬古低徊覓遺骸慘澹日亭午舊
時白骨堆零落久無主恨血濡草花猩紅媚春雨草閒
枯觸骸胡為不人語公本平生交夙誼關肺腑令弟虎
口來衣衫溷塵土皇穹遺奇荒生幾斷窮圃桐城昨覆
師百里無完堵戕戕秉鉞人擢髮罪難數我生儼創禽
久戢林下羽君懷鶴鴿痛戎馬更羈旅辛勤構豐碑卜
幽志彌苦長烽互肥津歸心落湘渚伫立祇斯須悲風
激林莽

畢凡既行復來聞其稽留逆旅詩以招之

雙峰破茅屋屋角盡瓜疇瓜蔓綠當戶鑪煙永日幽羣

敦艮吉齋詩二

四十六 集虛草堂

雄頻草竊吾道自林邱肯稅山中駕陰符在案頭

贈馮子明子明司天堂自號笠尉

亂餘逢笠尉解后賦同袍家借西湖勝官因南岳高孟
郊覓句苦梅福上書勞會得閒雲意浮生信所遭

會城歎贈汪果

君浙江嘉興人工書

昔者君來時會城峙皖江今者君來時會城寄廬陽廬
陽但空城黃蒿過人長皖垣棄不收白日鳴豺狼我生
幸再更畢逋山谷藏與君別廿年音書隔車航昨勞走
倅問溝瀆銜末光相逢一驚喜仰視蒼天蒼憶昔全盛
日軒車同頡頏于時值孟冬狐裘君馬黃置酒臨江亭

醉挹天柱光熙平富文物萬艘齊帆檣節樓擁高戟曲
巷羅仙倡南金謀善州北珠媚後房梁鴻方少年潛行
歌慨慷繁華一朝盡鐵馬荆榛荒賊王與賊帥笑踞中
丞堂沿門唄耶蘇拘囚到紅妝竊聞初陷時割人如豬
羊所嗟長宏血不到清水塘肥東穩行臺四閱冰與霜
喪馬求林中殪骼委道旁驃騎素貴通僚吏工趨蹌峩
冠嵌珊瑚列燕惟金張逢掖一老儒袖短衣郎當長揖
公卿閒旁人笑疏狂蹶張諸健兒誰解師鍾王君家好
山水白首胡栖皇彈劍對尊酒月落悲茫茫

秋夜枕上作

敦艮吉齋詩二

四十七

集虛草堂

新涼愛孤枕臥美手脚便雨窗夜深黑明滅見飛電奔
雷下遙峰騰騰去復旋多病覺早衰晚得止襪線墮地
幸作男口體養殊賤委心付寒暑形質老將變坎壈堅
道心况迺烽火煉

野人拙生計瓶罍夜常空飢鼠嚼案書格鬪翻酒鍾幽
蟲砌下鳴檐滴聲琤琤瓦鼎一炷火寂歷香光紅孤魂
自去來簾幙生微風之子抱幽素僻嗜與我同泉臺儻
有作夜雨吟益工

寄沈廣文從軍仙蹤兼懷新甯江使君

武功越等直價高廣文於例爲閒曹江淮連兵俎豆棄

廣文久無立錐地昔賢只嗟飯不足君更辛勤坐空腹
盾頭墨費千毫秃刀劍叢中覓饘粥憶昔三河數相見
風雪聯牀託深眷元戎列幕猛將多臥聽馬嘶快塵戰
於時江使君戰罷從容展高宴看君草檄夜中忙紅燭
光飛眼如電桐城一潰棄甲多江淮銳氣全消磨居巢
以東盡賊壘昭關不守將如何楚雲天末斷飛雁洞庭
杳靄橫蒼波側身四望空悲歌

馮君書來盛頌山居之樂聊賦答

偷生匿蓬蒿殘喘天網漏遠勞故人問未審山居陋長
林冬多風冷浸羊裘透瓦鑪煑礪冰午炊薪待湊茶涸

敦艮吉齋詩二

四十八

集虛草堂

陸羽鑄酒斷王尼廐家具狼負藉至樂蛙鼠螿案頭一
卷書凍墨披剛就詩情澹遙峰雲木鬱蒼秀支離任元
化索莫念朋舊歲晏一寄聲杜陵今更瘦

冬夜醉歌投聶遊府

江表連兵苦不休風塵不見英雄流君侯毛骨特英妙
諸將叢中最年少本師烏都統劍訣戎機洞窅要百戰
身親陣頭到艱危解后得奇士窮途使我破顏笑廬陽
坐復賊運窮大兵乘勝攻舒桐覆軍殺將天不聰節旄
穩坐廬城東和州營撤藩籬空橐皋旁直居巢衝眼前
碁局皆敗著全皖門戶爭仙蹤君侯再起眾望屬斬新

鞍馬橫瑠弓坵埠樓頭一尊酒余時適欲還東峰馬前
揖別殊恩恩病眼喜見旌旗紅早晚欣聞報戰功

移家自賀

自我居雙山荏苒六寒暑忘形到樵牧相過共雞黍世
亂俗盡偷壤瘠風尚古仄處不嫌陋愛茲眾峰嫵牆東
有廢宅人棄我獨取斂錢藉素交助力仗鄰圃經營始
仲春移家屆重午因倚置講堂約略具環堵長物一木
牀足斷背旁俛殘編出秦火斑斕劫痕苦無扉暫安簾
有竈足支釜籬隨山勢編竹待秋來補乾坤正反仄中
衢鬪豺虎擬備釣魚舟江淮路頻阻自號贅瘤人暫作
羽

敦良吉齋詩二

四九 集虛草堂

草堂未暮夜漏殊惡雨既獨酌率書示老妻訂飲
戊午

命宮犯水厄到處遭漏屋今宵漏彌苦驟雨斷燈燭牀
上枕席浮橫空倒飛瀑疾風欲拔宅騰掉龍象蹴牀下
撥刺誼捫壁行卻曲慙奴起索火踏地柱頻觸牽引碎
瓶盞驚犬吠來逐窗虛電屢穿雲霽月新沐層峰清夜
鐘流星引高矚問訊得醅醪搜索具新菽晚師信杜康

放歌傷獨漉虎鬪天地腥蝗旱蒼黎毒嗷嗷全皖民六
載老鋒鏃流亡半不歸創吟多露宿蹇余託蓬茆私迓
神天福憐汝拙似鳩飄搖共巖谷賢勝劉伶妻斗酒常
豫奮醉鄉無兵戈飲者飲天祿獨飲不厭清羣飲不嫌
濁甘霖應時降新水陂塘足明朝飲更宜添種西檐竹
長夏山居德軍門書幣敦促既戒行復留一夕夜

坐書懷題壁上

山居暑氣清午臥亂蟬聒元戎勤大計書幣逮裋褐使
者趣首塗相待儼飢渴坤維漸傾敝扶持藉人傑兵謀
無恆師利鈍析毫髮中原板蕩久老親甘旨闕共事須
慎初處幽易藏拙踟躕夜中起愁與青山別素書讀未
終秋瓜種纔發去去準速歸不負東峰月

敦良吉齋詩二

五一 集虛草堂

羊頭歌贈梁記室

羊頭爛熟復羊胃大將軍告身不能博一醉昔聞其語
今見之潭潭虎帳陳行屍梁夫子以酒名袖中匹錦春
江明侯門長裾曳不慣愛攜短鍤呼劉伶羣峰霽雨匝
天綠壘門旌旆幽禽熟款客不惜雙玉瓶驥渴鯨吞劍
光逐席閒爲我作奇篆玉截金鎔巧結束風塵一士矜
創獲戎馬雙尊慰幽獨君不見渭水風雲起屠釣幼安
老愛遼東帽丈夫去就要分明失腳翻貽猿鶴笑君不

見皇天嗜殺賊運昌黑山更比紅巾強舍和全滌相繼
陷邇來又欲窺廬陽落日銜山下將夜百榼干壺遑問
價泰山江漢兩忘形董龍雞狗休相訝

大樹行送梁子熙還江東時撫軍自坵埠移營梁
園又數月矣

黑風四卷悲風號大樹蕭瑟餘黃蒿書生從戎意不樂
日歸日歸心鬱陶櫂槍照地賊氛惡太白睽睽怒生角
江淮連兵閱六稔梁園節旄老盡落戎幕無聊日耽酒
與君周旋惜未久君今決策還江東我亦閒道歸雙峰
河山兩戒戎馬梗吳楚一線車航通前行攬古應有作

敦良言齋詩二

五十一

集虛草堂

寄書早晚馮歸鴻

十三日歸自坵埠途中口號

萬事料全錯孤征意悄然長星欺夜月烽火切遙天旌
節紛兒戲萍蓬閱歲年昨宵漢陽客猶誦福華編

牧羊詞四首 己未

生爲隴畝人略解泉石趣養羊十餘頭藉以慰遲暮晨
征越林薄夕歸識村樹亂餘鄰人稀數椽共羊住地瘠
秋無禾峰長晝多霧卻怪諸賊奴早識山中路
童羊初生角隨母走躑躅道閒逢羣羊跳梁學抵觸失
勢落草閒騰身復相逐飲泉喚共來升巖躍仍伏老羊

念其兒嘯呼動林谷雙雙就母嬉索乳鳴穀穀物情樂
初孩嗟予老愁毒經旬斷賊蹤樵歌動村曲巖西磐石
幽午飲睡來熟

春寒苦多雨羊飢走旁皇旁皇復哀鳴展轉遶我旁羊
鳴一何悲雨聲一何長拂衣視天宇叩木歌清商歌罷
長太息出門卽豺狼羊兮勿浪嗥與爾同行藏

東家牛抱犢西家雞哺子龍池水草幽我羊亦肥美乾
坤莽戰爭生機殊不已屋角小桃花結實剛索索

久不得安邱先生消息詩以志恨

德大敢云報此生長負恩無從詢驛使未忍賦招魂夢

敦良吉齋詩二

五十二

集虛草堂

斷雪中路心懸海上村伯牙絃久闕孤調不堪論

秋夜獨酌龍泉寄懷陳五立凡兼呈曾大帥報近

狀

白日挽難住空山鬢已華美人隔湘水秋思滿蘆花國

步艱銅馬兵機兆火鴉馮君語魯使顏闔久無家 魯使難尋

顏闔家大帥往過合肥見懷句也

江上軍容壯紅旗擁舵樓久知謝安石談笑靖中流筐

篋勞君輩乾坤仗老謀野人穿淚眼踏徧暮山頭

殺運年時盛故園秋又荒長淮餘戰骨專閫誤紅妝爛

醉龍泉上翻身虎窟旁醒來占斗柄行矣問滄浪

休笑新亭涕新亭涕爭乾徒薪嗟已晚填海事原難斫
地雙雄劍隨身一釣竿烽煙任流轉持此報平安

戴學博過宿山居爲誦新作因道孫太史勤西出

守皖留滯定遠軍次數辱記問勤西既假歸君

以定遠軍潰避地山中卽贈兼寄勤西

山空木石多索處斷人語何風吹君來長夜劇覩縷兵
戈艱一炊奇荒斷場圃遠慚嘉客過盤餐闕雞黍兒童
解刈薪霜芋夜頻煮好詩愁眼花展卷訛帝虎馮君抗
聲歌側聽識鉤矩勿謂知音稀知音心更苦

昔我游京師交盡一世偉每懷車笠言升沈幾人鬼孫

敦艮吉齋詩二

五十三

集虛草堂

侯籍金閨六義見根柢蒼黎坐塗炭刀筆陋難洗從政
得詩人庶以明治體盤錯事正殷埋輪去何駛誰貽輿
尸痛未雪河橋恥寂歷滄江雲無緣報雙鯉

山中寇盜相仍將移家聞曾帥兵抵皖南先書問

王太子原時賊嚴關偵索裂衫帛代書並題一

詩納老奴衣絮中

庚申

垂老怯遠行故鄉兵火又屈指去年秋後車覆仍舊嗜
禍人競狂降割天頻驟與君別無幾命屢刀邊留占爻
得濡尾株守計殊謬仄聞曾家兵前鋒到江右皖南與
皖北別自成宇宙行將膏柴車樂土遠難就居巢扼嚴

關賊壘密烽埃踟躕中夜興荒山一燈瘦手自礫羅衫
恨墨寫難透板蕩匪自今顛越復誰咎感時涕泗多古
淚熨仍縐請君反覆看天日照衿袖

蓮花山寨夜坐贈用甫

山高孤寨小松影壘門幽格磔怪禽叫潺湲深澗流老
槐陰似水嶺月淨如鉤寂歷烽煙外孤雲爲汝留

紫蓬山行營別英刺史西林時勁筠要爲清潁之
行

慘澹荒山酒相看淚轉無風雲故蕭瑟天日共踟躕白
壁投時賤青萍結客孤不須憐病馬老矣尙知途

敦艮吉齋詩二

五十四

集虛草堂

寂寞春花盡蹉跎復遠遊言尋清潁客同貰釣魚舟歷
碌禪中蝨迷漫海上鷗平生好肝膽留以奉君侯
壽春城下同勁老飲酒卽贈

八公丹竈冷草木亦無靈賴有黃衫客同傾碧玉瓶世
方須謝傅我自愛劉伶醉擊中流楫天高孰與聽

霍邱舟次遇王學博幼國得悉亡友朱孝廉死處葬
狀幼國爲孝廉高弟擬卽是秋於孝廉死處葬

衣冠云

頽上有奇士相知廿載前兵戈成死別萍水接名賢馬
鬣侯芭志鱸羹張翰船飢魂招未得前路向烽煙

聞笛贈鶴亭

鶴亭夜吹笛聲與鶴同清寥亮燭將曉飛騰劍欲鳴徒
增懷舊感各有故園情風雨況相惱滄波怒未平

三河尖南卡有小樓高敞可眺葉貳尹置酒招同

勁筠幼國諸子晚飲樓上時鶴亭吹笛雨生度

曲即事要幼國和

危樓開勝宴客裏共登臨雨暗淮流疾雲荒戰氣深晶
盤新繪美鐵笛老龍吟不忍馮闌望乾坤久陸沈

舟中寄別鶴亭兼訊幼國

在竹願為笛伴君宛轉歌尊前一揮手相望渺煙波早

敦艮吉齋詩二

五十五

集虛草堂

斫銀絲膾安排金叵羅歸帆指明月三五定如何

正陽歸次舟中作二首

老厭江淮鼓角諠避人獨自上高原六飛倉卒河陽狩
諸將逍遙灞上屯白屋依然尊漢朔赤雲何處問羌村
長庚照夜明如月烽影濤聲入酒樽

怪事紛紛到眼前中原戎馬費周旋絕裾未忍隨温嶠
蹈海終慙後魯連往事空教增壘魄此生早自付林泉
車書萬里梯航至記得乾嘉全盛年

瓦埠晚泊寄止老

歸帆逐晴波晚傍青蘆宿漁村向夕幽倚蓬看鷗浴壞

雲凝戰色沙草慘濃綠浮生等勞薪寸田荒難熟之子
抱微尚袖繫長生錄共此老大悲流年電光速別來渺
三秋烽煙事反覆丹砂訣易訛黃金命難贖寄言同志
人勉旃副腰腹

漢臘

漢臘孤村夜兵戈尚渺縣命懸飛鳥外心碎暮烽前聖
室猶吾土黃巾自紀年酸辛一尊酒和淚薦重泉

廬人歎寄懷制軍曾公

辛酉

皖城一棄久不收江淮南北無安流廬人九載坐塗炭
青烽白骨成荒邱長鏡吞聲草間活穿眼 王師淚成

敦艮吉齋詩二

五十六

集虛草堂

血昨來兒童仰天笑舒桐真箇官兵到村翁醉舞拍銅
斗村婦壺漿不去手共道公親破皖來準備牽羊迎馬
首公昔官京師雲泥分隔通遙眷大匠徵才逮襪線公
之幹濟我略知千里神交不須面乾坤敲壓須人支管
葛著手風雷馳李唐再奠郭與裴韓范一出安西垂所
惜 朝廷柄公晚明光奏草無人窺大賢餘技事桴鼓
顧盼六合殊恢恢公早來廬人福我亦蒙麻穩饘粥樵
斧漁竿易結束重理山中破茅屋免負東籬好松菊公
不來廬人悲我亦中夜揮涕洟山魃木怪不可依出門
十步九蕪藜麻衣展轉歷虎穴苦零出碎無安栖我欲

去此將焉之金陵巨憝堅未拔蘇臺烽映邗江月壽陽
白棒連黃巾嘯聚長淮各深窟三楚門戶藉孤掌全皖
安危爭一髮隆冬風雪空山空凍雲阻絕南飛鴻似聞
旌旆移江東炷香再拜呼蒼穹倒懸未有廬人窮噫嘻
吁倒懸未有廬人窮公平爲我紆花廳

愛民歌送吳騎尉之上海 同治壬戌

春夜宿吳騎尉行營營卒誦愛民歌袞袞可聽
歌爲今相公作以教士者時騎尉有上海之役
因歌贈而仍其篇名

愛民歌湘鄉相公之所作歌詞五百六十字字字簡明

敦良吉齋詩二

五十七

集虛草堂

具方略傳之楚南漸皖北句斷章零歌不得昨來皖水
觀仁風春鐙小隊歌玲瓏把酒聽歌倦忘臥相公能歌
客能和公之行兵若時雨旌麾到處咸安堵盡道曾家
軍令嚴誰識良工歌最苦爲君按歌因定譜厥聲爲宮
下生羽仁義之言中鉤矩君方妙年正英發節鼓樓船
壯行色海雲萬里事叵測相公籌邊費紆畫卽看吳越
亦王人半隸耶蘇半成血愛民歌夜長蠟淚堆銅荷我
歌君舞月將墮側身四望青烽多丈夫許國要戮力相
公論戰先人和愛民歌歌再終東行好語諸將帥火速
成功報相公

官燭行簡諸局長

官燭官燭范蠡中莖屑寸足儲之軍械所分給忠義局
相公愛士敬忘疲心苦分明勸勤讀山中儒生日旅走
虎穴艱辛廢書久亂餘見此如瓊瑤虛堂四照青天高
晚欣書味勝梁肉秉燭未忍嬉游邀明夷在腹日見斗
燭兮伴我探羲爻夜長眼花鐵櫪斷半生日月嗟徒拋
忠義局局裏英髦半年少汗血追風能遠到兵戈鸞鳳
栖無處相公特地開賓署諸君撫景應有惜相公觀書
不嫌誤我歌官燭燭見跋北斗闌干挂殘月殘月高雞
未鳴枕戈人老雙涕橫

敦良吉齋詩二

五十八

集虛草堂

久不得英宿州消息

形勝連淮泗雄兼保靜軍一官仍落落羣盜自紛紛別
恨牽隄柳遙烽問暮雲昨宵逢驛使虎口異傳聞

皖城病起喜得汪芾庭書知其亂後妻子移置靈

壁芾庭仍客臨淮戎幕

風塵幾載不相見同是飄搖戎馬閒暫倚江城容病榻
乍開尺素破愁顏鹿門妻子欣還在雞肋功名付等閒
努力征鞍慎眠食好留老眼看青山

秋晚與金眉生都轉尋子偲誤入城東行數里遂
登酒樓遲子偲不至時余將歸合肥

散步得林邱轉折引幽賞我本農圃人雅志樂蒿莽城
東勝城南地僻景物爽連雲甲第灰野人家三兩君看
九州牧何似漁樵長酒樓面勢佳江山足俛仰秋陰霽
遙帆層峰片雲往涉川媿無能御風抱遐想之子期不
來結習在書幌去去各有役城頭暮笳響

龍泉采藥歌寄贈李兵部眉生

江淮連歲橫凋戈龍泉老叟長奔波短衣塵鬢幸無恙
風塵未了將焉何李侯磊落人客裏相逢共傾倒皖公
臺畔一分手笑指東峰乞瑤草東峰高高入雲霧山人
舊識泉邊路綠林惡焰忒無情燒斷山人挂瓢樹朝行

敦良吉齋詩二

五一九

集虛草堂

龍泉頭暮宿龍泉寺琳宮金碧無一椽白石黃茆數僧
憩山僧款客夜燒泉嶺斷雲深鏡痕細懸知幕府地清
切椽燭當風攄大計彩筆遙欣一鳳鳴長塗久缺雙魚
寄夜長月好棲鳥定滿把青芝待持贈豹林丹訣龍宮
方我於李侯本無吝聞道江頭事非昨李侯定有匡時
略浩歌憶遠重惆悵我愛李侯好骨相不妨遲日作神
仙百尺凌煙要君上

葛家觥飲酒卽事短述奉貽相公兼別山中舊游

二首

葛家觥爲方山支麓咸豐四年余避兵家此八

年秋廬州再陷山中迭苦賊去年冬今相公以
兩江總督進復安慶余挈家出游遂依焉今年
余來山中瀕行鄰人置酒道別村曲語言猥雜
無文要其述德戒行是可歌也時同治元年秋
九月廿三日夜

草棚馮長溪靄靄西日光老農閑游子置酒瓜蔓旁鄰
曲歡笑言真氣溢壺漿老婦調魚羹老翁趣行觴酒闌
說相公舉手屬穹蒼自從相公來皇天屢降祥方春拔
廬州既夏甘霖翔豕豚亦已肥鵝鴨皆成行信是相公
力秋禾早登場君從皖江來相門長趨蹌相公本天人

敦良吉齋詩二

六一

集虛草堂

見說鬚髯長相公飯幾何頭髮應未蒼皇天憐我曹相
公長壽康庶幾長子孫勦力事耕桑
飲罷山月高犬吠喧溪流有客負薪來棗栗歡相投移
尊就苔磯咄嗟倒盆甌笑指溪上月今秋勝去秋去秋
苦賊來吞聲共潛游今秋君好歸憶我采樵不富貴亦
多門時來便公侯君歸旋復行僕僕將焉求貞女懷閭
冰老孤思舊邱吾衰心力短衣食殊拙謀相公禮數寬
滄海容一鷗低迷竊廩祿內檢常自尤中原莽豺虎孤
兒泣松楸去去勿重陳歸夢東山頭

自姥山放舟巢縣晚宿東關奉懷曾相公因寄其

令弟九帥江甯行營

羈心瀉怒濤酒罷風忽便宿雨凍欲收波駛一颿懸湖
天烽燧消山村雲石藉羣峰識游客百戰剩孤縣潰壟
自庸醫覆水滿淮甸阡危近十霜戎馬局幾變湘鄉好
弟昆天挺濟時彥昨來春水生破賊手如電勝地喜再
經感時恨遙綫孤蓬信栖雞浪跡隨沙雁自嫌早帽身
屢荷黃扉眷嚴關峙中流暝色積天半叩舷望新月宵
長路彌漫海裔久抱簡秦中亟傳箭河洛紛煙塵川楚
燼猶煽相公手龍韜江淮藉清宴平生許國心淚溼朝
衫偏賤子數趨陪深憂待羣獻大廈一木難雙旂萬人
望中興津梁敢云倦

敦良言齋詩二

六十一

集虛草堂

皖江兩丐行戲贈獨山莫子偲寄呈相公并要鄧

伯昭同作時相公視師江上諸軍屢有捷聞

癸亥

天下之大數皖公相門高並天柱峰羣才連翩入夾袋
時有兩丐來趨風兩丐者誰何廬陽之東東山阿客有
披裘帶索而昂俄牧羊不了長奔波朝叩相公門暮飲
皖江水皖江去延江盤盤幾千里獨山老叟延江來把

臂相呼作知己黃扉跌宕擁干官青笠婆娑餘二士相

公顧之顏色喜海鳧弄羽紛煙塵皖南皖北翮戎旃朝

飲皖江水暮叩相公門郎當衫袖瘡不聲有口但索太

倉米有手怕請終軍纓相公不言客自憎昨者相逢鄧

夫子憂時涕泗江河傾揮杯笑問客何事客何所事兼

何能因吟陶公乞食句遂作皖江兩丐行兩丐頽唐世

所笑興來時作鸞鳳嘯兩丐之志天亦憐藥竈書堆儘

醉眠烈士銜恩感一飯兩丐捫心常竊歎尋常頌禱不

挂口所願相公惟不朽狂歌示莫還寄鄧故園風鶴愁

難問炯煬一火橐臬空賊鋒又逼廬陽東廬陽東偏好

敦良言齋詩二

六十二

集虛草堂

煙樹負薪踏徧松閒路連宵歸夢繞巖屏屋角小桃開

仍故醒來病枕淚猶熱角聲吹曉皖江月皖江月好春

揚揚相公隻手扶天綱樓船料峭朱旗張八州健卒爭

騰驤江中魚龍識旌旆賊膽驚裂朱雀航野人連日歡

舉觴相公舉足賊盡僵投老歸哉長牧羊

英觀察自蒙城行營枉惠書問其言矚然有飄風

之懼詩以慰之因附陳賤況

飄風來去本無蹤閱世才知塞上翁義府刀仍嬉笑裏

留侯狀與婦人同好將長劍酬知己賴有賢王表戰功

潦倒鶡冠書未就故人老矣更癡聾

玻璃鍾養子子數頭攜贈江公子範堂卽送其歸

湖南

鍊就水晶骨纖明勝玉壺偷閒養子子筋斗看盱盱海
客遠相惠孤尊只自娛瀟湘有歸棹藉以薦三閭

同楊見老坐月有懷龍泉故居

君家門外月清絕似龍泉相對意俱迴坐來光漸偏鳴
蟲答幽怨羈鳥怯虛弦何事同流滯烽煙不計年

撫孤行美湘鄉相公因示邵子齡子進兄弟兼柬

洪刺史琴西

湘鄉相公善撫孤高誼直與雲天俱汝曹安坐日飽食

敦艮吉齋詩二

六十三

集虛草堂

前修勳力將何如我昔與汝翁氣誼相傾動冥漠乾坤
烽火成離索昨來見汝賽瓊枝幾次沈吟淚頻落汝兄
早疴病初起汝解讀書相公喜觀海應知百川隘爲山
要從一簣始昔賢辛勤事艱阻畫荻然糠不言苦汝曹
崎嶇脫豺虎微相公力奈何許汝翁存歿久未期停伶
堂上悲此離家仇國難事爭了臥薪嘗膽今其時相公
於汝本父執手挽長江奠南岳三楚廝養豪俊流一時
賓佐文章伯東鄰洪老意疏爽書堂正好一籬隔事賢
友仁聖所訓況復趨承易晨夕撫孤行啼猿挂枝孤雁
鳴我歌未竟聲復吞天涯何處招迷魂

將赴皖守風湖千伯昭書來道其同江方伯有四

川之行亟圖面遂舍舟而陸塗閒寄伯昭兼陳

方伯時同治二年冬十一月是夕宿集賢閣

首塗問晴湖尺書忽飛至披函疾讀之慘澹數行字上
言之巴蜀崎嶇報高誼下言見面難雲飄故相遲磐磐

方伯公屏藩軫凋敝幕府羅俊英君材優眾器至寶落

蠶叢雲山況迢遞矢言定重逢重逢究何地倚裝夢容

暉寒檠一星翳

少年輕別離老去苦憂患每聞傷心語掩耳輒腸斷君

言劇酸哽我心久零亂進帆怯風濤奮飛惜羽翰舍舟

敦艮吉齋詩二

六十四

集虛草堂

覓巾車嚴霜夜中飯啖啖缺月光錯道天已旦孤鴻爾

何悲雲端切相喚行行辨遙村殘雪路迷漫袖中一札

書展轉風檐看

鮮民寡弟兄性命託朋友醕風歎久澆雞狗誓何有異

時同志人零落骨俱朽與君晚結交傾懷期皓首君亮

箴我頑我幽藉君剖嘯歌戎馬中真氣驚北斗亭亭滄

江雲颯颯長亭柳柳枯猶復春雲飛不可肘再拜祝石

尤待我餞尊酒

晨經古戰場廢壘倚突兀早日如車輪迴風動精魄憶

昔方伯公風雪此除夕

廬州三河鎮爲皖中孔道咸連
豐五年冬方伯駐營河右

營列旆高明燈爛長戟我時倚醉歌熊羆動顏色屢蒙
禮數寬曾賦河梁別公來何太遲公行何太疾自媿受
恩偏舊是睢陽客無物送公行沈吟淚成血

廬陽去皖江三百六十里皖江望成都千山復萬水我
行日兼程相隔幸尺咫大龍橫遙空澄光互青紫登高
睇長江英雄都已矣羊公儒將姿叔度天下士吾衰失
兩賢悲歌向誰是低徊宿嚴關憂來不能已長吟輟粥
饘短吟倒坐起長吟復短吟人生感知已

寄別言卓林大令太湖

寄家皖公旁夢想天柱峰賢令布嘉政弦歌山水中訟

敦良吉齋詩二

六十五 集虛草堂

庭儼僧寮檐際飛嵐濃雨茗草木香丹台光熊熊自從
謫仙去高原弔寒蟲平生抱游興衰病甘疏慵槭悲付
雙鯉浩歌望郵筒

金陵寇已平吳越兵漸休邨愚易風鶴賊知元道州想
當陟吧思夢遶萱庭幽昨者問阿季暫作龍舒游高堂
將穉孫看花扶玉鳩似聞烽火磯警接桑落洲賢勞古
所歎何以慰離憂

久客思故林歸帆趁秋便我衰就屠釣君才困州縣謬
承兄事敬豈第文酒繼乍見動相訶遠別愴多戀顛倒
方寸心堤月踏俱徧潛霍又戒嚴楚豫尙酣戰迢遙滄

江波何時重相見

口號寄魯川太守

龍泉老牧屢思家賢守循聲眾口誇恰喜龔黃新莅郡
沉聞江海靜鳴笳故山別久芝應長官舍秋高菊有花
準備壺尊候顏色麾前可許駐柴車

皖江秋歸奉別曾相國卽送其之金陵兼貽伯昭

蜀中

昔我賊中來風雪衣懸鶉今我別公去孺婦言笑溫言
笑者云何江湖靖煙塵賊平萬物樂歸我東山村家具
可一車圖史兼周秦裘褐亦纒完抱中新有孫買舟皖
公口回眺天柱尊朱旗俯層霄大江日夜奔飄然數口
家劫後嗟猶存常擬報一飯況懷辭大臣沈吟杜公語
感歎徒沾巾

敦良吉齋詩二

六十六 集虛草堂

金陵甲天險龍虎鬱盤踞草竊踰十霜微公國全誤令
弟本人豪諸將稟成署看公談笑閒江山手重鑄漢封
首鄴侯唐業光裴度迢迢姥山雲森森秣陵樹我歸公
亦行潛岳青如故天地漸昭蘇島夷尙盤互野人飽烽
火心枯怯歧路曉日照節旄念公髮將素敬祝棟梁身
臨戎慎霜露

故人遠相憶邀我游我眉峩眉路修阻逝將還舊居君

行就我訣我歸君未知流宕一病夫遠勞故人思大盜
昨成禽洗兵倒天池草木慶再生猿鳥懼相啼好風吹
歸舟是君登高時狂吟遂初賦擬製浯溪碑浯溪筆力
雄誼古今難追蜀門雙游屐巢湖一釣絲安得君再來
看勒磨崖詞

將發皖江寄懷潘玉泉吳門兼報位西之喪位西

家口見寄存湘鄉公所其伯子歸尋遺骸久無

確耗

早辦扁舟去布帆猶未開秋風吹皖水落葉滿蘇臺擬
問烏衣巷同銜白玉杯相門槐蔭大我愛白眉才

敦良吉齋詩二

六十七

集虛草堂

一死豈云易故人碧血寒不羞吾黨士自遂古心肝泉
下論交切孤兒行路難拌將數行淚浩蕩付奔湍

買牛

我居賊早燔我羊賊盡屠我歸耕無牛東作宜早圖
勉倒囊橐借貸供鎔銖維時月孟冬曉日明村墟田夥
掉長鞦鄰父爲前驅我牛龐然來懼聲動門閭褰裳走
相逐挂額紅流蘇老嫗喜牛來隔牆送新芻小奴喜牛
來負鍤忙糞除鄰里相聚觀道牛骨相殊短角絕有力
天壽懸歧胡歧胡信壽徵足以慰老儒

牛來須謁社謁社神降康稽古無明文鄉俗尊農祥今

晨黃道日呼兒具酒漿薦馨神座前牽牛神樹旁鄰父
前致祝俛仰聲慨慷早生太平世老閱烽火場有客遠
來歸寄跡東山陽亂後牛亦稀牛稀價倍昂惟神宏大
福我牛無病殃祝罷拜神胙村曲同舉觴蕭蕭草樹鳴
風雨橫蒼茫何以保歲寒力勤以爲常

山中冬晚馮觀察書來盛稱鄙作且問壽春之行

因賦答兼簡芾庭

飲牛東溪幽有客披榛至開槭讀素書再拜故人寄故
人自忘尊存問到萌隸隸也無一能歌詩自適意本是
耕田民飢走兵戈際憔悴焦桐音微公亦投棄悲來叩

敦良吉齋詩二

六十八

集虛草堂

樹歌暝色下牛背牛飢顧我鳴牟然念其類

早誦季路言一諾今還欠豈不感別離衰病腳根倦昨
歸又旱乾松朮飢可戀故人領繡衣旌麾攝淮甸逋亡
獲創歸版圖喜新奠欲躋公堂祝長途畏霜霰啟行指
孟春雲山倍葱蒨因之慰汪倫花時準相見

夜坐漫題寄芾老再投馮觀察

空庭風雨忽然罷酒熟茶香雙玉瓶一事思量君記不
遯泉欠勒遯泉銘

陶公五牻亦多事李耳千言殊費詞我自牽牛東欄去
水聲山色坐忘飢

戎馬奔波此暫停故山非復舊時青別來十一年中事
待汝尊前灑淚聽

薄田夏滂復秋乾賴有雲鴻慰歲寒一角煙蘿眠未穩
又從人世索豬肝

寄英廉使霍山行營

武陟峰前戰氣高兼天岳色擁旌旄漢庭將略歸虞詡
淮甸長城倚石苞曾奉清言知幹局屢煩折簡到蓬蒿
磨崖會趁春風便濡染中興汗馬勞

早行 乙丑

破曉問前路高原人已耕斷橋雙澗合殘雪一峰明華

敦艮吉齋詩二

六九

集虛草堂

髮老將禿丹砂久未成因知沮溺輩不肯近浮名

將抵壽春途中書事

壽陽自古稱雄鎮戎馬飄搖今又來沙草綠連關埃暗
野花紅傍髑髏開羅平符命妖能語請室雷霆力可回
極目烽煙徧淮北謝元祠宇久蒿萊

東禪寺贈沈學博寰周

客邸周旋久識君木屐聲披帷成一笑佳釀每同傾月
午松陰大鐘高佛火明偶然談浩劫戎馬已三生

贈方處士希孟兼寄馮觀察

君才真倍我寄食向旃檀得句有神助借書同佛看雲

霄千古志蘆被一春寒聞道吳廷尉平生喜薦賢

毘盧閣戲成五絕句六首

閣上數重山閣下一龕佛好箇醉頭陀鐘鳴睡常熟
髡者愛說法著書滿寰中其妙果云何笑倒南華翁
剗卻土饅頭擎著木念子開關不到處渠亦振奇工
地水有壞日火風無盡時種蓮烈焰閒結子青離離
萬事如轉丸愚者故冰炭可憐于襄陽老作黑風漢
得馬馬旋失養狙狙頻怒何如跨犢歸自檢寬平路

病中送王紫垣之徐州戎幕余亦反東山田舍

病久忘春盡鶯啼花亂飛夾淮新戰壘送老舊蓑衣西

敦艮吉齋詩二

七十

集虛草堂

楚徵兵疾東林訪舊稀昨宵筵上月兩地共晴輝

大潛山房歌寄贈劉軍門省三

大潛山在城西百里初不著其原委土人曰戴
中山云案圖經潛山廣二百餘里周倍之有峰
二十二嶺八厓五漢郊祀志上巡南郡登禮潛
之天柱山號曰南岳於時注爾雅者援以釋則
潛之名南岳也久矣寰宇記皖水源霍山入江
今霍山故楚潛縣地春秋時縣大於郡顧氏云
潛皖霍各名實一山也余嘗準之地形潛山實
跨連今皖桐霍山並合肥西境往時故老爲言

郡城西坡陀互府縣治益東始夷故縣人廟祀
潛山之神余忠宣所謂天作潛阜以奠其旅者
此也茲山房所直蓋潛山支脈伏而特起者耳
余偉軍門行誼又以歎名山原委久鬱弗章故
書贈且詒遊者

大潛山胚胎南岳形穹窿扶輿蜿蜒遞隱見異軍特起
魁然欲與天柱武陟爭豪雄旁匯龍池凌紫蓬俯摩蜀
山頂橫截巢湖胸嵐淨翠吸際雲表聞道山房築來好
兵戈到處生秋草金谷灰沈石林倒天教名將占名山
忙裏抽身計殊早劉侯奇俊人文采亦英妙皖伯臺前

敦良吉齋詩二

七十一

集虛草堂

一相遇貔虎叢中見孤豹血戰頻摧白棒鋒拂衣愛放
青林嘯秦隴紆籌有諫章河山攬轡空馮弔散盡黃金
赤手歸故園松竹仍青峭黔南事久非湟西烽正緊毒
蛇魍魎伺庭戶抱火厝薪競酣寢我老無成戀一邱尤
肥菊瘦聊淹留坤輿歛仄費整頓長牽何事羈驂騶君
侯慷慨抱孤憤忍看滄海終橫流懸知巖扃鬱深念丹
崖碧水未足消煩憂東臯禾黍欣有秋病心不樂歌夷
猶柴車有便準相訪痛飲大潛山上頭

敦良吉齋詩存補遺

合肥徐子苓西叔

摺扇歌寄酬宮農山太守兼簡譚大令西屏

扇為農山所贈既自錄其舊作龍泉歌譚君西

屏復為之圖農山別已數稔未嘗一至余家而

譚君與余無一面之素其畫筆蒼古若嘗身歷

余山中者案其款識蓋作於郵坊軍次云吁是

皆可感也已同治癸酉春三月誌於皖江客次

延安太守遠相念遺我摺扇光磨礪坐看行吟日忘倦

出入懷袖生清風龍泉有何好老牧更無狀譚君作圖

敦良吉齋詩補遺

一

集虛草堂

君作歌巨筆高情拂雲上亂日常多治日少洛陽園林

迹如掃況是野人破草屋劫火零星數椽小年來花裏

拓出巢屋角青桐亦將老怪哉譚君我未面我家雲樹

如親見定是前身泉上過石頂松閒同吟哦江城春好

歸未得慙媿龍泉泉畔月記昨顏濱送君別草碧烽青

此時節一麾坐閱瓜期久聽說循聲滿人口五馬軒車

不自聊苦憶山中牧羊叟秦中四塞臨羌夷回鶻種孽

勞一王師延安地瘠天西郵郵坊更在延安西病夫類

唐齒髮稀此生相見終無期摩挲摺扇三歎息我欲奮

飛無羽翼

釣罷經南村晚飲聊短述

釣罷經南村東峰澹將雨蘋花幽自開林禽樂相語偶

從池畔酌晚晴褪殘暑回環眾壑幽溼雲互吞吐投老

暫田園浮生半羈旅持竿豈羨魚桃源渺何許

孤鳳引 并序

為壽春李節母柏太恭人作壽春古淮南地節

母志行奇偉而雲珊崎嶇戎幕力勤孝養皆可

歌也因事命篇待采風者

淮南丹桂樹上有孤鳳孤結巢養雛口卒瘁一雛中道

天一雛高飛凌天衢解一天衢高天聽卑雷霆冰雪不損

敦良吉齋詩補遺

二

集虛草堂

西陵松柏姿修德獲報天不欺君不見李家太封君昔

者茹苦今含飴解一茹苦惟何贈公早歲嬰沈疴露香中

夜明金荷刀光血影呼呵呵偉哉太封君一臂之力量

比參苓多解一臂創合矣贈公起海上烽青戰雲紫丈夫

安事毛錐子不入虎穴焉得虎子長劍高歌別鄉里解一

瓦卦竹卜燈花四爆青燐夜舞鬼車哭元戎輿尸一軍

覆生為萬夫雄死隸太山錄魂兮歸來海水獨漉解一孤

雲無依孤木無陰嚴霜催慈姑荒山負土愁猿吟海可

枯石可爛古井水輾轆斷解一造化遼闊時亦育妬罡風

何來折我紫荊樹一枝留作兩家春遶樹烏啼盼天曙

嚴寒歷盡見熙陽百尺靈萱介遐祐解一駢只老福而康
令子策勛盾墨用光祚解一駢只老福而康
之德子孫絲如石上葛解一昔在孔門一經垂教夙興夜
寐聖有明告勛哉君子錫類惟孝君不見迢迢春暉寸
草心長莫能報解一

江上寄兒子源

偶憑歸羽報平安門戶蕭條賴爾看插架書防蟬易種
近堦芝許鶴加餐池坳待補荷千柄籬缺宜添竹數竿
老矣而翁猶健飯袖中新合九還丹

壽春別李耘珊時撫軍贈四鶴

敦良吉齋詩補遺

三

集虛草堂

李生善待客客與鶴同來瘦竹碧逾淨霜花紅自開園
林都浩劫魚鳥亦須才浩宕浮邱駕湖干有釣臺

悼鶴并序

鶴來余家甫一夕而斃先是奴子不戒於途創
其脛而是鶴雄而健啄奴子故減其糧比卸裝
夜雪寒凍感飛光之不留痛靈禽之遽化雖幣
闕玄黃而情逾帷蓋爰瘞於龍泉精舍西隅之

梅樹旁歌小詩以弔之

老天未許翔寥廓纔賦歸來又楚些浩蕩千峰明曙雪
酸辛孤豕傍梅花滄桑乍覺堯時冷泉石應憐處士家

欲向焦山尋斷碣大江東去浪淘沙

席帽

西風動歸興席帽早安排軟稱蘆花被輕宜杜老鞋故
人方建節吾道自丹厓便踏柴車去彈冠非我懷

遺園口號

一別一回老君家幾度過舊時兒盡長新種樹交柯難
共夏蟲語且尋春夢婆遺園好風景切莫負雲蘿

雪夜讀劉軍門省三小船詩因書其後用漁歌子

體五首漁歌子總五首世所知者西塞山前一

首耳志和生唐開元全盛中值世變嘗上書肅

敦良吉齋詩補遺

四

集虛草堂

宗得一官棄去浪迹以終憲宗高其節圖形禁
中購求其所為漁歌子者既久而不能得逮衛
公刺潤州時始采而傳之且為之記省三疾流
勇退操行不減古人然當吾世而能知小船詩
者亦鮮矣是可歎也久病眼日閒小差既錄稿
因識亦衛公記漁歌子之微意云爾光緒元年
四月并識

風雪連宵想睡遲擁爐欣誦小船詩拼馬革汎鷗夷爭
及桐江一釣絲

黑頭建節擁彤戈百戰歸來問薛蘿拍銅斗辭漁蓑小

船畢竟少風波

駕鵝接翅海鳧飛
曉日朦朧凍影微
官田秣首山薇
惆悵榛苓淚滿衣

大潛西望路迷漫
積雪層冰逼歲闌
歌進酒歎路難何
日相從把釣竿

風潮起落本無常
皋諾林盟要主張
燭將跋想未央
請君聽我歌滄浪

謁包孝肅公遺像

十八歲作

包公今不作荒祠踞城腹
小橋流水幾人家
古柏寒松隱茅屋
入門下馬讀殘碑
新蒲垂帶照人綠
公之正氣

敦良吉齋詩補遺

五

集虛草堂

襟帶閒我瞻遺像
中心肅嗚呼君不見
王安石眼旁多白骨
乃使神州長覆沒
公之治績古所傳
至今清議存樵牧
我輩玩讀古人書
莫使勳名長碌碌
平梁至今數百年
爲問何人繼高躅

敦良吉齋詩存補遺終

静
虚
空
吹

生
道

蔣	屋	如	雇
氏	校	月	涂
慎	印	著	月
脩	甲	始	告
書	寅	丙	成

小傳

王章初名搏霄字雨嵐上元人幼負宿慧三歲時隨父夜步中庭仰視月俯自顧其影乃背誦舉頭見明月低頭思故鄉之句父歎曰兒之故鄉何在豈生有自來耶然詩語非吉恐無世福既長補諸生牒而短視家貧遠於學不屑為句讀師已而應荆宜施道陶某之聘為記室沂江而上歷彭蠡渡洞庭徧覽湖湘之勝歸而詩益雄駿兼具眾體復務為班馬韓歐之文辭無不賅而骨尤簡秀與許宗衡友善嘗謂之曰吾詩於古人無不似此吾之病也故三十年以後吐納萬象隨手設施具有造化於是不復似古人乃益似古人焉制舉文亦中尺度而困於場屋俛得而俛失由是益無志進取憔悴

丁八 小傳

金陵叢書 蔣氏校印

王章初名搏霄字雨嵐上元人幼負宿慧三歲時隨父夜步中庭仰視月俯而自顧其影乃背誦舉頭見明月低頭思故鄉之句父歎曰兒之故鄉何在豈生有自來耶然詩語非吉恐無世福既長補諸生牒而短視家貧遠於學不屑為句讀師已而應荆宜施道陶某之聘為記室沂江而上歷彭蠡渡洞庭徧覽湖湘之勝歸而詩益雄駿兼具眾體復務為班馬韓歐之文辭無不賅而骨尤簡秀與許宗衡友善嘗謂之曰吾詩於古人無不似此吾之病也故三十以後吐納萬象隨手設施具有造化於是不復似古人乃益似古人焉制舉文亦中尺度而困於場屋俛得而俛失由是益無志進取憔悴

丁八

金陵叢書 蔣氏校印

著有思古堂集

傳通

傳

余年十七學爲詩然無師道光壬辰與同邑王君兩嵐同擢
博士弟子方試日共校爲文甫一紙兩人文皆成願視詫歎
既納卷門猶焉君以其間問訊余且誦所作寶刀行由是無
昕夕不相見時勸余習古文辭迄今且三十年余詩終不逮
君然恪守風雅無近世纖仄佻薄之習皆君之力也君少於
余一歲矍而短視家貧遠於學不肖爲句讀師既困極不得
已渡江館六合貢氏時陶堯輝侍郎方爲荆宜施道聞君名
以記室聘君君溯江西上歷彭蠡渡洞庭徧覽湖湘之勝歸
而詩益雄駿侍郎罷去無知君者君遂不復出日務爲班馬
韓歐之文深博適麗辭無不賅而骨尤簡秀詩兼眾體上自

丁八

二

金陵叢書
薛氏校印

漢魏六朝下逮李杜高岑元白劬及宋元有明靡不深涉嘗
謂余曰吾詩於古人無不似此吾之病也故三十年以後吐
納萬象隨手設施具有造化春容乎大篇寂寥乎短章興象
既殊味於無極惟運動於神明不震矚於耳目於是不復似
古人乃益似古人焉君負宿慧三歲時隨父夜步中庭仰視
月俯而自顧其影乃背誦舉頭見明月低頭思故鄉之句父
歎曰兒之故鄉何在豈生有自來耶然詩語非吉恐無世福
又嘗春暮與余登鷓籠山江城樹夕煙無際君視顧久之
慨然曰吾年五十二當死時君年二十六余心訝不復言然
君生平困於時粵寇之亂卒轉徙飄泊而歿同治二年秋八
月年果五十二悲夫夫君負殊尤之資竟無世福如君之父

所言而死之年君又預知之此何故也耶夫死生亦大矣以
君之才必非偶然而生自昔文人才士多摧折君之困於時
而遇亂以死也亦不足異君能自知其死豈於世運亨否人
生窮達深識之而不忍顯言之耶君試於省屢顯文皆中尺
度槐得而槐失歲己酉同號舍生索觀君文因強記錄於卷
遂中雋售君於是益無志進取憔悴放浪好與不類者遊顧
性耿介不輕干人不以文章爲羔雁之資自陶侍郎外無大
官達人能知君竟其身名不出里閭工書善畫皆不謬於古
惟知交一二珍惜之而詩文散佚迄無什一素精度曲韓君
介孫曰君避兵吳門時憂傷侘傺之色時見眉宇嘗就荒陂
叢葦行吟其上或出袖中橫竹而雲水而吹聲烏鳥與鷺鷥

丁八

三

金陵叢書
薛氏校印

棲鳥相聞會有來聽者輒大笑引去遇故交必圖山水小幀
贈之畫必蒼厚題句必沈痛字必渾逸君豈知死之將近欲
以示後耶咸豐十一年介孫以君所贈畫攜來京師示余余
讀之而哭蓋與君不見幾十年又三年始得君泰州書方喜
見君有期而君死矣君初名搏雲君祖爲易今名曰章蓋以
漢京兆君爲勛不幸未達無可見之節然不臥牛衣而泣也
亦僅矣
許宗衡曰余與君爲友心實師事君而君生時又謬推余君
之死余爲之傳顧無以盡君者何也君才無涯淡余文孱弱
且念君腹痛不如置而勿念以安塞悲故雖習於君者深而
言轉絃漏然則君之生平因余文而不彰非余世又無知君

者嗚乎此君之所以可哀也與

同治四年乙卯春二月爲君立傳四月得君子諒初書言
君詩文兵後多失散君避地海陵時就所記憶默錄若干
篇益以癸丑後近作凡詩文若干篇都爲一卷君生前自
顏曰靜虛堂吹生草余復檢君生平酬答之作約五十首
又致余書一通錄寄諒初附梓於卷余爲君傳於君詩文
既詳言之故不復序云

海秋識

丁八

傳

四

金陵叢書
利氏校印

文

淪浪亭賦并序

吳郡繁會庶市交市得地稍偏厥爲南園而淪浪亭於是
 乎在昔子美蘇氏際北宋之盛麟鳳表異珪璋比德溺學
 則辨鼓漁陽相攸則射屏京兆韓范跋足歐梅俛首方期
 影纓魏闕初日在東何期褫帶國門涼風自北坐是頽廢
 愈荒遊嬉糟邱築臺茂苑廣圍仰流風者代不乏人丹雘
 榱宇時有興復歲在癸丑金陵瓦解客居平江門臨古道
 暇日展眺再見傾圮俄而達官薦紳工材鳩庀爰復輪奐

丁八

靜虛一

金陵叢書
丁集之八
上元王章印

之華共興濠梁之想甫宴賓朋於累日倏驚風火之燭天
 遂致烏窠鳥號麋奔鹿走嗟乎才人失路生不逢辰故鬼
 含冤沒無甯宇天地逆旅可勝痛哉詢亡命草澤之夫引
 抗懷今昔之慨聊綴韻語以申遐思若云手筆自豪是以
 顏甲徒增也夫

闔廬之城儲精毓英霸業屢建文才迭興而胡爲高臺傾曲
 池平離宮永廢故館長扁禾黍參差瓦礫縱橫秋墳鬼唱夜
 壑飛螢獨衣冠之滅沒尤滄桑之變更日月幾何不復識風
 流已矣難爲情客之避居於吳也一身之外亦僅矣當夫走
 竄荆棘獲全要領悲辭白門陰閣元景破巢兩零衰草霜阻
 擬子房下邳之遊非邠卿複壁之隱雖往來而摩肩終出入

而顧影踐虎阜而苦深穿獅林而月冷悵蠟屐之已倦將結

鄰於何等異哉對溪之瀟寥寥乎隔市井焉或招遊而相告
 曰子毋謂淪浪亭之就荒矣有葺而新之者盍與子相羊乎
 應曰唯於是叩荆戶度芳塘循舊徑緣長廊憩小軒臨虛堂
 停別館俯幽房步危磴升崇岡憑丹閣依粉牆據槁梧搖叢
 篁荷半頭木千章鷗兩箇鴛一雙爰布筵爲榻牀拜遺像奠
 涼漿禮鼻祖蕙心香詠勝概效引嚶彼古人能尙友兮不與
 易南面之王忽而鼓角哀動地來旌旗翻城郭摧畏犬羊如
 虎豺豕突出鶴飛迴支硎山靈石巖館娃宮姑蘇臺照妖彗
 凝愁霾海欲倒山相排四野赭萬室灰問舊侶安在哉孰意
 夫三載以還吳陵重遇握手含酸傾懷道故鳴鷄度關樓烏

丁八

靜虛一

金陵叢書
丁集之八
上元王章印

繞樹問訊淪浪淚隨聲注昔之瓊園文臆存荒戍耳畫棟珠
 簾餘焦柱耳水榭風亭樵蘇具耳柳塢華闌棗荆聚耳吁嗟
 乎圖書之府翰墨之林供楚人之一炬耳昔賢云理所不解
 存乎數是之故歎客乃失聲感歎張目眙購訴者神傷聞者
 淚落不謂厄遭際於生存猶復動樓皇於溟漠信造物之忌
 名混纓足之誤濯而何怪胥札之長往韋白之不作停雲館
 之消亡桃花巷之瑟索極斯文掃地之悲縱狂寇滔天之惡
 惟純任乎自然遊空虛而無著聽夫滄浪之水清滄浪之水
 濁汎汎若不繫之舟乃無往而不改其樂

茶煙賦

情絲不抵游絲長湘波半捲搖清光文君含釀司馬渴髮影

春風吹度牆於是砌竹拖霞庭花泣露青松膏沐朝陽歛霧
輕陰散霏頰景斜駐蕭疏古槐昏黃秋樹睡鶴初醒背人獨
步又如淫霖壘鬱矮屋卑棲榴櫚午爨鷓鴣畫曉初晴較爽
未暝先迷影隨風撲縷逐雲低逗晶暉於遠樹連霏盡於前
溪至若積雪三逕皓月千里上池酌賓中冷汲水寒夜火而
浮青映遙山而界紫裏飛絮兮茫茫度微波兮瀾瀾清韻獨
絕美難具論靜依倦客之榻半掩僧房之門苦懷鄉國申殘
夢蕩入空冥醒醉魂客乃憶陽羨之舊遊樂郵亭之清話揚
輕絲於桂樹叢邊滄虛白於豆花棚下洗逐臭而附羶當焚
椒而散麝啟高館之氤氳引清詩之疏瀉歌曰維巖摘雲映
英武喚茶湯暗了垂楊院玉人方理妝又歌曰一絲絲夏碧

丁八

靜虛一

三

金陵叢書
關氏校印

蘿春日影吹空敝穀紋吹徹金鈴不知處翠闌干外草如茵
題張鶴汀司馬茹藥圖序

昔自用兵東南奔命江海梧捲失守廬墓永棄負愆累尤痛
心疾首於是喘延苟活足跲定履竄經四明之山險涉萬里
之浪漚瀆憩息吳陵羈旅破巢搗其弱維班荆寡其舊識況
乎迭遭喪亡猶念匡濟雖陰相天下之士已漸老眼中之人
乃有清河大宗澄江世胄一見魚水片言沈瀛已而推襟送
抱迹擬雷陳詎知錯節盤根訓貽鍾郝畧陳梗概相與汎瀾
遂不禁紀以畫圖綴以弁語爲陸機之溯先烈潘岳之述家
風余授而讀作而言曰即餘哀以見真性卜忠臣於孝子之
門仗苦節以育奇才知明德以達人爲後宜其然乎信有徵

矣當夫崩星黯慘童牙流露夙鍾堂北之愛莫止東門之囑
扶牀稚子教曳衰麻積潦荒莊捐債樛木機杼燈下暫容老
屋之棲風兩河干酸甚孤舟之泣既而懼椎埋之習染再效
三遷迫寒餓之侵凌又弱一箇所惜孝侯失學幾以斬蛟射
虎爲自豪猶幸終童出關思由棄繻請纓而特起亦可謂壯
志能伸慈顏稍慰矣無何金荳萎砌玉棺降空冬心甫溫春
暉遽掩藐孤之淚血齊迸中婦之哭聲愈哀畢生辛苦婚嫁
完而母志甯破產經營窳窳安而子力竭加以浩氣磅礴世
途齟齬丈夫身餘鐵骨拔行陣爲前驅將軍坐擁金貂目偏
裨爲下走以至顯庸莫望決捨不回襁被一肩擔簞千里已
終定省非溫嶠之絕裾敢念妻孥歎班超之投筆轉徙多故

丁八

靜虛一

四

金陵叢書
關氏校印

時會漸乘慨然磨盾筆而書浙矛頭而鬢異績頻申於剡牘
豐功大著於旗常始則膺百里侯封繼則晉三升司馬勤思
報本重植家園飲恨吞聲難尋口澤蕭條門巷已無截髮之
人零落邱墟總是傷心之地方欲步瀧岡祭告標梓舍光榮
俾命酬答尊親風義鄉井而乃烽火益張松楸再削烏哺未
遂兔脫猶驚望雲增其永懷作會志其深感豈氣數不可回
而孺慕遂有窮哉要知運際乘除時當否塞江流易轉愈以
堅蓬萊可到之期金石能開不必深日月其除之慮異時閭
里相安瘡痍盡掃羣戈欲倒豺虎消弭上將如飛金鏡騰涉
將見勒貞珉於故土洵足酬生我幼勞設寶鼎於崇祠庶無
忝昊天罔極耳章壯不如人早歌將母流離徒轉欲祭無田

伏臘哀號聞霹靂社徒貽悲於五父實隱憾於千秋聊書率
意之危言以當采風之嗶引就有道而正焉則庶乎其可矣
華嚴色相錄贊并序

茫茫飛絮早自沾泥冉冉輕塵忽焉棲止打磨陀而電轉
示圓覺於剎那固已半頃悟去來今三乘判上中下不待
歷茶毗淨劫無弗歸大海潮音矣言詮偶觸想識又生還
念皈依仍滯迹象猶是仿東坡老居士贊西域古先生云
爾

妙日湧現井蓮騰光明月房櫛縞衣玄裳獅子據地天花散
芳解語不語是定生慧古香流溢在翰簡外載溯宗風清澗
衍派膏木逞妍姿不在天奇彩中祕如珠出淵靈巖所鍾羣

丁八

五

金陵叢書
新氏校印

松娟娟低眉努目各具佛性優曇凌霜由媚得勁玉峰巖然
口石貞定妙相常住穆如清風維摩示現纖穠得中入世出
世庶幾圓通天童微言芬馥貝齒匪報七襄請悟一指於意
云何皆大歡喜面壁吐豔所證般若空谷天寒幽韻自寫嘉
名之錫是韞積者佛性澄練法界解塵言詮未落果證聲聞
所得具足誰參妙音得大解脫非逞辨才聲音寶樹善提共
栽天落餘響繞明鏡臺長爪狡獪布地丹砂佛曲瀟瀟摩登
髻鬢說平等法靈光四遮胎孕奇花桂生高嶺神爵來棲朝
陽曜景忽入枳棘大眾猶醒孺慕滄浪清濁判分同源異趨
誰探其根遇正法眼太和氣氳

跋于漢卿詩文集序

昔坡公四十有二始識黃秦苦岑之契雲龍爲偶不惟德星
所聚里計五百名世間出運應半千卽逢流離亦徵沈滄故
仲宣有懷俊顧遠適楚荆昭諫雖乏科名老依吳越自非主
持乎風雅何由折服乎賓僚漢卿先生早叶四聲長從三事
才辨至涌搜神擷百代之精聰明開通治獄摘兩造之隱夫
固駿聲丕著鴻猷允宣矣迺者斥埃未靖榛梗交塞用效軍
儲之命端資武庫之才龍盾虎落炳其華蒙馬貫鷓利其川
工儻所製寶朋雜招鹵薄屏而文譙張牙旗翻而和歌作爰
因暇日自啟行滕寶光燭天金聲擲地舉凡東登泰岱北走
邯鄲山木女郎之祠江淮君子之水以及浮沈吳會憑弔南
徐宦轍春城軍書秋幕靡不妍爽敷潤吮毫吐芳美人香澤

一八

六

金陵叢書
新氏校印

無非呵壁之詞伯氏先聲忽變吹燻之調惟壘鬱於萬狀乃
滂沛乎寸心猶復心師竹虛望殷梅渴以劣駒爲老馬責童
毀於正羊屢加丹黃致瀾朱碧辭不獲命慨焉興懷茲者判
祛河梁贈梅驛舍使君攬轡有澄清天下之心遊子無家覓
倉促刀邊之活且宜合眼而投步甯至掩面而失聲聊作弁
言兼壯行色斯世多故春華方滋此特九能之中卑居其一
豈云千古以下又有無雙者耶

題隨園餞別圖賦有序

前在庚戌子年三十有九時將驅車南銜袁子微生秋雨
招客家固名園山翠入座酒既出餞別圖索題就覽之知
近歲文瀟地居其一中間題名皆余素心未能廁圖頗以

爲恨摺歸卒卒余亦遊子經年再返竟遺此卷契牒度開
與塵共棲方欲補過云暫索去無何日薄虞淵酸動四鄰
已悲棘人旋陷草賊脫身餘喘妻孥滅沒存活莫卜以至
於今幸而斯圖遠邁人壽微聞袁子高舉遠引苦無便鴻
追問朽蠹丁巳歲暮息影東海舊雨忽至片楮仍在嗟乎
趙璧猶是楚宮已非城郭人民何所點筆而況絨膝加意
曾屬予婦久依樵柳恍見粉澤復一展玩凡諸灑翰半痛
黃墟坐是心傷幾又棄去閱載更索病殆強起燭而賦之
噫金陵之瓦解兮痛萬室之飛蓬沙才士之餘墨兮莽長煙
而一空感中郎之起家兮乃亡命乎海東雖鴻著其盡失兮
矧踐諾於袁公溯斯園之肇端兮惟已酉兮君出遊申祖饒

一八 靜虛一

一

金陵叢書
蔣氏校印

於故山兮願君兮少留合丹青於羣腕兮快瓊瑤之紛投余
不獲廁其末兮已展玩而夷猶方期綴小言之詹詹兮苦于
役之未休割然震霆之悸魄兮神忽忽若有忘慘內憂外禍
之迭至兮餘輕軀之去鄉誦羌邨而腸斷兮予不得與古人
頡頏念疇昔之淪盟兮當補之以文章奈良友之窳隔兮又
安知物之猶藏雲霧器於東極兮海色漉而陰陰披城陬之
灌莽兮來空齋之素心啟舊篋而談往兮致予淚之泔泔復
諷詠乎夙契之遺文兮半聽聽之體侵彼忠魂毅魄既長逝
兮使世人重此琅玕與珍珠繫予歷九死而尙存兮久文思
之杳沈況室家之淪沒兮安得不觸緒而憂深斯圖已閉置
乎經歲兮茲再索又歷時而距今余猶欲廢卷而遜謝兮其

何以對予同岑

老劍小傳戊午作

蔣子晚益不遇更自號老劍家海濱憫時艱輒歌乎嗚嗚繼
以泣滬濱兵後肩輿愈摩擊金氣薰灼而老劍閉戶自若不
參其神契畧不與交通居久之卒無遇丁巳歲暮過余寶山
署齋重晤出意外因欬欬道癸丑陷金陵貞愍湯公余弟贈
雲騎尉柘香抗節事酸鼻裂毗悲憤填膺胸當壬子秋賦南
中尙無恙文譙累日酒酣歎民生久不見兵革西陲警報迭
至將帥頗失利慨然曰始余痛夷蠻上書當道言兵事不報
遂構謠詠逃方外以免爲督學張公芾所物色置庠序期以
國士然時時鑿覆轍有欲言則噤而止貞愍公儷言曰休矣

下八 靜虛一

八

金陵叢書
蔣氏校印

海內正多故此才而勿用耶同座聞此皆愷然起罷酒念歷
七稔老劍再不遇而抵掌千古辯口如懸河精悍之色見眉
宇下筆斬斬若蹈厲風發能如是是卽終不遇何足爲老劍
惜哉既而將入吳會遠人又兀稟詣大府白事未知所以辨
之老劍悉西域利弊如指掌眾所信也古之人有傅介子班
定遠者其亦終不遇也夫

補鶴軒記

咸豐丁巳攝寶山宰山陰張侯政暇葺官舍值邑主簿王君
贈一鶴甚喜已愷然顧幕僚王靜虛曰子憶吾陶谷之病鶴
乎谷口有梅貞白手植鶴守其下久歷年日癸丑亂興梅鶴
皆失此憶梅悼鶴之詞歌繼以泣也昔鶴何往今鶴何來其

子也耶翩翩翻翻恂恂余情再成詩篇傳示眾賓眾賓和焉
咸低回瞻戀而不止而即以補鶴名其軒於是靜虛承命作
圖先爲書額附額左方而記之曰天道因物以彰物人情觸
物而感物有是哉執物者之不足觀物也侯固鍾鼎族歷癸
丑而徒斷斷於一鶴雖好鶴不至此且使鶴不速化得奮病
翮以脫禍於青天白雲之高翔翺遷徙仍歸其主之側固萬
無是事即令若是將狂喜者遲之久亦相忘於無形轉未必
歌焉和焉泣焉已與人皆低回瞻戀而不止也豈厄之適以
存之耶然則名軒者之意可見而矢志之士又可以晤矣尤
有慨焉鶴之爲品高凡鳥而又不幸委塵劫增永歎固易深
狎之者之感獨異乎谷梅幾歷兵燹得無恙逮數窮亦悉心

一

九

九

金陵遺書
蔣氏校印

聽之使主者雖歌之泣之和之要無從而補之而見與不見
者更千百世第能指其所自生所由盡淡然而造物終并無
藉乎低回瞻戀而不止者豈愈厄之而愈存之耶然則凡度
量之相越即造物爲之耶抑物之自致耶不得而知之矣

跋子秋先生書後

宗丈子秋先生隱於書嗣君石梅負奇畧與余交常道先生
逸事知非僅書史也甲寅冬始晤先生於東鄉市肆中止譚
書稱知已知己余乃呈一二種兼及畫先生喜旋因兵亂遷
徙或見或不見經驗年余橐筆義興而石梅果以盛名就辟
張大將軍參戎機奉二老於常郡猶聞先生時時習書云丁
巳初春旅困吳下天雨道少人石梅叩門縞衣貿然來坐定

知先生歸道山淑配隨逝余愕然石梅黯敗無人色主賓噤
不能聲移時石梅泣而曰僕之來父命也余拱聽之石梅道
先生以月之三日無疾卒危篤囑以名刺二一致溫宗丞故
先生同歲生方主講吳會一致余囑楮書後嗚乎先生精究
八法垂數十年又善晦畢生無應酬酢專力指腕衰老如鼎
角入古堂奧已久豈末學如余者所能贊美哉況先生又不
僅書史哉方先生佐宗丞校閩士時有大賈爲子闢節由江
南投金太翁欲以嚴命迫先生太翁笑斥之曰知子莫若父
無徒勞也賈念未絕仍就閩藉臧獲達先生怒罵之始罷宗
丞解組借歸同幕杜翁病無與俱先生毅然掖之行中途求
官牒力任含殮而杜翁囊篋藏錄一一封識抵家付其子若

一

八

十

金陵遺書
蔣氏校印

輿概資仍已出也先生用心大類此故其書瀟穆和婉中含
圓動動乎性情之自然余何人敢云知先生特不欲方長者
沒齒命增良友永感哀書數語歸之石梅又言大將軍亦好
書嘗作盈丈虎字尤善任賢能大將軍需石梅既股則他日
勒功燕然當更爲製碑柳雅與先生傳世寶墨竝播於東
南余雖慙拭目俟之矣

萬璧如印譜序

驟語於讀書者曰爾不識字儒者怒於色強者怒於言矣然
而名讀書亦不識一字自解者且囁囁然謂識字不過勤小
學勤小學不過資篆刻復何取乎爾予當此輒慨然曰是無
惑乎萬君璧如之不以讀書名也余始識萬君於北城巷中

遠言詩意殊恹嗣各以飢驅去越歲再訪見几上纍纍置小
石刻篆甚工即索贈而萬君若自負若自恨若自恨不以讀
書名若自負猶可求識字余極稱其技而萬君若自謙若自
笑若自謙古人來者未可忽若自笑若欲求識字而反不以
識書名余異之時余寄半松寓廬荒原悲風奉內諱戲門萬
君源源來糝雪滿徑啜苦茗移晷始去因與談鐵筆竊謂一
畫開而千百年體製互變舉鍾罇玉石泉刀陶瓦之屬沿訛
承偽繼自今幾不復存正韻有志之士又不敢外國家同文
之化乖應制裁而墜緒茫茫惟延係於山顛水涯持寸鋒借
雕蟲以自晦之一二不以讀書名而甘爲墨客者流是且然
而況其佗哉可慨已至製印之法余媿外道然考之載籍知

丁八 靜庵一

十一

金陵叢書
蔣氏校印

印章以小篆白文爲古其朱文大篆鍾鼎文者且爲變體又
晉漢印止鐫姓名無閒文若子孫永寶日利利出僅見耳通
考言自後周李穀始用名印誤矣此道近世惟文三橋最著
特間有紕繆筆亦弱余未甚服膺而垢道人雪漁子莖絕工
名反出三橋下又何貴識字耶萬君勉乎哉雖然余謂萬君
盡識字萬君不任受余謂人皆不識字又出語中時忌則斯
言也仍當與萬君促膝破屋作浪談而已心靈則益技也而
進乎道萬君勉乎哉萬君憬然起即爲書其印譜之簡端
題黃華道人畫卷

鞠垞自署黃華道人遊京師十三年而南歸適余返自楚一
見訂久要接研墨見其畫師事之爲拂紙爲選毫爲鈐印道

人得意作又必強余詠殆碌碌過道人特喜共沈酒大醉昏
晉至詬詈甚苦條而釋自甲辰余再之四方道人則往來袁
浦故兵燹後其畫筆第稍稍存袁浦迨淮右擾始掃地盡時
道人已先於辛亥歿予當竄伏晦明風雨每憶道人奮髯振
袖喜笑怒罵狀與六法之天馬騰踏皆襄襄在隱見問天下
何莫非陳迹哉壬戌亡命江北晤藝生高君君其舊識恆相
與扼腕日者示予水仙小幀讀之狂愕道人已矣今其嗣且
斬獨此墨歸然如靈光造物之仁若是吾輩或猶可恃也雖
然予交道人距今踰二十年不能忘道人恨所識惟道人凡
類乎道人者不得高君與余又未知何如不徒惟是更二十
年高君與余人之視高君與余又烏知何如耶噫

丁八 靜庵一

一一

金陵叢書
蔣氏校印

題張鶴汀蔚石齋銘

孤特者石胡以蔚名積小高大有志竟成擬鐵於肝觸雲作
冰原屹立乎中流繫係出乎河之清彼山嶄然見頭角欲羽
振其英聲乃曉曉而易缺幾墜井而相傾孰謂爾不可轉爰
幡然不改營彼筆稼與墨莊無惡歲之田是耕而何所憚行
徑準確不借攻於他山友生或云古之人有磨作物之類能
引鍼獨不見爾公爾侯帶盟礪盟是無怪操支機者博望謁
父老於青城始則介冑兮爲高固之投人今也袍笏兮效米
顛之拜兄誠拳萬鈞之莫測豈媧皇煨煉所及特遺此於大
荒無垠行將樹柱國之望是以光祀帖勒鼎銘而非徒傳之
口碑載鬱林以垂廉貞請爲祝玉筍之林立歷千秋而不更

題萬璧如藏湯貞愍及家柘香墨跡

夫風雷以動乾健而紉縷發其光泰華以奠坤靈而天條摧其秀是故言行所飭炳乎丹青文章非夸根於忠孝顏平原之銀鈎鐵畫早樹孤標文信國雖玉管金尊無傷正氣足知翩翩藻翰固偶焉寄託而稜稜風格皆自然流露粵惟太歲癸臨蒼生丁厄蘭亭觴詠之年金陵瓦解之日朱門白骨與鍾鼎而俱灰黃絹烏絲隨煙雲而俱渺於時墟里荆棘衣冠塗炭併命則環投七姬破巢則株連九世舉凡筆花吐芳墨雨敷潤靡不慘付兵燹載同鬼車還憶裙屐勝遊雪泥幻迹風晨月夕染素揮縑述東甌之清門又見將軍畫馬序南昌之高閣驚看才子雕龍廁身其間懷璧非罪一旦棄如弁髦

丁八

十三

金陵遺書
謝氏校印

委諸草莽欲效寶刀大弓之竊懼貽探囊覬篋之誅遂乃駭獸驚禽亡命竄伏少陵間道繭足風塵越石中流憂心江漢惟知隕涕無處求生悲二酉之已空幾一丁之不識既而蘇門罷嘯稽山再遷親知消息但從泉下招魂羈旅光陰惟向夢中覓路乃遇萬和口淑之徒喜見程嬰盜孤之舉輕執摺疊闕月重圓惡楮蒙戎棲塵下拂照來紅燭愁絕青琴為羊公立墮淚之碑大率類此讀長吉口嘔心之句不覺潸然時維暮秋羣知長夜沈陰賸霏風掠樹而騷騷輕霜皚潔花隔籬而冉冉坐對遺墨愴悵倍增而藏弄者因重璆琳兼采葑菲辭不獲命書綴數言擬借裝池之家示存什襲之寶亦可謂付託有在生死不渝者矣嗟乎痛哭新亭半壁今無什一

悲歌楚帳過江僅賴八千況口衍簪纓賢公卿雷詩末技風生壺笠都人士恥尚浮華而浩氣既塞乎兩間吉光足垂乎百世昔庾子山位望通顯不忘鄉國殷仲文時代易移爰賦枯樹已矣哉念菟躬墮塊尚思表墜緒之茫茫為吾友闢幽又差勝書空之咄咄爾

跋狄稼生蘭亭捐本

咸豐辛酉再見此本於泰州旅次憶客春為題簽時期有四月矣重一展玩神采雍穆洵可寶也去期有四月一倏忽耳而藏此與賞此者幾不得並此存亦可怪矣哉當稼生攜此匆匆去訂市月見無何而驚遽震雷隔不相聞余則由吳門移婁江徙武源涉海抵山陰始延喘焉疾再作特劇臥百日

丁八

十四

金陵遺書
謝氏校印

瀕死以季秋移徙都人士遊蘭亭即憶此本懷稼生更苦越歲夏既孟聞奇警去山陰再奔甬東窺舟山稍定又浮大海赴申江而適與稼生見亦可怪矣哉詢顛末至喪家後從賊中逃以免親屬喜無恙恆盤旋蕩中甫以今春遷泰與棗枵然此本獨在每見題簽亦懷甚苦因同舟渡江又先以至泰州寓相近得言所欲言值溽暑露坐劇談為稼生云昨在山陰未發時忽語兒子寅行將與狄叔見請其故蓋兩人締交自乙卯歷丁巳己未其相睽也皆以期有四月合庚春及今亦然所以預必也說果驗然則此本存而藏此與賞此者亦居然存矣亦可怪矣哉

跋張鶴汀黃庭經墨跡

家貧積書無多然累世所遺亦數千卷癸丑既盡燬隻身草
間相隨無一字獨於義興得閣帖考正完善與宿藏等異行
篋時緡閱每歎長睿爲書學功臣其手跡必不凡而拓本罕
見孫退翁記載中雖偶一論及終不得寓目庚申又自吳亂
古越往復奔竄並考正一書而亡之竊恨恨辛酉越再警又
航海而北棲泰州獲與鶴汀司馬交司馬好臨池富有賞鑒
一日出長睿墨本黃庭册草法用急就生峭盤屈近人殊不
能惜有闕頁觀者謂長睿非著名專門無所僞爲然避熟求
售近日有假蟲達印者矣又謂退翁跋語足信要知無所考
則贗本無資也以余觀之當於所從來所得價所顯著之迹
爲斷鶴汀言是册從東魯避亂人買得以此易兩貫錢助旅

一八 靜虛一

一五

金陵遺書
蔣氏校印

出之豈物聚所好耶抑其有因緣耶

跋孔宥涵汪元枚書扇
右贈太僕孔宥涵太守贈觀察汪元枚大令手跡軍興二公
皆從江北軍與鶴汀司馬相善浦子城之役二公以身殉鶴
汀爲余言太守書此距難作數日耳恆言物將盡則衰氣見
觀此則生意勃勃豈正命者獨異歟余丙辰遇太守齊王老
座上即知爲偉人別後不獲見方欲郵乞手翰苦無信人又
恐貽唐突僭絕不意其借元枚死也元枚爲余同社生居相

鄰游庠後挾策京師應上公招海內豪雋樂與交學大進尤
善書乃屢舉不第又奉諱里居時余自楚歸適相值情益密
元枚卒以食指累盡室移袁浦不兩載而癸丑之亂作余雖
奔竄隔問訊然嘗爲元枚幸又不意其借太守死也鶴汀言
二公死甚烈以掌書記執殲十三人爲軍興所僅見時鶴
汀以謫儲胥免余於太守交尙淺嘗見其東南宦跡所至藻
翰紛拂乃絕筆於此心且爲之動元枚則舊好久隔遇鶴汀
始知其困知其亨知其歿不更有痛於中也耶二公抗大難
膺優卹舉世榮之筆墨小道何足爲二公重第鶴汀珍其所
遺令識與不識極口贊歎並殺賊十三人而神往之則所係
亦鉅矣余更因鶴汀得在三之節焉二公既致身事君而鶴
汀師事二公存此以盡意惜鶴汀少孤先澤散佚子立無稟
承獲乎友如此順乎親可決也夫

一八 靜虛一

一六

金陵遺書
蔣氏校印

石林觀我圖跋

鶴汀司馬以蔚石名其齋志所好且自況也曾爲書額並系
以銘暇日繪石林觀我圖屬揚州稽小筠寫貌王小梅補圖
左右纍疊作乾皴爲錫山沈君旭亭而毘陵湯君樂民先附
沈點綴一二磴側俟余潑墨捲雲後又因勢收拾而圖以成
眞州張君石渠既篆名觀我者啞然喜問何不爲我吟咏乃
續書云下筆居然生面開眞形五岳漫疑猜若論我輩欽崎
格總是媽皇煨鍊來誰向塵中搜玉楨會從月下見瑤臺如
今試問齋心願只要純陽點一回相與一笑而酌酒

雪岑草堂詩鈔跋

雪岑草堂詩鈔先輩澄齋張先生遺作也先生詩備各體癸丑亂後僅見五七律於仲君子禾行篋中骨法兩勝前屢閱別本評語膚學何敢贅第章於先生為後進於子禾為心交戊己洪水之災先澤漸滅殆盡且有待兵燹者讀茲編為子禾幸抑重余辰也始與子禾遇相傾以長短調樂府子禾於此得天授又歷劇切秦柳奴僕命騷而絕不稟諸庭閣蓋先生筆氣雄直恥翦裁音聲子禾詩學既由家承而又能補先人緒餘因而有異焉先生浙人以詩豪筆札外處世務為人不能為至於震海內動九重兼之浙籍僑金陵著作多無倚聲皆類袁隨園而子禾以佳公子繼詩名善填詞中歲出宰有循蹟則尤與蘭村刺史同予羨浙名賢恆代興他日先後輝映志乘間余更欣聞見知之過人也

丁八

十七

金陵叢書
蔣氏校印

七星巖探梅記

居山陰多風雨疾病閱歲辛酉梅始華同人招遊七星巖詰朝具壺榼擊舟而東春波浩然薺麥芃芃煙靄間午熾荒阡緣田舍後覺蒼翠撲衣袖躡石如虎冠瘡麻升無階得大石二中設屏小軒倚瘦梅隱石後暫憩趨巖厂構楹虛其上以厂為覆啟右足循巖趾貫水亭屈曲登躡石知為八卦壇祀梓潼平視樓軒如維舟然下石入厂後絕壁陰潭澄泓結搆蔽虧磬欵歌嘯皆應聲比厂中空為巖泉所湫冷沁心骨出夾石扉巖端工方斷山脊鏗爾逢凹俯而進背石摩腰背

若將壓稍平仰石階高且危攀而登不頃刻窺重淵凌層霄而復坦途噫可悟也經普照廣惠寺瞻石佛僧出數語別日哺飲而旋願來徑蒼蒼然遊者各適其適共屬余圖余舉酒曰偕遊惟余非浙產又久閉戶是行也在余為曠矢諸君為濫觴然而各適其適者會心不在遠也特有慨焉意之所適或安於習見或欣於初獲惟吾人抱身世之感又有時近取左右且不遑遽若及目涉幽異猶惏然恐入山不深者抑又何也遊為正月二十七日竺鄉趙君所招客余而外莊君小帆狄君毅鄉張君子和子猷

禹陵訪碑記

遊七星巖後數日為二月朔再謁禹陵狄君主盤張莊暨余

丁八

一八

金陵叢書
蔣氏校印

咸集儂趨壁也出水部耳目漸曠朝陽晶瑩映草樹生氣遠出好鳥和鳴幽澗邊於時新柳被水古香已消鼻觀猶隱隱清異乃汲波煮茗倚筵縱矚如讀煙江疊嶂圖畫欵見修竹漸露紺宇繫纜登陸已仰廟貌辨岫嶺奇宇歷階而升陟窆石亭閱諸題名趨殿庭松柏夾甍縱衛環寔冕森立肅而退展陵次杏不封樹信步抵南嶺故事郡人以春時頂禮鐘峰必過此百戲曼衍余獨見喬木十數章參天攫雲留連不忍去興竭返舟浮白為快談譚間已去里許白石仙謂越人善為舟卷篷方底徐曳無動搖若臥榻上信然酒闌再命舟繞壁山山皆懸流揮空望若連塘薄觀則斷爛中通奇趣百出惜舟大未能貫穿盡致風起浪湧暮色漸近慨焉長歌笛音

裂石環谷而應樓禽磔磔驚起雲霧中吹火鼓柷頃已抵舍
是遊也圖而記之疇曰不宜或曰子圖以訪碑名碑有說乎
應之曰無心而遊遊而樂樂而圖而記取自適耳尙不足爲
外人道況奇文奧旨經神聖之手歷千百載下而欲以庸末
測之則余方事春遊不惟不敢亦不暇

平陵主客詞序

太歲乙卯斗柄指辰僕方睢盱靡所栖息時則金陵瓦解屢
泣蘭成河陽花繁頓思潘岳賸子欵笠故人下車春城聞歌
夏屋延客相對如夢不待夜闌爰出斯編遠索月且竊見追
憶之作過半續存之什無幾而七寶墓蝕鍊而愈光六律風
諧按之不爽僕惺然驚謂蔗竿多進境此神乎技較黍瑄皆

平八

游虛一

一九

金陵叢書
廣氏校印

正聲窮益工者儻其然歎止何子莞且歎曰非也纂組以交
錯成文若岑於異同結契孤調不振友聲自求詩餘本韻士
別情花間乃才人合集他山未攻采石誰補因之微風啓幕
一老蟠然小令移宮三中鏗爾君既經正法眼僕亦辱相知
心蓋麗江儲君卽其人焉既而鷓首分馳猪肝易主匆匆斜
照衰草微雲落落疏星曉風殘月春去還思渭北夢回空憶
江南頃披舊好之瓊瑰知付新編於剗剗命書數語以誌二
人僕惟猷猷陋質砥硃雜委闈無文章遑論聲調疑響悚魄
未定金鐵之鳴蔽聰假寐自驚號咷之痛引商刻羽更復何
心分割朱碧竊恐迷目然而是集弁端不敢辭命則以聯珠
照乘希世共珍碧山白石幸離劫火之灰墨綬烏巾聊寄雪

泥之印繼此以往莫之或知僕非寡情忍不附尾而且義興
以山水勝蔚起地靈會稽富竹箭材炳彪時俊此主客者宜
其排天門誅蕩皇雅登歌而乃借旅宦行蹤旌亭壘唱是又
從旁顧曲代理鬱乎寸心謬託知音用絲邈於尺素者已嗟
乎鏡唱正繁弦誦有闕伊人爲玉田後大都隱鐘鳴漏盡之
悲乃祖譜農家詩何以致鼓腹含哺之樂慘然輟筆愧不成
文

廣過秦論

嗚呼秦固繼周統兼羣雄而奄有天下者也豈不聞仁義爲
美哉古今興衰治亂之故不越乎三者理與勢與數而已聖
賢豪傑諱言數而理與勢缺一不可天下之變必各有其積

平八

游虛一

二二

金陵叢書
廣氏校印

重以待代步者之力矯事之既定又有以知取天下守天下
之異量故武王反商散財發粟沛公約法除秦苛刻子產爲
國以猛而皆以勃然興繼而孔明作相以肅而皆以帖然治
設六官五刑而民不疑見箕踞履罵而士不離鄭獨惟眾母
蜀能柔蠻夷是何先後彼此之間同途而異轍哉理與勢無
偏廢也昔自春秋以至戰國周室大衰始也弊中文勝則襲
仁義雖孔孟不見用由處士之橫議致諸侯之放恣狙詐凶
暴以相攻擊羸秦起而乘之謂載籍皆邪說今宜焚俊髦皆
虛聲今宜阮黔首頑梗今宜愚易封建爲郡縣則權不分消
金鐵以鑄器則武不用而秦遂大變乎衰周則襲仁義之餘
習安意肆志而爲天下君而卽以亡其國嚮使秦因利乘便

既懲創時俗一洗其囂爭浮僞而又不令矯枉之過正潛運
默奪漸以齊天下之耳目而天下亦相率莫敢越要其刻薄
寡恩國祚不永耳何至不旋踵而滅哉三代而後行仁義者
蓋寡矣胡獨以仁義責秦哉是之不察第以仁義不行爲秦
詬吾恐秦苟虛慕仁義稱先則古而無實以相副玩愒日月
頓兵挫銳徒爲窺時者先得非特不能稱帝也將自安於西
戎之小國猶朝夕不可保故曰秦非不聞仁義也審乎勢而
味乎理得其所所以興而不得其所以治也

廣深慮論

竊讀正學氏深慮論而廢書歎也事常出於所慮之外旨哉
言乎雖然以此言慮猶之乎料事云爾烏能言深慮敢推而

丁八

靜慮一

一一一

金陵叢書
蔣氏校印

論之書曰弗慮胡獲經曰慮而後能得又曰人無遠慮必有
近憂是深慮云者蓋不在於見幾早燭理明而獨在於私欲
淨夫匹夫謀身家其魁桀特出鍊閱歷馭恆眾凡殫精窮思
厚自封殖而算無遺策者不過曰趨利避害而已然以端木
之智夫子稱其億屢中曰屢中猶有其不中也至於攬天下
之大芸生如此廣庶物如此繁殊方異域如此其難馴咨寒
怨暑如此其易作而欲以區區之識糾微察漸即長拒大覆
而措國家子孫黎民於磐石之安吾不敢決矣然則如之何
計惟有慮其心以使民公其器以泄治天下之財與天下共
之天下之人爲天下用之默相喻也而汗號同風雷隱相決
也而膏澤滋雨露不逆不億第持盛保泰以立萬世丕丕基

固無所事慮也亦卽所謂深慮也非然者所慮既不足謀身
家況君天下而僅爭料事之長不亦危哉

跋狄稼生家藏書畫冊

六一翁謂物聚於所好第聚而後散猶未聚也翰墨於兩大
間祇毫末耳而求其好之篤藏之多歷數而知所寶抑又增
益之且久之不毀於劫噫何其僅也吾鄉嗜此者積至累萬
癸丑寇至蕩然無存心竊傷之已卯客遊瀨陽遇稼生狄君
一見莫逆暇抵其宅如晤波斯賈目不停瞬其間尤多吾家
石谷夢樓筆蓋嘗主其家云自是余以饑驅未獲與稼生勤
討論最後於己未秋握手吳門出一冊皆其先世選齋公秘
書公同時往還諸名作快讀如沃冰雪竊念國家鼎盛海內

丁八

靜慮一

一一一

金陵叢書
蔣氏校印

鉅公宏濟萬彙猶得以閒暇相與遊藝高淡純古其不屑爲
釣弋名譽號召聲氣超超逸致隱然浮動於楮墨噫何其美
也稼生於余有偏好強索絹本附末辭不獲命予既愧造詣
之霄壤而又愀然蒿目忤忤於時覺身之所處視先哲更霄
壤噫何其蹇也今歲 恩命大比假武陵試院稼生便道句
畫并遺冊洩跋試罷見索此冊仍白盒以續寄旋復辭去報
罷遣僕再索僕具道乃主失意不具函惟三致意於是是非
結習甚深好之篤聚之多既能寶先澤而又增益之者耶宜
其弗毀於劫也選齋行誼著邑乘晚歲擁臯比螺山兼吟咏
雅近章柳詩刻藏皮尙無恙觀冊中蓮巢潘君畫綴斷句可
見也嗟乎選齋公又烏知此冊之必不燬而必欲後起知所

寶亦不過好之篤聚之多而自求其積習焉耳然而稼生與
余猶不外乎結習聊假物以自適當前者有會心未至者難
逆觀聚可也散亦可也增可也減亦可也久可也暫亦可也
寶之可也置之亦可也即必欲毀之亦可也翰墨於兩大間
祇毫末耳謬謂後之視今必如今之視昔噫何其愚也
致許海秋啟

章啓海秋足下隔手江濤又覺逾歲騰懷雲樹殊嗟索居今
年知足下垂天之翼復鍛於嚴霜順風之毛更期諸他日石
玉水珠隱現存數蠶蠅蠶蟻攀附應時以余兩人殆無獨善
近者嵇康癖懶吳質長愁寸丹自明尺素有缺愧接毫翰先
施在君驚捧琳瑯雅什入古雄才逸氣蓋代橫雲源流溯崑

一八

靜虛

一一三

金陵叢書
蔣氏校印

崑之山鏗鏘張洞庭之樂足以奮臂大敵昨舌小巫矣偉君
依託屋宇榻切听夕每念佳會實快遙想下礮論心識當年
徐孺開園款客得近代陳髯雙目巖電一心鏡波相需甚殷
雖久亦敬催詩擊鉢質疑撞鐘以視鄙人固有間耳章才本
樸樸咎逾邱山加以灞陵將軍不幸失道長安備保復恥當
鑑學陶潛乞食則口吃甚揚雄效李白爲歡則心悲先宋玉
至如頻年霑滂及身澤洞魚鼈緣壁蘋藻遊釜上國爲豬大
田不稼忙忙喪家之狗謀貧賤而不能哀哀繞樹之烏延殘
喘而不及暫就居停祇益怛事畜憂懼熟籌長策親知厭
薄慟哭窮途日愁旅舍之器屢暮夜臺之趣興思及此夫復
何言勉和大製有愧細響求教求教章啟

禽龍溪虎溪昆季書

握別龍虎溪賢昆季忽忽歷日月矣金閩人海乘醉剖袂每
一念及即欲報書屢阻於爛如吾輩者既不能金門結駟瀟
館簪筆降之猶不得效歐梅蘇尹參佐當時大人名公抽晦
刪切文翰咏嘷鳴之章幸而同方逐吳東海聲氣之際幾若
萬里足知外吏不減墮涸夫是以握管旋罷心親跡疏印證
有年想抱同歎月前得虎溪尺一備悉縷縷綢繆之思溢於
毫末見懷數絕姑射冰姿視昔微之詩誇州宅誰謂後來不
適前哲札云構患二豎赴期三日此恙爲陰淫脾疾傷人實
多古人謂鬻髓驅之即已竊恐今時戰骨徧野久成習見病
誠有鬼鬼亦倍雄且宜偃武修文勝以道氣自運三昧潛移

一八

靜虛

一一四

金陵叢書
蔣氏校印

三尸以天戰人庶有瘳乎龍溪中年鼓盆感物侘傺溫鏡忽
破姜被共擁遙憶寒夕殘燈可憐強爲慰藉亦惟思大亂瀕
死月缺復圓卽非長年無傷同穴普願達者作如是觀曩宰
瀨陽糾葛株累官牒盈集日間譙訶夏秋之交愈益竦厲嵇
康賦性本緩兼以俾出童叟責我所無事至萬難轉置度外
而旁觀代憂滅頂心膽欲墮曾不俄頃頓息駭浪冥漠之際
似哀昏黑倏忽至今自亦不解握篆以還私謂樛櫟之質投
閑海澨藉以避器常得數同好作會不期車木仍屬勞薪塘
堦傾頽丈尺凡幾省僚雲集迎送往來鞅掌簿書午夜不輟
以至僂數知交惟與昆季契託非復凡等尙若越禽代馬天
各一方僅從一紙書彷彿往時作促膝談亦可慨矣煙波浩

然日夕凝望虎溪果能因公便道過我作平原十日飲今年
金印斗大樂不逮是也虎溪賜箴感不去心痛下鍼砭此能
得古人之遺但宦途所好應戒者甚多必點金之術大成方
易破戒若區區敷衍又有不期戒而戒者虎溪謂佛動佛黑
竊謂以指喻指也版築之役悉由總司者董統在事林立已
居其所大阮譁諉力難有濟用特奉告手泐藉覆言不盡意
富蔣劔人茂才

前在吳趨猥尋芳躅躬自展謝又失交臂根觸五中靡刻暫
忘初秋奉檄珂鄉私心竊喜獲傾蓋之樂下車卒股懷物
色適接惠諭獎頌逾量雖極歡慰愈並悚惶藉悉道體冲朕
鴻著日積忠敬施蠻貊文章重鷄林白鶴朱霞景仰無已復

丁八

靜虛一

二十五

金陵叢書
蔣氏校印

讀寄來示湯貞愍傳王蔗鄉誄二篇大册鉅製奚啻馬班豈
能以此求之晚近閣下之才傳自蔗香歷有年所以見證聞
洵屬無二方將精進不怠珠潛璧匿蔚爲經世之學而蜉蝣
毀譽鷄蟲得失趙壹不爲鄉里所重謝榛乃以眇夫見識以
致悲吟河朔增劉越石之豪流寓關中抱庾子山之痛似皆
無足爲大君子累而區區末秩未立修名雖景行於斗山無
補助於涓滴猶思以芻蕘之見廣足下之志焉某浙東鄙人
世僑江左遭際變故鐘鼎爲墟幸而手版先持徵逐吳會骨
肉出險書畫載船以官爲家有同寄廡憶曩冠居里小閣
園沼稍知好學文史之暇招我友朋雅興所至往往以章篇
自娛邇來執筆漫不省記倘伺隙鈔葺一二實願就海內諸

俊彥如閣下者芟蕪蕪穢釐改謬誤即不足珍尙敝帚之自
享耳至若一行作吏鉛刀抱愧吾斯未信人之多言更賴他
山以匡不逮方今海墉崩傾有事版築風雨櫛沐蹀躞往來
閣下誼切粉榆心存砥柱閒居燕處早知蟻潰於隄防刊木
隨山定藎鴻猷於胸次尙望書乘風便示以指南早奏膚功
敢拜仁賜肅箋奉覆臨穎依馳

丁八

靜虛一

二十六

金陵叢書
蔣氏校印

詩上

上元王章

竹

槭槭初辭籜蕭蕭漸出羣莫嫌終踈地會見起凌雲信待封
時剖根從醉日分憐君不諧俗但記古來文

枯桑行

冬風不折枯桑枝長條細幹相撐搢蜿蜒踈地復騰起一心
苦盼春陽時皮皴瘿結狀曲拗不屑借作弓弧資邇來雖以
老秃廢昂聳肯受蟲蟻欺雨餘垂蔭及半畝我過其下高吟
詩桑質未必棟梁用飼蠶猶可供繅絲聖主視爾並耕藉爾

丁八

靜虛二

金陵叢書
蔣氏校印

勿自棄摧芳姿

陶觀察梁招往荆南校書道中作

出峽盡鳴鉦風聲挾浪聲朝陽烘遠樹春水拍荒城直道宜
三黜浮名誤半生天涯渺無極歲歲作長征

蕪州雜詩

千里江南客重陽漢上秋雲荒垂大漠山瘦插中流斷岸漁
家艇斜暉駉戍樓羈愁漫縈繞此去識荊州

券册千年寶旌旗六合雲我觀韓太尉高出左將軍戰馬疲
思臥驚鳥散不羣狂吟動鄰舫風起荻紛紛

寄家書二首

遠出巴東峽孤兒恨影單爲謀將母急翻使見親難半百就

衰體三冬尤苦寒如何自調遣可否好眠餐

昔未定行期娘歡強慰兒臨歧才一拜老淚已雙垂黃葉雨
中別白雲天外思門閭莫輕倚歸計尙遲遲

義馬行

黃駟馬粵東總戎陳連昇騎也庚子英夷犯順公戰死沙
角馬爲夷得不食幾斃夷亦置之盧督涖粵及見此馬好
事徵詩因作義馬行

沙角腥風陣雲黑夜半旌旗變顏色墮地妖星十丈光一馬
一人同許國騎馬者誰陳將軍天生異質資奇助健兒往往
控不得過將軍來如犬馴耳披雙玉明眸見胸排兩嶽拳毛
徧肯信檀溪白的顛妨主何曾眼親見飛將提戎禦百蠻岳

丁八

靜虛二

金陵叢書
蔣氏校印

家父子嗟墟山椎牛帳下饗壯士莫教虜騎猶生還太歲庚

子冬之月當關豺虎長驅劣將軍按轡掃塵氛盡日神駒汗
流血甲士三千如一心忽聞戰鼓合商音陰飆打馬馬遂走

勿頸未答君恩深錦韉半脫荒山道主將捐軀追者少尾撤
圓毬慘不嘶我國良材他國寶牽來纏下環夷酋都云此品

空九州奈如女子守貞潔近身鬪鬪無時休淮安大豆清泉
水一切禁之瘦欲死併命思從舊主人掉頭不識羣蕃鬼爾

來事定馬未僵寄身大廐老且瘡督府傳宣立階下含悲似
欲言疆場嗚乎黃金買骨分真假幾輩飄零在空野乾坤正

氣無處無豈有人而不如馬
道士泐
西臺山

空江散晴旭寂寞舟中坐蒼翠突飛來陰巖片帆過蕭蕭竹
樹多隱隱寺門破借問寺中人枯僧應一个少年愛禪靜欲
此結茅臥忽然念將母妄想幾錯錯天涯游子單負米敢或
情于役非王事徒以免窮餓亦願試諸艱少賤豈爲禍
過潯陽泊武穴古驛成卒頗勤於職舟夜寄懷
山蒼蒼天茫茫江雲白白江水黃草屋八九間兒童逐雞雞
走藏我來薄暮泊江口北風吹人不出手忽聞罾栗含商音
一聲兩聲淒以清三聲四聲孤月明孤影對孤月此時此夜
難爲情自來所過州邑城郵驛亭障存其名處處得似此老
兵何物盜賊敢橫行吁嗟乎安得天子社稷臣萬里守邊如
守更

一八 靜虛二

三

金陵叢書
蔣氏校印

借鞠毘過雞籠山館就唐卿蕭六飲

二客山下來一客下山揖相與席地坐暮靄連空碧攜手轉
西庵高閣已洞闢餘霞散東南目送飛鳥疾山人設道器登
盤椽與栗開尊任斟酌無取觴政執坐觀羣壑陰倏忽燈動
壁商廳颯然至黃葉響槭槭涼雨隨風來頗覺萬籟寂莫問
白東方聊爾相枕籍

三賢祠堂借幻生訪唐卿不值

之子何之去山閣坐覺山光浙西落黃葉空庭不見人白雲
深處微聞雀來朝風雨更相尋遲我開尊與君約

題秋燈話雨圖

問君今夕是何夕爾我難消狂士習胡爲帶甲滿東南左手

持杯右把筆不能殺上馬賊不能草下馬傲走卒兒童笑噴
噴青鋒斫地地不靈白眼望天天欲泣凌伯子賢而才忽然
心上秋風來傾情倒意豪客滿瓊杯綺席華筵開座上三五
公各具千萬古主賓奇氣九霄騰豈止區區驚牖戶白日照
朱顏年華逝水間住世不稱意且覓藍田山陰雲來往勢莫
定長晝空堂忽昏暝熊咆虎吼駭聽聞雨急四檐垂白綆雨
歇酒闌更已深坐客漸稀如散星黃華道人靜虛生此時此
夜難爲情更聞殘滴下秋竹百蟲啾啾鳥羣宿密坐情懷倒
玉缸虛室涼颯冷銀燭樂亦不可極會亦不可不多同歌漢武
秋風歌東方漸高將奈何
重遊致園疾作感同人掖歸

丁八 靜虛二

四

金陵叢書
蔣氏校印

空庭客到黃金花三四客到凌子家主人噴兒地不掃爭先
擁簪殊可嘉相攜入座慰岑寂仍復頽唐三太息幸無兵氣
瘴林泉猶有秋光點鋒鏑人生聚散如反掌信宿高齋已陳
迹感君重掃几榻塵何盤肴核紛然新狂歌激越屋梁上淚
流汗下皆天真沈痾相如久消渴我忽投杯心作惡遂令舉
座乏歡顏自古悲來因極樂昔時流浪江海邊塵沙蕩汨已
可憐荷蒙神貺捐痲疾鬱伊啾啾難言宣諸君諒我寸衷苦
肯作尋常慰藉語出門送我辭不能高義如山銘肺腑痛定
還憂未解師匹夫病死何足奇聞道軍中急戰鬪不如我輩
相扶持

壬寅兵後

高城昨夜撤旌旗到處相逢賀解師父老驚魂新定後夕陽
蕭寺聽彈詞

借幻生西郭

市隱恣游衍兩人長是閒寺門低入草邨店破來山飲罷忽
生感談深覺倦還衣襟滿蒼翠回首夕陽間

秋日又借幻生

首夏曾過此今看草漸黃壞祠歡暮雀深竹冷秋陽雲礙水
邊路風吹空際香迢然道心發相與咏蒼茫

兵後出郭訪余少溪

平明出西郭舉眼迎朝暾十戶九荒落盡爲亡命奔我友經
喪亂訪之身尙存排闥徑登堂犬飢忘守門主人整巾出閑

丁八

靜虛二

五

金陵叢書
蔣氏校印

庭風竹喧須臾羅酒漿更爲進盤殮一觴足取醉愁積神易
憊十觴亦不醉情親色愈溫縱談去時事不鳴離亂冤鄉居
乏驅使奉令惟兒孫相對語既竭棲雞號空園日夕土屋頽
缺月湖波翻柴門暫言別晚菘歸路繁由來涵城市安得居
移村

避暑妙相庵聽幻生琴歸飲家柘香宅

修竹含清陰微風日將夕搥琴偶一來人歸水亭寂鳴蟬向
晚急柳外漁翁立何以解煩囂多君展瑤席

將至皖山酒肆別諸生

寒風蕭蕭入窗紙水軒日午斜山紫市橋人影散波心談笑
時驚數魚起今我別子情惘然同向蕤中索酒錢無聊一醉

無言去明日獨乘江上船

皖城觀虎顛骨歌

天陰暗谷風狂吼羶臭撲人張虎口當時白額好頭顛今日
捉來市中走金精光燄騰九霄失勢一落輕鴻毛驅車再作
皖城客偶焉觸目心怛怛傳觀門外羣相告顛若掀肩發長
鬚兒曹生不識於菟震爾餘威尙呼噪提顛細辨態逼真齒
牙交錯如爛銀琥珀墮地光已滅空眶炯炯猶含噴虎若有
知空淚灑何處千金酬死馬不見古來白骨無人收半是飛
而食肉者

大水江行

東南天水魚龍色落日烘雲蒸澤國破浪風帆去若飛此中

丁八

靜虛二

六

金陵叢書
蔣氏校印

穩臥秋江客一更二更月漸升青蟲入窗攢撲燈靜聽遠岸
流民哭說我漂零尙未能

偶見

呼羣乳鴨戲秋水失伴孤鴻叫晚風天外夕陽霜後葉一般
顏色兩般紅

聽幻道人彈風雷引

瘠儒十載寒齋酸淒吟哀調入耳攢市喧日日肆紛雜一心
愁結如枯澗道人夜半開蓬戶寸燭留髻肯教去感我平生
聖塊多特向冰絲拂塵汚初聞轉軸不成聲兩三郭索爬沙
行是時未識太羹趣睡思杳若春雲生漸聽竹葉輕投地斜
捎屋瓦涼颺至崩城白晝悄無人碾車四合愁鷹翅凝結春

寒凍玉瓶又若秋漏淒金屏陰房暗鬼狀飄忽天水色混魚
龍青忽然霹靂破空走丁甲諸天散獅吼怒蛻燭尾扶豈崙
膽落炎摩共搖手翩然來下雲中君洞庭之野旗紛紛玉女
狂笑三界黑海波壁立如翻銀抽篋金滕帝子泣碧霄御座
通呼吸昆陽擊鼓動地來虎豹追奔戰不得我抱琴癖癖已
深今夕百倍開愁襟移情悚魄乃如此此韻何處無知音爲
問琴辭生莫對云是仙傳意能會結響勺蠶入大荒推窗月
墮青天外
病中聞海白許大宗衡至
經年望遠獨登臺惆悵文園倦眼開病裏相逢又離別江南
春負故人來

丁八

靜虛二

七

金陵雜書
蔣氏校印

自題畫閣

幽谷年年空自芳何人憐賞轉淒涼門前無日無車馬猶有
傷心馬四孃

將之皖留別紫筠弟

悵悵庭院冑晴絲荏苒光陰又別離燈火昏黃春病酒弟兄
風雨夜談詩夢中芳艸雲千疊天外梅花笛一枝爲語次公
休悵望安排大被早秋時

浦子城望月

水氣接層樓客衣生早秋長空一片月併入大江流自得雲
山興何來身世憂臨風獨悵古千載此悠悠

泊銅陵縣

破空一櫂欲飛騰風利蒲帆泊未能細雨江城吹暮角亂雲
山店出春燈夢隨胡蝶光陰冷醉看波濤意氣增爲語蛟龍
莫相犯客星今夜照銅陵

臘月自當塗歸過采石黃梓蕪家留宿次日立春

還家過君舍小住采江濱相戒眠休早無言意亦真枯燈臨
別酒殘雪獨歸人謾訂來年約今宵已是春

客皖過葉大星來太史毓祥山居

尋友出春郭桑麻陰滿園年豐村塾廣地僻社神尊把釣逢
花下談詩坐竹根冲襟共蕭散月上送柴門

旅齋早起

秋聲感客起宿鳥動枝上庭空窗日多門掩草露溼披衣盥

丁八

靜虛二

八

金陵雜書
蔣氏校印

漱已冥坐超萬象微聞隔牆汲語雜轆轤響依人吏舍踟因
鐵走塵網浮生競私營好學轉孤往發光就羈縲跡瀕心自
朗愆尤運窮集器識憂來長忽見風吹雲道然涉遐想

登含山城樓書壁

橫空紫翠撲儒巾薄暮登臨感慨頻鴻雁過時無好調蒹葭
深處有流民雨多想爲蒼生泣木落才知面目真歸去倚爐
成小醉燈前華髮又更新

過昭關作辭劍行

楚材家破含冤走泣不成聲離虎口千金懸賞爵通侯大索
逋臣伍員首橫鋒欲頸不敢揮父兄在天期有爲淚流入口
口含淚強兵勁卒相窮追和陽風燈江波湧行色倉皇來將

種抽篋還瑩鷓鴣膏翻濤借作玻璃冢何來漁父能相憐贈
劍不受肝膽宣得君豈止百金價擊舟徑去冲寒煙嗚乎此
劍歸何處至今江水渾如故當年早識屬鏤名也應不問錢
塘渡我過山龍秋滿空荒千夜泊聽孤鴻古來傑士真無幾
一望蘆花明月中

大水

神堯咨四岳千里共滂沱幾許眼中淚化為江上波微風宜
小醉殘照起悲歌試起篷窗望雲山黯黯過

天門山遊借姚小南騎尉二首

萬古三山色濤聲折向東金陵全在望玉鏡忽當空素影疑
孤雁流光瀉彩虹高秋看明月須到大江中

丁巳

靜庵二

九

金陵遺書
蔣氏校印

帆影冰壺外晶瑩望不分船霜無力掃風荻那堪聞置酒當
遙夜懷人隔暮雲連宵清興發端爲謝將軍

送朱大朗仙瀛再游大梁

火雲黑夜渡江水化作辟歷震人耳未生別我犯暑行而汗
涔涔不能止出門西遊已十年何物寶馬珊瑚鞭大河南北
梗中土登高四顧心茫然白日澹澹冰雪天沾裳淚下如流
泉有妻織紉亦生計兒嗚門東真可憐聞我此言戲胸臆少
壯無營老無適不羨千秋羨八駿熱中自歎椎車壁

含山官廨聽小妓細菱彈琵琶

天寒斜日雕欄墮蠟燭分筵近爐火主賓微醉不成歡喚出
秋娘淺梳衰雲和嬌捧玉纖長袖囊誤觸絃鏗鏘頻移鳳鳥

19232

19231

衣香近偏插鸞釵髮影涼入破丁丁聲斷續有似流泉度幽
谷萬里長天接混茫高下遙看雁行撲轉關忽墮走風沙鐵
騎銀瓶太撻擊歇拍餘音人罷酒飲容小立露垂花是時碧
月當空現窈窕文窗迎素面感深絮語說漂零使我襪襪淚
如霰舴舨新從江上來闌摧蕙折少人栽今年大水沒田舍
冷落朱門歌舞臺羅裙黯淡侵塵土楊枝無力春無主誰言
憔悴大隄倡不似逃亡小家戶我盼丹山采鳳歸知音不遇
空爾爲鶯來燕去千般恨紅袖青衫一樣悲明朝分手天涯
路夢溼呢痕又何處霜氣蕭蕭雞亂鳴北斗闌干掛高樹
冬夜旅舍

丁巳

靜庵二

十

金陵遺書
蔣氏校印

杳散冷宿牆頭雀愁心燈下生寒鐘起天末

登橫軸閣

陰晝登樓感不支風吹過雁一聲悲空江繞郭去天遠涼雨
團煙出樹遲更事漸多愁讀史謀生無補悔吟詩客來且莫
增憑弔廣大名山即我師

獨坐

得暇即爲福長貧何足論空齋晚來坐微雨靜中喧向壁僮
吹火借書人叩門此心無細故幽賞與誰言
望海白太史不至

積陰叢竹暗時見影憧憧孤坐不知暮涼風來入窗近詩多
古調好友隔秋江何日一尊酒南歸盼小樓

冬喧步西菴遇野叟款飲

晨窗事膏沐頗愛冬日妍負手出門去謝此塵網牽枯竹亂
無次獨行幽澗邊田舍成小憩村翁意間問挽我飲我酒我
亦竟陶然稚子喜客來芋栗覓鄰園溪橋日漸夕送我意殷
拳俯仰歎陳迹茲會乃足傳

喜海白再至

蓬蒿我已慣車馬爾徒勞各抱中年感翻疑舊日豪巷寒宵
拆斷窗破曉星高見而漸相別相看指二毛

借陳二孝廉俊遇雨挹翠山房分咏

梅雨閉窗黑山樓向晚時稍晴人覓徑殘滴鳥移枝斷岸橋
梁廢深林燈火遲浮生幾兩辰愁作杜門詩

丁八

解題二

十一

金陵叢書
蔣氏校印

息靜蓮池庵僧房

覓得團蒲好寄身蕭蕭竹樹四無鄰昏鴉暗啄僧房瓦饑鼠
閑吹佛面塵病起強行看綠野貧爲何計遣青春雄心慧業
消除盡一任晨鐘過耳頻

借陳二子瑒瑒宿湖上

湖上招提古輕煙泛小樓市聲喧曉郭鵲影動晴窗勝境幽
人宿凡魔道力降朝光映前殿塵滿法華幢

夜讀

依窗夜讀書清趣近何如犬吠村臨水人歸燈過墟寒山抱
雲睡遠竹共星疏但得下帷樂無勞歎索居

獨步

出門青艸滿忽忽欲何之殘照獨歸客微風向晚時魚浮橋
動影鵲去樹搖枝乘興登高望連村徧夜炊

未歸

三月三日柳覆井窗隙微風動詩本客來入座雜談諧就市
沾春點枯吻半酣漸畏青袍重春城礙眼山如夢相攜石開
俯叢篁冷看颺颺穴幽洞湖光耀金甃浪紋兩脚直到天邊
分香籠十笏對茗椀倒著儒冠頰夕暉與子曾堅耦耕約此
境無人成偶託山雞苦憶道士歸緣壁閒尋蟲蝨啄

無題

丁八

解題二

十二

金陵叢書
蔣氏校印

心香款款溫紅豆尋常掠綺思碧桃生小具靈根祇愁傍枕
餒綃溼淚墨新痕和舊痕

鞭絲遙指暮山斜往日酸心七竇車望眼郎眞風底絮工愁
妾是雨中花填將東海誰銜石賤煞西施誤浣紗孤負雙星
前渡約穿鍼樓畔集昏鴉

生成空谷蕙蘭姿十載回文織恨絲肯屬蜂媒輕作合終借
鴛侶莫嫌遲雲流壁月紅樓轉竹冷金風翠袖知卻怪春閨
諸姊妹不憐儂慧笑儂癡

小姑居處太淒清薄命千秋定數卿弄玉原多超世想飛瓊
夙擅步虛聲強尋蝶夢眠難穩才掃蛾眉妒已成只合廣寒
香霧裏冷扶環佩憶三生

秋夕示朱雲白華二生

九月赫驕陽輕絲未能試秋風今忽來令我生遠致久悲樽
酒空相逢情不濃飄然四顧望落落阮嗣宗偶爾逸興發豈
忍負明月前夕兩三人醉臥西山石西山爽氣多解帶就松
坡賴君攜玉琴鼓之養天和究心太微書一日幾摩挲勉茲
及可樂寓形將如何

早發

五更寒月如潑水僕夫開門夜烏起曙燈一豆窗淒淒慈母
牽衣囑游子車鐸蕭條響晨霧草樹迷濛動山市吁嗟行役
問何方莫是長安拾金紫

村夜

書生晦迹居村野懶向紅塵鬪車馬筆落荒干風雨驚詩成
神姥鈴旛下三更牀上得好句童子未睡呼代寫此是人間
羈旅愁莫作悠悠苦吟者

引步

奇峯聳入碧雲端極目斜暉顧影單壞圃烏棲叢竹暗蒼煙
人語隔溪寒詩多漸欲探喉得花好真宜袖手看卻憶少年
同學輩正隨車馬鬧長安

題紫筠弟詩卷

歲首人事少爲君芟舊詩醉餘春在筆吟癖鬢成絲兩重山
容失談深燈影遲一作燈殘汝兄五千卷莫療半生飢

秋晴

秋晴眾山出日午獨登樓誰似乾坤潔其如歲月流壞城眠
病馬荒蕪拍浮鷗四顧覺岑寂當杯忽地愁

雪

凍雲漠漠瀉不得散作冰絲兩腳直北風怒吼霹靂聲一夜
閉門天地白野人貪睡傍午醒客堂猶見冷冥冥龍虎遭逢
會有日醉歌釣雪江之汀

忘機

夕陽獨客下山歸聽泉倚樹風吹衣人家隔樹晚煙起樹頭
敗葉隨煙飛東山月丸冷欲墮照見烏鵲爭枯枝此時景趣
不可道清磬一聲忘我機

卽事

萬事一無瑩閉門觀我生年豐猶夢俗兒小莫聰明書幌秋
聲到園蔬晚照清閒居足幽賞把卷若爲情

南窗

南窗日色薄風定轉生寒折竹霜威重拋書人影單鄉評朝
夕改家食古今難時把琴絃撫愁深不竟彈

冬夜

寂坐待月久清光搖一燈爐烹暮窗茗風墮夜檣冰境逼詩
懷減親防老態增長門不買賦自笑更何能

初春同子筠弟登憑虛閣時將出遊

竹樹蕭疏當殿清閒分壺茗愜幽情早春徧野來生氣高閣
因風捲市聲小憩悲歡雙眼冷無聊去住一身輕遊蹤此後

丁八

靜虛二

一三

金陵遺書
蔣氏校印

丁八

靜虛二

一四

金陵遺書
蔣氏校印

君休問回首羣峰夕照明

聞笛

隨風清響度一聽一傷神不覺明生月因之懷遠人江城梅
漸落關塞柳初新安得君山叟相攜洗俗塵

寄慨

江海橫流處不安露車危坐恨漫漫士逢末路謀生拙命託
全家作達難月地行人影澹風萍散後酒盟寒孫郎夜哭
孫登嘯從古英豪韻獨彈

古別離

東方明霞照千里行客披衣五更起南鄰北舍接雞聲苦沒
頽垣月光死車班班路漫漫居人勉客進一餐路漫漫風浩

丁八 辭盧二

十五

金陵叢書
蔣氏校印

浩勸君早歸來人生易衰老

釋卷

釋卷一覺睡夢回驚午雷閉門十日坐罷想故人來積雨蒸
檐菌行蝸篆壁苔漫勞楊得意待詔本無才

秋感

半天落風雨一夜冷關河客睡不得穩雁聲何太多文章誰
首肯星宿儘胸羅近日羞投刺朱門縱步過

見白髮示紫筠弟

廿年無計脫儒冠華髮初生淚欲彈守拙汝宜隨分好先衰
我已亢宗難連天芳草淒迷長過眼繁華冷淡看只合沈酣
金谷酒浮生何處乞還丹

壬子春暮飲大佛寺書寺僧月潭壁

心頭舊事逐飄風春暮尋僧野寺中看罷山花總無語人生
大抵各西東

曾爲兩生都督撫香君像亂後再爲汝翁作感咏

賸粉零香不了情江南烽火屢心驚可憐丁字簾前水又作

胥濤飲恨聲寇之督殉也

甲寅夏避寇小水閣望月時孛屬陷圍中

家耗而今漸渺茫隔城雲樹望蒼蒼傷心十四回圓月不信
無歸在故鄉

避跡窮鄉日與野老藉地臥回念甫出陷阱集鄉丁七千調

大帥益以潮營甘涼兵于癸丑五月八日十一日連戰太

丁八 辭盧二

十六

金陵叢書
蔣氏校印

平神策二門余親督戰甚急頗斬獲鄉丁厲氣百倍無少

損已入外郭卒以後繼稍卻又雨事乃廢觀此舉者今猶

嘆恨不置由是概棄塵擾沈涵東郭茅檐酒酣感而成咏

死士亦已散微軀何所營曾經萬人敵不好一時名家近妻

孛遠城亡將帥生滔滔徧天下熱淚向誰傾

夏晚石浪山麓呈劉丈

菲屋環翠綠平疇浮遠青蟬催暮天急人立夕陽聽呼飯月

升木開樽風滿櫺江潭足幽賞搖落已曾經

甲寅秋圍城出者紛紛寅兒獨否感成

大設無遮會贊會此舉豪伴歡賀親故薄德累兒曹未了還

珠願誰償闕鐵勞回思覆巢日悔不試并刀

歲朝大病自行營肩輿歸田莊

殘魂飛越到山莊骨肉迎門各感傷
垂死病中悲月出無家
歲首看人忙夢搖燈影千愁攪
風雜雞聲五夜狂卻喜中興
諸將在文園消渴漫淒涼

村中病起

寂臥空村裏芳時意未諧
病深衣垢積亂久世情乖
乍煖禽
嬉水行沾屐上街煙塵滿
天地防我污青鞵

洿愁又幾旬舉眼麥苗新
喚燕茅檐午尋花佛寺春
陰晴占
歲事生死隔家人忽地空
諸想誰悲弱草塵

偶咏

身以閑增懶髮因梳更稀
厭人說時事借病息心機
炊起煙

十八

靜虛二

十七

金陵叢書
蔣氏校印

凝樹睡餘風撼扉憑誰賦
招隱共采北山薇

止何張二弟宰灑陽往依麻舍塗中作

橫風捲逆流拂劍坐孤舟
豪傑困如此東南戰未休
英光斃

菜圃舊約赴糟邱景略吾家秀
匡時自有謀

即日

楊柳滿溪溪滿煙酒家多
傍釣魚船貪看風景不知
處忽見

小花紅欲然

灑陽署齋贈止何

到耳絃歌聳聽開花明一
縣掃塵氛乖崖政績含秋
氣灑水

高吟易夕曛失路天涯誰
似我憐才眼底尙留君相
逢縱有

升沈別回首江東總暮雲

亂裏年光負好春蕭條襦被恐迷津
浣花劍外成千古乞食
刀邊仗一身酒釀半醞難入夢
詩家垂老尙依人遙知車馬
長安客南望烽煙倍慘神

託鉢吹簫任所之俄夫願盼枉雄奇
毀家未了匡時願投刺
終懷滅字悲偶借泥鴻留幻迹
僅存皮骨對親知巢傾早識
無完卵欲試并刀悔已遲

風引神山未易尋荒干雨泊苦難
禁屋梁月落三年想咫尺
懷人十日陰入暮賓朋連白社
當筵涕淚感青琴元真蓑笠
渾無恙珍重煙波一往深

送莊小帆歸浙

揭天烽火整歸裝此日濠梁送老
莊我有怒濤滿胸臆情君

十八

靜虛二

十八

金陵叢書
蔣氏校印

攜去到錢唐

和子畏師贈別

賊斫不得死扶持賴有神
天心垂大老民念係斯人
座滿三

千履詩傳卅六鱗春風憶前度
愁望皖江濱

秋日重歸舊莊有事解溪過王
聖喜孫理堂止宿留贈

知己偏教識面稀舊遊景物是
耶非談詩秋入酒人句留客

春開山館扉聞道木樨都點點
別來楊柳尙依依臨溪莫問

何年返到處爲家也盼歸

一作我歸無

長歌贈梓民

四座暫停聲聽我長歌行
長歌所贈張梓民惟我與之
情不

更兩人再世又三載回憶往事如
前生千筆萬紙寫不足故

國河山淒滿目滄桑境改勿多談菴蔬心苦從誰述初出圍
城白日昏塵沙燐火潛追奔豁然別具一天地與君突遇姚
坊門丈夫亡命非愛己立意為韓報仇死江東子弟一呼來
牆下水漿三日止劫火餘星未即消嚴疆虎踞愁天驕非無
才去河北賊共君拂袖翻逍遙此後茫茫不相見伯勞東望
西飛燕梧桐秋雨各沾襟楊柳春風空識面忽爾萍蹤灑水
陽知君返櫂由金閭搖搖官燭照無寐疑是夢裏相扶將君
之八口不失一我尙飄零隔家室大男新自賊中來憐女謝
公愁轉劇如今晨夕寄君家猪肝累友長咨嗟裁箋要我作
詩句商音有似吹胡笳君毋聽此淚如麻前途猛虎猶磨牙
君不見萬鍾一品小於蠶天地風塵行不得

丁八 靜虛二

一九

金陵書畫社
蔣氏校印

灑陽留別史戟堂中翰秋稼生外翰

相逢出意外行色又匆忙暮日留駒隙秋風散雁行天寒肝
膽熱話短途長惆悵挂帆去蕭蕭蘆荻蒼
赴宜興再經溧陽時止何已及瓜代臨別贈句即次元韻
各忍臨歧淚中心煎百憂情真詩轉澀飢厄客何求旅況悲
遙夜軍聲雜暮秋此行莫惆悵談笑看吳鉤
造物置吾輩由來費主張知音半新鬼偷活亦他鄉東道酸
辛酒西風慘淡裝茱萸醉來把酒幸會重陽
到義興贈荀仲許美身明府
片帆穩送到琴堂萍梗閑愁倏爾忘家毀天教焚筆硯童游
君亦感滄桑三山結陣雲猶黑一瞬分襟鞠又黃如此奇才

非百里軍書應雜簿書忙及君幼隨面故江南又先於

陽羨廉泉清且深茶星喜趁福星臨鳳飛久樹華堂望果君世家

杯斟子實從惟後至春風入座成虛度以識大比任負中郎識鑿音

題楊蕉隱振藩參軍詩冊

天南怪底賊星單聞道詩壇近將壇閱歷人衰雙眼白賢勞

王事一心丹枕戈月滿聽雞舞草檄霜飛立馬看零雨經年

休浪感叟他筆墨壯波瀾

歲暮旅舍書懷

北風吹萬樹歲暮意蹉跎愁逼詩腸仄貧逢肉眼多歸禽急

殘照倦客戀行窩獨倚檉嘶劍倉茫落浩歌

丁八 靜虛二

二十

金陵書畫社
蔣氏校印

荆溪度歲

天地干戈滿無家寄此身三年塵海夢百感寓樓春亂後憐

嬌子忙中惜故人子誠嘉史戟堂中翰去唯張君稍留君坡

翁今不作陽羨孰為鄰

客中聞寅兒讀書感成

賊中辛苦汝備嘗三年為賊挽烏彊是時我不顧行遞隔絕

山岳天茫茫悲來填膺醉呼汝安得應我來我傍鄉村兒童

聞書塾使我一見一感傷不徒廢學為汝恨生死事大難窺

量去年病起苦乏食故人作宰趨溧陽四月傳聞汝出坎喜

極疑木如蠶偃南歸落葉滿庭樹投懷淚血沾衣裳再攜汝

去客陽羨舍館既定搜縹緲愛汝不忍縱汝逸課程雖迫不

汝戕覆巢以後久荒忘依然曉夜音琅琅而翁無聞近五十
萬念灰冷藏蜂房豈期他日汝榮貴要使舊業延青箱所嘆
汝母陷湯火念及中夜雙瞳張我知誦讀汝非懈氣結能令
聲不揚清霜墮空月窺戶聊書苦語其毋忘

感懷

卜居絕似浣花堂嚴武憐才遂我狂未具衣冠疏慶弔慘拋
家室任存亡霜天冷徹烏嘯樹鄉夢驚回鼠跳梁差喜中興
有諸將杜陵且莫淚沾裳

悲陳善并序

陳善者粵西上舍生粗知書短幹色精悍因爲肩狎者呼
陳駝云隨弟偏裨從軍而南團鄉兵百餘防仙鶴門屢覘

一八

靜虛二

二十一

金陵叢書
蔣氏校印

賊日有獲犯賊怒出不意擁眾抵壘不敵殲焉乙卯十二
月二十五日也所駐去余田疇近曾識面繼客陽羨得耗
於鄉人悼歎永日作悲陳善

男兒報國何必官此血能碧心能丹莫言粵西產盜賊荆棘
之側生芝蘭昔年隴上有陳安七尺大刀奮如湍蛇矛丈八
左右盤陳善今乃其苗裔萬里逐賊髮指冠甘甯百騎屢劫
魏捉賊醜漿膏一鬢賊恨入髓不敢犯邇日虎視徒耽耽去
年我步視其壘旗門執手明星寒燄駝隆背狀森異軀幹短
小精神圓自茲北鄙賴保障居然隻手遮狂瀾忽爾歲暮雲
陰漫狼奔豬突來相攢人不及甲馬不鞍鼓聲逢逢月光紫
頃刻骨肉飢飡嗟吁嗟乎得此壯士已大難失勢一落不得

還聞之使我摧心肝吁嗟乎聞之誰不摧心肝
東梓民

漫空風雪閉重門人日題詩研未溫入夢家山誰共話上街
春屐冷無痕性疏禮法羣疑傲句帶辛酸稿怕存惟恐芳時
竟孤負衝寒遲我一開樽

疇昔紀事

西狩書獲麟尼山淚如霰靈物在乘時愆期貴亦賤近今恆
煥若祁寒混咨怨明威久不肅蝻孽蘊怪變朔風萬里來陡
覺銀海眩履端氣和淑潛陽已微現旋斡機稍遲恩施取憎
厭違時了無濟此爲造物憾臂披一片石快舉勝百戰函夏

丁八

靜虛二

二十一

金陵叢書
蔣氏校印

登太平思陵獨不見

詠懷

少小鄙時學迹違金馬門萬事一無就抱才孤主恩邇日尋
干戈投筆走中原毀家已不顧挾策誰與論老驥伏櫪鳴安
得達天關丈夫重晚節畏此日月奔河梁別親故雪積裘不
溫請君視歲寒唯有松柏存

客舍元夜二首

火樹銀花達旦明梨園百樣鬪新聲江南誰道炸煙滿猶有
絃歌似武城

四更寒月已墮地一派清光猶滿樓爐火微紅瓦霜白可憐
元夜似殘秋

荆溪寓居懷古三首

仲宣到處感登樓何況登樓憶舊遊我更無心作詞賦荆溪原不似荊州

破衣露肘老書癡犯戒猶吟劫後詩憂國憂民杜陵集三分越俎七傷時

漆園著作文園賦親見鄰家覆醬甌幸我文章付兵燹免他依樣畫葫蘆

客春
堪嘆僑居客饑殍倦即眠微疴宜養晦好俠且談禪柝遠風生樹窗寒月裏煙浮家足清況誰買義興田

到處

丁八

靜虛二

二十三

金陵叢書
蔣氏校印

到處一腔血近來雙鬢絲孫兒滿眼淚劫火半生詩默默以自保茫茫何所之風鳴五百載恨不見昌期

收燈後雪益降不止爲近歲罕見兼旬未出戶聞寇警增劇官軍將由句曲進援潤州因賦

入春失和煦蕭蕭多北風開門混天地酣鬪白玉龍心知暫盲晦已足憂三農憂已還復喜幻想彌有窮是時未解兵困

獸思決籠安得繼淮蔡一掃封狼蹤黃昏入私室寒壓燈不紅癡兒日肥碩睡鮑聒而翁兒心了無望而翁愁在胸呼兒

起煖酒萬事求朦朧
春初雪中義興客舍懷紫禾大令

宦游君亦倦家毀我何堪春雪官亭冷宵燈旅夢酣寒陵空

海內哀賦識江南幾度聽雞舞時艱好共擔

早春臥起聞逆旅鑼釜聲

六街聲破夢匆匆逝水年華離亂中瓦釜雷鳴非偶爾天心未欲復江東

聞龍潭捷誌喜

吳會涎羶蠟金陵仗臥罷寇窮惟走險將老不爭奇王氣留句曲天心憫子遺春來乏清興聞報一舒眉

奉詔有元戎天書聽易通頓兵寬宿將破格待府功鵝鸕三更雪旌旗四野風紛紛傳道語此捷係南東

能軍推向寵許國有張巡意氣無千古安危共二人楚歌垓下聽漢幟望中新會見櫓槍掃台星拱北辰

丁八

靜虛二

二十四

金陵叢書
蔣氏校印

客感

靜掩閉門春莫生蝸盧浮寄面山城行沽市酒客初到遠聽寺鐘燈半明鞭著人先非福兆詩存劫後易商聲自來巷遇

嗟遲暮究有何才輔治平
陽羨寄稼生瀨水

有鳥有鳥日隨陽樂羣不願乖其行羽毛樸素張文章惟期飲啄安吾常驚沙策策風浪浪獵火一瞥魂飛揚儔侶不得

相扶將折項摧翼屠肝腸哀哀匹偶東西翔啾啾孤雛血溢

睚戛然長鳴凌青蒼聯翩直下瀨水旁譙脩自顧殊傍徨雞

驚坐大皆風風餒死莫問稻與梁狄生江渚聊徜徉高鴻不

忍同類戕殷動拂拭增繳傷風清月白雲水鄉一鼓一斜舞

低昂一唱一和調宮商鄙薄鷓鴣鴛鴦呼而進此老鵝鷓
凡鳥因之掃秕糠忽爾半道還分張蒹葭遙隔天一方涼秋
九月露爲霜單栖獨宿愁心腸大書雲藍紙中央寄此爪跡
留行藏弋人之慕形俱忘

丙辰九日握扇誦止何客歲九日瀨水贈別句并余和章星

周感人再次元韻時方病起偕仲卿攜賓兒登養雲樓

回首瀨陽別孤舟信宿留身非去年健病爲異鄉愁斷句憑

郵寄餘生仗筆謀登高望烽火一歲一悲秋

攜榼臨危岫相思天一方樓臺高處望日月亂中忙風緊雁

聲咽林疏山色蒼蘇門念長嘯安得度輕航

喜掃葉上人歸地藏庵

丁八

靜虛二

二一十五

金陵叢書
蔣氏校印

本是閉門者歸雲湖上邨安禪驅病鬼憂國屬空門上人不行

必已十年見客梵唄晚鐘裏茶煙秋樹根還愁隔桑宿妙道與

誰論

秋暮將自義興至吳門

秋來庭樹葉聲乾王粲孤蹤病更單天厭民生兼疫癘風傳

兵耗小平安文章有價言都妄俯仰依人飽尙難我愧接輿

歌一曲可憐無計卸征鞍

赴吳門道中口占

年華如此尙飄萍恨別傷時久慣經塵海誤人前路黑烽煙

斷我故山青蒼茫秋氣連兵戍黯淡天容冷客星今日悔來

吳市走哀簫吹徧有誰聽

抵吳門晤止何話舊

又乘風便上孤舟少載琴書滿載愁埋劍難尋餘虎氣出山
多故誤龍頭囊空懷刺都無字歲款聽歌尙有樓誰料烏嘸
霜月冷夢扶殘醉過蘇州

和王彥卿

文字何足貴誰爲濟世才知心乍相見倦眼一爲開琴劍身
萍梗干戈命草萊那堪同斫地惆悵引深杯

寄呈張子畏師

龍山夫子今龍門海內人士爭趨奔生雖顛蒙恥諛頌公論
自古昭乾坤竊聞誕降挺異質岐嶷名相之子孫焜煌離牒
滿大邑祥開綽楔何氤氳丁年射策蔚家學詞淵溯派從崑

丁八

靜虛二

二一十六

金陵叢書
蔣氏校印

崑出入官府親政要國楨每荷天語溫乖崖分得持節相豫

章作郡成孤鶩江波浩浩接匡阜八九雲夢相吐吞東望彭

澤逸興發季鷹蓴菜思盤殮國人矜式几杖列育英吳楚風

教敦武城薪木遽傷毀狼奔豕突抵觸藩恬熙由來藥牙伏

隻手挽此狂瀾翻豈徒周咨定帷幄瘡痍盡撫遺碧存大儒

濟世去姑息日晶霜冽秋無痕儲胥贊畫籌筆碎關中蕭相

資軍屯通經致用山斗望膚學未許宮牆捫菲材昔作皖江

客登堂執贊朝師尊邇時習禮大樹下倥偬未許文細論景

行在抱釋不得步趨猶慕傳心源丹青偶爾命游藝先期賜

什成五言彭宣弟子老愈困久闕函丈心煩冤歲朝袖簡書

嚮往壽康藉祝開瓶盆

爲止何畫宜興山水簞子即題

坡公愛卜陽羨居蜀山遺址今尚餘後來又有雲林汪曾作
義興山水圖我才去坡已萬里畫筆如何及倪子張侯要我
步前人愧汗涔涔不能止去年四月寄紙扇隔歲償還懶無
比吁嗟乎吳門困旅對瓦燈草草報君君勿憎
吳門唔瘦山兄
六街攜手看桃符青草池塘興不孤亂後弟兄俱老態貧來
都會亦窮途斜陽古道入雙影泛宅浮家酒一壺爲問年時
話衷曲知音好似子由無

陪子畏師游惠山

勝地不殊昔因人成古今寓目本自同欣戚百其心春條始
微滋已在昏遠岑風生夕日澹紺園喬木陰下有古井水咽
之毛髮森豐碑炳天章宛具簫韶音焉知百年後倏爾菴稷
侵聖皇咏甘醴勞民滌愁襟祇此在山泉何必異淺深夫子
喟然嘆顏頰賦冠簪四顧默相感薄暮鳴歸禽
赴錫山尋子畏師及兩舟稼生諸同好

蘇門罷長嘯來訪惠山僧風雨茅菴鼓樓臺水市燈謫仙盃
酒稅泛宅聚詩朋一見一回老忘情我未能

惠山謠

朝披震澤雲青山一氣不可分暮飲惠泉水大笑乘風騎赤
鯉人生有志橫難羈祇合逃名洗雙耳霞城涌起空中樓觀
然坐我樓上頭春天萬木涼于秋下視七十二峯頂狂呼海

客談瀛洲直望長河亂帆渡波鏡光明淨煙霧人間頃刻即
斜陽今日先生醉何處白月還復來飛墮入酒杯八萬四千
界倒洗金銀臺忽然夢入山河影撲面松風吹酒醒龍鼓瑟
兮虎吹篋曼延百戲酣以嬉雲窗窈窕事恍惚神秋散髮回
妖姿金雞齊鳴玉兔走丹汞奔騰不能守下方霹靂兒嗚聲
女星愁對東南傾蟬桃睡熟喚不起冷灰灑灑揚昆明君不
見玉局老仙印鴻爪電火流光誰自保今者不樂逝者多青
絲白髮將奈何長瓢倒挂渡滄海回首吳閭匹練過
呈子畏師

大澤龍蛇漫雜陳亂中猶見性情真師生何敢稱知已經術
原難覓替人樹飽冰霜天有意風來壇坫物皆春汾河吳俊

森森列房杜終窮亦隱淪

賦子畏師鄧尉居廬

浮家移鄧尉養晦結鄰僧道直來尋愠時危恥共升荷風活
酒權桂月讀書燈樂事天倫在何爲最上乘
題聖芳錄爲高知事熊舉作

黑雲壓城礮聲絕壯士登陴眼流血金陵十萬良家子虎狼
長驅遮不得高君一死完令名不徑不寶追先型舉家入甕
大怪事也算中流自在行

新秋

涼沁虛堂鼠撲燈金錢浪卜總無靈年來屢忘雙星會獨向
牆陰看豆棚

北里謠

男歡不及牀女愛不及席散在聚之先怒由喜之極東鄰倚
門者誰人不儔匹強欲結同心恩多轉相失可憐定情時語
語甘如蜜

步子畏師贈句

大人文炳蔚變動虎豹問栖栖一何爲憫彼天步艱作霖起
膚寸出岫仍心閒高山夙所仰景行希錄顏

清明過秦園

草香春滿溪山翠入簾低客散月東出深林蒼鼠嘯清明強
憑眺鄉國更淒迷誰話南朝事含悲讀御題

本事

小謫來從玉案旁人間癡絕杜蘭香空因風露穿鍼夜自與

銀河訴短長

珍珠密字費沈吟私篋雲瑤寶及深莫道紫泉宮裏事十年
前已警芳心

碧海青天萬古愁銖衣能載幾多秋雙成別有吹笙約怪底
羣仙總不留

侍書端不借清娛盡買芳春入玉壺笑問鴛鴦文字鳥名心

綺語懺除無

龍山遇雨

天風吹雨過松關莽莽龍山接錫山今日偶來高處望太湖
七十二煙巖

丁八

靜虛二

二十七

金陵叢書
蔣氏校印

蓉湖買醉即席示同人

繡幡吹影靜無譁細步雲裾蹙雁沙南國一腔游女隊西方
大半美人家稍頭消息遲初月水面文章問落花我識謝公
排遣法中年哀樂付箏琶

話到烽煙感不禁怔忡小膽費沈吟憑誰法護炎岡玉何處
丹成布地金一望秋波酸柳眼三更春雨打蕉心避風臺上
聽嬌鳥願把花鈴繫滿林

畫舫垂楊岸草香屏風小疊接雲堂移情海若成連操妙目
天然自在裝便說家常猶俊物慣逃禪定向空王蒼顏太守
頹尊畔不比柔牽刺史腸

絳帳高懸畫燭明鄭玄端坐見生平儒林何處皆膠柱笑柄

丁八

靜虛二

二十七

金陵叢書
蔣氏校印

從來是絕纓與會白頭飛綺語淒涼紅粉愛詩名相逢且當
看山色結恨香巢總未營

寄慨

蒼茫天意我何之強要偷生見事遲平地波濤難作客山中
風雨獨尋師詩心漸向愁中滅家耗多應死後知消盡癡魂
揮盡淚停杯無語上燈時

贈李十少甫

落花時節客神傷匹馬馳驅驛路長晉代衣冠沒江左李家
旌旆仗河陽時君方隨令兄時請請纓自致奇勛早看劍休
愁故國荒好繼西平舊門第借傳吏部大文章
爲李少甫畫梅題句

亂蕊狂花雪裏香三年甲士鐵花涼十郎便走章臺馬一段
冰心總不忘

吹月篇 井序

春駕甫饒秋士忽逢凌晨款關清風來也於是雀舫停渚
化爲鄧林攜手欲狂接眼疑寐靜虛生方築糟邱爲自固
吾圍計日與面具仰籌議破愁壘事雲臺領袖聞聲來援
樂可知已惟時林落纖月草連遠天就中渴司馬思得合
歡釀治肺疾飛籀符召將集乎花城靜虛生稍徘徊幾貽
防風氏戚錦屏暗疊幽房曲通條爾光明朗炬眉列捧手
喋語各含苦酸元機從旁亦若默默諦聽之固萬籟寂也
須臾蔬核分設綠蠹旋瓊藏鉤既倦履烏難亂酒軍中無

一八 靜庵二

三十一

金陵叢書
蔣氏校印

以爲樂安得如公孫大娘舞劍器潭脫流離以解積醞耶
渴司馬翩然僊僊遽索香英覆杯堂坳動息苒管便覺圓
相示花城影脫彈摩頂風以扇之無有觸法亦自生滅吹
萬不同變應瞬疾因而慧禪史攘臂學步笑不可仰昔癡
故慧今慧轉癡白雨入船屢過未止二三子者隅坐感詫
內熱冰解嗒焉澁歸雞缸微明妙偈頓發題爲吹月篇云
爾

綠天華海春無影絮果東風催夢醒蓮船十笏散珠塵
紅絨香霧冷世界琉璃擁髮華水田衣染碧城霞清齋罷酌
鷓鴣酒卻掃遲呼鸚鵡茶界臉嘖痕光點點捧心睡態笑牙
牙款關有客隨芳燒麁眼疏籬三四疊啟匣偷開玉鏡纔守

門儘吠金鈴徹相將入座篆煙沈坐覺清風翻貝葉鳳蠟香
殘響粥魚譙樓畫角度徐徐聞中作劇無聊恨醉裏藏圖有
意輸雲鬢半偏酣拇戰星眸疾轉露胸酥春山司馬風流帥
名心老去童子在酒痕新舊尙留襟笑語從容仍緩帶忽地
停鵬倚鏡臺親調粉盞擣花胎撈團蕤英研珠翠熨貼胭脂
入酒杯借得芳蘭香一縷噓將葭管態千回初如蚌蕊丹脣
露漸似寒絲織流素須臾落手便圓成五色晶瑩照窗戶欲
墮還黏結蒂微瞥然脫兔空中飛輕紈權作氤氳使翻折腰
枝心力遠斜掠華燈拋繡領橫侵銀箔溼銖衣連翩迸落飛
瓊屑一抹輕煙候明滅易散從來是彩雲長圓未必如明月
此時我已醉瞢騰年來百感百不能紅顏命脫同燒雪紫電

丁八 靜庵二

三十二

金陵叢書
蔣氏校印

光寒化作冰廣場蹴踘當時事說與諸君應共記落洞飛茵
兩不知四大浮漚悟真諦積岳樓臺極幻因華嚴多少沒煙
塵虛空粉碎東方曉短氣英雄倍慘神
送兩舟移厲高橋

夢醒春老晚風尖片刻流連惜漏籤過客年光金谷酒心清
詩味水晶鹽明知小別離何恨窮到無雙兩不謙若是臨歧
話衷曲幾回開口口仍箝

午日梁溪署齋示寅兒

紅榴花發驛庭鮮水滿蓉湖好放船不覺池鄉又簫鼓那堪
故里尙烽煙楚多新鬼符難遣命續蒼生纜未牽萍梗行蹤
蒲柳質老夫何以度流年

登盤角黍動哀思弔古傷今熱淚滋千載上同吾友恨之癸丑

尋日羅者知交中五年前別汝娘時初余以癸丑渡滬還惜孤

軍入進國後練團賜葛多虧好夢遲愁極呼兒進尊酒此鄉

猶幸見雍熙

即事

日搖波影上窗櫺一權吳謳傍枕聽梅雨黃昏飛蝠蝠蒲塘

綠淨點蜻蜓懷人有作何須寄望歲頻占轉不靈生意滿前

憑記取且拋幽憤暫忘形

爲吳友笙明府淳鏞畫二泉亭步梅村二泉亭奉無錫吳邑

侯韻

梁溪名勝此山亭福地烽煙總未經符檄只爲將水調絃歌

丁八 解廬二

三十三

金陵叢書
蔣氏校印

難得帶泉聽寒潭照徹臣心赤濁世羞逢俗眼青萬事莫須

爭第一只今何處覓中冷

稼生再返瀨

握手未半載愴然襟又分有家差勝我任運轉憐君雀舫橫

斜月龍山聚散雲歸與問生計故里尚耕耘

將去錫山奉別子畏師

琳宮紺碧接蓬瀛繫纜青山撲面迎大樹慣將風力定浮雲

又礙月華明此間柱合中流砥何福船從逆水行夢入鴛湖

三十六笑聲多處覓先生

張融岸屋草荒荒臣已躬耕失故鄉半世丹心留草莽孤單

白髮照滄浪偶因塞馬疑團破誰識賓鴻去路長入幕青蠅

漫揮劍看伊耐過北風涼

登臨胸次豁然寬直把蓉湖作杏壇滿眼蜉蝣遷化速摩天

鴻鵠退飛難詞人肯向危欄倚狂士愁將落日看忽憶南徐

新戰壘寄奴門巷草漫漫

欣聞妙諦剖南華衣盜從人喜欲誇大澤一空容雜產高山

在仰即吾家自成邱壑胸中竹不染污泥鏡裏花記取晚涼

揮塵柄草玄亭畔立侯芭

初秋客舍卽事兼悼故人

寓廬臨古渡漁火夜涼侵月午城陰直山昏磬響沈故關飛

白羽宿草感青琴又得悲秋句天涯孰賞音

旅況

丁八 解廬二

三十四

金陵叢書
蔣氏校印

候館涼風起物情秋漸真空庭廚冷爨斜日牖栖塵逆旅量

貧客夢嗚喘比鄰絲絲煩惱在一割愧逡巡

借稼生蘭坨石生早秋遊惠山

新秋午餘暑濛舟尋寺門風迴見林罅日薄聞蟬喧浴罷井

亭立披煙汲清源詠歸任所適野塘蓮葉翻東田稻未熟黃

雀下高原招遊散襟抱感物轉忘言

獨往

獨往意何適鳥鳴山澗陰晚荷清道氣秋籜掃名心欲訪塵

外友因之調素琴相思邈無極徙倚青楓林

寓館小病喜稼生子楚晤言

青衫司馬冷廣文荒城破屋談夕曛入門爲問病消渴天涯

幸不傷離羣布衣性懶干時君道旁車馬徒紛紛飢鴛聲似
苦吟客裏飯意氣凌青雲青雲鄉指無何有忽然變化如蒼
狗期爾三更風雨時來聽挂壁蛟龍吼

惠山喜費幼亭司馬自燕薊來

空羣君冀北乞食我江南久隔年過五先衰豈墜三情真詩
任俗夢好醒何堪多恐重攜手相悲白髮稊

喜稼生再來梁溪出示遊草兼述桐廬富陽諸勝

飄然而行自君之出淚不收翩然而來見君之面笑不休青
天白日懸中流山川奇景入奇句造物極意窮雕搜手批吟
囊發光怪冰雪文章自攜帶巧匠偷從碧月中豪情陡落風
塵外爲述遊蹤心眼開扁舟直下嚴陵不忍徑去還徘徊

丁八

靜虛二

三三五

金陵遺書
蔣氏校印

釣臺高高矗千尋波平如鏡清人心畫屏空翠飛仙禽萬頃

一碧煙沈沈青霞洞天在雲際天湖亦名山爲青霞洞天琳宮落日

搖黃金江風爲君吟瑟瑟涼衣襟征帆箭激客不覺但見瞬

過青楓林倏然輕陰暗天末噴泉四溢峯如削七里灘頭舟

轉篷石燕斜穿翦波惡荒濱向晚猩猩號巖崩樹仆鷹無巢

此時足令遠遊子洗脫萬古輕鴻毛月波捲雪亭臺古亭在雪

衡州亦城外才得停棹沈塵土仙樂重聽耳暫明狂呼畫舫催

歌舞何必東山好故鄉興來絲竹聊徜徉聊徜徉頽夕陽更

看明月升東方美人能酌添紅妝羅衣似欲空中翔鳥嗛屢

被笑聲隔羣鷺曙色烘船窗暗換流年枯菴變何須說法因

身現歡場難再少人知及時行樂從吾願海內交豪賢落落

罕與言就中莫逆君最先深陽酒樓開瓊筵此後散散如雲

煙今年共酌龍山泉書游夜歸抵足眠中間一別再別去惟

我寂坐同枯禪我雖倦鳥呼不起君代吾游良足喜豺虎如

麻行路難區與象口坎流止桂之樹兮香氤氳何處故山招

白雲會當與君汗漫天台赤城昨牧羊放鹿騎麒麟

梁溪寓舍病中贈稼生

論交何暇說分金人海漫漫未易尋世外仙源沮溺耦天涯

秋兩弟兄心寶刀出土空懸壁病樹辭花誤拂琴四十年來

捐浪感懶從前路問知音

秋草六首

吹臺高處試登臨到耳清商變徵音敢說因風標勁節自甘

丁八

靜虛二

三二六

金陵遺書
蔣氏校印

讓地布黃金閉門客買回春賦傍簾天垂感舊心還憶年年

二三月踏青多少好光陰

芊芊彌望入煙霏曉角聲中淚滿衣滋蔓未成潛殺運燎原

難撲失先機雲低廢隴盤離起塞隕清霜匹馬歸何日當塗

掃荆棘綠沈槍臥穩苔磯

斜日蒼涼竹外樓更番痛哭過西州窗虛冷雨迷三徑人去

寒林弔一邱綠浦經年空賦別青衫何處可埋愁榮枯歲歲

尋常事誰料芳蘭也被收

孤根留取尙縱橫掠地金風刺骨聲慣向蛩吟尋寄託悔從

應瞬鬪分明紅添夕照無衰色綠到天街亦再生贏得往來

歌雪柳玉關西去不勝情

曳杖無聊步玉階
鮑家淒句歎香埋
卷菴偷覓無心活
禾黍空傷故國懷
月塞邊聲催獵騎
霜橋寒迹印僧鞋
年來減盡乾坤色
一爲臨風老眼揩

橫鋪落葉太零星
繞屋蕭蕭醉裏聽
懸磬室聞千里緒
入簾眼負幾人青
池塘舊夢還尋處
石火光流抵化螢
爲語東君漫多事
如雲春恨怕重經

自梁溪之吳淞留別鄧子楚時子楚亦將返行營
秋風落葉打彪纓
旌旆飛揚在此行
洗甲銀河逢織女
登壇鐵騎擁書城
陰平下策真堪嘆
高密奇功及早成
莫訝勛門定淮蔡
西平前已是天生

止何促赴吳淞浼客致語
孤館蟲夜號叩門
驚我起客云過吳郡
乃過我張子股勤託
寄言不及書片紙
知我困異地搗幼穉
難死無家病又作秋
悲俠骨裏憂我斃
道旁一再招不已
張子宦況薄兼顧
無是理感此並命交
思之淚難止石爛
不可轉是惟我與
爾坐嘆燈影青西
風拍河水

丁巳寶山初度止何大令爲置酒感成一律
歲月頻增淚欲彈
舉杯多半強爲歡
神龜笑爾徒千載
老驥隨人仰一餐
浪迹飄來浮海近
行吟倦後問天難
誰憐四十無聞者
曾有揚雄與謝安

題孫月坡虎口餘生集
我嘆孫賓石餘年
值亂中一身肝膽
在萬念水雲空
顧曲青

衫淚憂時白髮翁
津梁後來者底事
哭途窮贈月坡
傾蓋聯歡慰索居
深慚名下說無虛
何當比我似摩詰
能有幾人知太初
兵後兒孫千里夢
老來湖海一囊書
爲君愁卻江南賦
乞寫金經學懺除臘梅
待雪遲芳訊開門
如此清素心近空
谷野味讓和羹骨
鍊嚴霜勁花催凍日
晴猶餘三兩葉半
夜墮寒聲觀海
天風吹海拍孤城
又聽蕭蕭落葉聲
萬頃瀾光歸浩淼
一星帆影點空明
待看黃嶽雲初起
未改朱顏鏡本清
欲渡銀河少舟楫
安排破浪斬長鯨

丁巳 靜庵二 三二七 金陵叢書 蔣氏校印

丁巳 靜庵二 三二八 金陵叢書 蔣氏校印

海
日夜總流東蒼茫
望不窮人疑路欲
盡天與水皆空潮
駛一帆月舟乘萬
里風坐看回斗柄
天氣渾淪中長篇
示月坡翁

遇合非偶爾蹤迹
向年乖晨星已沒
盡孤月欣入懷嗟
余間道走室家遭
虎豺攜兒路旁坐
風蓬轉枯菱陰求
素心侶反眼成疑
猜故人領海縣徵
詩頻見催敦促到
官舍秋色孤城限
賓從寡素識一老
髯繞頸驚逢出意
表喜極語不諧我
試叩行藏欲說淚
已揩半生少稱願
亂餘尤可哀避兵
挈家去庖丁仍歸
來月黑渡都陽礮
聲轟浪雷兒孫遠
相失望望不

我嘆孫賓石餘年
值亂中一身肝膽
在萬念水雲空
顧曲青

得回窮巷生秋風，哭婦心更灰。垂老尙哺雛，未許起塵埃。十步九點頭，日暮鞭駑駘。君心尤可爲，自傷掩蒿萊。聞此念悽惻，笑口何時開。所幸禮繡佛，近已能心齋。徵行參大乘，咫尺蓮花臺。萬象本無往，諸天安在哉。

既爲月丈誦疏影，于斷腸集又讀近作擊節不已。談入闌奧，莫逆微笑相對語，竭欣然別去不圖翌日疾作遽歸事出意料大率類此。自夜月明丈即解纜，又不及送心有所感，聊復成句。

昨共我歡聚，朝來君病歸。暗悲名世幻，了悟笑嗚非。鼠動燈花落，鴉翻樹葉稀。多情讓明月，送客帶雲飛。
丁巳歲暮述懷

丁巳 靜虛二

三十九

金陵雜書 蔣氏校印

東風吹水柳條新，客子光陰馬足塵。四海惟依三尺劍，十年漸了一家人。無情歲月難從緩，借徑功名誤認真。排難魯連成往事，未應玉貌盡麒麟。

彈到青琴感不支，梵家陶宅憶年時。碑名墮淚應誰哭，詩入無聲祇自知。旅雁遙天凝望久，官梅小閣獨眠遲。可堪江左風流歇，容易靈光穩護詩。

南天戈戟簇如林，杆杵空空太息深。幾輩行藏關世運，兩途禍福試人心。綉才似我饑寒老，鬼國憐他醉夢沈。聞道戰雲低故壘，亂離骨肉那方尋。

盈街臘鼓歲將闌，黑漆前程跳兩丸。同阜不辭牛馬雜，藏名喜近海天寬。離騷從古傷心作，傀儡恐人冷眼觀。烈士暮年

增百感不須貽誤罵儒冠

吳淞春感

吹落梅花玉笛殘，收燈節過減清歡。風聲送雨晚潮急，海氣撲城春晝寒。頻說租庸寬北闕，免時再下未妨形影弔南冠。萬方多難英雄老，如此光陰作達難。

春興三首

羈愁厭柔翰，愁極忽成句。戰馬繫垂楊，應知春又去。栖栖更何爲，風煙莽回互。

早起鳥窺戶，訟稀縣庭空。主人養生機，蔓草常姑容。何堪令邊將，以此待羌戎。

昔爲南都彥，今依東海客。巢破引一雛，心傷頭易白。忽夢乘

丁巳 靜虛二

四十

金陵雜書 蔣氏校印

長風萬里路不隔

客春口占

權籬低挿草如茵，院落黃昏月又新。過雨羣蛙喧遠水，撲簾歸燕觸輕塵。促成筆墨無佳作，故做公卿更淺人。病起驚心隔牆柳，日來猶認綠初勻。

畫長風煖鶴主人自寢闈，移鶴出廳事。

量移清俸在睡夢，故園親近玩原凡。鳥忘機共主人月，明稿衣深院敞藤花。新鬱氣乘陽達，以茲窺使君。

海上春日憶狄三弟，昔年惠泉禊飲之勝。

客歲惠泉畔，春游殊未稀。簷花落酒，葦山月照人衣。已往無心記，此生何日歸。塢來避東海，誰訪釣魚磯。

春暮寶山官齋奉張二弟明府時海壖工竣

海上息鼙鼓不知春已闌調琴妝閣靜雜草訟庭寬稿脫閒

猶酌累多廉更難預儲舟楫用那復畏狂瀾

雨後即事

春寒罷風雨返照煙橫夕月出聞清鐘荒城四鄰寂心空幻

緣澹亂久窮途悉六載斷家書無從淚沾臆默默已向晨栖

禽動檐隙

塞下曲

蕭蕭雁門關矯矯并州兒朝朝控弦出夜夜帶禽歸千里黃

雲塞鷹隨馬足飛

題湯貞愍公畫石

卷一 靜虛二

四十一

金陵叢書 蔣氏校印

浩氣在天爲日星將軍不必工丹青星精墮地化爲石此事

將軍之絕筆將軍老將東甌湯世世忠孝能文章將軍名心

久枯槁中歲辭官退身早淋漓翰墨滿江南劫火狂燒疾如

掃獨存此幅何嶙峋將軍毋乃自寫真騎箕下視心酸辛當

時落墨有深意中流砥柱嗟無人願將此石奮擊賊石碎如

灰計亦得君不見貴陽山水孟津書可憐萬古無顏色

閉門戲效回文體

閉門閑坐久無語一酸辛細雨侵槐夏殘花泣露晨噴鴉城

鼓動來雁海波皺世濁嗟衰鳳栖栖徒率真

贈月坡

一日幾回見意如猶未申相遭以淡泊過去任酸辛劫後樹

19295

增趣夢中人認真金經還備閑莖草證吾身

題畫游山八具

安得凌雲徧九州不如還作醉鄉侯年來自笑顏唐甚只愛

逢人說臥遊

題扇

烽火家山已六年行廚櫻筍每潸然子山未有南歸日抵寫

傷心賦一篇

書竹卿孝廉扇時將返蘇州

一身飄泊干戈裏半世交遊文字中豈有知音嗔我懶與卿

實山居鄰一聽雞鳴海色空已罷百花頭上想詠春端爲趨師雄明君

出戶而屢承題扇子本來媚俗讓人工靜占豹變天心隱起閣

爲止不快力

卷一 靜虛二

四十二

金陵叢書 蔣氏校印

題扇寄莊小帆

莊生湖海客似我慣貪杯即此性情合相逢懷抱開老謀聊

混俗亂世正需才畫爲知音作年來有幾回

聞浙中衢嚴之警

我友過桐廬生歸來示篇章焉知隔一載縱橫滿豺狼爾時

勝遊區倏爲爭戰場驚沙入眼暗日暮天蒼黃江南未解兵

偶懈幾潰防克敵雖有人豈易腹背當向時聞鼓聲熱血屢

憤張聊可佐戎律毀家心已傷干城握虎符高深器難量恥

川布衣策自信王師強抱懷鬱不吐解經淚浪浪且宜閉戶

飲醉看秋草長

重赴吳門感懷

北風吹短髮重到閶闔城旅壁昏燈影歌樓雜雨聲無歸思
寄子漸老厭談兵莫作飄蓬感哀鴻處處鳴

酒醒起更柝寒空星轉稀漏長鄉夢續鐘動市聲微第宅爭
紈袴江湖冷布衣還憐荷戈者幾見雪霏霏

移寓偶作

吳郡競繁雜樂此塵囂避大湖橫當門孤艇時一繫屋瓦黃
葉積霜柯聳寒翠雨霽起閒情燭滅思往事歸年未可卜浩
嘆了無際復讀秋水篇逸焉任所寄

冬日旅懷

閶闔城畔寄閑身木榻蓬窗迴絕塵苔草暖蘇新雨霽梅花

丁八 靜虛二

四一三

金陵叢書
蘇氏校印

香孕隔年春敢除溫飽無他志豈獨功名有夙因前路何心
問消息成都賣卜久無人

吳門葑溪雨中聽鄰歌時甯郡失利

埋劍風塵氣漸消去來幽徑太無聊靈巖響屐三春夢寒雨
疏鐘半夜潮懶向軍咨謀借箸暫從市隱免吹簫誰因多難
傷心甚猶有笙歌逐暮朝

歲除感成

吹簫又值歲將更回首鄉關百感生身且贅疣况兒子顏能
重甲早公卿頓忘莫問全牛解窄路權輸小馬行此是無絃
琴一曲旁觀休認不平鳴

冬日得海秋京師寄言

明星落落向晨疏歷數苦岑感最初失路痛澆殘歲酒浮家
罕接故人書老來科第償辛苦覺後文章悟子虛知我平安
尙揮淚誤傳消息更何如

書梧生扇

鼙鼓山川動旌旗日月開棄儒原得算履險亦增才吳市春
燈鬧鄉關畫角哀吾宗本循吏珍重濟時才

稼生自浙歸溧陽過訪吳門談燕累日並訂暮春禳飲之約
風送歸帆萬里晴相逢客裏慰平生笙歌而地春眠穩暖翠
浮空夕照明慣遇途窮權忍淚漸無人問喜藏名酒樓三月
休孤負

送春二首

詩所開溧陽太白酒樓三月春也我亦乘舟將欲行

丁八 靜虛二

四十四

金陵叢書
蘇氏校印

金勒匆匆轉眼過東風識面悔蹉跎聽殘細雨鶯兒嘯照到
斜陽燕子窠良會漸隨愁病減商聲豈爲亂離多故園烽火
空凝望天上人間喚奈何

登山強起一扶筇掃徑埋香事事慵未必遊絲終不定本來
芳訊久無蹤變聲燕地驚時鳥幻夢誰家破曉鐘踏徧短長
亭昨路老懷何處畏秋冬

子畏師召游網師園看芍藥即席命賦

閨支豔劫付塵沙回首豐臺渺一涯碎我玉盤留闕月驕人
金帶開空花眼前小別樽前淚客裏殘春夢裏家吹偏東風
溱洧水幾翻眉皺赤城霞

客吳中陪竹樓世丈過滄浪亭相與憶廿載前偕柘香偉君

修禊半畝園時二君殉變六稔矣

異地尋春淚暗吞交遊話到更消魂九重泉下三生石二十
年前半畝園風定紙鸞依樹穩日斜山鳥背人喧長隄薄暮
重回首幾處垂楊依白門

淒絕成句

癸丑出園至己未春有鄰人來吳始知內子已於丁巳冬沒
同穴竟無分悼亡空費辭忍心先棄婦緩死爲搗兒愈決入
山志暗思分袂時一杯遙奠汝汝去究何期
二十年隨唱憐卿癡想多半生空復爾今日更如何莫慰傷
心鬼難驅合眼魔鐔來九州鐵此錯那能磨

題瘦山畫鮫扇

丁巳 靜虛二

四十五

金陵畫書
蔣氏校印

天涯幾見綠成圍金縷歌殘怨落暉便學莊生化胡蝶夢中
未必總雙飛
結陣愁雲黯不開南園回首實堪哀春魂可有重蘇日隨著
香塵冉冉來

感作

綺羅堆裏興偏孤流水當門繞綠蒲雨歇犬隨人待渡夢醒
鳥勸我提壺何爭殘骨還鄉土直送愁心到海隅懷抱不開
君莫笑乖崖曾悔客三吳

暮春積雪稼生又來吳門招同竹泉張蓋踏屐飲酒肆中別
窮巷愁孤別荒城著野雲夜深遙吠犬春暖漸飛蠹湖海隨
綠住妻孥未死分難忘歸骨想惆悵望南軍

春野曉望

殘照開門意惘然離愁難遣暮春天滿塘飛絮魚苗長空宅
狂花燕壘遷信口詩成消歲月賞音人去渺雲煙年來血淚
渾無用徧灑江南染杜鵑

再於吳門晤碩人有贈

子山才作傷心賦

前數日將家耗片石重來同調人亦同

薄暮驚逢疑面貌頻年聞說走風塵蘇君往來披緇都爲兒曹

緩幼與余皆以子避地難驅客邸貧莫以家亡共垂淚須知

望絕轉安身

題甘竹筴司馬憶書圖

丁巳 靜虛二

四十六

金陵畫書
蔣氏校印

閉門廢家事君不見人中龍馬上得天下噴噴誇爾翁胡爲
齷齪向章句華顛埋沒啣晤中況今戎馬猶倥偬四方飛檄
如旋風胸羅萬卷稱博士豈若身經百戰爭奇功先生笑云
殊不然醞醞得味惟簡編典墳邱索世所寶那忍擲手成棄
捐金陵瓦解萬家火盡付劫灰無不可幸脫深坑勉作儒難
拋結習猶存我偶寄閒情入畫圖回頭泥爪印模糊不知三
食神仙字蛻骨何年化蠹魚

首夏久雨初霽同人偕過滄浪亭歸作

昨雨翻盆沒脛骨開戶朝晴樹如沐噪檐乾鵲報客來喜聽
足音近空谷愁霖共說兼旬阻小別翻教兩情篤眼前誰肯
爭附羶數子心期淡于菊夕陽連袂過邨舍風裊微煙覺茶

熟縱論終慚入世疏舉典何嫌遭駁酷黃昏散歸私室暗暝
坐東堂未燒燭寥寥舊識編異鄉回顧黃墟痛心目浮瀛起
滅隨緣住烟火飛揚仰淮撲邇來紀遊信手棄劣句搓團爛
收束癡兒搦筆強欲留不忍譙詞任鈔出
喜趙竺蕪登第

姑蘇風雨任雞鳴吉語喧傳喜欲驚猶記分襟蕭寺月客歲十月
吳淞別子須知勸駕故人情行竺蕪意不果之同懷難得先秋捷
雙耀影依明

吳門客中梅雨

蝗徙槐陰潤蟬嘶山翠鮮驕陽鬱梅雨小屋卷茶煙鼓瑟聲

丁八 靜虛二

四十七

金陵叢書
蔣氏校印

鏗爾開樽心泊然紅榴紛滿眼錯喚武陵船

短至後即熱不可耐翌日稍涼稼生適至

連宵睡惡憑危坐半夏炎蒸遽早催今日清風正吹到果然

一笑故人來

喜晤何梅屋

爾我飢驅久同鄉會而難就衰途勑敵經亂結新歡文字天

猶忌梅屋與余廿年流離地未安江南渺何處愁望陣雲端

題贈澄江陳君式金易畫居

朝川園林畫中詩乾坤清氣兼得之二難千載未合并韻事

今見澄江涓嘸壇交易非標榜名士如魚付珊瑚連雲已靛

曹氏倉排袖爭迎米家舫一水一石窮雕鏤五日十日多淹

留若逢斗酒百篇客促近能事爲君愁於今世路真堪咤萬
般都爲黃金價叩門多半素心人牡丹休買闕氏畫
酬左清士司馬

抱琴不彈何必絃積資不用何必錢善刀而藏我豈敢恥以
筆墨干時賢匣中劍劍寒秋水和我孤吟吼聲起半世文章
付劫灰一身湖海空知己左夫子今太冲佛心仙骨今儒宗
湘南飛鳥來江東高懸金鏡照魑魅大張鐵網遮魚龍蕭條
羈旅喘王播下士公眞無不可方漸絕望識荆州怪煞荆州
先識我吁嗟乎狂客顛僧那足奇雄視百代仗有詩當時不
遇賀韓輩李白賈島將何爲
題景杏村又春參戎海上平虜圖册

丁八 靜虛二

四十八

金陵叢書
蔣氏校印

草賊隨煙滅花卿絕世無經過頻問俗拜倒一披圖薄海弭

較蜃中原贖免狐下句缺

初夏夜坐

葑溪新漲碧萍寄又經時吹月蛙清柝隨風螢入帷身孤宜

謹疾家破免傷離目送長空外浮雲任所之

詠懷

七十二戰敗帝者乃亭長誰能測風雲大笑一撫掌夜半雨

暫停綿陰絕晴想晶光扶睡眸驚視白日朗晨興麥天潤午

坐林陰爽是日逢端陽居停酒盈盎蒲艾徑升堂羣兒虎冠

嘆良辰異平世塊粥餘歡賞緊豈無室家胡爲墮羅網繫舟

藏已固負者應若響向陽遠眾情強笑默悽愴萬緣參六如

入山進吾往

夏夜竹泉梅屋南園見訪竹泉贈句即和

夜涼窗不掩心與鏡皆清
數子乘風至三更如畫明
露行遙犬吠溪笑暗魚驚
同是天涯客聯吟效郾城

再酬左司馬

天教晚附李膺舟焦尾焚餘轉自羞
前輩風流宜作郡新詩雪亮慰登樓
鴛鴦應遂鹽車老洩勃終慚藥籠收
屢拜瓊琚敢藏拙先生休笑木瓜投

雨過

雨過溪雲空際堆垂虹隔樹走輕雷
黃昏浴罷便沾飲明月一輪浮酒杯

丁八

靜虛二

四二九

金陵叢書
蘇氏校印

詩下

聽鄰歌有感

吳趨坊畔閉閒門絃管愁聽淚暗吞如此歌聲如此夜便非
離亂也銷魂

六月稼生復自浙返瀨過吳門言別

寓舍臨葑溪積雨水窺戶君弄錢唐潮流到葑溪住住亦難
久留未別心先愁恨不與君去溧陽尋酒樓君行歸舊鄉我
居非故國四海我無家百年君亦客奇峰生夏雲蒼白何紛
紛江南正烽火江北尙屯軍莫嗟去日長莫道來日短毋忘

丁八 靜虛三

金陵叢書
蔣氏校印

耦耕期青山碧天晚

吳郡雜詩 并序

僻處息羈嚮明燕坐鄰兒誦誦好鳥弄音人所悅也余尤
樂之獨遭時坎坷欣亦爲戚有足怪者旋自慰焉已未仍
旋於吳及九閱月傲居葑溪門臨窮巷日一乞漿返卽閑
戶二豎糾屬更絕往還隨意餐莫問枯苑夙因耽寂無
已太孤沈乎牖自西啟赤燂赫怒炎炎者倣見朗枕簟宵
分暫息猶墮湯火其間惡劇蒙塾望衡每自大昕以逮蒙
汜嘔啞嘲哲十數村牧兩部鼓吹羣唱迭和雜以里謠吳
歛梵唄踏搖歌因吭度腔以爲歡師莫之責且睨之笑
既夕散去余亦飯罷私室溽蒸又不可耐移時河濱惡木

森立月露泥濛荒荒榛蕪間鷓鴣拚飛突睛鼓吻搏膺長

鳴走散婦孺夜必蹲集有如信潮予以悄然悲肅然寢寢

不成寐候爾動念念過門謀大嚼不若飢死填溝壑詔脇

病夏畦不若飽烙迫噬臍聞人議富強不若沸羹鬪蝸蟻

此鵬鳥鳴瀟湘賈生誤疑其不祥也噫嘻乎凡余今茲起

居所見聞者豈止此而已耶果何欣何戚耶又奚足爲怪

耶久不爲詩詩以紀之

窮士慕獨善落落古與徒句吳自繁劇我作盤中居毀家萬
念絕隨在參真如豈無空羣馬噬彼逐隊魚揮手謝塵網冥
心游太初動機靜境苗一發如脫駒自顧金玉質忍使同朽
株秋風庭樹生雲陰起徐徐傾耳足音逸孤懷安可據內觀

靜虛三

金陵叢書
蔣氏校印

斂神魄躁擾還自驅才疏際末造俟命言非誣胡爲效鷓鳥

鼓翅觸四隅

蟄蟲陰坵藏當春正南榮人心處幽谷而不遂遷鶯苦遇趙

宣子面目殊寡情開軒畏心生赤日燒書城炎官入張繖雜

杏虹霓旌我非熱客徒屏息不敢迎安得吐水瓶使我肺腑

清還思謁權貴俯首趨檐楹細旂廣廈間反若被棘荆況今

政柄弛懦烈宜分明老陰久凝滯煦煥萬物成委心任元化

奚忍辭煎烹

昌黎憎蛙黷取鬪本無理東坡贊鄰兒書聲劇圓美異哉羣

楚咻乃與我朋比養蒙義雖淺要自聖經始雜以兔園册蒼

蠅濁園起驟專未相習足令病狂死鞭箠兼哀嘶羅刹見彈

指南方苦如駛句讀仍繆紕身若置五都閨閩塞雙耳聽根
一以新器寂無彼此潮音亦何貪我疑大雄氏卻勝聞朝常
曉曉肉食鄙

鳳皇不時出駭俗比於鴉共生大塊中孰與分祥妖我愛春
夏間禽音弄交交近日避亂走飛燕辭伯勞寄栖姑蘇臺已
厭寒鳥號追涼雜農圃呼唱羣相熙候焉反袂奔閉戶森髮
毛云有聲出樹入聽魂魄消或見目懸鬼或訝頭昂貓我詠
狸首篇與爾淡泊遺處士橫議發貽誤浮爾曹朱鳥啄無食
當作鵬逍遙

姑蘇記所見

巷絕車馬迹秋風吹白楊鄰家暮招魂升屋祝鬼王月出苦

丁八 靜虛三

三

金陵叢書
蔣氏校印

不高慘慘何昏黃一呼一燒紙燒畢奠酒漿自云魂歸來入

室送上牀昔病今日愈黜醫進巫尪給役水仙廟告身麗娃

鄉水仙廟祀張洞庭柳神以太湖有東西洞庭故麗娃鄉俗稱

職然之甚類類多民者以類類不音耳偉哉獨梁公淫祠多毀

傷吳中存四區功德民所望夏禹周泰伯札與員頡頏至今

訪遺址盡付榛蕪荒非鬼致胥蠻明禋廢烝嘗此固俗好怪

亦見滑否臧安得賢士登譏人禁高張忽聞鄰驚號昨夕魂

遠颺

感賦示同人

莽莽嚴城畫角哀亂愁如涌鬢華催辱身半為憂貧起絨日

都因識字來天上風雲多變幻堂前燕雀在疑猜男兒出處

君知否淮水桐江兩釣臺

客中七夕偶成

宋玉悲秋強自寬隨緣底事泣南冠更書離合人應老僅此
繁華眼倦看入世憂深羣小慍還家夢斷吳鄉安舉頭微向
嫦娥笑明月前身本耐寒
贈凌竹泉

噫噓嘻巨魚縱壑排蒼穹昔君與我初心同我乃亡命比蔡
邕君猶賃廡追梁鴻蜀道歸來君歷險青天直上開雙眼吳
城喧鬧君不聞冷霜荒牖燈睽睽屏息仍遭俗流忌雅謔無
關語言檢或疑吾輩工談天坐是不為天所憐搏沙方喜共
巷陌分襟散散如雲煙黃墟飲痛紅羊劫死不復生生尙別

丁八 靜虛三

四

金陵叢書
蔣氏校印

亂離只合隨緣住桂子滿山落香雪君不見秋風蕭蕭秋月

明知音揮手徒傷情長空萬里碧於洗涼夜愁聽孤鶴鳴

己未中秋前一日獨坐廬慮念竹泉將移郭外惻然感懷印

寄瀨陽稼生學博兼懷京師海秋中翰竺香太史時戚誼

勸余赴科目拉雜附及

亂餘逢老友依舊各西東此會年將半來朝秋又中魂銷梁

月夢齒冷桂花風夜夜愁無寐非關聽遠鴻

里謠

得全不如失半饑聚不如飽散東方未明各挑擔

晚歸寫懷

莫望烽煙息他鄉旅更貧問門依禿樹落日倦歸人秋盡漏

方水天寒酒漸親漫多霜雪感默待陽春

已未初度尚寓吳門汝嘉兄爲具盤餐瘦山兄亦自郭外來

余因增益酒核談譙竟夕感而成句時季秋晦也

今日我初度爽然天氣清餘生偏益算此會轉傷情秋草晨

風勁霜花曉照明弟兄歡笑處忘寄閩閩城

十月初九日吳門旅舍作

大野蘊雷雨不見真龍形世人說變幻焉能識其精虺蛇紛

紛來念爾何所營上騰喜乘霧化灰終自傾下墮深淵中蠅

蚋相交并安知四大間潛見有至靈豈無伏鱗鱗坐待腐寸

生霹靂飛白日滄海連青溟

答友人勸科目

丁八 詩三

五

金陵雜書 將氏校印

邀踏槐黃未肯來故人怪我寸心灰名場閱歷真知命亂世

文章不算才筆陣可能驅虎豹硯田長任長蒿萊洋洋雅頌

承平奏忍聽聲隨畫角哀

近況自書

窮巷雞棲睡起遲井泉人開午炊時流離久斷還鄉夢病懶

聊寬廢學兒南國劍埋幽徑雨西風門掩菊花籬樛材泯泯

原吾分但恨河清未有期

客吳經歲偶成口號

強提空花結幻緣萍蹤到處且流連殘花獨醉又今夕落葉

亂飛如去年化外微聞爭海市吳中猶幸隔烽煙何曾盡卸

紅塵累明月清風壓兩肩

暮秋旅懷

焚香閉戶默無營屋角寒蛩時一鳴夜雨青燈新鬼夢秋風

紅樹故鄉情兒曹賢否捫心問世路榮枯展眼明漂泊干戈

等閒事商音多半爲蒼生

陶作舟楫寓毘陵新登賢書長句代柬

陶生辛苦來賊中襁褓不完姿態雄奔逃鄉僻驚握手甲寅冬相

通於小仙鶴殘秋痛飲荒庵空竭來謀食未通問屢憶夕照僧

窗紅咄哉陶生飢不死長揖軍門辯蠶起寶刀十隊夜開樽

綵筆五花春結蕊今年刺促馳公車令我聞之歎有餘請纆

固是豪快舉何如北闕親上書莫辭雨雪登長途欲開眼界

須京都亂離賸我垂垂老僵臥吳門一病夫

丁八 詩三

六

金陵雜書 將氏校印

感懷

蛩鳴催短景旅況冷蕭晨一夜風兼雨秋聲暫道人投問宜

小病多難竟長貧目送青雲鳥蒼茫東海濱

客館

客館初冬夜景淒過門冷柝數聲低風吹鴻雁客自北月照

樹枝移向西愛靜遲眠難早起含愁默坐甚悲嘯黑甜鄉裏

黃梁飯半世心情付曉雞

冬日書懷

酒醒烹茶夜已闌蕭蕭木葉下簷端羣鴉驚月噪疑曙孤鶴

倚松眠耐寒肯信家山銷王氣懶隨屈宋博衙官秀才欲赴

臨安道除是花從陌上看

下元月夜

百年強半付巖阿明月當頭嘯也歌陽氣漸隨長至轉清光
翻覺下元多霜林染醉心猶赤風秋搖空鬢未蟠舉目河山
休對泣試看老子舞婆娑

客冬再哭內

頻年虎穴欲狂探羅刹罡風阻再三七載方知汝真死九泉
相見我何堪科名望斷夫君老兵髮魂歸道路諳猛憶結襦
剛市月雪窗親爲寫周南

即事

閉門終日閉繞郭冷雲鋪此地餘孤樹寓居數百年下有誰尋

老夫酒醒羣籟息漏盡一星孤頭白家何在烽煙逼歲徂

丁八

靜虛三

七

金陵叢書
蕭氏校印

至日夜寒微雪時同汝嘉兄厲蘇門經歲矣

吹葭刺繡儘堪憑世路茫茫測未能否極回旋思改火陽生
消息伏堅冰浮家薄祭難爲子晚歲他鄉淡似僧莫謂烏衣
舊門巷天涯冷聚雪燈

贈方景堂畫幅題句

故國春何在旅懷秋更寒青囊自提掣白髮未凋殘壽石雲
能出雲根露正溽披圖堪一笑卽此是還丹

客吳疾又作憶在東鄉病危曾爲同邑方景堂所愈方寓適

近左側復就治又效時十一月望前一日也

夜臺依舊白雲封垂死驚疑憶轉慵地下團圓猶撒我眼前
和緩苦留儂暫蘇肺病寒衾夢無限心情遠寺鐘生恐癡兒

太勞瘁遲遲催喚夢方濃

冬夜

悄閉鄰扉夜氣清枕邊不斷送溪聲夢回剛值遠鴻叫風定
忽然寒月明猛憶鄉關同隔世強從兵革息餘生起來無語
挑燈坐冷看中庭荇藻橫

歲抄臥病吳門感懷

西風吹斷石城笳多向吳門閱歲華病鶴梳翎誰是伴鷺鴻
接翅便爲家時久寓處偶談兵事千行淚冷驗天心數點花
坐起挑燈殘喘定亂烏樓樹靜烹茶

畫鍾馗爲子禾司馬供歲

乃公愛饗逢天中世人此祀無所宗百神報賽皆歲終茶壘

丁八

靜虛三

八

金陵叢書
蕭氏校印

門祭猶崇隆而況卓卓爲鬼雄仗劍曾逐我輩窮斯時斯祭
大有功登筵不令俎豆豐冥漠無乃神怨恫願將夏秋易春
冬薦以菖蒲花紫茸何如歲酒澆千鍾醉驅邪魅一掃空助
以爆竹雷霆轟履端首吉陰陽通永保佑命歌喬松我懷此
意誰與同惟張大夫印心胸千秋萬壽畫像供有唐進士先
生鍾

元旦後二日詹茶生見訪醫談而去晚坐感成

北風吹檣蟬窗黑主人歲朝懶迎客敬門舊雨坐談往力避
蘇臺官場熟階前阜莢樹百尋蒼皮黛色亦森森南山松柏
消磨盡不及凡材根柢深

聞石樸李師若珠戎幕死事詩以弔之

與子四年別何期成古今猶記歲云暮荒村同布衾懷才赴
戎機奇計能攻心自茲久闊絕微聞遷上林天寒草木枯慘
慘白日沈生死兩軍蹙殺氣橫江潯吳門遇亡卒知爾許國
深許國爲爾喜所哭無知晉

庚申正月十九日稼生冒雪見訪吳門憶去歲首正於是日
見過留飲寓齋索詩而去

去年今日此相過不覺他鄉又一春冒雪笑君忙底事擊舟
訪戴豈無人行沽酒呼兒去索寫新詩剪燭頻分手雞鳴
夜將半茫茫天地正煙塵

稼生自浙來言史芝谷奉官次

狄生來言史君死使我淚湧西湖水烽煙四海無所投快哉

丁八

卷三

九

金陵遺書
荆氏校印

吾輩應如此梁溪夜雨秋風時曾憶別君成小詩分手依依
不覺慘傳言整整猶多疑與君納交何太遲他年再過誰能
知少年豪客老窮宦七字爲君作墓碑

歲初口占

賀歲人稀睡覺遲地爐燒芋慰調飢亂鳥棲定寒風起薄醉

挑燈自改詩

聞齊生弟以邑宰需次汴梁喜作

鄂渚分襟廿載更見戊戌于楚北始相喜聽投筆請長纓汝兄

千卷帆如故吾弟一鳴聞者驚日下音傳吳下客自汴房見姑丈

順沙始知河陽花榜洛陽城懸知此後嵩山畔應有姜家大被

橫

早春感懷

異地孤蹤委巷居窺檐鳥雀下階除遺懷好句偶然得多病
故人猶未疏分歲酒留遲睡飲宜春帖向早晴書茂陵病懶
君休笑未有心情賦子虛

人日借徐碩人碩張子禾潘小步

此會亦難得炸煙猶四方翻因亂離後知己聚他鄉茶社聊
散步梅花空斷腸無爲期後約世路尙茫茫

逝水

逝水流光箭脫弦吳門寒盡又新年歲身未定餘三窟知己
無多半九泉芋火爐邊閑宰相桃花菴畔舊神仙近來更歎
神仙俗寫幅丹青也要錢

丁八

卷三

金陵遺書
荆氏校印

夜坐

明燈耿一星餘影搖四壁春窮動城鼓夜靜聞鄰笛還家夢
已斷作客愁如織須富貴何時適意萬事畢

春遊暮歸

懶廢惟耽寂門無車馬塵寒更深巷犬落日小橋人樽散兼
遲暮萍飄又早春晨星看漸杳誰伴苦吟身

感懷

舊巢破後覺身輕一切隨緣歲已更淺句不爭唐宋格寡交
懶結弟兄盟半千對策談兵陣五十知非鍊世情聞道爛柯

山畔路白頭樵子說功名

宣州風鶴再驚梧生念倚閩之股迅返蘇厲詩以嘉之即爲

書扇

匹馬騰身至雙親笑口開此來見純孝餘事是多才阮籍狂
猶昔王郎歌莫哀今看振門戶早兆棟梁材

自海鹽山澗浦渡海遇賴慧生其勳參軍借避山陰即贈二
首

窮途遇真賞緣附李膺舟落日海天晚照人肝膽秋從來開
廣廈大半砥中流短句聊抒慕難登百尺樓

幾度天中節蒲觴異地斟海溪新逐吳澤畔共行吟有命絲
終續無邪劍漫尋南薰如可奏強起一開襟

海舶中贈慧生

五月南風吹海舶中有詩人天作合驚濤駭浪走奔雷談笑

一八 靜虛三

十一

金陵遺書
蔣氏校印

聲從九天落橫颺捲向蓬萊山且隨煙霧離塵寰掉頭巢父

那肯住釣鯊共把珊瑚竿中流擊楫丈夫志冰雪文章等閒

事琳琅金薤紛滿前疑是鮫宮積珠貝東南礙眼多荆榛驟

看大棟盤輪困獨立千古誰與友忽然一鳴驚倒人感君掃

榻驅俗塵怪君問道從愚盲得逢知己兩稱快四海無家何

足云

渡海至棟樹下易舟入河

東風吹夜潮驚濤浴殘月茫茫積氣間眾命託一葉倒臥願

敏舫轟雷灌耳穴要知衽席安危機此無別感歎不成寐起

坐待明發滄溟日漸升估客沙際歇微煙動茅舍遙映山明

滅余生植顛沛萬苦不可說安得挾飛仙尋蹤御風列

19334

19333

抵山陰

此是山陰道非關訪戴行乘危軀命賤減累客囊輕痛哭陳
時政窮途仗友生夕陽紅不盡煙水趁王城

越剡古名勝何堪亂裏尋恐誰濟時手慰我看山心老去逢
迎拙悲來慷慨深莫須呵壁問矯首罷孤吟

暫寓山陰 庚申作

避難攜兒類轉蓬琴書零落道途中身憐多病天然瘦客到
無家自在窮海國夢搖秋月冷梵鐘聲逐曉雲空近來習俗
移人甚詩入山陰似放翁

登會稽郡樓

遠渡滄溟淚暗吞干戈險裏幸身存人爭海市帆檣簇天接

一八 靜虛三

十二

金陵遺書
蔣氏校印

山城日月昏戰壘空悲無定骨鄉關猶有未招魂暮年烈士

誰知己不是同仇不與論

再贈慧生

陳書痛哭有誰聞落日孤城壓壞雲甘讓焦頭爲上客枉操

蠻語作參軍流亡欲拯行囊澀盤錯重經利器分便道雕蟲

真小技玉堂多少不如君

山陰感懷

剡中遺事怕重聽霸業雄圖逝水萍八百諸侯新玉帛六千

君子小朝廷風生海嶠迴瀾紫山接雲門繞郭青莫怪吾家

交筆賤試看衰草掩蘭亭

越中感作

海東秋病懶登臨，愁臥還聽隔院砧。衣食隨緣比行脚，江山無恙總酸心。論文工部樽前酒，感遇中郎囊下琴。欲判興亡向誰說，閉門風雨默推尋。

秋日子禾亦來山陰，值余病起

一番書寄一番疑，把晤纔堪慰積思。未見凡兩寄天遣勞人都

草草君歸故里，轉遲遲山陰傷心同作浮家客，脫口旋成滌

淚。詩信是前緣，信香火干戈相逼未相離。

蘇臺烽火隔音塵，乍合重逢緒未伸。海鹽一見旋復病久祇

期身後誅疾余八月六月未過夢回忽見意中人，天涯旅宦貧何礙

海外文章老更神，話畢空堂成獨坐。秋燈顧影一沾巾。

贈高蘭谷於越中時，蘭谷將赴虎林軍中，卽用杜詩贈高生

丁八

詩集三

三三

金陵遺書
謝氏校印

十五詩記韻

天馬出危懸，脫骨飛龍津。翹瞻九霄雲，蹴踏萬里塵。滄桑昔

未更委巷，相與親獨處。暮冷欺二篋，招窮賓灑翰。無已時忍

拒求索，頻卹酒飲半。酣往往簫管陳，狂歌不中律。笑語驚比

鄰，金陵既瓦解，乃悟此樂真。隔絕不相見，彈指經歲春。微聞

贊戎機，青雲方致身。賤子不識官，相見拖長紳。婁東一快晤

萍合知前因，倏爾聲鼓喧。歡會未及旬，同行復相識。再過越

海濱，秉燭若夢寐。舌結悚我神，是時我病瘳。含意難畢申，何

期束裝促重會，遠征人所喜。自茲去卽見，龜龜馴

贈秋谷卿

故里從軍馬上逢，商賧高館憶前蹤。轅門月落笳聲壯，戎幕

霜寒酒氣濃。七載思君歌伐木，一椽慰我定飄蓬。君代爲只

愜王播渾如舊，到處猶聽飯後鐘。

客山陰，借竺香太史穀卿子禾兩司馬散步

白雁呼霜天色淒，知心避地手重攜。寺門草樹秋風老城堞

牛羊晚照低，別久相看增白髮。亂多猶恐失黃齋，後賢待覓

游仙蹟，好向山陰問爪泥。

苦雨兼旬排悶成句

小院凝陰長綠蕪，平原十日醉模糊。秋高好月天偏吝，晝寂

居人悲欲無。溼徧糞薪勞，析桂愁將盤粒比。跳珠誰憐此際

哀鴻苦水墨濃，渣鄭俠圖

屏山薄掩戶重，局瓦屋鳴秋響未停。舉世不知何處日，賺人

幸勉夜來星料非，鼓向昆陽震長恨。鈴從蜀道聽，痛煞啾啾

新故鬼封侯，癡夢一齊醒

偕谷卿遊後山遇雨

俯視桑麻繞越城，遙卹呼飯晚煙生。只愁高處天風緊，吹落

哀鴻腸斷聲

列岫空濛望不真，寺門避雨話逡巡。冬來山意應貪睡，應接

曾無暇及人

鋪山形比越山，逾憶昔曾陪。盡日游底事不聞君話及，料應

窺見我眉頭

磴道沾濡鼓勇登，聯肩一笑竟同升。振衣千仞尋常事，此豈

人間最上乘

丁八

詩集三

十四

金陵遺書
謝氏校印

生日自歎

呼牛呼馬任時人還憶還珠證夙因芥子現身堪說法菊花
從古不逢春養心自覺源頭活閉戶無勞展齒頰惟念交遊
在天末臨風幾度淚沾巾

述懷

遊繳驚禽劇可哀東甌又見羽書催病增金易牀頭盡夢短
詩多枕上來遙隔雲山江令宅高瞻烽火越王臺近時問我
何消遣看劍燈前酒一杯

雨中小飲

薄暮羈愁借酒舒百錢蠟屐自行沾歸人叩戶雨中雜落葉
打窗燈影孤觀變且宜藏利器隨緣那用哭窮途陰求海上

丁八

靜庵三

十五

金陵叢書
蔣氏校印

同心侶誰是磻溪老釣徒

雨

百里山影失四垂雲氣濃懸傾經夜雨砌咽戀秋蛩鄰杵聞
喧夜征人盼禦冬遙憐荷戈者柳雪往來蹤

前對酒歌

示張子不帆上舍趙兩司馬

欲曙不曙冬夜長一鳴俱鳴雞翼張高堂燭盡拂衣起拔劍

出門天有霜噫吁嘻我當少年何揚揚上排闥闖凌八荒生

平落拓少稱意攬鏡突見須眉蒼頻年辛苦賊中走世事紛

紛翻覆手近從海上釣熬來臥看寒空滿星斗滄海嘯傲何

其豪把盞萬虛輕鴻毛天涯萍聚快心賞唾壺擊碎歌聲高

座中蒙叟饒吻縱覆鹿得魚隨所用餅師何幸識邠卿魚鱉

應須宴張仲秋胡的是魯男子香撲玉缸堅不動我醉方欲
眠起視落月圓倒載接羅官道邊東南帶甲久未解西北浮
雲真可憐嗟哉人壽安得三萬又六千相逢戚戚不行樂再
見杳杳知何年君莫惜囊中錢

後對酒歌

十日飲期太促千日醉眠太熟天風吹送剡溪旁大好江山
下酒物君不見英姿颯爽開越州當時去國妻孥愁韜光忍
辱乃雪恥居然賤虜宜王侯始知豪傑安吼噪少年憤事將
誰尤又不見匡時挾策種與蠶不過區區吾輩耳男兒得志
際風雲失路埋頭溝壑死我自挂帆趨浙東浮沈人海傷孤
蹤清秋喜過二三子相看逸氣撐鴻濛憂多時覺填膺胸聊

丁八

靜庵三

十六

金陵叢書
蔣氏校印

以自解揮千鍾昏黃入肆浩歌發酒星耿耿懸當空願從仙

袂飄搖舉元圃丹崖命儔侶石破天驚處不安金魚玉帶歸

何許酌斗奉君君莫辭朗吟春殿鷓鴣詩嶽山更上最高頂

一樣蕭蕭黃葉飛

越中巡周素生刺史回憶院中相見二十年矣即贈

醇醪意外接清歡愧我登樓故態酸骨立豈因摧折改羽儀

猶道奮飛難賊中辛苦逢人說劫後詩歌掩淚看破浪乘風

等閒事使君休問路漫漫

歲暮見麻書有感

卷眉丹篆印司天亂裏流光過眼遷薄海頰春猶著令他鄉
苟活不知年可能新穀逢時熟畢竟寒梅得氣先夜半高樓

向空祝妖星休傍歲星懸

晦節焚蠟再志感

四十年華初度逢柴門猶記冷雲封屢屢歌罷腸將斷況復
今番唱懷儂

雞鳴幸脫虎狼秦爲我臨歧拂甌塵貧病他鄉捐薄祭同心
人作負心人

化身精衛吞長恨銜石應飛海上來知我搗難尙無恙陸佩
捲浪一時回

爾子成童及我長年來苟活誤流光封緘冥蠟呼他寫可識
孤兒字兩行

辛酉落燈前夕止何東道雨具相迎招飲寓所借穀卿司馬

丁八

靜虛三

十七

金陵叢書
蔣氏校印

有作

夜斗移東柄春人淒北風開門萬瓦白歸路一燈紅亂久悲

棲雀離多惜印鴻飄零足詩興迂絕浣花翁

謁截山祠時新正

不盡高山仰白雲空際飛荒橋迷古道喬木冷春暉墜緒南

疆續流風北海微後先同閨厄草莽淚沾衣

和止何感懷原韻

酒醒寒更風乍生唾壺擊缺睡難成瘡痍誰起溝中瘠草莽

空談紙上兵待賈玉因求賈賤出山泉讓在山清燈前詩句

牀頭劍齊作蛟龍吼不平

智慧何堪屢失時衙門奪我舊柄運百年劫運生偏晚一樣

流民視忍歧唯恐傷人羞作匠從來忌疾諱言醫燒殘原上

離離草猶望春風肯再吹

腥風拍手大江奔到處驚心虎豹屯酸酒釀成才子淚殘花
消盡美人魂不堪中澤鴻無侶翻作他鄉稻有孫縱說丁仙

重化鶴歸來華表那能存

子山北去馬蕭蕭贈策伊誰繼繞朝黼黻文章輕末路鄉關
夢想攪中宵回頭我早應焚硯洗耳人真欲挂瓢一任聰明

冰雪淨消融都付浪花飄

萍蹤暫泊卽爲家渺渺餘生泛泛槎塞上功名猶失馬杯中
幻影不關蛇彈來古調琴三疊老去孤舟水一涯似我前身

莫須問便非明月也梅花

丁八

靜虛三

十八

金陵叢書
蔣氏校印

市地干戈撲面塵瑤花開後不成春病多最苦無家客世亂

羞尋得意人蹈海清標傳玉貌團沙妙果證金身志和高唱

煙波裏富爾漁歌放釣綸

再疊前韻

大地恬嬉襍擊生屢驚一簣墮垂成源流直欲窮星宿零雨

偏非洗甲兵痛飲中山天亦醉抗懷北海聖之消巢傾且喜

除拘縛免使勞勞學向平

爲防激語易傷時捫舌常教出口遲道長小人天默相數奇

飛將語增歧乾坤旋斡憑枚卜草野呻吟盼國醫蔽日浮雲

愁不了登樓玉笛莫須吹

雕題黑齒已追奔色變旌旗戍已屯獵狃狂搜天下怒溇沱

寒泣水邊魂披圖瑞早呈王母張錦衣難織帝孫六七作傳
非偶爾謳歌猶幸至今存

睢陽鬢髮未蕭蕭保障江淮壯本朝血湧龍泉將進酒聲栖
烏幕可憐宵脂膏赤縣珠千斛杆柏紅爐雪一瓢畢竟孫山
圓大覺早從仙袂白雲飄

喬木蒼茫失故家真成八月泛星槎後時終作飛鳴鳥苦鬪
何爭內外蛇潘令閑居增雅什杜陵爛醉當生涯風聲鶴唳
匆匆過不道椒盤又獻花

青衫一任裹緇塵歷盡冰霜竟遇春三市栖枝天上月十年
燈火客中人書空不耐煩伸指說法應須就現身引枕從今
堪自決斷無癡病到絲綸

丁八

靜虛三

十九

金陵遺書
蔣氏校印

過止何飲大月作歌

君不見見明月來從東海邊一洗萬古之雲煙清光偶與我相
值便欲乘興登青天又不見凝陰昨夜暗如漆颯颯虛堂鬼
神泣悲歡誰道變須臾百歲光陰如過客山陰張侯磊落人
王家筆札存其真珊瑚交柯映玉樹咳唾落地生珠塵綠章
早向通明陳以額叩關者噴相將攜手入蓬島眼見桃熟
三千春春風颺空眾山笑梨花如蓋青鸞叫縹緲仙官下赤
城回頭飛墜滄江權勸君莫踟躕不飲何其愚碧雲滿地似
流水醉倒玉山相與扶

紀行十首

遊居山陰城忽忽已經歲閒尋太史公禹穴訪碑記登臨雖

云樂惜我孤影寄流連擲駒隙自問無所冀西郵飛羽書聲
鼓聲動地湯溪蘭溪失金華再奔潰冒雨趨而東浩浩渺邊
際即今活草間要亦非上計

姚江小亭古舍舟坐其中沈陰滴山翠草樹煙濛濛肩輿過
壩上俯視百丈洪崩湍未歸壑亂流渡兒翁要我易大編河
梁低不容坐歎衣履溼雨急頻移篷安得起阮籍共泣前途
窮

望望見人煙連檣紛繞郭是時天已晴四明好山色民居雜
島夷珍奇滿番舶碧眼仰視雲有若藐中國同舟市邀飲暫
遣計亦得解維赴舟山蛟門半帆側重洋尙迢遞程不及二
百舟子夜相戒握手禁聲欵我獨發狂歌蛟龍應膽懾

一八

靜虛三

金陵遺書
蔣氏校印

平明到海縣山市腥漁蝦居停勞我苦厨灶烹新茶勸我宜
小休莫歎天一涯偕行半里友連榻鄉音譁百錢出沽飲開
甕流丹霞口不習海物世故伴矜誇選方俗尙樸叔季亦漸
華父老爲我言近時愁室家去年夷酋來徵求及絲麻乘醉
入門園拂意刀刃加久久始挂帆官乃安坐衙我聞亦長歎
稽首禮落伽

三年共憂患送兄之海瀛願我爲飢驅不得伴阿兄淒淒攜
一雛又復作遠征阿嫂飽我飯阿兄送我行出城海日上隔
霧潮雞鳴鄉人亦偕往踏舷臥縱橫半日抵鄞縣分手各有
營飄然附賈舟呖舌詢姓名尺地令蟻伏毋許估客爭索價
駭羣聽勢欲勒鼎銘滿載踰百口臂腹相支撐猶來際空際

瞠目心未平是時已炎燥流汗沾衣襟鬱蒸戾氣積羸者病
已生我當返內觀神遊天宇清

飛檣越蛟門萬里平若鏡蒼然漸不辨入暮風忽定星辰半
空指魚龍四邊靜狂鷗東北來翻瀾寒日浸微軀比蠅螟敢
與一粟競去年激浦行壯游頗自警觀海難爲水斯言益堅
信

前夕望四明今夜吳淞口一覺千里夢飛仙破空走島夷駕
樓閣風燈颭星斗但聞啾唧音不解示以手平明到滬濱急
雨帶潮吼少霽始登陸羣闕摩肩肘可憐都會失此作宰官
藪時復詢路人倉皇覓我友入門登小樓一出一居守須臾
亦外至驚詫得未有三人別兩月不料旋聚首開樽話蹤跡

丁八

靜虛三

金陵叢書
蔣氏校印

驅愁快于帚更聞狄子來如贈我瓊玖燈火更已深駒聲起
鄰叟倦眸漸欲合辛苦市月久解屣笑登牀寬然脫枷扭
張侯濟時具飛檣傳檣臺招我江北行所悲形影乖狄子還
附舟益足暢我懷六月不覺暑如有清風來大川動微漪中
流心眼開縱談及世事南望興百哀關河設天險經畧非無
才胡爲令陸沈空村餘虎豺推篷且澆酒空際奇峰排臨風
一惆悵謝公安在哉

抵岸紅日西沙頭攬船住回憶海上來有若墮雲霧整裝再
登陸遺忘眾相顧驅車上高原馳逐疾如鶩微風人影涼宛
轉阡陌度過橋入村落炊煙莽回互狼山鬱蒼翠控制此門
戶桑榆收未晚安可昧時務到州易大編重向雉皋路

雉皋小縣古近爲流人趨聲音雜四方闔閭齊五都停機暫
相問風土亦不殊往往遇親故流淚立路隅長卿但苦渴心
傾酒家胡詰朝別河梁期會十日徂我先適吳陵燭燄已毒
痛解馭就館舍汗下沾衣襦主人我舊雨露坐臨庭除對面
疑夢寐談往增長吁口說不可詳爲君筆于書安居每鬱鬱
行役今何如

浙西又陷攜子赴舟山再由四明渡海到江北客泰州知驥
弟亦寓此感賦即書其扇

年來我亦歎龍鍾有子身邊當倚笻一事高於浣花叟天涯
諸弟又相逢

贈王石生大令

丁八

靜虛三

二二二

金陵叢書
蔣氏校印

金蓬琳瑯豁倦眸吾宗風雅建安流衰時莫論文章價故國
空餘禾黍秋一往情深多薄命萬難言喻是真愁後來離合
尋常事傾蓋休忘過秦州

揭天如火尙縱橫萍聚無端喜又驚觀變君宜遲作宰偷安
我幸早藏名仙源雞犬音塵杳人海波瀾頃刻生哀樂中年
總拋卻不須攜手問君平

書陳耘芬書冊

風雅道衰久雍門誰鼓琴抗懷千載上尙友思昔岑胡爲羈
旅間忽聞正始音所嗟北風涼慄焉寫愁襟日暮何所往聊
爲樂父吟

焉知百年後何人讀我書與子生並世此道奇敢居不獨忘

老醜兼之貢狂愚今子去通州行矣莫踟躕狼山東海邊可
以望故都

寓泰州朗仙朱大忽至書贈

亂離久久隔音塵握手驚看各愴神怪底十年仍故我依然
一語不猶人賊中辛苦妻孥在意外遭逢哭笑真此後應須
更相會如余老態已橫陳

泰州晤作舟即送計偕

喜君前歲攀丹桂曾在蘇州賦小詩欲寄無由經兩載重逢
乞和謹三思長途渺渺誰爲伴後會遙遙又幾時戲說他年
陶學士烹茶待我老相知
金眉生都轉招作東坡生日

丁八

附錄三

二十三

金陵遺書
附氏校印

俎豆眉山溯降精非材深荷列同盟謫仙未墜茫茫緒鉤黨
偏垂矯矯名文字因緣非好事陪危忠憤本同情宮臨磨竭
休惆悵儘付千秋月且平

冬柳

草枯吹鬢太荒涼瀾岸煙橫帶夕陽昔往何曾知雨雪先寒
轉不畏冰霜天留生意舒殘臘客渡空江覓冷香重過隋堤
增百感村翁曝背放牛羊

樓中望裏鬱嵯峨忽地書堂浩劫過少作春旂南國賦離愁
羌笛北風歌折腰幸免童頭早彈指翻添老淚多從古光陰
等飛絮誰言此樹獨婆娑

無題

腰圍減盡枉成癡舟引蓬山路轉疑紅豆齊拋南國淚黑鳥
易墮北風枝袖垂脩竹渾難倚珮解芳蘭究未遲一夜焉支
狼藉甚需開應悔罵風姨

守禮仍完碧玉身樓東香冷見精神辭枝蝶夢偏留影絕代
蛾眉且讓人冰繭餘絲抽乙乙金籠巧舌詈申申昭陽恩斷
尋常事畢竟才華孰後塵

壓線年年苦倍增春纖皴坼怨何曾菴菴未死心先拔蕙苳
無多口尙騰肯信金銀消夜氣不堪風雨落春燈誰知十丈
幡齊翦穩係花鈴竟不能

琴話微通向酒爐不因拒約惱羅敷臨風早忌頻舒錦補屋
空勞悔賣珠白日臥多花事了紫臺去杳月輪孤可憐已醒

丁八

附錄三

二十四

金陵遺書
附氏校印

遊仙夢還問胡麻飯熟無

題于漢卿刺史宴坐

魯叟恥效沮溺耕吾輩但欲勞其生胡爲入世乖志願便思
掩耳逃姓名君不見于漢卿行空天馬何睜睜攢眉斂額鄙
儒俗高掌遠躡推豪英笑吳儂罵楚僮少小出語長老驚十
五十六學吟咏雄姿強執牛耳盟秀才第一那甘讓凡流俯
視如蠅螢披靡文戰尙餘勇直登秦岱窺滄溟吳閭匹練樓
身過流光下燭垂星精燿燿照乘珠見之搖目睛氣騰霄漢
射天擘大江南北明月明世間有好如是之寶豈藏積跳丸
自合無留停惡波忽爾當前橫冰砂雪霰相交并排空撲羶
穢徧塗環榛荆睚眦兩出啾噉鷗臬鳴但聽龍罡風輪轉

獵獵飛吼聲失勢一落千丈傾是何狡獪大敵勇宴范乃自
驅心兵收視返聽屏凡慮因定生慧忘吾情須臾洵洵萬魔
忽奔潰擾擾六合終澄清我為強起作霖雨磨礪利器尤精
整功成拂衣覓黃石端居何處問鷲爭更當面壁了參悟得
大自在心太平

居停長雲衢同轉康索書扇贈句

同是丹成未得仙君與余歷名場皆九次喜君再開一重天簪纓畢竟

綿先澤燈火何堪憶少年謬辱品題非薦託能容疏傲亦因

緣酸辛半世身飄泊徐榻誰知此日懸

喜紫筠弟自海門來吳陵

七年隔江海九死寄親知弟居沈姊夫佩之家余相見惟無

丁八 靜虛三

二一五

金陵叢書
蔣氏校印

恙貌衰吟更悲潘花懷古汴時齊生弟謝草長春池幸續芳

園會天倫敘酒厄

張容園孫德來敘久別歡慰殊甚不數日忽聞其死哭以詩

吳陵逢老友白首感離羣纒訴天涯苦旋脩地下文高情資

薄殮黃理其喪古藻拾遺文莫向春風語嗚鶯已夕暝

別姚西農三年一日視余館中知其亦寄江北即贈

與子別妻東頻年信未通羈栖猶混俗轉徙易成翁結習新

詩在無家飲恨同茫茫竟何適長歎一聲中

題沈旭庭梧聽松圖

昔我寄暢園中來石泉茅屋生荒苔松風謾謾猶在耳肯信

劫火燒殘灰沈郎欲歸歸未得長作諸侯老賓客暇時作圖

寄鄉思尙覺驚濤悚魄我亦冷抱太古心冷冷久不聞雅

音龍山何日更高坐唱予和女同張琴

送張石渠逢源官皖江

皖公山色眼重開幾許名花好自裁十載流亡離水火一官

辛苦關蒿萊石頭又見降旛出前時曾已抵金陵省江上猶餘

豔角哀從此相思在天末遙瞻列宿映三台

別石渠後感作

客居離咫尺歡敘若平生值此病中別難為去後情江山消

戰伐父老樂歸耕命駕知何日花疆聽政聲

題戴子安元履司馬雪廬待訪圖

空山積冰雪香冷梅花林邈矣嚙懷抱登然開足音去年與

丁八 靜虛三

二一六

金陵叢書
蔣氏校印

君遇猶記在山陰惟我問芳訊上同千古心

紫筠弟留泰州數月赴京口戎幕贈句志別

蘇州爾先到我住謹三月丙辰冬晤弟于蘇丁泰州我先來

爾亦三月別六月以春旋赴京口久隔暫相聚計句不及十款

說弟與兄無異陌路客丈夫志四方恥作兒女色不惜骨肉

離樹立助與業今茲何所營乃至謀口食古有南山薇亦有

北山蕨

題棠湖感舊圖并序

珍娘者愛長卿貧卻季倫聘甘為情死風塵俠也遇所歡

殊早相約待年卒不如志太璞自完有足多者彩雲易散

亦何憾焉而當局瞻瞻不已繪圖寄意兼示願末感而詠

之

春風十里隋堤綠芳艸和煙悲紫玉阿誰拋彈打流鶯聽我
新翻快儂曲自昔瑩塘綺麗鄉瓊花開後恨茫茫銅山金穴
消磨盡枉憶天涯杜牧狂北平公子嘶金勒小隊弓刀鞭緩
策遊冶非同白面郎情豪本是黃衫客兒家門巷偶經過楊
柳河橋三四折阿閣深沈鎖鳳巢豈惹含胎人未識無端靈
石證精魂從此句欄厭常格簸錢堂上正紅牙幸不曾邀俗
眼誇老木豈宜生柳穉泥端合護蘭芽現身天女繽紛繞
莫認優曇傾刻花朝朝暮暮歡無盡薰香寂坐簾櫳靜書癡
卻似寶兒愁鍼神妙與靈芸近願曲周郎夙擅場紅妝子弟
鵝鷓並樓府樓臺宛轉過蕊宮環珮依稀聽嚙臂無勞約誓

一八

解廬三

二二七

金陵叢書
蔣氏校印

盟百歲良緣意中訂忽地橫江走夕烽鞞刀帽首去匆匆黑
山賊過連營潰白羽書來萬竄空隔水相看誰駕鶴自憐小
膽太怔忡芳林笑謝金鈴繫喜有高臺許避風粉黛脂合從
容載妖氛休傍煙花寨烏繞羣嗟樹影疏魚飛不問潮聲大
鼓聲漸遠定驚魂夜夜雙星向空拜清娛攜處總安恬便不
桃源也洞天甘作鴛鴦共栖宿莫須蝴蝶挾飛仙雲英絡秀
心雖許眼前不是衾稠侶范蠡原無致富書長卿何礙當壚
伍暫羈郎路去三千須識妾年剛十五錢樹婆娑作意搖已
拚名馬換嬌嬈量珠苦恨論升斗饒壑紅爐雪儘燒不分開
籠放嬰武居然奪子有鴟梟急雨飄風摧嫩柳眉愁滿鏡驅
無帶生逼飛鸞赴鳩媒何來惡鴟同獅吼菴菴已拔纏綿心

惹我難消謠諑口妒煞封姨可奈何媽紅姘紫任團桂西地
傾銅東地應南山有鳥北山羅欲捐蕙質思投鼠巧賺蘭亭
抵換鴉牽裳判袂無多屬車走雷聲喧碌碌肯信蕭郎果路
人誓尋妖廟盟生佛白日荒寒淡不流雜樹西風新鬼哭鴛
鴦夜叫燐火青含笑芙蓉花下宿可憐九死贖蛾眉贏得千
金收馬骨淺草斜陽又一秋數聲杜宇觸新愁桃花人面歸
何許認得依稀舊小樓雅謔記曾歌打鴨長離應更羨牽牛
誰門入夜傳金柝芳家經年想玉鈞漫恨冤禽銜海石居然
貞木出培塿傷心製曲聲聲慢燈前月下卿卿喚淒涼樂府
紅紅寂寂冥春遊冷黃胖東陽圖畫妙入神寫到香埋共腸
斷說法應須一身為支豔劫已成塵為君朗誦摩登呪我

一八

解廬三

二二八

金陵叢書
蔣氏校印

亦情傷大覺人

楊越樵出遠祖二檀公留園遺跡石刻詩卷索題

海溪二老結初音卷中公曾與謝分宜探花爾者為愛煙霞共解簪

天地長留此詩卷鼎鐘有幾在山林傳燈一代雕龍手李出子

門下公壽石千秋翼燕心我向鏡湖曾放權客來江北令人

回首白雲深

客秋小病口占

淮甸風高暫息兵烽煙故里尚縱橫老來客館惟宜睡病起

秋聲漸覺生散帙挑燈飢鼠動叩門催畫小童迎亂餘自歎

心如水人海猶難學世情
雲衢同轉以憂歸余傑然將浪遊鶴汀尼之樂數晨夕慨贈

風雪天涯顧影單
打包行脚路漫漫
文章有價生偏晚
貧老無家死亦難
爛醉狂思摘星斗
高眠夢懶到邯鄲
窮途幸遇

高樓

高樓客重到泥爪
尙留痕常醉乃獨醒
居高方自尊
檐欲殘雪墮天遠
禽翻又近黃昏後
閉眼欲斷魂

紫筠弟自京口來
值余移城中
廡樓風雨聯牀
既霽復去即

寄

詩佚

失題

主人愛石兼愛花花之隱逸
尤矜夸高士亦爲悅
已媚突出

一八 靜虛三

二二九

金陵叢書 蔣氏校印

異品爭凡葩
紫茸雙颯入淺紺
冰壺四映餘流霞
西施薄醉
潰腮暈玉牀
笑倚簪裾斜
妙相更與主人合
現身而發優曇
花綺衣丹頂
時兩鶴較量翼
喙殊無差
當軒索我爲寫照
凝神屏息除喧譁
存真未許意增減
有如白戰拈尖叉
圖成乃值我初度
延齡敢望樗散
加小詩且當瑞菊頌
但索潤筆遑問他主人
雖止米五斗
要知薄酒還能除

題于十二希姚資之十二硯圖

古之妙墨有十二硯
數乃與龍賓同
今之于君第十二硯
譜乃與雁足通
君能一時試一石
直繼運甓陶桓公
玩物喪志
聖所戒惟此嗜好爲正宗
鬱林傳世著清德
而況兼策文壇
功探靈韞既愛不釋防竊寶
玉盜大弓形模肆兀氣
渾勁居

然五岳圖真容
中流屹然立砥柱
大臣冠劍何雍雍
旁搜其一若小史
童頭上銳而下豐
浮邱洪崖抱左右
四六爲足天

機融何來老史濡
大筆一洗惡札之
凡庸凌煙圖畫豈不貴

可奈弱質隨秋蓬
十二欄干館何在

填胸人間幻變了
無著浮雲疑出巫山峰
但期君與石同壽

此句此圖垂無窮
世若將此當瓦釜
我詩甘棄如黃鍾

偶成

矯首結遐想
霜晨梅送香
心傷伏櫪驥
眼冷補牢羊
愛友獨

懶出得詩偏善忘
試看千古者
身在總倉皇

行窩

行窩日暮掩重扉
薄醉燈昏過客稀
茶鼎聲連寒犬吠
梅窗

十八 靜虛三

二二一

金陵叢書 蔣氏校印

影掠斷鴻歸
政陳苦口招時忌
轉借餘生悟
昨非南望但期消息好
風聞我將盡如飛

爲黃琴川涇祥太守畫艾陵草堂圖并題

黃童本無雙
一吸西江空豫章
旬日動德星
馳向東東將入

海隨蛟龍甘霖飽
挾鱗鬣中需時未肯遽
勃勃臥廬有似南

陽公君不見濤聲一片廣陵白
廿四之橋二分月
煙水頻移

書畫船雲霞穩
護神仙宅
牽蘿空谷秋風寒
茅屋不破安如

山斯人豈可久
潛伏渴望廣廈千萬間
艾陵艸堂今有無桑

麻左右旁臨湖思之不置
爲作圖三宿樹下必躊躇
噫吁嘻

宰官但得俱佛性
我亦蒼生拜手慶

題吳鶴僊飼鶴圖

曾爲君畫扇寫鶴向圖中七載人重晤一飛天欲沖浮名愧
王宰循績聽吳公謂我前言謬如何毛羽豐

題靜英夫人手刺牽牛圖

園中刺繡隴上耕耕夫耒耜聞人鍼聚來都是九州鐵百練
純鋼愁萬疊愁萬疊不可擇馳馬健兒空爾爲煙村隱約叱
聲起待覓桃林隔春水知君欲訪幽風圖賣刀買犢望眼枯
安得持此獻天子足令婦人羞丈夫

黃君子湘于君漢卿宗君湘文合作同舟風雨圖索題

颿風自北來急雨從東馳一權破空走蒼茫何所之舵公無
言穩挾舵張蓋遮頭且蹲坐篙師獨與狂淵爭任溼青衫不
摧挫荒干有客愁心顏舉手似欲招之還要知衽席有不測

丁八

靜虛三

三十一

金陵遺書
蔣氏校印

奇險豈在波濤間謝公屐齒何曾折泥滑休言行不得放眼

憑他浪拍天回頭指爾雲堆墨三子相各殊由來同一趨彼

岸早已參真如瀟湘河漢相稱呼可見心不忘江湖奔騰宦

海那足道所仗忠信通豚魚若論人情翻覆手不及豚魚十

八九乘槎猶可犯斗牛豈懼蒲牢半空吼君不見天船星墮

聲隆隆到地精光雙白虹扁舟一見陶朱公蛟龍行雨願已

終釣舟再見元真子囊笠斜風隨所止鐵索連環鞭斷流可

憐浪逐萍飄耳不然如我無營求眼看大地同虛舟濟川作

楫會有待只合昂頭向天外升沈上下忽復驚十二萬載鴻

毛輕霓裳高唱渡弱水眾仙畢竟歸蓬瀛

同治癸亥在京江四月爲子禾弟寫博古橫幅脫墨而病臥

19374

19373

聞金鼓音小瘞署欵附短句以自壯

博古擅場陳大賓豈知更有鞠道人道人我師授我訣心力
竭盡通天神本來王宰山水癖造化在手創奇格區區小品
安足多奇氣幸未全消磨時人道我富武庫有似二十八宿
心胸羅君不見橫流江海中原閩何處間窗作清供更欲爲
君畫寶刀寒光破壁蛟龍動

題江樓待雁圖

以下補敘

江蒼蒼天茫茫將軍心與江天長雄雞亂唱猛虎嘯封侯舊
夢歸何鄉夢醒獨向江頭立江亦可憐流不息四邊水氣明
雙眸萬派秋聲生兩腋一聲南雁從空來欲來不來增徘徊
將軍有家住長淮長淮疊浪喧如雷風吹狂懷去枕畔憑虛

丁八

靜虛三

三十一

金陵遺書
蔣氏校印

列子安在哉況當劫灰撲一一傷遠目意氣那得舒仰天歌

刺促不如提一壺醉與李白爲酒徒騰身舞劍誇采石酒醒

顛顛拋明珠坐令墨雨灑江水是水是酒真無殊將軍待雁

如待客肯使長空目送無只有樓中李白能酣呼竭來作圖

閉門玩又向江東索詞翰方題我忽心魂悲六七年前一王

粲荆州自

偶成

昏黃天際黯雲陰坐覺涼隨細葛侵急雨溜穿檐網破疏簾
紋映井苔深一燈相對愁身世萬籟無聲見道心暫遣今宵
惟有酒呼童渾欲不停斟
歲暮海秋自揚州來金陵

君住揚州十二春白門一返一傷神江山落日寒征鳥風雪
殘年覓故人曠代知心皆類聚經時會面轉情親相看欲泣
還成笑同是文章不療貧

瓦官廢寺

敗紙敲窗斷碣橫霜柯半折鳥頻爭敲牆壞佛笑欲起蹋葉
行人聲自驚嵐翠四圍環閣暗粥香一縷近廚清疏鐘莫漫
催歸去要待南溪冷月生

題枕

休將大覺此中看笑煞仙人枉借端似我不醒還不夢睡
簪自平安

村望

丁八 靜虛三

三十三

金陵叢書
蔣氏校印

荒原寂寂少行蹤古屋人家一樹松試問歸心寄何處秋風

黃葉晚來鐘

寓齋即事

恨隨芳艸沒天涯一片離愁夢裏家細雨嗚鳩春欲晚客窗
無語對孤花

過西城古庵

幾曲禪房夕照斜籠煙裊裊靜無譁忘機不識春歸去一鳥
忽來銜落花

題朱晴溪張琴和古松圖

驪龍貪睡不上天沈酣夜倒溪潭邊鼾聲隆隆滿大千撞鐘
伐鼓喚不醒忽有奇音異響驚龍眠龍怒一吼山崩驚尋音

覓響至何處乃是七尺冰絲弦冰弦鏗訇大聲作丁甲諸天

散雷電龍駭龍懼不敢突然離奇夭矯眠眼前變化成古松

無言百丈撐青空晴溪先生古達者一生愛坐長松下先生

愛松兼愛琴愛松古幹琴古音倚松憶得古人句撫琴聊寫

今人心一再彈清塵襟巫山之高湖水深況聽松風四合蕭

森颯率來空林更爲變傲鷲幽禽成連海上如可尋況入松

濤萬頃奔騰澎湃生雲陰琴聲掩抑松聲壯秋氣悲涼春氣

盎敵場猛士淒鴻仙亂落鏗鏘不可狀君不見人生有材足

棟梁如今歸臥鍾山荒又不見朱弦疏越國大寶卻向山歌

村笛老君休西下峨眉峰此道今人棄如草

秋夕苦雨初霽遇葉騎尉書樓出佩刀以示有作

丁八 靜虛三

三十四

金陵叢書
蔣氏校印

黑雲壓天天不高積陰晦昧樓鳳號樽空魯酒轉愁絕披衣

爲訪吳門豪種菜將軍閉門久山樓薄暮籠雙手登樓玉槩

忽相繼詩卷圖書紛左右荒園葵蘂團煙看五畝之宅環稻

梁呼奴刈以供釀酒最宜明月來傾觴下視叢篁定栖鳥遠

炊煙樹行人悄鬆節還歌猛虎詞似此朱顏當難老干將突

兀牀前橫幾年飲血騰龍精寒芒直射瓦燈碧四山啾啾狐

鬼鳴青海君能夜獨行仰天馬上笑諸生恩仇於我亦何有

袖拂長鯨游太清

送鞠館之袁浦

結轡出東門駿馬去如煙四月大麥黃艸木皆際天時無秋
氣酸何以心悲煎有喙焉可食南來朱鳥翩長歌過行雲爲

我風迴旋時昔住邯鄲佳人方妙年不得奉朝陽言歸空谷
眠翠袖既已薄何堪舞丹筵日暮途尚遠含意難畢宣
英英屋角雲蔽此中庭月清光若爲君要君悟盈缺良夕共
燈燭明發形骸隔相將看髮毛轉眼適異國平日酒熱腸今
日沃冰雪君庭有老樹醜怪不可說眾鳥託危巢哺雛意安
悅因知擇地栖所以免摧折
依依尙未別便問何期還我下白門淚君看袁浦山浩浩天
地寬憂來損朱顏二口抱利器文墨轉足刪拂鬱走河梁荆
棘道路難况復見戎馬安得天梯攀愚駭少窮俄智慧無舒
閒舉手默不語獨鶴翔雲間
朱偉君自揚州歸卽索宿余齋

丁八

靜虛三

三十五

金陵遺書
蔣氏校印

不多幾日石城別忽忽草堂重笑迎冷露西風秋八月亂瑩
東壁夜三更商量舊句親燈火消遣窮途仗友生襍被蕭然
顏色好知君客氣漸能平

兵解

達觀久不異彭殤我豈重生喜欲狂亂定稻梁平價值眠遲
親故數流亡檣連海舶波猶沸帳列秋城草漸荒自愧身非
投筆吏勉存餘息在江鄉

送蕭唐卿人官讀書雞籠山

名山秀拔江之東雞鳴時亦稱雞籠我友唐卿遠塵俗徜徉
自適於其中唐卿不如雷次宗講求六藝敦儒風但工瀟灑
作詩句鄙夷舉世無雙噫唐卿短幹氣獨雄坎珂更不如虛

全一間破屋且無有後人突過前人窮移書洗硯自收拾近
窗白畫松陰濃牀大於几縛四足臥防傾側如蟄龍鵲頭蕭
蕭又多竹颯率疑有神鬼通天明未明萬籟絕披榛長嘯登
危峰乾坤清景恣吐噏滌汚蕩穢開心胸湖光十里莽霧合
依稀螺髻堆重重當軒暮雨亦佳致新晴草樹尤葱蘢坐定
明月光出嶺車輪湧起如日紅蛤呀怪石聊徙倚孤酌濁酒
澆喉嚨亂飛黃葉鳥雀靜微聞一杵鳴霜鐘君毋謂此境聞
寂抗懷古昔心沖沖風騷六代久湮沒昭明文章真鉅公唐
卿寄寓此山破豈與世間羈旅同安得故土衍宗派肯許俗
物來追從我爲唐卿作詩句相看逸氣排鴻濛
再望海秋不至

丁八

靜虛三

三十六

金陵遺書
蔣氏校印

相思當歲暮風雪大江深再望子不至無聊我獨吟驛梅傷
遠道鄰竹對寒陰握手亦何樂其時千古心
得偉君書知海秋自京師歸揚州大病感作
偉君報書來使我增離憂上言憶雨嵐下言悲海秋海秋屢
被黜車馬不自由長安貧孝廉踽踽歸揚州病作奄在牀暝
眩藥可瘳醫言榮衛虛未宜施勃搜拮据覓參苓物貴匪易
求老母甘旨缺一典做裝少婦棄簪餌事急容不修覆然
海秋愈精氣足兩眸雖云筋骨強無乃筐篋搜此後問生計
壁立風颯颯英豪遭坎珂造化非謬悠信道心愈堅慎勿甘
沈浮吾輩畏窮餓久爲攢刺謀

和海秋

排山倒海聲喧逐行舟陸地休疑猜若非河伯敞門急鯉魚
一尺無由來我輩作詩如瀉水造物忌才今瀕死君何不自
惜軀命愁越江關飛片紙前慰我困後自嗟傷心幾度長安
花丈夫籌略期遠到升沈瑣瑣原泥沙君今亡羊走歧路我
窘牖下尤可慮棘喉榛舌困兒童笠屐孤尋渡旁渡國恥安
能洗陸游帶甲十萬皆王侯眼前爾我總書懦勳業自應風
馬牛寄詩不敢多著筆恐君愁絕於揚州

懷海秋

君不見濤聲一片廣陵白簾幙高風捲明月紅華翠靡爭管
弦中有許子全其天少年生長在江左識字讀書無不可洋
洋落筆千萬言觀者迷離駭茶火金門射策誰共齊文壇一

丁八 靜虛三

三十七

金陵叢書
蔣氏校印

發乃得之錚錚孝廉二十四通侯白哲何足奇長安往來親
任俠胸有千秋確不拔連蜷白雲舞爲君氣鬱結忽然悶絕
爲放歌玉笙振響驚音和戰場風雨雜土塊將軍鐵甲揮金
戈此時酒酣熱雙耳腰下摩挲三尺水彼蓋嘗客抱缺以彈
而竹林賢糟邱以安不如許子作詩飲酒得真趣睽隔使我
攢心顏自從子移邗之江兩人長想愁欲狂何由雙飛傳羽
翼天空海闊相翱翔

詠懷

人心自欣戚非與境相謀萬乘極尊榮飢溺天下憂因知養
器識匹夫毋自羞貴賤出門營道異理則作奄奄地上艸踐
踏無時休託根苦卑下恨不移高邱高邱更風霜豈遂忘春

秋

孤鴻從北來那不念鄉國盤旋落沙際竟日不得食山川莽
蒼行徒歎朋輩失我謂此孤鴻於意必悽惻青天無纖雲尙
喜避遊弋

去年涉江漢於意何快哉離家惜遠去近鄉愁歸來蓬瀛頻
歲侵四屋交崩摧反念舟中人陸地成悲哀滄桑猶變遷吾
其先徘徊

醉莫辭飲酒酒醉心肺清惘惘競浮名百喚不可醒我友二
三子皆以酒爲名春風來故園夜雪滿寒廳于時共箕踞豪
貴其螟蛉昔聞有糟邱說非誕不經毋言穢墟穢往往通仙
靈

丁八 靜虛三

三十八

金陵叢書
蔣氏校印

荒庭雜樹多蓬蒿穴以居命僕穢醜類一僕才有餘從容展
敝帚苔蘚搜縈紆焚燎捲衣袖泉毒如枯魚主人喜僕能不
覺眉宇舒一僕懷媿嫉對面爲妻直生靈千百羣戕殺慘須
臾彼毋乃不仁我尤善驅除徘徊如近樹螫手反走呼人生
貴自量掠美非良圖

羣書縱觀覽學博氣爲岸耿耿經世心忍作圖史玩屈身伍
侏儒高懷抗雲漢側帽入市衢拍手兒童慣翩翩誰家子走
馬衣燦爛流俗萬稱揚高賢一長歎

山人衣白衣高風動天子渾身俱仙骨乃復爲刺史觀其應
徵召頗似豔金紫遠憶侍青宮負此足相抵羊裘大澤中富
貴遺敝屣撫心免羈縈託迹異詭詭先生又不作葑菲盡蒙

恥

蟲鳥物木微飲啄還自覓不聞延頸脰餓死當路側如何類
忘人不自食其力皇王御區夏所言在耕藉爰及業工商泉
刀廣以積讀書收效難要足經邦國壯志勿消磨長材豈淹
抑

蓋世有奇氣無若西楚王垓下歌鳴鳴轉鬪仍自傷顧已頻
時失條忽摧肝腸謙尊稟經籍我謂柔克剛樂天悔尤寡閱
世心計長旨哉莊生言魚得筌亦忘

寒月屋角明萬籟寂無有閉戶對古人明燈耿虛牖簡編覽
未已怵怵自爲醜曠代毓英奇芳型未應朽我亦稱丈夫才
難擬升斗掩卷長太息神馳袖雙手庭樹疑雨來風聲猛于

丁八

靜虛三

三十九

金陵叢書
蔣氏校印

吼

鬼谷王先生窺天擅奇術隱居徵召疏甘心侶樵牧妙道授
儀秦器小憂滿足縱橫壇坫中崑崙相國六師資不善用終
至罹殺戮功名掉闔取卽此是邪欲況乃積陰謀坐使生靈
毒造化坦無私因人示禍福

我怪南山翁強預人家室辭漢卻歸來朱顏恐非昔英雄識
大體賤庶而貴嬌漢高畏呂雉亦愛寵姬戚無以慰寵姬故
是蒐隱逸豫謀有留侯太子成羽翼留侯爲帝用四皓爲侯
得嗟哉曠代賢孤標一朝失高廣備犧牲令我長歎息

高樹冷烏噓霜重出門早蒼茫過山寺候爾日杲杲破寺攜
客來當窗遠峰好澗草寒逾綠亂落梅英小寂不聞塵喧因

茲適懷抱山僧獻村酒盤薦梨與棗炊煙起廚爨粗糲亦云
飽何必謀稻粱悽悽就遠道

絕交論亦激善交良獨難三人成一龍割席猶失歡才能貴
節取自顧名豈完律身矩雍嚴接物天地寬於茲盛氣負隙
未增浩歎相逢兩標榜背面爲譏彈我惡此習俗守約得自
安

客從遠方來向我悲風塵瀕死車馬間十年無際貧夜闌燭
見跋聞此爲酸辛我亦繼先編一髮懸千鈞天末遠謀食昔
時湘水濱母老妻子幼別離秋復春于役丈夫事君其少逸
巡

丁八

靜虛三

四一

金陵叢書
蔣氏校印

坎珂士所傷雲龍懸高會仰見俊又升心胸捐芥子大賈不
知書驕兒舐犢愛金帛鬻科名咄咄令人怪俗儒陋且迂感
此貧不耐安知遇合間隱具天命在縱界爾多財猶難料成
敗辛勤夜發篋自身期述邁寄言躁競人居易時可待

石上琴七弦一彈心一清彈畢鳳凰曲四山寒月明天風吹
高空亂擊鳥雀驚我欲御風去遠和雲中笙徘徊到天曙神
爽體爲輕仙人難攀躋鄙余猶世情

性喜召不類坐飲雜喧呼薦紳避席起訝余貽垢污豈知古
俊杰命意乃迴殊藐藐猴而冠自張卿大夫人趨我獨避天
眞愛樵漁柳下忘袒褻聖德萬古模工部稱人豪酒覓鄰翁
沾交遊判貴賤俗子何其愚

河流凍不漸暮覺北風烈僵雀墜林間雙拳足如鐵一心盼

春陽耐此冷冰雪河泥以爲食流血滿喉舌有鳥騁飛揚撤
振羽毛捷呼羣啄蔬果獨往登城堞燼繳叢薄施猝遇壯夫
獵槍急助喧呼啾啾應聲絕請君視此鳥巧尙不如拙
猗猗當路蘭採折良足憂移植空谷中樵牧時亦求觀其自
貽戚乃在香遠浮西園多美竹森立何修修流雲念有志幹
直骨轉適種之大道旁過客相舉頭愛憎兩無得勁節完千
秋吾徒具所操俯仰殊悠悠

國武子見誅舉世尙委曲坐令事紛更走避恐不速雖云禍
患弭儻非社稷福明哲保其身斯言豈流毒

神駿不可當匹類異凡馬風沙千里揚颯然自空下霜暖遂
飛電長嘯聚羣啞材大不適用零落冀北野伯樂還復來君

非久淹者

丁八 靜虛三

四一一

金陵叢書
一 蔣氏校印

臺榭千萬落椒蘭香蔽空絲桐響遏雲何年方曲終紹蟬列
坐滿行廚珍膳豐踏筵舞燕姬娟娟下陳充是時天欲明華
燈愈增紅出戶一爲望不覺斗柄東主人發謳唱賓客和歌
從盛會期盡歡有酒傾樽中朱顏易憔悴忽忽成老翁追思
舊儔侶白骨伴蒿蓬安得自迫促時復嗟固窮
求賢詔甫頒公門種桃李濟濟多士中頗亦別臧否古來盜
國柄檢邪無足齒心即念蒼生執拗萬事毀周官泥成說黨
禍勃然起豈不聞弦高微名沒都市十二牛犒師商人耀青
史因知濟國難何必讀書子
松柏勢鬱蟠貞固罕動搖梧桐直千尋秋來嗟早凋天質秉

陽剛外宜示屈撓爲言矯激人易缺在磽磽漁父眞道者三
復玩離騷

獨坐北堂上悽風傷我懷紅紫豔春夏於今安在哉步登停
宅山遙望讀書臺前賢晚節堅凡輩眞塵埃

安羨古仙人羽化凌北區但得輕體骨何地非其居傳言住
海上感此愚夫愚攀躋道路絕粉飾皆子虛文成五利輩末

造阻厥軀詩闡謝自然昌黎唐大儒寒暑歷數十有來終必
徂苟全戀塵羈達士笑何如

猛虎嘯空山悚惶百獸恐爪牙一何利奮迅具神勇突然遇
狡狴據地伏不動好以威劫人禍發中旋踵應憐野鶴翔雲

煙四邊擁

丁八 靜虛三

四一一

金陵叢書
一 蔣氏校印

敵帶亂塵積掃除猶未停世間罕棄物效用判畦町匏瓜繫
不食仰看天邊星欲汲水無源東井光熒熒儒修貴核實安
用虛浮名文章本餘技要令吾德馨
和汝翁甲寅元旦書懷

燒殘獸炭轉傷神火裏青蓮亂裏人好節家園天外想窮途
詩本袖中新歲中虎讖應防魏夜聽雞鳴幸脫秦最惜佳期

恨三五狂奴故態少崑崙
十年無夢到臺端煨芋何須覓懶殘親故能依因大有昇平
不改是長安逃人野祭匏尊冷聖主宵衣玉殿寒報到五陵

佳氣在王孫熱淚莫輕彈

幕中草檄字飛鳴凍合金花盾鼻生怕到殘編吟柳雪未還

初服痛簪纓書雲獻瑞來何暮刻燭談兵老更精聞說膚功
難迅奏敢隨眾口鑠金城
似水并刀恥割鮮塵封土黯笑年年當筵歌舞終思蜀閱歲
旄倪未反燕烏鵲南飛三市繞大江東去幾家全壯心烈士
休惆悵老驥還當振一鞭

丁八

靜虛三

四十三

金陵叢書
蔣氏校印

靜虛堂吹生草卷四

金陵叢書丁集之八

上元王章

詞

如此江山

自題僧廬話雨圖

舊游回首今何在吹簫半來吳市向壁參空當杯說夢懶去
名山踏屣他鄉老矣漸聒耳秋聲攬衣驚起步入招提良朋
三五客愁洗斜陽猶戀屋角片雲催雨至抹斷山翠蟹拂
微撓漁歌互答清話庵門深閉精藍偶寄任點滴空階關情
底事布韉青鞵與君從此始
永遇樂

丁八

靜虛四

金陵叢書
蔣氏校印

送張子禾由山陰之滬濱

何處重逢勸君莫問聊進杯酒懶唱離歌酸心已慣淚眼枯
于柳光陰草草飛紅陣陣不覺別離今又況登臨烽煙四合
苦懷未易銷受文章信美可憐贏得亂裏江湖奔走遠望
長安浮雲蔽日更白衣蒼狗英雄老矣無心射虎好趁殘年
種豆只難遣閉門夜雨故人去後
百字令

題畫菊

西風漸緊盼白衣人至盤桓今夕那有陶家三徑在更少相
如四壁冷淡交情離披況味愛學斜陽色無邊秋氣可堪都
付畫筆還想破損籬笆蕭條門巷望斷愁如織雁到霜飛

春夢醒一片故園狼籍小醉顏酡長歌耳熱自比花之逸柴
桑莫問漢家何處陵闕
摸魚兒

庚申夏避難山陰初秋子禾亦自武源來贈句即和

自蘇臺可憐焦土燕然夏又秋矣偶逢海上鷺鷥聚再逐浪
萍吹起頻揮涕問後會何時杳邈天無際東浮越水更孤負
山陰許多山色斷送病愁衰良朋至對面真疑夢寐那期
張翰歸里疏花滿地西風峭好共白雲棲止今若此惟暢結
古歡高舉尋吾契相思已慰怪茗碗斜陽藥爐絲雨猶帶別
離意

慶清朝

丁八

靜虛四

金陵叢書
蔣氏校印

歲朝坐雨

隔歲先春殘年入夜盈門爆竹聲攢夢回紙帳羨他車馬江
干芳節那曾負卻梅香竹影意闌珊抵多少党家豪宴陶宅
清歡第一回開玉鏡誤初三初四眉畫彎彎尖風釀雨頻
添池館新寒街市蛾兒漫鬧陰晴圓缺本無端收燈過冷吟
閒醉應更心酸

西江月

登小姑山

鬢掠雙丸日月足翻萬里波濤青山低讓一帆高雁去長沙
渺渺暮地忽然長嘯遙天笙鶴來招登臨東望最魂銷楚
尾吳頭落照

卜算子

燭步

病起看春山入暮東風峭煙樹葱籠綠未勻一望連芳艸
遠寺出疏鐘飛雀喧叢篠歸路人家晚飯香淡月昏昏照

百字令

代張子禾題宗湘文江天曉角圖

東流嗚咽又蕭蕭颯颯西風蘆葉客夢驚回聲斷續別有清
商遙接寂寞江干微茫野戍吹墮空城月秋笳塞外聽來無
此悽切那更衰草連天寄奴門巷冷和鳥嘯雪記得詞仙
傳墨妙翠嶂煙江疊疊戰艦鉦鐃畫船簫鼓一樣音塵歇燈
昏酒醒浩歌還擊雙楫

洞仙歌

自題初冬欲夜圖

黃昏近也正輕煙催暝深閉閉門鶴初警更寒鴉撲簌飛墮
牆頭剛逗著破萼梅花瘦影霜楓籬落畔掩映餘霞竹塢
青蒼接松頂雅抱委琴書倦倚西風問短夢幾人吹醒甚客
子光陰等閒過任芋火紅爐懶殘消頷
摸魚兒

避亂村居見燕尋巢感而有作

甚西風吹將汝去經年隔斷消息杏花開了清明過別是一
番岑寂飛歸急早輓語呢喃殘夢催人畢問伊端的問底事
癡情愛根難割盡日費尋覓頻回往不顧形單影隻墜來

丁八 靜虛四

三

金陵叢書
蔣氏校印

紅線誰拾樓臺豈少珠簾捲凝睇轉添悲戚真莫必只怕梁
空巢墮今猶昔且休啾唧便苦盼新雛那時雛去依舊枉憐
惜

柳腰輕

尋春

燒燈節過情懷減問芳訊天涯遠去年今日一樣雨絲風片
隄上來回幾徧怨遙山黛痕清淺閒傍虹腰路轉鬪香車
暗塵輕輾情惜門巷深深院落吹出紙鸞飄顛笑語微聞腸
斷隔牆兒有誰拈綫
一叢花

愁邊三月雨三更點滴總愁聲芳艸天涯何處是夢家山一

丁八 靜虛四

四

金陵叢書
蔣氏校印

點春燈蕩子孤衾鄰娃怨笛種種不勝情者番花落可重
生腸斷舊山青尋常一樣聽春雨怎的比往日淒清猶幸當
初匆匆離別苦語未分明

賣花聲

贈別

無語各消魂寂寞黃昏星星燈火掩重門欲去不能留不得
難話溫存無計剗愁根強把芳樽醉時分手假疑真卻怪
酒痕襟袖上又是嘯痕

長亭怨慢

代張子禾題杜小舫詞稿

任孤負春風來去悵望江東碧天雲暮夢覺揚州廢池喬木

暗吹雨十年烽火依舊是黃灣路老柳臥隋隄儘繫我情絲
千縷 心苦怕頻年況味說也累伊淒楚烏嗚月冷問今夜
鐘聲何處記來時絮影茫茫卻又化浮萍團聚且起舞雞鳴
試聽長淮金鼓

玲瓏四犯

庚申除夕偕子禾在會稽和白石越中守歲聞簫鼓感懷
原韻

凍雨驟晴炊煙偕暝椒盤邀約欣許晤言忘歲月歷劫同今
古傷心那堪再賦帶寒聲雁驚衡浦老賸餘生醉逢佳節休
說別離苦 經年共悲歧路甚金張第宅王謝門戶揭天烽
火踏逝水年華去江湖偶聚須珍重怕作萍飄孤旅還訴與

丁八 靜虛四

五

金陵叢書
蔣氏校印

羅浮夢梅花舊侶

慶春宮

和子禾溧陽酒樓三月春

艸長鶯飛江南春暮此中曾醉狂客何物貂裘當爐催換放
酣惟見李白冷吟隨處抵多少旗亭按拍登高懷想郭外輕
陰水雲如墨 一般爪雪留痕東海西江我來猶昔昼市金
迷螺山玉倒總爲先生親酌揭天烽火但餘此風流未歇柳
花滿店同是飄零不歸鄉國

梅子黃時雨

屋角斜陽漸濃綠壓檐花事愁盡只鎖日垂簾鳴爐篆穩俊
煞桃笙如水素紈悄曳人敲枕流光緊往事夢中昨夜嗚醒

同聽江樓梅引趁涼生草閣仙吏偕隱問甚煙波種荷千
柄話到滄桑拚一醉芳樽罷後春無影琴書潤數聲鶉鴉催
嘆

金縷曲

和張子禾

又作悲秋別似前年重陽灑水送行時節草草光陰消短夢
愁煞雲山萬疊要早識更番拋撇長願相思遲見面省頻頻
淚灑西風葉添促織更酸切 歡游倦後爐煙歇最難忘對
牀聽雨半醒低說驚起栖鴉窗紙白樓上殘燈漸滅猛玉笛
一聲吹裂便把清狂誇杜牧待勸君杯酒應淒絕幸到處共
明月

丁八 靜虛四

六

金陵叢書
蔣氏校印

百字令

和子禾

東南烽火歎餘生尙在家山早破客子光陰行腳樣苦雨酸
風折挫瓦解連營塵飛戰艦肉食商量左賊中來也萬般奇
險爭躲 誰料海上成連山頭杜甫文字交情夥說道飄零
休浪感一卷花開示我月榭吹簫風亭擲笛回首煙雲過知
音聽我狂歌當哭酬和

長亭怨慢

漸墜粉蓮房凋謝愁病淹旬客窗秋乍夢繞家山醒看頽壁
夜燈掛舊盟鷗鷺料一任經潮打便蓼溼蘆汀更難卜分飛
高下 堪訝聽荆扉剝啄意外故人情話萍蹤各訴似斷續

暗蛩涼夜賸幾個冷落晨星恨風雨文園吹灑莫再誤流光
又到別離時也

卜算子

題鄧寄宇壯游圖

縱目點蒼山揮手長安道秋色西來一劍寒立馬看殘照旗
鼓滿中原何處栖枝好我亦騎鯨海上人破浪乘風到
疏影

題孫月坡斷腸詞

故園夢斷已猛拚破鏡酸楚嘗慣底事天涯愁裏逢君結个
傷心同伴錦囊倒瀉相思淚更聽我一聲河滿怪世間死別
生離忍教兩人分半 翻羨空房暗泣素帷對幻影遺挂猶

丁巳

初唐四

七

金陵叢書
一冊氏校印

玩不隔泉臺長絕音書越樣吟魂零亂斷腸未必真容易還
只恐柔腸千轉月漸斜落葉驚風捲卷獨眠孤館

長亭怨慢

中呂宮

昔詣陶谷與主人婆娑古梅下相傳梅爲貞白手植主人
又蓄鶴鶴病臂伺之藥製病鶴詞予亦和歌劫後二者頗
系主人念刈薪煮羹付之傳疑再製金縷曲二闋以志永
歎丁巳秋冬問主人種花海上予因避囂樂從暇爲圖金
縷曲大意臥帳上並錄原詞綴詩以慰之俄自滬賣梅數
十佳本邑簿適贈一鶴若補離恨然新不問舊喜甚而感
予更愧見林處士滯鬱在抱又當如何爰仿白石自製腔
所謂率意成句然後協律彼此多不同者錄示主人以同

寄感喟云爾

料非是遼陽返駕一笑重逢美人林下別後相思早催淒句
入圖畫舊游剛罷翻淚落新歡乍明月便飛還奈不似那回
良夜 片霎記翩翩入夢醒覺冷香盈把當時共我忍忘了
孤山留話且莫道補恰情天怕豔劫離魂難化況空守寒盟
兜底上心來也

高陽臺

小住梁溪倏忽半載花疏水國遠唱驪歌曼農邀餞西溪
精舍踟蹰舞態惘惘可憐即席倚聲

翠嶂纖雲花宮薄靄冰蟾正上層樓琴劍匆匆杯盤艸艸句
留憐才惜別防人覺倚銀屏暗溜明眸最難忘熱處淒涼冷

丁巳

初唐四

八

金陵叢書
一冊氏校印

處溫柔 如何不到銷魂地便青衫有淚誰灑江州過去歡
場真同逝水東流來時夢被鶯聲攪又西風雁落汀州怪無
端見面傷春背面悲秋

探春

春已過半文杏作花客窗增感瓶供一枝爲填此解

聽雨歌殘禁煙眠早樓外杏花聲徹剪劃新愁梭拋舊恨何
苦燕鶯儘織人懶隨春鬧已猛憶去年今日畫橋左側雙扉
綠陰嘶徧金勒 昨夜芳魂對泣自嫁與東風任伊狼籍如
此韶華誰家院落腸斷江南消息從古天涯路最難遺清明
寒食向晚停妝料應珠淚偷滴

琵琶仙

戊午清明方客寶山是日陰雨足不出門以家國酸心兼
懷宿草蒼然萬感向暮紛投隨意成句與琵琶仙合因足
成之脫稿微吟不知是淚是血隴西公見之定當同聲一
哭決不就鈍根人按音律也

又是清明又一樣中酒傷春情致況復寒逼雲低難逢好天
氣管不出黃昏絲雨者心上是何況味客子思家王孫失路
排遣無計甚拚卻埋骨青山奈重聽嗚鴈淚如洗多少斜
陽荒草問乘風歸未兒女隔烽煙故國歎夜燈笑語猶記始
信千古消魂落花流水

石湖仙

題孫月坡乞食圖

丁八

九

金陵叢書
蔣氏校印

王孫垂釣也千古英雄都被嘲笑不枉住蘇州揭桃花庵中
舊稿酸心東郭問此際菜田誰掃求飽賺世間閨閣多少
儂今破巢夢斷強哺雛防他餓了翻羨歸來五柳先生風調
美酒蘭陵可憐重到冷灰廚灶吳市鬪高城一派殘照

洞仙歌

荷包牡丹

花玉別派料藏春無計亂點胭脂太零碎早參空布袋罷染
衣香摺疊起半世探囊富貴玉堂金谷豔冷到蓮房未必
情絲尙牽繫解珮倚闌干綴露裁雲裝束仿大家門第且莫
向西風翦秋羅且綠酒朝酣漫垂紅淚

疏影

應事藤花盛開止何索詞月坡先有所作不愜己意而止
疑其遁辭譜以引止何兼促月坡

暮春至矣正翠軒半敞霞幄迎霽錦片前程殿了羣芳便覺
冷陰陰地荼蘼似我渾無力也強要支持花事賸箇儂待月
闌干約畧藕衫初試蜂窠而今更鬧畫檐紛撲簸按粉輕
墮莫作蒲桃杯酒天涯眼底與誰同醉送春抵過悲秋苦怕
豆架西風漸起又比他飛絮多情必竟不隨流水
燭影搖紅

秋暮

刁斗無聲大旗半捲霜華重倦挑殘蠟傍軍書耳畔嗚鳥送
一令頻傳神弩曙光寒品盤尙湧將軍部曲野宿龍堆貔貅
爭擁極目穹廬草低遠見牛羊隴舊巢驚燕儘歸來莫認
依梁棟遙憶孤幃鬢攏枕影戈雙眸夜炯雪飛轉盼試硯何
人冰花凝凍

疏影

秋蝶

半珪月冷正曉鳥欲下愁霧低隱不道重來雲斂千峰缺處
翩翩旗影登高便作闌干倚怕斷送星星雙鬢又幾番淚灑
西風想見守陴淒唳箭吹譙門忍聽令威化鶴後零落都
盡只賸頽陽斜抱鸞環破寺寒鐘催暝牆陰薜荔霜華滿
戍火微茫人靜問何時繞郭青山一角綠楊遙映
一枝花

秋鎬

蒼鶴循山躲快馬追風過腰弓鳴霹靂應聲破甚衰草黃雲
猶有流星墮緩帶期門坐趁爽抱西山穿得金錢贏箇忽
地聽三軍笑和帳下同聲賀莫愁蟾窟裏音塵左問奔月婦
娥射到家書麼柳外絲鞭彈縱轡春郊卻又早天山雪裏
長亭怨慢

秋埃

此西出陽關路也草白霜晨亂山如赭木葉蕭蕭道旁雙隻
入圖畫頻年烽火渾不見棲鳥下驚牒羽書傳看一騎飛來
涼夜清暇憶煙雲塞草破驛酒瓶斜挂驚疑獵燒阻歸雁
酸風盈把念征人舊巡都諳正冷夢還家醒乍恰影射朝曦

丁八 靜虛四

金陵遊書
蔣氏校印

落月空枝低亞

轆轤金井

秋窻

羽麾殘照動悲笳獵獵野風天晚萬帳雲屯被炊煙遮斷涼
宵乍轉約火伴酒瓶煖載殘肩來抽刀快割歡呼豪啖
軍中飽騰已慣甚矛頭接浙揮淚骸髮香稻新垂共征衣齊
翦紅旗半捲好偕向明光功宴看老元戎山川聚米鬢花霜

點

奪錦標

秋幢

轉旆驚鴻聞笳上馬向晚晴空如拭捧出亭亭牙蘂寒曳西

風四圍戈戟看輕颺翠帶早入望煙嵐爽挹擁旌旄疾走衝
枚抹過蕭疏林隙江上秋潮響急隱約整弧視得帆檣林
立忍見飄零大樹回首南朝石頭城寂想降幡一片到如今
空餘蘆荻拂清霜猛士重來又奪得連營旗幟
霓裳中序第一

秋袴

涼礎搗夜月弄翦刀燈前乍歇加意熨貼怕比似去年腰圍
懸絕西風獵獵料據鞍佞傍難熱愁無暇刺繡繡鳳但把絮
堆雪凝絕華襪珠纈初嫁三春時節如今秋夢慘切問蟾
子朝飛湘裙鬆結蕤璣何日接者意緒書來細說封侯願錦
衣花帽也肯竟拋撇

丁八 靜虛四

金陵遊書
蔣氏校印

水龍吟

秋角

五更嚴令頻催中天猶自懸明月森森部伍匆匆想被嗚嗚
吹徹古驛霜清荒城霧薄征人愁結怕西風遙度樓頭思婦
寒夢搖秋堞如聽陽關三疊雜邊聲明滅且休錯認譙門
天晚送行時節不料經年征鴻嘹唳商音遙接問春歸甚日
鏡歌鼓吹飛報紅旗捷

霜葉飛

秋櫪

瓦燈垂粟臨空廡檣端涼魄斜照卸鞍依壁嚼殘芻正漏長
人悄看伏櫪拳毛禿了雄心多共秋風老不信換流年尙記

取清波仰秣疏柳蟬噪 誰識榻上庭前神姿相向那時青
瑣曾到錦鞵金勒出天閑恰上林春早且碎踏霜痕漫掃酸
嘶難覓淒涼飽怕戰酣歸來後狂渴奔泉冷雲衰草

鷓鴣天

題曹蔗畦花雨填詞圖

回首家山玉樹殘北風吹角一心酸年時紅燭昏羅帳拍徧
歌樓亞字欄 追往事訪陳髯肩將金粉布嚙壇情場抵說
生公法天上消除綺語難

附曲

題舊雨軒圖

辛酉既秋漢卿先生見招聞聲六七年得且暮遇喜甚酒

十八 靜虛四

十三

金陵叢書
蔣氏校印

半出舊雨軒圖圖爲其先賢昆湖山觀察感重到袁浦于
華構中葺軒命額賓從甲海內乞松壺隱寫之徧徵題詠
時移世易人琴黯然室亦旋燬而此卷猶在每展玩雪涕
因屬點筆讀竟既觸墮渠恨又琬章林林爰備各體措手
非易久之效元人惡作劇據自胸臆遂忘俚醜署款勅格
尤出準繩懶不敬事漢翁諒之大正諒之傷心人諒之時
十月某日也

新水令

長淮金鼓咽秋濤夢繁華忽然醒了山川猶戰伐家室更漂
搖舊雨寥寥賸幾個不得意的詞人向畫中老
步步嬌

甲第連雲臨官道燕寢清香繞有平津北海豪華幾度文壇
添許多詩料大雅擅風嘯集賢賓共唱個園林好

折桂令

那一搭近清溪煙柳斜飄又短松好蓋奇氣干霄那一搭轉
過疏籬蒼苔老屋翠柏陰交那一搭接空青亂喧叢篠挑淨
綠新種甘蔗那一搭百尺桐高采鳳來巢且莫怪叩門不應
讓先生拜石論交

江兒水

乘興金壺酒量材玉尺操這丹青妙手叫千人寶這詩篇健
筆把千軍掃這風流韻事真千秋少賸地記曾歡笑再訂鷗
盟不是寫淒涼懷抱

丁八 靜虛四

十四

金陵叢書
蔣氏校印

雁兒落

猛然間斷黃流難通北上艘擾紅巾盡掘南中塞陷白門誰
停東下橈哭蒼天但誦西來號呀早揚州烽火吹箭當不
得捲地塵沙裏戰袍還有甚珠履三千到更可憐漆燈兒一
點照心也麼焦誰過問葛帔耐秋風飽途也麼迤猶幸返楸
園聽野哭高

僥僥令

自古道生存華屋好又說道白骨滿蓬蒿知心地下果相遭
卻不怕無同調只可惜教未及修文的泣故交

收江南

料天際雲車風輦回光照歎海市蜃樓消將朱戶燼已空空

無處挂蠟蚶那黑灰堆又茫茫知是誰廚竈 似夢魂影泡
似露珠暮朝只當作黃梁熟後證仙曹

園林好

美縹緲縱橫亂拋毀圖書拉雜摧燒似命阨琉璃莫保怪殘
墨爾偏牢賸碩果那曾凋

沾美酒

翦燈花仔細瞧翦燈花仔細瞧哭不盡山邱零落雁行飄便
羅雀門庭沒半寮痛池塘夢草勸阿連撫景漫煎熬欣仙眷
團圓完好強如我形單影隻牢騷待再整家園及早待更廣
交遊還妙說什麼毛凋目搖山迢水遙冷雄心海濱歸權
清江引

丁八

前編四

十五

金陵叢書
蔣氏校印

雪泥何見飛鴻爪遇知音聽狂歌總分曉請正古白下王章
未定稿

靜虛堂吹生草跋

右靜虛堂吹生草四卷上元王兩嵐先生著先生名章諸生有夙慧三歲隨父夜步月中庭即誦舉頭望明月低頭思故鄉之句長而幼學能爲班馬韓歐之文尤善詩奄有眾體與許宗衡起居齊名又與王金洛稱金陵二王先生既負雋才兼工書善畫能度南北曲跌宕自憇不可一世揮塵談忒似王謝烏衣子弟而丁粵寇之難旅食吳門意緒牢落每獨行荒陂叢葦間出袖中橫竹吹之聲淒咽遏雲樓鶴爲墮有來聽者則大笑引去未幾以憂卒宗衡爲作傳謂其負殊尤之姿竟無世福可哀也是編爲文一卷詩二卷詞一卷視君生平著述十不二三然迹其所存精到處雄深秀逸卓爾不羣


丁八 跋

金陵叢書
蔣氏校印

足躋唐宋而頡頏之並世作者未能或之先也其題于漢卿舊雨軒圖仿元人雜劇一折憂生念亂如撫雍門琴擊易水筑蓋不啻先生自爲寫照也鄉後學蔣國榜

通齋詩文外集

共九卷
宋澤元題





同治癸亥之夏予寄幕茂名縣齋居停主人將受代去是時也髮逆熾於信宜客匪闕於肇慶遍地荆棘俛俛何之適蔣叔起廉訪由粵右移守高涼甫下車卽折節見訪賦白駒之繫叩以相知之由知居省會屢見予條論軍情時政諸公牘心焉識之某也當某也未滔滔汨汨如數家珍於是始知公爲有心人也予旋移硯化州僅隔一衣帶水詩牘往還幾無虛日越二三月必招予莅郡齋作數日談迨公之潮之廣胥以禮來羅爲入幕賓由是昕夕聚首放論古今商榷得失遇會心處輒掀髯鼓掌相視而笑公睥睨一世落落寡合獨愛才若命

通齋集

序

懺花盒

逢績學之士推襟送抱虛衷延攬嘗出所著通齋集麗藻薈錄爽鳩要錄榕堂續錄南行紀程各種屬爲芟削每有糾繩多欣然首肯見者咸詫爲得未曾有數寓書勸予刻詩謂詩之傳與不傳係乎刻與不刻反復懇懇語極懇摯尤喜予書畫題識每於疇人廣衆中譽爲鄭虔三絕是說也予固弗克當然知己之感實沁心脾不圖辛未珠江一別而遽悲黃墟也公歸道山未及廿稔而通齋著作粵中渺若晨星叩之藏書家竟無知者岌岌乎若落花飛絮之飄泊就湮矣予老且衰愴懷今昔國士之報自問無期惟念公之詩文畢生精力所萃沈

雄閱博卓然大家表章而闡揚之後死者之責也亦受知者所不忍忽也謹付手民以公於世公解組旋里績著小盤谷詩式冊近體爲多惜爲友人借失異日覓得當聯綴附刊之公英毅善斷遇事鏡燭犀剖八面瑩徹筆墨肖乎其人以乙巳春榜第一人觀政刑曹入樞省厯臺垣出典劇郡終於按察使皆司法憲官也其遭際亦奇已惟風裁高峻恆與時晤每爲人所齟齬未竟於用世多惜焉光緒丙申花朝山陰宋澤元識於息園

通齋集

序

二

懺花盒

序

范蔚宗云體大思精吁體有限而思無涯也夫一縷游
絲蟠天際地干尋飛瀑洞壑縈溪涓涓始流綿綿不絕
入幽出顯洞精析微此固元之又元盡而不盡者已然
或分章抉漢力有未充驅雲走濤氣有未贍泛珠海以
虛舟入寶山而徒手未足以語此也叔起之詩體兼唐
宋靈蛇入握雜佩垂胸萬象在旁五丁赴召出入必有
風雨叱咤而起雷霆泱泱乎壯觀也由是洞一方之垣
穿七札之甲叩雕鐘於睇澤鏗羽磬於浮瀛實實虛虛
奇奇正正吾知風吹敗葉便成甲馬之聲石卧滄江亦
具雲龍之陣未易爲俗人言耳叔起勉哉醇士戴熙

通齋集

一
懺花齋

叔起詩津逮於卷軸者深隸事取材語饒沈博道厚似
岑夫子豪宕類陸劍南而一往奔放其氣體又與長帽
翁爲近七絕隸事有逼肖元裕之者余詩從空處入叔
起詩蓋從實處入其情韻流露處較余尤古字句聲病
叔起深於此必能自辨之無俟余之贅說願互相切磨
以趨大雅不蹈近世標榜之習此叔起所樂聞者乎乙
卯十一月十七日許宗衡識

通齋集

二

懺花齋

自序

蓋聞駑馬十舍終慙千里之材鷓鴣一枝詎識九苞之彩挾旁光而升俎必貽笑於庖丁剖垢石而為珪恐見嘲於岱委沉僕捧心抑腹未窺干呂之雲蹠未抱甄不過呼航之技湫溲寂寞會何足云籩籝醜醜斷難增美然而年垂弱冠忝挂賢書叔夜操弦雖未遭乎魑魅正平懷刺亦見窘於輿僮負郭之田苦無半頃潰瘞之劑難賺一車湖斫屨之堪憐將揉桑以終老此一時也既而蹠蹄彌尾登伯樂之場蝸睨羸瘠入醫王之篋飛甌鬪捷逐隊兒嬉炊玉謀生頻年家累詆衣冠為芻狗未

通齋集

懺花盒

免狂言視毀譽如蚊蚋不無嚙語此又一時也操舟徑渡有人短絙而游擲雉奇贏甚且繞牀大叫而僕操鮒魚以望歲恥狃狃之緣防量粟而春為謀益拙加以鳧後為崇馬腹食人始盜弄於潢池繼蔓延乎江滸芝蕭同燼慘于巫峽之焚施嫖俱淪禍甚歷陽之陷此又一時也亦欲畊傭藪澤糠粃功名挈猿鶴為知交撫雲山為我輩而饑驅輦下誚等籠東待玉楮以三年縮黃楊之數寸寫雷霆於鐘鼓無非激楚之音憑戶櫺而歛歔或犯鬼神之忌此又一時也周旋揖讓悲人之情狀可憐狡躁康荒裨海之脂膏殆盡雲無心以出岫豈有他

圖詩作崇而窮人至於此極天山神鳥方歌舞於烟霄東海鷓鴣豈留連乎酒食寄心虛霽每愁廡塞之難開借喻甌萑亦覺拋殘之可惜斯乃余之自敘云爾上章涪灘辜月識於通齋

通齋集

二

懺花盒

通齋集目錄

江都 蔣超伯 叔起 著

山陰 宋澤元 瀛士 校刊

詩集

卷一 古近體詩共一百九首

卷二 古近體詩共一百三首

卷三 古近體詩共一百六首

卷四 古近體詩共一百二十七首

卷五 古近體詩共一百七首

外集

通齋集

目錄

一

懺花齋

南唐宮詞三十六首

五代各國宮詞共一百八首

文集 卷一

仿天問

擬蔡中郎釋誨

放言賦

籲魂賦

廣陵賦

蜀岡賦

噴雨虬賦

大正覺寺金剛寶塔賦

金臺夕照賦

雞缸賦

擬平布魯特安集延露布

代宋宗丞撰謝實錄告成筵宴賞賚恩表

文集 卷二

少司馬鹿牀夫子六十壽序

安徽王中丞六十壽序

桑方伯壽序 代作

周廉訪六十壽序 代作

通齋集

目錄

二

懺花齋

趙柳溪六十壽序

張君正笏七十壽序

王君守和七十壽序 代作

孫少司馬五旬晉六壽序 代作

蕪硯齋圖序

蕪城雜詠詩序

懺花齋詩集序

葉潤臣江漢歸舟圖序

宋建炎六印序

犀角槎杯銘

上李月汀夫子書

答宋華庭書

代僧三根募修都天廟啟

署壽春鎮總兵全將軍玉貴誄

文集 卷三

晉悼公論

趙盾論

馮煖論

書馬融傳後

難東坡諸葛孔明論

通齋集

目錄

三

懺花盒

書陸士衡辨亡論後

呂蒙論

秦主苻堅論

秦主苻登論

魏文帝論

梁武帝論

梁元帝論

高歡宇文泰優劣論

五代史程福贊論

南唐書潘佑論

薇卿哀詞

陳樸生哀詞

二蓮哀詞

贈提督銜雙來贊

北湖談氏錫山書屋記

吳公亭記

閔叟傳

誥封奉直大夫王君仲甫暨周宜人墓表

通齋集

目錄

四

懺花盒

通齋集卷之一 己亥至甲辰乙巳作

江都 蔣超伯 叔起 著
山陰 宋澤元 瀛士 校刊

江都先賢詩

六蛇騰德陽河內一龍死慷慨靖王孫西遊洛陽市漢劉侍中瑜 掀髯叱羣小抵掌談時事始陳中官橫繼述阿房

侈公卿皆動色權貴都切齒惜哉游平拙禍發蕭牆裏
膏膏天地閉袞袞黃巾起正人既誅夷漢祚亦云圯

紫髯霸江表羣彥歸網羅廣陵實才藪英雋何其多疑
疑皇休明斯邈不能過吳青州刺史皇象 穆穆張長史東部聊

通齋集

卷一

一 懋花盒

婆娑吳東部都尉長史張紘 神識碑未亡柎榴賦不磨鰥生緬先
哲擊轅作悲歌何由起二賢悵望山之阿

隋氏并九州以詐匪以仁驅儂誦五教欲使風俗醇豈
知山越亂全吳境皆淪乞乞來榮公不愧將帥臣隋榮國公

來護兒 談笑破賊巢八閩息烟塵六郎似阿翁羣盜憚若
神不怕千萬軍但畏郎一身威名照諸夏忠孝萃一門

我誦擊鼓詩愾然見其人

一老隱淮陽四皓愧不如其後元靜翁築室茅山居唐元
靜先生 潛心在老易與物無毀譽偶然題絹素字直百

李含光 碑礫我疑公尙存浩然馭麗車試問藩籬鷓焉能游太

虛逢原乃異才宋廣陵先生王令 巨源堪宰相宋翰林學士孫洙 剛中

尤矯矯砥柱支頽浪宋中書舍人王瞻 踏復有樂巷翁懸車洞庭
上宋秘閣修撰李衡 諸賢相繼起俾我山河壯其材皆博達厥

品咸忠諒元圃饒夜光斯言信非誑

侍郎薑桂性白首不少衰孤立羣貴中遠宦西南夷鸞
爵所不願事君以無欺荒原剩翁仲令德誰不儀明刑部侍郎

八虎弄兵權三張侍豹房公卿具紅本都憲伏道旁我
邑兩尚書獨敢抗大璫明南直隸都御史王軾 尚書王軾 宗選固

端人戴卿亦倔彊豐碑聳仙掌華表對雷塘晉仙人掌

通齋集

卷一

二

懋花盒

嗚呼二君子蔚作邦家光
赫赫襄愍公籌邊盪河套斯時天地閉帝慕長生號兩

龍不相見百事都顛倒可憐襄愍公宛似于少保朝衣
斬東市碧血淪秋草蕭蕭金匱山哀禽咽松篠明三邊總督曾統

五老九千仞曉絕天中央紫烟射仙壑白雲冠僧房下
有白馬生謫居古潯陽明御史 生昔在朝時鐵石為肝

腸對仗効三公筆挾風與霜不屑問狐狸所願誅豺狼

喬一疏劾四尚書首嚴嵩次張讚張雲林廷楫直聲震天下 詔獄幸未死遠竄天一

據（陳恒和書林民國廿二年本）補入

方袖中廬山志巨細無弗詳士窮見節義匪獨工文章

滄海曩橫流吾鄉多烈士太僕死房山郝公景春中丞殉桑

梓伯張公鮎鮎鄭天玉不愧鐵御史鄭公為虹殉皎皎尚

書孫銜鬢信陽市高公孝純銓之曾孫雖居草茅賤亦

挾首陽恥如縣志所載高或吞巨游藥或蹈東海死三

綱賴以存雄哉數君子

讀漢書三國志作

嫖姚躡鞫兒目不知兵書遭逢漢武世仗節復居胥輕

齋襲邀濮間道登禱余左顧獲折蘭右眄擒稽且金人

入中國大漠成邱墟一朝薤露逝元甲充九衢高冢象

通齋集 卷一 三 懺花盒

祁連屬國來前驅可憐李廣子鹿觸僵路隅

南山天下阻陸海民所利武皇萬乘尊尚復戀其地格

熊約期門射鹿羅武騎胡為李將軍反作出山計既捨

田舍權復犯道家忌射獵了一身何憂刀筆吏

仲翁畏子孟露索不為羞少府諛許伯起舞作沐猴文

武道既衰風俗日益偷漿酒逮廬兒藿肉徧蒼頭傳呼

入省門誰復分薰蕕我高邴曼容更愛馬少游下澤隨

所之養志以自修

翁伯本販脂張氏初賣醬園奪成雄豪優游學卿相連

騎交諸侯齊民莫能況固窮有幾人士氣遂凋喪刺繡

羨倚門千秋為悽愴

炎運際哀平正士嬰禍羅達哉陳孟公日飲更亡何優

游越誼絆放浪謝讒囑馮几答故人開口如懸河雖云

游俠士與俗固殊科清風激千葉高眇動長哦

末俗誇韋平再世履台鉉共侯固無愧防鄉豈云善寶

黃廝赤時君臣道俱變乾車與坤馬到處節幢炫靦然

分左伯更設戊曹掾子思在泉下志爾應掩面道存蓬

華榮節喪公孤賤賢能乃為寶世祿安足羨

壯繆討襄樊孫狼起陸渾嘉休二男子持璽詣轅門復

有碣與龍戮力酬漢恩一麾攸縣應千騎醴陵屯英風

通齋集 卷一 四 懺花盒

照區宇成敗何足論我欲叩巫陽招此數子魂鐸碑表

勳烈庶令澆俗敦孫狼陸渾民前將軍授印給兵使應

襄陽男子諸壯繆獻玉璽者見魏志管幼安傳張嘉王休俱

長吳碣中郎將袁龍並壯繆部曲見吳志呂岱傳

永年乃畸人髡紺未為穢徑登雞鳳牀豪氣實無輩一

朝邁慈父將與土元配江陽才竅逐杯酒俄坐罪覽古

心盡傷三嘆書欲廢

從來畫江守必藉交廣疆土變盜蒼梧儻若南面王實

賴番禺侯翦彼獬子狂笳鼓動坤維金甲震炎荒九真

暨交趾一一歸大皇鼎時局乃成傳祚且獨長耳食慕

瑜肅謂實開吳蓋豈知呂定公勳績更堂堂

當塗逮景初厥勢日衰削殿中雞棲樹六尺那堪託蠢
爾卑彌呼居然肆其惡千人侍左右跨海爲城郭詔書
謂親魏兩字堪大噉交龍絳地錦銅鏡珠丹獲纍纍付
卑狗何異填谿壑豈無王太守侷儻雄畧偏師搗沃
沮遠涉窮夷落九都雖云峻一一銘詞鑿惜哉雄武材
不使參帷幕

太平無異象所賴牧伯賢官如冰玉清民卽指臂聯吏
治苟弗脩鬼道乃潛傳將軍號天公祭酒雄漢川荒唐
九節杖突兀五梁冠始爲窮餓迫久遂根株蟠覽古心
盡傷何以絕其端

通齋集

卷一

五

懺花盒

讀北史作

慕容運將終蛇呼大王止東藁兩頭燃天心屬文起醇
醪傾一石沃野開千里陵谷雖變遷厥宗殊濟濟一支
歸拓拔貴盛時無比生封京兆壤死用安平禮一支浮
海去遂落百蠻裏聘得洗夫人雄名冠南鄙早逢陳都
督晚事隋天子劉宋齊梁陳馮家與終始遺澤何其長
傳龜兼襲紫焚焚十七國誰更優於此表馮跋宗支之盛也
兩日關中天倏忽化爲三區區油庫吏黃屋江之南僧
辯乃忠臣首級爲所函淒涼舊部曲只有黃蒼愍沈沈
漢中守其勇兼杜龕苟不殄陳宗此心豈能甘手開萬

安陵斧斷黃金鑿法生鬚尙黑虎狀猶耽耽慟哭鞭其
尸景彥真奇男陳氏多不才龜胸何足談王氏有雄兒
忠孝俱無慙美玉頌報仇之烈也

讀山海經作

海東修臂民非不工捕魚無如足力弱水上行跋踞天
生長脚人負之海濱漁兩族非一家緣此遂偕居奈何
爭斗粟同氣反不如
昆侖乃仙都襍亦不少土羊工擇肉怪蜂能螫鳥復
有物九頭耽耽踞雲表天帝雖云尊恐被三害擾浮雲
何時淨得見曦輪皎

通齋集

卷一

六

懺花盒

穆滿本庸兒苦被西母愚西征覩青鳥遂叩三危居太
戊乃賢君寅畏有令譽胡爲使王孟采藥尋岷墟絕粒
不得前一一僵路隅化爲丈夫民此說堪邪厥
旣云有冰夷得道作河伯胡又有天吳耽耽海爲宅兩
雄誰最猛恟恍殊難測昔禹平九州百神聽驅策手持
量天簡厥大僅逾尺會稽鳴鼓角玉匱龍銜出傳人不
死草俄頃能重活狂章與童律惴惴供其職何爲鬪兩
雄念此我心惻

聖賢誰弗死盡作灰與塵細民肝不朽百年復爲人得
非剛大氣造物亦見嗔又如山海經所說諸怪神大都

牟豕狀甚或蛇其身可知夔罔兩一天所珍
肉生襄平市孫登族俄覆劉聰時亦見夜有山鬼哭如
何古帝陵往往生視肉厥形似牛肝炯炯有雙目真堪
噴飯笑把卷難卒讀

讀神異經等書作

祖龍拜上相元海王蒙珠曹瞞與后羿一一皆授除此
外多冗雜罄竹難具書我怪陶隱居自命神仙徒晚求
都水監無乃變其初始終不屈者乃可爲丈夫

焦僥避海鵠倉猝恐見餐如何李子敖鵠嗥乃苟安猶
然帶刀劍可謂無心肝陳章旣不作誰復辨其奸

通齋集

卷一

七

鐵花盒

崑崙有巨禽自號爲希有左翼東王公右翼西王母終
歲不飛鳴時時飲天酒藩籬有鷓鴣雀不自知其醜啾啾
向閭闔百訴無一受哀哉鷓鴣雀愚從古憎甚口

防風兩壯士敢報塗山讐彎弧射禹使一發迴雙蚪國
仇旣已雪白殺更無求其名雖偶佚其節壯千秋感渠
忠義性爲作商聲謳

堯時歲星侈化作荆山璞卞和偶得之遂致殘其足誌
公相輪內龜鶴皆奇玉明祖冀得之浮圖徙靈谷從來
懷寶者往往罹刑辱卞和不足憐吾爲誌公哭
北荒一寸人能識萬物名取以合神丹力可逐三彭蓬

萊巨母霸三馬不能勝終朝枕鼓卧伎倆無一能以此
類推之斥鷃賢大鵬憫然自聖者正復何足稱

洛陽有曲陌

梁武帝有詩

洛陽有曲陌曲陌僅通輿道逢兩蒼頭問此誰家廬我
家少府卿貴盛冠兩京長兄執金吾三輔許橫行中兄
典尚書赫赫司五兵小弟兼宿衛出入殿中停伏臘偶
來歸家臣拜門垂前驅中郎將後擁羽林兒大婦被綺
紈中婦舞迴鸞小婦最矜寵笑弄遠遊冠有敢忤郎君
減死充鬼薪寄謝蒼頭子吾曹長賤貧

自君之出矣

通齋集

卷一

八

鐵花盒

自君之出矣積雪暗龍沙安得鷓鴣鳥除君心腹痕

估客樂

郎貪河上游儂怯車旁送鸞雛九子釵盡作郎路用

阿子歌

阿子復阿子念汝好顏容莫似波斯布裁去便難縫
走馬登高山石子傷馬蹄馬蹄不足惜阿子行苦饑

織織詞

兩頭織織水中蟻半白半黑欽鴉翼膈膈膊火將息
磊磊落落道旁棘

五雜俎

五雜俎船上旗往復還易馬騎不得已與之期

五雜俎葱薑狀往復還涉風浪不得已為祖帳

續一束藁古謠北燕元魏之世皆有一束藁謠前二語相同

一束藁兩頭然禿頭小兒來滅燕禿頭小兒豈能久黃

金印繫馮郎肘

一束藁兩頭然河中殺癩飛上天河中殺癩莫自誇高

阿那瓔破汝家

共戲樂

齊世方昌皇道尊巴舞夷歌列外門檀槽巧弄春光好

紫霧緋霞護瑤島曲終更奏雞樓鼓獅子雙雙紅袖舞

通齋集

卷一

九

懺花盒

觀風采俗樂何窮千秋萬歲書軌同

齊世方昌共戲樂腰鼓梓鈴聲競作羅袿巧舞若鴻驚

回波一笑解人情歌聲欲緩鵝絃緊誰道水衡錢已盡

觀風采俗樂何涯千秋萬歲帝王家

懊惱歌

旬如白瓶破那堪持作甌野仲與游光二八連臂舞昔

年白飯不論錢今年麥麩價十千

旬如白瓶破鬪嘆重鬪嘆野鼠鑽牛角唧唧猶未散荆

筆楊版行詔書更殺一圍樂何如

東飛伯勞歌

伯勞東翥燕西飛山禽巧喚不如歸可憐二八臨歧路

夜半苦遭烏白誤菱荷風透薄羅裳千里江南秋思長

工歌解語傾人意他日相逢不相棄

擬漢茅田謠

茅田一頃冬無雪四方纖纖不可說嚼復嚼德陽門前

亟收縛

擬李長吉古鄴城童子謠

烹健兒祭大旗銅角聲一何悲中郎將來捉車員外郎

前馬馳車如龍馬如虎團團走隋苑下臨當發青娥愁

邯鄲圍能解不

通齋集

卷一

十

懺花盒

擬李長吉苦晝短

天公天公勸爾一杯酒金剛力士於何募四極八隅皆

駐守秦皇劉徹雖英雄何嘗跋扈登天宮迷廬一柱擎

當中焉用藥又億萬頭如銅義和皇皇少休息春俄秋

兮晝俄夕北斗不耐煩科頭縱飲來人間太白亦解人

竊負雙鴉鬢河伯驂乘為赧顏可知人世樂所苦晝日

短天公記取我一言須令四海長春月長滿

擬李長吉榮華樂

南郡司空長七尺丰采亭亭如玉筆虎符出鎮古荊州

回廊複道起飛樓江州刺史大十歲一見司空望塵拜

六千僮部擬東府三寸黃柑來嶺外垂金曳紫何煌煌
郎君亦拜南譙王江州刺史既平賊勸挽天弧東射日
軸轡數百里朝發江津側鐵軸牙檣好顏色銀雲櫛櫛
金槽喧仙人蠟樹凝紫烟嬪嬙數百尼媪千妖歌豔舞
勢熏天老奴漆頭藏武庫王尙不知謂奴誤

華伯設所藏山火圖

會稽山人工畫水華陽石恪工畫鬼邇來復有伯陽孫
神遊皇甫古賁渾醉圖山火何庵庵三光弛隳不復噉
黃狐老兔黽黽一筆底皆驚奔就中可憐兩珠狔
欲出已被烈焰噴異哉此圖不可及恐是天機非筆力

通齋集

卷一

二

懺花盒

如今眾史趨穠妍魏生縮手人黃泉幾人弄筆摩青天

吁嗟乎幾人弄筆摩青天會稽山人蜀孫位也

訪張遼墓不獲

楊叟壩兩橋莊去大儀鎮十里邑志言遼墓在大儀土人無能識者

斑蘭雙耳黃金車王氣早見閭門隅壯士雖能蹴天柱
其奈龍駒已飛度可憐無策擒仲謀卻佐吉利圖荊州
合肥之功何足數譙沛都無乾淨土首陽陵骨總成灰
況爾區區石羊虎君不見美髯將軍忠漢家到今廟食
盈諸華

止馬橋

江都縣志在大東門外明武宗南巡百官至此下馬故名俗呼臣止馬橋

威武將軍漢天子西幸南巡逾萬里龍舟飛渡汜光湖

直到揚州市河裏斗牛綉蟒何亭亭遮陽帽綴天鷲翎
到橋下馬各無語惟見四鎮前驅行江彬許泰李琮軍周號義子四鎮軍
健兒第一江提督十二團營掌中握朝聞索取泰州鷹
暮更徵求草場鹿白髮青袍貧太守謂蔣恭簡公鐵鎖銀鐙
閉空屋黃金七十櫃玉帶二千束黠奴誅求猶未足我
過橋頭心暗傷難憑天道說興亡阿度血染迷樓草朱
壽居然返豹房

金貞祐省差銅印歌

錫厚菴農部所藏

貧管作花白於鷺兩兩狐狸上宮樹青山誤盡少年人
汴水無情又南渡五十萬瓦遷一官正衙還畫金龍蟠

通齋集

卷一

三

懺花盒

見滌滌可憐總付幽蘭火此印區區幸獨完印雖完恨

長在附子烏頭速其敗神僧心印早了然呼兒散棗向

街前

廢解行

衰柳蕭蕭臨廣路行馬欹斜石獅仆白頭老父語行人
此是從前嗟使署一道邗溝繞郭斜由來風俗尙鮮華
許多借面監廚者不乏衣珠饌王家問政豪商汾水賈
手挈黃金來此土樓臺麗過玉津園伎樂多於箏笛浦
每因白事到轅門舉目惟知嗟使尊波弋名香輸百斛
蒲桃奇錦奉千純使者還家多巨萬豈復號寒同盍旦

博山盡鏤玉狻猊大舸云裝鏤羅漢就中只數圖公廉
日用青銅三百錢生惟兩吏柴車側死作閻羅絕傲邊
其後中丞亦云潔江左才華收八絕清談高論孔陳留
睹物知名袁伯業飄然歸作小鴻臚從此淮南是畏途
制軍遂請裁嗟使廢廡空存樹幾株可憐億萬王元寶
亦復淒涼唱康老妖姬嫁與賣繪兒子弟逃爲酒家保
狸臙蟾羹不復陳花經嘯旨更誰論賣書市上遺香印
易餅門前取告身近日新營設鹽捕霍家橋畔森樓櫓
零星負販盡輸官難繫長衫趕船虎老父嘯呼淚數行
大僚休再議更張舊時樂事難重見惟有烏啼廢廡牆

通齋集

卷一

十三

懺花齋

紀夢

夢中有客貽茅龍聳身直上凌天風峩峩萬笏青排空
一峯奇絕雲霄中汎泉瀆薄如白虹下映溪谷烟溟濛
雪衣蠟蠓金尾狻猊舞不與凡禽同道人宴坐方兩瞳
意似謂我棲樊籠我甘顛倒隨盲聾不願效汝忍饑餐
柏松

謁郝太僕祠

鄴臺曹操饑於虎小秦王兵捷如鼠陰結穀城陽乞撫
地踔天顛魑魅舞巍巍堂堂郝明府砲聲倉空尚鳴鼓
鍾山孝陵一坏土公祠與之並千古

建陽行送李明府大根之興山

建陽峽勢高入天四十八渡如星聯建陽峽口生意薄
剗漆收硝佐東作如今幸遇賢使君清似梅花瘦於鶴
從前人憚雞毛官此後兒歌建陽樂

邵伯堰遇雨

雨將至風滿湖須臾天際雲模糊一幅顛米瀟湘圖風
駟雨勢不可遏如萬弩發如繩粗更無漁艇入浦激只
有灘驚啼菰蒲天公此舉莫惡劇吾視微命猶錙銖明
朝雨霽風勢歇定到贊社持取驪龍珠

和孫定夫送楊觀察之甯夏元韻

夙聞關內山川雄終南太白兼武功豈知靈武尤繁衝
受降僅見張韓公遙控榆林與大同因河爲寨山爲墉
昔宋羈縻趙保忠至今故壘餘離宮曩霄霸氣嗟已終
年來西鄙屯田豐決渠築堡同神工健兒十萬如虎熊
鎮撫能不勞寶融賀蘭烟樹碧叢叢願侯此去威蕃封
蛇盤虎翼追馬隆鼓角不動旌旗紅朔方從此兵皆農
花馬池邊軍實充定夫大令今文宗作歌送別何雍容
豈有病驥追神驄愧我學力非淹通譬如郝莒小附庸
聊爲短句揚清風

炙高煦

菴卿齋中醞飲分咏
明史樂府拈得此題

通齋集

卷一

十四

懺花齋

覆銅缸炙高煦本是同根生相煎何太苦高煦汝勿噀
昔日文皇好殺人景清瓜蔓齊黃族可憐更比銅缸酷
正月游焦山

焦山豈但有修竹高踞江雲一團綠我游適際孟陬時
山上梅花開未足徑從危磴造琳宇仰視重樓冠喬木
天書煜爚垂雲霞佛界莊嚴駭心目定陶古鼎真足寶
瘞鶴殘碑猶可讀海西菴僧作吳語捧出楊公舊詩牘
自然菴僧話彛刼太息滄桑欲歌哭我心最賞觀音崖
江與羣山相結束江聲浩淼萬蛟舞山氣空濛幾龍伏
俗情豈識與天游狂態固應推我獨下山小坐水晶域
通齋集 卷一 五 懺花盒

贈銘上人

臨濟門中一隻箭前身已住長蘆院年來好作名山游
不似秀公惟鐵面南從雁宕登普陀九華天目皆經過
西窮五寨山尤壯蘆芽拔地三千丈束身匣九桃梯下
視全晉山皆低歸來爲我話靈迹令我神往汾流西如
今又欲游三楚船到黃梅參五祖或疑上人愚道路奔
走勞形軀不知比邱法如此一鉢隨身作行李百千閑
漢枯木堂何如南北東西皆道場阮太傅贈上人一聯
云前身合住長蘆院
行脚頻來
小竹西

和小寅博山樓原韻

我兄乘興探洞天詩成蜀繭凝松烟歸來向我說佳景
俾我魂夢皆翛然聞道山樓最幽絕勢與白下羣峯聯
星辰歷歷布巖底金碧燦燦垂崖顛游人振袂入蒼靄
稚子斲石尋黃連枯藤宛轉縛高柏破壁突兀噴寒泉
晚晴時見野麋鬪曉步益覺山花媚幽奇迥出大江上
位置應在諸山先我於金陵蓋三至曾訪陶谷方瞳仙
雞籠山頭作重九翠微亭上行翺躑此樓恨未一登眺
仰望天末慙烏鶯人生樂事豈易得譬如明月難團圓
我兄此游真快甚豪氣欲拍洪崖肩但得樓中住千日
通齋集 卷一 六 懺花盒

勝騎六牙白象從普賢

覺生寺松

覺生寺中多老松狀與報國松相同蛇蛇蜿蜿蒼虬龍
髯鬣爪甲俱鬚鬆我疑廣都建木化爲此九櫺九栴根
不死足方少室五衢樹何論終南百圍梓董羽章鑿今
朽骨老矣此松誰物色拔劍書空三太息白日蒼茫萬
憂集

夜宴謠

髣髴十丈鴛鴦錦楊柳風搖銀燭影羯鼓聲聲白雨催
畱住濃香凝藻井中有嬌兒字蕊珠金泥裙襯紅羅襦

昂鸞縮鳳奏奇舞彷彿龍女持珊瑚叢鈴碎佩音俄歇
鬢策烏烏聲激越銀釵縞袂換新妝一樹梨花浸明月
瓊籤報曙鳴鷓鴣雞東方漏出頽玻璃可憐公子魂猶醉
認作廬江小吏妻

鄴宮行效金荃體

黃華水簾天下絕丹崖翠壁開金闕高家萬騎數經過
王氣千年未銷歇蠕蠕東來逼范陽盧曹勁弩無人張
倉皇北指黃華道豹尾竿前小憐笑蹋蹋馬蹄聲殷空
鄴中三貴何隆隆琵琶競作鮮卑語變相觀音長幾許
東方白額復跳梁吳兒不能歸故鄉

通齋集

卷一

十七

懺花會

和葉潤臣臘鼓曲

朝聞臘鼓聲暮復臘鼓鳴幽州思婦十二月停歌罷笑
心屏營嬾畫雙蛾更慵起雨損鉛華絲窗裏去年臘鼓
時君跨紫馬交河馳今年復如此寄書但有長相思市
上誰家小兒女頭如青山手如雨兒心懽喜妾心傷良
人猶戍交河旁往時但怕驚閨鐵今聽冬冬心亦怯

四不如酒

莫誇百衲琴文作梅花圻我心正於邑竊恐彈不得莫
誇八角硯巧製天池式我鬢漸成霜竊恐磨不得莫誇
九疊屏燦若雲錦織我有千里懷此物遮不得莫誇四

神鏡背有雙龍飾我有所歡人此時窺不得琴不能使
心平硯不能染頭黑屏不能教望斷鏡不能強歡合惟
有尊前一卮酒萬恨千愁立消釋

廣陵詠古

白馬青絲轡侯王孰敢當忠臣推祖皓固守為蕭梁雲
壓危城黑氛纏落日黃男兒忠義死骨朽姓名香祖皓
莫問玉鉤斜離離剩野花荒陂眠瘦犢病樹集昏鴉寂
寞飛仙帔飄零任意車海山遺記在掩卷為咨嗟隋煬
帝帝
淝上英雄起江都霸業開魚頭符歷數馬步集英才朱
瑾甘身殉田頽誓不來興陵今寂寞誰與薙蒿萊楊吳
太祖

通齋集

卷一

六

懺花會

鐵券何甘受先朝太祖甥求援無大國仗節只孤城縱
後韓通死難隨范質生至今思節度祠宇煥英聲李重
進
正德盤遊際中官跋扈時使君真愷悌郡賴維持強
項殊難及批鱗亦大奇邢江宦游者試訪粹卿祠明蔣
瑤

張子淵年伯七十壽

公是地行仙逍遙享大年倒提銅尾乘閒話石頭禪會
攬天門勝狂吟瀑布前至今懷日觀清夢憶芝田
博似周生烈高如任子旗新詩傳萬口宿學富三餘偶
策山桃杖時乘薄笨車如公真大隱不但愛鱸魚
遙想山居樂書銘喚少霞紅爐柔落酒白甄火前茶架

插雙鉤帖庭羅十樣花况饒佳子弟何減漢公沙

瓜步阻風凡再宿

瓜步孤舟宿羈魂黯黯消雨聲粗似雷風力健於潮關
吏殊堪笑山僧不可招始知天塹壯基峙羨金焦

謁禹廟

亘古隨刊烈巍巍照八溟按圖稽勝負吹角起雷霆奇
表傳三漏天官下六丁黃麾趨左右蒼犬導幽冥遂剪
汪芒暴兼除相柳腥華胥親授錄岫嶼亦留銘玉字題
延喜金函鎖洞庭至今瞻廟貌無異諷山經子姓羅脩
齡師徒擁巨靈二龍垂寶幄九鳳展珠屏赫赫量天簡

通齋集

卷一

九

懺花盒

煌煌貫昂星山疊仍舊典河日肖真形靈寶誰能識遺
謨尚共聆江鄉嚴盼蠻祠宇耀丹青灌木參霄立巖扉
竟日局美哉明德遠苗裔越千齡

讀張陶園詩有感

一代詩人張九鉞千秋哀怨楚三湘蠻風棘雨驅銅鼓
積雪黃雲走大梁阿禡歌中如痛哭祝融峯畔是家鄉
陶園遺集分明在莫道孫洪便擅場

慧圓精舍樓上作

紫金山色晚濛濛獨倚危欄俯暮空紈袴儒冠同一誤
孝經詩論足三公尋常慧業難成佛何處文章可送窮

猶喜秣陵秋未老霜華新染半江楓

題潤臣城南買醉圖

春漲盈盈繞玉河九衢兒女弄陀螺水邊楊柳都飛絮
草際顛當競作窠但把酒杯澆壘塊不須身世怨蹉跎
丈夫各有千秋事何用東堂丐子鵞

荅俞朗夫

想子長齋繡佛前半空山色聳甘泉朗夫居甘泉山之南隅陽坡
新墾芸瓜地老圃還開種芋田自笑浮名同刻楮未成
歸計坐無錢蠖軒孤寂無慘賴何日追陪訪善權

和朱卧雲同年焦山揖江樓原韻

君才何減謝宏微笑指雲端倦鳥飛松下堵琴巖石瘦
山中煮酒樹雞肥江樓縹緲懸孤嶽雪浪奔騰繞四圍
我亦洗心依淨土不知杯渡許同歸

楊良漁樂圖

幽花三兩叢艇子十餘隻誰說風浪多農家隨處泊
題葉潤臣風雨懷人行看子

漠漠西山雲朝來才一縷偶得橫風吹漫空作烟雨

山中杳無人至石上但有泉流撥盡楓根酒瓮念我平

生舊游

雨打蒲桃架欲傾撐撐拄拄到天明

用皓布視荅張天覺語更教

膈膊荒雞唱句起江湖萬里情

北湖雜詠 邵伯黃子赤岸新城白茅朱家凡六湖統名北湖

一畝秋收穀數鍾裏湖水與外湖通莫嫌赤岸窪於釜
岡勢連蜷控九龍

太平圩似石濤圖楊柳沿堤一萬株不是陳雷南北阮

誰知三十二西湖赤岸湖即宋之淮南東路太平鄉其西北有湖一曲阮文達名之曰三十二西湖阮氏世居湖旁

之九龍岡僧度橋鎮

彷彿新圖趙大年水村一角帶溪煙采菱舟過湖風緩

時見波心白獺眠

朝來湖口弄輕舟為販新棉向上游遙見朱葦天際出

通齋集 卷一 三 戴花會

露筋三十六湖樓

黃珏橋頭夕照微漁翁收網振船歸到門笑向妻孥說

雪白鱧魚尺半肥

有客雕菰淘畔居木蘭花似玉浮圖我來不見焦延壽

惟剩山茶紅兩株謂焦里堂先生

西望雙山錯犬牙甘泉如斗勢橫斜可憐零落南王墓

野草高於石辟邪北湖志治平寺後有南王塚蓋即元時鎮南王脫歡之墓

春雨添潮失釣缸小舟移近板橋樁偶然放柁中流去

網得桃花鷄一雙

朱家湖水夏漫漫忽較春時十倍寬船到菰蒲深處泊

水雞閃閃露紅冠紅冠水雞與桃花鷄為北湖佳饌

潑翠蒲桃白玉鐺聽翁當日嗜吳聲東風紅豆今搖落

惟見湖田燕麥生謂吳蘭次先生也先生罷官後居黃子湖

榴花紅墮竹籬旁早稻青青豆莢黃一箇團焦臨水結

是儂三步兩橋莊莊去揚叟壩湖二里許

郝家樓與火家洪兵燹消磨廢壁空只有白茅湖畔柳

年年舒眼盼東風元明之世北湖有火郝兩大姓

和小寅

傳經何必濟南生劍匣純鉤夜有聲莫羨東堂子鶯炙

丈夫終奪鹿頭城

通齋集 卷一 三 戴花會

翩翩書記阮元瑜好奉慈顏守舊廬千里寄君無異物

盤山松菌寶坻魚

琴上斷紋多似髮食中湏酒淡於金眉摧腰折非吾願

幸遇今年歲守心

寓齋東畔海棠嬌醉脫青綯懶束腰因索隣翁問政笋

花前把酒話烏聊

都門新年詞

宣武城南凍欲消冰牀不敢過河橋計春兒女車如織

金紙飛蛾夾路飄

通齋集卷之二 官比部後所作詩

江都 蔣超伯 叔起 著

山陰 宋澤元 瀛士 校刊

古風

昔太白遭開元天寶之隆觀祿山林甫之橫知
淫管之已甚悼旣災之將興於是抒幽憂吐絃
議而古風作焉其旨隱其音哀感怒雷軒神驚
鬼趨抉奇資之奧蘊闢文囿之巨觀煒乎不可
及也以僕而方太白譬猶驅羊見虎不格明矣
然而登高望遠引領長謠雖踰踔於短章益低

通齋集

卷二

一 懺花盒

徊於筵弄僮儻之態藉以解嘲結轡之思庶幾

稍慰云爾

忠哀自爵祿孝哀自妻子至矣夷吾言物情信如此我
愛薛孟常陶然進甘旨我重管幼安義不辱曹氏頽綱
賴之扶卓卓兩高士
大夫疾噂沓凡伯刺夸毗哀哀一絃瑟獨唱幽厲時悼
彼楚靈均所遇亦猶斯行歌汨羅上視死甘如飴危邦
不易處君子審其幾
蘭生天下才英名震秦趙廉公雖忌之大度置不校由
其智勇兼所以心胸浩區區法孝直睚眦乃必報

直絃無滯音直木無柔枝直臣無甘言直士無媚姿緬
彼汲長孺孤節著漢時斯人不易得懷古起哀思

龍馬蹄如甌來從大宛國胸息走梁魯斯須屈滇楚毛
骨既非常俗眼焉能識驚駘被文繡爾饑不得食朝隨
極驢伍暮秣陸牛側臨風一悲鳴俯首益悽惻龍馬爾
勿悲此理自古昔英俊沈下僚由來非一日

徑狸竄荆榛不與康莊殊獬獬躍厥空無異遊坦途小
人多樂禍君子志則殊行歌慕林類宅心在琴書晚食
與安步豈即非良圖

通齋集

卷二

二

懺花盒

粲粲木堇花朝榮夕已落生理雖有殊恆幹難久託獨
有松與喬千春卧雲壑崑山采丹柯螭淵擷靈藥負局
游吳門餐芝厯衡霍山深萬緣絕慮澹百痾卻玉漿儻
能分關尹猶可約

朝行紫霄上暮墜黃埃中高位不可恃小人鮮能終鬼
神瞰高明天道福謙沖所以古君子履方而鞠躬陋以
守其博愚以守其聰

伏波與公孫少日本同里一朝西入蜀陞衛何其侈鸞
旗簇旄騎磬折迎來使無復平生歡見笑天下士翩然
遂辭去上謁漢天子回頭看子陽真同井蛙耳

蹲鴟六百石諸蔗二十區困鼠大侔升時雞盈萬雛故

人生計足待客反，踟躕烝烝不見餉。鹿脯酒一壺，誰云膠漆契此誼。今已無。

夢陟太白岑，了與垢氛隔。及登西峯頂，去天不盈尺。捫苔覲丹竈，扣洞讀金冊。神君雲中來，綠髮垂至額。手控黃麒麟，後有鳳一隻。衣冠非人間，恠况不可測。俄然無所見，寥寥松與石。

高駢亦英雄，晚惑方士狂。羽衣騎木鶴，朱閣奉韋郎。豈知秦畢亂，舉族膏劍鋸。我昨訪延和，遺址誰能詳。寄言守土吏，晚節慎無荒。

愷悌張府君，邛都誦遺愛。桓桓朱益州，徼外來款塞。威通齋集 卷二 三 懺花盒

德既涵濡訛，蠻自欣戴甘。陳微倖策可，一不可再。

習見每生玩，將離還慘顏。整冠出里門，密親涕皆潛。各各前致詞，欲行且復還。男兒四方志，安可老市闔。但此一寸心，宛轉如連環。感彼驪駒歌，令我雙鬢斑。

周饒二尺餘，汪罔橫九畝。螺贏皆孤鰥，狐狸具牝牡。天道殊不齊，此薄而彼厚。我欲排雲霄，上有百靈守。臨風操短歌，聊復鼓余缶。

黃山松最奇，一一皆盤龍。黃山雲更奇，鋪海億萬重。我有金石交，遠在天都峯。烹丹軒帝爐，濯足石筍洞。昨寄一詩來，洗我荆棘骨。何時騎紫豸，訪子松雲中。

涸澤與荒邱，猶聞有精怪。何況牛渚磯，深入九地外。愚哉温太真，然犀燭幽瀨。反遭鬼撇飲，此舉豈為快。所以古哲人防微及蜂蠆。

太行不為峻，叩嶽不為雄。穆肅爾達坂，竟使人力窮。一冰有一穴，一冰成一峯。冰下皆雪海，冰上多怪風。蕩蕩白銀闕，沈沈水晶宮。綿延數百里，行者迷西東。不知天何意，創此詭怪容。得非堯所為，以禦十日凶。安得盤古氏再來，闢鴻濛。

夜聞秋風來，開軒望河漢。浮雲太無情，掩此月華粲。倚柱成微吟，夜長不能旦。淒淒草蟲語，閃閃孤螢爛。微物通齋集 卷二 四 懺花盒

豈有知撫景堪浩歎。

欄具飾鉛刀，豪曹刈園葵。蹶張給喪輦，廊廟冠峩危。志士卧牛衣，無言空淚垂。物生貴逢時，造化安可推。三元及五虎，傳會徒爾為。

冬時欲歸來，高黎共上雪。夏秋欲歸來，無奈穹甸熱。春時欲歸來，資糧又將絕。嗟哉滇道難，泣送故人別。用漢載

饑者恆夢食，病者恆夢醫。志慮有所專，寤寐亦見之。人生患不學，毋患學已遲。苟能棄糟粕，自可得我師。快於飫八珍，爽若飲上池。

題葉潤臣詩集次吳稼軒韻

丁年在京輦讀子黔行詩歲月今幾更速如煮羊脾我
從淮海至時切鄉閭思軟繡天街中快睹冰玉姿君乃
九醞醇我類村醪醕愛君懷古作音響一何悲鯁生安
足論掩卷徒嗟咨

東漢誅忠侯惟傳一杜篤今代多詩豪騷壇互徵逐舍
人尤嶽嶽高唱邁坡谷疑君握靈犀不受一塵觸何意
人海間孤騫見黃鵠西山鬱如黛隱隱螺紋蹙與君作
春遊更有詩一束

燕九日同潤臣稼軒往白雲觀因過天甯寺小憩

通齋集

卷二

五

懺花齋

長春乃靈區迥出市闔外鐵杖不可尋邱真人有鐵杖丹瓢

儼然在所憾遊者多反覺琳宇隘因之天王寺窳堵屹
香界遙望西山雲濃青似眉黛我曹滯郎官未免鸞羽
鍛阿僧祇劫中欠此圍頭債用陶學士語幸陪舍人遊暫脫
利名械南能我所師了了復何碍

磚塔歎

京師僧塔甚多乾石橋之北有磚甃七級高幾
二丈人倚塔以造屋望其外如塔穿屋而出者
元初僧萬松塔也慶壽寺雙塔一九級一七級
者元僧海雲可菴塔也彰義門外有塔七級題

曰僧錄司左善世者僧大機塔也之數僧者生
無益於世死復勞其徒非弊俗耶爰賦是什以
訂其謬

昔者釋迦氏厥戒除貪慳挑眼以施人捨頭弗云難化
為摩竭魚饑者獲飽餐所以得成佛與世深痼瘵蚩蚩
學佛人內典本未爛其生不蓄齋鼓腹方丈間其死自
標題瓴甌崇於山金元多稅政觀此見一斑當時數百
戰血漬平蕪殷壯士死沙場髑髏豈能還彼骨何其輕
叢冢荆棘環此骨胡太尊巧製倖倖般我怪著書人凡
是皆可刪塔僧儻有靈嗔我醉膽豚

通齋集

卷二

六

懺花齋

二月二十日蘇子由生日潤臣集同人祀焉

二蘇皆好道穎濱養尤醇枕中溉體方傳自百歲人面
色不復赤盎然氣如春當其海康竄台鉉多佞臣傳法
幾沙門護法幾善神豈知百歲後公議不少淪牛童與
馬走羞說大小惇公名暨和仲皎皎如星辰主人為公
壽犀牟雲濤紋如公嶺外歸海氣浮氤氳四座咸動色
知公歆此樽較彼福建子何異菌與椿

一客吟

滿堂賓客懽一客獨不樂所憂湖底淤故里將為壑忽
如砥柱移難遣楊焉鑿民生憊如此何以冀東作昔聞

段柯古一變惡溪惡如何今有司俯仰無愧忤君看公
路浦歌舞聲交錯翠金紫駝羹晶盤露冕矐千金買蛾
眉百萬鬪蒲篲敗我濯龍淵飽爾囊與橐嗟予一黔婁
值此河伯虐欲乘小心風上與天帝約速呼巨靈擘無
縱支祁縛遠盪崑崙源近救運渠涸野人祝汙邪田父
磨錢縛家敦樊重行戶守季心諾此懷何日遂庶物幾
時若哀哉一客吟真氣上盤礴

舵工謠

舟居古云好到處可棲宿隨風挂帆行疾過馬行陸豈
意漕渠淤青泥壅河曲下上兩俱妨如痕在人腹淮揚

通齋集

卷二

七

懺花盒

百里閒行者皆踟躕難矜篙艣健反羨小車速又苦關
吏苛賦比頭會酷稅外更橫征無端恣鞭撻龍鐘病觀
察但解肥僮僕民生日以因谿壑仍未足我思賣此船
所苦無處鬻日暮望津亭吞聲向天哭

唐花

天公本無私人事偶勝之粲粲彼唐花當此風雪時微
根仗火力嫩蕾含嬌姿置之雕文座障以重頂帷顏色
非不好氣脉固已虧當其萌芽際何異金甌炊僅供屏
几玩倏見凋零悲少忍須臾寒豈無春風吹

酬厲茶心太守卽用其衡游集中過洞庭韻

熊湘古蠻服沅澧遙奔注時時龍女嬉往往錢唐怒壽

嶽當上游連峯不知數周回八百里林谷勢磐互峩峩

祝融尊一半在雲霧羣山皆北面紫蓋偏不附我心遠

慕之欲喚蒸水渡苦遭世網束又被窮愁網先生真壯

遊詩題雁峯樹修途指星沙古俗訪槃瓠賓從皆豪雄

文采敵廚顧衡游詩一出欲誇韓與杜有如神鳥戲燭

燭金屑吐又似蜥蠃翔地地躍雲路逸興驅烟濤高情

寄村戍歸舟景彌好岳麓雲雨沍九面送征帆山靈畢

來赴方今粵氛惡論指須嚴助彩囊裏青石黔首因之

誤郎君今法雄虎害必無慮計日捷書飛登平不難覩

通齋集

卷二

八

懺花盒

虞廷有苗格周頌豐年履行看版輿奉再到題詩處重
賡望岳篇安穩無恐怖愧我駑駘姿鹽車固宜馭夙慕
廉州賢幸與名流遇終當鑄金事盥誦朝復暮

集東坡句題焦山松寥閣

翠壁下無路地窄天水寬十步輒一憩卻立浮雲端中
休得小巷層梯轉朱欄堂後種秋菊堂前種山丹幽龕
入窈窕暮雲點烟鬢海風東南來江水洗我肝壯觀天
下無誰謂山石頑

和葉潤臣登繡漪橋晚眺原韻

清泉無下尾高梁無上游豈若昆明湖秀冠燕南阪飛

梁誰所營恐是般倖儔高將揭三曜下可眺九幽廓然
視中區咫尺攬冀州長楊與五柞厯厯迎雙眸夕陽在
前山絢爛如丹邱我欲負琴箏箸于茲聊抗浮徘徊石澗
上湖水何悠悠冀州抗浮俱本淮南子

萬壽寺假山

昨我行韓莊亂石若齧齒巖巖勢相齧馬汗不能止茲
邱誰所營斗折殊可喜斑斑蒼蘚翠落落孤松倚回環
皆有態下瞰似無底蟻穿九曲珠他物莫能擬乃知真
山惡不若假山美人巧奪天工由來非一軌

揚州東園

通齋集

卷二

九

懺花盒

名園近負郭密林遠連霄規瀛起曲岸架漢爲長橋樓
閣何邈迥陘峴復嶢嶢巖桂森舊枿嶺梅茁新條叢篠
碧娟娟長松翠茗茗金潭寒且清幽谷深而繆詰屈度
旋室叫窳紆重椽清猗挹蘭蕙環豔列枿蕉翔泳有鸚
鷗啾喧鮮塘蜩六飛昔巡狩萬象咸光昭龍輶
憩在渚黃屋停山椒至今斑白叟猶復談先朝
會窺戴干表日角如唐堯咨予生也晚令名復不劭懷
昔念松雲撫今羨芻蕘愧無五千卷擗藻謝崔儵

蜀岡西園

惟昔經營初選勝不辭嶮緣峯結廡廡置屋就厓广雲

氣涵虛亭岡形合重隙槐榆翳高空杉檜相摩颯綠池
搖齒蒼翠色兼菱芡鳥鳴晨露晞魚躍晴波潤我來攜
酒游一徑香苒苒遙見修竹間驚鷺忽騰閃疏鐘出僧
寺頓覺凡情歛寄言在山泉勿受塵土掩

泰州松林菴古柏

孤根局九幽老幹分百道厥初誰手植端倪莫能討正
視何髮髯旁窺彌天矯盤旋出人意結構信天巧欲伸
方相脛復作率然繞蒼疑有雲染密不受風攪月夜應
更奇澄澗邊寒藻茯苓倘容求于茲可終老

棲霞般若臺瞻明高帝遺像

通齋集

卷二

十

懺花盒

晨躋般若臺窈窕山之幽孝陵有遺像猶是前朝畱惟
昔元政衰徧地皆戈矛重瞳王三巴儼若劉豫州擴廓
霸中原蓋亦孟德儔明祖初起時自比孫仲謀太祖遺書云足下處西蜀子處江左蓋與漢季孫劉相類王保保以鐵騎勁兵虎踞中原其志不在曹操下使有謀臣如汝或猛將如遼卸子兩人能高鄱湖一戰後次第羣枕無憂乎願以孫劉相吞噉爲鑒鄱湖一戰後次第羣
雄收遂張天地圖有國三百秋英姿宛然在屹若龍昂
頭骨法真非常不類公且侯或云寶誌公救劫來閩浮
乘雞兼跨犬遺碣埋山陬此說然不然試問老比丘
登千佛嶺

步入篔簹叢西上千佛嶺耀松奏天籟古洞如晉井一

一鑄金容纍纍貫山頂藤封大士臂苦裏脩羅脛相傳
蕭白澤於此開靈境工較武岡精金陵武岡山石佛十
餘軀武墨所製今存
巧與伊闕並伊闕大佛唐
魏王泰造也豫章警忽構上帝俞其請諸
王隕深谷僕射遷龜鼎佞佛亦何爲廢興彈指頃人生
如寄耳何者非泡影他年擬來此解組師龔那

出攝山經梁安成王蕭秀墓

二龍娟娟護宣武六龍西行迓高祖文皇十子皆侯王
安成風度尤堂堂黃鶴樓前一杯酒無復陰風號國殤
可恨蕭家天命蹙白帽俄聞四州哭南平多病雍州亡
空說神仙降浮鵠莽莽荒原雙辟邪殘碑如玉照棲霞
通齋集 卷二 十一 歲花盒

淮安北門金天德大鐘歌

趙家少主青城行阿翁相繼俘金營猛安謀克何紛紛
畫灰野議軍無聲太宗神劍如霜瑩指揮八極帝圖成
此鐘當日工何精撞之可使淮波平惜哉不能救窮兵
燕山俄見增臺閣七寶後復護牀脚黃麾仗下誅神宰
慘甚西都戮冕錯銘功詎比景鐘榮馨竹難書海陵惡
一雙隊長啼愁魂龍種屠及粘罕孫南雷怒蹴龜山雲

狼狽五千茸甲軍班荆之館今何處剩有洪鐘天德鑄
但願此鐘千萬秋年年長鎮清淮流鐘乃金天德辛未
九月鑄上刻銘詞
及鎮國將軍邳州都統諸官字多剝落十六字較大其
詞曰皇帝萬歲重臣千秋國泰民安法輪常轉海陵天
德三年製也本在邳州羊山寺中移置淮郡金網日正
隆元年六月大閱使故宋遼二主各領一隊因射殺之
又詳七
修類稿

水亭行

真人已出夾馬營區區蝸角猶談兵可憐白髮徐中令
夜挈齊邱登水亭屯字闌干俯蓮沼夢中似有黃龍繞
楊郎憔悴擲香爐萬古愁魂啼蜀鳥轉眼清涼啟道場
洪鐘萬石薦高皇心經鬱鬱埋孤塔御座峩峩踞一羊
通齋集 卷二 十三 歲花盒

雷塘懷古

阿麼疇昔來江都凝暉殿上喧擣蒲尙嫌宮室淺且狹
項昇更進迷樓圖神僊縹緲踞飛棟百怪顛顛棲構榭
司花女子春不寐跋扈將軍時戲呼夜深不用龍鳳蠟
梁間自有千明珠烏銅屏風數十尺照見美人紅玉膚
可憐二八侯夫人顏色不與桃花殊河南楊柳一朝謝
金牀傲睨蹲狂奴雷塘孤翁誰復弔林深日落號鷓鴣
泉下文皇應太息何止叔寶心肝無

西山天下大師墓

殿上鵝鳩呼苦苦藍田鍛工拔刀舞長陵松柏盡成灰
老佛猶留一丸土當年皓首滇南回長身巨鼻聲如雷
誰云此墓乃叢芻中有龍髓千秋悲薄暮寒鴉爭灌木
膈膊如投子鷲肉

題家藏黃慎二仙圖

人生學仙亦何補日坐窮山伴蛇虎七十萬日方昇天
符籙勞勞走官府本為求仙棄金紫及至仙成事良苦
正如我輩弋科名陸陸翻隨胥吏伍瘦瓢老人識仙意
貌得仙翁類彭祖娟娟玉女王子登其跨驪龍上懸圃

通齋集

卷二

十三

懺花齋

蠅蟻初若箏絃細星斗俄從大珠吐飛行海外十洲間
免逐神官束簪組吁嗟乎我今亦厭簿書煩安得翛然

出塵土

博異志初得仙者修行七十萬日然後得至
諸天方得仙官職位主籙主符主印主衣

岳鄂王玉印歌

同年楊激芸所藏

黑人夾日天無光宣和玉鉞歸二郎誰能痛飲黃龍府
只見西湖一坏土銀瓶嬌女啼九淵此印幸未淪黃泉
故老麻抄皆一哭痛甚將軍二升鏃遺民盡化兵馬蟲
玉氣依然如白虹楊侯楊侯其寶此君曾見文官不愛
錢武臣不惜死

歲星歌題潤臣所藏明人畫東方生像

真龍下降倚蘭殿從此平原歲星見身長九尺眼懸珠
長安索米隨侏儒惜哉劉徹三尸亂漢武內傳王母云
劉徹好道然三尸
狡亂園雞鞠交馳平樂觀歲星擯棄妖星明思子臺前
兒弄兵葉侯從誰得此本衣摺分明氣深穩方今濟濟
登羣公伯夷京兆益扶風歲星有知當大笑馬遷之倫
何足道

題馮小亭秋窗課讀圖

南屏山色浮天綠下有馮君數椽屋髫年已誦等身書
慈母鳴機伴兒讀房星縱心星橫夜久猶聞兒讀聲五
更格格鷓鴣語兒讀未完母不許錢塘城郭十萬家今

通齋集

卷二

十四

懺花齋

日誰似馮探花使勤貴寵蓋此母義成宣文何足偶我
欲希韓奉卮酒

蕭山相國游龍杖歌

許慎生夫子命作

佞人不可相都蔗不可杖人中佼佼蕭山公杖亦不與
常人同挑枝鱗角棄不取獨愛老圃霜後之游龍盲風
晝號眾芳脫龍兮卓立根不撥相公謝病一事無借汝
扶老猶僮奴剪除枝蔓露頭角七八尺大蒼珊瑚柳翁
手中黑蛇滑若較此杖嫌伊粗我起為公如意舞袞職
終需仲山甫稷契為杖舜乃安豈得容公老環堵

題甘祺人南宋三十六軛圖

官寶應廣
文時得

白雁羣飛啄龍子崖嶠星沈鼓聲死趙家塊肉不能完
何況殘軀荆棘裏廣文先生真好事剗蘇剗苦翠盈几
依稀尙認漣水軍慘淡如披鐵函史八百年來同走丸
我開此卷心骨酸勸君莫作支頭用麥秀黍離千古痛
冬青花竟無開時磚兮磚兮知不知

哀漢江

大別山搖江水燃陽侯歛手避謝仙赤龍火鬣垂龍籠
祝融回祿相後先神兵靺股豹兩鞬下燔九地上際天
鹽艘四百估舶千獮騰捲入中流煎日慘無色風怒扇
人油涓瀟江爲羶哀哉商旅死可憐欲竟此曲心悵悵

通齋集

卷二

七

歲花盒

贈慧圓雲上人用壁間厲茶心太守韻

我昔寓此招提閒雜花一徑藏禪關勝朝舊邸無處問
日對倦鳥林端還重來老衲尙如舊喜見佛閣添華鬘
上人少時本儒士一朝薙髮除詩斑用東坡句意談經早令
都講服選佛更比丹霞閒廉州老守頃來此與師蠟屐
同躋攀牛頭雙闕插天半雲嶽雪瀑聲潺湲幅巾並坐
銀杏下笑指萬壑青螺鬢勝情勝具幾人及腰脚頗耐
山行艱上人借太守探牛首諸勝憩融法師銀杏下惜哉老守遽云効道產
遺愛啼南蠻行勝布鞵我亦有也思共踏青屣顏振衣
還上長干塔看徧江南江北山

九月十四日同定夫游天甯寺

蕭灑祗洹室莊嚴舍衛城烟嵐排闥起宰堵半空撐
引寒泉入苔纏古磬生誰云季鷹樂不復憶蓴羹

聞子密往臨洮

屹屹鳳林關君行幾日還河流穿積石驛路接岷山貧
士謀生拙他鄉作客艱邇來金玉友豈卽乏辛攀

送薇卿宰汝陽

驅馬古平輿山城百雉餘請詢王粲宅更訪賈逵渠政
要參寬猛權無假隸胥送君何所贈持此代瓊琚

戊申初秋偶作

通齋集

卷二

六

歲花盒

大帥今張嶷邊臺古不韋一麾蠻徼定萬里捷書飛洱

海傳烽靜昆明戰馬肥自天頒翠羽榮戟益光輝時林宮保

以承旨捷聞

洪澤濤何怒昭關壩已開河從鹽漬注潮打射陽來使

者非無策民生抑可哀客愁繁故里彈鋏起徘徊聞潘河帥

啟昭關大壩

海定酒樓與陳卓人憚次山小坐

何必杯槃舞休吟寶劍篇三人縮脚坐一飯杖頭錢水
淺魚標露風高雁字偏天居欣在望秋色正芊綿

送文若南歸

世路羊腸險斯人薑介無科名何踏蹬樽酒且踟躕
繪有高致張絃真大巫聊爲如意舞不用歎征途

送阮農部守平涼

五馬涇原去崆峒翠百重山川秦北地人物傳南客
勉作埋羹守甯論賣菜備無須一盃水自解擊強宗

題東阿旅舍

石亂不成路車行常有聲荒山無鳥語瘠土半墮耕
乘月投茅店澆愁喚菊生夜來鄉夢破樓鼓報嚴更

包刺史棣園

斗大江城內何年鑿洞天湖心橫小牒山脅出飛泉
樹懺花盒

通齋集

卷二

七

懺花盒

作羅紋細花爭玉導妍風流佳刺史應是十洲仙

宜陵

檣棹宜陵鎮忻逢上巳晴鳥窺漁網過羸蹠水車行
禿樹搯橋穩奔湍赴港鳴無心學樓護不問五侯鯖

惠山秦氏園

園借山爲壁沿山徧是泉桂香深入地松勢勁盤天
雨過疑圖繪風來若管絃此間如許住隨月抱琴眠

聞舅氏選新塗尉

又作江西吏烏篷泛蠶湖山禽啼木客村酒釀麻姑
金甌塵應滿烟霞興不孤爭傳仙尉好誰道一官龕

德州四女寺

山寺何蕭索黃昏杖策過荒埵藏殿穴癭木挂鷹窠
香火今難繼碑文漸欲磨予懷欽女士洵足配曹娥

懷李月汀先生

年來威望震遐陬惡少椎埋總就囚定有明珠還合浦
料無枹鼓駭炎洲輦丁解習中華字山獠俱焚獨木樓

歎我羈愁縈萬里何時刻燭季膺舟

處暑日與松泉先生及諸同年飲天甯精舍

同到隋皇塔下游滿庭裊屐盡風流蘭叢當午猶含潤
竹籟搖空已報秋兩省門生今日聚三元佳話異時畱

通齋集

卷二

六

懺花盒

嗟余末座真堪愧罰酒徒聞似孔劉

九日全來峯慕杜登黑窰廠

一上荒壇思渺然葦叢零落菊叢鮮蓬萊宮闕秋如畫
杜曲桑麻碧似烟斜日收回騎月雨方塘勒住出山泉

嗟子夢繞花村路葉墓登高溯往年

官軍勦布魯特獲勝

喜見西龕組練收繞歌一路到涼州射生幢主騎驄馬
款塞羌兒駕犛牛靈武城西千帳肅焉支山外萬峯秋

將軍猶恐天驕遁更度鳴沙斧望樓

布將軍進馬

賜名墨花驩

西極龍媒骨相殊三花翦鬣汗溝朱行經秦隴千山綠
價敵梁家一丈烏人道吉光昭瑞應天教太乙賜靈符
流沙早晚烽烟靜更有名駒達 上都

除夕陪座師樹齋先生守歲僧舍

風傳雪意徧天涯瑟瑟庭柯集凍鴉碧酒濃於螺子黛
紅爐暖護鼠姑花公雖官罷名逾盛我愧詩寒語不華
猶勝當年杜陵老椒盤守歲阿戎家

送吳丈蓮芬分守成都

三絕風流老鄭虔一麾遙赴蜀江邊班春定過嚴顏廟
載酒應逢落魄仙瓦屋鳥聲如念佛青城山色欲浮天

通齋集

卷二

九

識花盒

郵筒有便須分餉更乞新詩十樣牋

雄縣懷古

瓦橋關上雨聲來漠漠浮雲黯不開行旅爭投歸義驛
居人誰識病龍臺長壕水落黃沙厚廢堞烟昏畫角哀
有客臨風三太息君王神武相臣才

送楊御史形如觀察左江

豸冠持斧到邕州昔日籌邊尙有樓丹荔成陰攢蚨蝶
白鹽塗洞出糖牛崑崙關破諸儂散古剎泉荒絕徼秋
鐵面臺官誰不懼當令五管識賢侯

送少司馬鹿牀夫子致仕歸里

十年簪筆侍瀛洲忽厭承明想舊游行篋尙多求畫絹
歸裝惟覓載書舟丹青絕代閩中令金紫還山李鄴侯
誰值急流能勇退羨公五十正平頭

送銘公游五臺

名山隨處可盤桓何況臺懷是大觀紫岳千峯環鳥下
黃河一線走雲端天教龍母開香界僧指驢夷等彈丸
知到南臺便忘返金蓮花放巨于盤

觀音坪在紫霄中直上盤盤翠萬重半夜神燈如日月
十洲雲海盪心胸鉢囊儼對阿羅漢卯塔猶題鄧隱峯
定有天人來聽法煩師說偈付蛟龍

通齋集

卷二

三

識花盒

雙樹寺訪浩上人

虹橋路曲翠冥冥一徑松篁似畫屏茶竈添柴炊品字
蒲團對榻誦心經花陰小室生虛白石上窪尊剖帝青
我與此菴成故舊百年先澤未凋零

與俞朗夫僧可傳登雞籠山北極閣

崇巒直上拂烟霄峻閣陵空四望遙元武湖波秋瑟瑟
鍾山陵樹暮蕭蕭蒼藤翠壁蟠終古紫蓋黃旗閱幾朝
不用悲歌談往事羈愁且喚酒船澆雞籠與覆舟臺城
相接其下卽宋武

破桓元兵處上有北極閣明時觀象臺也
山陽有晉四陵及山簡墓今俱不可考

濟南大明湖

夙慕明湖恨未開浪游今日獲開顏
菰蘆深處誰家屋
楊柳陰中萬疊山樓閣巧填高樹缺
鷗鳧知逐小船還
試從真武祠前立如啟晶屏攬翠鬟

上元燈詞集宋人句示方牙穎

閨闔星辰北斗邊重來春色尚依然
攜觴步入千花界
畱得新春作上元張蘊 閩人德 方惟深 東坡

車馬長楊五柞中彩蟾倒影上浮空
銀缸吐豔相連屬
真是蓬萊第一峯晁詠之 二三馮熙載 曹組

門外兒童爆竹聲彤霞茜霧繞
楓棧昇平萬里同文軌
未必丹青畫得成方翥 王安中 馮熙載 趙季西

通齋集

卷二

三

誠花金盃

水邊楊柳一時青已覺銅瓶暖不冰
檢點生涯還自笑
家貧只挂舊年燈李昉 東坡 三四放翁

十年塵土暗衣巾懶逐兒曹載酒行
寫作新聲傳玉笛
夜深燈火識昇平陳序 范季隨 趙賜 王庭珪

送孫心毅同年之山右

荏苒星霜十二年眼看東海變桑田
白衣蒼狗經多少
不但羊翔落我前

又去河東覽霧圖沙陀還有斷碑無
知君健過張文水
十虎三彪盡掃除

句注羣峯斧劈開黃河一線自天來
邊隅正要君強項

不是尋常百里才

君到井門正早秋岫嶼山葉翠如油
應憐薄宦燕臺畔
依舊獼猴跨土牛

潤臣以八月二十一日祀竹垞先生出南垞著書

硯見示

翁是蕤鄉老釣師捉將官裏去多時
不知繡鴨灘頭樹
著色屏風剩幾枝

桐帽棕鞋稱老夫到今人說小長蘆
晚年自比村夫子
我恐天隨尚不如

穩臥空江赤馬船老來隨處便盤桓
誰知今日論詩者

通齋集

卷二

三

誠花金盃

只拜歸田七品官

侍讀詩名滿上都一門才望抵三蘇
篋中鮒血端溪硯
便是南垞笠屐圖硯背刻竹垞像

焦山雜咏

適有宋詩一卷在手因集之

高標雙闕海門開趙葵金不盡詞源滾滾來周必大 李季亨

如此江心快人意汪元量 龍慶府水心樓殿勝蓬萊花蕊天 人宮詞

纔入山來如許清方岳 月不多松亦作江聲方岳 春
偶然畫出尋詩意方岳 題漁笛漁榔上下鳴汪元量 日難興
小小茅亭面面寒方岳 雪連山樓觀亦耽耽孫觀 焦山
何妨偶入東坡夢晁補之來與彌陀共一龕東坡

淨掃石牀供晝寢

方岳獨往

遠邀山翠入軒窗

劉宰題戴氏別墅

金山共此一江水

蘇子由句

時去時來白鳥雙

亦劉宰句

東阿山行遇孫定夫

雨後羣峯翠掃天相逢一笑又淒然
宦游踪跡真難定君向瑤州我向燕

偶閱山經有感

嗟我朝昏計米薪一身憔悴一官貧
自然衣食何時有羨殺南方載國民

下邳阻雨贈徐彞舟同年

昨朝草壩雲如墨今夜圮橋雨似烟
不有鼎臣精解字

通齋集

卷二

三

藏花齋

茅亭剪燭倍蕭然

雕橋

蓮渚仙居舊有樓如今衰草翳荒邱
西韓清淺滹沱濁併向橋心作怒流

尚有紅蕖一二開雕橋非復舊池臺
射麋擊兔邯鄲客曾共袁絲載酒來

通齋集卷之三 癸丑年
作居多

江都 蔣超伯 叔起 著

山陰 宋澤元 瀛士 校刊

小齋詩

齋前隙地逾丈秋日雨晴命奴輩刪薙之疏土

膏架藜石補種蕉柏各一本石罅間以雞冠海

棠頓異舊觀

小齋只三楹隙地半畝寬呼童整亂石一一成峯巒黃

楊已齊屋老幹如蚪蟠雜花相掩映庭宇俄改觀伯淮

及季江與我同盤桓小姪如阿宜朋戲非一端略唾拭

通齋集

卷三

藏花齋

窗紙擊絲作風繞聞渠讀書聲釋我雙眉橫嗟予愧毛

義無日奉親權載誦明發篇淚落心博博每懼辱二人

何敢附十鑽惟此兄弟間友于分當完怡然共樽酒勝

似羞大官豈無饑寒人破褐纔掩醜莫嫌小齋狹尙足

歌考槃

哭馮小亭侍郎

庸夫惜此身八十不知老往往鐘漏殘猶貪夕陽好烈

士殊不然就義恥弗早自從岳州棄全楚勢如掃流氛

逼武昌烽火環江表侍郎真國士大義頗能了伏劍倉

猝聞英風振蒼昊在君又何憾顧我心如搗亂離頻喪

友痛哭荒山道未卜王濬冲何年識嵇紹

贈文若

弧矢暗江海黔首無安居採稻以為糧鑿穴以為廬劉

平與趙禮餓賊爭睚眦上衮機賢侯轉粟滄海隅先生

往從事竭勸籌兵精昨過君寓齋石笋三五株細紅與

淺白粲粲開鼠姑剪燭話深情欲去仍踟躕悼我賢汝

陽不幸中年徂 謂維至今澗水兒猶唱城上烏 用張

下只一卿吾道何其孤感君愛我厚邂逅皆良圖但願

景將軍南繚穢賊徒奉旂掃牛首俾我窮黎蘇與君共

酣飲棊槩相歡呼

通齋集

卷三

二

藏花齋

避寇山居友朋星散讀趙秋谷懷舊諸什因效顰

焉凡八章

有懷宋光祿晉

雪帆光祿稜稜有風岸視余猶弟汪吳兩編修

之亡也君銳為經紀贍其遺孤他事多類此余

所極不能忘者也

北風令人寒雲漢令人熱物情有炎涼榮悴非一轍惟

君殊不然見義一何決道逢任昉子葛屐蒙霜雪慷慨

論絕交旁人亦嗚咽士生斯世間所重惟氣節忠信苟

或騫虛名豈容竊何時尚冠里清言聽霏屑

有懷李學士承霖

兩人直 三天休沐必詣子寓迨予奉諱歸雨
人亦丁內艱返京口壬子四月訪子陋巷中三
日而別其尊人述齋先生病足厭處城市兩人
隨之入山

去年君訪我駐馬東隱菴今日我憶君悵望江之南紅
巾燎浮玉一炬焦龍潭官軍懦不前蟻賊何時戡聞君
奉親處小屋如禪龕門生與兒子共舁淵明籃縛屋鶴
林旁繞舍栽松枿亂離儻能定偕子爲幽探

有懷陳比部立

通齋集

卷三

三

懺花盒

卓人遠於經術人罕識之元遺山云我足天衢

彼責守閭我器函牛彼求柱車選部一拘同滯

賢愚古今豈相遠也

陳侯乃經師舊隱句曲裏潛心白虎通博覽曲臺禮衣
帶雖如繩嗜學罕其比伏牀熨背人一見輒不喜潦倒
郎署中門吏倨憑几我才不及卿何止三十里時危寇
氛熾相望不能已欲寄尺素書河枯少魴鯉

有懷何編修桂芬

新甫工南烹不飲粗茗謂余孤直所爲文章必
以示予予往往芟之了無愠意亦嶮崎磊落

人也

何君湖海士一洗儒生寒詆訶齊魯俗愛設郝茗餐又
好作水厄銅瓶不曾乾萱草供我曹紫茸奉旃檀雖無
樵青婢有僮解蘇蘭可惜鬢已蒼八年未遷官家住白
下門鐘山儼龍蟠追憶承平時使我心骨酸

有懷徐贊善玉豐

邵埭多文人徐氏爲望族贊善其尤著者

秦郵卅六湖潏潏從東注邵埭橫截之錢唐有餘怒其
中富英才粲粲挺瓊樹徐氏尤多賢宮贊乃經庫端坐
小齋中莊嚴似泥塑及與吾輩言豁若掃雲霧聞君將

通齋集

卷三

四

懺花盒

乞病買棹趨通路何時一樽酒抵掌傾積愫

有懷姚農曹光發

衡堂學術醇深恬於進取棄官歸養當世賢之

農曹工翰墨譽滿京華中改官了不愠振棹歸吳淞衫
衣奉老親樂於作三公偃鼠忽人立妖氛徧江東華亭
去咫尺曷以摧其鋒我生固多難子遇何其窮南望細
林山浮雲曖羣峯傳書乏黃耳憂思來忡忡

有懷汪翰林承元

翰林爲人沈毅渾樸無搭孫慙詐之行今之端
士也

慕杜今古人森然若縱椶楷書摹平原透紙有餘力此
外惟嗜碁局上劫方急十年滯京輦屢折垂天翼艱難
登一第邊圉已孔棘賊騎犯夷門烽烟照南極想君壯
士懷不作兒女泣報恩在此時彫劫何以戢

有懷楊太令丞照兼悼鍾舍人淮

甲辰在都與楊鍾二君同寓琉璃廠廟中今舍
人戰死大令宦牂牁相隔六千餘里撫今追昔
爰爲此章

曩寓火神祠朝夕鍾與楊舍人今戰死馬革埋江鄉使
君雖健甚遠宦天一方死者不復生鼓吹添悲涼存者

通齋集

卷三

五

懺花盒

見何時萬疊黔山蒼安得龍坑馬送汝置我旁同招烈
士魂大江降巫陽庶幾寫哀思不異調清商

次韻東俞蔭甫

東方諫珂鳥識者惟師曠佛狸九種鹽知之僅張暢博
雅人所難文章鮮豪放君真書櫃子愛我屢過訪湖海
氣何豪歌行世無兩有如三峽雄遙挹百川漲我誦君
之詩踈踈神往譬夜觀斗星乘舟知所向方今旁求
切帝握鳳麟網豈惟鄭巨君得設雲母障所憂殘
寇在江上多風浪將軍凶門出鼓角聲悲壯金陵穴未
搜瓜步兵猶張何時鴉兒軍一鼓殄巢讓蕪盡嬰兒頭

無復蝨緣桁君當作鏡歌我亦擊鞞唱仍爲龍樹游一
賭觥籌量

天禧江甯酒務銅印歌爲上元甘君作

來和天尊宋天子晚得佳兒燧人氏天書玉匱今已空
只有酒務留頑銅甘侯道是蠟茶色邀我賦詩頻拂拭
如今白下賊鋒狂中宵斬馬玉麟堂牛頭雙闕成戰場
天狗夜墮星無光還君銅印流涕滂短歌微吟不能長
夜自雄縣渡河有感

兩舟縛爲一僅能容一車我車凡數輛夜渡何喧譁北
風船逆上湍急中多沙憶我兩橋莊織竹爲籬笆秋廚

通齋集

卷三

六

懺花盒

餽杞菊春水足魚蝦屋賃二萬錢庭羅四時花童稚嬉
我前雁雁兼牙牙何爲捨此樂孤宦天一涯

哀歌行

蟻賊東來瞰溢浦巨艦如雲雷戰鼓皖江樓閣倏成灰
惡少跳踉殺巡撫東西梁山界狂寇不戰偏能巧爲奏
三山街血盈尺深烟霾白晝天沈沈
白晝沈沈天欲泣鬼車軋軋陰風急扶攜老幼爭出城
親故相逢盡嗚咽皓髮司農年八十忍啟重門延盜入
安得賢侯彭子陽強弩大戟不可當
亭午喧言賊軍至毒焰先燒福緣寺天甯法淨次第焚

蓮性淨圖立黃幟琅玕叢前九老松平日狀與盤螭同
可憐全付劫灰中十門火起天爲紅

黃昏縱火朝掠人搜牢不論富與貧長刀霍霍扣人頸
驅遣婦孺登城闔嗟我龍鍾在空谷日盼官兵仰天哭
無人送米王脩齡何處壺天棲玉屏

西川壯士行

西川壯士從軍樂誓殄黃巾縛張角南山猛虎皮作鞍
東海長人骨爲槩三更潛入賊壘中短鋏如電身如風
剋賊心肝取賊膽賊血洒旂千點紅奉先昔藉叟兵力
板楯今成馮緄功

道齋集

卷三

七

懺花盒

緊那羅王歌

少林寺伽藍神也癸丑五月神御登封之賊英

中丞柱以聞

蚩尤霧重嵩雲黑父老蒼黃搗藺石金剛一杵半空飛
十萬脩羅皆變色赤髭白足騰如風一喝何止三日聲
輾轉大道通峭谷枹鼓稀鳴神所福世間不少粥飯僧
進退無策空模稜

瞿將軍歌

悼鄖陽總鎮瞿騰龍也

金鞍鐵象如風駛燐燐雙眸電光紫手提長劍阿旬始

誓掃妖星報天子江頭雲氣紛羊豕壞屋頽垣勢難止
宇宙茫茫誰不死烈矣將軍耀青史

白沙尙書行

哀吳尙書文鎔也甲寅正月十五日賊竄黃州
尙書戰歿同時殉難者有湖北按察使唐公樹
義

白沙尙書雙鬢雪帝遣昆明持玉節去年徒鎮古沙羨
便著戎裝屯大別昏昏山霧墮天雁蹒蹒浮雲同伏籠
盧循戰艦蔽江來金斗濡須盡流血上游形勢邾城重
赤壁摩空如削鐵尙書滅賊心何雄身騎天廐懸光聰

道齋集

卷三

八

懺花盒

豈意金錢買燈夜忽來闐闐焚輪風焚輪風疾鳴鏑亂
吹折旌竿偃朱蒜賊軍有似鐵浮圖鬼箭沿溪排不斷
兩軍相搏風沙黑絳袖雨當如血色可憐王帳怪鴟鳴
拔劍銜鬚詬狂賊同時慷慨有唐公擊賊捐軀江水中
阿耨光顏不識字忍以譌語誣英雄華嚴菴畔重岡繞
白馬西來引旒旒他年楊震墓門前定琢豐碑鐫大鳥
尙書夫人墓在揚
州金匱山華嚴菴

宏恩寺

萬株巨栝蟠蒼鐵天祿雙蹲碑未折行人說是相公墳
襲紫傳龜凡幾葉明宰相李春芳家三百年來陵谷變滿目浮

雲與飛燕將軍逐寇駐西郊長戟如霜馬如電相公墳
樹摧爲薪松柏青青無一存狐戴鬪體嬉白晝鴉呼魘
鬼哭黃昏憶昔賓僚爭送葬畫雉青旂長 丈當年穿
象象祁連此日誰人哀故相勿爲前朝故相悲人間富
貴總堪危請看石馬雷塘路惡少磨刀太傅碑

銀槍小葛行

咸豐五年十二月御史宗稷辰上言故總兵葛
雲飛當島彝攻陷定海之時血戰而歿臣前爲
奏請廟食其鄉蒙恩俞允邑之父老且感且泣

今年二月雲飛次子都司以敦於湖北應城奮

通齋集

卷三

九

懺花盒

擊賊軍力竭而死以敦驍勇如其父賊眾畏之
號爲銀槍小葛允宜祀父側庶士民益知觀
感並於雲飛傳後附纂事迹出自聖裁 天子
俞所請爰賦是篇命曰銀槍小葛行云

白雁關頭山霧重賊騎如蜂瞰雲夢黃驄年少裹尸還
父老環觀皆一慟往日而翁勇冠倫大船旗鼓似江神
海濱說是分身將徼外呼爲著翅人不料句章烽火急
血灑蛟門至今碧阿奴哭對淺黃衫帳下空傳雙鐵戟
郎君骯髒有家風共道三靈繼高蟲盤稍閑騎紫駟馬
談兵能折白猿翁會臬鐵脛還河畔慣擊紅巾夢澤中

可奈流星如碎炭夜半前營噴火彈鴉鷓嘯雨陰風急
敗屨沿途健兒散健兒散盡賊益前白幡素傘來翩翩
郎君慷慨呼幢主我父敖曹地上虎甬東血戰世皆知
我若偷生玷門戶沙場戰死是男兒瓜蒂療黃安足數
大呼擊賊揮銀槍恨不生擒西海王斬弓及馬因自殺
凜凜英風驅國殤長齋御史陳其事 聖主褒忠許從
祀中丞再拜奠椒漿毅魄應從襄漢至嗚呼金張七葉
珥漢貂延年兄弟皆大僚若論海內奇男子須數山東
葛一條

題葉潤臣子產廟碑拓本

通齋集

卷三

十

懺花盒

葉侯門望東州伏手拓殘碑呼我讀芳洲烏散翠萍開
筆意宛然韓擇木諦觀乃是國僑碑天寶年間人著錄
雖云點畫半癡朕論價宜酬珠一斛我聞子產多神異
曾助河南李都督柘弓驕虜昔披猖荆棘銅駝遺老哭
神兵一出虎牢堅元海諸郎俄赤族從茲五馬得偏安
斗大江淮駐黃屋可見斯人功不朽豈但春秋食其福
東里之祠今在否宜令吾民免荼毒培養黎元須惠人
太息殘碑更三復

聞銘師結夏五臺遂往田盤賦寄

我愛田盤好亭亭亦五臺怪松皆合抱舍利慣飛來紫

蓋雲閒出龍池石縫開想師行脚處踏徧上方苔

哭汪尊卿太史

六載都門任寒宵迭唱酬舊聞搜日下明月話揚州司
命何無賴遺文孰校讐傷心丹旆影搖落過盧溝

曾踏廬峯翠朱幡歷豫章江雲添畫稿詩句徧奚囊婦
縱如徐悱年纔抵謝莊法華兼老子相伴閉黃腸君年只四

九十

前日君書至猶言禮戒壇西山三百寺回首暮雲寒淨

世真如夢遺函不忍看何期成死別灑淚望長安君以十月

十一日卒初七日猶寄書述西山之遊并許以詩見示

通齋集

卷三

十一

懺花盒

哭姨姪何錦

纔見英華茁偏招鬼物憎湖神索銀杖阿母哭青燈悼

汝孤魂苦嗟子萬感增當年矜下著豪侈說何曾生先世阜

於財珠服玉饌至生始成孤寒

傷亂

聞道田夫說官軍昨夜過捉人移巨礮放馬踐新禾對

對應難免瘡痍自此多賊梳兵復篋愁絕為悲歌

山居

依山賃一壠野趣頗蕭然偶展方榻坐還為曲尺眠雨

滋聯菜嫩雲簇礪松圓悵望新塘路何時碟李全

題談允齋課農圖

自署耒耜子新編耒耜經種魚開淺沼髡柳結高亭藏
核容三斗圍腰厭萬釘北湖烟水裏幽絕似空舡

哭李孳齋朱卧雲兩同年

弱冠鄙江宰航航冠一州破家招戰士斬馬祭蚩尤疆
項如君少遺民盡淚流英風兼俠骨廟食定千秋

更憶朱公叔臨危氣不撓名高一逢掖烈比七功曹戰

壘連金斗荒墳葬寶刀與君情最篤能勿慟江皋

二穉今難得英姿更妙年俱堪假雄職並可任中堅摧

折甯非命歛歔欲問天翻疑雙玉樹兵解作飛仙

通齋集

卷三

三

懺花盒

阻風白茆湖

蘆花一股水黃庶宿趙屯句楊柳萬株烟天末驚濤怒湖心小

卓圓東風狂竟日南國亂經年白馬金門賊何時絕蔓

延

寄唐伯華

洛水連雞澤還從鉅鹿行回波無止處如我望君情又

見門丞換何嘗吠犬驚新年當把襪五馬向春明

青駝寺

殘月青駝寺蒼茫賦北征車從山腹度石共馬蹏爭岳

近諸巒秀年豐悍俗更巖置何以固盜賊正縱橫

渡宿遷大河

汨汨長河怒森森太白明客先孤雁起舟載大車行水
驛無停驂江鄉正用兵終軍年未老尙擬請長纓

同葉潤臣汪仲穆登普濟寺樓

顛鵲風狂甚城西不可游相邀登梵宇小坐就湖樓老
枯楮雲健疏鐘隔浦幽盈盈好烟水思買釣魚舟欲郊
風所

哭楊杏農刺史丁巳五月一日雨中作

蕭蕭月額雨仲夏似深秋遠憶黔中友潛然涕泗流一
官貧若洗百戰死方休料得偏橋路遺民哭故侯

通齋集

卷三

三

懺花盒

疇昔火神廟同君朝夕居亂離成永訣兒女近何如萬
里難歸骨重泉悔讀書不知關索嶺盜賊幾時除

螢苑四十韻

疇昔嵯網盛淮東第一州簾俱垂疇疇礎盡琢瑋瑋臨
水開珠閣看山捲翠幃移春花簇檻乞巧錦裝樓金勝
零都穴香逾聚窟州八銖身毒鏡九色吉光裘壁篆黃
仙鶴屏圖烏駝牛爐烟熏篤耨棋局列文楸霜鏢鰓紋
劍雷回獸耳貞鼎錯兼七妙盃酒散千憂屋布宣城毯
窗糊濮院綢機關施傀備樂部集俳優逸響蕤寶鐵繁
聲處土甌投壺遙激矢射覆暗藏闔李似韓終獻瓜教

越女浮關門留刺史連騎結諸侯一自邊烽急堪爲大

吏羞黃灣誰鑿塹香阜競維舟但說營三窟無聞運一

籌眞同秦火酷愁聽楚人味填井屍難數搜牢法頗周

康莊埋鹿角祠宇輟軀腹甌甌饑魂泣蘇蘇淚血流跳

跟誇鐵脛猖獗或黃頭東海波都沸南冠士盡囚驅人

指蘭石築壘就甌窶天狗如雷墮朱孺傅翼游戰場雲

慘淡落日鬼咿嘍上將旌麾肅諸軍礮械稠初來疑拔

趙久駐等圍鄴地扼重崗隘城經十月收蝨皆生甲冑

貂幸出兜鍪破堞餘衰草精藍剝廢工圍摧松偃蓋衢

長茵中植笛罷紅桃擲箏停絳樹撈舊游成夢幻新恨

通齋集

卷三

四

懺花盒

益綢繆笑我懷鉛槧逢人嘆蒯緱言饑欲死雄賦畔
牢愁瓠史教奴質松醪爲客務所求鐫履掃糺縵作虞

謳

感憤

擾擾東南羽檄馳檠茅原自太平時九江都尉無勝撫
三部渠魁號左髭鹽莢規模方改易柴桑門戶孰支持
致成薄海膏肓禍今日疇工扁鵲醫
猶憶流氛未熾時滿城炬赫漢官儀虎蹲銅礮連檣至
鶴膝鈴釘夾路馳何意中宵潛釋甲翻令羣盜競登陴
紛紛貉子居然過當道熊羆繫我思

何物人公與地公敢與妖讖煽羣兇匝天黃霧逾三日
圍軫蒼雲且七重名墅大都歸劫火精藍無復動晨鐘
蜀岡西畔君休望翠壁蕭條失萬松

卜範公然據覆舟 至尊宵旰不勝憂牛頭自古稱
天闕鵲外何人控上游華表摧殘三大寺將星零落五
諸侯皮冠玉印終當珍悵望江雲涕泗流

曉發邵伯湖感賦

雨過疏篷枕簟涼便移孤艇就漁莊烟村都似濃藍色
曙月難爭太白光鷺渚鷺汀何寂寞抵根牛角正跳頭
幾人殺賊懸金印怕聽隣舟說武昌時聞武昌又陷

通齋集

卷三

五

懺花盒

聞雨人所居不戒於火徙家如臬

命宮磨蝎復奚言從此蘭成去小園寢處有雷焚柏樹
山中何地鑿桃源頻年戰鼓滄江沸一舸浮家小市喧
聞說倚樓人亦病不堪南榜說三元君庚子大魁余乙巳禮闈第一與解元趙疏樵爲己亥三元今皆竹煙無得意者

賊退

賊退孤城尙巋然淒淒霜淞白迷天豈無荆棘遺寒朗
更恐荏苒藪闕宣賊竄瓜渚而勇目李興清又潰入靈泗轉戍已經三歲
久亂離難得一家全虎斑突騎屯江上乘勝應須蕩八
埏

蕪城雜詠

小秦淮畔水關頭蓆裏浮屍聚不流但見草生清淨院
更無人喚富春舟青燐花市添新鬼蠟屐茶街失舊游
南亢北安休再溯自經兵火愈牢愁小秦淮富春舟清淨巷在天心墩旁後卽天甯門花市

下馬重岡涕淚零隔江山色欠分明雁堂非復祇洄舍

虎落新成漢將營雙塔撐雲雖未改百壺澆恨不能平

崔盧韻事難重說但願淮東得偃兵平山堂康熙間崔轉運華乾隆中

盧雅兩先生俱山堂修禊

城上疏闌近斗魁茱萸灣水尙滌洄福緣寺燬無遺礎

通齋集

卷三

六

懺花盒

古渡橋傾只斷桅慘甚咸陽三月火窮於艮岳一堆灰

衰翁泣話延燒夜烈烈狂風挾地雷安江門樓

往日繁華多子街參差白骨積如柴黃天豈爲羣妖立

紅粉都從此地埋石上偶遺銀鑿落瓦間時露繡弓鞋

從今莫唱揚州好黎調聲聲淚滿懷多子街設女館處

紹蟬家世本文通鹽莢聲華一代雄雅望歸然秋玉後

好山都到草堂中至今父老思江總一半園林借阮公

此日悽迷無片瓦誰攜尊酒弔東風康山鶴亭方伯與馬秋玉後先輝

映身後山堂入官阮太傅借居秋聲館

小五臺前剩釣磯去年曾樹漢旌旗楊彪虛負蒼生望

馮煥窟貽烈士譏僧院淒涼香阜壞市門搖落米船稀
欲尋禪智渾難認惟有河干柳拂衣小五臺

峨峨附郭廣儲倉上有甘泉舊講堂多士風流推管謝

一時山長說姚王那知劫火焦華表時見冤禽下葦塘

閣部衣冠應太息梅花嶺亦付紅羊梅花書院 管謂
管公一清謝謂謝

公洛生姚王謂姬傳罕
皆爾先生先後主講

一柱蕭然宰堵波綠楊還似舊官河僧房火後皆藜棘

戰壘秋深長薜蘿白馬流蘇悲庾亮蒼頭大力憚摩訶

可憐雁戶思家淚應比三义水更多三义河

得何編修泰州來書有感

通齋集

卷三

七

藏花盒

橋南小市樹槎枒二月村梅未有花嘆我棲遲偕野老

與君淪落各天涯又傳夏邑烽烟滿愁聽春江鼓角譁

時有賊自六安連陷
蒙城永城夏邑之信遙想同家窪側注暖湯濯足咏彭

衙新甫避寇於
州東馬家莊

將赴京師聞山左寇警然僕意不可止作此示諸

友人

壽良城外賊連營濟水非如往日清州郡莫拘三五法

間舉奇材
異能之士詔書已命五陽兵饑腸自古多奇策款段何

妨作遠行勝似青油戎幕下眉摧腰折向宣明

挽黃樹齋先生

了無塵垢在心胸和嶠森森千丈松神海諸夷傳奏疏
蘭臺令史憚威容罷官擬卧滄江上攜酒還登太室峯
我望匡廬頻灑淚不才曾忝密雲龍

郊城道中作示冰谷甥

岡重嶺復三齊地柿赤梨黃九月天與汝此行非得已

入都生計總茫然長途莫灑唐衢淚壯志須爭祖逸鞭

兵火亂離休再說海沂今歲幸豐年

重九發蒙陰

駐馬登高氣象雄千崖新剖紺芙蓉霜催沂水趨淮海

雲挾蒙山拱岱宗爽氣欲凌沙苑鶴壯游不假葛陂龍

通齋集

卷三

六

藏花盒

心頭壘塊都澆盡旅店茱萸酒正濃

阜城道中作

無鱗無角斷非龍當日居然賺婦翁豈悟阿檀頭已禿

卻疑天水運真窮癡心也冀中原鹿荒芻惟餘主簿蟲

愿城縣志劉
豫墓產蝟聞道昌陵排鐵杖九京應見鬼脣紅鐵杖
語本

韓世忠鬼脣
字本劉克莊

與宋光祿集諸同年小飲

尊鱸何用意江東遼海鱈味頗工珥筆含香皆貴客

分廳喫食兩端公葭依玉樹吾真愧字挂朱衣格並同

皆已亥
同年惆悵劉郎南斗立此時方傑日華宮兩端公謂
王景澄包

煒二侍御劉熙載
編修以入直未來

和沈蓮叔先生六十初度述懷原韻

聞道三潭自采蓴符簪小艇伴閒身已諳句漏丹砂訣
全洗東華裋褐塵樽酒醉吟湖上月弓衣傳唱嶺南人
我思相訪吳山下共把鷺兒菊米春

遙想西湖日日過謝公詩侶結羊何清齋慣守庚申日
流俗休誇甲乙科自種瓠瓜供酒器新裁袴衫配漁簑
誰云挂壁龍泉鈍寶氣干霄不待磨

憶昨西沽戟府開清名無異宦江淮鯨魚不聽人持賣
廐馬長教午作齋笑煞王戎真俗物何憂丁謚正厓柴

通齋集

卷三

七

藏花盒

彤騶赤棒非公好佳句明珠一一排

同年李宮贊載熙太夫人八十壽

駐顏何用飯胡麻八十談經擁絳紗月下偶扶桃竹杖
牆頭開徧木棉花鰾魚佐酒賓朋盛駟馬盈門闕闕華
自古仙人住南極不須萬石羨嚴家

李光句云南極多
老人及見九代孫

十月十七日放翁生日集丁頤伯農部齋中

龜堂一老鼓旗雄拜賜虛皇號放翁白石未堪充上將
南湖或可作先鋒當年縱飲華燈爨此日披圖畫筆工
我欲衣冠挂神武學公散髮醉垂虹

贈徐孟卿太守

會從上將掃高唐千騎瑠玕戈出射堂牛酒權騰齊父老
山河還是漢金湯望塵測虜無遺算敵鎭旋都尙急裝
此去車轡當畫鹿何須彌尾置南牆

和葉潤臣席間偶成原韻

積雨初晴月上弦春郊花木漸蒼然幸無朝請客疏懶
愛讀君詩恐宿緣案上楞嚴聊破寂天涯鼓角又經年
不知油幕談兵者可識軒皇十六篇

讀汪光祿應庚平山堂志疊前韻

怕聽鼙鼓奏四弦故鄉兵火一潸然又添叢菊環禪智
空有殘碑誌福緣父老誅求都見骨荒城蕭索不知年

通齋集

卷三

三

藏花盒

舊游到處俱荆棘愁看山堂志一編

葉潤臣孔繡山以四月三日招同人報國寺展禱

招提深處啟疏檮藹藹松篁疊翠屏一稜名花乾道紫
數重奇石太湖青何妨置酒呼三雅不用圍腰羨萬釘
我似羊劉參末坐天教此會繼蘭亭

幸得浮生半日閒顧祠高會復容攀

是日祭亭
林先生滿堂裙

屐皆風雅二老聲名重斗山

謂陶張
兩侍郎

偶倒接羅芳草上

忽聞幽磬古松閒龍興芍藥今開否愁向花前說故關
六月中旬連雨

恐是天瓢倒半空阿香終日喚雷公槐根徧發虬螭角

花徑摧殘病鶴籠，雲頭如壞屋昏昏。羽氣欲乘宮
用漢書李尋語晉灼曰羽北方水也宮中央土也淮南赤地今千里，擬撰移文
誚雨工。家書言淮揚久不雨下河可涉北湖皆涸

次韻荅葉潤臣

十斛明珠未足酬，蒼然詩格跨青邱。壺頭此日悲新息

聞江南大帥向榮卒於軍款段何年學少游，茅舍不妨蝸殼大湖田。

須爲鶴糧謀與君，並有江南思愁說秦淮。舊酒樓。

人日繡山韓齋小飲，坐有朝鮮吳亦梅。安柯齋兩

從事

漸覺東風拂畫窗，宣南冰已露橋樁。主人新釀鷄鳴酒。

通齋集

卷三

三

懺花盃

二客來從鴨綠江，一飲百觚嫌未痛。詩篇畫筆總無雙。

明年海上仙槎到，同赴陶然訪石幢。

元夕東潤臣

放燈佳節弛金吾，眞有三官下界無。釜底亨婁難預料。

樹頭殘雪尙模糊，共將醅酌歡伯懶。逐兒曹問戚姑。

最是先生詩筆健，欲求佳什詠番爐。

荅小寅

強逐郎官控玉珂，八重天路峻難摩。書來弟妹流離甚。

亂後心腸罣礙多，君是無官貧諫議。我同有髮病頭陀。

虎拖虎犢當頭健，爲問兒曹近若何。

聞小寅生阿樞詩以賀之

自從分手兩橋莊，苒苒駒暉又一霜。豐歲縱占三滿斗，
離懷似結九回腸。忽傳好語來天末，宛見佳兒戲我旁。
不但阿宜頭角露，祝君多子比樞房。

吳稼軒舍人招飲

海鷗小椀玉團團，按譜除紅四座懽。薄宦未隨瓜暗長，
春愁賴有酒能寬。眞堪痛飲投車轄，勝似饑驅逐彈丸。
屈指長干江畔路，明年定可斬諸桓。

和董醞卿觀察見寄原韻

君是楞嚴十種仙，循聲遠過趙張前。分書不但工鈎格。

通齋集

卷三

三

懺花盃

籌算兼能析橢圓，芳草一池藏鷺影。刀圭竟日試龍涎。

嗟予隴種眞堪誚，有似三年待木鷲。

和壁閒朱伯韓韻

六官大抵取充位，三品何能知相書。鄉思滿懷驅不退，
雨聲通夜密還疏。休言賜帛倡優等，久已游心遠古初。
想見蕭然瘦驄馬，飽看山水到桐廬。近聞伯韓往浙中

題室東小齋

蕭齋結構只三楹，一樹丁香媚晚晴。薄宦驅人成老大，
長安索米又清明。芟除舊句償詩債，掃盪新愁賴酒兵。
冢畔顧榮何足責，驍游常伯等浮名。

自憐撼樹似蚍蜉兀坐書叢手校讐客到小齋同說餅
春寒三月尚披裘舊游數憶龍興院鄉夢遙縈佛感淵
五弟書來說沙頭時有寇警 寒食清明都過了幾家墟墓有松楸揚郡民家墓樹遭兵擾無一存者

寄小寅

搔首天涯盼夕曛君應憐我我憐君窟頭鏃脚方得意
狗頰羊頭何足云慘慘江湖多白骨紛紛雞犬戲青雲
狂歌欲就茅司命乞取朱兒一二斤

久不得調故人多見詢者賦答

一絢絲得幾多時可嘆兒曹總未知解事無如前定錄

通齋集

卷三

三

懺花盒

傷心怕看七哀詩春風邗水人烟少落日巢湖鼓角悲

江淮大旱糧米騰貴舒廬賊勢復張 傍馬捉車何足道天涯搔首淚雙垂

哭仲兄小寅六首

天教磨蝎坐身宮不但文窮又智窮數口荒城依俗吏
卅年矮屋困英雄傷心怕說姜眩被舉世方誇崔烈銅
尚有侯光妻子在何人資送到扶風

黃土淒涼掩素棺誰人到此不心酸嬌癡兒女千行淚
倉猝神仙六等官昏嫁未完君莫恨支持在我責難寬
如逢伯子重泉下可似連牀曩日歡

今古原歸貉一丘嘆君身世太牢愁苦吟所嘔皆心血

垂死惟聞豎指頭恨煞庸醫投竹漚淒然孤芻伴松楸
從今九月茱萸放誰把銀盤壽子由子與兄同日生丁未歲兄寄余詩有

云最憐與子同生日遙把旃檀壽卯君

一覽遺文一涕零人生似此恨難平道旁鬼暗邪揄笑
亂後詩多偏仄行縱使蓉城需作主可堪瓜埠未休兵
衰門大異從前盛鉅下今惟剩二卿

三十年來等一炊偶思前事不勝悲仙人杏若珊瑚綴

舊宅綵衣街有寶相花如火齊垂 辛卯家中落先君一

大杏樹如車蓋復徙真君殿西最後移馬市口太平缸巷中 聯襟春游

書齋寶相花極大爛若錦被下貼湖石數峯 同蠟屐挑燈夜讀共書帷每屆花時兩兄必挈余同游

通齋集

卷三

三

懺花盒

到今一一從頭說大似華胥夢醒時

蘭蕊凋殘七月天停帆料理輟餐錢蘭弟生時先君夢

慶蘭壬辰秋以痘殤時小寅將赴金陵傾囊為弟營葬 當時每聽先君說諸子無

如仲氏賢小別不圖成永訣得歸難定是何年遙知虎

犢應消瘦安得鴛鴦送我前

哭讓耦笙

何事脩文遽見招阿容猶小阿璋嬌他年若遂歸田願

忍更舟經黃珏橋

料理黔婁只病妻新墳蕭瑟伴棠梨羈魂莫向樊山去

落日滄江咽鼓聲

朱仙鎮謁岳王廟

那堪重唱白符鳩杜宇聲聲淚血流從此八陵荒草徧
十分打扮向杭州

漫道黃羅入九宮桃溪遺墨恨無窮挂冠神武周三畏
合寫仙姿畫壁中

道服深宮著幾年東朝原識鄂王賢光堯已願爲劉豫
賜斷開封作上元

此獄俄歸地藏王老秦姦魄鐵銀鐺千秋唾罵東窗事
何待標題六檜堂

行都巧被鳳山遮南渡君臣事事奢瓦屋百間雙水碓
道齋集

卷三

三

藏花盒

清貧只有岳翁翁

邢臺懷古

鞞鐸聲中霸業開土龍亦是不凡才永明自命須眉異
終見朱絲縛肘來

蜀王大似劉元德四十餘年霸錦官斜日龍岡一回首
白楊衰草夕漫漫

後蜀高祖孟知祥
邢州龍岡人也

通齋集卷之四

官密院烏臺及赴桂林後作

江都 蔣超伯 叔起 著

山陰 宋澤元 瀛士 校刊

天王寺訪菊長春僧舍小酌次潤臣韻

吾鄉那堪說賊壘龜山寺往日開明橋寂寞無列肆南

郊木陳塔其下屯鐵騎蟲蝗復為災淮左皆赤地曷以

遣我憂香界參師利花間茸客健殿角松陰闕茱萸雖

未開儘可謀一醉人生行樂耳貴在適吾意

葉侯真大雅下筆如有神汪君乃二寶風骨何嶙峋

穆同訪水齋碑膜拜金相輪急風吹雨來剪燭開酒樽

通齋集

卷四

懺花齋

月公吾郡人話舊情更親此菴得月公水齋迹未泯雨

餘鐘梵聲入耳倍清新聊為鑿餅喻不用嘆空困

同葉潤臣朱伯韓汪仲穆陳凝甫龍泉寺步月

賈人驚維刀仕宦爭捷徑為術雖有殊嗜利則同病何

如方外好到處無機穽快哉龍泉游宛入鷺子定結璘

真解事捧出大圓鏡空庭如潑水竹柏成藻荇舉頭眺

天末朗朗懸斗柄伊蒲饌紛設賓主觴交媵最是葉侯

豪冷然吐高詠他年作圖畫定許畱名姓

次韻酬符南樵

君家艾湖上累葉騰清芳君詩一何豪粲若羅霞觴得

無有異書纍纍枕中藏曹鄴何足言譬彼齊楚強浩浩

湖海氣得名三十霜惜哉大鵬翮暫輟垂天翔昨游報

國寺酷愛松髯蒼援毫賦長句詞意尤激昂世無曹正

生季布誰游揚又無鮑司隸誰敢摧孔光馬錢及牛稅

擾擾盈江鄉我欲縛茅亭香火依覺皇瓜疇引翠蔓椹

籬綴蒼傷自署散人銜快若銘旗常聊一和君詩展卷

增徬徨

題劉雲齋詩集次符南樵韻

良母日鷓張上將無呂虔我因薄祿來君亦名韞擊相

逢各獻欬世事多變遷愧我非掌故奇君同鄧先示我

通齋集

卷四

二

懺花齋

數百章詞意何芊綿維舟艾湖側弔古張王阡淒涼牽

車嘆慷慨淮陰篇頗近七哀詩前身疑仲宣嗟彼仗鉞

人有如飲狂泉談笑築長圍日日烹肥鮮寸木搯岑樓

其勢能無顛可憐蜀岡上白晝狐狸眠萬松伐為薪四

顧無人煙較諸癸丑歲是役尤遷延請增新樂府一一

呼蒼天喟然還君詩山澤多遺賢時揚郡再陷賊據城數日又退入瓜洲托

將軍雷方伯等皆禡職都統德興阿少詹翁同書代之

丁巳三月十六日作

是日先慈忌日

我家彩衣里大父稱素封我母來歸時并日皆自供子

女十一人衣履親裁縫皤然一老婢此外無奴僮怡怡

盡婦職上奉姑與公

先妣來歸事祖姑李太孺人家門

忽中落賃屋移城東

道光辛卯年

其年適大水餅金易一鍾

艱苦不可言而外無戚容伯兄倏下世繼又遭鞠詘

夏六月伯兄蔚卿卒

逾年府君歸道山男昏與女嫁心血困之窮不肖有

何知計借捷南宮欲買潞河船奉母來都中

庚戌乞假歸觀天

乎不我與慟哭憑棺執

先妣遺超同鄰辛亥四月遽聞訃

四圍樹青松豈期紅襖亂骨肉猶飄蓬去年復大旱徧

野皆螟螣仲兄客射陽生計同書備

小寅就館寶應

錢數椽託村翁

漱芝仍寓兩橋莊

雖有微祿憔悴號寒蟲追思彩衣里兵後人煙空復聞

通齋集

卷四

三

懺花盒

雙墩旁一一山皆童上負慈母恩曷忍言折菱又乏連

牀歡愧彼南飛鴻所願狂寇平不見白獸烽便當營丙

舍歸作平地農

送錢子奇之官武林

子奇朝扣門云將適秦稽追話廿年前往事何悽悽君

住石牌樓我家馬市西二錢與三蔣文戰名相齊蔚卿

最先歿孤親埋黃泥曉瀛去年亡室內惟孤發每共子

奇言夜與輒悲啼傷我伯與仲九京志空齋今朝見君

行能不垂涕洟勿嫌墨綬卑泛泛如鳧鷖當爲馮季孫

健氣凌虹霓方今括蒼危賊瞰老鼠梯桃花如劍閣一

潰將噬臍敝隘戎馬間此去多鼓聲送君更何言努力
救窮黎尺書數寄我莫惜勤封題

題華秋岳東坡承天寺步月圖兼柬潤臣

新羅山人華秋岳往在淮南多傑作我家舊有豆棚圖

黃葉蕭疏峯一角自從賊騎飲英灣舊日圖書嘆零落

此本君從何處得如見山人氣盤礴脩篁畧點鱗魚斑

怪石森同鶴鶩啄五通仙人尤逼肖阿堵傳神何躍躍

同時六法多名手李鱣揚良俱不惡方生極力仿倪黃

謂方士顏嶧兼能寫樓閣獨愛山人生趣足妙解通靈

去糟粕丹青妙手近來稀誰把吾曹置正壑夜來霜月

通齋集

卷四

四

懺花盒

十分明也擬同君暫行藥

題亡友汪純卿訪碑圖

乙巳之春純卿偕徐來峯汪慕杜郊行於沙窩門外

訪得乾隆初儀徵孝女鮑魁瑛墓碑圖近存慕杜處

覆盜門南風獵獵牆角攢生石荷葉誰來古寺打苔碑

偃僂殘松存幾鬣汪侯好古真苦心草閒撥出蒼瑣琳

寄書白髮劉原父似欲姓字題碑陰

劉子孟瞻先生爲孝女作傳

十載匆匆羊腓熟鬼卒師君滿淮服明經老死翰林亡仰視

浮雲堪一哭宮贊蹉跎更可悲淥洋湖畔冢纍纍故人

漸比晨星少開卷如何不淚垂前者揚州九衢血觀察

張家凡八烈

雷瓊道張氏節婦八人舉火自焚不降賊

許多灰子火妻人安

得汪侯表其節嗚呼安得汪侯今更生南望愁聞笳鼓聲

次韻答邵蕙西時浙撫請張軍門赴援張弗克即行遣總戎周天培救衢州

一夜神工完萬劫珠網輝輝金鐸夏旃檀海涌香雲亂
優鉢花垂甘露滑君之詩境頗似之豈與恆流較癡黠
皇墳既以高詞媿霄漢還將大言軋方今賊騎瞰青田
全恃三衢為鎗轄將材趨捷推張燕兵律森嚴禁鳴蜚
洗洗白楮作前驅擾擾紅巾將盡殺饒歌樂府正需君
莫惜宣城紫毫備君真國士秦無雙我愧嶺瀧張十八
搯頤時或卧蓬蓬遇物殊難矜察察薊門九月霜氣寒

通齋集

卷四

五

懺花盒

風撼庭柯聲契則不知阿閣歸昌音還和藩籬鳩與鷓

倒前韻挽銘初老人

關上機鋒捷于鵠無趾偏工補人剛閒憑瓦鼓唱巴歌
曾到天台訪高察每標一義嬰人心如啖河陽三十八
心頭栲栳影俱空鏡裏獼猴頭未鬚半偈便堪將虎遣
六賊無勞揮刃殺笑看鵠印與蟬窺有似風螢兼露蛭
寒山牛跡都是佛性海龜游固無轄嗟予結夏與僧同
絡緯瓜棚聲軋軋方期導我精進幢遽入涅槃真太黠
脩羅刀戟正交飛世路巉崎難把滑想師趁月夜行時
孔雀經完孤磬夏他年塔色瑪瑙紅便是老人還此刹

韓齋小飲分得見字

江湘萬旅如雷電痛掃浮雲與飛燕昨宵元圃

六

飛還夾道王侯迎雉扇前一日舉泰壇盛典我曹酣飲何不可共
就韓齋作歡譙大腹鳴夷滿斟酒絕妙餽飽堪注硯何
須更致黃頰臙已勝周旋領軍面韓齋先生我所重畫
筆詩篇皆盡善不肯還東作賈人岸側紛紛投紙絹葉
侯乃是端右才臧飲蕭文冠羣彥門前新築白沙隄節
相威名九州徧鯁生正類謝幾卿鼓鐸狂歌從我便酒
壚三騶可同飲刺鼻孫郎却羞兒欲挂衣冠神武門歸
買山田揚子縣諸君請各盡航船莫對玉山空甸線

通齋集

卷四

六

懺花盒

答俞蔭甫

前一日天祺節獲游福海歸得君詩

昨游崑閩循丹梯海天萬頃青瑤瑤雲韶樂列坐立部
雞婁鼓動騰雙猊球陽使者適來觀瓜果頻見中瑤齋
屬卓冠從豈不好顧我野性如山麝歸來袒衣復不幘
欲裏服布師岐黎急開君詩掃煩暑爽若快雨驅霆霓
君身具有廣長舌下筆便掩鬪浮提奇奇怪怪讀難識
不但翫傲兼撐犁俗兒所藏風角耳如君乃握天曹犀
草書況逼肚痛帖才翁兄弟應難齊隱居吳中亦不惡
時有後懊花間啼我詩相貽警疆磔乃辱報之金裏蹄
從來南斗醉如泥祿命恣人來取攜但當雷氣下暖臍

勞生何者非夏畦

苦霧行

長安十日霧不開陰風慘澹閭闔來吾聞曦輪之大照
耀四十五萬里胡為乃被愁雲埋焦明翩飛傍丹穴白
鵠翅垂眼流血安得猛風吹霧徹

磬椎峯

飛青突兀起眼前芙蓉一瓣凝蒼煙此峯結構信奇極
俟醯弄巧從何年蟠根頗似瘡虎伏變態起作翔鸞騫
窮冬積雪儼瑤筍秋宵貫月垂金蓮其旁列岫號羅漢
有類布衲蒙頭眠山靈想欲喚渠醒豎出一指天龍禪

通齋集

卷四

七

懺花盒

傳聞絕頂有奇字

峯即水經注所謂石挺上插雲危磴有尿涸幃②四大字今存

作蠅旋酒仙之祠蟻蛭耳如此乃足豪三邊

熱河有酒仙祠踞高

卓巖登之則承德府境皆在几席中楹祠呂祖左杜康右劉伯倫次序殊不經其地亦復湫隘可厭行當繼展叩峯頂舉手上拍洪崖肩

戲作六言

借書籠中一宿住鵲唳內三年得道必須捷徑癡兒幾

見成仙

魚伯能知水旱蟬解探泉源不及蚰蟪之巧出入另

開一門

魯陽戈迴白日唐史策滅青雲一誠直貫蒼昊不獨雄

畧超羣

履春冰者必陷冠危石者必傾造物休我炮烙龍逢此
喻最精

伏生師負圖叟扁鵲事長桑君誦書數十萬徧洞見垣

一方人

題夢漁給諫香南憶夢圖

人海難逢古押牙塞鴻消息斷天涯春風又綠江南草
忍見櫻桃一樹花

楚楚容華正妙齡步搖花鞞玉冬丁無端驚破鴛鴦夢

柳樹何年喚阿青

通齋集

卷四

八

懺花盒

莫怪休文減帶圍春來望斷犢車歸可憐一樣章臺柳

誰遣風中作絮飛

題符南樵半畝園訂詩圖

園為崇樸山侍郎別墅

月落江城畫角哀更無人上目聯臺誰知皂帽羸駉客

攜得新詩萬首來

鑽破丹盤下苦工詩名早徧大江東明朝又向三關去

正是秋寒鴨信風

笑我闍黎頂尚青何曾解說度人經如君方是彌天釋

豎拂拈椎萬眾聽

詩舫宮保繪春江花月便面見贈

野馬黃羊百不憂
和公句法老逾違
尙輸今日司空健
頃刻煙雲出指頭

春江新柳細於絲
載酒鳥蓬出浦遲
極似揚州全盛日
小秦淮畔月明時

丁巳除夕儂直景山

承明儂直愧非才
夜度通天百丈臺
莫笑山郎休沐少
幾人除夕到蓬萊

和汪仲穆招飲分詠博山爐有感

顏家銀鹿初來日
解熱江南飢餓香
連日小齋清似水

博山相對更淒涼
奴子二蓮新從江南來解把燭矣
仲冬感疾誤服大黃而死可悼也

通齋集

卷四

九

懺花齋

題僧雲樵行腳圖

參透元沙法界開
釣船早已棄南臺
廬陵米價何須問
自有山神送食來

極目千山落葉秋
露猿哀雁夜啾啾
勸師且把芒鞋擲

莫遣黃腰到睦州

穀日全潤臣青士海秋天靈寺踏雪集宋句

年年依樣畫葫蘆
自笑謀生事事疏
惟有雲山差可愛

一甌春雪勝醍醐
陶穀二三放翁羅大經

近樹遙峯欲辨難
野僧分屐借登山
林閒白塔如孤鶴

溪上梅花正好看
宋自適趙滯東坡曾易占

陂池重複谷谿衍
閒就僧窗試露茸
臨水數村誰畫得
不知是雪是梅花
首二放翁寇萊公鄭會

一龕繡佛挂松寮
七軸蓮經供茗瓢
天與玻璃三萬頃
爲君題作小金焦
首二葛慶龍三黃公紹四程嘉量○綠野山房晚雪不啻銀海玉峯也

雲表飛仙定可呼
逝將從此謁清都
繡鞵狹坐三千騎
得似蓮花博士無
三出蘆浦雜記餘集放翁

雙塔依然在翠微
落花蝴蝶作團飛
偉哉造物真豪縱
雪後羣山玉四圍
放翁二三東坡四蔣遂翁○開皇塔中者大機塔也

與義初游慧福寺看牡丹

通齋集

卷四

十

懺花齋

慧福牡丹開正濃
新妝笑靨春風
楸花亦好無人愛
兩樹亭亭夕照中

酬王少鶴

己未十月四日作

六峯兵氣蔽眞揚
賊自天長趨甘泉山司徒廟而抵瓦窯埠經楊防總兵馬得昭擊走遂自劉家集竄眞誰控斬王古戰場大儀爲韓斷州界向六合
銷壘塊夢中時
一到家鄉愛君清
唱逾流輩令我哀歌

發酒狂作賈還東
殊不惡長筵何日結魚梁

偶作

南中未有一書來
兩月無南信
邑邑愁思掃不開
穴底鼠惟貪糞
藪天邊蜃已化樓臺
自投陷穽何難取
亂柳携蒲

亦可哀定變扶危非細事此時端仗出羣才

李忠定公疏彼以孤

軍入重地猶虎豹自投陷奔中

和俞蔭甫二首

時蔭甫罷官暫寓吳下

兩紙淋漓醉墨痕喜君安穩到吳門詩人例向滄浪卧
謫宦猶懷雨露恩偶葵萎蘆添艾蒨聞攜蠻榼坐楓根
兒曹月課多堪笑毀譽悠悠未足論

笑我迂疏寄日邊冬瓜閭老又經年雞羣擾擾方爭粟
牛磨團團一任天太息故人千里別昨宵寒月十分圓

因君頓觸山林夢家近棲靈第五泉

次韻酬白英太守

通齋集

卷四

十一

懺花盒

溪漲應添尺二三兩歧行且詠張堪天教快雨延春色
客有新詩佐劇談槐影當檐千疊翠椿芽入饌十分甘
豐臺芍藥香如海更擬尋芳過水南

題澗臣橋西老屋圖即送其觀察浙西

沌陽兵後久無家又報西樵戰鼓譁精衛恨難填漲海
老人聞已過長沙間關萬里謀迎養烽火三年感歲華
別墅從今拋杜曲荆扉一任鎖烟霞

閱何光遠鑑戒錄

五德循環土運僵聊憑野史說興亡天鎔頑鐵資狂寇
鬼向荒墳叫蜀王豈有麒麟生下國徒聞螻蟻戰宮牆

至今冷笑虛延讓何必衰朝賺省郎

長夏有懷漱芝

隱坐空齋問踏壁扁爐高几自焚香每思家信憂途梗
偶得兼官覺事忙

近攝京畿道及山東道事務

別緒遠縈征虜渚眼

花須試密蒙湯非關陶寫無絲竹旅夢時時念季方

題汪小樓茂才所藏先人遺墨

當得楹書讀蒼然屋漏痕戈如虞監法筆攝李邕魂追
取防雷電珍藏賴子孫南山多磬石摹勒好長存

庚申六月偶作

十載潢池亂三吳物力殫吠堯謀益狡墮羿技逾奸風

通齋集

卷四

三

懺花盒

勢毗藍疾星光太白寒金陵圍一潰江左愈凋殘

自金陵失

利常蘇相繼失陷張郃雄無敵歸朝屢立功威名諸將右辛苦大江東一
死完臣節平生有士風丹陽諸父老流涕說黃驄

丹陽之敗

張忠武國樞戰歿由是蘇常瓦解

潏潏邗溝路西連古石梁軍門威久挫劇賊勢披猖劫
火燒輿縣枯骸滿蜀岡將軍須早下萬馬救淮揚

自笑麒麟援承明歷四年醫難除傲骨鏡已見華顛請

字占新驗癡牀秩甫遷

余以刑部郎中改江西道御史

危言雖孔誠不

敢慕寒蟬

不惜銀杯重臨歧付海鷗掖廬從數載鞍馬趁清秋曙
角何悲壯荒城莫滯留人生似鴻雁總爲稻梁謀
有客如皋住經年未得書干戈今又甚顏狀近何如淮
左難安枕燕南可荷鋤期君同小隱東淀執甘藷同年
人學士流寓如
皋久未得書

哭俞朗夫妹婿

時勢方屯剝親朋半死亡來書傳噩耗揮涕望家鄉骨
向何山葬田經數載荒季方雖尚在生計轉茫茫
憶昔君家住倉惶說避兵八年無起色一死倍傷情粉
署名空挂黃泉恨未平彭殤難一視爲子淚交縈

通齋集

卷四

十三

藏花盒

棠邑前年破西郊盡賊旗艱難逃虎口涕淚滿牛衣門
戶今中落干戈復薦饑哭君難自遣病婦近誰依戊午
秋揚

城復失徧地皆賊朗夫匿古
家問幸免妹爲賊刺幾死
我正榮愁緒青齊伏莽多長途憂盜賊淚眼望梁羅更
益鍾離感眞成懊惱歌時危無補救慚愧鐵冠峩

次韻答汪蘭甫

蕊榜當年說鳳麟前身無著共天親君與慕
杜同榜遠來京國
迎慈母偶作文章近古人故里那堪重話舊明湖有約
共垂綸南牀北屋慙無補我是中朝蠅強臣
抵熱河宿宋少司空寓齋

萬疊峯巒詰曲通灤陽形勝冠京東仙山涌出壺天內
平圃移來陸海中武列一支流未改烏桓三郡俗猶雄
晚晴憑眺僧官帽日氣霞輝徧嶺紅

小小園林二畝餘司空邀我暫偕居地爐詩火寒都滅
山翠當窗畫不如坐有天隨真灑落與談鄉事一躊躇
章家食譜從今廢得似公庖鹿尾無司空所居眺僧帽
眉包木蘭鹿尾
招陸給事同飲

三月望日邀張大司空宋少司空曹嵐樵程容伯

二前輩何白英太守陳小舫太史豫章別墅小

飲和白英韻

通齋集

卷四

十四

藏花盒

安排茶竈曲闌旁更對春風泛羽觴尚有濃花堆院落
共看新筍憶江鄉樓臺高下連章曲鐘磬微茫出上方
浮世只堪行樂耳不須辛苦說然糠
翌日張大司空招同看花

尋花直到花之寺不管天邊獨鹿風曲徑僅堪容數騎
野人都未識三公幽芳帶露娟娟白夕照銜雲灑灑紅
九十韶光猶爛熳莫因尊菜憶江東

效白文公體

朝亦視簿書暮亦視簿書十年在比部無日得自如鉗
鑽固不忍忠厚敢自居今移雜端職稍覺形神舒曉起

坐南榮午眠就紗幬隣家雨高樹涼翠覆我廬偶拈沈
水香熱以博山爐匆匆望火馬可得如我無近以崇禎
程氏爐焚

香頗不
惡也

朝亦嗟髮落暮亦嗟髮落四載保承明精神暗銷鏤冬
憂風雪橫暑苦霖潦惡今移御史臺暫釋衣冠縛長官
寬禮數同輩稀嘲噉重理舊時書還嗣少年作新秋瓜
果賤容我嚼復嚼雖是一絢絲猶欣此時絡每篇首二
語皆白公

有所悲

今晨有所悲悒悒雙淚垂悼我戴尚書大節真不虧十

通齋集

卷四

五

懺花盒

年在林下抱負一未施紅巾粹然至武林不能支中丞
握節死羅公遺
殿也公死亦同時所爭在名節不復待援師

賤子忝門生永無見公期惟持公手跡展玩垂涕洟日
來風鶴多平望有賊旗王中丞有齡
報平望復失老鳳既云亡鷓鴣

應苦饑一莊荒陸氏慚愧坐搢頤

季秋述感用元遺山九日讀書山韻

元詩用淵明
露淒隨風息

氣清天象明
十字為韻

巧宦如桃符一一傍門戶又如善泅人不待舟楫渡拙
者則不然踈踈多窘步康莊九達衢不丁幾回顧巧拙
既不同利鈍職此故何須瑤瑤子推論財與慕愧我守

拙人朝朝盼三素有時醉語狂不覺肝膽露

我有兩孤姪念之心慘淒去歲來京師容止皆提提方
期共晨夕出入長相攜豈知惡聲作中夜聞荒雞揮淚
令南歸悒悒還故棲季秋忽霖雨一路多塗泥何時再
相聚卜築同攀躋寒煨芋爐火暑浴巖下溪

峩峩寶藏寺儼若祇樹園去秋曾往游靜無一物喧石
澗吐清流桂叢有餘暄透池上東嶺曲折循苔垣回望
甘泉宮萬戶兼千門其下昆明湖盈盈如一樽壁間有
題字乃是武肅孫邇來經寇擾切怛復何言武肅孫謂
非紅憲副

通齋集

卷四

六

懺花盒

偶經虎坊橋葉氏居已空庭前兩高樹霜柯半青紅我
想葉潤臣博過伏曼容所居無別物圖史列西東犀槎
與銅鼓一一堆書叢我常往借書愛君古人風玉樓遽
不還老親是誰供只餘遺集在不愧詩壇雄

凡病皆可醫誰工療心疾我有鄉曲憂隱隱人未識官
軍真可歎不守大儀集譬如鈍根人為文盡平筆韓王
鏖戰處舊事誰人憶坐令甘泉山頻有賊馬迹浮生信
泡幻彈指成疇昔故鄉渺何處獨坐三嘆息

秦王騎虎時八極如鼎沸燒書烹六國世以儒為諱耽
耽阿房宮下瞰河與渭更欲起長城何止億萬費虎忽

鬻左驂望夷纏殺氣富貴安可長危機信堪畏斯時武
夷君簫管羅百味我懷慢亭峯望古深遐慰

俞氏茅龍齋我馬會數停朗夫好吟咏季孟山元卿家
有千木奴生計如李衡留賓行酒令巧鬪品與韞斯人
遽云亡此理吾未明想見斛斯莊總帳淒涼清即柳應
尙存斷橋料已傾因君淚雙隕默坐心魂驚

我昔往惠山橫棹梁溪邊秦園桂花香風送入我船欲
登九龍脊先試第二泉泉流甘且冽雲樹清而妍山鳥
不知名拊翼何翩翩罡風振衣起快若飛行仙干戈今
阻絕再往當何年舊游同一夢望斷五湖天

通齋集

卷四

七

懺花盒

讓子沙羨人家乃江夏望每言西塞勝雪浪浮丹嶂可
憐病鶴形不是壽者相九原安可作往事空想象憶共
天童游攜手如郭向幾回興致寺憑眺朱欄上君應得
果去我尙浮名障知交盡零落搔首天宇曠

河決露筋堤洶洶殊未平杞人憂益甚綠章奏通明不
知漕使輩適日曾經營傳聞邵伯埭四面波泠泠流庸
衣百結舉目堪傷情古祠祀蕭綸廟貌垂千齡橫流胡
弗止無乃神渝盟所願金隄成盤空復崢嶸子有疏請築露筋大堤

邯鄲題壁

洛河風雨晚瀟瀟極目川原四望遙百雉叢臺非往日
一鴟村酒度寒宵失身廝養才人痛涉想公卿措大驕
夢境豈宜全道破枕函生怕若翁招

晚至鄴郡

笑我勞人減帶圍又來河朔駐驂騑幾重敗葉藏蕭寺
三兩寒鴉噪夕暉漳水波濤終不改銅臺風景已全非
英雄慣作欺人語未必山亭見紫微詳舊五代史周太祖本紀

正定車中口占

休論木塔老婆禪慘淡荒城落照邊七丈觀音天半坐
幾經滄海變桑田

通齋集

卷四

六

懺花盒

定州感賦

五季干戈信可哀紛紛金紫被輿臺孫家使相兼留後
都自狼山朽骨來

黃州江上

夜來霜月十分明萬里江流鏡面平送我西行不辭遠
黃州鼓角最多情

斬水雷別文若

萬里投邕管三秋屆蕩陽滕侯雖款塞吳母正跳梁逆
旅頻聞警聞關屢貨裝來書真悱惻垂念極周詳勸鼓
巴河榭欣登子賤堂阿兄今召杜要地古斬黃報國心

肝赤憂時鬢髮蒼喜爲三日聚未盡九回腸小屋漁舟
大中庭橘樹芳瀕行無限意於邑度南岡

武昌舟壞移居鹽道署中

寒江風雪虐故人再三畱停艦望山門正對鸚鵡洲奇
相忽見憎中夜敗我舟愧無包鼎虎難應波臣求妻孥
幸生全書籍半沈浮我本篁嶮樵悔此桂海游離官寸
亦樂里語非謬悠

觥觥觀察使謂伯符門庭絕苞苴却于鄙人厚一再分俸

精又將鴛來堂暫且作我廬安牀置錦釜捉席拏衣裾

山房上窈窕翠石森森筵或傳鄧雲叟於此停颺輿登

通齋集 卷四 元 懺花盒

高眺大江浩浩涵太虛茲邦殊可樂不獨武昌魚

中丞乃人豪李希卷先生百戰武漢黃威名亞忠武四十已

封疆聞我來鄂垣百朋俯行裝勸我少淹畱延入陳壺

觴押衙及虞候竊笑鰕生狂高軒復見過意氣何慨慷

公今撫院帥千騎向東方賊肉行可膾河潤及宋梁

守歲鶴穿堂堂前雪三尺虵山雖云高雪厚失山脊嗟

予丹石志慨此白駒隙梁羅幾時見脈脈憂思集

雪兒真異種毛色縞于玉相隨四千里慣傍青氈宿忽

然蟬蛻去似破雞酥毒做帷包病骨瘞汝寒江曲安得

何尊師爲爾圖一幅從今學道楷虎子暖吾足尚有一狸奴名

虎兒

登大別

客路稀逢妥貼風維舟大別恨無窮茫茫戰壘紫衰草
滾滾寒濤殷暮空一柱下臨江漢闊百川東赴泥濶雄
此邦再造伊誰力悵望南樓想庾公謂胡文忠公林翼

壬戌立春

獻歲匆匆又立春比隣爭請灌郎神一場懨懨慙妻女
數日周旋累主人臘後鯛魚如玉膩雪中烏鵲傍檐馴
三湘八桂何時到愧說邕江作守臣

將登舟伯符一再張飲賦此誌謝

通齋集 卷四 三 懺花盒

又詭奇章置一筵北拳猜後試南拳花藏瑤騁飛觥亂

膾作銀絲出釜鮮羈旅愁懷俱盪滌使君情致信纏綿

幾時得遂扁舟願共釣槎頭縮項鱸

渡洞庭

天教此水限熊湘氣象真堪壯楚區一島煙霞通震澤
百靈歌舞奉軒皇晴空屢結重樓彩月夜珠騰七寶光
今日朗吟飛渡好雄觀收拾付詩囊

新隄阻風正月二十九日

邇來事事學忘機咫尺新隄况可依凍雨不關烏狗廳
吳震芳嶺南雜記正 遙山應是白螺磯數灣碕岸堆漁
月二十九日烏狗廳

留一角江樓露酒旗四襖三衾從我便豈能隨俗換春衣

元裕之詩賤子貪名山客刺已屢投僕意不然口

占一絕

八景臺前舊機舟匆匆未喚裏蓬游青山莫作驕人色客刺從來不妄投

湘潭阻風

澤國真多雨天涯慣阻風夜聞聲淅淅曉起霧濛濛牽挽勞舟子光陰感社公故人陳廣漢頗惜荔支紅

簞筍

通齋集

卷四

三

懋花金盒

簞筍冬逾好盈盈滿澗阿萌生同鵲尾蕃衍類雞窠助我盤飧興因茲感愴多遠懷封鮓事涕淚一滂沱

喜晤俞明府鳳翰

濃翠染衣皆峯峯高柱天我行山水窟喜見使君賢舊雨今餘幾追思各愀然明朝分手後難忘敬超先

憶弟

我似虞中庶時時念次安此行心惴惴誰恤汝饑寒書札經年久朋交袖手看四千餘里外相望楚江干

浦口人家

浦口人家樂茅茨十數椽老農方爨樹稚子學裁船岸

曲蔬成圃牆欹石代磚瀟湘絕處可作畫圖傳

晚泊醴陵江上

雨後維舟傍渚田校量身世愈茫然從來仕宦宜中品幾見矮人能上天旅次久無虞寄信江東誰要沈郎錢有友贈番銀二家園此日清明節其母青青欲禁煙十塊余卻之

衡山道中

面面峯巒望欲迷朱陵真有列仙樓鬱葱山色若新沐懊惱澤家時對啼勸業古推孫破虜孫破虜以破區星功封烏程侯諸今少蔡征西湘州鹵簿休誇耀我已樽前醉似泥

贈楊海琴

通齋集

卷四

三

懋花金盒

永陽奇境得名賢似與西山有宿緣賓從豈惟元克已使君堪配范忠宣一時裙屐搜青桂萬本芭蕉補綠天聞道唐亭亦丹雘磨崖可許姓名鐫

我似來南李習之沂河湘沔已多時李習之赴嶺南行六月余今亦然

羅歌暖迺聽雖慣蠻語姬隔學恐遲同榜交情如子少流觴嘉話繫人思飲溪牛馬真堪玩欲就賢侯賃一枝

浯溪有感

俗耳惟聞元道州浯溪誰更訪裴虬蒼厓剝落題名黯多少塗鴉在上頭唐裴虬字深源杜工部之友出知道州其唐亭銘與李陽冰篆李莒八分並稱三絕浯溪亦有其題字今駁蝕矣且俗子題名充切於上良可歎也

有懷陳卓人太守

不見陳遵將二載天涯相憶坐蓬窗
君向盤江我桂江曩轉相臺君補子江西司郎中缺君一麾曲靖首邑為南甯子出守邕江亦一奇也

高溪

我欲溪南結草廬
峯峯斧劈濤濤虛分明一幅戴文進
只欠朱衣人釣魚

舟次聞詩船大空捐館詩以哭之

扁舟楚粵萬山中非是愁霖即阻風
我已牢騷難自遣又拋清淚哭橋公

通齋集

卷四

三

懺花盒

自零陵赴湘源

西上湘源道昏厓
嗚忽流灘聲如櫓鼓石齒欲吞舟
海內誰知已天涯
悔宦游幾時戎馬靖垂釣翠屏洲

累日風雨悶極口占

東安舟次

風色時時阻名心念念灰瘴雲終日雨
灘石一江雷敢怨
猶猿尹聊傾鸚鵡盃
願榮妨我輩東望首頻回
定與龍宮近盲風怪雨多懸厓
惟鹿迹漁艇半徭歌瘴
癘妨行旅周旋望孟婆
不才曾法從棖觸憶金駝

與少軒談旅况並及衡山之勝

流氛徧充豫農時廢耕
稷八月火榮澤九月逼開封
飽

掠鄧浙南繞出唐泌東
狻于劉雄明諺甚張雷公居然

槌戰鼓沸地聲鏗鏘
昆陽博望驪榭塞行難通賤子滯
方城客久資糧空沙羨舟又壞
自笑真儲餽羨君宦衡陽日對赤帝峯
雨嵐饋餽白霜果珊瑚紅五更觀日出
雲海搖心胸一線黃金霞捧出丹芙蓉
下視諸巖巒瑣細猶奴僮
雲復釣月游興真無窮我行苦山霧閣如
瓮生醪愧無默禱訣搔首瞻祝融
吾子經世才談笑捕覘壘何時得偕隱
結茅傍深松洗衲惠海石荷鋏目連
冲劉根王十八或者可一逢

兵書峽

通齋集

卷四

三

懺花盒

零陵西去山純用斧劈法
一條碧玉流四面蒼鐵峽
其中百重灘湍驟江益狹
雷車闕船腹線路綠厓
脚嵌空雖可愛險絕殊難狎
我思顛神禹就此施剝
離夸娥助駭除童律來彈壓
只雷三五峯俾作翠屏插
低處編漁篴高處安水閘
庶幾川流恬朗若鏡開匣

觀音厓

千峯走西南其勢不少停
一峯忽橫卧削就蒼玉屏
羃羃祠冠孤嶠銳磴緣危陁
羣山跋扈氣至此稍和平
勢如網惡馬寶絞纏朱纓
苔花鸚鵡色松幹虬龍形
紫嵐蒸髮髻雪瀑交回縈
厥初孰施設天匠為經營
莊嚴七寶

飾表廣兩牛鳴迴非巨然派老筆關與荆可惜棄炎荒
妙絕無人評我欲贏糧游勝處爲茅亭從彼支離翁鼓
篋同播精

神弦曲 有序

涿州城東隅有昭祐靈惠公祠祀唐兵馬使安
東副都護兼御史中丞張秀俗呼金甲將軍祠
中古柏大十數圍如植翠幟或言神乃後漢時
將不可得而攷詳元人夏以忠碑咸豐癸丑賊犯畿輔
涿民禱神獲安庚申八月京師戒嚴烽火照甘
泉長安人多徙涿涿間涿民又禱焉復得吉玆

通齋集

卷四

三

懺花盒

果無他警辛酉九月余自西臺出守邕州道經
其地聞而異之爰賦此以貽涿人

黃頭小人競作賊北望津門陣雲黑神兮萬騎馳范陽
呼星召鬼障一方隱約雲旗挾枹鼓兩兩麻靴踏哮虎
雞鳴不拊翼賊退不用力璫匱玉豆酒百甞願神福涿
長無窮

屠蘇障日浮雲亂水從西來何灌灌神兮倏忽過樓桑
墓門鼓角鳴昏黃長梢馬鞭擊左股似遣神兵救畿輔
城門開復開歡得歸去來方花古礎東西列願神英風
永無歇

上巳日與同年楊海琴太守游朝陽崖旋憩思范
堂小飲

人生不得行胸懷雖至百歲何爲哉蕭惠南行喜見好
山水頓覺結轡爲之開楊侯愛士兼好客延賓禊飲循
蒼厓神囂百尺从華蓋陰壑一碧攢松釵峯如益覆豁
然朗泉從石裂鏗而諧探奇逕度補元厂古翠斫破西
巖苔何年大士來此住一枝金藹安蓮臺回舟散步東
湖側芙蓉高館清無埃范公所居阮公筆布置今見君
侯才蕪江風景聞更勝袁家渴上堪徘徊紛紅駭綠香
苒苒澄潭淺渚流潏潏與君更訂後游約他日相從繼

通齋集

卷四

三

懺花盒

屐來

讀余葭白先生詩有感有序

鄉先輩余先生元甲宿弟東齋詩云小女夜績
坐兩廂小兒聚誦聲琅琅東頭燈火弟兄共雪
屋煮茶冰沍香又寄大男楚中云老牛疲羸小
犢力致汝辛勤作遠客家貧骨肉轉依人百書
那如一見親二詩有觸予懷淒然賦此

苗村先生潔如鶴乾隆之初舉鴻博昨讀其詩增苦辛
百書那如一見親我兄不幸脩文去子季無家歎流寓
阿安尙小阿榴癡近日從誰受章句不才憲府雖乘驄

一麾南徼傷途窮何時得似昔村翁雪屋煮茶子季同

三月十二日入全州界

行入全州界風光已暮春山麓多種竹水韉巧施輪佛

壽真無量民風亦最醇安哉怡我性食譜不須陳漢李尤有

安哉

行入全州界江神也世情山銜初日秀帆得順風輕霽

色村村麗灘流漸漸平何須蘭棹逐佛蓋遠相迎

題謝方山長風萬里圖

虎不直一錢世俗方賤目可憐嶺嶠隘只合巾笥蓄吾

子磊落人烟若照海燭固宜萬里游何必蠻溪浴東坡詩不

通齋集

卷四

三

懺花齋

怕簾片帆指河濟天壇叩王屋舉頭霄漢近扶搖一何

速我今無一可邇迴桂江曲截趾以適鞞本非我所欲

又將越裳行改剖雲爐竹勞制軍奏請以子調補高郡愧無侍郎才

難縛馮曉族酉年得曲蓋此志已無復早知皆有命悔

不十年讀

和方月樵閣中見示之作

紫扉丹地舊含香遠宦今成夢一場喜共賢侯來棘院

各懷歸思念尊鄉無譁士勇宵彌肅獨秀峯高月倍涼

更憶去年行役况洛河風雨逼重陽

浮世升沈未可知小車常說土牛遲與君都抱巖栖癖

得郡俱當寇亂時皎潔冰心相策勵凋殘戶口賴支持

一條丁水銅魚漾尙望郵筒數寄詩

張月卿中丞見和依韻奉酬

丹詔宵披帶御香灘江秋稼正登場即看兵氣銷邊徼

豈但清風似道鄉節度新綸承北闕公侯勛閣本西涼

連圻計日皆綏定何待軍符募五陽

幹材深媿荷公知性拙由來見事遲宦跡如萍殊未定

年華似浪且隨時五殘氛裊行湔洗百粵山河仗主持

從此東堂添故實中丞翦燭夜論詩

題章采南尊人玉堂花瑞圖

通齋集

卷四

三

懺花齋

想見姚黃一尺圍重臺香屑夜霏霏人間凡豔何能比

曾侍金明翠輦歸

風引仙雲下玉堂欹斜寶髻浴珍香三天才子方歸觀

五色宮袍上壽觴

東方觀察二首

寒色滿灘水孤峯生夕陰不須催暮鑰且共作閒吟忽

見一梳月思彈雙鎖琴嶺梅應有信金印結花心

藹藹昭州守風流冠此時大成光祿酒省事老人詩幸

得三旬聚真堪一字師我慚塵俗騁夢想定昆池朱新仲號

省事

終

通齋集卷之五

宦游二 粵作

江都 蔣超仁 叔起 著

山陰 宋澤元 瀛士 校刊

雨後獨秀峯下集選句四章東方觀察

涼颺自遠集 岳 有滄與南岑 張景 白日隱寒樹 江文 元

雲起重陰 阮嗣 悲猿響山椒 謝康 鶉鳩發哀音 阮嗣 君

子吐芳訊 顏延 清氣溢素襟 王僧 今我獨何為 鮑明 賤

與老相尋 張季 徒作千里曲 謝康 俯仰愧古今 陸士

伊昔邁多幸 顏延 謬登和氏場 樂 矯迹入崇賢 陸士

延首詠太康 謝宣 既通金閣籍 謝元 灼灼有輝光 阮嗣

通齋集 卷五 一 巖花盦

自我違京輦 潘岳 引領情內傷 曹子 茵露夜霑衣 鮑明 山

樹鬱蒼蒼 曹子 時見遠煙浮 顏延 孤雁獨南翔 魏文 感

物懷殷憂 阮嗣 逝將歸舊疆 曹子

密雲翳陽景 曹顏 愁霖貫秋序 江文 重以夜猿悲 任彥

元髮已改素 江文 心念山澤居 陶靖 逍遙獨延佇 張司

朱門何足榮 郭景 愧無古人度 江文

仲容青雲器 顏延 負劍遠行遊 鮑明 終日寂無事 潘岳

與子結綢繆 李陵 剪棘開舊畦 顏延 登高望九州 阮嗣

襟帶盡巖巒 徐悱 飛字若雲浮 左太 森森散雨足 張景

獵獵曉風道 顏延 人生誠行邁 陸士 知命亦何憂 曹子

登獨秀峯集選句

南州實炎德 謝康 嶄絕峯殊狀 范 茲嶺復嶢 阮 元

峻嶒起青嶂 沈休 亭亭如車蓋 魏文 氣與三山壯 沈休

白雲上杳冥 江文 詭怪石異象 范 逍遙獨延佇 張茂

不覺凌虛上 江文 峻巖敷榮條 潘河 石室有幽響 江文

神仙排雲出 郭景 日華承露掌 謝元 躡步陵丹梯 謝康

野老時一望 范 且盡一日娛 謝康 聊恣山泉賞 謝元

豈校耳目前 袁陽 擁旄為漢將 虞子

題橫州陸刺史慶松小照集選句

青谿千餘仞 郭景 洲紫渚連綿山水含清暉 謝康 而無

通齋集 卷五 二 巖花盦

車馬喧陶靖 澹乎至人心 盧中 乘月弄潺湲 謝康 白雲

上杳冥 江文 綠篠媚清漣 謝康 明月一何朗 陸士 容色

更相鮮 郭景 復此風中琴 謝元 靜嘯撫清弦 郭景 寒渚

夜蒼蒼 謝元 出浦水濺濺 沈休 意愜理無違 謝康 心遠

地自偏 陶靖 咨余沖且暗 歐陽 展歌殊未宣 江文 安得

凌風翰 謝元 駕鴻乘紫煙 郭景

哀如珍 如珍乃僕人 晏氏子少病風癩百方

沒藥堪醫最是風 呂惠卿 轅車蕭瑟葬離東 臨江頓起

思鄉恨十六年來一夢中 憶庚戌春先妣謂超日蓮兒

也名 甚佳可惜病驚痛耳蓮珍小

得漱芝書

數行家信抵千金李公垂句短李詩真獲我心雪屋煮茶何日共一回繙閱一沈吟

喜余少冰部丞至自凌雲

線路千峯外荒城六詔交怪禽秋咄咄哀狄暮霄霄人鬼蹤相雜溪山瘴不消喜君無恙返磊落舊風標

桂林白龍洞

清曉籃輿出城南訪翠微四山皆壁立尺木已天飛雲竇如噴玉霜林總換緋劉仙貪此景冥坐老忘歸

疊綵巖俗稱風洞山

道齋集

卷五

三

巖花盒

一嶂拂雲端寥寥更鬱蟠山都平地起洞可十楹寬颯爽聽輪馭嵌空月斧剝華亭今羽蛻把玩益辛酸華亭張尚

書題字宛然

留別桂林同官詩

昨我來桂林躑躅花如繡今我辭桂林春意猶未透寒江凝薄霧淺渚鳴清溜中丞本同榜相送意良厚涼山亦匪遙芳訊不難觀所感霍維餘豎竭何以救

李侯碧雞簿共事無閒然葉侯江左僑留我意尤堅謂李

觀察均葉臨桂贈穀也

各各前致詞祖帳桂江邊後會知何時欲別祛屢牽人生難自主隳括皆由天寄言范致能我亦

驂鸞仙

潘州雖未屆厥境我能說龍眼花正開蛤蚧叫林末其東有龍湫皓皓白虹脫春陵歐陽氏題字猶未抹此行單舸去直泛蒲牌闊還作靈湫游玉乳分一鉢

殷殷灘水意送我下昭州岩岩象鼻巖揖我當中流盜竿真可恥拙宦宜早休臨歧一樽酒且復盡綢繆

往年孔侍郎手縛茅洞賊復擒鄧辛酉直到魚游北公威既覺鼓馮曉亦生得到今六事碑萬口頌公德以我嚴霧姿虛爲二千石今步公後塵自問難稱職諸君意良深瀕別轉悽惻

通齋集

卷五

四

巖花盒

過陽朔

拔地千峯染翠鬟青羅江色暮潏潏邇來又得都官句細雨啼猿過畫山鄭小谷比部過陽朔弔曹鄴故宅云我來不見詩人宅細雨啼猿過畫山

昭平舟次寄方月樵觀察

過梧州三界廟見小青龍遊戲龕上

壁立龍門映珠跳玉白泉行行山水窟益想敬超先彈壓三江役萬靈殿前咫尺變風霆龍王威德真無匹豈但雲輪數頁經

員外當年話栗公斬然頭角玉盤中

栗恭勤公歿而爲龍吳棟軒員外言甚悉如今親見天龍戲送我催官水向東梧州一名催官水

茂嶺晴嵐計日過石船聞說漸銷磨不勞白耳為檀越
願奏錢塘破陣歌

雨中過龍母廟

桂林巖洞雖云好可惜專門鬼面皺今日維舟龍母廟
馨頭水墨最精神

晚泊德慶州江上

瘴海足春色茲行真壯游紅亭晉康驛青翰鄂君舟
陸軒大令以巨觴借予南行極為壯麗天已似三月酒堪消百憂明朝風色
好曼鼓下端州

正月十九日經高要峽是日京師燕九節也悵然

道齋集

卷五

五

懺花齋

賦此

前年值燕九我作白雲游去年值燕九旅滯黃鶴樓今
年又燕九于役行端州蒼蒼高要峽浩浩新江流逆風
苦難進病樹號鴉鳴峽中鳥多鴉欲訪枕椰題癡落不
可求但見斧柯山峩然蹲上頭祖師應笑我刺促何時
休步步踏陳跡團團如磨牛不知白雲約異日能尋不

竈岡堡

已遠鴿奔亭山猶不斷青龍船柴易米村店竹編屏近
海潮無定燒畚火未停南行即三水何用借圖經

西南

嶺勢忽中斷江流春更驕西南萬家驛子午一時潮薄
暮燈如織微風檣緩搖佛山知不遠吾欲寄團焦

潘德畬方伯招飲海山仙館

莫道天堂與員莊海山今日有仙鄉園居僻過俱盧舍
花色濃於鉢特忙丹荔陰中添快閣白蘋多處置書堂
主人金粟山人亞醉灑芭蕉墨數行

到門凡歷幾重橋香霧溟濛染畫橈斗起相輪開佛界
多安混柱禦春潮繞廊絳帖兼潭帖置酒均客又越客
彈指人生渠畧耳願陪仙侶共逍遙

癸亥四月二十五日自廣州坐輪船赴水東

道齋集

卷五

六

懺花齋

難得輪船便飛行到水東星光南極近風勢外洋雄
難離人力機關奪化工茲游信奇絕足可傲坡公
東坡北歸詩茲游奇絕冠平生

過澳門

海天風急叫兜兜咫尺蕉門鎖上游羅列九星分鏡澳
奔騰萬派下汾洲蛟龍白晝隨番舶父老黃楊哭故侯
傳語漆園應一笑幾人真作釣鰲游澳門黃楊山有張世傑冢

過雷白

鷗輪如在半空行晏鏡汾洲胸息經畧挂蒲帆遮霧雨
急開銅管喚雷霆輪船罕用蓬索只挂小布帆一海從二幅其銅管一拔聲如雷吼

東面趨神電天近南門有異星莫笑專城貧太守採風

今已過廬亭兩日凡行千餘里

水東行館

絡緯莎雞不住鳴藤牀竹簟有餘清夜來疾雨瀟瀟過
準備籃輿度嶺行自水東赴高郡陸行一百四十里計嶺二十四

抵高州作

日發潘山路鳴笳放早衙渚蒲長過竹野柚巨于瓜近
海關河壯環與土女譁流亡應不少慙愧樹高牙

食新蠟

巖疆直到海東頭鑑水清清遠郭流縱設監州不須慮

通齋集

卷五

七

懺花盒

盤飧日對內黃侯

題馮芝田聽濤圖

憶著行幃上惠山都籃茶具置松閒披圖觸我梁溪夢

何日扁舟泝月還

就署東隙地營小齋既成率賦一首

別開郡圃傍東廂三伏時光好納涼卽就茅檐安枕簟

盡刷蕞棘露松篁新茶只合觀山水舊額仍留學愛堂

誰是命輪齊日月欲招仙客話滄桑俞瀚學愛堂扁乾隆癸巳年書余爲

拂拭懸之郡人潘茂名命輪齊於日月後仙去至今州以潘名也

追和吳明卿先生郡治東齋四首原韻

廢圃無人顧牆陰聚活東掃除纔幾日蕙纈足清風亭

仿團焦樣余爲明卿築亭曰吳公亭山眞筆架同龍鸞紅照室還復

效坡翁

三字清和緩居官用最宜莫嘲身障籠只有酒盈卮板
蕩何多事傳聞或異詞田橫終可愛懷古不須疑國初高郡

壘爲李明忠李定國所據

往日三楹屋新增數仞牆草菴圓似笠苔徑窺如塘樹
老藤逾瘦檐低帽欲妨有懷吳季子搖落此山堂

龍眼黃皮果兼饒荔子紅交柯環郡圃生意仗天公鳥

啁枝頻颺蟲穿腹半空緬茄偏貴寵高踞鑑江東圃多茂樹

通齋集

卷五

八

懺花盒

龍眼二株尤大似勝

登觀山作

承乏南來典越裳觀山鑑水一徜徉天涯知己無瀧吏

江上遺民說晉王由榔封李定國晉王松柏平陵今寂寞莓苔殘

礎助悲涼夕陽欲墮哀笳動更起登高望故鄉

累日風雨排悶率成

連朝彭祖忌風雨不曾休寂寞居官舍蕭騷動遠愁幾

時歸陸賈何日拜滕侯向晚涼颼厲淒然似早秋

疾風吹亂鬢雲氣亦非常絡緯旋停織螻蛄定放洋海船

請日樓姑放誰敲雷母塞橫互羽林槍我似樊川叟朱洋大廳雖當

盤憶酒場

題甘郡丞魏靈山禦寇記

辛苦西靈役孤城禦寇頻縱橫虎豹騎揮霍疥癩膏料
敵言多中登陣勇絕倫元郎鯨鼠膽能勿愧斯人
海上欣相遇雲爐正阻兵風流兼警拔議論悉持平話
及廉州事悽然舊夢繁棠陰喧萬口非但我言卿

吳公亭晚眺

一一幽花綴秋深倍有情疏紅何的皦灌木助淒清圃中
紅玉簪極多又有一種葉如秋海棠而小花作深紅色名野海棠叢生老樹下散步添詩趣憑
軒值晚晴今宵有佳客月可賜光明謂宋華庭

通齋集

卷五

九

懺花盒

颺風

華屋茅檐兩不支龍王瞋怒礮車馳迦黎表裏都通溼
猛甚鳥糞說法時

湖打吳川萬瓦摧連宵風勢極喧歷可憐鑄戶隨波去
那有奇方象骨灰

病守思量一報然流亡戶口已逾千莫言感召非人事
開架牛夫總出錢

酬楊孝廉

廷桂

卽用其課僮種樹原韻

沿牒溯湘源拳帷蒞仙鄉蒔蕉近北牖荆竹開東廂愧
非緝撫匹徒似寬饒狂牒訴復全集是非在豪芒亦思

以丹事與眾題黃堂巖巖楊先生邱園雪孤芳生平無

請寄七十猶聰彊沙苑倦遨遊炎海今回翔適逢備宗

亂冠距鳴且將可憐特亮民半作枯柳僵先生活國手

洞見垣一方新詩韻金石壓倒蠚喬棠捷疾逾響報造

物難隄防仕宦何足榮覓官自取忙慨慷誦君詩激烈

椎酒牀八賦不脫字或者帆可張簪冠與黃坡何必尋

尺量

郡齋讀書作

臧穀等亡羊未定誰是非經經世俗見計較及瘦肥達
觀惟一絮萬彙皆同歸苟足千畝苗何必涼州緋

通齋集

卷五

十

懺花盒

李斯與包邱俱事荀卿子相秦燔六籍意氣何雄侈豈
知黃犬歎屠剝同羊豕包邱老巖阿寂寞全其齒

至人乃天隱非必隱名山如彼千尺松本不知歲寒達

設劉伯倫可謂工閉關酒中有妙理醉與不醉閒

兩童竹馬戲一擲一爭騎擲者有它圖爭者是兒嬉勿

言是小事利鈍在毫釐譬若觀侏儒一節餘已知

朝饑不鼎食拯溺難矩步皆言捷徑好一一趨若鶩詎

識歧中歧轉致失其故鐵櫃亦能偷何如付之數

郡齋懷人詩

小舫學佛人憫念諸眾生手持日月輪九結俱掃清楊

葉雖匪金可以止啼廷經

給諫工茶事前身竟陵叟麻沙古銅爐終日不釋手水

方尤可愛澆灑容一斗何給事桂芬

侍郎贊皇才議論悉邊情持節董倉儲萬口頌公清兩

年無尺素惻愴難為情宋侍郎晉

翰林本諫臣回翔下鰲岫夙智真早成歧嶷信天授桓

彬過人四毋以酒黨詬錢編脩桂森

太守乃經師十載官刑曹罰丁難赦丙名論析秋毫傳

聞岫岫臥悵望寒山高陳太守立

宗丞烏石游暫縮撫軍綬歸舟泝嚴瀨乘月聆哀狄革

通齋集

卷五

二

懺花盒

帶孔應移三句幾分瘦厲宗丞恩官

方伯董西夏荆江稱得人一揮荅五版瀟灑尤絕倫鼎

門何鬱鬱蔚若鷗霄振厲方伯雲官

去年杉湖旁人指狀元寓今茲兩陔隔悵望湘雲去夜

深行嶽麓復陸觀察增祥

德清俞蔭甫上元許起居二子皆詩人湖海有令譽聞

今盡憐俞編修樾許起居宗衡

光祿久無書期予意良渥天然陸郎姿無人採奇璞念

君不成寐夜聽荒雞喔程光祿恭壽

孝廉自京歸一黔挾兩囊家人謂奇貨啟視皆詩章乃

知人海內固有淵材狂符孝廉葆森

藹藹劉公榮一塵典夥歛解后當何時寒江阻風雪袖

中藏君書經歲字未滅劉太守傳祺

融齋似方朔避世金馬門插燭板牀頭清苦真絕倫土

家玉抱肚視之若埃塵劉編脩熙載

司農今仲舒文章有典則能為八分書已入鄭籟室異

日平山堂需公為題額董司農恂

懨懨李遵化書自范陽來長安梨筍月我久已忘懷因

君觸舊夢於悒中心哀李遵化廷瑞

妻孥乃風雨僕妾皆雀鼠藹然樂山農家法猶古處思

通齋集

卷五

三

懺花盒

君令人愧我弟羈江滄方刑部鼎銳

戲作

敷水橋頭倦送迎南山背缺費經營誰云天上猶公道

比似人間更不平

紺碧衣裳數尺童年來追逐徧西東不知去意何時決

勝業坊南又曉鐘

臘月望日鑑江天后宮行香坐肩輿中口占

鑑江新漲一川綠天氣渾如三月時薄薄棉衣大雪節

盈盈火齊小桃枝連年轉餉真神力對岸觀山繫我思

日日歸歸未克輿中三復上衡詩

哭文若集選句 有序

胡文忠復武昌文若以孝廉知縣從其軍積功
至郡守以蕪水劇檄君攝之皖賊大至州縣多
陷斬獨完適胡公薨當路者忘君之勞君亦不
自言權知荆門州凡十閱月卒於任道路脩阻
半年始得君訃余涕泣為竟日也憶丁未春會
試君主余家煮酒論文歡然無間余出守邕管
亦迂道巴河三宿而後去庸詎知即死別乎君
以癸亥五月十五日卒年五十有九孤子應鯤
厝君於鄂之洪山雖集句蓋實錄云

通齋集

卷五

七

懺花會

江漢分楚望顏延之微管寄明牧謝元暉或與時抑揚或制
勝帷幄任彥昇復覩東都輝謝康樂衡巫奠南服顏延之君侯
多壯思劉公幹撫劍起躑躅司馬彪穆如洒清風張茂先將以
分虎竹鮑明遠白日忽蹉跎阮嗣宗哀此年命促司馬彪黃鳥
為悲鳴王仲宣徒作千里曲謝康樂
黑蜨躍重淵張景陽波涌而濤起枚乘駭駟摧雙輪劉越石疾
雷聞百里枚乘阡危賴宗衮謝元暉度越數子矣楊祖德孤績
誰復論鮑明遠此志難具紀潘河陽送子長夜臺陸士衡絕迹
窮山裏王康琚泣子子不知陸士衡彷徨無所倚宋玉
賢哉此大夫張景陽瓊佩結瑤璫曹子建文雅縱橫飛劉公幹

遠身適荆蠻王仲宣浩浩陰陽移古樂府忽然歸西山曹子建
長夜何冥冥曹子建晦朔如循環郭景純幽室一以閉陶淵明
痛哭摧心肝歐陽建

通人之宏致任彥昇見善如不及王元長士無賢不肖鄒不長
惜千金璧江文通昔余遊京華謝康樂美話信非一謝康樂
酒若平生謝元暉遺挂猶在壁潘河陽顏魄不再圓謝惠連
年迫憂慄謝康樂

次韻答宋華庭司馬

廿載緇塵覆盜門一麾棕曲向誰論何心分咏三堂勝
久欲皈依兩足尊蟬腹由來隨處屢鶴觴惟擬共君溫

通齋集

卷五

一四

懺花會

平生却笑昌黎語絮絮劉生說報恩
結緣懸黎忽暗投荀香竟日坐中雷昨宵鑑渚二篙漲
正是珠湖二麥秋聞說臺城猶拒守至今滄海悵橫流
羊公宦况蕭條甚那有金錢付左騶
東齋水木尚清華茉莉山丹競作花隱隱官蛙喧草際
時時幽鳥下簷牙鄉心苦被千峯隔來翰真同十賚加
應笑越裳饒太守霜螯肥後倍思家
贈談月樵
荔子垂垂繞石臺龍船花亦傍牆開多情西蜀王元直
遠訪東坡海上來

甲子重九攜酒登觀山次東坡集丙子重九詩韻

詩人感鈇弋亂極羨無家試觀萋楚篇三歎倚儺華不

才深懼此訪俗驗隆窳何嘗爭便給計較梨與查晨興

見異物蒲魚尾如蛇對彼口眼猶較著為咨嗟此邦兵

燹後尚未饒桑麻今日我重九曠然念煙霞聊作山澤

游跌蕩天一涯妖祥何足言付之鵲與鴉蒲魚尾如蛇昌黎句今日

我重九東坡句

小旱崇銅龍神祈雨用東坡荅郡僚賀雨詩韻

潘州半荒山鳥鹵間童土沈陰便思晴微旱即需雨動

輒煩鬼神於禮誠匪古昨迂銅龍來一已缺腰脣脩者

通齋集

卷五

五

載花盒

半尺餘短或三寸許有神騎紫馬獨俛臨階礎俗謂沙

公靈昕昏闐簫鼓果然甘澍溢活活濺芒屨兒童皆屈

足起作商羊舞僮庸競歡然街衢喧好語得非清遠峽

宋世龍神五隱形託頑銅一一可枚數邇來冤苦事豈

獨在蝎虎三歎送神歸蘊隆還輦取

初冬偶作

一流毗返今年幸有秋天寒蕉味爽人靜橋香幽

後紅蕉結子天寒益甘階側橋實大者逾五寸香冽特甚話舊從元直謂談月樵思鄉念

少游謂漱芝官居原傳舍聊且作句畱

宋華庭見和次韻奉酬

宣獻家聲舊遙遙八百秋文章何俊拔詩格更清幽汀左無卿比天南極壯游思為十日飲莫惜畫船畱

甲子高涼郡閣守歲適漱芝弟攜猶子謙至喜而

作詩用東坡守歲韻

端居尋道緒一龍復一蛇容膝苟可安風雨足蔽遮胡

為逐利名戒得之謂何今年幸中稔歲除少囂譁置酒

開射堂衙鼓聲徐搗華燈映蕉竹一一枝橫斜阿咸記

我言蟾兔易蹉跎不用賣癡歎碌碌亦足誇

正月二日郡齋試筆

二日宜栽竹三堂獨咏詩庭蕉陰蒼鬱盆桂味華滋欲

通齋集

卷五

六

載花盒

雨風先溼將春晝漸遲昔游真是夢衝雪度淋池往年此日

下直冒雪過玉嶺橋

題宋華庭懺花圖小像

名花到眼豈須多妙繪安排一刹那裝上翠池獅子錦

六時長雨曼陀羅

流蘇宛轉玉蓬鬆豔色微加啣啣紅笑煞神仙劉快活

一生多在帽籠中

佛面浮圖一擲成最無憑據是人生羨君日對空青府

悟到棕櫚葉上聲

長慶蒲團普化鈴藥山開士幾函經聰明似子無須爾

試取朱囊摘女青

譙國夫人 崇封慈佑邦人喜極燃燈祈福者數

日感而賦此

銅鼓蘆笙競賽神喜聞天上降絲綸百枝燈樹真高會
萬里黎軒致幻人吐火吞刀原是戲觀山鑑水盡回春
兩年炎徼曾何補虛縮魚符作守臣

悼虎兒 有序

道光丁未於春明得巨獅貓貌狀而彪文捷於
捕鼠又假慧識人意命之曰虎凡豢之十三歲
而後斃遺育繁衍最可異者五曰玉兒脩豪蒙

通齋集

卷五

七

懺花盒

茸皎潔肥腩曰雪兒金睛銀眼豐毛雪白曰虎
兒形模肖母而趨捷遜之曰小虎蒼黑鬚鬣爪
尾合度曰豹兒尾作狸文全身如玉腦後艾葉
斑大一錢許皆獅貓也荷女酷愛豹兒旋為鄰
人竊去迨辛酉九月出都道遠難盡攜玉兒小
虎以乞人載雪虎行臘月抵武昌寒甚雪兒若
不服水土者宛轉叫呼蛻於舟中葬之江側翌
日而舟壞妻孥臧獲夜徙鄰船黎明見波中一
物緣敗席浮浮然則虎兒也亟取之自是由鄂
而離由廣而高無俄頃去予側一似奴婢之曾

從患難者依依不相釋也乙丑正月八日迎春

於東郊歸見虎兒病不食蹲余几上逾二日嗒

然而化亦可異也余命奴子瘞諸郡署之蕉園

因為詩悼之並述其顛末云

綠屏風下四狸奴白老烏圓總不如次第凋零無一在

蕭齋誰護半牀書

武昌雪夜最堪悲刮面江風獵獵吹未卜真形能肖否

畫師已定木危危

鄧生肇元允為肖圖擇
今正廿五木危危日

昨朝太守行春返猶見銜蟬錦褥眠六道輪迴今解脫

天壇幽處伴癯仙

通齋集

卷五

六

懺花盒

閱李艾塘畫舫錄有感

第一清幽水竹居記曾溪側坐觀魚徐工廢後花潭涸

石壁流淙付老漁

石壁流淙為徐工廢後徐贊侯
與汪令問齊名此園最先圯

說到江園更惘然真成滄海變桑田銀燈畫舫千舟集

今日追思四十年

六歲時曾於淨香
園怡性空觀競渡

虹橋從古最知名慷慨黃郎手自營誰料河乾橋竟拆

紛紛騎馬吉林兵

虹橋木板橋黃六元寶履易以
石遭亂橋燬東三省兵焚其地

六十年來一刹那更無奇石立巍峩車輪房壞南湖塞

剩有枯槐蔓女蘿

乾隆癸丑曾賓谷先生
於九峯園澄空宇修禊

月琴絃索閒雲羅處處園林總按歌豈意劫餘無片瓦

木腸人也淚滂沱

休園與廢劇堪悲血漬山亭藥草肥臺畔棕欄池畔蝶

可憐都作劫灰飛休園本鄭俠如園後歸程氏成

讓圃風流比玉山昔年詩酒不曾閒欲知樊榭聯吟處

此日平蕪燕麥閒韓江雅集在讓圃當時樊榭與胡公

凡數年

新祠路出鎮淮門欲慰圓通老衲魂結構纔完烽火到

頽牆一片接花村道光之季揚人為李重進建祠在龍

寶末江州圓通寺寮中有客僧將叙

九曲池心接駕亭大魚吹浪夜冥冥山堂火後游人絕

通齋集

卷五

九

懺花盒

但見荒湖一段青接駕亭即古九曲池最深處有巨

點綴山林仇好石消除渴睡井天章一時絕藝皆無二

也算華胥夢一場江園木唐村宣石山乃仇好石所作

通鳥語

十里揚州畫不如沈初一朝兵燹頓消除歌船誰問絲

瓜架劫火燒殘擗板書

水閣俱摹借子法磚牆都用琢花工篠園一夜規模就

今日人猶覽頌公汪頌公一夜造三賢祠

容園帳轉付中丞好景當時次第增記得往年曾一過

玉梅花下萬枝燈江晚香中丞買黃履吳之容園後入

團拜多借其地此園為城內各園之冠

千金延致黃尊古十萬經營釣渚亭往事那堪羅縷訴

燈前衰鬢已星星汪令聞千金聘黃尊古作畫方士庶

鈞渚費二十萬金

乙丑二月朔日高涼六屬紳耆以將移守湖陽赴

郡來送賓客凡數百人畱飲射堂賦詩誌謝

春明鴻爪廿年前本與潘州有夙緣余初官刑部時京

郡人多謬縮郡符逾兩稔愧無勛業繼三賢謂晉揚公

公海濱所由來苦亂後村墟愈可憐若比牟平無一

似臨歧敢選會稽錢

通齋集

卷五

二十

懺花盒

東風駘宕徧江城微雨通宵眾綠生滿座衣冠真盛集

沸天簫鼓作懽聲深情繾綣何由答善後綢繆幸共成

莫怪使君談笑少離懷不忍賦駢征

自從邕管換高涼堆案文書日未遑綆短汲深憂正切

官清民樂譽難當鋪戶燈上或有題此四字彤幘倍壯雙旌色黃髮

來稱百歲觴茂名壽婦張吳氏年一百如我微名何足

道吳陽今有魯靈光吳川林芾南先生今年正月八十

露點敢同卿月說輝光

通齋文集卷之一

江都 蔣超伯 叔起 著

山陰 宋澤元 瀛士 校刊

仿天問

日天焉可開盤古孰胎九皇萬歲其年孰紀既穴而居
鳥獸焉殊宮龍土仙誰命之然駕六蜚羊孰左右之泰
禳冉相孰先後之孰絢其髮孰聞其首焉有庖犧鱗身
而人頤焉有女媧之腹而神于栗廣之陸辰放柏皇乘
龍馭鳳誰實賂之帝於何鄉焉有帝子嬰於東海溺為
精衛而體遂改葆江何罪而鼓殺之既劇于崑何化鳥

通齋文集

卷一

一

懺花盒

為帝江何族而渾淪無面目舜浴從淵孰詳其年焉有
后稷狼乳是食角以為城尾以為旌獲彼黃能豈吳刀
之可刑狂章大翳雲華之隸既相禹功今胡弗繼白狐
癡甌禹室以昌誰云玉女翩然下翔巴人之訟孟涂是
決既曰好生衣焉有血太素冥莖混沌龐鴻何以圖書
為龜為龜鳥明建福金提化俗芒芒既既疇傳是錄郭
蓄死士大犧乃禽曲逆女華並噉湯金既戮夏耕無首
焉行凡此之談譚謾匪經火流王屋其聲魄魄天智之
寶如何弗殞焉有委地而朱冠紫衣焉有河伯覬千金
之壁烈烈澹臺玉碎蛟殲何以斯人草澤是淹焉有宣

騫而母化龜焉有公孫聖而三呼三應日浴咸池拂於

扶桑所經七舍誰度誰量誰駢其乘誰服其箱天市之

星致明月珠心神牛頭尾神兔顧氏被青紗房衣絳襦

角嗜綠裳亢服赤朱翼堯斗舜參禹之符誰氏所傳然

乎否乎女樹生兒日沒而枯純陰之壤虵猿作夫壽麻

無景輒沐醢雞凡此之談毋乃為誣長臂三丈其國何

嚮焉有沈木而沙壹是觸蚩尤就縛誰桎梏之化為楓

木孰摩拭之禹攻雲雨仙藥爰育如何羣帝茲方是服

汜林之圃誰往游從極之浹誰機舟相柳焉食耕父焉

宅有神在野騎彼鯨魚焉能與之游於太虛鈞天之府

通齋文集

卷一

二

懺花盒

九奏萬舞何以罷熊與於帝所剽蛟剪龍奮擊雷公何
以蓄止上挫豐隆周雲如輪蜀雲如困南夷之氣類幡
與旂主宰壺壺誰氏之助脾侔覆缶肝形懸瓠謂由博
士茲于何附土魍魎羊木魍畢方江魍奇相火魍游光
泰山圓常北海禺強魍魎縱橫薶覲祝禳竊帝之鉄擅
作既殃何以昊霧弗慮弗詳芬芬大造孰究其要豈有
宛龍不如蜃螭豈有驩騶不如駮駮忠謨讜規諂夫之
讐良金利革盜賊之憂謂天有常善胡弗昌謂天冥冥
風霆日星古言昆侖維帝下都胡畀開明暨彼陸吾參
虎為防晉至是乎

醇士先生評文如萬斛流泉噴薄而出奇奇怪怪不可方物前賢當畏後生矣

擬蔡中郎釋誨

有守祿公子者誨於放言先生曰昔文公棄徽黑而咎犯辭莊王誅里史而薦敖出申伯樊仲實幹周邦咎單巫咸保人王室君子之進退期於得也今皇陶曩兩儀媻掞四表朝廷多麟麟之良公卿悉華首之老期門羽林咸通孝經博士議郎門徒莘莘言乎疆域則北邙窮髮南廡交趾西擾訛蠻東馴黑齒語其瑞應則鮪鯨出朱草生含譽見甘露零蓋德所施者無不飫成所震者靡不平矣天子猶復顓頊求治乾乾終日因才器使各宜其物若制木然大者爲舟小者爲楫長柱而短樞也若作室然脩脰跖鏤強脊負土眇準而偃塗也不以此時據高軒攀紫闥揮騰薄雲霄重趺叩華闕而藜藿不糝屑榆而食一日丸結貧鬼相責與僮庸賤爲偶蒙竊惑焉恐畜火井中而焰弗揚樹荷山上而根早撥也語有之曰捨茂林而集於枯不弋鵠而弋烏難與有圖吾子其擇之先生曰嘻曷爲其然也僕聞禍福同門利害爲隣膏以明煎鐸以聲殘獬獬之捷來措龜狸之文召兵君子通變履道而行其時可進也則鑿元珪勒襄鐘或冒詢以干用或發夢於王公其時而不必進也簋飧饌舖猶不屑餐譬如應龍涸泥潛蟠方將師天老而

友彭聃棲典籍之淵揖儒墨之壇槃珊周孔之庭呼吸
日月之精若蠅蝨之甘大沛猶文豹之雪晦冥其坐無
慮其寐無夢卽暖眩之巖崖亦循焉而罔動安純懿之
所廬樂和靜而隨時鑿申棠之愚諷羔羊之詩不爲怨
府不爲名尸不爲智役不爲利馳徒步而行鷄斯之乘
弗曉也鷄衣而處吉光之裘弗視也并日而食函牛之
鼎弗計也且夫郊氏之宗非不盛也博陸之翼非不動
也累徵重侯蹠天樞而執斗柄替御門子攝須理鬢舒
紳綬佩十百而進然而貪夫殉財夸者死權旣登牆而
擄處鮮不踣而自顛若夫樵樵姦吏因緣爲市欲陷與

通齋文集

卷一

五

截花盒

死比欲活出生議彼取容于一時尤君子之所鄙方今
賜與旣投伯聿旣敷徽密奉驟而入貢奧韃越嶺以來
王祛偶時登賢良譬猶天穆之野開明之陽刪梅榭不
損其蔭樹洪把不增其芳若如吾子所言則婆娑綺紈
之間逖逖利名之鄉以席上爲腐議詆柱下爲荒唐譬
猶割唇而治齒佐鬪而獲傷剔鯁鬚而師寸斛割鵬翼
而事螳螂也視取辱耳僕雖鄙人固未習此夫賢者奏
功於上拙者安愚於下詎不宜哉天之生萬物也滄葉
者蛾噉木者蠹食醯生頤輅腐蠶生替芮齒在晉而黃
頸居山而贅土非一行行非一類吾子所言貪鄙霧之

功將有昭哲之罪也于是公子驟焉失所神志形茹懣
墨而謝曰走無功而厚祿不識前車之已覆得聞先生
之言俯鉤九淵仰探九乾泥而弗滓粹而弗詖迺貞吉
之元符匪曲藝之一偏願反初服偕子周旋

通齋文集

卷一

六

截花盒

放言賦

譖乾坤之初構兮匪聖哲其疇管師拱鼠而制禮兮睹
 戰蟻而攸兵準斗台為三吏兮象河海為九卿易結繩
 而書契兮畫卦象以類情雖軒倍之云逸兮幸皇道之
 未冥堯握嘉而履翼兮惟糲飯之是嘗斥駉驂而不御
 兮駕素車以剡翔舜牧羊于潢水兮麗日月而齊光自
 子姒迨姬呂兮蓋五德之迭強襲斗精之閒氣兮又二
 十有八王伊余性之節貞兮慕先民之高衢樹載籍而
 長喟兮墜薰楨之異趨叔敖長左而霸楚兮董姚治而
 不終朝穆縱恣而弗殞兮豹毅驍而遘凶北郭殺身以
 通齋文集 卷一 七 懺花盒

明晏兮穆悅牛而饑死黃公謙而礪女兮梁刺刃於厥
 子韓娥曼聲以乞食兮稷矯矯而驚桓安陵流涕於殪
 兕兮觸雖賤而神完彼鬼谷之雄論兮徒裨闔而抵巇
 負束薪而受粟兮吾最羨乎支離吉凶錯其不一兮雖
 司命其難言賊中區之備督兮思一滌乎璇源朝余秣
 於青要兮實維帝之密都覲墀渚之綦綦兮云禹父之
 所徂逕武羅使占夢兮獲貞吉之元符聽關關之鵲鳥
 兮覲子孫之雲敷夕余眺乎岷山兮覲江水之濫觴易
 崖煥其金碧兮陰谷夢乎海棠玉女為吾端著兮療予
 手之痠癢信鬼神之富謙兮爰命駕而言歸還共工之

爭帝兮匿不周而絕維恨龍伯之不臧兮灼六鼈而朵
 頤彼廉貞而獲戾兮此饒亂而蒙釐陟平圃之寥寥兮
 傷魑魅之皆窮俗朝三而暮四兮其何異於狙公遵江
 涘以洄溯兮值秋潮之未落鴻雁哀鳴於中澤兮想周
 宣之復作嗟烝民之多僻兮心勺藻其若燁敬絜鉤之
 登木兮闕眾口而鑠金緇文命之七佐兮悵鞞磬之久
 停疇聖龍而賢蛟兮孰虎變而鼉行江祗為我奏舞兮
 檣柴桑之極浦惠五彩之圭璧兮降僮僮於瓊府屑縹
 李以為餽兮飯桃膠以代脯宓妃翩其擲瑟兮發清歌
 之如縷歌曰我行樸剗兮道阻且長盈盈弱水兮無舟
 道齋文集 卷一 八 懺花盒

以杭人生適兮等行役為子謳兮永今夕欲答賦而不
 能兮指天陔而載馳斟禍福之軒輊兮披利害之樞機
 圖紫房與東井兮奉至人以為師願知榮而守辱兮為
 天下之谷谿小岱宗於秋毫兮齊彭殤為一體懲尸祝
 之代庖兮學南郭之隱几鑿罇罍之自苦兮樂鷓鴣之
 棲止任俗士之邪歛兮覺樞輦之可恥系日讒醜貪魃
 俗益澆中區迫隘莫吾昭獨繙幽蘭袞瓊瑤飛行八極
 叩神霄廣樂九奏羅笙簫太微為我倚招搖回軒返閭
 收昔放智圓行方崇所尚遂超羲皇傲几蘧放言求志
 復何瘵

額魂賦

額魂賦者招蔚卿而作也詞曰君其歸只行勿東只九
 阮碑僻宅禺豨只空桑無人牛而虎軀只朱儒整耳翼
 類魚只有魃獸身戴脰而娛只獍狽魁雀甘人膚只蒼
 夔獨足戲海隅只飄風暴雨礪君車只黑齒蝮蛇君往
 必瘖只歸兮歸兮東方不可以諏只歸兮歸兮且勿南
 只具區滔天有虎犛尾只蠱雕嚶嚶狀若鬼只山都顛
 顛欲得人以醢只羣牛千鈞箭鬚鬚只人肉是飢莫敢
 止只又有窳窳潛黑水只歸兮歸兮南方不可以憇只
 歸兮歸兮且勿西只淵有鯀鮮窳窳能罷只膏蓉無實不
 通齋文集 卷一 九 嶽花盒

可禦饑只猶猢猻峽行且啼只黃鴉黑鷄其聲悲只崦
 崦幽幽日所次只其馬人面好抱人以戲只有物三頭
 溪琅琪只耽耽逐逐罔測其所思只歸兮歸兮西方不
 可以栖只歸兮歸兮且勿北只長蛇百尋如鼓析只猓
 獾狗狝見人則踉只鸞鶴晝伏憍且惡只其魃魃何
 多脚只烏鴛傅翼罔弗搏只歸兮歸兮北方不可以托
 只歸兮歸兮入重門只朱楹碧椽龍蛇鱗只礎則瑇瑇
 砌瑇瑇只瑠瑠之藿紛玢玢只虹蜺之梁鬱鞞鞞只君
 衣五色臚兩廂只金蟒蝨輪是君裳只夔以綢錦珮珠
 囊只明犀之帶有星光只雀弁朱綬繫焯焯只君饌八

珍在中堂只宰騰熊踰臚象肪只紫駝之峰兼乳羊只
 瑤柱土鐵暨鯨鱗只蟬翼之割析毫芒只斥鷃山鷄脆
 且香只進召元石攷杜康只千日美醞侑君觴只榴桃
 梨栗泊檳榔只無核之棗並沙棠只大食甘瓜碧玉瓢
 只百金一盤萬錢一觥只吳姬越女列君旁只綠衣縞
 袂瑟瑟璫只發聲振節儲宮商只陽阿白雪清且揚只
 回身起舞鶴鳴翔只度曲未終更陳百優只綵旂繡旒
 導王侯只金戈鐵馬擁華輶只娟娟美人凭玉樓只羣
 仙出雲塞翠疇只聳孤賀世後黃虬只更歌互酬釋君
 憂只嗟我思君不遑寐只歸兮歸兮我心慰只重曰江
 通齋文集 卷一 十 嶽花盒

風寒兮江水秋有美一人兮余所述望不見兮涕滂流
 露溥溥兮盈我舟江水兮何極我所悲兮安適淚萑蘭
 兮心結輻永訣君兮江之側

廣陵賦

夫廣陵者九畹之上腴四極之奧府調諧糾紛原隰
 廳上屬星紀入牛八度俯揚子以爲池拓瓜洲以爲戶
 紆邵埭以爲屏峙蜀岡以爲柱蓋靈秀掩乎東南而繁
 蔚弁乎淮楚其山則盤古甘泉橫治白洋擔奔盧滁綿
 絡天長伏波將軍浚爲五塘上雷下雷瓦梁石梁翁翁
 擬乎鄧林魄磔象乎崑岡子胥解劍之所老滬鑄錢之
 鄉隱韓鬱嶼蹶蹶芒芒其川則大江浮浮與日月俱六
 十四蕩三十六湖上引渦淮下極泥濶列紫金與浮玉
 並鄱陽與具區龍吟雷而治鏡蚌嬰月而噴珠鱗魴鯉
 鯉王鮪當鱣水族駢駢不可勝書其荒墟古蹟則有齊
 故縣隋隴遺冢王仙翁之丹室劉厲王之幽壠或寶
 釵兮半折或豐碑兮雙聳或雨霽而奔騰或霆霹而霧
 涌雲母溢于泉臺隧道侔乎禁甬山精倏其駛竿客子
 爲之驚懼其叢林巨剎則有天甯香阜禪智大明建隆
 靜慧雙樹長生鐵寶龕以霞貝錯珠網以璜珩闔或赤
 珠之嚴飾柱若黃金之削成桃蹊芍苑果叢竹坪別有
 梵覺之樓萬佛迴縈窺雜沓磊砢傾龍擎幡而供
 養塔渡海而飛行空門張華昔有贊真無盡之寶藏
 副化城之懿名其園圃則岬岫蚤綠峰巒起伏綺配芬

通齋文集

卷一

七

歲花盒

芳緯辭詰曲馬蹄鷹爪之蘭蠅錦鴛文之木或眞臘之
 奇葩或羅浮之巨竹或吳郡之扶芳或誰山之迷穀就
 艦舫而爲亭卽硨磲而成谷其最著者拳石曲水倚虹
 淨香重重對槐鬱鬱飛榻茹以珍卉翼以脩廊圓淵方
 井歌臺射堂石則來自太湖購從點蒼或成几案或類
 牛羊僂僂躡躡參差頽頽平泉之所未睹奇章之所莫
 詳慈雲一鳥在水中央象補陀之巒境爲雁形之寶堂
 紛綸緯繡照耀輝煌卓鄭之儔杆杆是鄉鞍皆煖玉舟
 悉沙棠犀辟塵於錦幄鸚舞鏡於雕房冰紈買之康老
 玉枕得之彭郎迹其侈靡擬於侯王其鹽場則或隸於
 通或轄於泰蔓延麋駿之隅布濩羅浮之外煎熬既就
 煨寒弗敗皚然若霰雪穰然溢塵層言乎轉運之饒逾
 乎岳鄂之界其郡城則通門十二堅鞞兩重井幹星敷
 烽櫓山崇四會五達之途長淮大江之衝延和傑閣章
 臺故宮鎮浮山以禹廟傳舊宅於孔融羈圍之勝肇於
 魏公諺門曲室簫月絃風閭閻填咽閭闔旁通校場之
 劍牙駟雲集錦是咸里之所成布或哀牢之所織花綾
 如博陸之工火浣仿羽民之國挂鞋賓之古鐵臚姬羸
 之鼎鬲流離至十種之多楮葉費三年之刻又有百戲
 校場攸聚無臂之子爲夜叉之歌周饒之人學金剛之

通齋文集

卷一

七

歲花盒

舞或費叟之騎龍或黃公之呪虎或摹學士之鬚或打
細腰之鼓捷若慶忌勇若專諸木熙之伎實繁有徒然
非特川陸之饒農賈之沃也黃門普漢則劉瑜燭其奸
車騎畫江則張紘佐其軸范慎得三軍之和閔鴻有五
俊之目華鎮東之辨道戴若思之不辱來楚州之忠蓋
李含光之淵穆五季而遺數之更僕諸賢輩出連篇累
牘又何止韓林車戴之家槐冷茅游之族也或曰邗誠
大郡厥俗輕浮阿麼暨此遂隕流珠由此言之弗利卜
都然而土德告終興陵啟吳開制勅之祕府存長安之
舊模并包夥歛奄有宣舒西兼度鄂北跨郊胸光宅江
通齋文集 卷一 三 歲花盒

陽級名帝圖黃屋三世祚茲一區豈非中原之肯綮薄
海之要樞乎所以我

純廟之南巡也爰駐蜚麟爰設離宮金虬負圖而護
紫鳳扶輿以臨空盤百尋以過露梁千尺而紆虹仰之
若懸固陟焉若崆峒班白之叟孩提之童對我
聖澤沐我

皇風彼童枯之壤甌脫之窮若相提而並論正猶砥硤
之視瑠壁螻蛄之擬應龍

蜀岡賦

魏乎蜀岡作鎮於揚綿延牛斗之野儼若蠶叢之鄉甘
泉衛其陰大河瀉其易左則功德之林隱麟而鬱嶮右
則司徒之廟勒分而翼張爰有招提厥名法淨宛入給
孤之園疑登極樂之境是草皆香無柯不靚蓮萼如輪
栴標似瘦松下樵謳竹中僧定泉漱乳而窺泉猿應時
而聽磬其內有堂號曰平山迴出江淮之上屹然雲霄
之間攬濃嵐於京口挹晴翠於圖關溝塍若棋枰之列
巖岫如屏風之環野鹿行兮齟齬幽禽下兮辨辨有石
泉馬陸羽品爲第五者也瀉瀑巖隈縈紆崖竇內浸丹
通齋文集 卷一 五 歲花盒

砂旁嵌瑤甃灑密房而彌郁灌長松而益秀芳氣蠲瘠
甘香蕩垢源同神漢之深品在吳淞之右窈窕西園繚
以重垣路十步而九轉水殊溪而共源回汀浴鵝曲階
藏鴛綠蕙絲乎下韶翠栝兀乎高原栝樾平仲楓柳櫛
栴雨餘而翠幄皆啟風動則笙竽異喧其麓則亭曰延
山樓名尺五洲似琵琶潭如鉅鏘百弓芍藥之田十畝
梅花之塢靄漬松鱗青垂樛乳海燕低飛山鷄獨舞非
同愚叟之居不異列真之宇若夫長春嶺者岡之枝也
一水悠悠循山而流大旂鷓首小盤螭頭載錢塘之蘇
小迎盧家之莫愁花捐羯鼓柳拂筇篻山不殊于浮玉

地合冠乎揚州又迤而北爲上方又折而東爲香阜水
陳嶠峴垌林黝糾丹楹鏤秦燧其顛瓜疇芋區互其後
繁飾累巧不可勝書陽煦陰敷于何弗有爰爲歌曰蜀
岡兮峨峨路陔陝兮石盤陀江上羣山兮浮翠螺我將
結茅兮斯岡之坡

噴雨虬賦

戊申三月天子祇謁西陵萬物棣通甘雨時澍布將軍
貢馬適至錫名噴雨虬焉爰作賦曰偉天閑之龍驥兮
稟西極之星精狀瓌譎而山峙兮越峴岫如履平狹素
襄之駟鐵兮陋魯僖之駟駟蹄聞而電散兮雷耳動
而騰行從天隄而過戾兮夕可屈於麓洽上方有事橋
山建辰旒巾玉輅璣駟夾途掌舍設極傑槩森其嶽立
翠幕巒以雲布飛髻曳乎雄虹華覆凝乎瑞露鏤潑河
之金版啟敷天之景祚適龍媒之奉御兮彰至德之珍
符寰木難之寶鉸兮杓金組以珊瑚前皮軒之鱗萃兮
後彫軫之星敷檄堪坏使戒道兮召陸吾使先祖矯若
潛螭之迅掣兮鷁如海上之驚鳧斯時昊靈感焉甘澤
以滂起計蒙於漳淵囚耕父與畢方黑蜮舒其元輿豐
隆激其雷礮始霖霖於重霄繼灑灑於八荒芳蓂或而
彌野嘉卉茁而被岡民無華裔莫不引領頌曰此上天
之降祥自天題之寵命覺殊姿之益貴渠黃不能睇其
踪盜驪無以並其轡勢瀆薄而揚霄光璘玢而照地被
九鳳之雄文兮挾彊良之猛氣昔貞觀之秉籙兮夸騰
霜而決波雖焜煌於往牒兮曾未驗乎時和若李靖之
騎龍兮握天瓢以揀抄語嚙尿而不經兮儒者譙其誕

訛惟茲虬之魁岸兮偕祥霽而並臻既渡略而龍翫兮
更聳擢以麟振弭雄姿而服阜兮並風伯以清塵蓋雲
螭之攸隴兮非天廡其誰馴方今協氣轉完羣生罔育
南裔呈其縞雉西戎進其白鹿羽民輸火浣之珍儼振
奉雄常之木罔怨雨而咨寒威家給而人足固宜驥裏
嬰庭駒駘在牧統九部而凝釐湖六飛而衛穀臣觀天
馬之西來殊愧駑駘之齷齪也

大正覺寺金剛寶塔賦

以陵空垂寶塔披
霧出銅盤爲韻

伊難提之矗立儼天柱之峻嶒中康賓而霧廓上崑崙
以霞蒸敷以丹騰援以金縷堅竅窺而莫測僮儂怯而
難登恐百靈之爐囊匪人力之與能何輻輳而緯繡紛
龍象兮交騰彼慈壽之俯揚子與長干之冠秣陵方之
於此蔑以云也蓋西番之殊製極鬼斧兮神工鐫青山
而見骨摩紫極以撐空隨庸庖以曲轉呀窳窳兮無窮
似岡連而嶺屬兮疑地絕而天通俾天陔之斗折森句
漏之玲瓏必甃行而嶰卻乃克陟乎琳宮方明憲皇之
肇造也詎匠石召般垂灼靈蟻於少海訊青鳥於三危
通齋文集 卷一 六 懺花盒
擇兌方之爽塏搜月髓之琛奇千夫荷鍤萬籟供炊甑
甌屹其嶽立磴道劇兮山移氣氛氲而消濤勢膠轉以
屋巖爾其爲狀也蓄麗豐崇旁紆曲抱儼批卻而導窾
譬解臚而理腦遙而矚之若燭龍繆胤而蹲寒門近而
瞻之若巨鶴蹠蹠而戴瓊島捫華蓋之九星歿廣寒之
七寶鑲碧珪兮如月落珠璣兮萬道至其法相之恢奇
也既類類以顛顛復齷齪而拉雜或赫紫而酡紅似飛
行而騰踏豐干策其烏屨達磨遺其革鞞金礦支屏珊
柯護榻天王挾總以當扉帝釋擎花而遶塔匪直此也
迦葉降而爲老氏寶曆幻而成宓譏拘締羅之大膝曇

摩密之連眉迎樓羅之詭異鳩盤茶之支離岳神赤弁
作蜻蜓之色波旬皂褶如鸛雀之姿鎡戟縱橫而瑾錯
鏤樞詰屈而離披凡堪輿所未有悉於此而肖之登斯
塔者靡不佞佞懼懼六丁之下馳蓋以大圓爲規大
矩爲度燭燁燁以流丹窾沈沈而蓄霧鳩鷓鷃藉以棲
榻應龍龍龍而守桓寶麟蘭熏瑤軒桂炷鋪苴席以流
連瞰薊門於指顧指蠡螭之絕塞歎居庸之盤互賦崑
閩之瑤京想鈞天之誣護登斯塔者又莫不欣欣轉轉
幸昌期之獲遇夫苾芻之傳至質也頓漸之義至實也
何以設詭憍之觀眩奇資之術析相輪兮爲五統金刹
通齋文集 卷一 六 懺花盒

金臺夕照賦
遼海東來居庸右抱崩施金臺蒼茫夕照發思古之幽
情動懷人之長嘯瞻音翠嶺雲縈瑤閣虹梁耶律賞花
之殿完顏射柳之場延春銀鼠之障盞頂金龍之牀俱
歸陵谷盡付滄桑平蕪廢甸衰柳殘陽惟見老馬嘶風
寒鴉點墨潭柘山青盧溝水黑何處鐘聲連天草色撫
落景而歐歎眇遙空而悵惻何況碣石之館元英之宮
縈塵妙舞旋娟麗容茫茫千載杳杳遺踪吊望諸之不
作慨崇霞之已空爰歌曰落日登燕臺臨風結遐想不
見昔時人寒烟生宿莽又歌曰天市明堂開紫微五雲
通齋文集 卷一 三 懺花盒

雙闕樹崔巍請君重譜中和樂不用登臨歎落暉

雞缸賦

石林先生

謂潤臣

風流跌宕際五九之寒宵出真長之家

釀列雞缸而侑客儼流霞之交漾其為製也翠等官哥

青侔柴汝與瑀璧而同輝視研匣而更古祝祝朱朱天

然畫圖花冠簇錦芥羽攢珠疑長鳴今未已類狸膏之

乍塗於是眾賓懽然相顧而笑作劉琨之起舞想桃都

之仙嶠彼大腹之鴟夷縱滑稽而未妙况復蟬翼之割

封熊之蹠膾西海之飛鱗臙漢南之鳴鶉召庖丁而奏

技覺斯器之彌珍爰歌曰粲粲此鷄缸不異南定羔白

金五盞豈能買一枚足抵英瓊瑤願壽萬石君以當綏

通齋文集

卷一

三

戲花盃

山桃年年置酒呼吾曹

謂封公冬卿先生時就養崑臣節相粵東

擬平布魯特安集延露布

臣聞鹽澤湯湯萬古湛蚩尤之血疇華鬱鬱千秋埋鑿

齒之牙商銘韋鼓之勛周有荆茶之討伊古虔劉大斃

焜耀豐功蓋所以柔遠人臨中夏也我皇上步趨軒佶

提挈儀璘合紫宙之歡心萃黔天之貺祐南馴整鉅北

抵雄常西越厚端東逾長臂既景星之出翼復榮光之

幕河不崇朝而士瑞集也乃有昆彌別部呼傷小酋交

質諸羌刼略它種緣邊九郡俱懷喋血之虞屠墨貴人

亦助含沙之毒趁邊風而橫弩窺漢月而鳴笳敢圍伊

列之城欲梗抱關之路臣等身膺閫寄誓掃邊塵覲沙

通齋文集

卷一

三

戲花盃

幕之俱清念邳支之不道爰與函關都尉蒲類將軍三

令五串有前無卻青衣華蓋我師之氣非常壞屋決堤

賊壘之摧已兆遂窮都賴直抵陰山壇壇雲昏齧齧雷

動始奪欽侯之幟旋梟姑翼之頭南北東西排鵝鶴鴛

鴛之陣黑黃蒼赤別犀牛驤矚之旗雄於白梃之軍淨

洗黑山之寇於是長驅絕漠徑歷回疆彼安集延者初

猶奮騰跳踉傳綵絡繹豈意暉焯王旅波涌颺騰輟雪

奇兵山鳴谷應以一當百以威乘衰以疾掩遲以生擊

死燔康居之闕帳摧天督之援兵桑佗盈常惠之軍毋

鼓獲宛王之首此乃天威震盪臣有何力也臣等

思留餘枿再動師干萬雉之堤宮元駟之穴潰百尋之
屋由窳隙之煙焦禍每中於不及世患每生於不暇察
將欲萬夷懼伏聽鼓長安永立昭明之功遠掃谷吉之
恥豈可決罅漏網逗穴連誅乃集育獲之徒勁悍之卒
靡林不赭有穴皆搜浴鐵如雲投牽成岳牙合纜出呼
延殪之陣前太師欲逃夜叉挾之馬上用是生俘首逆
迅奏膚功笳鼓動坤維金甲震雲漢威稜電激氛沙冰
消縛闕氏而裂王庭勒祁連而開幕府從此紅鹽池上
燄火平安青海雲邊饒歌填咽暇郵萬國誰矜河伯之
外孫戎夏一家不但堅昆之都督髓剛戎而腦勁越帶

通齋文集

卷一

三

懺花盒

滄海以跨崑崙并角節音棲翔禁籙霜忍翫羽戮舞川
坳遺琬碑鏐檢之隆躋履翼握嘉之感臣等無任慶忭
之至謹奉露布以聞所獲芻糧器械別簿條上

代宋宗丞撰謝實錄告成筵宴賞賚恩表

臣聞燧皇握矩璇圖樞斗極之輝軒帝乘乾玉匱蘊稽
山之祕大庭之傳七十世冊府俱存伏羲以降卅五王
禪通有紀顏蚪負笈貽金簡於堯舟赤雀銜書授寶符
於昌戶凡一代之斟元啟運揚厲無前斯萬邦之詠德
謳功形容益備是用肅將琳館敬奉瑤編瞻九陛以申
虔屈三嚴而展慶欽惟我

皇上蒿宮衍祐芝檢凝麻沈璧觀河撫八紘猶咫尺柴
天改物集十瑞於崇朝緬卅年之

聖武神文爰修祕錄合三體之佳盧梵韻特啟珍函詞

通齋文集

卷一

三

懺花盒

臣既天祿然藜末吏亦尚書給札珠聯璧合萃河圖赤
絲之文雲爛星輝別綾本紅黃之色洵古初所鈔見叨
闔惠以頻施溯自簪筆西清細書東觀飫大官之遵實
香萬金鬪支少府之縉錢貴逾琛版壺冰漾白庚炎之
溽暑全消爐炭圍紅成臘之餘寒頓減幸近光之匪遠
仗接千牛計副墨之初成時移四扈金根立辨每寬載
筆之疏玉案親披普錫承筐之惠茲屈受書之吉日優
加逾格之宏慈翠羽璘玕極儒臣之殊遇丹毫濡染賁
師保之崇銜榮光如中候之占鉅典協靈臺之禮龍延
孫子無遺葦菲之微宴錫臣工咸拜蓼蕭之賜仰戴千

之琦表喜動

天顏盼賀世之詔音歡騰地軸三危瑞露借珍果以同
嘗九醞香醪泛瑤卮而並酌共砥羔羊之清節五絨增
華仍頒天驥之文茵千金論直凡屬掣鈴小吏削簡微
員莫不普被恩暉稠承厚澤臣等叨居法從濫直承明
際握嘉履翼之隆遭錫羨延洪之威伏願心單宥密化
溥盧牟八表風緜邁鳳紀雲官而益茂五車星朗合龍
沙月蝟而宵恬百二臣陪元扈之游七萬里拓吳明之
壤告

帝期者五老官風后以三台衍惟精惟一之心傳天貽

道齊文集

卷一

三

懺花盒

嘉穀纘大矩大園之法誠道合冥蒸福祚無疆總周印
角端之瑞

神謨共式越旃塗輒沐而遙臣等無任感激榮幸之至

通齋文集卷之二

江都 蔣超伯 叔起 著

山陰 宋澤元 華庭 校刊

少司馬鹿牀夫子六十壽序

蓋聞二疏祖帳西京播為美談三李挂冠南郡傳為韻事況乎咸年引退躋偽祿之高蹤清德冠時媿晉平之朝隱如少司馬鹿牀夫子夙乎不可尚也夫子神禪其詞倚魁之行淵淳雅量天縱逸材見距末而能詳讀撐犁而早識蕭行范篆孔草羊真於人則半面不忘開卷則十行並下陳球之搜圖籍掬精極微蔡朗之綜苞符

通齋文集

卷二

一

懺花盒

刊沈摘祕以今方古渠何足云所以刻燭萬言摘毫百韻貫穿七緯咀嚼十經天動地岷之雄隴赫霆奔之嶮習鼎邾戈之古簡圭宣璧之華或鬱羅蕭臺入九天而呼喻或旃檀香海悉七寶為莊嚴神光則配藜四施幽韻則孤桐獨奏河所謂較顏轅謝麗沈包任者也由是贊銀中盾曳履南齋編舟陪福海之游狻座俶文淵之直備列卿於黜寺邁漢廷蟬冕之榮兼峻秩於容臺等宋代龍圖之貴玉笈金積瞭祕殿之珍函面菜口脂極詞林之恩遇晉躋武部實筦戎機殿鞞從三省而登試弁綜七兵之選然吾夫子引楮萬物做蹤一官抽身探

茗雪之奇叩齒熟桃康之訣大朗小朗貝牒兼搜龍虛

雷虛奇資畢攬居惟道服渾如太素之風門無異煙卓

矣四黃之行時或儲與大溥灑然沈思挂笈行於漁竿

縛艇舫於水閣驅烟染墨入聖超凡牛毛參玉屑之絨

鼠尾帶礬頭之法他荆關之旗鼓屢董巨之門庭蓋自

麓臺石谷以還一人而已且夫番禺大府烟月作坊諸

蕃環市舶之司列肆擁波斯之藏素馨成海野盡花田

金鎖名潭山多寶氣昔人謂使車所涖琛瑋畢輸良有

以也我夫子再臨五管無愧十賢雖亦韶石探幽訶林

選勝誦鐵胎之舊德叩銅鼓以長謠而心迹雙清脂膏

通齋文集

卷二

二

懺花盒

不潤兩番英篋曾無駭駭之囊十幅風蒲祇載蹲鴟之硯以視孔吳清節又曷讓焉自賦歸田益難耐雜彈碁八勢精舍一牀獨楓如隱者之居後編卻道人之請邇者暫籌防務特進華資調齠騎如羣羊馴霍雖猶樸馬打稽絕迹搗蒜無聞大公平得州里之權少常伯信神仙之侶時維爐歲爰屆弧辰先香山覽揆之期正戚里傳柑之節歆鱗融續抃綵騰愉拙淪颺窳稱鱣介祉超等受知最久每懷薦士於當年鞠脰維虔共祝延釐於此日所願威明九秩晉尚書喉舌之階高九百齡荷聖主股肱之寄謹序

安徽王中丞六十壽序

安徽之壤於九州爲荆揚徐豫之衝山高水深地大物博經途亘乎千里豐游咸於八區苟非其人號爲難治清苑中丞以鴻生鉅儒建節其地瑞應辨至頌聲闐然追蹤前賢鬱爲時棟謹就見聞所及言之夫紫標黃榜障麓相誇饌玉服珠盜竿成俗公則制行廉峻比潔冰霜監町何珍觶醪非寶處脂膏而不潤卻請寄而弗通清名爲基鄙籟金之陋儉約自守勵酌水之懷昔任彥昇之宦新安不是過也或矜雅量而動語包荒或喜市恩而忘其撓法公則說和相劑曩括咸宜沙汰貪饕鈔鋤亂猾恂恂者白巾出府鴛劣者斂手解印問羊知馬拔實斥華如辨拳之條分若康莊之迥達昔張鎮周之督舒州不是過也矧復臯牢一切鼓舞羣才見徒步之儒必與鈞禮得一紙之書賢於從事句瞿梧落曲藝無遺杜苴申茅芬芳並集秉大鈞之橐籥爲下國之暇郵昔何武之行部廬江不是過也至其方略夙裕訓練以時樹六纛而宣威合百城而安堵淮澗無探丸之擾宣發絕鳴炮之響餘糧棲隴外閭固無些竄以偷生競驩呼而蹈德昔劉馥之招撫合肥不是過也往者涖潦非時淫醜數降白霓之內或生魚鼈江潮之來不辨牛

馬洪波濊漫障息壤而無從巨浸瀆淪視薦嗟而更酷採蒲贏者困麓皆空懸釜餓者糟糠不足公順時覲上相地衰征省官健之衣糧破奸胥之緯繆何心獨飽駘公緒之夙懷以身救人第五訪之清節遂乃上紓天顧下奠民依俾黎獲蘇菜色相慶微公之力其孰能之蓋蘊之者深斯措之者當習之者孰斯用之者精公生賦雋才少承家學舉凡鄭書晉鼎蕭律蜀科幪巾嘉石之條蘭盾茅門之制靡不窮其幼眇灼厥指歸故能言有文章術有條理民之情僞盡知之矣所以累朝恩遇不次超遷備法從於葦階晉華資於衷甸頻持使節特畀疆符在朝廷爲得人在我公爲稱職非倖致也今天子出震乘乾握璣御宇賓連濶達擢秀郊垌扶幼養綏騰輝禁蘖時惟元祀公適六旬聖主之休徵賢臣之壽考若合符契豈偶然哉行且旗章入覲鼎軸攸司偃息邊萌祿福天下不但光輝篤實允符奪畜之占固將老壽堅強遠契仲任之論也已

桑方伯壽序

代陳卓人作

蓋聞若豆棟蠶之俗壑慄難馴堂琅屏駟之區侏離未
華豎茲之所弗悉常璫之所莫詳必有羸垺宇宙之精
思彈歷山川之大力乃能協百蠻之風氣為萬物之貫
肩若今滇南方伯桑公蓋其選矣公照燭三才暉麗萬
有游躡九道采吸五靈以騰霞躋漢之姿胡

堯醴舜薰之化以鈞河摘洛之手枚銅船鐵柱之鄉櫂
楔峴調潤色滕策盤盤乎觥觥乎蓋紀之弗勝紀也先
是贈公少習法家每從頌繫都船獄史無如薛宣之才
陽翟決曹不減于公之望官雖淹於簿尉慶寶被於子

通齋文集

卷二

五

懺花盒

孫公少卽謙仁長尤癘義橫經尙冠之里橐筆覆盎之
門經耳無遺觸目成誦詞鋒峻拔如瓜瓞之嶺三周藻
采紛騰若迷穀之花四照中郎祕籍久已置諸帳中思
光爲文從不寄人籬下紙札供其搖裝烟墨聽其馳驅
學謝師裴跨劉舍陸彼谷雲雕篆匡鼎談詩以古方今
未之或遜旋乃句臚朵殿奏賦蓬山握穎鏡與元莖構
思若涌射寄生及窠藪睹物知名翰林奉爲洪頤亦後
進瞻如華覆矣且夫盜驪赤龍非躋乎鉞隊弗彰越廡
之能巨闕豪曹非礪以槩根曷見潮鐘之妙公一麾出
守萬里扶搖以待御之三駒策昆明之五馬樛榆栴棟

滇王莊躡之遺筆蕤蘭干漢代邪龍之域誇發源於沈
木弄使君猶瓠壺自賢守之下車見莫延之慕義衢無
匡弋賓幪爭輸縣號嶒峨流庸盡返崔寔四民之令奉
以周旋汜勝九穀之書資爲條教一技之長不棄九行
之士畢登哺癘老以兼糧燠鰥孤而重帛俄移首郡卽
擢迤南觀風天女之城訪古蟠坤之廟梧桐濮竹香迎
使者之車牛馬躡羊路接汶山之郡旣捍外而綏內復
除奸以植良駭微氛銷鹿芟寇熄雖探奇漏鈞暫爲關
索之游而奉

通齋文集

卷二

六

懺花盒

于牂牁抱弩負簡歡騰于晟貢臯牢一切引楯羣生軍
若撥麴野多滯穗竹頭木屑宛然太尉之風陽維僧鱗
齊祝
聖人之壽六王獻款誰敢駕其篳船一斛爲常從此寬
其鹽賦昔文齊戴漢摧坎井之蛙王阜綏蠻致滇河之
馬公近之矣邇者年逢周甲室有齊眉夫人鍾郝家風
嬰執令德六珈象服欣賡偕老之篇八座魚軒共酌長
生之醴膝下則封胡過末諸孫如瑜珥瑤環彪怒龍超
蟬冠鵲印綰綽眉壽子孫其逢又于公備之矣某益益
之淺莫測慶霄頤輅之微詎知陰翥所願劉樊伉儷偕

書綠籍之名豈徒蒙段山河遠振碧油之色謹序

通齋文集

卷二

七

藏花齋

周廉訪六十壽序 代作

丙辰旦月乙未為蓉帆廉訪周甲之辰某交小蓉太守
素矣其可以缺蕃祉老壽之頌請為更僕陳之先生畢
節名家宣光茂胄里稱累德世挺偉人或臧飲而蕭文
或蔣謀而庾潔昔沈冲昆季綉豸交燿柳惲弟兄金蠅
互映以今方古周氏為尤盛焉方先生之少也十經並
習四部靡遺半面不忘五行俱下隨月光而開卷對雷
電而沈思墨蠶奇童神駒國士旋登上第出宦新邾爽
爽人中翩翩洛下既而剖符林慮訪古銅臺決三百獄
於須臾開卅六渠之美利視貧細如子弟馴豪猾為縣
僮登斫屨之清才革懷甄之獷俗駝牛都尉憚厥威稜
鷹犬少年蠲其錮習來時單騎有公孫景茂之風別後
大錢陟山谷老人之涕中丞倚為砥柱

通齋文集

卷二

八

藏花齋

天子界以巖疆吉安荆楚咽喉洪都肘腋江包紫宙山
枕青原不無鳥獸之氓自怙螳螂之衛姦回互巖龔悞
成風先生夜枕銛戈朝巡讀列瓠中置火壑下儲柴楊
羅漢之鐵星韋孝寬之布幔廬陵安堵先生績也遂乃
飛芻南海持節西沽驅夸父兮策天吳等扶桑而凌赤
岍袖長三丈徧搜徼外之奇舟有八輪預兆臺端之瑞
蟻冠特晉磨脯仍頌頌瞻霄漢之輝即拜星沙之命花

紫銅柱定履三公嶺出瓊漿行遷八座況復歆醇融續
跼淪從颺叔寶神清慈明外朗露門學士遜此才華墨
曹參軍無茲績學邇者小蓉太守將赴昆明吾知栢棟
青齡歡呼神父堂琅屏駟亦爭逐使君矣某載瞻回雁
爰敦雕蟲當三湘柳刃之秋正十賚延洪之日仙藤佛
芋對衡岳而稱鷓螺畫龍書搗禹碑而介壽異日者威
明九秩猶縮尚書喉舌之司高允百齡蔚爲聖世股肱
之佐謹序

道齋文集

卷二

九

懺花金

趙柳溪六十壽序

鷓鴣堰側濤迅於雷獅子門南山濃似黛有隱君子無
慚古賢發越齊名方圓悉稱柳溪先生其人也先生書
兼八體易綜九師杆率柰率之編龍虛雷虛之奧靡不
鑄劍盡妙鑑彙隨心六草三真風流共賞五經十事口
誦無遺顧野王能識古文徐君禕尤長丁部而且虎靴
桃杖雅擅清談塵尾松枝兼通內學何精且博也況其
玉潤瀾清砥仁癘義建昌之俸悉散親朋義方之庭弗
珍銅漆室有養炬門無異烟昔曇智子與伯輿柳下先
生近之矣曩者島氛未靖海水羣飛艦殺牛皮酋來鳥

道齋文集

卷二

十

懺花金

了藏春之鳴忽起狼烟甘露之峰爭然蝶礫先生躬巡
讀列堅守圖關步稍相參打稽悉絕四甄才發兼梟鐵
彈之渠二伏潛分屢縛銅鈴之傑動如奔獺靜若潛魚
大港之濱得以晏然無慮者先生績也令弟端公初官
銓部褚翔小選雖似冰清方朔長安無憂米貴洵可比
郊祁並世職雖一時矣邇者月直磨迦時有養日高士
披裘之候于閭採玉之辰六表延釐一堂林綵玉昆金
友如王錫之諸郎驥子龍文有裴家之二雋極臧飲蕭
文之威兼王車庾宅之華名牋皆鵠白鴉青大硯則紫
袍金帶各抒心藻咸頌眉梨某雖三鹿堪嘲一鴟未讀

叨陪綺席獲奉瑤觴羅仙醴之百瓊畫雲泉於半臂所
願肩吾九十徧探句曲之書元爽百齡長預香山之會

張君正笏七十壽序

山川崦嵫房心分野之區人物軒昂汴泗交流之地訪
黔夫之舊壘一曲長河問龔勝之故居百圍喬木爰有
南榮僊侶北垞逸民標華覆于詞壇豎洪頤於藝府如
正笏張君者其人是也君江東獨步日下無雙兼六詩
三筆之華摘四庫五車之祕興酣采烈京都聽其雕鏤
骨健詞雄莊列歸其爐爨類巴船之出峽萬派淋漓如
綽道之盤空千尋詰曲鉤繩暗合糝膠葛而騰思穆羽
相和吐配藜而成彩可謂通明第一華妙冠羣矣乃性
甘肥遜戶罕雜賓茶臼筆牀臨崎選勝烟簑雪笠涉句
探幽團焦覆鴨脚之莎小圃種羊蹄之菜樗蒲幾齒會
未關心奴價若何弗聞挂口更何論侯封煮藥郎號侍
芝也丙辰獻歲爲君七旬蠟燕絲鷺杙盆豆粥投壺撥
阮賓皆庾鮑之姿鬪罕藏鈎客盡江蕭之彥灼村令弟
適宦京華分機闈月候之勞奏鐵市銅街之績畏邳都
如大府搜渠歸于重轅銖兩皆知根株弗爽爰陳春酒
來索斯文夫機楸之皮豆籩之所弗用鱖歸之味鼎俎
之所不登乃求之愈殷卻之不獲細弦奏雅敷衽陳辭
恐狐白之裘反衣之見笑于長安賢令也

王君守和七十壽序 代作

蓋聞樊桐萬仞蔚然珠玉之林華蓋九星爛若蝦蟇之采根深者葉斯沃積厚者流愈光昔范長生年過期頤錢光祿壽躋二百擔負多福良非偶然今王守和先生固其遲矣先生中冥獨達外物無鏡迴迴天懷齋齋雅量挺李邵之奇表枕若鼎彭湖虞延之妙齡氣如匹練星書琳札名已注於方蓬金友玉昆秀特鍾於參井所以才諧邁眾績學靡僞咀嚼七經笙簧六籍皖璣衡之祕廓絃河洛之微機說劍而趣過蒙莊談兵而妙兼姬季班孟堅爲元武司馬何必官高蘇桓公是扶風大人

通齋文集

卷二

三

鐵花齋

陽之五伯招鉅下之二卿人呼自然先生公是蕭間居士茲際葭風扇祉荔日延祥欣逢攬揆之辰竊効躋堂之頌指獨楓以爲里鐫雙櫟以題詩爰茹食而開樽更援毫而詠德所願祿星倍朗愛日彌妍丁孝公譽擅無雙長承帝澤羅侍中曹兼卅六卽是仙人

通齋文集

卷二

四

鐵花齋

孫少司馬五旬晉六壽序 代作

歲在丙辰末迦始羅之月元已後一日為蓮塘少司馬五旬晉六之辰門生屬僚細弦奏雅鴻章偉什駱驛而陳謂公楠異雲端探源日昏左氏鐸氏之旨黃公毛公之傳尹汜王蔡之書季婁龐倪之術與夫王圍射法任良易旗靡不咀嚼其菁華補綻其缺罅趁輶輓于文陣之間鼓鞞鞞于詞鋒之上如肉貫鼎若杓梳絲不炫奇資之談不屑擗摭之陋抗因霄之長嘯倘顛頊之宅幽何其博也謂公聰明邁常精爽無輩少蘊瑰璋之行幼絕嚙尿之言爐囊百家駘斷三古太元覆故異書滿牀

通齋文集

卷二

七

歲花盒

階司成躋三席之榮典試閱九僊之勝望雲之念無日或忘也遂豫章之提學也詩商必審削傷咸宜潘輿增鹿洞之輝萊彩泛鸞溪之月才遷兵侍愈切陳情鄉指平津何異獨楓之里城瞻章武下臨無棣之河紫綬金章白華朱萼夫孝壽同部其義相因某之所以頌公者固在是而不在彼也頌曰猗歟孫公侃侃冀方束脩之齒騰聲上庠聯步瑣闥持節鄱陽厥度愼愼績洋洋紛赫帝圖容與周行再拜君羹臣母未嘗帝曰汝良邦家之光歸奉而親身其康彊學有瑤蘇盤有嘉魴斑衣滿庭玉笏盈牀古人有言積善餘慶二十六曹永贊我

通齋文集

卷二

六

歲花盒

皇

蕪硯齋圖序

蕪硯齋者錢雨燈讀書處也君以銀鹿華冑鐵肝世家少無嚙屎之言壯負奇佻之略吐棄一切辟易千人譬猶巨鐸驅山狂鷲搏豹足令坐客銜壁束手軍鼓前矣無如九儒十丐誰重書生方皂圓卿爭竈捷徑君既不
能卑疵其行熾趨其容足訾而呼竦斯而躍則硯之蕪也宜也雖然鄰氏之宗潁陽之族埤幘狹冠之服綺疏青瑣之居累將重侯鳴鐘擊鼓挾魏盈之威氣罪袁著之直言曾幾何時俱歸烏有求若君之茲硯詎可得耶僕被褐懷寶遠愧黃瓊折頰欽頤醜同周燮狂支離而通齋文集

卷二

七

懺花齋

習孤技蓋蕪又甚於君也將何說之辭焉

蕪城雜詠詩序

夫得一益二往牒所稱遭亂以來舊觀頓失開門揖盜可為痛心灰子火妻難云曠咎窮奇微徇遂膺至於九衢窳窳狗鴉更侏張於四境計所燔百餘萬戶蓋有眾三十六方天道無知人絃殆絕昔之歌臺舞榭綺梔雕棉跋陀青童之泉忠烈白馬之廟吳武皇之舊邸宋藝福之行營舉付祝融都成灰燼既而嘽焯王旅次於西郊樹鹿蜀之高牙積虎蹲之巨礮我師雖銳寇糧甚多雖四面攻圍而九月弗拔吾民之陷於賊者一絲一粟搜括靡遺無富無貧凌斃同盡賣丹君房之子辱以輿臺販脂翁伯之豪驅為弩父餅金不能易升粟朽革等貴於八珍或絕粒經旬仍膏糗糲或積薪自蒸甘蹈爍煇劍樹刀山慘甚泥犁之罰蒺藜極楛凶逾習坎之爻迨收復之時觸體十萬得非天公佛道議除此閒人乎嗟乎朽骨沿衢不異僵人之峽垂髮載路宛然寡婦之城彼蒼者天胡乃如是祝衹祝衹何時報孝然之歌長纜長纜此日託杜陵之命仿九歌之遺意寄三歎於哀弦若曰歡愉之詞難工窮苦之言易好則余未敢當也

通齋文集

卷二

六

懺花齋

懺花盒詩集序

鍾仲偉論詩云專用比興則意深而辭蹟專用賦體則文散而意浮由梁陳以至元明善評詩者無過於仲偉也又曰陳思爲建安之傑公幹仲宣爲輔謝客爲元嘉之雄顏延年爲輔輔之云者一唱三歎鼓旗相當彼用正則此出於彼規摩則此矩鑿蓋物必有耦於詩歌中尤不易焉今華庭郡丞之詩託興既深賦物維肖不瑣瑣於銑溪蚪戶之陋而性情所寄醜然天真不認鰓於妃青儷白之纖而風度之適跨乎時輩邇在循州與太守劉公相唱和極天涯宦遊之樂詎非今時之顏謝乎

通齋文集

卷二

九

懺花盒

葉潤臣江漢歸舟圖序

慨自陰陵變作競戴皮冠伯路妖興爭標絳幘扞雲夢者少法雄之智守桂陽者非度尙之才於是鄂岳當其衝而下游飽其毒蟻萃蝨集豕突爲饕搜牢空夏口之城烽火照磁湖之渡武昌門外無復垂楊大別山前惟多敗醬此天涯薄宦所爲流涕者也幸塔軍門以星沙勁旅直指樊山下雋兒童剌荼應募邾城父老奮鏖爭迎遂乃翦巴蛇于洞庭戮九嬰於凶水投鞍成岳浴鐵如林固漢江一快事矣而枝附猶繁蔓延未已壺頭將拔新息云亡天寶爲之可勝浩歎吾友潤臣閣讀沔口

通齋文集

卷二

十

懺花盒

雖然黍豆之御也得之於銜應之於轡得之於手應之於心而馬蹄之外無餘地也公儀伯以力聞析春蠶之股堪秋蟬之翼不必曳九牛裂犀兕也視其狀懦夫也文章歌詠之道或堅而縵焉或緩而鈺焉有畦町而若無畦町也以神遇而不以目營也奏刀騖然斯所見無全牛矣此又不僅在比興之微與賦體之工與否也讀郡丞之詩良有以進於此已

宋建炎六印序

一御營使司參贊軍事印二建炎諫官之印三
建炎考城縣大馮村指使記四建炎宿州軍資
庫記五建炎宿州糧料院記六建炎宿州院主
記現藏葉潤臣閣讀齋中

媼相構兵之後天蓬護駕之年藝祖鐵拳飄零沙漠德
基玉印流落江湖空傳味漱之書莫救淘沙之劫五千
茸甲漸逼淮堦十萬柑燈徒然海上問盾琴兮安在望
陵谷而興悲何幸頑銅尙標天水軍資糧料州主臺官
一繫御營五稱年號大雅君子固宜什襲以藏矣夫甄
通齋文集 卷二 三 懺花盒

官寶璽摧殘螭紐之文天厯珍藏都付鷹坊之用顧茲
么麼曷足爲奇然而吉水鐘淪桃源石泐紅鸚鵡猶呼
萬歲兵馬蟲已滿中原卽此麻沙倍多棖觸况參贊軍
事張魏公會佩焉篆細於絲銅蒼欲滴想見行都父老
以手加額時也

犀角槎杯銘 亦葉潤
臣所藏

滄波盈盈變春酒泛槎其中扣牛斗

上李月汀夫子書

陽春三月時和氣清棘鳥呼烟莢雖衰翠遙矚函丈不
盡鄙懷竊惟夫子世挺賢良學窮肯綮曩攝吾郡整頓
葵之局制勸民之歌拔茶植桑持掩俱息帶牛佩犢疆
藥皆肥可謂潔儷秋霜燭如易鑿迄今郡人言之未有
不蹉資感泣者也邇者南陟羅浮東眺瀛海呼鸞道上
一片榕陰鐵漢樓頭四圍山色超知畚獠纒負峒蠻行
歌賀蝗田之屢豐叩銅鼓而相慶與揚民罔異矣伏希
以漠處神以恬養性君子適樂羣生日和則超所深幸
也自念啖脰之質等諸蓬蔕濫脇之音敢濟潤梓惟有
擢德懋性期無獲咎焉耳南風有便敬聆德音

通齋文集

卷二

三

懺花盒

答宋華庭書

昨者三素翔集倒屣極歡得手書褒及陳賸飽饑轉漸
主誼之缺矣執事當羽檄蓬午之時乃能走筆竟紙纒
纒千餘言無微不賅靡奇弗挾其清野扼險各議直如
掌上螺紋切中肯綮閱譚偉論悉由經濟中來欽佩奚
若賦詩四律譬之盈尺大貝赤雲紫電璀璨滿前使未
仲見之豈不攫爲奇貨以去弟又何榮幸之至也日來
校士閉置考院中如曹景宗作新婦三誦大什不揣效
顰諧方響之鐵愧乏裝賓睹日觀之雲益憐培塿此佛
家所謂將磚答玉道衡所云以蚓投龍耳吏事攫心軍
通齊文集 卷二 三 識花齋

卷二

三

識花齋

書又迫鄭勇方軍同時乏食方已晉省置全隊於藍田
設黃鶴不來此輩橫衝落雁都誰能約束而陽春客匪
漸漸西移杞憂正無已也執事宵珠在握洞見垣一方
人乞指授一切幸幸

代僧三根募修都天廟啟

蓋聞惟神降福惟德動神德至則神歆神和則福集是
以鄭穆感勾芒之降晉平召首陽之祥姚萇邀惡子之
靈蕭猷獲楚王之救理匪誣也山僧精舍夙奉都天疇
昔感時美哉輪奐遶龍負棟儀鳳棲櫨幢圖縹緲之飛
仙壁繪艱躑之巨鬼百圍宗廟五色麗慶玉印金牌綉
旄黃纛擾計蒙爲部曲駟踈踴以巾車紺瓦鱗排珉墀
肪截惜乎近歲漸見摧頽雨積苔坳雖由暗吐塵堆玉
座子子羣游承露盤鼓搏風翼壤冀樵爨于長者庶焜
耀乎神工苟其金布給孤園成祇樹將見百祥畢降無
庸歿改之符卽云一蓋無多已徹須彌之界謹啟

卷二

三

識花齋

署壽春鎮總兵全將軍玉貴誄

全將軍玉貴者初爲小校游擢都頭超越重樓躍伍三
丈材官銳卒多自謂莫如也慨自甌與梟鬪毒甚陰諧
玉麟之堂環生荆棘瓦官之閣鞠爲戰場狂寇滔天譙
臣束手於是大帥向公沿江進討指揮部曲凜雪精神
鶴唳如雲托纓射日白楊路側影颺空元武湖邊輜
轡不絕爰刪行栗直抵籬門將軍每戰先登不干虛譽
通宵警鼓與鏑斗而相和半渡決囊俾箭輪之不返秣
陵父老羣以爲賊其破矣何意廬江夕陷譌火宵騰凶
渠如南岳太師別部號尤徠三老將軍驢弓繡弣直指
槎峯白楮朱張遄臨笛浦駟車並進銑鏡前驅詎毒矢
之潛來遂鏖旗兮小卻犀袍半赤纓帶俱殷邢曹進之
夢中未逢羅漢宗汝霖之枕上連呼渡河嗚呼鐵馬金
戈總帶英雄之淚銅魚畫雉誰招烈士之魂爰爲誄曰
烈烈全侯所戰無前勇可奪五龍之口力可裂蚩尤之
肩殺賊如草大呼殷天轉戰千里至於淮孺人多股弁
我則身先豈意孑孑之蠕蠕化爲擔生之蜿蜒稜稜暗
激螫孤以顛苟偃之目不瞑先軫之面儼然嗚呼傷哉
烈如全侯弗假以年余聞古人有言寒疾五日不汗罔
痊死於疆場壯士之妍雄哉雄哉全侯之忠勇上蟠九

通齋文集

卷二

三

懺花盒

天而下貫九泉侯其可謂賢侯其可謂賢

通齋文集

卷二

三

懺花盒

通齋文集卷之三

江都 蔣超伯 叔起 著

山陰 宋澤元 瀛士 校刊

晉悼公論

晉悼公復霸者也余謂悼不得為霸悼之立由於厲之弑厲之弑由於樂書荀偃也此二臣者真所謂不臣者矣逐不臣者七人特嬖倖之徒耳故君之嬖則逐之故君之賊則容之霸者顧若是乎從荀范之請將封向戌以偏陽剪小侯為私賞霸者顧若是乎迨營魴卒而蒐兵命帥士句讓荀偃即命荀偃韓起樂騫讓趙武即命趙武以將軍之重權聽羣帥之互讓非讓也是黨也以黨為讓霸者顧若是乎未幾伐秦無功則任荀偃之故又未幾而盟宋失霸則任趙武之故其後三家分晉皆悼於此啟之予奪不公誅罰不當即云三駕烏得言復霸哉

通齋文集

卷三

一

懺花盒

趙盾論

世稱趙盾之賢余不信也方襄公薨盾議迎雍而殺樂既而拒雍立靈公樂與雍何罪乎無故而殺之而拒之也迨靈之立盾不知所以教之至於殺人置畚而後諫焉諫亦晚矣且盾之馭下嚴矣胥甲則逐之賈季則出之續簡伯則誅之獨至側室之穿軍門呼而不討伐崇無功而不之罪此何心也桃園之燬盾若不預歸必討穿乃使之逐黑臀又何心也由是觀之鉏麇之死盾殺之觸槐之歎盾黨附會而為之靈輒之倒戟也安知非盾預為之地以伺公之動靜也乎盾不足責吾獨異夫

通齋文集

卷三

二

懺花盒

卻缺士會諸人亦泆忍依阿而不去也

馮煖論

義也者率乎天理之至公準乎人情之至當行之君臣上下之間而均無所爲假借也言市則非義言義豈待市哉異哉馮煖市義之說也且義即可市收責燒券義之小者也背齊向梁非義之尤者也義之小者則攘之非義之尤者則悍然不顧而爲之可謂不善於市義矣昔臧武仲之如防也求爲後於魯其詞甚婉而孔子斷以要君今煖擁五十乘而游梁則其氣驕於武仲使孟嘗固辭梁使則其計巧於以防惜乎齊之爲所愚也令當日者齊責梁以納薛煖又何術處之爲馮煖者當戒孟嘗修臣節以祚子孫俾孟嘗不失爲純臣而煖亦不失爲報德也不計及此乃營營三窟嗚呼煖之所窟者利耳卽其所市者亦利耳豈義也哉

道齋文集

卷三

三

藏花盒

書馬融傳後

范史之敘馬融傳也曰草奏李固頗爲正直所羞嗚呼如融者豈特正直羞哉觀其奏固之詞旣鄙且褻至謂胡粉飾貌搔頭弄姿亦誣之甚矣夫君子之居亂世也有可殺之身無可奪之志吳祐聞龔奏而爭矣祐無恙也融如抗龔與祐同出而已未見其必死也且媚龔而生之辱曷如黨固而死之榮乎郭亮汝南一孺子耳猶知提鉞負鑽詣闕上書王成賣卜終全弱息士之賢不賢其辨在此惜哉融也

道齋文集

卷三

四

藏花盒

難東坡諸葛孔明論

蘇子曰先主在荊州孔明欲襲殺其孤先主不忍也其後劉璋逆之而奪其國失義士望此其說不然也使荊州早得何至有當陽之厄而乞援江左哉先主不忍負表拘墟之見也孔明之勸先主圖璋因時之策也謂先主失機則可謂孔明不智不可也至於璋之父子據蜀二十年矣僭乘輿與覬神器戕漢使有可伐之罪焉聲其罪柔其民逆取而順守豈失天下義士之望哉勇如賁獲不能無尺刃聖如湯文不能無寸土失琮於前豈可復遺璋於後孔明固計之熟矣初無仁詐雜用之見存

通齋文集

卷三

五

懺花齋

書陸士衡辨亡論後

愚觀陳壽之論孫權謂其嫡嗣廢斃後葉陵夷遂至覆國初疑其言之過也及統觀其始終而卒無以易也昔孫翊驍悍有兄策風策之將薨張昭諸人疑其必以印綬與翊而竟以付權其後翊為左右所害年才二十而保有江東者權也然則立長立賢權之所夙喻矣乃登卒立和既立和而復寵霸迫霸黨日盛交構日形於是廢和故鄣俾亮儲貳廷臣諫者或杖之殿上或怒而族誅及至彌留幡然悔悟欲召和還而已無及矣少主既立姦臣擅權始見諸葛之誅終致會稽之禍吳之元氣於是大虧加以琅琊烏程一忌一暴欲求庚子歲青蓋不入洛陽其可得乎嗟乎令翊而立終見殺於匹夫翊之不立策之明也吳之所以興也令和而立年長於亮聰敏愛人鼎足之業可持久也和之立權之闇也吳之所以亡也陸氏之論未及乎此愚故引而申之

通齋文集

卷三

六

懺花齋

呂蒙論

人皆曰曹操漢賊也吾以為操得終為漢賊者呂蒙使然也方壯繆之討曹仁也縛于禁如絃豚舉龐德若拾芥梁郝陸渾望風受印假令長驅至許縱操不即禽不何敢遽篡漢之亡不亡未可知也而蒙畏曹氏之強以取徐為非策將全據長江以張形勢白衣搖櫓夜襲南郡糜芳之輩牛酒奉迎遂致壯繆有臨沮之禍而益州之勢從此不振逾年而曹丕覩然受禪矣吾故曰操得終為漢賊者呂蒙使然也嗟乎以圖荊州之眾圖操而與庸蜀為犄角未必無功乃背棄前盟襲奪其城以求

通齋文集

卷三

七

懺花盒

媚於操此抽箕踞備之行豈得謂為智哉陳壽稱蒙為國士比於瑜肅抑謬甚矣
案虞翻傳蒙軍西上南郡太守糜芳出降蒙未據郡城而作樂沙上翻謂蒙曰今區區一心者糜將軍也城中之人豈可盡信何不急入城持其管鑰乎蒙即從之時城中有伏計賴翻謀不行以此觀之則蒙之粗淺可知矣又甘窗傳窗廚下兒走投呂蒙窗許蒙不殺斯須縛置桑樹挽弓射殺之蒙大怒擊鼓會兵欲攻窗蒙母徒跌出諫乃止則其矜慄嗜殺亦與霸輩耳烏得為國士

秦主苻堅論

黃石公之書曰純柔純弱其國必削純剛純強其國必亡旨哉斯言若苻氏之亡亡於強也昔慕容暉席祖父之基張天錫蒙五世之蔭一仗壺關之險一恃河西之饒白以為可世守也及王猛東征苟萇西討而燕涼皆堅有矣晉失巴蜀凡數十年桓溫以命世之姿緹歸義之族克而旋叛叛而又擊蓋恢復若是其艱也及甯康之始秦師電掃而梁益皆堅有矣龜茲諸國土俗靡恆鬼難風災首痛身熱不可以冠帶之國法度理也及呂光仗鉞都督玉門而西域皆堅有矣東漸于海北至朔

通齋文集

卷三

八

懺花盒

方西過焉者南抵襄沔蓋十七國之強未有如堅者也夫天下大器羣生重畜大則不可以術取重則不可以力爭是以聖王子惠元元如慈母之保赤子觀天時而救其患作禮樂以和其心求忠信之長以紓其力而察其隱故能保世滋大祚于無窮也堅之為君固非劉石之比然棄景略臨殂之諫而任垂萇虎狼之儔將欲登封岱宗混一區宇正帝座於紫闈官王謝為庶寮可謂愚而不知足矣卒之內外俱潰福德在吳愛子嬪嬙同死五將文高雖拊膺流涕載主行師亦何救於亡哉嗚呼強梁者不得其死好勝者必遇其敵理固然也令堅

而奉若天命崇任英賢先揆後度以俟時戒謹恐懼以
求福本根既固鑼鑿云艱安知不可以久長耶揆厥威
衰參其時事則凡自恃其強而謂人之莫予敵者可以
曉然矣

秦主苻登論

方苻堅之敗於淝水也翟斌叛河南乞伏氏叛隴西姚
萇叛渭北而慕容氏叛者三河北則垂也華陰則泓也
平陽則沖也羣種蜂起萇罪爲魁苻登一狄道長耳非
若宏丕之至親也自啖青拍劍推牧雍河旣拔南安進
圖碩德摧其附落梟其酋健胡奴之役矢及於萇蓋羌
戎之氣奪矣及哀平不祿太初改年誓雪昭宣之讐以
紓人鬼之憤被羽前驅身蹈百死之陣輜輶載主一如
事生之禮黃旗所蒞涕泗橫流死休之言銘於甲冑自
古復讐之果未有如登者也迨大界失律賢嬖捐軀楊

政來歸義軍再振郭質傳檄三輔雲從丁強者揭木爲
兵庖弱者裂裳應募遂乃磔囚徒於馬頭鳴咎鼓於安
定相持十載苦戰數州蹶而復起死而無悔自古復讐
之烈未有如登者也事之不就天也於登則何愧哉嗟
夫臺城被圍湘東裹足而不進鳩翼爲虜捐齋竅伏而
苟安骨肉且然况於疏屬而登之義烈一至於是不尤
可貴歟此余之所以深爲秦惜也

魏孝文帝論

魏自太武以來平赫連并沮渠南向而爭天下富且庶矣教則未也孝文御極彬彬制作均田以勸讓班祿以勸廉聽終喪以勸孝闢四門以勸學服袞冕之服罷綾錦之工定禮樂之儀隆更老之養革踏壇達天之俗崇舜禹姬孔之祀度因革損益之宜杜驕奢淫佚之失光明孝友可謂賢矣於斯時也耆德則高允尉元懿親則彭城安定良吏則崔挺李崇高祐諍臣則薛聰李彪文學則劉芳王肅訐諛則高閭韓麒麟顯宗將帥則拓拔英傅永孝文隨才授任悉收其效故能北摧羣狄南懾

通齋文集

卷三

十一

懺花齋

蕭鸞光宅中區比隆漢世規模宏備豈不懿哉然而殲未卅載朝政日乖盜賊蜂屯疆圉瓦解破六韓拔陵者沃野一鎮民耳攘臂大呼反者四應何歟豈詒謀之未盡善歟急於徙都而疏於防患門戶之見未除而北邊之備闕如也有國家者一舉一動可不慎哉

梁武帝論

梁武帝以雄才碩量因亂定功秕政既除淫刑盡革其網羅時譽可謂工也洎大象已構恭儉有加接小臣如大賓當威暑無褻袒一冠三載一被二年孺弱躬躬亦江東之令主矣且將帥得人師徒克捷鍾離之戰淮水皆丹魏軍魚爛元英鳥竄戈鋌戲稷甲幟弓匿之委棄者蓋如山積不可謂不武也厥後桓桓颯勇聲罪洛陽采入其疆獲城數十鐘鼓殷乎邙山壺漿填於伊闕方之宋祖北伐之烈又何讓哉稽其文治則如彼語其武功則如此而侯景一叛臺城不守何耶世言梁武佞佛

通齋文集

卷三

十一

懺花齋

故及於亂殊不然也其召禍之道有三其致亂之道有三一酖和帝屠齊宗日尋干戈拓地無已此召禍之道也分王諸子各據一方互挾猜疑咸萌叵測此致亂之道一也如使巴陵晏然於牖下睚眦保全其首領朝政脩愷悌之實宗子有維城之固即為浮屠所惑天眷梁室何至覆亡之速之若是耶自來有天下者違天拂經而逞其私好大喜功而怙其勢未有不貶者也非獨一梁武也

梁元帝論

元帝雖工文章精卜筮於技藝無一弗該而心術不可問也方侯景之圍臺城也大將去亡人情凶懼州郡缺匡匪之獻軍府無題廩之儲邵陵鄱陽之徒各以其兵赴難而湘東一旅徘徊不前及高祖既殂臺城既陷赤地千里飛蝗蔽霄炊者不及析骸食者無從易子貴族懷金壁而待斃貧氓茹草木以苟延而元帝猶晏然江陵也以言乎爲子則不孝以言乎爲弟則不義以言乎爲臣則不忠况其殺慥圖綸攻襄奪郢阻兵安忍莫此爲尤夫天道好還豈有陰險忌刻如元帝者而得晏然

通齋文集

卷三

七

懺花盒

牖下終乎是以魏師奄至父子爲俘外乏鳧藻之軍內成魚潰之勢法物徙于長安公卿夷于臧獲雖擊柱啼噓嗟何及矣嗚呼亡梁之罪微元帝其誰歸

高歡宇文泰優劣論

歡泰皆魏奸也其盜國同其攘而授之子也亦同而心術少異歡語鮮卑曰漢民是汝奴夫爲汝耕婦爲汝織汝無輕之其語華人曰鮮卑乃汝客得汝粟帛爲汝擊賊汝何爲疾之嗚呼由此言觀之則民生其時之不幸可想見也又歡語杜弼曰諸助人身犯鋒鏑百死一生雖或貪鄙所取者大我若不相假借將歸黑獺士奔蕭衍矣嗚呼由此言觀之則民生其時之不幸更可想也華戎之分不明是謂苟且貪暴之風不革是謂黷息苟且黷息豈政體耶泰則不然與度支尙書蘇綽制六條詔書其五曰恤獄訟其六曰均賦役泰之心猶知有民歡之心唯知有兵知有兵而不知有民其弊必至兵民皆做歡泰優劣蓋於此而定之

通齋文集

卷三

四

懺花盒

五代史程福贊論

程福贊事晉出帝爲都指揮使出帝北征軍士乘間縱火焚營將爲亂福贊救滅其火亂者不得發以出帝在外京師空虛不可以小故動搖人心因匿不奏誣之者以爲預亂者之謀也福贊不辨而見殺歐陽氏哀之曰此古義士也登之一行傳余謂福贊可謂慎矣烏睹其合於義哉夫縱火謀亂愍之大者也聲其罪而討之事君之道也雖百讒者豈能爲譎語以撼已乎以當聞者而矚然祕之宜禍及也且夫軍亂則誅旣誅則報是爲國有人矣何謂空虛耶惜福贊計不出此也彼雖不辨

道齋文集

卷三

五

懺花齋

卽辨已晚矣嗟乎福贊之死若在遼師入汴之日則義矣區區叛卒而爲之死豈義也哉

南唐書潘佑論

陸氏南唐書言王師南征下詔數後主殺忠臣蓋謂潘佑余謂佑不得爲忠也其時佑請復井田籍人牛符命火急百姓雲擾復疑執政沮已歷詆大臣言國將亡非已爲相不可救當防危之秋創不急之務重擾彫劫之民猶謂非已不可愾矣哉佑也且夫後主事宋禮亦至矣使孫皓以之事晉吳未必亡其後後主之殂江南巷哭使桀紂得民如是安有焦門之役天智之焚哉奈何佑日不及桀紂孫皓也嗚呼徇朋黨而侵官幸危亡而誣上佑罪深矣佑卽不誅宋師必出卧榻之側豈容他人余懼世之許佑忠者責後主以失刑而稱宋之師出有名也故爲之辨

道齋文集

卷三

六

懺花齋

卽辨已晚矣嗟乎福贊之死若在遼師入汴之日則義矣區區叛卒而爲之死豈義也哉

薇卿哀詞

鄭君玉池至自汝陽告子曰吾館汝三載知薇卿甚詳方薇卿始之官猾賊焚殺一家八人民大患薇卿曰此賊試新令耳立購壯夫破其巢悉治如法民乃安既又笮殺市中對對者數十人惡少皆屏息南汝光世號難治民憮且候遇驚緩令則羣歔厥之始而牒訴雋集久且椎埋為姦無所不至自薇卿宰汝其風頓瘳然緣是積勞病不起矣卒之日汝民哭甚哀迨區出城賭旗旒而慟攀轡鞋而號者蓋百餘人即馬走皆兩涕曰我曹不死侯之賜也當薇卿病時四方征粵兵過汝薇卿譟通齋文集

卷三

七

戴花盒

陳樸生哀詞

樸生與吾兄蔚卿同歲月生先蔚卿入學既而中江南甲辰科舉人其為文章剖微鉤深字暗句睡尊人雖官江西方伯而君破副豪習第宅心墳籍而已五星彗客行事占驗及六日七分之學靡弗精詩歌篆刻靡弗嫻尤邃于醫嘗診一農曰此腹中瘕已大如肺肝藥而下之果然然惡見豪貴人其高潔蓋天性然也計偕至京師或言廣東榜有禰姓人罕識者君言此見某書系出某郡讀若某音一坐驚服乃年卅九而歿豈非命乎曩吾兄蔚卿之亡也激者曰天之殺恆在善人而祐不肖通齋文集

卷三

六

戴花盒

二蓮哀詞

歲壬子余奉諱家居僕增齡舉子二蓮既彌月抱以來見余心愛之癸丑孟陬余避兵西鄉齡亦挈家出郡城距余所居八里許至十一月余徙楊叟壩劉莊南榮有茅屋數楹齡移家來就食其時二蓮已斷乳咿唔學語余中年無子女聞隣兒呱泣輒歆羨焉二蓮笑啼跳擲于余前殊未厭也甲寅秋仲余買舟北遊二蓮送我于河干依依不忍釋丙辰三月齡攜妻子來京師二蓮已五歲矣方頤大口不類貧賤人家子也善宛轉隨人意余妻尤愛憐之八月中從粵鑿種牛痘既種茁壯倍於前能識百餘字伺余將出輒呼輿丁控轅駒余謂是兒之慧過其父也是年十一月二蓮感疾夜痲熱譫語北鑿投以大黃遂不可救計至京凡八閱月余命奴子市棺瘞之揚州義園凡泥車瓦狗之屬悉以殉嗟乎余頻年偃僂兄姊弟姪散居四方墨墨少歡趣乃並是兒之嬉於左右亦不可再此何說歟說者曰鬼神恆忌人之所愛愛之深斯奪之速此言信歟為文哀之曰

吁汝二蓮何命之遭生未晬周流離播遷既來京師雙頂鬢然兒髮有雙頂三尺篋簪騎走我前余不汝噴惟汝斯憐如何昊天戕汝壽年殞以柳棺葬之義園魂兮有知

通齋文集

卷三

九

懺花盒

涕泗其漣

通齋文集

卷三

十

懺花盒

贈提督銜雙來贊

揚州西門外二里許有浮圖豐其中而銳其上下卓立於河干者蓮性寺塔也方粵賊之據揚藉塔以為望樓而柵其外癸丑三月十日賊眾千餘自蓮性寺而東一賊黃巾絳衣立塔下高冢顛麾黃旗促進兵時我涼州鎮將雙公方從數騎往五亭橋猝見賊至遂大呼馳入賊中賊見雙公豐醜脩髯焯如神人無不披靡公徑至冢下斬黃巾絳衣者而還賊自是相戒勿犯雙將軍未幾川勇夜入其營殺數十人賊遂盡棄沿城之樓櫓矣粵賊數萬我軍甚單而與賊相薄賊不敢撲我軍者憚

通齋文集

卷三

三

鐵花齋

北湖談氏錫山書屋記

揚為四會五達之區明季之變戶口流亡過半今之士大夫其先皆從他邑轉徙而至僕先世家常熟六世祖始徙于揚曾大父間數歲必一至常熟僕八九歲時聞曾大母言常熟祠堂樹皆百圍虞山蒼翠如沐每欲畧堂曰虞山以室隘弗果北湖談氏其先無錫人也諱守教者仕明為都憲解龜後廬錫山當時稱名臣子孫由常而揚至滋圃參軍蓋又數世計談氏與僕家遷揚之歲皆逾二百年矣參軍構書屋曰錫山以續先志其弟允齋擴而大之輦奇石濬清泉播榴樹嘉果因訝然

通齋文集

卷三

三

鐵花齋

雙公也六月中公擊賊被銃傷無何而卒琦文勤流涕語諸將曰豈天不欲平賊耶何奪吾飛將也至今揚民道公殺賊之事嘖嘖不衰云敬為贊曰賊陳揚郊多於蝟毛其魁耽耽有若狍鴉赫赫雙公龍駒寶刀取彼狍鴉如執豕于牢凶徒帖然莫子敢撓由茲退守憚雙公之驍公威隆隆諸徵與商列缺前驅萬馬騰驤天不愁遣公歸帝旁雖歸帝旁滅賊未忘生猶關侯斬彼顏良死猶張睢陽福我江鄉我歌我謠以配景鐘百世之後誦雙公之功

書顛末以為之記

吳公亭記

高州郡署東偏有老屋三楹余至略塗填之以接賓客
乾隆中大興俞瀚會攝是邦顏堂曰學愛余仍其舊堂
後老榕蔽日雜樹脩竹傑僂叢生魁癭苻婁森若翠幄
余覽而異之爰縛團焦其間大可十笏既成僚友問名
於予予曰唐宋以來高為瘴鄉士大夫遷謫者或一至
焉吏治闕如也明之孔侍郎鏞吳明卿先生國倫實為
賢守孔公之績爛然竹帛若吳公者所遇為尤難其抗
分宜有汲黯之風其交椒山有樂布之節其居官應變
禮士愛民則又兼法雄勝撫之謀與張堪杜詩之操也
通齋文集 卷三 三 懺花盒

而世之人泛泛然儷諸七子豈知公者哉夫古今之不
相遠也意氣之若相投也有其人於心則如見其人於
目懸其人為的斯愈不忘其人於懷請題以吳公之亭
可乎公解元中翰歷諫垣而官邵武僕固亦嘗南宮首
薦矣自樞曹侍御史而典邕州官次科名略與公等學
問經濟則百不逮一此又睹斯亭而儻然與而然愧者
也同治二年六月記

閔叟傳

沿江州郡繁蔚四郊芻蕘弗給於薪民悉鬻蘆以爨此
風自古已然南史稱宋武帝微時貧陋躬自新洲伐荻
是也余舅許氏世以蘆為生舅歿而閔叟經紀其家雖
一錢不妄用舅婦睽甚家事惟叟是諮每販蘆往江干
彳于風雪中不以為苦一公子擅山澤之利竹葦盈陂
餌叟以金欲其事已叟卻曰吾食許氏三十載捨而他
往於義云何拒不就癸丑二月揚州戒嚴舅婦使子鑿
先出二十三日賊猝至乃促叟行勿以我為念叟毅然
不出也至十一月賊退我師登城翌日鑿歸求母見母
死房中其室東隅一尸儼然叟也隣人猶有存者告鑿
曰賊來時叟稱癱病因未掠為兵與汝母俱以餓死鑿
乃號泣而殯之嗚呼方寇之來衣狐坐熊要銀艾而望
家以逃者所在皆是也慷慨激烈之行乃見於市鬪牙
駟之流抑何壯哉叟名肇春年七十有四江都瓜洲人
也

通齋文集

卷三

三

懺花盒

誥封奉直大夫王君仲甫暨周宜人墓表

君姓王氏諱啟昆字仲甫其先餘杭人考香岳公客江左因籍於揚君倣儻瑰瑋接之藹如也弱冠受知谷侍御薦諸離帥阿公分讐唐文諸名士咸推許二親歿毀瘠逾禮數日不進水漿嘗夢外祖言子家有水盂徒諸時外家無人君躬自秣糲果水深二尺棺淪沙衍君伏地痛哭區遂自起若神助然兄卒晉汾弟卒於澠迺喪煦孤無微不至姊妹之嫠者待其子如己子也後隨牒爲山東樂陵典史是官資庫精薄居其職者大都折枝鄉豪蒲博意錢聽其顧指賢者恥爲是官不肖者因以

遺齋文集

卷三

三

懺花盒

牟利靡所不至君視事悉反俗吏所爲地方以安逾年引疾歸吏民挽之不得既歸州府推重騶唱日集於閭桂太守之脩巖堂旌節孝其議皆本於君

今上御宇詔徵孝廉方正之士儒僚將以君應君固拒其節操如此生乾隆五十八年十一月二十七日歿咸豐三年八月十七日年六十一歲遺誠子孫毋棄鬻爪毋厚葬可謂知禮矣妻周宜人江都諸生劍塘長女年二十二歸君君少囊筆四方罕家食舅姑言婦事我謹忘子之遠游也生平糲食布衣箠笮瓶罌皆有條理臧獲扈養悉撫以恩揚之稱賢母者推王氏先君二旬卒

是年十一月二十四日合葬郡西雙墩之南子樞安徽候補通判同知銜恭壽候選訓導女二適柴氏何氏皆宦族孫二鍾瀛鍾灝尚幼也嗚呼如君者固宜表也若夫詞章之末無關於君之大者可勿述也

遺齋文集

卷三

三

懺花盒

通齋外集

江都 蔣超伯 叔起 著

山陰 宋澤元 瀛士 校刊

南唐宮詞三十六首 有序

溯自有唐失馭方鎮橫戈石桶之劍才騰幟頭
之珠已換莊宗雖以雄材崛起國祚中恢銀盆
俄鬻於宮中寶鼎遽移於河北迨乎清泰禍起
并門北方天王一朝灰燼蓋天下不復知有唐
矣猶幸魚飛東海龍據南畿寄奴為炎漢之苗
蕭督奉昭明之祀方之先主其揆一也僕家邗

通齋外集

懺花盒

上昔曰東都水亭之遺跡何存鐵佛之精廬亦
火爰搜霸史聊寄幽思嗟乎天道好還五國甚
牽機之慘故宮安在千秋興銜璧之悲世有騷
人當同茲感喟矣

江北楊花近有無江南李樹正扶疏官家咳唾皆珠玉
南岳真君比不如

鈞磯立談武義中童謠江北楊花作雪飛江南李樹
玉團枝李花結子可憐在不似楊花沒了期又云元
宗神采精粹湖南使臣廖法正語人曰東
朝官家梓若珠玉南岳真君恐不如也

金闕亭亭遍絳霄天津龍躍列三橋助臣若帶平章事
方許揚鞭赴早朝

江南餘載朝元門三橋龍躍鎮國天津二曲尺跨水
覆屋文武大臣帶平章事許乘馬行過鎮國天津二
橋百官皆就
二曲尺下馬

才舉郊禋元武湖便升龍舸幸東都鷺鷥餅餤駝蹄炙

一一安排出御廚

陸書烈祖本紀作北郊於元武湖馬書先主紀昇元
四年冬十月幸東都存省故老宴於舊宅陸書雜藝
傳御廚食味有鷺鷥餅餤
蹄餤五色餛飩子母餤頭

海外陪臣拜玉墀崇英仙樂奏龜茲諸王宰相齊稱壽

第一聰明是雨師

陸書烈祖御武功殿儀仗見高麗使自言代主朝觀
拜舞甚恭宴於崇英殿出龜茲樂作番戲又諸王列
傳景達小名雨師神
觀爽適異於他兒

通齋外集

懺花盒

公主由來禮最殊金漚甲第煥椒圖永康獨有傷心事

日日延和誦佛書

釋文堂李先主傳先主第四女楊璉納之為妃及禪
代封永康公主聞人呼公主則嗚咽流涕連卒永康
終身縞素不茹葷血惟誦佛書居延和宮
年二十四無疾坐亡凡五夕光如白練

春來禁雨樹青青忽見殘獐臥殿庭密問西山陳處士

方知直日是狼星

事見江南野錄宋人曾極有詩云周廬巡徼列千兵
那得殘獐墜禁庭鹿走棘生先有象天文未直狼星
何處樓頭吹玉笙夢迴清漏一聲聲回身更擁鴛衾臥

龍腦香濃睡不成

馬書談諧傳元宗作浣溪紗二闕賜王感化中有句
云細雨夢迴清漏永小樓吹徹玉笙寒多少淚珠多

少恨倚闌干又取先生傳大食國進龍騰油二器先生見之日此非佳者當為陛下致之乃以絹囊懸龍脂於屋棟頃刻憑液如注香味逾所進者

興祥正殿儼蓬壺張挂東丹入貢圖海國更齋馴象至居然拜舞作山呼

陸書契丹傳烈祖昇元二年契丹主耶律德光及其弟東丹王各遣使以羊馬入貢於是翰林院進二丹入貢圖海國貢象事見江南餘載

白首中涓話烈皇龍行虎步貌非常往年曾直凝華殿跪奉金甌楮實湯

釋文瑩李先主傳雖緩行從者調步追之不及相者日正所謂龍行虎步也陸書烈祖本紀昇元四年改西都凝華內殿前為昇元殿後為雍和殿又雜藝傳烈祖因食節喉中啞吳廷紹謂當進楮實湯一服疾

通齋外集

三

藏花會

去失

曲宴笙歌到夜中金奴捧燭照廊紅玉盃屢上江王壽猶與家人禮數同

清異錄江南烈祖素儉寢殿燭只用柏油案上捧燭鐵人高尺五是楊氏時馬廐中物名為金奴馬書義養傳徐知證封江王元宗之世尤見優禮每人宮元宗輒以家人遇之親捧觴為壽

宮警蒼蒼帶紫微題字挂中間景陽臺上尤堪愛一角黃奴畫假山

江書餘載德明宮烈祖舊宅即古景陽臺臺畔有陳後主假出太湖石甚奇又有宮警石張祐物也上有杜紫微題字

須菩提像本天然迎奉宮中已數年太后獨深蓬島思

寶華山上去求仙

陸書浮屠傳烈祖末年溧水大興寺桑生木人長六寸如僧狀右袒而左跪其色如漆謂之須菩提以仁壽節日來獻陸書方士傳宮中忽失元恭宋太后所在耿先生亦隱去有告者云在都城外二十里方山寶華宮元宗亟命齊王景遂往迎

選得劉郎似玉人妝樓舞閣共娛春自從沁水園林閉不復鳴珂到紫宸

宋人盛事美談丁謂言江南李國主一女選得洪州劉生拜駙馬都尉瑪珂玉出入宮禁未幾公主卒國主悲泣日吾不欲再睹劉生之面削官籍送還洪州

延英傳旨宴鄱陽樂部家明獨擅場乞取平天冠一具可憐羞煞大殷王

通齋外集

四

藏花會

江南餘載元宗罷朝多御延英殿聽公卿奏事馬書談諸傳王延政俘于建康封鄱陽王命公卿宴其第李家明諱之日告大王乞取一物延政日汝何求家明日大殷平天冠今已無用家明敢取為優服延政然

飛書告捷自常州天遣神兵叱黑牛詔撰豐碑祠大帝宮中談笑說柴侯

馬書柴克宏傳常州有隋末陳杲仁祠杲仁見夢于克宏日吾與陰兵助爾及戰有黑牛二頭衝突越兵克宏繼之大敗越人俘馘甚眾奏封杲仁為武烈大帝

青峭何須羨皖公君王才調是英雄御舟偶挽天弧射一箭橫穿偃蓋松

陸書元宗失江北遷豫章舟至趙屯皖公山日好青峭數峯江南餘載元宗遷都洪州過蕪湖江口永壽

禪院親射偃蓋松東南枝
遂枯死至今御箭猶在

六宮誰解奏霓裳天寶開元調總亡金屑檀槽翻舊譜

果然明慧數娥皇

陸書昭惠國后傳小名娥皇故唐盛時霓裳羽衣最為大曲亂離之後絕不復傳后得殘譜以琵琶奏之於是開元天寶之遺音復傳於世

采戲無如國后王水晶盤走玉璣瓏春宵繡閣投瓊倦

自折梅花向月中

陸書昭惠國后傳采戲奕奕靡不妙絕馬書女憲傳後主嘗與周后移植梅花於瑤光殿之西

臨水桃花高復低天然圖畫武陵溪小黃門矮難攀折

安得宜春綠耳梯

通齋外集

五

懺花齋

清異錄江南宜春王從謙春日與妃侍游宮中後園妃侍欲折桃花苦其條高王時乘駿馬乃引韉花底痛采芳菲謂嬈妾曰吾之綠耳梯何如

供灑香煤法李超六分龍麝四分膠大家本習誠懸體

忽變縱橫金錯刀

陸友墨史江南畏中國之威其供御字並刻為供灑一種兩頭圓面有雙龍捧一牌子曰供灑龍麝香墨幕文曰歙州李文慶墨者上品也陸書黃保儀傳後主書學柳公權

昭惠龍輻發建章芙蓉池上月華涼燒槽縱好無人撥

勅共珠襦掩便房

馬書女憲傳後主周后誅日龍輻一駕兮無來轅又詩悼之云空有當年舊煙月芙蓉池上哭蛾眉陸書后傳取元宗所賜燒槽琵琶及平時約臂玉環為後主別後主哀甚以后所愛金屑檀槽琵琶同葬

銷金羅幕白銀釘特向花間構小亭準備六宮來乞巧
裝成雲漢會雙星

五國故事煜尙奢侈嘗於宮中以銷金紅羅幕其壁以白銀釘瑋瑋以押之又以綠銅刷隔眼糊以紅羅種梅花于其外又於花間設彩畫小木亭才容二座煜以愛妃周氏對酌於其中如是數處每七夕延巧必命紅白羅百匹以為月宮天河之狀

飲餞宣州召二徐綺霞飛閣駐鑾輿詩成都用澄心紙

卷首標題是御書

馬書宗室傳鄧王從益開寶初出鎮宣州後主率近臣饒綺霞閣自為詩序以送之其畧云秋山滴翠暮壑澄空愛公此行暢乎遐覽徐鉉詩云滿坐清風天子送隨車甘雨郡人迎

常侍清華等上公平明騎馬度飛虹澄心堂畔微吟際

通齋外集

六

懺花齋

一樹丁香細雨中

釋文瑩江南遺事徐常侍鉉直澄心堂後被入直至飛虹橋馬輒不進贊曰陛下必有海馬骨斷之果得巨獸骨馬令南唐書元宗賜王感化詞云青鳥不傳雲外信丁香空結雨中愁

御揀嘉辰納小周平章儀節賴徐游白鷺銜取泥金詔

疑是瑤姬降十洲

馬書女憲傳繼室周后婚禮議者不一徐鉉潘佑互有矛盾後主命文安郡公徐游評其是非時佑方寵用游希旨奏佑為是鶯代白雁被以文繡使街書侈靡不經類如此

宣城嬌小最堪憐珠襪金盤弄上前一自瑠瓊燈觸墮

六宮相戒蓄烏圓

陸書諸王列傳仲宣封宣城公三歲誦孝經不遺一字宋乾德二年仲宣四歲一日戲佛像前有大琉璃

燈為貓觸墮地劃然作聲仲宣因驚痛得疾竟卒時昭惠已疾甚聞仲宣天悲哀更劇數日而絕

萬花繞屋玉為爐鳳尾琵琶絕代無解弄念家山一曲

前惟昭惠後流珠

小知錄南唐有爐名玉太古後獻宋太祖馬書女憲傳後主書琵琶背云天香畱鳳尾餘煖在檀槽陸書黃保儀傳宮人流珠工琵琶

坡陀三十六奇峯淺碧煙巒曲折通移置紅羅亭案上

梅花香滿硯池中

避暑漫抄李後主硯山長才踰尺前筆三十六峯左右兩岸坡陀中斷為硯後為米元章所得

五色流蘇玳瑁牀帳中仙藥聚羣芳畧加銀椀鴛梨汁

製就刀圭第一香

通齋外集

七

懺花會

洪芻香譜江南李主帳中香法用沈香一兩細剉加鴛梨十枚研汁於銀器內蒸三次俟梨汁乾而用之

玉翠珠盤做御筵宿娘步步是金蓮何須殿角安鴟尾

自有花間錦洞天

陸書元宗第七子從善傳後主却登高文曰玉翠澄醪金盤繡糕廣輿記後主宮嬪宿娘纖麗善舞常作金蓮高六尺令宿娘以帛纏足舞金蓮上旋轉有凌雲之態馬書後主紀開寶五年殿庭始去鴟吻每遇皇朝使至國主衣紫袍備蒞臣禮使退御如初

硯水盈盈夏不枯一丸搖漾潤於珠君王偶得新詩句

手寫黃羅付慶奴

李之彥硯譜李後主硯池中有黃石如彈丸置水常滿用之不耗後為陶穀取去後主索之穀碎其石中有游魚躍出而死墨莊漫錄李煜於黃羅扇上書柳詩賜宮人慶奴

傑閣天全俯禁城苑中仙鹿號長生自從大理投匭後

無復紋楸玉子聲

江南餘載李建勳罷相元宗於西苑天全閣別置廳院待之又云姚鳳為內轄使因病思鹿血輒殺北苑長生鹿馬書歸明傳蕭徽還大理卿兼給事中後主初嗣位屢與嬖倖對奕儼入白事舉匿投於地後主大怒曰汝與魏徵孰愈儼曰臣若非魏徵陛下亦非太宗矣後主嘿然罷奕

禁苑春來似畫中回廊小扇暑含風不須更倩周生筆

新種蓬萊紫一叢

李後主移廬山麝囊花於含風殿前命曰蓬萊紫見清異錄宜和畫譜南唐時待詔周文矩得後主畫法行筆瘦硬妙入神品王漁洋詩我聞周生作畫妙得後主法秋胡謝女風格清

聽講楞嚴到淨居六根四諦總空虛駕回御苑丞郎奏

通齋外集

八

懺花會

昨夜緋猿有二狙

陸書後主本紀後主方幸淨居室聽沙門德明雲真義倫崇節講楞嚴圓覺經馬書淨居傳小長老朝夕入論六根四諦又按後主常獵于青龍山一札狙墜地屢指其腹煜戒勿殺是夜生二狙

日日齋香送報慈龜頭小殿閉多時開籠放却千年蝠

不信仙家有肉芝

江南餘載後主篤信佛法宮中建永慕宮苑中建靜德寺鐘山亦建精舍御筆題為報慈道場又云有人獲千歲扁鵲進上上方事佛禁殺戮不用也五國故事李景在位嘗構一小殿謂之龜頭常居處之以視

橫排三十六條鱗箇箇圓如紫磨金說是道人歌此曲

流傳宮禁到如今

鈞鐵立談吳王稱號淮海時黃冠道人歌於市日橫
排三十六條鱗箇箇圓如紫磨金為甚竿頭挑著走
世間難遇
識魚人

五代各國宮詞共一百八首 有序

惟昔君更五姓霸各一方黃袍數換於軍中鐵

券直同乎兒戲文身悍帥敢弄蛟蚪食膽凶渠

如滄羊豕天時人事尚可言乎余嘗慨念彭奴

載歌宮掖梁唐以降安可闕如悲胡柳之風塵

湖石榴之開落爰分截句並及偏隅彼鎮帥傳

宣無非阿監岐王跋扈儼若乘輿因亦著之宮

詞庶用彰其僭越或康荒太甚則潛寓譏評或

通齋外集

九

懺花盒

故實無多則旁為組織美人香草不無姚冶之

音斷礎殘碑尙帶英雄之淚至若南平無賴東

漢式微靡足勸懲何庸詠嘆蓋非余情所屬矣

朱梁宮詞八首

黃雲高捧日瞳瞳五鳳樓開氣象雄玉兔金烏分左右

銀臺更在正衙東

薛史梁太祖紀開平三年十一月甲午日長至自五
鳳樓出南郊司天臺奏黃雲捧日又梁太祖紀開平
元年制宮殿門名正殿東門為金烏門西門為
玉兔門正衙東門為崇禮門東偏門為銀臺門

天閑萬驥列如雲中有烏龍最軼羣每到繁臺頻進御

忽聞宣賜寇將軍

五代會要開平元年五月改小馬坊使為天驥使薛
史梁太祖紀開平四年十月新修天驥院開宴落成
按梁太祖時幽州進異馬毛長五寸名烏
龍其賜庭彥卿者名一丈烏疑即烏龍也

法曲傳來葛大娘年年十月壽君王如聞鐵騎縱橫到

不似鈴聲替戾岡

洞微志志喝馱子曲單州營妓葛大姊所撰梁祖作四
鎮時駐兵魚臺值十月二十一日生日大姊獻之梁祖
令李振填詞付後騎唱之以押
馬隊謂之葛大姊詔日喝馱子

八月涼風天氣清宵深喜見老人星荆南貢橘圓于彈

插在簾前紫玉瓶

薛史梁太祖紀開平元年八月甲子平明前老人
星見于南極又云荆南高季昌進瑞橘數十顆

白龍潭上釣魚歸不覺翠暈月已微今夜大家誰侍寢

通齋外集

十

懺花盒

料應傳喚博王妃

薛史梁太祖紀乾化元年十月幸邑西之白龍潭漁
人獲巨魚以獻帝命放之中流名其潭曰萬歲潭梁
祖自張后崩命諸子婦入侍博王友文
妻王氏有色太祖寵之見庶人友珪傳

百寮金紫徧郊宮龍虎天威秩序崇阿監無言潛墮淚

新添三恪有萊公

五代會要梁改左右天武為龍虎軍左右羽林為天
威軍以任助舊薛史梁太祖紀開平二年十二月立
二王三恪南郊禮儀使狀伏以國家受禪封唐朝子
孫李從為萊國公今參詳合以介國公為三恪鄰國
公萊國公
為二王後

千齡元緒翠毛長幸免南山伐老桑誰自許州齋入貢

宮中特為建龜堂

薛史五行志梁龍德末許州進緣毛龜宮中造室以畜之命之日龜堂識者以為不祥之言

三尺龍淵氣倚天寶光遙射斗牛邊自加護聖將軍號

從此常依御榻前

清異錄梁末帝夜於寢間擒刺客乃康王友孜所遣帝自戮之造雲母匣藏所用劍名匣日護聖將軍之館

後唐宮詞十首

蒼蒼伊闕入雲根萬馬銀槍擁至尊獵罷大官頒鹿脯

謝恩都到鳳明門

薛史唐莊宗紀同光二年十一月癸卯帝畋於伊闕侍衛金槍馬萬餘騎從帝一發中大鹿丙午復命衛兵分獵殺獲萬計丁未賜羣臣鹿肉有差是年改鳳明門為韶和門

通齋外集

十一

懺花盒

九重自命古英雄手寫春秋秘篋中偶學衙推來訪女

滿哥隨後負蒼龍

薛史高季興傳泊至荆南謂賓佐日新主百戰方得河南乃對勳臣誇手抄春秋又豎手指云我於指頭上得天下如此則功在一人臣佐何有且游獵旬日不回中外之情其何以堪吾高枕無憂矣北夢瑣言莊宗好俳優宮中暇日自負著囊篋篋令繼岌相隨自稱劉衙推訪女蓋以戲劉后也薛史莊宗本紀有皇子滿哥

牛車駱驛送青蛾中使齊呼景八哥獨有夫人貪入道

金真觀裏念彌陀

薛史唐莊宗紀宮苑使王允平伶人景進為帝廣采宮人不擇良家委巷殆千餘人車駕不暇給載以牛車壘繫于路又孔謙附景進以希寵常呼為八哥魏國夫人陳氏太祖妃也太祖大漸陳氏泣言王萬一

不幸願落髮為尼為王讀一藏佛經以報太祖為之流涕太祖殂陳氏果落髮居金真觀莊宗賜號建法

大師明宗加賜圓惠

赫赫縫旗發未央西征彈壓要親王瀕行賜酒丹墀下

扶上金鞍雪面娘

魏王繼岌有馬名雪面娘

新皇不忍誤青春一一還鄉擁畫輪雖說天居增廣壽

傳宣只用老宮人

薛史唐明宗紀重修廣壽殿成有司請以丹漆金碧飾之帝曰此殿經焚不可不修但務宏壯不勞華侈方明宗之稱制也宮使以後宮數百人進皆少年端麗者上悉遣之惟雷數老宮人日宮闈典故非者艾者曷記乎周太祖之柴后本莊宗嬪御明宗遣歸後於逆旅見周祖奇其狀貌請於父母而嫁焉

通齋外集

十二

懺花盒

每逢朔望錫廊餐敷政門前次第安惟有端明諸學士

八方書奏許先看

薛史唐明宗紀亂離以前常參官每日朝退賜食於廊下謂之廊餐乾符之後百司經費不足無每日之賜至是遇入閣即賜之五代會要李琪請朔望入閣賜食又明宗初登位四方書奏多令樞密使安重誨讀之不曉文義於是孔循獻議因唐室侍讀之號即劍端明學士之名命馮道等為之

琉璃瓶置相臣名月夜焚香禱太清拈出萬年姚散騎

果然丰彩冠公卿

薛史盧文紀傳末帝嘗當時清望達官數人姓名投琉璃瓶中月夜焚香禱請於天旭旦以筋夾之首得文紀之名次即姚顥

淡掃煙眉倚玉幃內中數日未傳呼不知金慘蜻蜒翼

得似儂家翠袖無

清異錄後唐宮人或網獲蜻蜒以描金筆塗翅作小折枝花用金線籠養之

白頭秘監侍行宮議論恢奇筆札雄誰道吾王是生鐵

渾潭大度待楊風

薛史唐末帝紀初帝離岐下諸軍皆望以不次之賞及從至京師不滿所望相與謠曰去卻生菩薩扶起一條鐵又楊凝式傳長興中改秘書監清泰初遷兵部侍郎唐末帝按兵於懷軍凝式在扈從之列頗以心恙喧譁於軍若末帝以其才名優容之詔遣歸洛又凝式長於歌詩善於筆札時人以其縱誕有風子之號焉

料得名花見也羞淑妃家世古邠州藏經不遂生平願

纔說先皇便淚流

通齋外集

三

藏花盒

明宗淑妃王氏邠州餅家女也有美色號花見羞愍帝立尊為皇太妃晉高祖立妃自請為尼不許高祖皇后事妃如母晉亡契丹命妃子從益知南朝軍事妃遣人迎漢祖漢祖即令人殺從益與妃臨死呼曰吾家母子何罪何不畱吾兒使每歲寒食持一盂飯酒明宗填上乎聞者悲之

石晉宮詞六首

春回宮柳碧萋萋特召通元降紫泥講罷道經無一事

水沈香透玉後貌

薛史晉高祖紀天福五年道士崇真大師張薦明賜號通元先生是時帝好道德經嘗召薦明講說其義帝悅故有是命又天福四年回鶻可汗遣使貢方物中有玉後貌實奇貨也

祥翼未降至尊憂黃屋因從相國游夜半鳴鞘車駕發

霜花寒射白貂裘

薛史晉高祖紀天福二年十二月甲辰車駕幸相國寺祈雪又天福元年十一月契丹主舉酒脫白貂裘以衣帝

正冬二節慶恒春玉戚朱千夾陞陳百二十人齊獻舞

忽聞仙樂奏金鐸

薛史樂志晉天福五年詔正冬朝會禮節樂章二舞行列等事宜差太常卿崔棹等一一詳定其年秋稅等上奏文舞郎六十四人有玉戚朱千金鐸金鐸者樂器志文甚繁不能具錄歐史崔棹傳稍簡蓋亦本諸樂志也

阿監魁梧貌不羣真堪彈壓殿前軍想渠腹內非腸胃

肉磨團團五百斤

清異錄晉祖時宦者廖習之體質魁梧食物勇捷有若豺虎晉祖嘗云卿腹中不是脾胃乃五百斤肉磨

通齋外集

四

藏花盒

樞密中書馮魯公外廷說有大臣風龍兒眉宇如圖畫

曾置先生懷抱中

薛史馮道傳晉祖廢樞密使依唐朝故事並歸中書其院印付道事無巨細悉以歸之尋加司徒兼侍中進魯國公又史臣曰道之履行鬱有古人之風道之字量深得大臣之體契丹志晉高祖憂悒成疾一日馮道獨對高祖命幼子重睿出拜之又令宦者抱置道懷中蓋欲馮道輔立之龍兒南史齊武帝小字茲借用杜牧之杜秋娘詩眉宇儂圖畫謂皇子也

景陽鐘動睿情歡夢裏分明得玉盤宣問內庭諸學士

都將賀表上金鑾

玉堂閒話開運甲辰冬晉帝使中官宣問諸學士朕昨夜夢一玉盤中有一玉碗及一玉帶光瑩可愛是何徵也承旨李慎儀等並賀表以為玉者帝王之寶也

後漢宮詞四首

天遣官家起晉陽重新六廟祀高光製為積善靈長舞
詔取金繪賞太常

薛史禮志漢天福十二年閏七月太常博士段永奏議追遠祖光武皇帝為始祖祖吏部尚書實貞固更請上追高皇帝立六廟從之樂志漢文祖明元皇帝廟室酌獻舞靈長之舞德祖恭禧皇帝廟室酌獻舞積善之舞

吉了聲音恨太麤不如鴝鵒善傳呼雕籠日日教言語
解為君王索數珠

薛史五行志漢乾祐元年七月敕禁羅弋鴝鵒清異錄漢隱帝遇禍手中猶持小摩尼數珠凡一百八枚蓋合浦珠也為郭允明劫去

通齋外集

五

巖花盒

朗目疏眉正妙年偶乘款段上登天宮中誰當君王意
驚脫聰明最可憐

薛史隱帝姿貌白皙眉目疏朗又云一日帝謂周太祖曰夜來夢爾為驢負我升天既捨爾爾變為龍又云帝遣驚脫偵郭軍驚脫小豎名也

殿開永福宴羣臣玉饌天庖次第陳充郢西京諸將帥
俱來颺拜頌千春

隱帝嘉慶節宴符彥卿等於永福殿見薛史

後周宮詞八首

自平三叛削鯨鯢大寶箴圖殿上題河內罷輸寒食杏
長安停獻鳳棲梨

薛史周太祖紀三叛連衡四郊多壘謬膺朝旨委以專征又廣順元年冬十月己丑朔宰臣王峻獻唐張蘊古大寶箴謝偃惟皇誠德賦二圖是年詔減貢物內有陝府鳳棲梨懷州寒食杏仁

宸居彷彿步星河靈壽賢妃解按歌談到東都當日事
絳紗揮淚痛青哥

薛史周太祖紀一夕在山亭院齋中忽有黃氣起於前上際於天帝於黃氣中見星文紫微文昌爛然在日又周后妃傳德妃董氏常山靈壽人也妃孩提穎悟始能言聽按絲管而能辨其聲太祖自聖穆皇后早世以來屢失邦媛中韓內助惟妃存焉歐史家人傳漢以兵圍帝第張貴妃與諸子青哥意哥姪守筠皆被誅

南莊勝景汴梁無臨水紅亭似畫圖昨日翠華湖上過
烏號一發貫雙鳧

通齋外集

六

巖花盒

玉壺清話仁宗讀五代史至周高祖幸南莊臨水亭見雙鳧戲于池中出沒可愛帝引弓射之一發貫貫從臣稱賀仁宗掩卷謂左右曰逞藝傷生非朕所喜也

節近天清日倍長千官袍笏侍明光江南使者丰儀峻
跪代吳王獻壽觴

薛史周世宗紀顯德五年九月壬子天清節羣臣詣廣德殿上壽江南進奉使商崇義代李景捧壽觴以獻

白鱗春時味最濃大家宣索御廚供輒釘脫骨鬆如雪
只有楊承祿最工

清異錄白鱗烹治罕得法者周朝寺人楊承祿所造脫骨獨為魁冠禁中宣索承祿文其名曰輒釘雪籠鵝雛憔悴落人間驛路風塵損玉顏嫁得殿前都點檢

銀刀錦幟壽春還

周太祖晉國公主降張永德其
事具見東都事畧永德本傳

遠人慕義自瓜沙伯仲俱蒙節鉞加拜獻彤墀無異物

金星塔與大鵬砂

薛史吐蕃列傳周世宗時以曹元忠為歸義軍節度使元恭為瓜州團練使其所貢硃砂羚羊角波斯錦安西白氍毹金星塔大鵬砂既賜玉圍

盡毀浮屠鑄孔方難將因果惑君王後宮近日添皇子

抱出蘭芽竟體香

王定國隨手雜錄柴世宗銷天下銅像以為錢真定像高大不可施工既而北伐命以砲擊之佛乳竟不能毀未幾世宗癰發乳間而殂又云太祖皇帝初人宮見宮嬪抱一小兒問之曰世宗子也命潘美持

通齋外集

歸後終刺史名惟吉即潘夙之祖也韓文幼子娟好靜秀瑤環瑤珞蘭茁其芽

王趙宮詞二首

才開曲宴引芳樽金縷屏風霧雨昏倉猝負王雷電際

功臣第一墨崑崙

事見太平廣記劉氏耳日記薛史亦同清異錄王鎔有水精金脈屏風

金母宮隅立斗壇西山深處鍊神丹貂裘陂上如花女

欲得君王一顧難

薛史王鎔傳專制四州多以奄人秉權出納決斷悉聽所為宴安既久惑於左道常聚緇黃合鍊仙丹西山多佛寺又有王母觀鎔增置館宇雕飾土木周后妃傳淑妃楊氏鎮州真定人幼以良家子中選事趙王王鎔妃父宏裕少漁貂裘陂有以二石雁遺之者曰吾北岳使也是年生妃詳東都事畧

岐宮詞二首

皇后園亭似畫成北山蒼翠半空撐紅梨合抱花如繡
時有鳴鞭一兩聲

東坡李氏園詩北山則可見蒼翠間曉禿紅梨驚合抱映島孤雲覆自注俗猶呼皇后園薛史茂貞傳鳴鞭掌扇儀同王者

美玉名駒間道通俱加大保進司空花時月下多歡讌

大度羣推六令公

九國志李彥琦為茂貞使回鶻美玉名馬相繼而至舊五代史茂貞持管綸者亦呼為司空太保又從曠每花繁月朗必陳勝會雖吐苗墮憤無厭色五代史曠第六世謂之六令公

楊吳宮詞八首

通齋外集

黑雲環衛擁銀槍制敕威儀仿未央舊第已為光孝院

新宮近接太平坊

楊武王之衛士號黑雲都天復二年開制敕院其舊居宅施為光孝院今揚州鐵佛寺也稽神錄行密初定揚州有康氏儼宅太平坊宅中得一金人

神力能持三百斤大王英武信超羣夜來頻感珠衣夢

細鎧名駒賞禁軍

五國故事吳王行密力舉三百斤江淮異人錄張訓妻被珠衣見夢於吳太祖詎甲馬之弊

奄有江淮霸業雄山光寺側即離宮畫師會得君王意

去寫沙陀獨眼龍

五代史補行密恨不識唐武皇使畫工詐為商賈往河東寫之為人擒得武皇曰此必畫工之尤者也時

方盛暑武皇執八角扇因寫扇半遮其面武皇以為
詔乃畫臂弓燃箭欲射之狀微合一日武皇大喜厚
賂遣之

邗溝一帶虎皮牆別起妝臺看蜀岡越國郎君真快婿

何妨嬌女嫁錢塘

鄭樵通志邗溝要畧九卷記楊吳時事作者名字不
傳五代史補田頴圍錢塘錢鏐危急遣子元璋修好
于行密元璋風神俊邁行密見
之甚喜以女妻之命額罷兵

紫極朱門竟日關椒圖一一抱金環豫章諸郡都收拾

設醮江西龍虎山

江淮異人錄吳太祖聞聶師道名召至廣陵建
紫極宮居之又云吳朝遣師道至龍虎山設醮
別有金枝類啞羊淮孺無處覓仙方潭潭朱邸施行馬

通齋外集

九

懺花會

從此人呼不語楊

吳讓皇詩兄弟四人三百口似太祖行密只有四子
然實賓錄云楊行密有一子病暗鄉里號為不語楊家
朱樓迢遞上干雲檀板金尊酒半醺鬢髻鴉衣扮蒼鶻

卻教公子作參軍

馬令南唐書徐知訓事隆演無禮嘗飲酒樓上知訓
為參軍隆演鶻衣鬢髻為蒼鶻知訓使酒局坐語侵
隆

懶和蜂糖怕卷簾輕寒如瘧晝懨懨覓人採取雷塘土

勻入刀圭手自添

江淮人諱密至今呼蜜糕為蜂糖惟朱瑾
死瘞雷塘其墓土可治瘧亦楊吳時事

馬楚宮詞八首

龍髯鳳眼貌堂堂一代英雄異姓王應是岳神來救世

天教開國鎮瀟湘

九國志敷贍謂彭玘曰馬公龍髯鳳眸大人之表舊
五代史殷微時見神人侍側及貴謁衡山廟宛如微
時所見

呵叱風雷開五溪昭靈功德後先齊春宵宋殿明如晝

寶帶新收照夜犀

李宏皋銅柱頌指畫風雷開五溪頌希範也九國志
拾遺海南有市犀帶者晝夜有光洞照一室希聲殺
而取之

貴主來歸自豫章鸞雛九子簇釵梁珠盤不減金蓮炬

玉盃紛陳琥珀光

通齋外集

三

懺花會

九國志拾遺馬希振娶鍾傳女資從甚
厚有玉盃照夜珠希振皆納之於殷

君王一意慕軒轅五百瑤姬鼓吹喧蘭麝香濃花不及

夜深酣飲會春園

歐史馬希範曰吾聞軒轅御五百女以升天吾其庶
幾乎湖湘故事徐東野會春園詩珠璣影冷偏枯草
蘭麝香濃
欲損花

宮牆前後好長街多種垂楊少種槐旌節王家原不乏

何須半仗大梁來

馬楚時童謠湖南城郭好長街盡栽柳樹不栽槐百
姓竄奔無一事只是槐芒織草鞋三楚新錄桑維翰
恨希範前
其半仗

畫棟雕梁似九天金龍盤礎勢連蟠丹砂涌出三千斛

玉佩鏘鳴十八賢

五代史補希範大興土木有九龍金華等殿適東境
山崩丹砂涌出萬斛用以塗壁九國志拾遺希範以
李鐸潘起等
為十八學士

褚袍笑把鏡函開岳麓松杉一一栽三十里中青不斷

夜深風送翠濤來

柳行錄衡山三十里松乃馬希範所
植希範無彭禱于岳神種松而彭生

雨過風微引麝香山如螺黛照雕梁喜聞册命江南至

滿酌金樽喚謝郎

徐東野會春園詩山色遠堆螺黛雨草梢春夏麝香
風希範卒希廣立為希範所殺李景册封希範為楚
王希範娶幸小門使謝延
澤與妃妾並坐眾心惡之

通齋外集

三

懺花盒

吳越宮詞十首

鳳舞龍飛氣象豪年年銀簡鎖波濤標題天下都元帥

誰比吾王爵更高

臨安古識天日山垂兩孔長龍飛鳳舞到錢塘鏐之
與也應之吳江縣志崇禎十七年太湖涸得錢武肅
王銀簡一其文畧曰大道弟子天下都元帥尙
父守中書令吳越國王錢鏐恭陳醮謝云云

夜靜花香露愈濃坐聽宮漏響丁冬大師傳述真非妄

王是臺山不睡龍

九國志拾遺錢鏐少在軍中初未嘗寢至老亦然五
臺山王子大師長與初謂人日浙中不睡龍今已歸
矣鏐
頌堯

宣義分藩傍虎邱來朝錫宴冠諸侯先王愛子吳王壻

許在南園住卅秋

吳越備史元璩鏐之第四子治蘇三十年郡政循理
謹襲位璩觀之宴宮中璩起壽日先王之位兄宜當
之璩俯伏曰先王擇賢而立敢忘忠順因相顧感泣
迄無閒言璩薨諡廣陵宣義王子文奉代為節度作
南園東莊為
吳中之勝

海船沈香似鬼工天然正壑極玲瓏願將臂上金條脫

換取衡山七十峯

清異錄高麗船主有沈水千斤象衡山七
十二峯吳越王假以黃金五百斤市之

宮中勅進眼醫方誰敢針頭試麥芒膜拜開明尊者像

琉璃沆瀣便生光

指月錄儀宴禪師壽至一百十五歲錢忠懿王患目
疾遣使圖師像作禮隨雨舍利日疾頓痊因錫號開

通齋外集

三

懺花盒

明尊者琉璃沆瀣東坡
句形容眼目之狀也

錦文稠疊鵲鸞銜裁作琴囊覆洗凡不是尋常焦尾韻

天台飛瀑灑松杉

錢似以天台瀑布前屋柱製
二琴一曰洗凡一曰清絕

池亭一碧淨無埃引得西湖活水來侍女先猜瓜子數

金刀方剖玉瓶開

錢氏子弟暑日為瓜戰
言定子數剖而觀之

大郡吳興接太湖親藩出鎮儼陪都芙蓉玉玦從誰得

真是君王瑞應圖

清異錄錢似以弟信鎮湖州後園芙蓉枝上貫一黃
玉珠枝梢交襍不知從何而穿也信截幹取玦以獻

一尺晶瑩頗眩伽龍與佛髻倍光華
蕩絲燈更如烟細
取自雙林大士家

王定國隨手錄錢王有外國所獻頗眩伽寶其方尺餘狀如水晶可厭十里火殃置于龍興寺佛髻中又有蕩絲燈梁武帝物從妻女雙林取來見鐵圍山叢談

天竺新開選佛場爭描蛾黛去焚香偷窺黃幄祈羅漢更拔瑤簪禮法王

咸淳臨安志忠懿王夢白衣大士因建上天竺觀音寺西湖志淨慈寺羅漢堂阿濕毗尊者以黃羅幕之相傳婦人祈子甚有靈驗宋人小說吳越孫妃有日本龍蕊簪妃以施龍興寺為賈胡以萬緡買去云佩之多

閩宮詞六首

通齋外集

歲花盒

一夜甘棠巨港開魚龍飛舞下蓬萊侍郎從此工招寶歲歲泉州海舶來

王審知時吳安王助順開甘棠港見五代史王延彬號招寶侍郎見五國故事

合簑寶杖韻珊瑚爪甲鏗然四座寒聞道錢王生日近教人千里送臨安

東坡詩集柳真齡字安期閩人也家寶一鐵拄杖如柳栗木牙符宛轉天成中空有簑行輒微響柳云得之浙中相傳王審知以遺錢鏐

鸚鵡螺盃墨玉缸歸郎豪飲量無雙酒酣便卧甌甌上月照蕉花綠一窗

王鏐有雙吏歸守明時為諺曰誰言九龍帳只此一歸郎

京華都用碧琉璃即使神仙到也迷誰料花間新燕子春來忽並鳳皇棲

王鏐納父婢陳金鳳為后及為嬖婢春燕進東華宮琉璃為瓦珍珠為簾

百仞瑤臺倚日邊水沈千斛不論錢寶皇夜半傳天語許坐金牀六十年

道士陳守元傳寶皇語謂鏐曰當為六十年天子後當為大羅仙人後鏐遇獄王昶仍拜守元為天師起三清臺三層以黃金數千斤鑄寶皇像晝夜作樂以祈大還丹

龍駒新得渥洼郎城郭分明脊背強每到春深三味燕馬蹄都帶落花香

清異錄王昶傾金錢市名馬凡得五匹有渥洼郎驥國公等名又云閩昶觀飛紅滿空召六宮設三味宴

通齋外集

工蜀宮詞十首

丙穴嘉魚玉枕橫詞臣往往飲南烹至尊笑顧中官說未抵唐朝學士榮

五代史補王建之僭號也惟翰林學士最承恩願侍臣或諫其禮過建曰蓋汝輩未之見也吾在神策軍時主丙門魚鑰見唐朝諸帝待翰林學士雖交友不若也今我恩願比當時才有十分之一爾何謂之過耶論者多之

紅樓不許外人窺玉作闌干錦作帷夜半捷開金鑰動盤王擒得趙龍眉

九國志王建開國造端門紅樓名曰紅樓采給既畢都人士女競往觀之曰看畫紅樓建以華洪得軍情

復有是識誅之人稱其免又王建永平四年以王忠
範為第一招討使大破蠻眾推蠻王子趙龍眉等三
人以

節使華堂改道宮緱山聖祖位當中唐家列帝皆圖畫

更寫先皇與御容

五國故事王衍建上清宮臻元元及唐朝列帝僞尊
王子晉為聖祖至道王宸皇帝其形仍據建與衍
侍立其側按上清宮即唐道龔第唐朝
二十一帝御容乃待詔杜觀龜所畫

御廚當面最相宜結綵為山分外奇一路棹歌還大內

千條蠟炬護龍旗

五國故事衍嘗以繪綵數萬段結為綵樓山上立宮
殿亭閣一如居常棟宇之制衍宴樂其中又別立一
綵亭列以金銀綺金之屬取御廚食料烹燂於其間
謂之當面廚衍乘醉下綵山泛小龍舟宮人乘畫船

通齋外集

三

懺花盒

執蠟炬千餘條逆照水面
以迎之及抵宮中復酣宴

兩宮顏色總傾城順聖詩完翊聖賡應是仙家雙姊妹

玉皇教向錦城生

鑑戒錄王蜀順聖太后謝聖太妃俱工吟咏太妃
題陽平觀云長恐前身居此境玉皇教向錦城生

摩訶池水在宮中畫舸朱欄曲曲通桃臉柳眉爭娥媚

教人能不恨春風

王蜀時摩訶池園入宮中孟蜀時亦然至明時
始填為平地王衍甘州曲柳眉桃臉不勝春

第一才人李玉簫蠻蠻促曼不勝嬌五雲深處宣華苑

斜斂輕身按綠腰

王灼碧雞漫志蜀王衍召嘉王宗壽飲宣華苑命宮
人李玉簫歌衍所撰宮詞云輝輝赫赫浮五雲宣華

池上月華春月華如水映
宮殿有酒不醉真癡人

金蓮花帽紺霞裳駕發青城輦路長翻恨薰爐芬馥甚

齊燒皂莢亂沈香

薛史王衍傳衍奉其母徐妃同游青城山駐於上清
宮時宮人皆衣道服頂金蓮花冠衣畫雲霞望之若
神仙五國故事衍好燒香沈檀蘭麝之類芬
馥氤氳晝夜不息既而厭之乃取皂角燒之

戲作蹲彪怖殺人內中疑鬼復疑神春來更製流星輦

平地飛馳二十輪

鑑戒錄王後主畫作鬼神夜為狼虎潛入諸宮驚動
嬪妃清異錄蜀衍造平底大車凡二十輪謂之流星
輦

龍舟分擊柳東西八座韓郎語滑稽更有宣徽顏色好

通齋外集

三

懺花盒

春深同住浣花溪

通鑑王衍宣華苑成引狎客韓昭潘在迎等與宮女
雜坐為艷歌相唱和宣徽謂宦者王承休也承休妻
有絕色
衍通之

孟蜀宮詞十四首

翠眼珠鍋十二鑊果然帝女貌嬋娟香輪顏色如花好

許傍鴛鴦錦褥眠

孟蜀高祖娶唐武皇長女瓊花
公主公主有狸奴名麝香駘

雪後梅開爛若霞御題樓額號芳華後宮盡縮朝天髻

上相分栽旌節花

孟蜀芳華樓前後植梅極多後主末年婦人皆戴高
冠子謂之朝天王處回仕蜀官至太子太傅曾遇異

人朱桃推遺
以旌節花

百合花如並薔蓮花房數百盡相連細看真是天家瑞
不比金裝獨立仙

老學菴筆記孟蜀苑中忽生百合花一本數百房並
著因畫為瑞花圖清異錄孟昶時內官梁守珍臘日
獻錢金花樹
名曰獨立仙

五色漚牋御筆書新年餘慶逐天符美人盼望前星朗
親繡張仙挾彈圖

孟昶題春帖云新年納餘慶嘉節號長生次年蜀亡
呂餘慶為成都守花蕊夫人入宋後不忘後主每懸
其像詭云張仙挾彈圖
圖中童子即太子元詰

珍味由來數上方紅糟巧壓賜緋羊每逢月旦多齋戒
道齋外集

玉盃擎來薯蕷香

清異錄孟蜀尚食有賜緋羊用紅麴煮肉以石緊壓
又云孟昶月旦必素淡性喜薯蕷左右因呼薯蕷為
盤月一

屈曲幌宮七十間鴛衾不怕五更寒十洲三島金銀闕
總在君王帳裏看

清異錄孟蜀高祖晚年以畫屏七十張為幌宮又孟
昶有一帳施之大小牀皆可中具十洲三島之狀夜
則燦錯如金
昶敗失所在

八卦瑤階對紫微黃筮畫壁雉雛肥西宮阿監講籜過
閃閃金眸欲怒飛

益州名畫錄廣政癸丑歲新構八卦殿命黃筮於四
壁畫花竹雉兔雄武軍進白鷹誤認殿上畫雉為生

掣臂者
數四

風雪蕭蕭逼歲除郵筒春酒勝屠蘇不知誰進鍾馗像
拇指如刀劈鬼奴

益州名畫錄每年杪冬末旬例進鍾馗趙忠義所進
以第二指挑鬼眼睛蒲師訓所進以拇指刺鬼眼睛
蜀主問優劣於黃
筮筮以師訓為優

暗祝天邊十八姨官花才放莫教飛天生一種紅梔子
特與儂家作繡衣

野人間話申天師進紅梔子種其花殷紅六出蜀
主甚愛重之或令圖寫於團扇或繡入於衣服
翠竹紅亭接御園松陰只有鶴雛喧內官準備鑾輿到
爭取丹砂養白猿

通齋外集

孟昶有對青竹亭益州名畫錄江南與昶通聘送鶴
數隻野人間話優旃楊千度善弄胡孫蜀主賜以緋
衫其養胡孫常餌以
以丹砂然後教之

新拜安宸玉貌芳羅帶許用淡鷺黃內中別有熏衣法
細搗丁香和甲香

孟昶後宮十四品有安宸安蹕等名香譜蜀王薰
御衣法丁香沈麝合甲香二兩加白蜜錄而用之

御園池水號摩訶十里香風襲菱荷月解窺人花解語
夜深連臂作吳歌

孟昶避暑摩訶池詩云冰肌玉骨清無汗水殿風
來暗香滿繡簾一點月窺人欹枕銀橫雲鬢亂
名駒大半賜親王銅螿春遊散異香不舉南郊三十載
一年一度拜文皇

五國故事知詳謚文皇恭祖體重不乘馬內府惟飼一打毬馬其餘名馬多屬之親王近臣又云和性畏儒惟每年春一拜知祥之陵每出乘步輦香囊垂於四角香間數里人不能見其面在內惟銅裝朱漆小轎

青城萬仞削芙蓉上有千金七寶鐘遠寄瀟湘天册府

教渠湖口鎮蛟龍

孟昶以青城七寶鐘壽馬希範希範懸之君山南宋寇亂鐘燬於火

南漢宮詞十二首

輦致奇峯面面青玉池香水灌洽洽梅王尙小宮中住

時到臺前看石屏

王象之輿地紀勝石屏臺有池百餘步南漢時玉液池也郭祥正詩石屏臺下玉池泉邊岸石屏青齒齒

通齋外集

无

懺花盒

劉銀族盡已無餘此石猶存舊基址劉晟乾和十三年封子崇興為梅王

宮中不愛九鸞釵都著金冠侍玉堵隨駕華林園內去

男兒裝束兩邊排

劉銀時宮人俱冠帶理外事見薛歐二史輿地紀勝劉氏華林園又名西御苑在郡治六里

蓬島金丹養九光盤龍御室夜生香官家自署蕭閒號

手把金樽勸玉皇

鍾允章盤龍御室記有道人稱野人云葛先生俛子掌丹候五百歲有來者獻之出一小石函上有金書古篆九光之丹四字中有丹七粒光彩射人既獻丹復入石室縫開乃刻碑於碧落洞時南漢乾和七年也劉銀嘗自號為蕭閒大夫而妖巫樊胡自云玉皇降其身為銀決事

雲鬢半鞦按琵琶惆悵攀枝又作花不信昭陽前殿月

春宵也到素馨斜

五國故事劉龔作昭陽諸殿秀華諸宮皆極瑰麗素馨斜南漢瘞宮人處也

玉皇太子最風流廟額親題靈讚侯更起報恩光孝院

蓮花銅佛送昭州

樊胡子呼劉龔為太子皇帝輿地紀勝藤州鐔津縣資福靈讚侯廟偽漢劉氏封又云昭州報恩光孝寺殿銅佛一軀跌坐蓮花中五代偽劉時所鑄高一丈二尺座高七尺妙極精巧後有識云大漢大寶二年

采思偏插小南強滿室琪花滿院香案上金容真逼肖

安豐頂帽道家裝

清異錄南漢名茉莉為小南強作平頂帽號安豐頂輿地紀勝劉氏銅像在天慶觀劉銀及子各範銅為像畧不肖似即殺治工凡再三乃成

通齋外集

三

懺花盒

天皇疇昔閱康陵玉匣珠襪制作精說與外人渾不信

黃金千笏範公卿

曝書亭集劉龔葬番禺縣東二十里北亭明崇禎丙子秋九月穴中有雞鳴土人發其墓金像十二一冕而坐一笏而生殆馬后也夾侍十人疑是諸子又學士十八以白金鎔鑄乃翰林學士知制誥正議大夫尚書右丞盧應撰稱龔為高祖天皇大帝陵曰康陵

南海繁華天下無御淸何處不珍珠癡心最是離非女

日坐懸房學篆書

五國故事劉龔詩政之外惟治宮室為務殿下設水池北側談有離非女子一則離非者劉銀宮人善篆書

城東新構禹餘宮九曜亭亭翠倚空日暮鍊丹方士散

一雙孔雀戲花中

南海古蹟記禹餘宮漢離宮也
有九曜石劉氏集方士鍊丹處

金城公主嫁雲南六詔人情恐未諳粉磴脂田難遠贈

年年中使寄珠函

滇載記南漢以金城公主嫁楊氏

長壽浮圖卅丈高井中神鼎鎮風濤焚修宗女承恩住

不比瑤光穢北朝

輿地紀勝千佛塔在淨普寺古井中有巨鼎藏劍二
鏡一劉氏長壽寺也劉之宗女爲尼居之塔高二十
丈七

使君十二亂如麻從此交南別一家猶記前年曾進貢

通齋外集

三

載花金

內中分賞鬱金芽

越史畧吳權殺皎公羨稱王權薨子昌文破楊主將
稱南晉王劉張以爲靜海節度使時十二使君並起
各據州郡舊五代史安南曲美貢梁苜蓿五
百匹龍腦鬱金各五瓶美旋爲南漢所執

癸丑之冬避寇揚叟壩作南唐宮詞排悶凡三十六

首次年道路仍梗服雖闕不能入都悶坐茅舍中分

詠朱梁五代各國又得一百八章皆冠以小序迄今

八載寇亂猶前心緒愈惡柏臺事簡偶取舊作觀之

嫌其浮豔雅不欲存惟當避地山居時鈞心鬪角引

書至四五十種展閱一過竟不忍棄庚申涂月二十

日識

寶島叢書集部之五十五

廣 緬 堂 集

共 八 卷

增補國書
館藏板
甲寅
手刊

序

余入蜀道梓潼耳邑宰張君牟子名毓菴成都程雨琴
觀察為余道繁江僧雪堂能詩心識之均未覓也頃
子來謁袖出詩若干卷則雪堂所輯賡續堂遺稿也噫
異矣賡卿少司農與余鄉舉齊年為翰林前輩又先後
直內廷顧春明簪盍非歲時隙宴恆不數數見丙
辰鵬月司農奉諱去官余送之金鷲寓邸既聞其以道
梗不得歸滇留滯秦蜀適余奉使入川謂校試餘聞當
可聯驛題襟共拜少陵草堂廼司農主講已渝距省千
里而遙僅一通書素而赴告在門矣司農方盛年受

序

九重知選一歲三遷由史官躋卿貳中外拭目謂將駸
駸大用而天厄其算華繁中零旅殯蕭條首邱未卜是
可傷已平時博學強識勤於述作遺編蠹蝕僅存此吉
光片羽抑又悲已雪堂因雨琴得見司農一面緣耳竟
能手訂是集為千古計昔白傅寫文集留東林寺東坡
亦倣行故事豈文人慧業多與象教中有因果耶又孰
謂古今人不相及耶雪堂謀付手民牟子實贊成之樂
成人美抑豈獨巨卿死友之可感耶余交司農久踪蹟
宜密乃於其身後始得因牟子讀其所著余未識雪堂
乃因哀輜司農遺稿益知其非尋常繙流所可及文字

之契聚散之感誠異矣既以後張君遂書於卷端
咸豐己未九月下澣新陽李德儀拜序

序

二

序

何公廣卿少農滇南晉寧人程雨琴觀察同年也咸豐八年二月既望激謁雨翁值少農丁艱回籍養病於雨翁之頤園因雨翁得瞻少農坐談竟夕雨翁約少農上已偕游龍藏臨別出拙作綠天蘭若詩求正謬蒙許可且賜手書楹帖未幾少農就醫渝州游寺約爽激以為散固不常聚當有期越今年二月既望再謁頤園聞少農已於元旦逝矣噫春光依舊會幾何時而死生輒殊悲喜輒異竟若是乎俄少農次君芭仲至相見益悒示少農手澤同雨翁披覽移時大半零章斷簡甲乙未分

序

雨翁太息而言曰去年今日予見少農於此未見少農之詩今日予見少農之詩於此余與子均不復見少農也夫少農騎箕騎鶴不得脫知其可以長留天地間者恃此耳子與少農有一面之緣蓋代為編次結最後一段因果激唯唯覆而歸反復校閱凡二十日繕得少農詩今體詩四卷矢音集二卷古文雜俎各一卷合為八卷走復雨翁歸稿於芭仲請雨翁製敘付之梓人至詩文之卓卓可傳處明眼自能見之無事方外人為之貢諛也但記崖畧如此咸豐九年三月既望繁江釋舍激雪堂敘於綠天蘭若之芥舟

序

重華德懋皋陶虞虞帝之歌一品勳崇鄭並序衛公之集蓋播元音於鳳舞斯泰運所由開而聯雅韻於鶯鳴亦交情所由見也

廣卿少農淹貫夙成岐嶷早秀經訓則笙簧五典詞華則斧藻六朝甲辰與余同第進士而君獨入翰林初履蘭成射策之年已居永叔衡文之任歌折柳而出為星使賦依蒲而入觀

天顏當其粉署披吟蘭臺侍從固已手抉雲漢音中宮商矣

野續堂矢音集上卷序

今上御極之初尤以崇文為治漢庭講藝恩禮於同學有加唐殿揮毫詩篇命羣臣皆和可云湛露蓼蕭之繼不獨賞花釣魚之遊其張燕公所謂白雲起而帝歌翠華飛而臣賦者乎君以天才之雋拔頌宸翰之輝煌凌勝概於鄒枚掩高風於屈宋篇成寶劍人競稱之句在錦囊余未見也辛亥秋君典試來蜀余適調廉入闈幸相逢矣而論詩無暇君丁巳春余引見至都君先奉詩在道既相左矣而懷舊無已時每到梅邊常思水部豈知江上重遇少陵在陶服之中暫息鵬圖於六月屬比鄰之近頻揮

塵尾以終宵秉燭而遊出詩相示心乎愛矣受而讀之晨露薰風乃

金鑿之麗藻微雲疎雨卽玉署之新聲如絲如綸一唱

一和彼白也三首徽之十聯未足並此榮施方茲

雅韻也涂舊有集唐之作巧君題詞君乃以應

制之詩命余作序竊思應劉接踵並吐清芬元白比肩

同登顯仕惟才名之相埒故詩句之共敵如余者

十年讀書一行作吏琴絲彈罷隴頭之雉未馴燭

淚燒殘案上之螢已冷有慙民間之召父徒羨天

上之班生不入鳳凰池敢題鸚鵡賦哉然裴休之

麻纒堂文集

上卷序

二

與李邵本屬同年貢禹之於王陽素稱莫逆何以

報之不能辭也用是聊緝蕪言敬題鉅製欲徇嗜

痴之癖遂貽著糞之譏夫韓昌黎爲聖德詩特鼓

吹休明之一事耳宋廣平作梅花賦又提唱風雅

之一端耳旣已徵際會於風雲豈惟頌光華於日

月異日者東山再起北斗常依登台鼎而贊

廟謨戢干戈以銷兵氣然後獻鏡清祗平之賦賡白塵

赤雁之詩其炳烺爲何如乎則是集者固均平之

先兆亦喜起之嗣音也曩倩今爲侍郎已並長卿

而舒文采樊侯上佐

天子願隨吉甫以頌功名是爲序

咸豐八年三月年愚弟程祖潤拜序於錦城頤園

麻纒堂文集

上卷序

三

廣綬堂矢音集上卷

率

滇南 何彤雲

勅恭題

御筆小幅山水

咫尺論千里蒼茫勢極工平田開漠漠遠樹鬱蔥

蔥城郭清溪外人家暮靄中林泉非有意端是寫

幽風

奉

勅恭題鬪虎驢圖

廣綬堂音集上卷

在昔三良同服阜馳驅歲月此為深高宗所御三馬號

日三良鬪虎驢其一也御之最久北徠久擅空羣望老去尤多戀

主心千里超驥無遠道

九重拂拭動長吟圖中育齒既長特育於南苑中後勅圖更

洋至姆下顧盼宛轉不勝依戀感之復成古詩一首并書圖中西畫手工摹繪

圖為乾隆中畫院供俸西洋人苑啟象所畫也作式何須更范金

恭和

御製詣齋宮作元韻 辛亥 祈禱

甌城猶未踐樓街遷坐曾經潔致齋大祀致齋先

誠齋殿祭之前一日時有祥風清始詣壇內齋宮

輦道已看騰雪漬田麥先期闌左陳監象齋三日太常寺設銅人於是處簾前揭戒牌懸齋戒木牌於乾清門左 額 夙駕

青壇申辟蠶

天心早鑒

聖人懷

恭和

御製詣齋宮作元韻 壬子 常寧

六飛展敬因時舉七宿儲精順序宣甘雨已隨

鸞輅至

廣綬堂音集上卷

宸衷辟蠶愈兢乾

百爾趨躋各効忱勤勞應識

一人心閭修慎獨平時事豈為明禋意始欽

青壇祀事懍親承肅肅升歆薦豆登洗甲會看河順軌

鴻祿中外喜同膺

奉

勅恭題

御筆仿顏暉畫李仙像二首

用瓠幾曾拙於大支筇下疑皮能行仙根惟道蟠

天上未遣人間偶識名

繪事曾推秋月顏輝工一經

天筆勢尤雄不須更索形骸外曰為傳神阿堵中

恭和

御製壬子孟夏

雲祭

圓丘恭奉

皇考升配禮成敬述元韻

獨吉剛逢龍見日

孝思初展揚精誠

天心陟降應同鑾

懋德堂書集上卷

國德淵冲豈易明率土謳歌情始慰

法宮齋祓濟無營

饗

親

饗

雨倫兼盡會迓蕃釐澤庶氓

恭和

御製策馬至靜宜園卽事元韻

玉泉山下翠旂明裂帛湖邊重路平好是重陽佳

節近茱萸黃菊馬頭生

省效深塵無逸戒

語戎不忘紹

先心國家大閱

宸游遠邁卷阿盛獨愧簪毫效矢育

恭和

御製香山述志恭依

皇祖詩韻元韻

神皋兼輿曠妙蘊發

神堯霖澤庭垂幌流丹閣建標偶因

清蹕至彌想

懋德堂書集上卷

遠謨昭簡閱塵

宸念時將大閱銅籤勅警宵

奉

勅恭題陸吉安仿金建標畫嗜酸圖恭依

高宗聖製三首元韻

顛顛勻圓似木難枝頭梅子兩三攬世間豈少佳

桃李輸與和羹此味酸

昔人曾道食梅難白居易詩食梅未食梅時屑亦

攢莫怪尋常知者少從來風味止儒酸

蔗境相將比論難餘甘那似豨攢攢祇緣識得梅

翁趣亦帶梅往往嗜好才知別有酸

恭和

御製郊行述悶元韻時東陵祭告

玉軼暉迎海日東

琛坵

躬滿上儀崇川原歷歷浮佳氣霜露淒淒感

聖衷祭畢文逾周代盛上陵曲陋漢時工瀾安戈偃承

先佑陟降端應頌

真穹

恭和

御製無倦齋晚坐恭依

皇曾祖詩韻元韻

秋深蒨野駐

龍驂紫翠羣峯送夕嵐南望烽煙勞

遠念西成稼穡喜

親詣星連燈火明千帳雲帶鐘聲出一巷

聖敬從來隨地見

天題至理箇中參

恭和

御製山亭夜望元韻

一亭坐攬千山勝更喜登臨是月中此地自饒楓

相好不須玉樹賦青蔥

恭和

御製題挹霞叫月恭依

高宗詩韻元韻

天半朱霞高可攬山間明月喚能磨一從

奎藻留題後奇境千秋得未曾

恭和

御製桃花寺行宮晚望元韻

浮空翠靄接微茫

寶殿崢嶸出嶺陽松徑纔經新雨氣楓林恰帶晚霞

光寒雅數點孤村遠征雁一聲秋寒長更

聽與與明月裏

沖襟滌慮淡相忘滌襟泉在行宮西

恭和

御製獨樂寺小憩二首元韻

誰識空門無漏禪

聖心妙悟本從天偶憑高閣拈真諦證取圓通不待詮

塵寰何處問真禪古刹煙霞別有天一自

宸題標正覺更無文字可言詮

宸題標正覺更無文字可言詮

恭和

御製蒲州道中雜詠元韻

獨樂招提古雲深望若糊一聲清梵動曉日上浮圖

秋郊曉日晴納稼徧山城此地真唐魏觀風愜

聖情

墮水娟娟殘月穿林淡淡早霞尤愛晚來楓徑停車戲玩春華

乘黃風駕快時乘路接盤山未暇登安得

幾餘親灑翰圖將佳處兩三層

曆續詩音集

上卷

七

恭和

御製題闕雅化圖元韻

雖宮端式範希古詠王雖正位占符易觀聖義協書

福原良有自

化本仰相於

帝治勤修丙鳴珩勸相予

恭和

御製初冬至倚虹堂作元韻

冬蒸重率由先日致齋修

世德思承眷兢兢懷作求

傳餐

行殿啟一飯不忘民所望櫬槍掃歸耕盡返淳

恭和

御製齋居有作元韻

時在重華宮

書福年年紀歲華

每歲十二月於此書

廣吟茶宴

事非奢

每歲正月

初二日

臣工謝此茶

宸衷此日嚴齋被一敬端能制百邪

恭和

御製還宮有作元韻

曆續詩音集

上卷

八

鳳簫吹暖八初冬

紫禁

鑿迴啟

法宮已報瀾安知漕利更聞師克兆年豐千官劍佩

迎朝日萬騎旌旄度彩虹

游豫從來多慶事

那居共頌福攸同

恭和

御製詣齋宮作元韻

壬子 南郊

海籍

鑾輿昭丙御森森羽衛肅辰旂雲門未奏誠先格

宵旰惟期民莫求

景命延洪集

聖躬

淵懷每自惕

子冲褰菱挽粟

宸謨裕更仰

天威懾寇戎

乍喜祥雲鋪北陌又看瑞景藹南榮

深宮自切無衣念野老仍多獻曝情

慶綬寔音集

上卷

九

六宇澄清會掃塵羣生熙皞若登春

天申已荷無疆錫更進華封祝

聖人

恭和

御製小除夕作元韻

饒歲先期戒深宮有舊聖柏筵猶未展竹爆已堪

聽送臙喧街鼓迎春溢路輦

昇平知歲美八穀見明星

恭和

御製春帖子元韻

東郊春早至北陸候方過茂豫羣生醫

醴恩被極膺

偃伯行教舊俗新金堤千古鞏

皇仁

降康屢荷綏豐慶總恃

宸衷感格真

韶光乍喜迴陽珥

袷典剛逢展禮筵寶籙延洪承

祖眷

皇心猶自惕乾乾

慶綬寔音集

上卷

十

恭和

御製玉蘭花元韻

楚畹芳馨誰能似同心竟有臭如蘭國香一種人

爭媚却與鉛華總不干

亭亭玉立早春前潔白能全太素天騷國一登香

草傳也隨荃蕙比名賢

身

醴恩

廣纒堂矢音集下卷

滇南 何彤雲 廣野

恭和

御製癸丑元旦試筆成什元韻

布圖初陳時政記開禧快觀

帝京篇宜春帖共

恩綸煥奏捷書隨彩勝傳海國同廣雲紉縵有命朝鮮使

臣屬 康衢永戴日綿延履端正值開

昌運市宇喁喁仰

德先

廣纒堂矢音集 下卷

恭和

御製詣齋宮作元韻

癸丑 祈穀

春前喜見雪層層親土潤日凍已勝

天與豐穰成最福嘉禾定比去年增

歲美成霜

閭澤敷歡騰萬井徧黃圖三階更卜和甘應時雨時風

候不逾

親

饗

饗

帝誠兼至夙夜惟憑一念寅總為

宸衷昭事肅瀾安戈偃荷

鴻慈

恭和

御製耕藉禮成敬述元韻

一撥久聞前代制

四推今觀上儀崇協風先日昭嘉貺靈雨知時兆履豐

黛紺青箱沿鉅典紺轆縹軛惕

淵衷

躬耕共識勤農意駿發即看千耦終

廣纒堂矢音集 下卷

恭和

御製耕藉禾詞元韻

占年甫過祈辛後播穀剛逢練亥初

豐澤園中習勞地謹案 國朝官史 豐澤園在 西苑中 有 春耕齋 為 聖

祖所建 演 耕之所

貽謀百世有舊畬

鳴鳩聲裏候初更望杏瞻蒞愜

聖情和氣衛樽民共飲豈惟勞酒逮公卿

轉盼還看屬趣耘民生不置總惟勤熙熙六字安

耕鑿詎識艱難

聖念塵

開田闢土脈全滋雪澤連番荷

真慈

天與康年昭瑞應倉箱萬億下秋期

恭和

御製中秋夜延春閣望月述懷元韻

今夜中天月登樓望夏明豈知千里共深軫

九重情狼豕鋒猶避魚龍患未平小臣愧無補長戴

聖恩宏

恭和

廣輿堂詩集卷之三

御製自述一首恭依

皇祖詩韻元韻

多難

天開

聖於昭

大清黜邪端在邊戡亂豈惟兵赫矣安民

怒肫然感物

誠坤維恬嶽瀆乾宇偃旌槍省咎

宸衷切舍

光

帝願宏贊襄臣子責何計答

昇平

恭和

御製癸丑嘉平月朔開筆書福即事述懷兼示軍機大臣恭親王等元韻

臣恭親王等元韻

九重萬目望昇平四海同心頌永清會賦出車勞還率

每歲零雨念休兵

棣華協力

前光迪

謹案棣華協力上與恭親王

廣輿堂詩集卷之四

寶鏢宣威

大武成謹案寶鏢宣威從此蒼生邀

錫福謹案錫福至今尊藏每歲書福先用此筆開筆聖祖有大筆管上鐫錫福蒼生四字

和傳承式豈惟

懋賞遠公卿

恭和

御製題習射圖小照元韻

肆武淳風裕淳風肆武御題合暉樓額

橋山法物遺謹案橋山法物遺盛京詳見太宗文皇帝所御弓矢

威期揚

天烈藝本擅

生知貢矢應徠遠囊言慶自茲仰觀欽

聖德穆穆寫勤思

善恭和

御製鐘粹宮感舊元韻

煌煌朱帶溯當年

主鬯先徵寵荷

聖孝常懷

恩罔極蓼莪一詠涕如漣

廣德堂詩集 下卷

懿範常留在

京室

徽音不遠嗣

維宮

椒塗

基福非無自瓜瓞綿長詎有終

壽宮法守

訓昭垂保大長欽

世德滋億載相承

堂構啟陋他善慶益唐時

恭和

御製喜雪用蘇軾題北臺壁二首元韻

縞帶銀杯亦太纖

宸章格律最精嚴清詞始信如霏玉小語真堪笑撒鹽

鵝鵲光生明

簇仗

蓬萊凍合念窮檐

九天欲和陽春曲深愧薑芽斂指尖

温樹陽迴不凍鴉漸看羲馭緩停車醴膏隴上經三

白喜氣軍中錄六花禁體詩應廣往制時晴帖許

廣德堂詩集 下卷

覩

天家辛亥秋以晉王羲之快雪時晴帖墨蹟賜內廷諸臣同觀分體賦詩臣時出使蜀中未躬其盛

幾餘倘寫漁蓑句會展新圖上畫幀

恭和

御製甲寅元旦養心殿明窗開筆因成八韻元韻

履端正始是今朝玉瑄陽迴淑氣饒

閱殿

升香承

真祝

大廷祝

嘏集羣僚田中雪積濃膏漬宇內塵清浩劫消萬戶桃

符迎曉日千家竹爆動深宵定知

康泰徵年稔已喜

平安迓歲韶是日 開筆 上書
一年安泰又書平安三字

宮柳含芳初向暖

禁松聳翠永無凋

壽杯捧出新銘柏綵勝簪來慶衍椒億載

璇題昭福地長欽

寶祚繼

神堯謹案 國朝宮史 養心殿 明
高宗純皇帝御書

廣纒宮音集下卷

春帖子詞

北斗運鴻鈞陽迴早報春迎春逢人日此日最宜

人

甲子定卜羣生賜寅引還看庶彙滋已喜

辛祈值元日元日 辛丑更逢酉熟展秋期本年閏 七月

瓊田積雪兆豐穰玉律調風叶良方元日風從良 方起主人壽

豐大地從茲新氣象軒簷鼓舞樂

義皇

奉

勅恭題

御筆新春捷報圖

帝德如天妙化工

義圖理象兩交融

精心直運鴻鈞外淑氣先歸

鳳闕中咫尺已規千里勢鋪敦上纘

十全功欲知

宵旰勤勞意雲物書成仰

聖衷

恭和

御製詣齋宮作三首元韻甲寅 祈穀

廣纒宮音集下卷

誠肅先期矢惕乾先二日 誠肅殿在 宮內 齋居於此

青壇地近益森然

潔齋端為民祈歲成秩惟將實應

天

魏煥

楹書接奎壁御書 壬子詣齋宮詩注 齋宮北楹 貽 高皇 仁皇詩冊

謀億載仰

鴻恩

法宮紉繹

心傳在御製壬子詣齋宮詩法宮 心傳也 詔止

幾餘夙好敦

師克從來徵歲稔倉箱早卜萬斯千秋成更待隆
圭幣祭有所焉有報焉

恭和

御製詣齋宮作元韻 乙卯 常雩

漸喜東南清寇孽尙勞

宵旰念民瘼洗兵正值龍方見應候甘霖定不遲

從來師克應豐年已卜穰穰降自

天轉盼秋成登萬寶嘉禾四野穎相連

賢能書獻數頻增是歲增廣各省中額多士舒翹喜弗

屢續美音集 下卷

勝從此止戈敷

聖德鴻庥中外慶同承

法宮

端拱憺無營惟有

誠祈一念縈會見

升歆承

昊眷更欽

錫福奠羣氓

恭和

御製

常雩禮成敬述元韻 甲寅

蒼龍初奮角祈澤仰天田齋潔嚴先日
精誠契

大圓燔柴馨始薦舞羽樂惟全甘雨隨

鑾至

皇心更惕乾

恭和

御製延春閣新晴對月恭依

皇祖詩韻元韻

虹影東收雨霽西晴雲高颺與欄齊開簾見月驚

屢續美音集 下卷

偏早隱几看山覺盡低四面好風生地籟三登佳

景朗

天梯風生四面景朗三登皆明朝羣吏馳書至怡報深

深足一犁

恭和

御製西直門道中感賦元韻

鳴鑾不到城西路已過

上林三度春猶記

至尊親掖

輦湖光山色最怡神

西直門前曉日明

倚虹堂外不勝情

聖心一事差堪慰禾黍油油四野盈

奉

勅賦得春嫩馬蹏寒

得蹏字 七言排律

解凍風來春早至嫩寒時復覺淒淒桑田已見翹

鳩羽柳岸猶嫌蹏馬蹏十里小桃紅欲破一陂芳

草綠將齊沙平漸可施金埒塵軟何曾上玉題殘

雪乍消思展步柔蹏初八聽驕嘶足輕尙怯幽花

趁耳峻真如翠竹批且縱青絲隨緩轡未看赭汗

磨盤堂音集

下卷

十一

濕障泥

天閑上駟多調習

幾暇時來

禁苑西

恭和

御製靜明園卽事元韻

信風吹暖上桐華禊事將臨節候嘉湖關繼知新

水長山深爲有好雲遮松陰翠通幽徑麥浪浮

青過遠涯三兩小桃三兩竹

上陵春色豈繁奢

恭和

御製自藕香榭泛舟至鑑遠堂元韻

晴波高接蔚藍天複渚迴汀望裏連掠水鷗從檣

外起吹香魚似鏡中懸桃花浪暖臨修禊楊柳陰

多過禁煙

幾暇停橈閒

攬勝玉泉一勺茗初煎

恭和

御製四月廿九日敬詣

黑龍潭謝雨至時潤軒理政有作元韻

磨盤堂音集

下卷

三

齋心爲物送

鴻麻甘澍先期

願已酬時雨時陽符

帝念亦祈亦報答

靈湫申虔辟蠶香

親捧

問政須臾

蹕暫留繼此優霑邀惠溥感通端是在

宸修

恭和

御製昆明湖曉泛二首元韻

蒲茸含紫葍縈青渺渺波光向曉渟多少詩情兼

書意一時收拾入輕舸

幾餘豁

沖襟極望平湖瀟灑撼響風荷依依起沙鳥未雨得微

陰眾妍富清曉弭棹一夷猶溪煙澹林表

恭和

御製壽辰喜雨元韻

紀瑞徵靈雨剛逢介

壽晨優霑欽

慶續雲音集下卷

三

德大

感召仰

功神慰望歡羣庶賡歌集眾臣佳辰宜

志喜

恩賚徧賢親

恭和

御製賦得泠泠修竹待王歸得言字五言八韻元韻

韻事傳佳謔泠然妙語言尊前陳小部竹裏閉名

園滑畝提封近洋川別業存應憐蒼玉冷肯負綠

陰繁寥落常開徑平安久盼軒鳳條剛結子龍籜

會添孫豈為新花亞而忘舊席温君王歸未得倚

袖待開門

七月立秋日蒙

恩賜遊

福海諸勝奉

勅分體賦詩敬成五言二十四韻

積雨洗炎蒸新晴日杲杲一葉下疎桐良時屆西

顯

神皋霽秀鍾勝槩發

天藻歡情洽近臣傳宣

慶續雲音集下卷

四

賜遊眺解纜

生秋庭新涼動清曉放棹循幽溪延緣入深窈曠

然靈境開四望水天島遠岸極微茫飛甍出林杪

仙都地清嚴豈意得搜討翼翼

觀瀾堂遙峯如黛掃掩映

蘊和齋平湖宜月皎湛湛圓鏡中峨峨起

蓬島飛虹亘長空壺嶠共環抱銀闕接金臺琪花間

瑤草

璇題煥

龍書瓊甃秘鴻寶瑰奇物中庭詎數如瓜索昔聞海上山

弱水四周繞風輒引船迴至者古來少漢代鑿昆
明取象侈神巧班張騁賦才掇拾供史藁方斯殆
難倫霽構亦何眇小臣廁簪毫

勝境得躬造

授簡媿微辭境奇語難好承

恩徒流連戀賞懷縹緲歸來驚世人乘槎凌漢表

恭和

御製七月九日感賦元韻

願復

恩勤憶十年

廣經集音集下卷

吉

聖懷追慕涕常漣千秋

口澤悲

遺範一辨

心香達篆煙

闕殿已升情稍慰升附於孝靜康慈皇后奉先殿

幽宮未妥意猶煎卜吉於明歲四月地宮人天不違

神如在翹首蒼蒼仰大圖

恭和

御製九月十日攜皇長子至湛靜齋

皇妣孝全成皇后御容前行禮感述二首元韻

人天不違宛承

顏

帝念

恩勤隕涕潸迴首

勛勞

京室日

洪慈奚翅重如山

絲咫初生徵

錫慶

含飴無自轉與悲

廣經集音集下卷

夫

徽音佑啟斯男百

孺慕依然永

孝思

恭和

御製慎德堂述志恭和

高宗古稀詞元韻示軍機大臣內庭翰林等并命賡韻元

韻

楮顏兩字即銘詞

堂構欽承動昔悲

福地那居光率履謹案御製慎德堂敬紀詩云禮此禮與光率履

御天朗照協重離因循力挽期羣策謹案：御製有開誠痛戒因循詩

警覺常存慎獨知謹案：御製言志三絕句云警覺常存勿內馳

聖揆同符

宸學懋天乾猶復日孜孜

奉

勅恭題黃鉞畫杜詩摘句圖十二首

花濃春寺靜竹細野池幽

花木深深闕石壇竹泉綠淨不生瀾祇今寫向東溪絹

猶似牛頭寺裏看

市橋官柳細江路野梅香

歷總堂詩集 下卷

萬里橋西隔錦城百花潭北草堂成春風來往無人覺

溪柳江梅自送迎

山縣早休市江橋春聚船

春城粉堞隱斜暉水鳥衝煙背郭飛綠簷裏鹽山市散

青旗沽酒估船歸

野寺江天豁山扉花徑幽

一杖來游修覺寺江山花竹佐吟詩不經追寫入圖書

奧曠焉知此境奇

農務村村急春流岸岸深

柴扉樵柵自成邨一帶清流曲繞門桑柘陰陰田漠漠

此中何必讓桃源

卷簾惟白水隱几亦青山

高卷疎簾對夕曛烏皮小几淨塵氛山光水色翛閒甚

合著幽人管白雲

亂石通人過懸崖置屋牢

綠嵯峨上兩三家碧犖确中行徑斜煙靄濛濛人跡少

滿山風露濕松花

晚涼看洗馬森木亂鳴蟬

晚風刷馬向芳洲古樹蟬嘶更覺幽一自趨庭來點筆

南池勝槩已千秋

歷總堂詩集 下卷

竹深留客處荷淨納涼時

竹翠荷香水榭幽破塘五月氣如秋相看畫裏能忘暑

何況身來丈八溝

層軒皆面水老樹飽經霜

近根藥圃澆寒碧接葉茅亭對遠峯更拓重軒虛四壁

佗時面面看芙蓉

雪籬梅可折風榭柳微舒

灑水西邊結屋宜梅花弄色柳含姿何緣早被詩人覺

漏洩春光果是誰

山中凍泉依細石晴雪落長松

峭壁幽苔綠更青石泉澹澹復泠泠
應有高人屢杖苓

廣雅堂詩集

下卷

五

廣綬堂詩集卷一

滇南 何彤雲 廣卿

晨起踏雪赴城東 中道寒甚歸而走筆書此

僵臥難自由 饑來驅之去 出門望鄰宇 十室九閉戶 行行至中衢 輪蹄浩無數 我行亦已早 惟誰先斫路 想見感服人 朝班及未曙 賤雖有異擾 擾同一驚道 旁鬻薪翁在 我色不豫 問我欲何之 寒際不得語 中道急改轍 歸來悔計誤 一飽何足營 痛飲良所慕 呼酒瓶疊空 慘恨裂中懷 喟然長歎起 循庭聊散步 瞥見破牆東 老梅開半樹

廣綬堂詩集 卷一 五古

堯城

昨過堯母里 今來唐堯城 城豈必在茲 終古懷欽明 中天懸雲日 瞻就爾寰瀛 平陽况非遠 奚煩攷圖經 舊墟關晉壤 苗裔與炎靈 神明眷茲土 蟋蟀歌遺氓 廟貌儼松楸 戶外蒼雲橫

晚登聞喜館中平臺

日暮臨高臺 景物喜澄廓 列岫橫空青 平疇際天綠 嘉樹握長風 倦鳥歸飛速 暉語雜笙匏 抱葉聲苦促 炊烟淡欲升 其下有茅屋 負耒自行歌 獨羨村氓樂

華岳廟萬壽閣望華山

太華橫西天氣象 何尊崇屹立 幾百丈 綿延千百峯 峯峯若斧削 錯落攢芙蓉 乘氣象 秋肅鏡刻 眇眸容 岌岌司寇冠 規擬將毋同 昨度風陵口 瞥見青鴻濛 今來顯靈殿 萬象森晴空 蛸根隘地軸 正色齊蒼穹 西抗秦隴險 北帶河流雄 巨靈手擘處 掌跡煙雲中 煙雲鬱不散 倏忽神明通 仙人駕白鹿 玉女聯翩從 今我阻登陟 觸熱趨巴邛 相期迴轡日 躡屣扶蒼筇 獨滌塵俗念 來叩金天宮

疲馬歎

天晴苦塵土 雨久多泥塗 泥塗豈弗憚 王事遑安居 平廣綬堂詩集 卷一 五古 二 民驅馬出四顧 心躊躇 周行被積潦 莊軌成崎嶇 十步九頭蹶 艱哉我馬瘠 翩翩富家郎 肥馬駕輕車 平時走官道 雙輪流水如胡爲 亦邁此不得 騁交衢 雖則不得 騁絕險 終能踰我馬 羸且老 拳踞如寒驢 主貧斷粟秣 又苦奴 滅芻峻嶒 但有骨焉 受鞭策 驅困臥泥淖 中力盡 空長吁 遷延垂兩耳 悲鳴向天呼 呼天若有訴 願雨毋霑濡 饑餓何足道 所望行坦途

廣綬堂詩集卷二

滇南 何彤雲 廣卿

老鷹巖

白日蕭蕭寒風起萬木僵立百草死叢爵不鳴狡兔藏
 老鷹決起千山裏攫身昂頭奮長鬚側目伸爪張利嘴
 何年虎豹開九關醜藹遠下驚乾坤天網雲羅掩不得
 飽颺遂使來蠻天炎風瘴雨無時歇站站一墮如飛鷲
 俊骨不朽化爲石媧鑪未鍊頑且堅當關屹立兀不動
 往來獨搯南中咽行人喘息不敢過有若鳥雀愁青鷗
 邇來聲教訖南海交閩已貢越裳雉黔中郡縣古版章

廣綬堂詩集 卷二 七古

飛雲巖

雲將遊戲西南荒掉頭忽遺鎖雲囊五色爛漫誰收拾
 軒然飄隨來遐方奇氣輪囷不可遏蓬蓬直上爲天章
 是時天工正補作媧皇揮斤誤鑿鑿高蒼驚破留不得
 一片依然下寥廓膚寸相觸兩相融遂與雲根永膠著
 有熊紀官不到此二千餘歲空蕭索往往唐突遭調言
 癡垢至今難鏟削坐恐天孫雲錦裳蠻風瘴雨同凋落

南中亦有彩雲見瑞事百年無一見若煙非煙此何神
 郁郁紛紛長不散側聞中天世正隆日月光華明星爛
 安得乘此來帝鄉進與八伯廣紉纆

滇池歌

於廓哉滇池之水浩浩湯湯不知幾百里白浪高於山
 不風常自起四顧惟一碧黏天無涯涘第見太華之峯
 雄且奇絲延直走昆明西其上列仙常來往乘雲御氣
 驂蛟螭銀臺金闕聳千尺奇花異果無四時不死之藥
 往往在入口千歲忘渴饑碧雞金馬吐下飲神光煜燭
 來遊嬉自古無人到舟近風引之流傳萬里外惟聞黑

廣綬堂詩集 卷二 七古

水祠劫灰飛盡長安中五尺之道西南通靡莫漏臥盡
 臣服茹醬歲入甘泉宮織女朝朝弄機杼石鯨夜夜鳴
 秋風旌旗至今如在眼樓船幾費攻習功吁嗟乎唐鐵
 柱宋玉斧一朝劃斷益州土七百餘年幾滄桑南中又
 來革囊渡從此滇波不倒流魚稻蒲羸歲無數邇來風
 景尤麗都高樓傑閣出煙樹登臨到此惟飲酒境好往
 往難成句可惜當年長卿乘傳來歸朝不奏滇池賦

泛滇池

山寂寂兮多雲石齒齒兮水之濱蒹葭蒼兮人遠臨風
 望兮傷神揚舫兮擊汰拂蘿衣兮整蕙帶采瓊芳兮愴

忘歸月娟娟兮下清瀨

為陳後舫同年題王恕所畫碧梧棲鳳圖

軒閣虞廷事遼絕王氣岐周久消歇三千年來無片羽
惟聽參差吹夜月漢南居士有心人欲向丹山啟巖穴
精誠所至神與通往往口中吐能出倏忽一鳴下千仞
五色飛墮生花筆小材樸樸難為條栢以龍門千尺節
從此人間有奇觀可怪古來未傳訣鳴序荆棘今滿野
舞擊鳴鴉恣鷓鴣安得捐此置眼前高岡和鳴向朝日
禮泉竹實安足言臣甫不辭薦心血

和宋雪帆光祿同年偕陶鳧蕩前輩張詩船少宰

廢縷堂詩集卷二 七古

三

泛舟二牖用朱竹垞題田山薑大通秋泛圖韻

並依其體

我遊薊門屈指逾十年 帝京景物一一聞人傳
劫堂芥子難著萬人海漕渠一勺乃似滄溟然舊說積水之
潭與相屬雖隔重城可以通帆船不知何時中斷成官
道第見塵埃車馬相喧闐白浮一派至今復他徙惟有
玉泉澄澈而漪漣百六十里盈盈衣帶耳轉輪萬斛殊
勝千嶺牽林泉餘事猶足供逃暑羨君一棹來對沙鷗
眠座上靈光今時喜有兩豪情勝槩相顧忘華顛樽前
拈出金風亭長韻畧如聚星禁體歐公沿清詞滾滾直

如何倒注後有作者何必甘讓前疲車羸馬我方日趨
直良會無緣空復吟花箋忽思西北大利久未舉願君
試續潞水客談篇

沿漢水至嶧冢山下作

我年廿四初偕計斗酒嘗從大隄醉襄陽春早冰未澌
不見江中鴨頭翠後來使車經大別題襟記是敲牂歲
每恨不逢解佩人且喜已踐朝宗地觀水有術須討源
不然斷港復何異飽聞導漾自嶧冢由此溯流良亦易
京華坐困四載餘常恐此志無時遂今年詔下廣求才
蒐訪賢能徧海內高軒駟馬手持節而我亦作巴蜀使

廢縷堂詩集卷二 七古

四

憶從仲夏發京師孟秋之半始逾渭迤邐遂入秦中棧
青羊烏龍紛交會轉壑赴澗聲如雷晝為耳聾夜失寐
豁然山斷出平原恍惚此身非人世玉繩耿耿忽在前
直是銀河亙天際高橋大舶連吳楚千里往來如電逝
但見奔流駭無垠豈知濫觴出非大漢源出五丁關下
縹緲至沔縣西與沮
水會其流始大凡物有本類斯是此語乃今知不覺
炳靈載英出無窮豈獨淵雲鍾間氣矧逢清時獻嘉祥
定有不是非常器前旌又拂雲頭去行行已過雍梁地
益州此夜占星人正見使槎從漢至聊攜片石入袖中
會待成都訪卜肆

曉由臨汾趨襄陵

飄風弄響疑作雨槐花慘空天欲曙天公作美結重陰
涼意浥微襲中履平疇禾黍兼青黃荷鋤早出村人忙
唐魏民風習勤儉自愛日月無太康飽看臨汾好山色
車騎雍容意良得惟盼東隅日上遲免使征夫汗流赤
夏縣過司馬溫公故宅

天不欲宋長治平君實介甫乃並生那堪執政盡閩楚
無奈朝廷利變更天津橋頭杜鵑泣朝為方田暮市易
雲山轉眼俱生新獨樂園中暗悽悽書成資治上九重
御書題識君恩隆奸人不利立漢職未必聰明遜石工
廣綬堂詩集卷二十七古

宮中幸有女堯舜東京再相蘇民因預知紹述有邪謀
疾亟請請尙朝政元祐碑刊宋亦傾不可滅者千秋名
路人指點溫公里涑水西流繞夏城

七盤嶺雞頭關

朱冠金距何昂藏一關獨扼秦蜀吭竦身絕頂天蒼蒼
細路下注蟠迴腸亂石雜遝奔羣羊疊磴何止千百枕
兩崖束水成巨防急溜噴薄鳴雷琅行人過此神徬徨
往往迴轡同王陽我曾馳傳西南荒登茲凜若懷水霜
幸超絕險臻平岡振衣聊復一慨慷雞鳴函谷脫孟嘗
寶雞化去羸秦亡頭汝慎守來天關北門筦鑰存嚴置

遠挹鳳嶺相頡頏我歌此曲歌正長下睇漢河空蒼茫

鴻門坂

沛公已作關中主若屬焉能不為虜亞父多才竟何為
寶玦無言劍空舞茫茫世事幾千秋鴻門修坂今尙留
欲問當年碎玉斗滿目麥秀安可求

赤崖

離堆一鑿江流平蛟鱷退舍無敢擾何物兵欄弄神巧
風雨一夕長灘成壯哉西蜀李太守投袂起與神相爭
赫然一炬烈燄猛劫灰飛盡波濤清至今峭壁捫猶熱
千年繡錯霞駁生臨流激射光芒動楚魚到此皆倒行

廣綬堂詩集卷二十七古

六

吁嗟乎我生未至天台上不識赤城是何狀較量恐亦
伯仲中對此聊為一神旺我欲從之風引船瞥眼丹崖
不可望

塞尙書園中太湖石

一片瓊瓏太湖石皴透天然絕人力何年供俸入上方
植向形埤等圭璧一朝宜賜塞尙書尙書所居猶敝廬
勅下司空起甲第度地爽塏先為圖圖經三繪不稱旨
匠心乃出九重裏鳩工庀材不日成有詔百僚悉會此
大官置宴親落之樓額堂顏皆被賜酒中爰命相臣溥
卽席揮毫為作記罷筵周覽及後園園中亭沼無弗全

曾見花木空虛處我裁尙少蒼雲根願謂黃衣老內侍
亟取宮中一卷翠百午挽運即日來且併高臺悉移至
為蘇猶帶湛露痕烟雲未散御香氣五十年來久摩抄
棱角消磨少峭厲後來轉徙歸巴渝巴渝亦有新賜居
瓦以琉璃階納陸豐碑免死鑄庭除堂中直署一个臣
門前帖子皆御書特起龍亭覆此石忠貞金印同寶諸
豪華過眼如風煙可惜人壽非石堅已聞金槐出市上
更無象笏爲家傳代遠年湮幾陵谷片石巋然尙拳曲

廣綬堂詩集卷三

滇南 何彤雲 廣卿

遊城東湖上登靈龜山頂亭子

一鳥俯中流危亭最上頭
虛空無四壁莽蒼對三秋
遠客長如雁閒身偶狎鷗
因思蝦菜美乘興弄漁舟

再集城東湖上廣福寺分韻得留字

載酒東湖上重來欲送秋
藕花前日路楓葉此時樓
避雨閒翹鷺衝煙亂浴鷗
壁間塵已滿拂拭舊題留

桃笑山唐仙汗涅

仙國初人託跡
伴狂言事奇中

赤腳倒衣裳蓬頭笑欲狂
高張天作幕側挂石為牀身

廣綬堂詩集卷三 五律

已離塵垢人猶說汗香
我聞達磨影壁上亦彰彰

還家

林壑蒼茫色依然不改春
昔年傾別酒今日迓歸輪
漸喜聞鄉語初驚識路人
家園欣在邇已聽犬狺狺

十載隨親舍三春返故園
歸然喬木在耄矣老人存
酒食喧鄰里燈花話弟兄
一竿閒料理釣石喜重溫

呈貢道中

城勢跨山間山前半水環
登城望昆水隔水是華山
細雨估帆小夕陽漁網閒
客行屢回首忘過大運灣

通海道中

孤城帶斜日杳杳出疎林
山壓雲頭峭泉通海眼深
炊煙連暝色暮鳥弄歸音
客倦惟謀醉村醪獨自斟

題觀瀑樓 在貴州道中

裂石拖明練迴波疊軟絲
半空飛十丈一瀉遂千年
題詠來人少遊觀阻地偏
天台與廬阜歎息獨名傳

喜金門六弟至

已後春風至還先朔雁來
烽煙過楚澤雨雪到燕臺
驟喜身能在翻疑夢未迴
燈花真有信含笑昨宵開

十二年別入千里外逢
暫來清省宿同聽上林鐘
乍見翻無語相看未改容
新筍方出瓮聊共一澆胸

廣綬堂詩集卷三 五律

剪燭西窗下今宵樂有餘
傳來堂上語附得里中書
遊跡君方始歸期我久虛
好堅秋後約與子共脂車

退直口號

曉月趨丹禁歸來已日中
馬饑嚼殘雪僕倦倚寒風
投筆心徒壯雕蟲技漫工
一身慚俯仰南望羨飛鴻

望霍山

驅車汾水岸迴眺蔽重岡
峻絕雄中鎮高空接太行
燕公文正大處父事荒唐
咫尺關瞻拜孤雲入渺茫

過太白山下

海東晴旭上迴眺見嵯峨
遠色通吳岳飛風落渭河
宿

雲巖際有古雪嶺頭多石心者誰子幽居掩薜蘿

渡渭河至涇陽灣

邊嶂千雲出山行暑漸銷一泉安水磴帶石架天橋戰響桐千葉搖空柳萬條極一橫棧閣西上鬱岩巉

留壩道中感懷

十里見三戶千峯圍一城雲沈巖樹色雨入野泉聲頗羨村氓樂都無世俗情故鄉山水窟何日謝塵纓

題留侯廟館壁兼贈少然鍊師

留侯栖隱處窗牖窅然深山色仍秦漢泉聲自古今畦寬催種藥亭小靜橫琴黃石在人世應來證道心

唐綬堂詩集卷三五律

曉發大安驛

張魯城邊路烈金壘卽張魯城故址也微涼氣候和上旌村市早濡軌野泉多出峽方通蜀逢山欲問嶠五丁開道處白石尚盤陀

曲沃縣贈應雪汀同年

十年懷舊雨今夕到新田入境聞輿頌開尊列盛筵風光三月暮情話一燈前劇喜多同志謂黃叔濟觀察並小山刺史陳石似

大令三同年棠陰遠近連

將渡河望太華中條諸山

連峯若奔馬雜遝向東來那識河流處曾經掌擘開出

關見雷首隔岸是風堆迴眺王官谷何人隱草萊

波河有感

雷澤傳餐罷風陵解纜來澹雲將雨去高浪引船迴華岳三峯立潼關四扇開中流空擊楫媿乏濟時才

四月十二日門人劉通甫普招同蘇甘伯以棠及

兒子詒孫遊金勝寺晚雨遂宿寺中

出郭舒幽眺衝泥命小輿客來當雨後寺古自唐餘榆櫺經仍在櫻桃事久虛看花時已過修竹尙蕭疎

不見尋政寺猶傳金勝名瞭經臺自峻感鶴碣空橫碑記

花木亦何靚池亭殊有情晚來鐘梵寂黯

唐綬堂詩集卷三五律

黯暮雲平

津梁疲亦久寺後有臥佛殿故云一宿息空門鶴定原無怖鴉歸故不喧野風鈴語寂細雨佛燈昏功德弁山在尚書畢無秦時常新此寺今左側有畢公祠懷之弗可誼

夜雨再宿金勝寺

向夜投蕭寺淒淒雨氣昏竹深難辨路月黑誤敲門吠犬聞聲識驚鳥繞樹喧匡牀安穩甚舊席喜重溫

桑下戒三宿我來殊未央元冥剛受謝是日獨夜驟增

長爐火瓶笙煖風紙帳涼終宵層塔上鈴語太郎當

雨夜宿金勝寺

雨夜分禪榻天寒偏客衣
窺燈儀仗出入戶暗蟲飛
戍鼓嚴城斷山鐘別院微
同系下宿聊此息塵鞅

夜坐

入夜息羣動清脩良可娛
月陰浮藻荇風力仗葵蒲
戰士生蟻饑民食到芻
盱衡當世事憂思滿江湖

重九前一日述懷

忽忽近佳節其如愁思何
望雲親舍遠計日客程多
身世真浮梗鄉關未寢戈
言歸歸不得銜恤太華阿

遊薦福寺

唐時有遺構最近斗城邊
古塔生秋草殘碑臥野煙
竹塵纒室詩集卷三 五律 五

高纒障日棧老不知年
暫借虛空坐身心亦泊然

題沈小梅太守雁門立馬圖

莽莽萬重沙天寒舞雪花
清時無候尉荒蹟有人家
馬首黃雲亂鵬邊白日斜
到來詩思壯入耳聽蘆笳
塞上風雲色邊城草木春
車隨鳳池雨衣拂雁門塵
銅斗情仍在銀章命又新
相看終不改百日本來真

發長安

朝出青門道遙望白閣峯
滄然雲乍起條爾雨相從
客舍難攀柳僧寮難撫松
故人三五輩惜別慰離蹤

晚渡渭水至咸陽

朔風吹渭水客子到咸京
杳杳征途迴蒼蒼隕色橫
棹歌驚鷺起燈火雜星明
身倦惟謀醉無心問畢程

樊河鐵鎖橋

厭水爭隈疾危橋著岸平
千年橫鐵鎖一線似繩行
路轉墟煙出峯迴嶺樹迎
遙看經過處入耳尚轟轟

煎茶坪

嘗險初登棧煎茶此一坪
入天惟石色殷地盡泉聲
空谷答人語閉雲隨客行
不堪愁思處噉噉聽猿鳴

軍陽灣

西崦好風景家如千戶封
野橋因石架村砦付溪春
雞廣纒室詩集卷三 五律 六

犬慣看客柔麻深蔽墟
中原苦戎馬此地見時雍

食櫻桃有感

每食思親甚朱櫻味况佳
心傷菱嘗嗜淚墮橘空懷
御苑曾叨宴鄉園想滴階
薦時歸未得憂思浩無涯

夜雨復作

十日五風雨夜來仍屢過
愁心燈下劇繁響樹間多
柱足將成茵街頭驟變河
時聞吹短笛不止復如何

舟抵嘉定喜晤文治菴太守良

泚泚大江環孤城落日聞
言尋方響洞憶過荔支灣
沁水千年院凌雲九點山
使君多惠政琴鶴有餘閒

江安早發

一聲聞欸乃起航清溪邊孤棹撥殘月危橋破曉煙林
霏徐吐日江氣遠浮天未暇推篷眺還鄉夢正圓

泊瀘州城下夜坐感懷

弭棹嚴城下扁舟向夜停澄波千頃月遠火半江星風
雨灘聲壯魚龍水氣腥孤蹤何所似天地一浮萍

健為縣夜歸舟中

戍鼓罷嚴城蒼然暝色橫野煙如水白晝火雜星明雲
靜山無隱江流月有聲歸來渾不寐一卷對寒檠

至重慶

廣綬堂詩集卷三 五律

七

巴國封疆舊渝城古有名大江流作字巨石削成城重
屋連雲起方舟破浪行由來形勝地險要本天生

感懷

天涯風景異舉目客心驚雨氣朝吞樹江聲夜入城巴
山青未了渝水碧無情戎馬鄉關暗思親淚獨傾

存心堂即景

城市有林邱登臨豁遠眸危亭高出嶺古洞冷如秋戲
水龜魚樂侵雲竹本園炎歛尋不到清趣滿茶甌

遊覺林寺

一徑入蒼翠尋幽來化城小池魚可喚有喚魚池深樹
呼之即出

寫無名孤檣江中影飛泉石上聲僧閒能導客筇屨盡
情行

總戎瑞琳招集存心堂用前韻

復有壺觴約重來展倦眸竹深消酷暑山靜借新秋繞
郭江光淨當隱樹色幽客心清似洗不用進冰甌

廣綬堂詩集卷三 五律

八

廣綬堂詩集卷四

梅花

滇南 何彤雲

此是將來調鼎材
百花頰首讓先開
冰霜性質會經鍊
鐵石肝腸那易迴
自與天心相往復
何須地力為滋培
平生清潔誰能比
不著人間一點埃

初遷晉寧

二月東風卷客旌
鄉邦一望發幽情
漢家郡縣今能志
滇國河山古有名
學士峯頭文露降
將軍石下武川橫
此中耆舊無人傳
天女惟聞舊日城

廣綬堂詩集

卷四 七律

初至昆明

西南諸國滇為大
黑水祠頭肇域開
益部首聞金馬出
漢家遙望碧雞來
昆池尙覩旌旗影
蜀道惟傳蒟醬材
千載賦心留絕徼
誰知合組有奇才

山中夜坐

夜色微茫入短篷
空山獨坐賜幽情
泉流斷澗時徐疾
月上深巖半暗明
木葉纔乾聞屐響
山煙忽破出鐘聲
高吟和我殊忘寂
爲有清猿老鶴鳴

庚子閏中十五夜對月感懷

壯心虛負賈生年
鎖院西風一黯然
迴首曾驚身再

當頭已見月三圓
門前憔悴袍如鶴
堂上光明燭似椽
今夜桂花香正滿
迢迢人盡仰高天

闡後寄呈劉蘊山夫子

敢言抑塞老奇才
拔劍無須斫地哀
豈有文章憎福命
纔知名節要栽培
何時更向春風坐
此地空吟舊雨來
慈學班生投筆去
秋高且再上強臺

闡後呈座主

踏徧槐花迹未陳
綢衫久欲化緇塵
初驚賞拔逢知己
已許文章作替人
甲棄盡前三北恥
琴成猶認半焦身
感恩更有難忘處
堂上蕭蕭白髮親

廣綬堂詩集

卷四 七律

上已借戴雲帆楊崑峯諸公遊二扁

上東門外雨新晴
隨例壺觴可暢情
十里馬行塵未動
一聲鶯語柳初生
盈盈淺水成衣帶
汎汎輕航轉稻稭
興盡歸來天已晚
市樓燈火六街明

西郊閒眺

章杜城南景物妍
蕭閒我愛郭西偏
垂楊漸綠鶯聲裏
大麥初黃雉子邊
陌上塵香盤馬地
原頭風暖掠鷹天
時將 春蒐經過村店思
謀醉檢點空囊未有錢

聞李蘭坡南歸卻寄并訂東湖之約

賈賦長安歲月深
權門不肯一彈琴
歸來老屋低頭坐

時向閒臆抱膝吟自笑磨牛踏陳迹誰知樞驥伏雄心
新秋湖上堪尋醉且辦壺醪待子斟

宋雪帆同年餽米度歲兼侑以詩卽次原韻

藜藜臙鼓鬧比鄰送盡年光不逐貧徑恐寒魚生敵釜
坐嗟凍雀噪空囷今朝食指驚頻動昨日饑腸轉幾巡
慷慨若非仁祖誼三旬誰拂甑中塵

敢道翩翩是富鄰與君一例爲官貧顏家未有重書帖

魯子偏聞再指囷前承餽過一次餘事尙饒鹽瑣碎乘時且辦

酒逡巡相憐相响還相笑轍鮒何年共脫塵

一錢不費買芳鄰推食翻勞屨餽貧萬里自慚疎救水

廣綬堂詩集卷四 七律

三

十年久憤竊未因雞囚朝早先晨喚犬爲家寒嬾夜巡

卻悔田間輕釋耒來將烏帽抗黃塵

修德纔知信有鄰卻慚環堵病兼貧生平每恥雞爭食

此日眞輸鼠在囷竹葉杯中愁不去梅花檐底笑空巡

微軀敢怨儒冠誤杜老當年逐馬塵

謀國從來仗四鄰公家今日正憂貧飛檣漫恃波通海

朽粟何禁囊滿囷江上藏船愁土行城中煮革念張巡

劍炊矛漸能容飽投筆還堪掃虜塵

冬日入直口號

橐筆金門候曉籌馬馱殘夢尙悠悠冰凌戴石妨穿履

風力驅沙猛掣裘斜月漸低宮樹外疎鐘纔動御街頭
懸知擁褐高眠客此味能輕萬戶侯

贈金翰皋編修

朝朝梁翰在蓬山身到壺中歲月寬玉署從來最清要
瓊樓誰信更高寒人間有穴求金易天上無方辟穀難
安得時間同奏賦長楊永願奉 皇權

甲寅除夕封筆

承恩五載往蓬山石友墨卿相往還册府正須君博記
管城肯放子投閒未知禿老他年事且喜歸休此夜閒
明日朝正金闕下珥形依舊入清班

廣綬堂詩集卷四 七律

四

乙卯元旦早朝太和殿

絳幘三呼夜向晨華鐘初動仗齊陳又驚闕下逢新歲
漸覺班中少故人金匱函章元老進交闈茶幣遠臣賓
時朝鮮琉球同入貢去年今日猶堪憶雪晃朝衣映 紫宸

御爐煙裏靜鞭聲縹緲仙音響鳳笙憶昔常依香案近

祇今近覩衰衣明禁廷久愧爲供俸海國翻驚問姓名

朝鮮使者在班未許于年少爭問之朝罷未隨諸老退簪臺依舊內中行

疊前韻呈翰皋

獨立蒼茫愴客魂高吟尙喜舌猶存一囊已罄東方粟
滄座空陳北海樽乍可沙鷗閒狎浪不堪野鶴久乘軒

此中間道准容飲身世悠悠莫漫論

雪帆同年出示近作謝壽卿太史以文愨師忌

日祭餘見餉長句知己之感固有同情因次元

韻兼呈壽卿

飛光鼎鼎歲云深回首騎箕感素心海內斗山空在望
庭前桃李欲成陰夢餘東閣情如昔淚盡西州慟自今
一別人天成永隔瓣香何處更攀尋

公餘退食記從遊門外沙隄接御溝衣鉢早經傳子手

文章曾放出吾頭當年未竟和羹事此日同深厝火憂

喜見匡時才斷起鳳毛池上有貽留

唐綬堂詩集卷四七律

五

暑月遣興呈宋雪帆光祿同年

昔聞畫餅如名士今信多錢是好官身世似雲間處寄
門庭若水少人干翩翩尚喜鄰家富碌碌終慚我相寒
堪笑炎天非大雪與君開戶學袁安

贈蕭質齋學博

偶向溪頭別釣竿幾年索米到長安碧雲天遠勞歸夢
黃葉風多易早寒閒與但消碁一局浩歌休付缺三彈
蹉跎俱未登華省豈獨先生是冷官

再題並蒂菊

良緣未卜幾生修楚楚霜中恰並頭偕隱誰爭三徑地

雙栖祇借一枝秋劇憐兩意相遭淡難得同心似此阻
為語羣芳休見妬人間從不管春愁

秋興

一葉西風客感深秋來無計遣愁心漸看得食鴉歸樹
獨聽哀鳴鶴在陰豺虎蹤橫猶似舊魚龍為患又逢今
家書三月知何達擬託南飛去雁尋

甲第紛紛羨貴遊朱甍碧瓦接銅溝不才空負邊韶腹
受責深慚子羽頭此日應無西向笑何人能解北門憂
驚心十載晨昏廢南望飛雲又暮秋

至後九日喜雪

唐綬堂詩集卷四七律

六

頗恠寒雲醜凍微今朝見霰喜霏霏山中忽訝千梅發
隴上從知二麥肥便擬衝波尋客去偶思策蹇載詩歸
祇愁酒價無端長醒臥空齋寂掩扉

歲暮呈蕭質齋學博兼寄李蘭坡孝廉

細想生平足浩歎誤身纔信是儒冠海瀕縱不隨商舶
江上應宜守釣竿豈有金章為我佩欲將蒯緱向誰彈
年華又值寅杓轉蟬絲雞總怕看

寒鏡炯炯照愁眠歲暮鄉心一倍煎鶴在高軒終失計
鼠銜箋藪自相牽早知食肉原無相即擬躬耕未有田
多謝淮南招隱意囊中須辦買山錢

嘲春

東君畢竟是何因，歲歲年年作此春。
柳絮漫天人不暖，榆錢滿地世多貧。
已教羣鳥喧幽夢，更遣繁花落遠神。
別有難堪無賴處，二分風雨一分塵。

懶性

退直餘閒百事疏，蕭然人海似郊居。
喜無殘客來投刺，時有窮交就乞書。
遠屋遙分宮樹蔭，登盤偶薦御園蔬。
祇愁市上難賒酒，擬把金貂付短車。

趙佗先人冢

率羽文犀貢篚將，千金爭束陸生裝。
代藩已作真天子，廣繹堂詩集卷四七律

粵吏長為異姓王，畢竟漢恩終不薄。
祇今先壠未全荒，卻將帝號供娛老。
自大由來笑夜郎。

井陘口

襟喉燕趙古稱雄，同幹羊腸一徑通。
山色遠分恆岳翠，關頭高壓代雲紅。
寡謀竟墮張韓計，夾擊終推李郭功。
蘇鐵苔槍誰拾得，荒原落日黯沙蟲。

介之推祠

綿上青山枕水湄，路人指點介推祠。
可憐羈縻從君日，未見旅形拜命時。
剗股空留餘痛在，賜田或悔受恩遲。
燎原詎是求賢法，寒食徒令百代疑。

郭有道墓

飄然仙骨獨昂藏，洞跡衡門道益光。
執友平生惟叔度，定評作者有中郎。
雲邊野鶴超羅網，澗底長松傲雪霜。
墊角風流猶在否，老槐終古自蒼涼。

經終條山下懷司空表聖

奕棋世事儘堪傷，博得偷閒老故鄉。
且喜王官新有谷，渾忘祠部舊稱郎。
山深尚復營生壙，句好偏能壓晚唐。
肯換朝衫依柳璨，辟書枉自到茅堂。

秦始皇陵

六國縱橫快并兼，輶輳車返卽駭然。
役徒已致關中主，廣繹堂詩集卷四七律

男女空求海上仙，寶祚祇堪傳二世。
幽宮何用鋼三泉，珠襦玉匣彫殘盡。
下馬何人弔野煙。

長安懷古

舊都喬木鬱蒼然，省識長安近日邊。
渭水波光清繞郭，終南山色遠橫天。
漢家城闕都更變，唐室鑾輿幾播遷。
王氣迄今銷歇盡，茂陵夜月霸陵煙。

沔陽諸葛武侯祠

魚鳥風雲歸寂寞，綸巾羽扇自人間。
庭前老柏銅柯在，几上遺琴玉軫閒。
壯志可憐籌筆驛，忠魂長繞定軍山。
千秋莫漫論成敗，龍臥滄溟未可攀。

籌筆驛

將星夜墜陣雲空古驛荒涼感不窮可惜以龍生漢季
狂驅流馬向關中躬耕久定三分局盡瘁難成六出功
蜀國山河無恙在蔓菁花發夕陽紅

微水是淮陰侯背水陣處

眼中赤幟尙崢嶸背水能教死地生趙國將軍工用計
漢家國士善知兵少年帶劍人爭侮大將登壇眾始驚
卻爲區區推食誤到頭功狗竟遺烹

當年此地用奇兵一戰全收七十城破趙能師左車策
下齊罔慮食其烹不思震主同彭越卻到臨危憶蒯生

廣續堂詩集 卷四 七律

九

若使釣魚早歸去可能少伯獨高名

逐鹿方成走狗功誰知烏盡已藏弓生平同伍羞樊噲
死後微言累蒯通不分封王由隰足卻因裂土斃重瞳
祇今細讀龍門傳曲筆蒼涼爲表忠

自介休趨靈石途中遇雨偶成

冷泉關外雲初合冠魯津頭雨驟來山色深於隔重幕
河流怒似轉雄雷平田水滿苗爭長仄徑泥深馬欲墮
日暮孤城聞鼓角天涯客思正徘徊

洪洞縣阻雨題壁

清汾一曲帶城堦兩度輜車記往還世事忽驚塵劫後

風光猶在棟花前喜無俗物來經眼欲與仙人共拍肩
雨足郊原看麥長不妨客路少遷延

潼關感懷

重圍屹立俯河衝四扇門開曉日紅太尉荒阡無大鳥
尙書廢壘有沙蟲放牛盛治何時再銘甲高才近代空
聞道商顏猶列戍枕戈日夕備關東

驢山懷古

玉殿當年奉至尊於今候館敗荒原元宗舊事無人說
太子清泉尙自溫明皇時置長湯六十所今惟繡嶺東
太子湯少陽湯尙可尋耳西迷草色繚垣高下沒苔痕五花合隊知何處日暮驪

廣續堂詩集 卷四 七律

十

山且一樽

過灞橋登大觀亭有懷楊崇峯中丞

情盡橋邊情不盡虛亭翫上豁塵襟陽關西去多離別
灞水東流自古今新種柳枝全作絮舊栽桑樹尙成陰
河山風景都無恙惆悵伊人不可尋

長安懷古

龍興虎視帝王州形勝關中蹟尙留自昔六岡多王氣
於今八水幾遷流蒼茫陵樹埋殘碣寂寞宮花上廢邱
惟有終南山色在雨餘飛翠滿城樓

夜投金勝寺

十旬困臥惱羈情
蹇眇郊原恰喜晴
細雨忽來收野市
暝煙未合閉嚴城
夜投古寺尋鐘玉
夢到家山見月明
寂歷花宮誰是伴
客心炯炯對寒檠

題瞿木夫藩詩書畫卷

當年水玉擅通才
木夫爲宮詹錢竹汀先生之婿
江左風流海內魁
滿室古泉將金石
嗜古泉金石著二千餘種
同時舊雨盡鄒枚
駢羅三絕詩書畫
瀟灑一官歸去來
劇喜傳家留治譜
儒林循吏兩兼該

九月望日憶家有作

客心日夜向鄉關
細數歸期發活歎
但恨終南無捷徑

廣綬堂詩集卷四 七律

御看直北是長安
時妻子皆留劍門
一家三處同望月
萬里孤征獨據鞍
隔歲書來惟有淚
吾親親與勸加餐

閏五月初九日池文橋
歸春大令招同楊春帆

縣尹羅暉南
以丙蘇詠南以棠
兩縣倅及兒子

詒孫登慈恩寺塔

五陵原北喜逢君
覽上崢嶸日未曛
隴樹微茫千點蒼
秦山歷落幾堆雲
置身高處方知險
回首同人總不羣
絕頂由來皆可造
循階止在仰攀勤

七級凌空氣勢豪
巋然湧出在晴皋
去天一握孤標迥
閱世千年浩劫遭
進士姓名誰石勒
諸公詩句與秋高

長安文物消磨盡
何必慈恩雁塔牢
塔蓋後人重建者惟地猶未改耳

與文橋春帆暉南詠南諸君既登雁塔遂至薦福寺小集

寺小集

千秋登壇懷羣孽
一代開山憶寂音
題石人惟餘鬼錄
聽經鳥亦去禪林
憑高覽古多生感
靜坐觀空暫息心
半日忘言相對久
茶煙展出碧松陰

寄謝長安令李惺夫

半載青門爪雪新
每懷鶴病遠遊秦
祇因東道能爲主
遂使西都久作賓
未覺此邦居不易
渾忘異地客長貧
天涯多感如歸誼
珠桂無勞問米薪

廣綬堂詩集卷四 七律

長安道中

草枯木落早生寒
極目平皋思渺然
林下天光疑水色
山中雲氣雜炊煙
裹鹽客去初休市
儲饌人來尙理田
應笑風塵遠遊子
鞭絲帽影夕陽邊

漢水

潏潏經流自此東
天河屈注落晴空
尙書禹貢文原顯
班志桑經譏乃同
沔漾二名隨地別
荆襄千里片帆通
生平幸託輶車使
親溯真源嶠冢中

沔縣謁武侯祠

咫尺高原是墓門
祠堂古柏露霜根
天心已定三分局

人意猶悲五丈原金石雙琴音未寂

蜀有侯劉石二琴背鐫章武年製

風雲八陣蹟猶存臥龍岡上驅車日曾向廬中薦菜羹

河縣道中

道路崎嶇景物妍未嫌南北棧相連初霜黃葉嫩於柳
暖日白雲柔似綿四面峯環螺髻秀一江水皺鴨頭鮮
定軍山上頻回首丞相遺封落照邊

石門鎮

雄鎮當時此地開中原恢復信艱哉魏公父子有心學
吳氏弟兄皆將才人事千年霜葉老秋風萬里雁聲哀
憑高何限興亡意落日荒荒首重迴

廢綬堂詩集

卷四 七律

三

次韻梓潼令張牟子香海新修送險亭

記得鋒車出棧來崎嶇長憶石牛開征魂乍定神猶悅
奇境難忘首屣通力士當年勞運斧行人此地快銜杯
須知漸入康莊路舉步尤令意重迴

入棧

天梯石棧迴愁予六載行蹤蜀道疎憶昔輕鞭驅駟馬
於今歧路泣泉魚心傷五父猶淹殞自斷孤兒正倚闈
繞信王陽真孝子邱陵九折早迴車

鋒車又向棧中馳候闕炎涼各異宜木葉丹黃天設色
山容鏡刻地爭奇細尋舊日遺搜景補作前人未有詩

自是平生泉石意往來樂此不知疲

溪上人家

知是誰家安樂窠數椽妥貼亦無多當門纂纂雞心棗
滿徑茸茸鴨腳莎花壓疎籬聞吠犬萍開小港見飛鷺
馬卿近日遊方倦倘許相從結軸過

臘八日程雨琴同年餽粥

旅食蕭然在異鄉感君高誼餽貧糧斷齋長憶齋頭割
煮藜曾經禁內嘗炊出雙弓應數米啖來三日尚餘香
咄嗟能辦人何限計拙平生每自傷

雨琴同年分宅與居臘月八日移寓賦此答謝

廢綬堂詩集

卷四 七律

四

一枝許借鄧林中容得爰居躑躅避風旅況春秋如社燕
客心南北逐征鴻眼前願見干間厦身外曾無半畝宮
多感故人情誼厚渾忘飄泊類萍蓬

聞官軍克復鎮江喜賦

狐兔縱橫五載強一朝剖穴走蒼黃韓侯拔幟功何壯
杜老收書喜欲狂望氣依然來北固招魂從此慰南方
龍蟠虎踞終非據指日天戈下建康

鹽

戎州自昔名天下近日牢盆屬漢嘉到處設監如權酒
近時新抽鹽稅此時權利勝收茶轉搬賈善居奇計湖北初政

苦民多食淡嗟斗粟斤監難易得成都市上好生涯

成都登舟

遠遊忽又向東川解纜津亭獨上船春水桃花新漲候
曉風陽柳嫩晴天平生師友存知己到處溪山有夙緣
更喜順流飛棹疾無勞百丈苦相牽

蜀箋

絲箋十樣昔人稱妙製於今想未能薄似羅絹書易透
澀如絲布筆難勝光勻那比宣州楮滑潤終輪剡水藤
獨愛桃花顏色好錦江歲歲競敲冰

舟中苦熱

廣綬堂詩集

卷四 七律

五

陡覺炎炎熱惱攻江波如沸日初中煩蒸正苦魚遊釜
局促何堪鳥在籠白汗揮餘真似雨烏篷捲盡不來風
發狂大叫終無計卻暑難收羽扇功

巴縣逢同年鄭譜香觀察話舊即送其還湖北

澄懷園裏記聯牀

澄懷園裏記聯牀

澄懷園裏記聯牀

房庚戌夏秋譜香會館於此

一自晷飛來鄂渚屢傳鯉信到清漳萍

蹤乍喜逢巴國簞節旋催向武昌我寄離情與江水隨

君雙槩下瞿塘

客感

千里驚聞已解紛可能從此便休軍每愁東道猶多梗

況有西鄰尙惡氛憶弟不堪聽夜雨思親空自望飛雲
誰憐夢裏還家客一夕長途九返勤

感憤

中夏於今未息虜長鯨不靖遠愁臣已教噩浪翻珠海
又遭通波到析津檣上竟能施巨礮舟中更巧激雙輪
通商若便盟城下歎息誰爲致寇人

旱甚得雨喜成

而月燭燭沴氣深紛紛奔走禱桑林纔經半日千畦足
已歲三農一慰心大力誰能蘇稿壤精誠信可致甘霖
如斯喜事良堪志自倚南牕點筆吟

廣綬堂詩集

卷四 七律

六

體性堂納涼晚歸

名園結構昔稱工度地無多景不窮石氣松陰三徑裏
江聲帆影一樓中庭前茂樹合朝雨池上寒泉咽晚風
心跡雙清忘坐久歸來燈火滿山紅

詠史

早歲旌旗海上雄曾將事業詔和戎已聞覺起蕭牆內
忽訝灰然園土中錦死始呼負國賊餘生猶望富家翁
屬餒不使汗奸血漫道教全首領終

九日借紀卿弟奉慈親登樓喜成

昔年黃少一人今年相聚大江濱全家已有更生樂

異地初逢重九辰風雨滿城秋欲老河山舉目景都新
登高喜上三層閣菊酒延齡好壽親

今年重九在巴中景物依稀故里同有酒不須勞客送
無糕差免笑詩窮巴俗九月日滿城興敗催租雨盡日寒

生落帽風可惜秋容殊黯淡黃花未見放籬東

附五絕

除夕作墨梅贈宋雪帆同年系以短句

除夜人皆忙閒情我偏有持此問廣平君能為賦否

康繼堂詩集卷四七律

江津道中

打鼓發輕舟雙橈逐順流竹枝聲可聽知是近渝州

附七絕

十歲時賦梅花詩塾師阮南都先生詩祜賞之謂

起聯意同王沂公爾時實不知沂公詩也爰占

四語記之

未識沂公欲露才何能事業早安排詠花本是吾家事

記取揚州官閣來

金翰皋同年以詩見贈即次原韻

蘭蓀不返楚騷魂吾道風流尚有存獨振中聲明律呂
還從古邑見羹尊

為孫駕航題同年馮文介公所畫墨梅團扇

迴首猶疑是別離記曾官閣共吟詩卻開故篋忽占臆
為有昔年春一枝

庭前隙地偶未蒔花小奚種瓜三二架秋來大實

秋花不種種秋蔬聊備拌餐一日儲我意向思從杜老
學栽萑苕滿階除

哭丁蕙溪希僑

康繼堂詩集卷四七絕

萬卉敷榮盡向陽幽蘭憔悴亦堪傷何緣又被嚴霜折
我欲書空問彼蒼

才名自昔種雙丁萬里依然聚一庭昨夜西風何太急
天邊斷雁不堪聽

浮世原如一夢中如君未免忒怱怱買山空有歸來願
女嫁男婚尚未終

京華汨汨閱頽波六歲五閨蒿里歌化鶴君今歸去也
故鄉城郭近如何

曉趨徐構

殘月光中雞曉光冥濛煙柳綠千行黍禾雨地村扉靜

時有雜聲出短牆

夷齊墓

少時宗社歸中子老去功名讓太公草木已沾周雨露
空山誰與鑿孤忠

驪山

一掬湯泉亘古流方塘暖浸浦蓮秋路人未許輕湔洗
曾載開元銀鏤舟

舟過眉叢訪友不值

訪舊停橈就曲隈筍輿入郭卻空回多情最是玻璃水
不負眉潭一棹來

廣縵堂詩集卷四 七絕

九

龍泉寺看盆梅

縞袂亭亭塞北仙過江風物倍清妍道人不把春歸去
流落塵中五百年燕地初未有梅花元開宗師從江
南移至護以窮廬名曰漱香亭羽士
張伯雨賦詩有風沙不憚五
千里將身跳入仙人壺之句

緹室催花著火難折枝拗榦少天全官窯競盜如蓬立
賣入豪門不值錢

夢斷西湖劇可憐小橋流水冷疎煙而今幸入維摩室
便是天花散九天

寥寥官閣詠花篇詩事吾家墜緒延莫訝相逢能動興
與君世有雪冰緣

滇南 何形雲 廣卿

課孫圖敘

圖道光癸卯歲家嚴司教順甯府時所作其後二年遂致仕圖之以課孫名蓋其志已先定矣形雲嘗聞家嚴之生也先大父五十有三更二歲而先叔生遂先大父捐館時九十有五先叔子四人長補弟子員蚤卒次十六歲次八歲次五歲而形雲二歲是時家嚴亦五十有二舍弟之生後形雲三歲先大父不及見矣家嚴形雲兄弟之生也晚皆早授室形雲生子二舍弟生子女形雲各一子未逾歲殤在喜也之下夫以先大父之生家嚴及先叔與家嚴之生形雲兄弟時之後先才三二年爾先大父年登耄耄先叔諸子半見成立爾時形雲雖幼亦得出入懷裒間凡二載可不謂幸乎今家嚴七十有九神明不衰兩孫一十有一歲一八歲朝夕殷殷講授不輟每以書遺形雲言之未嘗不欣然喜也念世德之相承愧文采之未著伏乞 大雅龍以鴻篇匪徒卷軸增輝亦且庭幃載德矣

廣纒堂文集 全卷 課孫圖敘

阮南村先生傳

家君司教廣西州時所與最善者二人一為外舅陳仁山先生其一則先生也家君之獲交於先生因外舅一見如生平歡遂命形雲往執業門下凡七年先生素剛介不輕與人交尤恥謁當時官吏或訪之往往避匿不肯見顧獨與家君善家君喜飲酒先生量愈宏甚以故尤相得每過家君必與外舅俱外舅不甚飲而先生與家君酌必極醉乃罷先生貧歲必授徒資其束脩遇無力者則不取其教人循循然有本末次第每歲補弟子員及試高等食餼者率常十數人先生自少工為舉子形雲業願每試輒不利中間廢棄者已十年甲午秋會劉蘊山先生來視州事見先生所嘗為文奇之固為勸駕先生不得已往就試焉卒不得志由是絕意仕進幅巾野褐載一鴟酒恣情山水間遇佳勝處則藉草開尊頽然獨醉生平於詩不常作亦不甚矜惜隨手散棄先後與家君唱和者才十餘篇云始形雲嘗聞先生與外舅兩家尊人皆嘗為戎府記室歲得金僅僅自救而不能視人急見即推與之無少吝久而稍稍聞於眾識者咸以為陳阮之門將大矣已而外舅登賢書先生貢成均其後外舅出宰成安移宰吳橋循聲徧畿輔位祿勳業

廣纒堂文集 全卷 阮南村先生傳

隆隆未有止期而先生一登拔萃科坎坳潦倒訖無所成竟以卒令其子衣食將不周亦無復有人振卹之如其先世急人之急者嗚呼可哀已先生夙愛離騷嘗與家君飲酣擊節誦九章天問諸篇誦已輒歔歔泣下顧家君連舉數觥家君徐曰原處衰亂之世身被放逐其悲憂窮戚固也今某與先生遭際盛時得優游無事日以飲酒不可謂非幸也願先生姑舍是先生笑曰諾自後不復讀離騷先生卒於道光甲辰春赴至京已逾半載卒之日月皆闕如形雲既未能銘先生墓故粗舉其行事著於篇其詳俟訪之先生子先生名祐字受之號

廣綬堂文集

全卷

阮南村先生傳

三

南村廣西州人

何滂雲 曰夫人於密友良朋或旬月不相見則徘徊思慕常若不勝况傳道解惑受益尤多一旦隔絕五六年以至於死其爲情當何如哉以先生之文取科第如拾芥顧屢試不售偃蹇以終豈所謂豐於德而嗇於命乎古者鄉先生沒而可祀於社如先生者其人與

南邨先生傳

先生阮氏諱祐字受之南邨其號也世爲廣西州人早歲以選拔貢京師廷試報罷歸里未四十卽棄舉子業立學以教後進遠近翕然宗之從遊者眾所成就不可勝計甲午秋奉天劉蘊山先生珩來攝州事高先生之行而惜其才固勸入試爲具車馬以促之先生感其意乃勉就試俛得而復失人或慰之先生曰吾豈有異哉此爲劉公行也自後終其身不復應鄉舉晚歲家益貧州人延主書院講席有惡先生者爲蜚語以謗之先生內自傷憤而成疾逾歲卒年六十有餘先生偉軀幹豐

廣綬堂文集

全卷

南邨先生傳

四

頤廣額多髭丰裁甚整時人嚴憚之乃至婦人童子見者必肅然起立而性和厚與人接無少長賢愚必以貌平居寡言笑而豪於飲飲酣論古今事縱橫博辯人不能難喜從先君子飲興至則拊節高歌甚至泚筆濡墨疾書行斜字縱意淋漓不能休至於酒闌燭跋肴數炙數冷僮僕踏睡頭觸屏而先生娓娓無倦容州東二里許有湖周一頃餘僧寮數楹踞湖中島煙水渺瀰草樹微茫風景頗極閒敞蓋先生與先君子所嘗觴詠之地云

論曰始先君子司教是邦至則求邦人之有學行者

咸稱南邨先生 先君子立命形雲兄弟往受業於門
當是時與先生並稱者有師宗傅巖何先生何先生與
先生同年貢京師同試於廷其不得亦同何先生三子
皆貴顯享五鼎之養以老壽終而先生身不免於坎壈
諸子貧困古云爲善不昌其身必於其子孫豈於先生
而理或爽歟抑猶有待而然也悲夫

蔡漁莊先生籌置晉寧舉人會試經費記

滇處西南垂自布政司治至京師五千七百里晉寧
去布政司治又將百里焉諸屬邑中晉寧最小而瘠而
習尚淳樸能力學每三歲賓興士之登賢書者率常三
數輩往往以貧故不克悉致於京師國初時一朝廷
憫念滇士凡舉於鄉者得乘傳與計吏偕自是州人觀
光者稍增於昔焉然舊例舉人馳駟不結廬亦不止傳
舍以故往來資用費猶不貲士之貧無力者仍不免重
迹之歎漁莊先生念之久矣壬子春先生入都謀於余
乃出俸餘三千金屬鄉人置質肆一廛積三歲以其息
資州人之試禮部者甚盛舉也先生幼從昆陽心田李
先生學通宗賢心性微旨慷慨有大志歲癸酉登拔萃
科試高第得小京官觀政刑曹己卯舉順天闈自後每
春試不由里中來所謂舉人乘傳者先生固未嘗一身
之也而道途跋涉之苦服食資用之繁則其選拔貢京
時所備歷之而不能暫忘是以輾轉中懷閱數十年而
卒成此也夫人舉一事有其力尤必有其識識至而屈
於力竊歎而已力足而蔽於識則亦昧昧然失之州之
人如先生之宦而達者夫豈無人乃百餘年間闕焉弗
舉者若特留以待先生而先生卒毅然成之豈爲善固

曾有其時耶抑豈先生之力獨優爲此耶何其識之一
且遠也形雲通籍十三年矣祿薄愧無以繼先生後雖
然爲高因坵爲下因澤循是而往有基無壞凡州人之
舉於鄉者無重迹之嗟遂觀光之願苟官而達必無吝
義篋之餘從而附益之以光大先生之志而貽後之來
語此則先生所厚期而形雲與州人所當共勛也夫是
爲記

任翁典肆記

典肆之設遍天下皆富人有力者爲之大抵權于母競
豪未與出錢貸人名異而實同從未有假是濟物不因
以爲利者蓋餘力讓財自古而難況可求之市井中哉
以余所聞任翁殆所謂賢者也翁成安人自其尊人始
擊翁來此十歲而翁始物所依爲人牧豕豕肥壯過於
他牧主人喜分翁豕一翁求得牝者歲鬻其子得數金
已而辭去受田於磁州富室某爲之耕連歲大稔利入
所尤多餘乃斂其貲買於天津不數年富甲於郡中居
久之歎曰知足不辱知止不殆遂歸老於鄉意恂恂然
廣雅堂文集 全卷 任翁典肆記 八

有以自下未嘗以富驕人鄉人以其賢翁翁所居楊莊
戶八十餘皆力田其間貧者乃十之五六子種牛力或
不能以時自給翁心憫之思有以振卹之而恐不能遍
及乃於莊西設典肆焉凡以物來質者所質錢必當其
物之值及其贖也返其息或有過期者則售其物取所
質數餘仍歸諸其人人或不受則強委之而去他外來
者則否益翁之厚其鄉人如此鄉人以其益賢翁爭效
翁行事爲親厚恥以詭詐相接入其里藹藹乎淳古之
風焉嗚呼孰謂忠信廉潔教化不由於學校而出於市
肆乎翁樸質無文章其鄉人亦皆椎魯卽問稱識字者

僅能執筆記數目而已然吾聞翁歿後數十年鄉之人爭效翁行事不衰益爲親厚恥以詭詐相接以是觀之果身教者從不有外於語言文字哉何其遺澤不遠也余昔以事至成安識翁仲子今仲子介友人求余二言之記仲子能讀書明大義他日者倘興起學塾聚詩書延明師以化導其鄉人俾風俗益進于古是則翁志所未逮而仲子繼述之者也仲子其勉之

櫛湖折鴈圖序

櫛湖折鴈圖者洪子幼元爲其仲兄西林殉粵賊之難而作也西林昆弟凡三人兄南陔弟幼元自少以經史相切劘聲稱藉甚論者謂鄱陽三洪復見於時云已而南陔幼元先後以貢舉來京師子皆嘗識之而以不獲見西林爲憾今年夏四月子奉諱歸里途次西安遇幼元於逆旅始從容爲言西林殉難事復出圖相示予聞而驚歎比展圖則不禁涕下烏虜子終不得見西林矣以君之材取科第功名如拾芥意且飛黃騰踴與南陔幼元聯翩競爽於京師予因得以觀君之言論行事以

慰曩思顧久不逢時又以親年高持家政不能遠出遊夙志未伸遂遭世變室家不保身湛賊鋒烏虜子終不獲見西林矣能不悲哉方粵賊長驅入楚之時名城大郡健將顯僚咸以鎮靜爲事外示閑暇而內無設施猝然賊至相率而糜身者殆不勝指數君以一介書生身不係地方之責手不操尺寸之柄徒以義憤所激奮不顧身上念國家下顧鄉里率數日饑罷之勇城守野戰一再振厲拮据流離於荆棘豺虎之中卒委身強寇以死烏虜其亦可哀也已子旣終不獲見西林而幸識南陔且與幼元遊甚久觀其言論行事所由來而有以

知君之平生矣君爲人大抵慷慨有特操故爲時所重
壬子冬賊犯武昌君集勇殺賊敘功得州同候選城陷
避居蔡店甲寅春武昌復陷乃渡江寓漢鄉之櫛山湖
五月十三日與守備鄭寶泉禦賊於薛峯堡戰沒沒後
三月官軍克復武昌伯兄南陔白其事於大府大府將
合先後死事者而上之朝故恤典有稽而幼元在詞垣
異日者當列狀史館以備忠義之傳而先爲是圖徵同
人歌詩以張之故爲粗述其梗槩於左

書靳生事

客言於磊先生曰有靳生者不知何許人客於燕趙間
瘠而善病嘗從人求方藥疾已去游于齊魯數歲而返
則神昏形和志閑體逸無復向之憔悴枯槁矣同輩中
幾不復能識其里人某識之里人者方有疾見之則喜
遂往叩焉拒而弗納他日遭於路揖而問曰子非瘠而
善病者乎曰然某子者不嘗以方藥活子乎曰然然則
曷亦與子復拒之里人曰人不吝子子顧子吝何也乃
謝曰非敢有吝於子恐嗣是而踵子門者且紛紛也以
故予宗族間亦未嘗輕授里人遂去之或謂之曰彼畏

人知子曷自明終不言於人里人曰不然宗族且不愛
何愛於子予疾舍是其無方乎終不復請先生曰里人
可謂能知止矣然猶惜其見之未早耳夫人之相知貴
相知心彼其於宗族間猶不肯一動其心則平日委瑣
纖奢之意必有發據於不自持者不熟審於先而昧然
以請己則不智人又奚尤雖然疾人所時有也使天下
之蕃方者皆拒人求請則生之疾先不克自愈又安能
據以傲人耶方生之疾也其欲得方之心應不異於里
人及其神昏形和志閑體逸而向之憔悴枯槁已忘
之矣明新吾呂氏嘗有言病中之苦惟病者知之他人

不知也亦惟病之時知之過此不知也諒哉客日方必盡人而與乎先生曰是又不然方能已疾亦能益疾苟其平日斤斤自守一切衣服飲食無不留意雖有疾不害投之以方無不立起若夫侈於口體孜孜不足彼且恃方之易得而有濟也益縱心逞志是益其疾也夫予人以方而益其疾則又不若不予之爲愈也嗟乎處今之世益人疾者蓋寡矣至於緘鐫其方而幸人之疾者所在皆是也余於靳生有感焉於是乎書

重修朝陽洞記

朝陽洞者有明大內之巨剎也 國初始界諸苑外其事具載 欽定日下舊聞考百數十年來零落將盡幾無復靈光之巋然矣道光八年有賓上人者卓錫於此慨然念勝跡之將湮誓欲新之經營一紀願未就而示寂聞者惜之其門弟子真公精持戒律能繼師志乃集金鳩工自門而堂而室而廡丹之堊之雕鏤而續畫之以次畢舉然後向以金幢以石爲之梵夾爲之鐘磬彬彬焉百廢俱興而又以其餘資建霧塔以歸師骨其自奉則茹蔬飲水泊如也於戲若上人者志行可謂勤且篤矣雖不克躬其事而百數十年之廢墜一旦而舉雖門弟子之善承師志要其所以付託之者誠得人哉其修建始末真公既自序之余復爲述其梗概如此俾後之遊斯宇者知朝陽洞之得以復見於世自其師弟始上人諱善賓山東惠民縣人其門弟子名理真山東鄆城縣人云

味雪齋文鈔序

筠帆先生既訂其詩後二歲乃甄綜平時之文為甲乙
三編都十有八卷刻成以授形雲命為之序序曰昔者
客言之矣竝大海之濱悅城而立其高數十尺者登州
之蓬萊閣也州人於此候海市焉至則惟見濛濛浩瀚
而已亡何而城郭島嶼樓臺人物紛然雜出於雲煙蒼
鬱風濤盪漚之中蓋一炊許然後復於潏泱浩瀚卒莫
能測其深與其際而退客言如是形雲竊謂為文之道
亦然麗於實不若運於虛實而能虛則耳目凡逝者亦
恢奇侷僂變幻而不可測天下不少城郭島嶼樓臺大
廣纒堂文集全卷 味雪齋文鈔序 五

宅其潏泱而浩漚者形雲又為虛測其深與其際哉

廣纒堂文集全卷 味雪齋文鈔序

六

條約偶存序

條約者何同年程雨琴觀察爲縣令時所養民教民之實政也治民之道教養盡之矣耕桑樹畜養之事也進田野之人訓之以勤作省用如是可謂養乎禮義文章教之事也進學校之人戒之以敦品力學如是可謂教乎夫能耕桑樹畜者無待養者也知禮義文章者無待教者也然則孰宜養孟子曰發政施仁必先窮民而無告者鰥寡孤獨老弱廢疾此誠待養者也孰宜教易曰蒙以養正聖功也侗愿無知力不能學此誠待教者也雖然舉所爲養之教之者必出於官無論力不能及卽

廢縵堂文集

全卷

條約偶存序

七

勢亦不暇古者比相保閭相受族相葬黨相救州相調以民恤民不害民焉此程子收養乞丐之條約所由昉也古者州長黨正族師閭胥皆於正歲月吉屬民讀法考其德行道藝而勸戒之以民化民不强民焉此程子訓俗規條鄉學規條所由作也夫其收養乞丐也使富者參貧而貧者衛富非特清盜源且以察奸究其設立鄉學也損酒食之費爲弦誦之資非但大裁成亦以示節儉誠哉法甚良意甚美也其團練規條何也所以保民安民使之相友相助也民有養矣外寇不可以不謹民有教矣武備不可以不修明號令嫻技藝嚴賞罰是

古者寓兵於農之意也然而山川道里之不知險阻形勢之不審戰則失據守則失宜雖眾奚恃此程子所以既設問以諮其人士而復自爲圖說以詳明之也夫自古盜賊之興固由於饑寒所致然其寡廉鮮恥敢於作亂無以柔服其血氣和順其性情有由來矣平日狃於無事官視已如傳舍民視官如過客上下濶絕了不相親猝然盜發任其攻剽殺掠數千里之間空如無人焉良可憐矣然則保民安民之事尤今時之急務哉程子是編皆嘗見諸施行者其事簡而易能其功大而可久非夫高言眇論空虛無據者可比徐梅樵尙書督川時

廢縵堂文集

全卷

條約偶存序

六

見而善之因哀輯而付諸梓人嗚呼安得世之教養斯民者皆如程子所言焉天下其有鳩乎

滇南 何彤雲 廣卿

周東園嘗言昆明有侯某者妻每有身則某體亦不適其病與孕婦無殊至產後乃已人見其狀知其妻娠矣余按尉遲樞南楚新聞云南方有獠婦生子便起其夫臥牀褥飲食皆如乳婦稍不衛護其孕婦疾皆生焉妻亦無所苦炊爨樵蘇自若也又云越俗其妻或誕子經三日便藻身於溪河返具糜以餉婿婿擁衾抱雛坐於履榻稱為產翁如侯某者可謂孕翁矣

一

按段公路北戶錄載拂林國有羊羔生於土中其臍與地連割之則死惟人著甲走馬擊鼓駭之其羔驚鳴而臍絕便逐草矣以是觀之骨種之說或亦可信

郭延生述證記云城陽縣南堯母慶都墓廟前一池魚頭間有印文謂之印頰魚非告詞者捕不得按此即東坡所謂通印子魚也甲辰乙巳丙午余屢過之未獲一觀抑不知尙產此否也

同年張問川云丁亥間吾鄉楚雄府有金姓者無子僅一女未嫁而卒父母傷之一夕忽見夢曰兒雖死頗知人吉凶但圖兒像懸之兒自能言得錢可奉甘旨也如

其言問者果踵門不絕太守聞之以為妖妄索其像將燬焉父母懼女曰但獻之遂持詣府中具言其故太守呼之而應信其為孝心所致乃舍之後相稍不驗女亦不復言矣

吾鄉大理楊孝廉遊於秦自秦赴禮部試出潼關將宿於某鎮未至十里忽道旁一白髮老人力請至其家孝廉頓前途尙遠天已暝遂許之其御者不欲徐曰官必留此余將車至鎮便秣馬也明晨候官於此孝廉將卸襪被老人曰家自有之不煩客也遂導之前行不數武即至屋三楹雖樸甚修潔已而命其子出拜食上甚清

二

映及就寢視其衾褥頗精雅方五鼓老人及其子已候於榻前孝廉驚起盥漱畢復進早膳食間出白錢三十兩相贈孝廉固辭老人曰僻處蒿萊幸邀君子光區區不腆願無辭孝廉不獲已乃納於懷老人命其子控長耳送至鎮視孝廉既發乃歸至午間小憩具以告御者且出二金子之御者搖首不受問之不言固詰之乃曰但幼聞鄉里父老言過此地倘有人邀致或贈遺不可受他不知也孝廉乃大疑異至都潛以其金施於人既而下第南歸胸上忽起一瘡正當懷銀之處漸潰爛大如盈合眼即見前老人立於側憂懼之甚嘗投疏城隍

以自理尋卽下世後其弟發篋得疏稿或見之乃播於眾

又嘗聞乾隆間吾鄉錢孝廉公車北上行至某處忘其地名偶失道馳三十餘里會日暮遙見有屋舍遂往叩門具言其故門者入告久之一髯丈夫出迎相視各驚駭已而延客登堂視其室甚壯麗須臾食上命酒對酌俄報某至髯者領之俄又報某至髯者復領之食罷送客就西廊宿親視其牀榻徑去終不一言有頃忽聞搬移箱籠聲不絕孝廉益疑懼彷徨終夜雞未鳴卽促客起潛以三百金置於橐戒其下俟客上馬時授之孝廉

廣續堂雜俎 全卷

三

固辭其下曰主人意也公有福昨獲厚利故相贈也然慎勿洩言之於公不利孝廉不敢復拒乃受之旋以巾蒙孝廉面扶之上馬數人自後擁之送至官道珍重而去孝廉如其戒秘之既久始稍稍語於人蓋所遇巨盜也

蜀中聞能劫人得財多則縱使逸去否卽留之要其家取贖者某縣一村婦攜其子歸甯返其弟擔酒脯諸物隨之固將歸獻舅姑者也道中忽爲匪眾所執婦哀乞一見帽頂帽頂者匪之渠魁也眾許之既見拜畢不俟其發問遽曰家止一子常患其不壽思得有福者庇之

今具禮將詣某村與某翁爲子而不自意得至大王所計今有福者孰如大王此天假之緣非分所及也遂目其弟取酒脯諸物跪獻之匪酋喜諛欣然從其請且曰爾子旣爲吾兒不可無所賜乃檢朱提數錠絲帛十餘匹予之婦人拜謝而去其後匪酋自以爲與婦家親也戒其眾勿相犯婦家故富安然無慮並鄰里亦恃爲保障云

癸巳七月滇地震凡三旬始安而廿三日爲甚昆明嵩明諸處傷人及屋宇無算震畢偶一人取釜炊食視之有文如古篆不可辨傳播漸眾各取釜視之悉有文同

廣續堂雜俎 全卷

四

者纔十之三已而徵他處莫不然又徧石上有細紋如針類墨畫亦不知其故先是壬辰歲昆明一帶小兒徧弄雞毛爲戲取雞毛之柔者一莖置掌中拭合熱急以指拈而豎之喝之東則東倒喝之西則西倒復喝曰吹酒則倒向人懷然後去壁數步投之喝曰抱壁卽黏綴其上移時不墜自地震後取試之不驗矣事雖細亦死孽之先見者也

丙午秋督學命下吾鄉至四人之多蓋江蘇則少司徒李公栢堂浙江則少司馬趙公蓉舫山東則家根雲少司馬貴州則家丹谿編修也未幾直隸徐辛菴先生病

以閣部朱公擢堂代之一時稱盛既而栢堂先生卒於江陰根雲丹谿相繼以展去蓋亦極盛之故也

已酉七月初八日晴時大雷雨繼之以雹同鄉有自保定來者休於西便門外樹下顧見東方雲氣滂鬱中羣龍騰竽而上數之凡二十有八鱗爪無不畢見最後乃一白龍甫上而雹隨至

冬夜獨坐一燈熒然聞風撼庭樹颯颯作聲正爾無聊忽不速之客三人來則皆吾鄉同年友也遂促坐圍爐縱談甚命酒共酌燂栗佐之偶言昔歲同鄉諸公會飲以一大事一小物為題成詩二句因舉此會時方改

廢縵堂雜俎

全卷

五

漕糧半由海運試行一年即以此為定而以筋為小題余得一聯云轉輸乍可舒民力長策終須借爾籌眾頗以為切合自然

戊申秋兩湖江浙老蛟肆虐漂溺無算閱十餘日而洪流不退海口水壁立數丈某太守患之欲中以巨礮冀其速流屬下有識者止之曰聞蛟泛之水率過四十日海乃受也太守斥為妄促擊益力一發而水勢轉高再發則波濤掀舞礮礮礮勢欲傾天柱而折地維也駭極乃止徐俟之如期而退

京師琉璃廠列肆如雲骨董居其大半余暇日常遊其

間至一肆所環列皆古銅器薛穿土蝕率少完整錢刀尤夥懸綴纍纍入其肆古色蒼然也主者白髮飄蕭狀甚龍鍾余問亦獲利否曰半歲未售一物矣然則何不改居他貨乃笑曰余業此已數十年苟無知者斯已耳有則余奚患不售余以不能隨俗嗜好故業此同輩中輕之侮之宜也觀子頗似知道者亦何為出此且子能改業乎余聞而內慙他日又至則大宦某輦錢五十萬易其古泉十餘枚主者意快快猶未足某如獲拱璧而歸余乃大歎服噫市井之人亦恥於隨俗若是乎

廢縵堂雜俎

全卷

六

餘里天方辨色偶憩石上對門一相識者之家也忽有黑衣人肩一囊往叩其門意其索負也而訝其過早遂巡問一老翁出應視之則所識者之父亡已數年矣心異之因隱身樹後覘之語喃喃不可辨翁若深拒之者黑衣人忽厲聲曰他即不可新納婦必見與也翁堅不許遂至憤爭門內突出男婦數十人各執器械刀者棒者或持浣衣杵栝火杖者其中少年數輩亦識之皆其亡弟姪也愈駭極屏氣以俟俄而爭前格鬥黑衣人脫身走憤憤而去久之寂然門已啟因入厯言其故舉家惶惑莫測其由後村中病疫其家安然無恙始悟黑衣

人乃冥卒也

吾鄉陸稼堂前輩守太原日聞孟鄉縣有古栢每大風雨必墮錢數枚遣人求之得五錢如榆莢大內外分明篆文隱起仿佛可辨彼地人呼爲搖錢樹

家子貞前輩言浙江學使署中聽事前列植桂花內東邊一株葉葉皆成八卦界畫井井視他樹則無又聞馬介樵前輩云浙江某縣有草其葉作牙牌點三十二色悉備未知牙牌在草之先抑草在牙牌之先何其相肖也余按羅浮有符竹葉間白文盤屈儼如古篆猶未若二物爲尤奇云

麋縷堂雜俎

全卷

七

稼堂前輩又云山西某縣河中出石魚頭尾鱗鬚無不備肖有紅白黑三種取置盆水中宛然游泳以此推之又何疑於石燕之飛乎

子貞前輩嘗得張牟子香海所贈山東文登石數枚大如錢其上或成花木鳥獸之形最奇者一一白鶴丹頂悉具一牧童跨牛上鞭絲揚起畫所不到歎爲奇絕此石四川敘永廳河中亦有之視此爲大吾鄉錢勸生明府在蜀時得二枚一柳下有小亭陂陀蒹葭宛然秋景一藻荇參差有雙鯉作噴沫狀錢至今寶之其石有膜厚二三分以鐵椎徐徐擊去之則瑩潔如玉花文并露

矣

乙巳冬永昌府漢人與回民因小忿相爭已而尋釁不已糾結黨與殺掠無休日順甯蒙化一帶蹂躪尤甚大府徵兵往勦凡三歲始平先是壬寅秋昆明劉公夔其兄招之日頃造册子事甚繁須弟往分任之期以明年二月當遣人相迎也問何册不答但云人甚多其兄亡已數年矣劉驚而寤徧告同人如期果卒至冬而永昌之難作乃知册子蓋緣此而造是役也漢回相殺傷不下十萬人殆亦數之前定而不能逃歟

家少麋太史甲午冬北上時行次四方鋪夜深求店不

麋縷堂雜俎

全卷

八

得有傳舍向無人宿不得已止焉入門蓬蒿滿徑蕭然如古寺一龍鍾老卒執燭前導將至上房過穿堂聞上房門格格有聲心動遂舍於穿堂側老卒置燭而去再呼之不應矣獨坐無聊偶憶與內有書一卷強取觀之心搖搖如懸旌也遂拋卷當戶而坐注目間見一緋衣女子前有雙鬟秉紅燈而行入上房中久之復出雙鬟導之而去心疑村野安得此華裝必鬼狐也正惶懼聞叩門聲甚急老卒啟關入之則漢中驛使疲於津梁假此暫憩不暇一言伏枕已寐矣念得此稍得益瞻延至天明徧索前後杳然無迹詢之老卒村中亦無此文

云

吾鄉僉請人司馬自浙江入都會試時道出山更登車見御者一手五指悉無異而問之初不言徐曰此手所以成吾爲好人也詢其故曰吾幼從兩兄爲綠林豪客頗著名於時偶道中見蓬車三輛其第三車載金玉尤多車中坐一女子甚美伺之數日至一山下天未曉長兄持刀先登女子車忽見有光若電然寂不聞聲次兄繼往亦如之吾心頗疑駭徐往覘之甫欲登車光忽發吾亟以手相格旋覺如睡飄飄然不知身之在何處也良久始蘇視五指已斷所立地去劫所幾二百里亦不虞縵堂雜俎全卷九

知兩兄如何乃悟蓋劍俠也是以痛懲前失不敢復爲無賴賊然從未向人語及觀公長者故傾吐不諱云鬼之弄人往往頭痛作惡至於生人夢寐相接似無關涉然亦有當之者儼然病癘同鄉倪海槎農部嘗爲余言昔寓京師鄰有某生者嘗悅一女故其中表也女家去生居不數武生一日假寐中見女隱身扉際出半面相視生直前調之女遽反走遂驚而寤日未午也偶以事經其門聞內有禁咒聲詢之家人云女適立門內言有冷風拂面遂覺頭痛今爲禳除也生笑言頃與女相遇而隱其諧戲之情女在牀聞之霍然而起

癸卯申辰間楚粵奸民盛立青蓮教吾鄉宜良縣有夏生至溫者素行不謹被黜後遁跡沅湘間得其術歸儻居昆明城內頗思收召徒黨欲傳其教者先索贖金至一鎰以上乃得與其術置水一盂俾之浴面卽閉目坐良久啟視則坐人皆金身甚偉乃徐謂曰從吾教他生皆貴極語甚悖誕惑者漸眾然以多贖貧家每不能辦而止從之者男女卒數百人悉詢其棲止及家口籍而藏之已而取其徒某之女謂數合爲妻城西某甲饒於資有樓五楹頗寬敞且稍僻徒眾月爲會於此凡九日晝聚講樓下夜則就此止宿則大被褥寬長徑樓男女

虞縵堂雜俎全卷十

各卧其半約定寢後傳女子法既遍則中夜而坐縱使相亂久恐事泄被誅乃給其眾曰自古爲聖神享廟食者皆借忍耐能然則來世之貴益無疑會楚粵移檄窮搜黨與當事者遣人索捕之已亡矣於是悉收城內外持齋者置諸獄獄不能容後得其籍乃釋諸無名者而窮治其黨人眾不能悉治縣尹乃煮牛犬羊令食者卽不問其不食者十餘人杖而遣戍之大吏患渠魁未除以二千金購之訖無獲同年何願船始生之時尊父先生夢中見黃榜有願船名領袖者爲蕭姓厥後自補弟子員至禮部試悉無蕭

往者頗疑不應而願船捷南宮後適病瘍不能應殿試
次年乙巳始補試之則第一人爲蕭史樓錦忠乃歎數
由前定果不爽也仲默說諸試所用榜紙皆白獨殿試
用黃

粵東某嘗獨行遇雨持繖而行緩步間聞後有蹠踏之
聲回顧見羣牛洶洶逐已將近懼棄繖奔避牛卽羣觸
其繖碎之其人不解何故識者曰牛惡繖見則必觸棄
之卽不復追持繖行者宜慎之或曰虎亦如是

虎食人其鬼爲俚後凡食人俚先爲迷瞽之人卽解衣
以待然俚嗜螺螄肉入山者攜之以行遇俚則沿途棄
歷纒堂雜俎全卷
三

之俚得食不暇計虎矣
丁亥歲滇省有張大鵬者匿跡城西之花紅洞倩石工
某爲刻巨印文曰受天之命意將假此惑眾潛謀不軌
後以償石工直少石工銜之因念事敗將累己遂陰告
附近塾師李名宗唐者李密陳開府阮公其事卽掩獲
誅之而上其事於朝上嘉之賜李孝廉或曰大鵬蜀人
或曰楚人也蓋行蹤詭秘莫能詳其來歷云

兩粵溪洞多產猩猩取者於其經游處置酒與蜜伺之
猩猩見必相戒勿食盤旋既久不能忍則爭相飲噉人
不卽往逐密以礮驚之猩猩髮固長常覆面聞聲急欲

奉視而密汁粘漬已則弁膠其目人乃徐往縛之無一
脫者較以履致猶便也

甲辰歲三月四川安岳縣圓壩場某甲性很戾不孝與
母析居母老貧不能自存其婦賢每潛以米鹽遺姑甲
知之禁勿與一日母矐子他出至家泣謂婦曰斷炊數
日矣婦亦泣進飯已急命其子囊錢送之返道與子猝
遇見其子挈物隨母篋之奪而歸並撻其婦比晚婦不
敢歸房而宿於他處明日晨炊熟遣其子呼之再四不
應日向午矣婦不得已排闥入視其夫卧於牀下項已
無首尋之不得駭甚已而鄰人聚觀咸疑其婦致之正

歷纒堂雜俎全卷

三

紛議間忽聞村外數里大澤中有老婦尸浮出左手持
一男子首口猶銜其乳羣走視之婦尸乃甲母所持甲
首也蓋母旣爲子奪其錢心念歸亦餓死故自投澤中
也於是婦冤乃白吾鄉昆明錢勸生時宰此親往驗之
云

打箭爐爲四川西藏分界之地未至百餘里有爐定橋
以鐵組成之長四十餘丈濶一丈覆以木板冬月風高
則去之於上流數里水曲處置船渡焉相傳鐵紐或斷
藏內必有蠢動者屢驗不爽

余在京師每冬日晨起視窗間玻璃上必有薄冰一層

然在裏面嘗不解其故詢之於人或曰室中有爐火故也蓋寒氣爲火氣所迫遇紙則理疏故得出玻璃則理密不能出遂凝而成冰又云夏月以冰置瓷銅諸器器之外恆有水泔泔不止移之木器則否人遂以爲冰能透瓷銅而不能透木非也蓋陰寒之氣爲炎歆所迫冰所在將歸之遇木則理疏而易入瓷銅則理密不能入故化而爲水今試取冰置瓷器中衡其輕重俟冰既解水亦流漬滿注復衡之輕重豈少減乎是二說也余頗信之譬之呵氣以紙承之則穿過無形以堅緻之物承之則戾露也

履綬堂雜俎

全卷

三

家少慶前輩戊申夏自常德買舟入都過洞庭舟人云癸卯歲有湖北商人某自鎮遠索負歸囊有三千金貨余舟將返偶一客至求附載聽其語鄉音也某喜留之同宿忽一貧者踵至亦求附余弗許某哀而納之命止於艙外而日與客飲酒艙中笑語甚歡貧者若不聞舟至洞庭私謂余曰客將不利於商人余斥爲妄曰明夕闔窗時可留一罇往窺之自見矣如其言見客手一椀水咒之某自解衣跪客前駭甚告之曰水縮乎余曰幾半矣曰試更往窺之則水滿如故客忽大呼曰誰破吾法貧者不應而戒余曰彼術敗將圖我雖然無能爲也

當與爾輩共除之然勿妄動俟吾投之地乃急擊無失余遂集眾工伏艙下俟之客怒呼益亟貧者乃應之曰諾聲未畢聞風聲颯然排闥出矣貧者已聳身檣杪客隨之旋見火光轟爍客號而墜遂羣出擊之立斃投尸於湖視某猶跪不起叱之良久乃蘇余語其故某遽拜之願以千金謝貧者笑曰此賊大很吾不能平憐君故相救耳卒不受徐語余曰彼三年後將於此復仇也乃朱書一符置舟中曰往來可無患也余問客咒水之術曰水盡某之骨銷矣終不言其故遂呼小舟載之而去不知所往

履綬堂雜俎

全卷

四

周東園云吾鄉車里土司其部長有名照齋翁者領紫數十有藥食之刀劍不能傷又傳有術能避槍礮其法取石一枚如錢大絡以金絲略似符狀次銀次銅次五色線隨軍卒執事之貴賤分佩之臨陣或有死者則曰彼心邪故也藥劍試之有驗

蔡條鐵圍山叢談載唐人說江東不識橐駝呼爲廬山精况今南粵宜未嘗過五嶺也頃因雲擾後有北客驅一橐駝來吾時在博白博白人大小爲鼓舞爭欲一識客輒闔戶障蔽勾取數十金乃許一入遍歷海濱諸郡藉此致富矣吾鄉南掌入貢偶自都城購一頭歸致諸

五華山下遠近士女聚觀日以萬計至冬貢使攜之返國乃罷如以射利當亦可致富也

太谷縣城東十五里葛蘭村某氏庭有牡丹一本高幾二丈大徑三尺數百年物也花爛漫如錦有一枝而朵分數色者有一朵而瓣分數色者最爲奇異居此者多不利今已數易主矣

介休縣城北數十里綿山介子推墓在焉其上有牡丹一株護以齒蘭花開無定色開黃色縣人捷進士開黑者境必出人命以花之多少爲驗無或爽

鄰部某歸甯日偶中途遇老姥求載婦憫其勞許之既

歷編室雜俎全卷

五

登車相語甚歡須臾辭去回顧卽去婦微覺腹痛呼弟展襪偃卧車中及門呼之不應啟視則上體已變爲豕惟兩足猶人與語懵然遂自奔入牢食羣豕之餘舉室惶駭舅家亦不甚遠亟召至謀共斃之其母卒不忍遂密葬之不使人知也

吾鄉昆明某孝子母病將不起偶思猪肝爲炙某念不如割己肝冀得疾愈而不知所在忽覺有絳衣老人指示其處遂剗腹出少許煎而進之母疾遂瘥創亦旋合初無所苦有司以其愚孝不在旌典但褒之以額

吾鄉臨安土司凡七而普姓尤大其先祖某身後僅一

子未幾卒婦孀居歲餘忽有青衣人與之寢處婦懼白姑姑知爲妖也乃以針貫五色絲授之戒曰俟其將去密紉之裾婦如命次日尋至一大石前宛然在焉石下有洞其深莫測青衣人遂絕婦已孕至期生子宗祀復續其後人奉石爲將軍每祀家人咸往縛生羊一并燒鐵一片祀畢解縛羊自投入洞鐵則藉以木葉主祀者捧而致諸石下手亦不傷問其故亦不知也但奉行不替云

周東園云丙戌丁亥間偶一婦人至昆明能言人吉凶其聲一在口一在腹相爲問答在腹者聽之如嬰兒語

歷編室雜俎全卷

六

朗朗可辨或疑潛懷異物探之實無古稱絳樹歌能作雙聲一聲出鼻中未爲奇也

吾鄉南城城垣上舊有鐘鼓樓二甚宏鉅後鼓樓燬於火議建之須柱材三十六而缺其一久求不得或言於倪方行先生云嵩明州松花曠有大木頗稱是然有神憑之或夜見紅燈無數懸綴樹杪以是故歷久不見伐先生以謂用爲棟梁材之幸也雖神何尤卽往購之多揮數金乃命工人伐焉木至果中度樓成於己已是歲以覃恩復開春闈而昆明獲雋七人前所未有也此柱後爲雷震者三幸不傷及伊莘農制府督滇時題爲

啟文樓云

吾鄉城西里許有毒龍潭能祟人一營卒嘗往釣焉得魚狀如鱧比至家索之已亡矣乃悟必毒龍也他日往釣復得之遂不除鉤攜歸並答箸投沸湯中須臾視之答箸已不能容遂剖出食之其夕忽七竅出血鬚髮盡白遍體皮悉脫去月餘始生自是而龍潭之祟絕

昆明城內圓通山前後一帶每十數年間輒有蚊蝶數萬飛集樹間大小聯綴五色迷目宛然摛錦布繡也每來必數月乃去觀者如堵了不畏人試驚之散而復聚或以爲瑞焉偶閱段公路北戶錄云公路南行歷懸藤

廣纒堂雜俎 全卷

七

峽維舟飲水觀巖側有一木五彩初謂丹青之樹因命僮僕采之頃獲一校尙綴軟蝶凡二十餘箇有翠紺縷者金眼者丁香眼者紫斑眼者黑花者黃白者緋脉者大如蝴蝶者小如榆莢者因登岸視乃知木葉化焉是知蝶生江南柑橘樹蠹變爲蚊蝶鳥足之葉爲蝴蝶皆造化殆然非虛語也愚按淮南子載朽麥化蝶妝樓記載壞裙化蝶又唐宮有金錢化蝶事則知可化者多不獨此二物也公路所見必木葉甫化尙綴於樹也若吾鄉見者則皆他處飛至不由樹生來夫無常未測果何化也

有賈於緬者歸述於余言緬酋所居之地環城爲濠引水注之中畜異物無數形質全似蜥蜴而大如羊緬人謂之螭虎有守者日飼以食凡罪人當死者投諸濠中羣食之立盡其濠下與大河通或有逸出守者知之卽以長繩繫木瓢置燈其中順流浮之視瓢止處致之以歸又言緬地戒殺甚嚴凡牛羊諸畜必死乃食喜造浮圖高不過丈餘富者塗金貧者以赤銅代之惟以土築成不耐久遠數年卽圯云

直隸白某富於財妻亡娶一妾某下世後妾房闈不謹其子鄙之相待頗薄妾患詐爲其子繼母走訴於府府

廣纒堂雜俎 全卷

六

不爲理遂寤其時賂御史烏某復與之亂某遽爲奏之事下比部盡得其情御史落職妾沒入官時有無名子一聯云不爲白也母誰知烏之雌聞者莫不絕倒
昆明楊小汀浦嘗爲余言己亥秋闈前數月夢至試院
緋衣人導至公堂後開篋出一卷相授視之則己名也首題爲質直而好義文中著圈處甚多而兩起比尤甚欲更視其後緋衣人卽掣去遂驚寤默識之潛擬一藝及入場首題如所夢喜極以前文不甚愜心棄之復作三藝成矣將書之于卷忽腹脹如廁磴磣久之斗憶夢中兩起比尤爲主司所賞而所作猶未稱遂易之

甲午孝廉

所貴乎神仙者謂其能飛騰變化超出塵垢也然亦有
時混入塵垢以欺人耳目知者觀之知其爲偶然也愚
者不知財專於此中求之陋矣昔桓君山與郎冷喜出
見一老翁拾食糞土頭面垢醜不可忍視喜曰安知非

廣緜堂雜俎

全卷

三